

四庫未收書輯刊編纂委員會編

四庫未收書輯刊


北京出版社

玖輯·貳拾肆冊

四庫未收書輯刊

四庫未收書輯刊編纂委員會編

北京出版社



玖輯・貳拾肆冊目錄

四知堂文集三十六卷首一卷崇祀錄一卷〔清〕楊錫紱撰

一

玉山詩鈔四卷文鈔四卷附刻一卷〔清〕項樟撰

六三三

〔清〕楊錫紱撰

四知堂文集三十六卷
首一卷崇祀錄一卷

清嘉慶十一年楊有涵等刻本

御製詩

乾隆二十七年壬午仲春

賜漕運總督楊錫紱

轉漕由來大政關得人久任謂卿閑四星儲蓄天容
與千里北南歲往還革弊深應體民隱董媮兼欲恤
丁艱奉公盡職誠斯在扈蹕儀文儘可刪

乾隆三十年乙酉春日

賜漕運總督楊錫紱

內供卿貳外封疆司運今番政最良不必精嚴事皆
就善於驅使眾胥襄卽今水次排南舸弗悞秋來到

御製詩

北倉更議僉丁蠲積習不徇流俗審應臧

御製祭文

皇帝諭祭於原任漕運總督楊錫紱之靈曰制函承
寵爰資舟楫之功彝典酬庸聿煥絲綸之色惟
令問堪垂於簡冊斯隆恩下逮於几筵爾楊錫
紱宣力夙聞奉公罔懈早備鶴廳之選更聯豹
直之班敷歷中外者有年用佐禮刑而無忝洎
領柏臺之總奕奕戎冠迨持藻鑿之平菟兢聽
履惟漕節寄輓輸之任俾廷臣綜轉運之司清
操可風簡稽弗爽成勞具在溢逝忽聞考舊典
以彰勤賁餘榮而致莫嗚呼抒忱粟難忘掌

御製祭文

庚之勛頒惠加遽式著飛芻之績靈而不昧庶
克歆承

乾隆三十四年十二月初一日

御製碑文

朕惟服勞資篤業飾終之典宜隆示後永休聞壹惠
之文特重惟成績可垂於琬琰斯榮名式煥以絲綸
爾原任漕運總督楊錫紱敷歷有年奉公匪懈分香
雞舌早登司列之班簪筆螭頭夙著光朝之譽控嶺
扼崗之會曾建旌牙襟湘帶沅之區重開榮戟貳卿
清職典守乎嘉禮祥刑肅政崇階管礪乎中銓左選
以台斗而總節麾之任保障是膺惟東南實為財賦
之都輸將攸賴何期溘逝彌切軫懷考憲易名諡之
勤慤嗚呼指順帆於千里尙念江淮轉運之功表豐

御製碑文

碣於九原聿彰夙夜靖共之誼載輝重兆俾荷隆施

乾隆三十四年三月初三日

誥授光祿大夫 太子太保兵部尙書兼都察院右

都御史總督淮揚等處地方提督漕運海防軍

務兼理糧餉諡勤慤楊公家傳

公諱錫紱字方來號蘭畹江西清江人父英玉

以名諸生授經講學鄉里宗師之公自幼穎異

為文灑灑數千言稍長究心於濂洛關閩之書

內行篤修求自慊而後已雍正五年成進士初

仕為吏部考功司主事明習條例老吏不能欺

高安朱相國攝部事最器公十年由御史出為

廣東肇羅道端已率屬一切餽遺請託皆不行

家傳

肇境田瀕海者多藉園基為外衛公每歲親往

相視修築完固終其任無水患乾隆元年署廣

西布政使條奏數事其二事言革職佐雜官宜

免追編俸州縣官不得以土產獻上官五年土

苗吳金銀等作亂公與巡撫討平之明年九月

授廣西巡撫貴州土苗石金元燒承從縣治公

發兵合剿平其穴擒石金元既遷江土苗數百

謀犯思恩府城公發兵往捕獲賊首李彩及其

黨八十餘人行保甲法恤苗民之乏食俾得耕

作民賴以安屬吏或以人參饋者諱其名曰長

生菓公怒却之以入告

上曰是不愧四知者矣八年入爲禮部侍郎明年補湖南巡撫公以各省水利日廢愚民不知遠計數畝之塘往往加土爲田一遇旱乾都成棄壤有司惟計田糧較重以改則陞科爲勸墾之功所謂貪近利而忘遠害者也請勅各省督撫凡有陂塘處所嚴禁改墾

上詔行之時湖南每歲採木有司至苗地凡所有木悉籍記之又賤買商木運至江南輒賣其贏餘公奏請自後商木憑牙行採買不得官爲交易

家傳

二

其在苗地者州縣官爲審問聽苗民有願賣者乃買之運過辰關按驗乃行著爲例十四年丁父憂歸十六年起爲刑部侍郎仍出撫湖南明年丁母憂歸十九年冬起爲左都御史凡所奏對侃侃持六體明年正月署吏部尙書二十一年出署湖南巡撫五月補禮部尙書其年冬出爲山東巡撫時二十一州縣被水公奏請蠲貸有差糶常平米減價三分之一以魚臺土城低窪請移置高處絕後患明年授漕運總督在任十二年每與河臣協謀河務以時蓄洩俾漕運

通達

上常嘉獎焉時旗丁多疲困公加意撫恤運官不敢有私求旗丁感公德建生祠於河上公性淡泊平居未嘗不讀書奏疏詳盡事理每下部多如說施行所著書有四禮從宜節婦傳漕運全書及詩文集行於世三十三年冬薨於位年六十有八

賜諡勤愨予祭葬皆如禮

贊曰近世名臣推朱文端楊文定蔡文勤是三公者負正直之操屹然爲當世望若楊公者其

家傳

三

三公之亞歟既已遭逢聖主敷歷內外而天不永其年卒未竟其用有心者當爲國惜爲民悲而公則可無憾矣余與公爲同年友稔知公故爲之傳

賜進士及第 誥授光祿大夫 經筵講官 內廷供奉兵部尙書都察院左都御史年眷弟長洲彭啟豐拜撰

皇清誥授光祿大夫 太子太保兵部尚書兼都察

院右都御史總督淮揚等處地方提督漕運海

防軍務兼理糧餉楊勤愨公墓誌銘

維乾隆三十三年歲在戊子十二月初一日清

江 官保漕督楊勤愨公薨於位越旬餘遺疏

至京

天子為之震悼

賜祭葬如禮

特命予諡凡飾終之典備具在朝之臣罔不嗟嘆余

方以母憂在苦肉之中惘惘累日哭於寢門明

墓誌銘

年冬十一月公子有涵以書來乞銘嗚呼余追

隨公後者屢矣在吏部為同官暨公出任漕督

余先後攝倉場篆於公相表裏公之言論風采

余親炙最久公之政事皆余所心儀而目覩者

也余曷敢以不文辭公諱錫紱字芳來一字蘭

畹世居清江之上湖里其始遷祖宏中公在南

宋尤著當時號為六君子者也自是厥後代有

聞人至贈公涓村先生復以理學顯公其仲子

也公為諸生時即知名雍正甲辰舉於鄉丁未

成進士分部得吏部考功司由郎中擢貴州道

監察御史外補廣東肇羅道乾隆丙辰

上即位由巡道

特署廣西布政使未幾實授此公受知之始異數也

辛酉

命署廣西巡撫旋實授蓋自是將大用公矣嗣 內

召佐宗伯甫一歲奉

命巡撫湖南以外艱歸旋

命佐司寇未至京復出撫湖南以張太夫人憂守制

回籍服屆滿復奉

命仍撫湖南旋以左都御史 召繼奉

墓誌銘

旨署吏部尚書至乙亥二月湖南巡撫缺人

上以公在楚湘年久仍

命往署五月授禮部尚書十一月又奉

命署山東巡撫丁丑正月以兵部尚書總督漕運公

所至多異政粵西與安南接壤苗民錯處公嚴

立禁防而除去煩苛安靜無擾湖南素稱好訟

公分別良莠示以科條期年而民俗一變三莅

其地父老咸歡迎如慈父母焉至其為漕督也

所釐剔尤多

上亦信之專而任之久糧艘積弊為之一清運丁之

瘠疲者咸有起色奸胥猾吏向盤踞其中者均
惴惴不敢名一錢前此數十年所未有也公捐
館後繼公任者

上皆以一遵公約束爲

訓所撰漕運全書今署漕督雲門黃公遂表上之垂

爲令嗚呼公之心力亦瘁於此書矣公遭際

聖明所敷奏率皆切於世務多見諸施行又公以部

曹起家屢典文事所取多得人

御製宸章屢邀

特賜豐貂內紵之

墓誌銘

三

錫賚殆無虛歲兩晉 官銜至太子太保始終

恩禮優渥再三公之遇合可謂榮矣而公之忠誠事

主慈惠臨民識與不識皆能言之公其可謂不負所

學矣至於居家孝友敦宗睦族推食解衣在他

人有其一節卽詫爲美談者在公特爲餘事又

公於經濟爲長然詩古文亦多出入唐宋大家

不苟爲命筆所著有四禮從宜四知堂詩古文

明志居時藝唐風蟋蟀官箴說籌運草春草吟

落葉詩皆可出而問世公之歿距生於康熙四

十年十月初一日得年六十有八以乾隆三十

四年十二月十二日葬於日中山祖塋之傍子

六人長有濟辛酉舉人先歿次有涵壬申進士

戶部陝西司郎中次有濬候選州同次有澳丙

子舉人浙江清泉場大使次有洵幼彊次有泰

候選鹽大使孫九人長懋學承重次懋璟懋珩

懋瑄懋玖懋怡懋瑗懋瓌懋恬孫女十一人曾

孫二人熙芹熙績曾孫女四人銘回

山川間氣篤生偉人用資康濟生爲名臣全受

全歸沒爲明神是謂不朽垂千萬春白石齒齒

清流鄰鄰我公如在巍然冠紳慈慈鬱鬱維江

墓誌銘

四

之濱山長水遠視此貞珉

賜進士出身 誥授光祿大夫 經筵講官刑部尙

書 內廷行走年家眷同學弟裘曰修拜撰

凡例

先大夫起家郎署遭逢

聖明未及十年由監司

特擢粵藩旋晉巡撫入長卿貳出任封疆中間三莅

湖湘久司漕運敬歷內外垂四十年荷

兩朝特達之知矢一念不欺之隱持躬清白率屬嚴明

凡民生休戚吏治清濁士習隆汙漕河利弊軍

政得失邊境防維知無不言行無不力每有陳

奏多荷

優容迨於晚年尤蒙

四知堂文集

凡例

異數封章朝上夕輒報

可部議所格

明旨特俞雖先臣忠誠自矢公爾忘私而

皇上聖德如天求治若渴故每

洞燭無遺成全逾格生加顯秩歿荷易名迄今任漕

督者

聖諭所及每以取法先臣爲

訓自古知臣莫若君既深信於生前復

垂念於身後此誠千載不易觀之

殊遇也謹就生平奏疏按年編集都爲十六卷以紀

國恩間有條陳數事雖荷

允行中有一二部議未准者未敢節刪悉仍舊稿以

昭慎重云

先大夫歷官中外由監司至督撫一切咨議條

教從不假手幕賓事無鉅細必廣詢博訪詳求

得失然後見諸施行宦轍所歷往往上下交孚

誠意周浹政無不舉晚任漕督值諸事凋敝於

是極意釐剔力挽頽風凡所規畫動關遠計故

十二年中弊絕風清綱舉目張官無訛法之虞

丁有挾續之樂今取其文詞讀之舉措之問具

四知堂文集

凡例

有深意語誠所及載以真誠信有可經世垂法

者初不關文字淺深也集咨稟詳議牌檄示凡

三卷

先大夫自少潛心濂洛關閩之學不專詞章通

籍後一以致君澤民爲事然未嘗一日不讀書

政事餘暇輒手一編至老不倦生平雅意興教

育才植綱扶紀故發爲文章每關名教茲所存

者半手自編定間有搜訪所得確而可信者並

附入焉集記序三卷

尺牘之作昔人或專刻大都矜尙藻麗耳先

大夫一生接物以誠待人以恕不矜才不使氣
往來簡札必自起草或多手書大則

國計民生細亦關學問品概而於漕河尤洞悉原
委致同官書委曲詳盡殷殷忠告不以侵官爲
嫌常言苟利

國家任事不妨勇敢平生著述於斯三致意焉匪
獨誼協寅恭實緣忠愛之忱蘊結者素也集書
簡三卷

文章之作體裁不一記序書札而外爲誌爲傳
爲述爲文爲說爲賦爲書後爲訓誡著不一體
四知堂文集 凡例 三

體不數作非有關於綱常風化卽有裨於人品
心術非苟作也茲所裒輯或以述祖德或以揚
徽烈或以垂典訓或以寓箴規學務躬行言皆
心得至於雕蟲篆刻之作風雲月露之詞先人
存稿所不概見集誌傳行述雜文凡三卷

先大夫公退之暇雅好吟詠中年之詩半燬於
火自任漕督以來頻年轉運牛歲浮家體

國餘閒不廢游藝於是河朔之通塞牖壩之節宣
丁旗之疲乏民生之疾苦水泉之贏縮道路之
遠邇以及時序之變遷草木之榮落耳目所接

興會所觸一寓諸詩篇什旣多寄託亦遠於漕
河得失蓋若可燭照而數計焉非僅紀歲時抒
懷抱已也集焚餘草督運草籌運草巡營草運
餘草爲詩凡八卷

先大夫明達治體而不尙近功湛深經術而恥
鶩虛名所著漕運則例彙纂四禮從宜節婦傳
諸書或明體達用事可遵行或發潛闡幽意存
激勸皆常板行問世而漕政一書宛平黃雲門
先生常以上

聞垂爲令甲節婦傳亦采入史館蒙著錄焉四禮從
四知堂文集 凡例 四

宜則板存長沙今皆別行故不復纂入詩文內
如官箴說籌運草春草吟落葉詩皆常從饒霽
南金紫峯兩太史之請先後付梓雖行世已久
第其書卷帙參差易致散失今並依類編入庶
便觀覽焉

先大夫清德重望久爲海內所推通門舊交每
以未見全集爲憾涵才識庸下於先人無能爲
役兼效職邊陲歷鹿無暇近以衰疾仰荷
聖恩退歸田里乃獲率諸子姪詳加校讐編爲三十
六卷付諸剞劂卷首恭錄兩次

御賜宸章及

御製碑文祭文所以紀

君恩詔後嗣俾世世子孫無忘報稱云

不肖男有涵謹識

有澹同編次

孫男懋學懋璟懋珩

懋琮懋瑄懋玖

懋恬懋宣校字

曾孫熙芹熙華熙

芳

四知堂文集

凡例

五

族孫熙黎同校刊

乙照齋刊

皇清太子保
兵部尚書
總督
漕運
謚勤
懋楊
公諱
錫紱
遺像



經筵講官文淵閣直閣事禮部尚書加三級受業紀昀填諱

遺像題辭

一

宮保尚書勤懋楊公遺

像題辭

江右推明德朝端倚重臣

行臺崇節鉞轉運著經綸

潔並闡西操仁敷淮浦春

天卿公望峻星殞泣儒紳

學脉宗濂洛謨明緬禹

臯崇儀希上德朗鑒析秋

毫情性和而介功施懋且

勞遺編闡芳烈餘事薄風

遺像題辭

二

騷 河畔千艘接風帆兩

月程桃花春浪穩柳葉曉

堤平挾纒均膏澤鳴銑轉

旆旌金甌應待卜輿頌到

神京 憂國鬢成絲洪河

去浪遲封章頻入告謹論

慰

疇咨臣節常持重天心不

慙遺魂兮應廟食風雨護

靈旗 同譜凋零盡晨星

遺像題辭

三

天上懸三秋分素袂一夕忽

黃泉謬、慙同列温、亾古

賢文孫能紹述題像淚潛

然

年弟彭啓豐



挺生噴括際時

雍一出羣驚翼

野空澹尔清醇

遺像題辭

四

儒者象超然凝

遠大臣風致身

自合雲霄上託

興何妨叩壑中

即看庭階多

秀色紫萼紛茁

遺像題辭

五

蕙蘭叢再莅

長沙治績優十

年淮浦更深籌

理財真並晏琦

羨論世還殷禹

稷憂每到南池

遺像題辭

六

懷獨往記登北

固快同遊乘風

此日歸何處佺

羨相携碧海

頭

拙脩侍嵇璜拜題

遺像題辭

七



山立春風坐推衣
年清高真宛在俯仰
故寬然面不隨人改
神因得氣全桐陰上
華月心事耿孤懸

遺像題辭

八

公輔平生器銓曹
仕初更生編列女遷
史志河渠正直非談道
經綸始著書謁公從
柏府儔雅尚魚

眷舊董思德名臣
睿懷萬持頻魚楚
漕轉久留淮丁以屯田
飽家無納賦差河干
遺愛在畫像驛前

遺像題辭

九

排憶我登龍日深
國士知少年嘉有
氣末學許工詞不入
門人錄猶存紀事
詩究無成就在流

媿入霜鬢

同里後學壹之瑞

好題

丙

瑞

遺像題辭

十

楊勤慤公四知堂文集序

顯功峻業得志於時者優為之
惟純心毅力振敝匡時者窺其
中而淵然視其外而凝然施之
民者不煩苛而政舉焉發於文
者一啓口而道存焉匪求名世而

序

一

上得乎君下宜於民踵其後者
竟其所為退思焉而常如弗逮
是誠間氣所鍾傑然命世如余
鄉先輩楊勤慤公者沒世後
令人一追慕焉而肅然起敬續
四知堂集穆然如見其人與其

政與事也四知云者勤懇公自
名其堂者也有人有是事則有是
言揭四知以自凜懸之廣庭其
心之瑩然而淨者可知若其品
概則早達時已先定之也蓋公
以雍正丁未進士供職郎曹初

序

二

經
陞對即蒙

世宗特降藻鑑以封疆大任期
之迨其後遷臺垣歷司道進屏
藩三撫湖湘凡所釐剔形之章
奏者忠懇

嘉興晚任總漕維丁籌運除弊
甦艱無一不本其純心出以毅
力任益專

眷益篤措置益有倫而有要細
繹大集於奏疏見政治之樞要
於咨檄見誥誡之肫誠於書啓

序

三

簡牘見咨度之周詳而與人之
諄懇即流露於筆墨之中至
於傳記集序文也而敷詞衍義
動闕名教盡膚語為聲韻篇
什祠也而耳目所經與會所觸
靡不寄托遙深不侈風月為

集如其文也即其政與事也
夫文章之興功業殊途而同
歸者也不學問安有經濟無
經濟所為文亦浮廓而不實
惟公之學問於經濟見之公
之經濟即文章而愈著其心
序 四

純其力毅得之天賦者實皆源
之學問區功業未足擬其高深
傑然名世所由然歟余以鄉望
後進與仲子養齋內外舟契
垂二十年景行前哲異於公
之飭躬制行立政匡時者步

趨焉而彷彿其萬一而仰瞻堂
室取徑為遙展讀斯集益覺
聖道而未之見而望之為侈其
詞說書其簡端者以見余之
企慕前賢肅然起敬之心對
翰藻而倍深仰止也敢言序
序 五

裁

嘉慶二年歲在丁巳仲夏月
誥授資政大夫吏部左侍郎加
三級南豐後學譚尚忠頓首拜
撰



讀四知堂文集序

有文三十六卷卷分

奏疏咨稟詳議牌檄示記序書
簡誌傳行述雜著焚餘督運籌
運巡營運餘各草詩題曰四知
堂文集蓋前雲南鹽法道清江

楊養齋先生

予告歸田與叔弟睿齋大夫從
子懋學懋璟懋珩懋瓌懋瑄懋
玖懋恬子懋宣孫熙芹熙華輩
為其 先太保兵部尚書漕運
總督勤慤公編遺校梓者也卷

首則恭刊乾隆壬午乙酉

御賜宸章及己丑

御賜碑文祭文既成懋玖郵書
屬序子音於雲南而未讀文集
也時平彝征苗凱旋 奏留善
後尋丁母憂廬居昆明服禫矣

歲前予寧歸艤舟江上臨況四
知堂而養齋先生已作古人矣
子音不及見公廁先生門下吏
於諸孫年家世好皆篤故心公
行有年今得拜公於祠受文集
而讀之大約得力於經所謂平

天下治國齊家修身正心誠意
致知格物之本者洋洋乎名臣
理學鄉賢如在矣公本躬行獲
上有道

榮於生前

名於沒世者大矣遠矣而豈惟

三

文哉初雍正丁未成進士歷官
中外垂四十年其由道

特擢廣西布政使實始乾隆丙
辰前後廣西山東巡撫三撫湖
南入為刑部侍郎左都御史吏
部禮部尚書終十二年總漕運

位日益尊任日益重求所以久
安長治至今著為法度者公之
心力瘁矣雖欲求多於文抑亦
有所不暇也今讀 奏疏十六
卷二百三十六篇咨稟詳議牌
檄示三卷五十二篇記序三卷

四

五十三篇書簡三卷五十四篇
誌傳行述雜著三卷二十六篇
各草詩八卷七百五十六篇嘻
有文如是幾於物格知致意誠
心正身修家齊國治天下平無
不達也多云乎哉且夫文之難

行之尤難或化型鄉里或著述
名山或純盜虛聲或不學無術
或矜才速謗或文言飾非或喜
事紛更或黨援傳會或苟全素
履或晚節不終歷觀史冊能無
慨興安得遭逢

五

聖主同寅協恭所至政修人和
德成名立始之終之如我勤懇
公者固宜
榮於生前
名於沒世獲
上有道悉本躬行吾故曰名臣

理學鄉賢公實兼之竊比鄉評
以俟公論子音經運河上生祠
猶新傳公違和屬以獲餽御之
入 告請禁

高宗純皇帝曰是不愧四知者
以此名堂以堂題集子音讀公

六

文益心公行如見公矣養齋先
生兄弟叔姪父子祖孫編遺校
梓幾何時聚散存亡竟成今昨
子音序四知堂文集如之何不
歡感俱來也

嘉慶八年癸亥十月戊辰日原

知雲南平彝縣事武寧年世載
姪王子音時客直隸節垣清遠

軒謹序



人臣委贄事君曰建樹曰文章
二者不同而其所以輔聖治而
贊皇猷則一也出入承明潤色
鴻業杜詩韓筆炳炳麟麟侍從
之職也輔世長民興利革弊朝
廷嘉其獻納草野資其宏濟不
必以文傳而散見於著述者皆
其經濟之迹又不必不以文傳
此公卿之職也古名臣別集之
編或手自裒輯或出於門弟子
之所著錄皆足以補史傳之缺
略而其本末且益彰若唐之陸

宣公宋之趙韓王並為一代偉
人文高當世而後人傳述獨其
疏奏表狀盛行於時他文又不
必並稱焉豈非功名爛然而文
章在所略歟清江楊勤懋公以
郎官出為監司洊登顯仕以漕

二

帥終

朝廷任用既專而公之報稱亦
至懋有漕運全書早行於世至
今為言漕者圭臬公薨後公之
子若孫輯其所著疏奏詩文凡
若干卷余授而讀之詩文純粹

以精不愧古作者而陳進之章
疏及與同列之簡劄居其大半
大抵在官言官隨事調劑不妄
為異議為難能也嗚呼若公者
可謂在其位謀其政者矣夫在
位而後謀則敬其事可知敬其

三

事則不曠其職又可知曠職非
能在位者也越俎又非能謀政
者也公為監司則謀監司之政
為撫臣則謀撫臣之政為漕帥
則謀漕帥之政剴切詳明因宜
制事為

朝廷言之而

朝廷嘉許為同列言之而同列
信從且為所屬言之而所屬悅
服娓娓乎其無不盡也歷歷乎
其如燭照數計而咸中其繁也
予於乾隆辛卯出守毘陵時公

四

已赴道山而惠政仁聲猶徧傳
於大江南北每以不得親瞻風
采領其緒論為憾及領藩滇中
與公次子養齋觀察為同官晨
夕過後更得聞公正已事上使
民行政之梗概而益歎公經濟

之才為不可及也然則公之斯
集即比諸唐之宣公宋之韓王
又何多讓焉豈徒槁華振藻對
揚宏休偉烈之可擬也哉

嘉慶十年歲在旃蒙赤奮若孟
秋月望日

五

賜進士出身

誥授光祿大夫 太子少保協

辦大學士吏部尚書錢塘愚姪

費淳拜序



余為童子時即聞先君子述清江楊勤愨公人品經濟若衡華嵩岱之不可企及非獨吾鄉之人敬之慕之愛之重之也一時名公鉅卿賢士大夫下及輿臺走卒莫不稱頌於口欽感

於心余耳之熟矣而未始得讀公之文公以雍正丁未進士受

高宗純皇帝特達之知敝歷中外者數十年而揔督漕運窳久恙其利弊凡所措施後之人莫能

易屯丁運弁戴之如父母畏之如神明以故遠近同聲識與不識爭相稱頌以為模楷而惜予之未及見公也公以乾隆戊子捐館舍距今幾四十年與公同時諸先輩皆徂謝殆盡

無有從公遊知公之深者予既不獲覲公之言論丰采則益思讀公之文公之孫懋恬官工部有局幹每與談論輒舉其家範以相砥勗今年夏始得四知堂全集讀之乃知

公不以文自名而文固卓卓可傳也。公之集奏疏居其半始由肇羅道署廣西布政使三撫湖南以至漕督每莅一官必規畫精詳知無不言言無不盡其見於尺牘及條教號令者咸出

三

公手藹然仁者之言其他著述并詩稿若干皆有義法真不苟為炳炳烺烺者也夫人以文傳實文以人傳世之締章績句以為工者聲華易歇光彩荏然非獨其文不足以傳其人大都

無可紀也且即以文論非經世烏足言文乎昔蘇文忠公愛讀陸宣公奏議特表上之曰苟已經效于世間不必皆從於己出朱子有云一日立乎其位則一日盡乎其官一日不得乎其官

四

則一日不敢居乎其位予於公之文以為當官者皆當置之座右朝夕觀覽不獨因其文想見其人也爰敬綴數言以志景仰若云序公之文則吾豈敢嘉慶乙丑孟冬大庾後學戴衢

亭拜書



五

四知堂文集序



方網生也晚不及多

識前輩願於坡公所

云讀范文正碑而流

涕者猶及見二公焉

序

一則海寧陳文勤公

一則清江楊勤慤公

也二先生皆以理學

名臣著聞當代海寧

陳公則吾師也清江

楊公則方細以年家
子獲侍坐焉溫乎其
容粹然其氣皆道德
之腴也後二十餘年
陳公諸孫來都叩其

序

二

家存遺藁僅手輯建
中錄一編亟借鈔之
而以其家繕寫未竟
遲遲有待至今尚未
得變而讀焉又後二

十餘年方細按試清
江學得楊公之孫懋
恬貢於成均慨然念
先正名賢之後世有
雋才矣又後十餘年

序

三

懋恬出其家刻公集
三十六卷屬為之序
公之文不借序以傳
而今得三復公之緒
論悉其公忠不欺之

素所流露根柢儒先
之蘊所發抒可法於
人而有裨於世嗚呼
是乃儒者之文也已
公之達於政體勤於
吏治無一事不與其
言相符券而是集特
以四知名其堂者記
聖訓不愧四知之語
也方網既以不獲誦

序

四

述陳文勤集為憾而
幸得與楊公子有涵
同中會試又得公孫
懋恬數十年後以遺
文來屬序視昔坡公
之序范文正集者更
增厚幸焉故為具道
其孜孜仰企前哲之
夙懷而究不敢以序
公之文自任尔

序

五

嘉慶十一年丙寅秋
八月朔大興翁方綱



序

六

金陵劉文奎家鑄

四知堂文集目錄

卷一

奏疏

署廣西藩司到任謝 恩疏

敬陳管見疏

酌通成例疏

請嚴禁餽送土產疏

請給引 見官員養廉以臻畫一疏

請定給發土司 誥軸限期疏

請廣 皇仁體恤微員疏

四知堂文集

目錄

請變通粵西捐監事例疏

請定隔省陞調人員赴任限期疏

奏明苗徭不法發兵擒剿疏

請變通煙瘴佐雜調補成例疏

陳明邊方遣婦從容殉節疏


卷二

奏疏

署理廣西巡撫謝 恩疏

奏明查拿挖窖書符匪犯疏

奏明安南內訌貢期請暫緩移詢疏



奏明撥兵協助貴州黎平府逆苗疏

請給戍兵口糧以資防禦疏

遵 旨議覆開墾田地酌量陞科疏

奏明拿獲挖窖匪犯譚煥禹疏

奏明查拿粵西附和黎平滋事逆苗疏

知縣謹屬姻親陳明迴避疏

請移撥存兵糧改穀歸入常平疏

報明永從首逆石金元就擒疏

新立隆勝協制兵不敷抽撥請准新設募充

疏

四知堂文集 目錄

二

奏明奸匪肆逆撥兵勦捕疏

首犯就獲據實奏 聞疏

奏明拿獲逆犯李彩疏

卷三

奏疏

奏明社穀聽民自為經理疏

請獎勵拿獲逆匪丞令疏

奏明軍務告竣酌撤官兵疏

再請酌復站夫以免官民交累疏

奏明挖窖匪犯分案歸結疏

奏明首逆李梅歸東省辦理疏

奏明安南土官韋福瑄構逆情形疏

實授廣西巡撫謝 恩疏

遵 旨陳明粵西關隘情形疏

請添設遷江縣理徭巡檢千總疏

遵 旨奏明李梅李彩實係正犯疏

請清出叛產仍給苗徭佃種原議堡卒毋庸

設立疏

遵 旨陳明軍前總統等教供銷案請議處

疏

四知堂文集 目錄

三

請將捐墾工本銀兩改買社穀疏

卷四

奏疏

奏明桑江苗民借給租種銀兩疏

奏明梧州米價並籌商撥運東省疏

奏明力行保甲疏

奏明李彩李梅分案辦理疏

奏明粵西錄遺情形請酌量辦理疏

奏明梧州米價及接濟東省疏

奏明安南饑民入關撫綏查遺疏

請飭督撫訓飭營兵驕恣疏

請慎重頒發印信關防疏

遵 旨覆奏耗羨仍請歸公疏

請變通邊郡捐監事例以實倉儲疏

節省軍需夫價請酌買常平穀石疏

協濟銀米請改歸就近編支疏

請援例酌給初到軍流口糧疏

奏明勸民種植雜糧疏

請定營伍製造軍械成規疏

請造報土司收成分數疏

四知堂文集 目錄

四

卷五

奏疏

遵 旨陳明蒼藤等縣搶穀各案及米穀出

境情形疏

請銷下龍司土巡檢印信以專責成疏

奏明逆案首犯李梅梟首傳示疏

請飭各省嚴查挖窖逆匪疏

遵 旨辦理出境滋事民人並嚴查沿邊關

隘疏

安南匪徒未靖請嚴邊防疏

陳明預籌安南逃回內地民人疏

安南匪徒潰敗逃回內地人民分別安插疏

粵西難痊千總請以營員補用疏

拿獲安南為匪漢奸周道南等審辦疏

請雲南招回內地民人仍由滇隘出入以肅

邊防疏

屬員餽送人役據實陳明疏

陳明潯州劉守請免叅處疏

請定黔省標營赴粵採買章程疏

卷六

四知堂文集 目錄

五

奏疏

請更流官之彈壓以重邊防疏

謝頒律例疏

請嚴懲粵西營伍驕縱習氣疏

報明盤獲出交匪黨梁點痘審辦疏

請留失察李梅李彩經過各州縣疏

奏明出交人民仍請量行發落疏

陳明查辦出交匪犯並嚴謹邊防疏

遵 旨議覆訓練鄉勇疏

謝 賜御製盛京賦疏

保薦永寧州牧董天良實心愛民疏
請酌更道員統轄府分以便巡查疏
滿洲人員請補腹內州縣疏
安南莫氏後裔請安插內地疏

卷七

奏疏

湖南巡撫到任謝 恩疏
敬陳地方情形疏
請定報銷動帑限期疏
長沙屬水利堤工請歸專轄道員管理疏

四知堂文集

目錄

六

巴陵縣請改設縣丞疏
請留熟習苗疆知縣疏
敬陳楚南風俗斟酌辦理疏
請並蠲苗米及量減佃租疏
陳明徵耗事宜疏
請嚴池塘改田之禁疏
陳明清釐包攬錢糧積弊疏
恭陳清釐郴桂二州礦廠疏
請緩徵湖南漕項銀兩疏

卷八

奏疏

請增設書院以期實效疏
減等軍流入犯請聽候部議核辦疏
恭請清釐卷價之弊疏
據揭奏 聞疏
據實覆 奏疏
奏明拿獲大乘邪教夥犯疏
湖南州縣城工敬陳未議疏
恭報桂陽州等屬被水情形疏
請捐公項改修貢院疏

四知堂文集

目錄

七

遵 旨奏明辦理拿獲大乘邪教匪犯疏
遵 旨陳明辦理安仁縣刁民聚眾緣由疏
陳明道員不勝監司請令休致疏
陳明湖南米價及賑恤被水州縣疏
請開長沙府南湖港以利商民疏

卷九

奏疏

請嚴道府到任遲延處分疏
恭舉賢能知縣疏
請嚴禁案卷不存科房以重關防疏

請嚴舉報優劣生員之例以端士習疏

查勘濱湖堤垸情形疏

請嚴定州縣玩視社倉處分疏

請豁苗地民賦疏

陳明湖南堤長毋庸革除疏

請嚴科場官生之防範以杜弊端疏

請定稽查辦本之遲延以速公務疏

陳明辦理楚粵毗連苗疆分界疏

請嚴禁擅動倉穀以杜虧空疏

遵 旨陳明苗疆銅礦毋庸開採疏

四知堂文集 目錄

八

請黔楚界連人民仍聽租山挖蕨疏

卷十

奏疏

遵 旨陳明米貴之由疏

報明大修堤垸疏

報明濱湖州縣被水情形疏

請代買江蘓倉穀以備積貯疏

據實自陳悚慄待罪疏

恭謝 天恩疏

遵 旨明白回奏疏

補授刑部侍郎謝 恩疏

補授湖南巡撫謝 恩疏

龍陽縣新墾圍田請並陞科疏

請嚴禁假印稅契以肅功令疏

敬陳清釐礦廠疏

卷十一

奏疏

奏明銅鉛價值不敷實難核減疏

請撥運安徽穀價仍解還湖南買補備貯疏

請協濟浙江米石即截留漕糧撥補疏

四知堂文集 目錄

九

報明茶陵等州縣被水情形疏

報明拿獲駕船誘賭匪犯疏

報明苗地隱糧田畝免其呈首疏

遵 旨陳明查拿駕船匪犯及逆稿人犯疏

謝署吏部尚書疏

謝免治罪疏

三任湖南巡撫報明接印疏

特叅諱盜殃民縣令以靖地方疏

遵 旨保舉堪勝知府人員疏

補授禮部尚書謝 恩疏

議覆湖南秋審毋庸改早一月疏

請苗地木植一體通商以便民生疏

署理山東巡撫到任報明地方情形疏

請緩徵被災州縣錢糧疏

請改建魚臺縣城疏

請加賑金鄉等州縣被水人民疏

卷十二

奏疏

補授漕運總督謝恩疏

請豁江興五衛應追按程銀兩疏

四知堂文集

十

陳明衛河水漲糧艘到通稍遲請變通辦理疏

敬陳管見疏

請酌更條例以裨漕務疏

恭賀準夷底定疏

請嚴竊盜糧船之禁以重漕運疏

通籌漕運全局急宜調劑疏

請挑濬江南運河疏

請酌定條例以裨漕務疏

謝加官銜疏

請歸併疲幫以便押運疏

請停無益之標弁酌留熟習之隨幫以裨漕務疏

務疏

奉旨開復謝恩疏

陳明奉到諭旨存入交代疏

卷十三

奏疏

陳明運河水淺請飭河撫諸臣疏濬水源疏

陳明辦理截漕情形疏

遵旨議覆籌勘河道詳議會奏疏

四知堂文集

十一

遵旨陳明籌辦衛河水勢疏

山東諸泉請加講求以裕水源疏

請酌更湖南漕船章程疏

謝賜御製墨妙軒法帖疏

遵旨議覆浙省疲幫情形疏

請定黃河失風乘機搶掠地方官失察處分疏

疏

敬陳管見疏

請酌改停泊水次以避險遠以利漕運疏

請酌貯官項借給疲幫以裨漕務疏

謝免扣繳賠項疏

請定撥兌幫船限期以免遲滯疏

卷十四

奏疏

請酌通定例疏

請製給押運廳員烏鎗以資防護疏

請定運薊章程疏

請酌改主稿之例以收實效疏

敬陳管見疏

恭謝 天恩疏

四知堂文集

目錄

十一

恭謝 賜御製詩疏

遵 旨覆奏訊明苗必秀呈控霸佔軍田疏

恭謝 天恩疏

請挑八廂運河以利漕運疏

請酌更運千繁簡員缺疏

請免廳員點驗僉丁以歸簡易疏

請嚴湖南衛備僉丁不慎之處分疏

運豫軍船請改自備以省大造輪抵之繁疏

陳明酌改糧艘受兌水次疏

請停鑄給運弁印信疏

請停預僉備丁以免擾累疏

卷十五

奏疏

晉加 官保謝 恩疏

文武事例宜歸畫一疏

請酌通變賣成例疏

請懲軍籍紳宦富戶規脫辦運以裨漕運疏

請裁撥兌之船以利漕運疏

請慎選米色以恤軍丁疏

請定揚州查鹽章程以速回空疏

四知堂文集

目錄

十二

陳明河湖水勢情形疏

請懲短絳勒價聚毆之積習以利漕運疏

謝 賜御製詩疏

謝 賜御製文初集疏

陳明查辦運河水勢情形疏

謝 賜御臨宋臣米芾書軸疏

陳明運河水小會同河臣查勘辦理疏

遵 旨覆奏漕船抵津情形並請就近截收

米石疏

懇 恩賜額以彰遺跡疏

請定駱馬湖水啟閉章程以收全效疏
請酌定微山湖水誌以利漕運疏

卷十六

奏疏

請歸併幫船以恤丁力疏

請酌改冬兌之期以裨漕運疏

請更定失察糧船夾帶私鹽沿途文武處分

疏

請停湖南糧艘預解篷纜銀兩疏

請裁撥抵之船以免丁累疏

四知堂文集

目錄

古

請並停安省押淮丞倅以裨漕務疏

請酌改條例以臻畫一疏

報明糧艘被河冰鏟沉疏

奏明道員押運改委丞倅疏

請借項贖屯以裨運務疏

請酌定搭運保雄兵米章程疏

請再酌定運易米石章程以免回空遲延疏

請酌改調缺以裨漕務疏

請將餘米寬俟下運搭解以資接濟疏

據實奏明黃運兩河淤淺情形疏

陳明暗灘洗刷深通糧艘可以徑渡疏

卷十七

咨議稟

覆倉場侍郎論失風船隻咨

幫船過關才難稽阻移安徽巡撫并淮關監

督咨

請增改粵西官制議

進勦義寧逆苗條議

請改移州治議

請停柳慶運船失水動項給補成例議

四知堂文集

目錄

古

奉委查辦入川人民事宜條稟

條陳高郡地方事宜稟

粵西金銀鉛錫各廠情形稟

請仍以土治土稟

煙瘴各員酌量差遣稟

卷十八

詳牌

請給上司印信號紙詳

行按察司飭屬實行保甲牌

行布政司飭禁唱歌陋俗牌

行按察司飭屬修理磨房營汛牌
行各土司實力緝拿匪犯牌
行布政司飭屬恪恭祀典牌
行浙江糧道嚴飭隨弁歸幫牌
嚴禁漕糧折收折乾行江浙各州縣牌
嚴飭秉公監兌行各省廳員牌
行各糧道通飭幫船置備失風槍米器具牌
行江西糧道清釐漕弊牌
通飭各州縣封存樣米驗兌行江西糧道牌
飭議武左衛軍船事宜行湖南北糧道牌
四知堂文集
目錄
行湖南糧道查議荆岳二衛造船章程牌
行湖南糧道酌議發給軍船運費銀兩牌
行豫東兩省糧道酌議運蒞船隻章程牌
行江安糧道革除鳳陽衛過堂名色并核議
旗丁赴次限期牌
行浙江各運弁錢糧宜歸實用牌
卷十九
牌
檄示
行江安蕪松兩糧道核議改撥行月各糧牌
行蕪松糧道長淮頭幫不得改調水次牌

行湖南北糧道通飭衛弁秉公僉革運丁牌
嚴飭各丁親身挽運以杜捏報失風之弊行
湖南道衛牌
行湖南北糧道核議失風船隻變價繳銀數
目牌
行江安糧道酌議添借大河衛餘存官項牌
嚴禁失風米石不得輒請買餘抵補行各糧
道牌
行湖南北糧道嚴飭各衛所慎重造船牌
行江安糧道嚴飭典武三幫加工修船牌
四知堂文集
目錄
牌
嚴飭糧艘及早回空毋許沿途唱戲行各省
幫弁牌
行寧波衛守備徐煜嚴查仁錢兩縣行月米
折乾牌
行浙江糧道整理積習牌
行江西糧道核議漕糧卽令押運廳員監收
監兌牌
行江西糧道軍船餘租應隨正散給牌
行各省糧道嚴禁僉丁積弊牌

行松江府辦理搭運緩漕牌

飭軍前總統監紀檄

觀風示

曉諭民間量留米穀以資日食示

禁徵收重耗示

嚴禁沿途勒增糧艘短絀示

行各省衛所弁丁嚴禁水次折乾示

曉諭安慶前後幫旗丁示

卷二十

記

四知堂文集 目錄

丈

臨江新館記

城南書院記

附嶽麓書院學規

湖南重建貢院號舍記

重修淮安府學記

增置淮陰書院膏火記

新建麗正書院記

萬年牖三公祠堂記

蒼梧山重建佛殿記

南豐縣重新資福寺碑記

溪邊草堂記

卷二十一

序

歐陽圭齋遺集序

爾雅箋補序

學樂編序

二愚堂劄記序

南寧府志序

岳州府志序

賑紀序

四知堂文集 目錄

九

漕運則例纂序

四禮從宜序

節婦傳序

鄧隆中先生古文序

盧大川古文序

知稼軒詩序

邊蓼山詩集序

謝鵬飛詩序

雨樵先生詩集序

落葉詩小序

送江拙齋赴芮城幕序

吳春山所欣錄序

羅氏宗譜序

曹溪彭氏族譜序

荆林聶氏族譜序

卷二十二

序

韓山書院課藝序

秀峯書院課藝序

麗正書院課藝序

四知堂文集 目錄

楊兼山先生遺文序

張葯房遺稿序

張葯房遺稿後序

周蓼圃太史時文序

儲東溪觀察時文序

亡友黃飛渭三科遺墨序

明志居時文自序

叢桂軒課藝錄弁語

叢桂軒課藝再錄弁語

傅越夫先生八十壽序

三

陳碧軒太翁暨配李孺人七十雙壽序

熊捷三七十壽序

羅敬亭七十壽序

門人韓景南六十壽序

太學生羅明德六十壽序

節母洪太安人六十壽序

伯母黃太孺人九十壽序

卷二十三

書

復陳榕門先生書

四知堂文集 目錄

答蔣心畬太史書

復閩中督學紀太史書

與江蕪胡臬司書

復黃州管太守書

復某友人書

與劉幹齋書

與秀山邊令書

與門人珙縣曾令書

答本邑德令書

與南漚鄧令書

三

復華亭吳令書

與蔣心俞太史書

與丁人可書

答紫章弟書

與紫章弟書

卷二十四

書

復河東張制軍書

與兩江尹制軍書

與南河高制軍書

四知堂文集 目錄

復河東李制軍書

復兩江尹制軍書

與河東李制軍書

與尹中堂書

與河東李制軍書

與河東李制軍書

與兩江高制軍書

與河東李制軍書

復裘少司農書

與南河李制軍書

三

復瓜儀巡漕家默堂書

與河東李制軍書

與南運河李監司書

與淮徐李監司書

復山東運河李監司書

復巡漕胡掌科書

復淮徐運河李監司書

復南運河李監司書

卷二十五

書

四知堂文集 目錄

與浙江莊撫軍書

復山東裴糧道書

與江安錢糧道書

與蕪松朱糧道書

與江西蔣糧道書

與浙江金糧道書

與蕪松楊糧道書

與湖南赫糧道書

復湖北王糧道書

復江安糧道書

三

與江蕪朱糧道書
與江安姚糧道書
與各糧道書
與浙江糧道書
與江西鹿糧道書
與江蕪朱糧道書
與湖南劉糧道書
與蕪松朱糧道書
卷二十六
墓誌銘 墓表 傳 祭文
四知堂文集 目錄
巡撫山東蕪圃李公墓誌銘
劉笋坡先生墓誌銘
外舅聶公錫昌墓誌銘
聶石峯墓表
張熾文先生傳
張恒蔚公傳
烈婦李氏傳
祭江南總河白公文
祭岳母唐太孺人文
卷二十七

行述 行狀
誥封資政大夫先考涇村府君行述
誥封一品夫人先妣張太君行述
亡室聶夫人行狀
亡弟理章行狀
卷二十八
賦 說 書後 雜著
傲惰賦
燈花賦
唐風蟋蟀官箴說
四知堂文集 目錄
雞冠說
枸杞說
書廬陵楊氏忠節祠後
書劉簡齋先生殉難錄後
祈雨告福湖利農龍神文
題門人周東郊疎林聽泉圖
明志居偶筆
示有澳
示懋學
勤補軒瑣言

卷二十九

詩 焚餘草

湯陰謁岳忠武祠

東林寺

過阜城

項羽墓

戲馬臺

燕子樓

已未九月十八日偕同人送制府馬公至三

塘歸途備述所見得詩六首

四知堂文集

目錄

三

雨後納涼

喜得舍弟手書

秋雨有感

賦得近酒春枝故故斜八首 存二

友人張北倡以近作見示即用其韻二首

蘭花

蟲吟

夜露

葵花

初夏齋居卽事四首

和黃詡齋道長省畔詩元韻二首

新蕉

蚓笛

雨中玉蘭初發

夜雨

雨止

七夕

七夕用劉威韻

七夕課諸子詩未就再用飛卿韻二首

十九夜月和張北倡作

四知堂文集

目錄

三

重九前一日

恭和

御製賜貢院詩答提調胡儀曹四首

喜盧學滄至京憶舊述懷一首

六月一日過劉綠汀同年草堂話舊二首

次兒有涵倅提南宮綠汀以詩投賀依韻奉

答二首

六憶詩

試院中秋用鄧經歷韻二首

次鄧經歷中秋後一夕明遠樓玩月憶兒曹

鄉試韻

聽內簾吟聲有作

夜意東鄧太初

太初續和夜意詩自傷卑賤情見乎詞復用

前韻慰之

三試事竣內外肅然即事抒懷得詩四律

送鄂制軍還京

送徐大中丞赴西安

庭桂

雨廳

四知堂文集 目錄

未

雨後

暮春懷東安曾孝廉

九日小集清江亭和江拙齋韻二首

同門甘喬園示述懷四律依韻奉酬

木蘭行續夢中作

和多笠洲少宗伯密雲道中書所見韻

和奈東村同年閏九日即事元韻

熱河閏九日

再用奈東村韻

兩間房

閏九月十日奉

旨命部院諸臣先行回京

宿密雲縣趨渡莊

黃河崖

西齋偶賦二首

小酌突

鶴浦

漁磯

贈原任城步令張乃佳

恩命加賑被水州縣災黎恭紀一絕

四知堂文集 目錄

无

疏洩

賁賑

勸輸

平原道中

德州元旦

過河間伏生故里

涿州懷古

卷三十

詩 督運草

通州宿古寺

高麗營

旅店土屋數間寒風不蔽而野趣天然用壁

間韻

廿九日阻風

夜舟

柘園鎮

德州懷古

十月朔日即事書懷

四女寺

鄭家口阻風

四知堂文集

目錄

手

武城

板牖

臨清

聊城

薄暮

安山

開河驛

南旺

邳州

舟宿

新開伊家河

古城溜剝淺

古城解纜

夜舟

臺兒莊

張西銘制軍招飲孫園席上詠白蓮花

再過南池

夜意

故城晚泊

夜起

四知堂文集

目錄

三

半村居次壁間韻

暑夜

津門舟夜

近光小築八景次門人周廡如韻存二

次周廡如登清虛閣韻

函兒來津省視有贈傅山人詩即用其韻

楊村夜泊

天津登清虛閣

雨中過楊柳青

再過德州半村居登前韻

王竹齋孝廉疊和半村居韻因復成一首

登德州鎮海樓

蓼花

臨清中秋和王孝廉韻

寺前晚泊

任城懷古

和王孝廉遊南池韻

舟發南陽至韓莊卽事成吟得六絕句

門人周牖如以秋夜書懷詩見東拳拳孝養

情見乎詞依韻答之

四知堂文集 目錄

三

王孝廉亦和前詩復成一首

依韻贈王孝廉一首

八月廿八日舟發韓莊至泃溝

舟發下邳見秋禾遍野歲稔民蘓欣然有作

宿遷憶項王事偶作

曉發臺莊

晚至韓莊作

清源書感

入夏以來雨澤未普六月初十日舟駐臨清

甘霖竟日旋復達旦霑足既慶喜溢於懷

六月二十五日尾幫全出臨清解纜而北

舟次甲馬營

德州半村居小憇

安陵晚泊

舟次泊頭

夜泊唐官屯看月

過獨流後酷暑維舟得問畊亭欣然少坐

問畊亭次伯子韻二絕

舟泊近光小築避暑和同人韻五首

津門舟夜

四知堂文集 目錄

三

夜起

舟夜喜牖如至

重九前三日臨清偶憶菊花得詩四首

南陽曉發

臺莊

夜意

宿遷

歸舟

卷三十一

詩 督運草

宿風神壩
宿古城溜
午日彭口公館偕同人登岸
自韓莊至夏鎮得二絕句
過南陽作
河督張公自濟寧來會同宿仲家淺
虎頭灣
南旺謁宋尙書祠
安山書感
泥筆斗次彭愛園韻
四知堂文集 目錄
過武城縣
再宿王家淺
二望行
再宿李家樓書感
張灣曉發
立秋
秋草二首
從南陽至韓莊舟行卽景二首
張灣舟宿
夜意

蔡村夜行
雨後翫月
天津曉發
雨後泊北夏口
北倉驟雨
阻風
從津門至楊柳青兩岸居民多業種蔬舟行 卽景偶成十韻
舟過泊頭
畫松
四知堂文集 目錄
夕陽
故城晤門人李新其
步行
渡口驛
夜意
臨清射圃
夜泊
寶塔灣
古木
岸柳

聞鴈
夜起
柳園
紅廟
魏家灣
八月九日憶懋學秋闈
夜至聊城
迅雷
安山
舟發靳口南風正作
四知堂文集
目錄
從開河至南旺
對月
夜泊任城擬登太白樓
登太白樓
任城中秋
珠梅牖
采菱曲三首
臺莊
梁王城
皂河登安瀾寺樓

美

再宿萬年牖作
出韓莊
瓶榴
午日絕句
魏家灣阻風
夜意
從通惠牖望梁山
張秋夜雨
雨
大小長溝
四知堂文集
目錄
漁竿
瀕湖夜泊
卷三十二
詩 督運草
崔鎮夜泊
宿遷
下邳舟中
舟次下邳錫山吳令寄到竹爐墨刻二冊恭
用
御製詩元韻

毛

萬年牖
荆山橋
棗林牖
維舟
解纜
自四月至五月幾五旬未雨舟行汝衛間水 淺程稽望澤之心甚於老農作望雨吟
望雲
苦熱
武城
四知堂文集 目錄
喜雨
雨後
移舟
出京至張灣舟次作
水牖書懷二首
舟發張灣
舟夜
舟行
秋夜
鷗

三

登岸
碁
螢
野色亭
野色亭校射
岸槐
鷺鷥
舟過靜海書感
小竹
流河
四知堂文集 目錄
瓜
鹽山彭令餽滄酒
點荳
楹禾
雨望
水桂二首
夜起
七月二十八日夜坐
星
德州河岸畫松

三

秋暮	晚望	過故城	方家淺夜泊	秋蟲	牛車	秋扇	棗	囊螢	渡口驛	四知堂文集 目錄	芋	半邊店	過紅廟感臨清州牧張維垣	枕	簟	帳	被	床	履	聊城夜泊	
											卑										

望鴈	蠹魚	拂子	鏡	檣	七級牖晤王世講楸書贈二首	靳口夜泊	寺前舖登岸看南旺蜀山二湖	八月十六夜過蜀山湖	絡緯	四知堂文集 目錄	漁村	宿遷夜泊	桃源舟中	邳州	蜀山湖	勘金口壩至兗州作	擬上太白樓未果	閏二月十三日從獨山湖東岸勘鄒滕諸泉	都門卽事二首	新秋卽事	
											卑										

芭蕉
臨清寓館
新秋四首
秋日雜興六首
南旺小亭
舟夜
太白樓
卷三十三
詩 督運草
古城喜雨
四知堂文集 目錄
聖
打牖
端午前一日
晚眺
牖夜
臺莊送胡漕使還京四首
五月十三日
五月十七日聞衛河得雨喜賦
早起
得魚
將至韓莊作

韓莊夜月
張秋鎮
復雨
東昌
風
喜雨二絕句
柘園西岸河水歲留居民移徙殆盡
燕
抵津
泊舟查園
四知堂文集 目錄
聖
查園雜咏六首
蟬
鵲
八月三日泊舟故城南十里卽事八首
秋興二首
石榴
竹醉日
雨後
巡營草
安東道中

板浦
曉發海州
曉發板浦
雲臺山
新安鎮登舟
至海州日得雪示李牧暨鄧崔二令
海州旅館二絕
沐陽縣
安東縣作
新安鎮舟夜
四知堂文集 目錄
海州李牧新葺蜡廟成爲紀以詩
海州園林寺
聞雁
阜寧道中
由鹽城舟行過馬家蕩暮抵山陽之車家橋
得詩十絕 存六
自車家橋抵山陽作
巡營海上適遇大雪彭君愛園以詩見寄歸
次元韻二首
尋梅

發淮安作
過劉伶墓
由廟灣至鹽城作
舟泊鹽城
佃湖營旅宿喜安東令胡樸厓至
大伊山至板浦作
東海蒼梧山
孔望山
薄暮
到海州作
四知堂文集 目錄
石棚山曼卿讀書處
贈沐陽令錢汝恭三首
自板浦至新安鎮
安東芾石
余往來海上七載於茲每駐公館皆濡墨抽
毫以待予書興到卽揮亦不問索者爲何
人也
三元宮
新安鎮夜泊
大伊山

從蒼梧山望雲臺

由板浦至新安鎮二絕

老柳

雲梯關

曉渡射陽湖

暮抵鹽城二首

回寓

劉伶臺

卷三十四

詩 籌運草

四知堂文集 目錄

巽

四月十一日淮安登舟示送別諸屬吏

十二日夜渡黃河

駱馬湖

獨山湖

行經克濟密邇泰山望雨不得情見乎詞

小雨後作

喜雨

雨後待月

萬年牖三公祠作

合歡花

三公祠植桂

聞戴村壩過水二尺欣然有作

曉起二首

日晷

早起

夜雨

憶昨

簷溜

午晴

聞衛河水發札致巡漕總河二公

四知堂文集 目錄

巽

聞雙牖水長溜急阻滯糧舟總河高公立開

右壩以殺水勢

臺莊夜雨

夜起

五月廿六日送德給諫北還

白髭

蘭

六月二日萬年牖解纜

六里石夜泊

六月四日尾幫盡入韓莊

再宿韓莊
微山諸湖
邳山
彭口
蚊
金溝泉
六月六日彭口發舟暮抵南陽
由南陽乘風至濟寧
任城覽李杜遺跡
濟寧曉發
四知堂文集 目錄
哭
馬場湖
蜀山湖
馬踏湖
南旺湖
泊舟南旺熱甚忽來微風如醒頓解喜賦
湘竹帳
挂劍臺
次兒有函書來以余漕事勞心過甚懇請節勞書此示之
月夜放舟

光岳樓
油坊夜泊
發鄭家口
暑風
停舟朱家園作
金家墳
舟行吳橋東光之間竟日酷暑幾至困憊
極熱次日繼以陰雨喜賦
青縣夜泊
沅河遇雨
四知堂文集 目錄
哭
楊柳青阻風
卷三十五
詩 運餘草
漂母祠
釣臺
露筋祠
舟行見兩岸柳
菜花
瓜洲吳氏園
三月六日渡楊子江

三月八日舟過常州上東坡先生艤舟亭兼

看墨池有賦

惠山泉

盤糧行

正月廿日盤糧廳樓放船作

回署後桂花盛開

九日萬松山登高

重九次日再上萬松山

重九後二日作

萬松亭翫月

四知堂文集

目錄

辛

鴈字六首

立春前一日得雪喜賦

雪牕鈔書

次周牖如除夕感賦原韻二首

次周牖如習射西園韻

課讀書感

正月三日諸同人小酌

新春四日出城歷板橋清江浦薄暮返棹淮

城沿途卽景得絕句四首

正月十三日萬松亭眺望四首

齒落

除夕書懷二首

元日試筆

正月二日邀沈確士范約軒齊次風三侍郎

嚴桐峯給諫周鴻儒學博共飲叢桂軒

正月三日集諸同人共飲叢桂軒

制府尹公奉

命入京舟過淮浦以留別詩見示次韻奉酬四

首

東風五絕句

四知堂文集

目錄

壬

嚴寒二十韻

雨後西齋桂花盛開

聞香

瓶桂

對菊

九日偕諸同人登萬松亭六首

圍爐二首

雪夜小酌得酒爲談詩過量多之句足成一

律屬諸同人並作

掃雪

小年二首

雪後小集分韻得佳字

次彭愛園江字韻

夜坐贈邊孝廉

示門人聶景思

示永寧壽楠

示兒姪諸孫

次彥從元旦試筆韻

元旦次日登萬松亭二首

水仙

四知堂文集 目錄

五

人日看梅用彥從韻

人日再疊前韻二首

人日示諸孫

瓊孫十一齡和余人日詩亦能成句書此誌

喜

正月八日清江高宮保招飲往返水陸得詩

八首

西齋曉起

西齋卽事用前韻

上元次日小雨

正月十七日普誠齋關部招陪總河鹽政二

使君春讌時微風乍起梅花數點飄入茵

席總河高公曰絕好詩題酒闌援筆成五

絕句

正月十八日從淮署啟行恭迎

鑾輅晚渡河至王家營

旅館寄署中諸同人

眾興集夜酌

曉發眾興集

仰化集旅館次壁間韻

四知堂文集 目錄

五

桃源道中

從桃源境至宿遷作

衝寒

蘭山道中

雷石午飯次屏間韻

宿朱堡莊書室

萬松山恭瞻

座落

夜宿蔣家莊

小年日盤糧廳作

雪後作

晨起

夜酌

示門人聶與恭

除日

卷三十六

詩 運餘草

正月二十日晴

二十七日庭梅始放

洪賜仲余老友也以今癸未二月二日六十

四知堂文集

目錄

五

因製小屏為詩以祝之

夜意

曉起

西軒夜飲

小年前一日淮陰書院即事三絕句

從澄心亭乘舟至三仙閣

書韻事雙紀冊後贈丁人可四首

探梅次彥從韻二首

雪後登萬松亭

歲暮書懷六首

元旦次日喜晴次彥從韻

霧

走馬燈次和肅韻

春城夜月

九日登萬松山用懋學韻四首

正月廿日庭梅初放

絳桃

菜花二首

秋風

老少年

四知堂文集

目錄

五

燈花示兒輩

送兩江尹制府入閣還朝四首

除夕

聽蛙

荷錢

噴壺

瓶菊

秋草

鴈聲

冬夜書聲

落葉二十首

小年共酌成長句二首

元旦試筆四首

立春三首

立春前一日邀院長金紫峯太史周蓼圃中

翰阮吾山小飲紫峯索梅一本席散遣送

並佐以酒紫峯投詩二首走筆奉酬

殘雪二首

元夕和姜占魁韻二首

春雪

四知堂文集

目錄

五

春草三十首

四知堂文集目錄

崇祀錄

臨江府清江縣廩膳生員毛宗保增廣生黃汝

亨附生楊熙芑呈爲先哲之楷模堪邇上庠之

俎豆宜新恭懇轉詳

題請入祀事竊以

朝宁酬庸特重易名之典鄉閭式範欣隆祭社之

儀伏見已故原任

官保尚書漕運總督

賜諡勤慈楊錫綬人如麟鳳士仰斗山自入小學以來

嗜經而淹通傳注及捷大科以後分部而練習

崇祀錄

一

章程沐湛露於

九重輝福星於一路控嶺扼峒之會入劫旬宣襟湘帶

沉之區重膺保障貳卿清職典守乎嘉禮祥刑

肅政崇階管攝乎中銓左選奏對恒持大體經

猷各寓小心旋被

恩綸俾司漕運給租無乏論功不後夫蕭何荷鍾欲前

任事可方夫劉晏恤貧丁以免母子之貸甯熟

弁以收指臂之勞不染一塵更絕吏胥之婪索

毋苛細目永除節次之簽盤此皆仰稟於

廟謨奉行罔懈固足垂光於國史紀載加詳惟是桑梓

之見聞更在家庭之孝友懿夫鳩筮堂上父母俱存鴈序堦前弟兄競爽乃食貧而自力甘旨未缺於供復式好以無猶墳篋克諧其韻迨竭誠爲國每喜退公休暇看花而奉潘輿卽給假還鄉亦欣聚首餘閒聽雨而眠姜被若乃由宜家以惠物本積學以成材推食解衣咸欣廣厦之庇延師築館羣添繼晷之膏斯又習俗賴以維持亦且文風因而振起至其生平著述無非切要詞章水志補於桑欽哀轉運之成法女德詳於劉向闡節烈之芳型盡屏浮華允禪傳誦

崇祀錄

二

他如學宮之改建風展心籌縣志之重修曾持首議保等景行伊邇論定從公帳碩德之云遙緬芳規於疇襄恭逢

聖天子誕膺大寶

叠沛恩施崇德報功軫恤不遺夫故舊褒忠表節闡

揚下逮於窮簷因思勤勞夙著素荷

殊榮歲月遷延未邀

寵錫維夫功業昭垂實可信今而傳後若夫歷年久遠更難徵獻以考文緬餘韻之猶存表章是賴稽成勞之具在典禮宜崇爰詢謀之僉同非阿私

於所好幸鑒輿情詳申

上憲敬求

題達俾與蒸嘗庶幾傍宮墻之崇峻分禋祀之光輝將招來閣嶺之雲香騰翠篆酌取蕭江之水綠奠椒漿千秋勿替其欽崇闔邑咸知所嚮慕矣除開具本賢履歷事實清册伏乞
老師臺據情移縣轉詳實爲公便謹呈

計開呈本賢履歷事實清册

一本賢楊錫絨係本邑上湖民籍生於康熙四十年辛巳歲十月初一日由廩膳生中式雍

崇祀錄

三

正二年甲辰科舉人丁未科進士補授吏部考功司主事已酉陞驗封司員外郎仍兼辦考功司事庚戌請假回籍辛亥陞授考功司郎中壬子補授貴州道監察御史仍兼吏部額外郎中八月

欽點順天鄉試同考官九月補授廣東肇羅道乾隆丁

巳陞廣西布政使司布政使辛酉陞廣西巡

撫甲子奉

旨補授禮部侍郎考八旗教習

欽點充閱卷官乙丑會試

欽點知貢舉四月補授湖南巡撫戊辰丁父憂回籍庚

午服滿補刑部侍郎復奉

旨補授湖南巡撫辛未丁母憂回籍癸酉服闋九月

奉

旨補授湖南巡撫旋奉

旨補授左都御史甲戌正月署理吏部尚書考取中書

欽點閱卷官乙亥二月復署理湖南巡撫五月補授禮

部尚書丙子考取教習兩充閱卷官十一月署

理山東巡撫丁丑補授漕運總督改兵部尚書

戊寅晉

崇祀錄

太子少師癸未晉

太子太保戊子十二月初一日卒於淮陽官署壽

六十八歲奉

旨予祭葬如例

賜諡勤懇

一本賢事親純孝自幼家貧能節一已飲食以奉

其母張氏長從父歲貢生增璜授館於戚友家

每晨起問安畢然後治業歷任外職迎父母至

暑色養備至母張氏旋里必令其妻聶氏隨侍

前後居喪哀號擗踊旁觀多為感泣服雖除逢

父母忌辰輒哭泣哀奠不茹葷酒

一本賢誼篤友恭弟戊午科舉人錫經病禱於神

願以已年益其算兄太學生錫組性高簡寡合

獨能適其意怡怡終日在官奉遺衣物歲三四

次以為常撫諸姪甚厚衣服飲膳一如己子至

教之讀書作文尤諄諄不倦其後或登賢書或

列膠庠皆其所培植者也

一本賢志存敦睦每推廣先人之澤以及於族黨

宗祠地狹另購基創建又據文公家禮酌定祭

儀捐田百畝歲供祀事積有餘貲延師課族子

崇祀錄

弟學頹以成立者甚眾

一本賢立品端嚴慎於交納從不以片紙干謁當

道兩次丁憂在籍惟杜門教子孫讀書嘗謂士

人始基不正後必無事業可觀子孫熟聞其訓

醇樸謙和咸守家法

一本賢待友誠信貧時故交久而益敬或其子孫

不振必厚為存恤有可造就者命至官署公務

稍暇即與講論經旨有成其材

一本賢歷任封疆清操自矢待屬吏寬而有體每

接見和容霽色諮詢得失片長小善亟予嘉獎

四

五

故人得盡其情事因以辨署廣西布政使條奏
二事一革職佐雜官宜免追編俸一州縣官不
得以土產獻上官乾隆五年土苗吳金銀等作
亂與巡撫討平之六年陞授廣西巡撫貴州土
苗石金元燒永從縣治即發兵合勦平其穴擒
金元既遷江土苗數百謀犯思恩府城發兵往
捕獲賊首李彩及其黨八十餘人民賴以安撫
湖南時以各省水利日廢愚民不知遠計數畝
之塘往往加土爲田一週旱乾即成棄壤請
勅各省督撫凡有陂塘處所嚴禁改墾蒙

崇祀錄

木

高宗純皇帝詔行之時湖南每歲採木有司至苗地凡
所有木悉籍記之奏請自後商木憑牙行採買
不得官爲交易其在苗地者州縣官爲審問聽
民有願賣者乃買之運過辰關按驗乃行著爲
令署山東巡撫時二十一州縣被水奏請蠲貸
有差糶常平米減價三分之一以魚臺土城低
窪請移置高處絕後患任漕督十有二年興利
除害竭盡心力糧艘積弊爲之一清奸胥猾吏
向盤踞其中者均惴惴不敢名一錢每與河臣
協謀河務以時蓄洩俾漕運通達至於葦簽盤

之陋規禁員弁之需索恤帮丁之貧困獎隨帮
之勤慎懲丁舵之脫逃立查鹽之章程杜簽丁
之規避籌河湖之蓄洩定閘座之疏濬限屯田
之取贖嚴失風之搶掠凡所敷奏不可勝紀手
訂漕運全書後任漕督黃公登賢表上之垂爲
令

一本賢仰體

聖天子育才至意藏書於湖山草堂以待來學其貧者
並給膏火人文大萃見本邑

文廟舊地湫隘建議改遷遂出多金創建迄今

崇祀錄

七

廟貌煥然皆不忘倡首之力

一本賢素嚴禮法雖盛暑閉居衣冠必整子孫侍
立無敢輕咳唾者有過必長跪謝罪乃已然體
樞僕隸又未嘗輕笞責也

一本賢性樂恬淡聲色貨利一無所好每公餘輒
手一編至老不倦博極羣書性耽吟咏所著有
四書講義四知堂詩古文唐詩蟋蟀官箴說春
草吟籌運草而節婦傳獨費苦心搜羅軼事務
在發潛闡幽不令湮沒尤其有助於風化者

嘉慶四年七月

日具呈

江西臨江府清江縣紳士呂振森楊學光彭萬槐陳紹善毛宗保等今於

與甘結為敬陳芻蕘仰祈

睿鑒事依奉結得本縣已故原任

宮保尚書漕運總督

賜諡勤懇楊錫絳係本邑民籍由廩膳生中式雍正二

年甲辰舉人丁未進士累官至兵部尚書兼都

察院右都御史總督淮揚等處地方提督漕運

海防軍務兼理糧餉卒諡勤懇生於康熙四十

年辛巳歲十月初一日卒於乾隆三十三年戊

崇祀錄

八

子歲十二月初一日居家孝友為士儀型奉

國忠純立臣矩鵠堪紀勤勞於史冊宜分享祀於

宮墻允協輿情堪膺

祀典並無虛捏濫舉情弊甘結是實

江西臨江府清江縣族隣楊儼蔡元宗熊文翰

聶正宗陳英生等今於

與甘結為敬陳芻蕘仰祈

睿鑒事依奉實結得本族已故原任

宮保尚書漕運總督

賜諡勤懇楊錫絳係本邑民籍由廩膳生中式雍正二

年甲辰舉人丁未進士累官至兵部尚書兼都

察院右都御史總督淮揚等處地方提督漕運

海防軍務兼理糧餉卒諡勤懇生於康熙四十

年辛巳歲十月初一日卒於乾隆三十三年戊

子歲十二月初一日居家孝友為士儀型奉

國忠純立臣矩鵠堪紀勤勞於史冊宜分享祀於

宮墻允協輿情堪膺

祀典不敢扶同捏結甘結是實

崇祀錄

九

臨江府清江縣儒學教諭鄧洪廉署訓導趙由
植爲先哲之楷模堪邇上庠之俎豆宜新恭懇
轉詳請

題入祀事據廩膳生毛宗保增廣生黃汝亨楊熙
芑具呈前事呈稱竊以

朝宁酬庸特重易名之典鄉閭式範欣隆祭社之儀
伏見已故原任

官保尚書漕運總督

賜諡勤懇楊錫紱全前原呈千秋勿替其欽崇闔邑咸知所

嚮慕等情到學據此敝學查得已故原任

崇祀錄

官保尚書漕運總督

賜諡勤懇楊錫紱孝友因心公忠體國遭逢

景運具經文緯武之才敷歷封疆多察吏安民之政

官階所載中外宣勤清介之風始終一節迨司

漕運尤憫貧丁重荷

恩綸彌深盡瘁總其事蹟允稱體用之兼該敷以口碑

實少瑕疵之可議名垂國史當邀列傳之褒善

著廬閭尚有流風之慕在昔仰承

恩禮已昭令聞於易名即今徧祭輿思冀入崇祠於庠

右謹臚實蹟惟確據於公評幸秩明禋用丕光

于鉅典合就取具紳士親族甘結敝學加粘印
結造具該賢事實清冊具文移請

父臺查核轉詳實爲 公便須至牒者

嘉慶四年七月

日

事實履歷清冊詳前

江西臨江府清江縣儒學教諭鄧洪廉訓導趙
由植今於

與印結爲敬陳芻蕘仰祈

睿鑒事依奉實結得清邑已故

官保尚書漕運總督

崇祀錄

十一

賜諡勤懇楊錫紱係清邑民籍由廩膳生中式雍正二

年甲辰舉人丁未進士累官至兵部尚書兼都

察院右都御史總督淮揚等處地方提督漕運

海防軍務兼理糧餉卒諡勤懇居家孝友爲士

儀型奉

國忠純立臣矩鵠施恩於不報總宏錫類之仁律

已以無私自合懷貞之義而且嗜經成癖箋疏

嘗萃羣言講學忘疲造就亦徵多術堪紀勤勞

於史冊宜分享祀於官墻生於康熙四十年十

月初一日卒於乾隆三十三年十二月初一日

允協輿情堪膺

祀典金無扶同捏飾等情印結是實

崇祀錄

十三

臨江府清江縣知縣鄭國棟為先哲之楷模堪

邀上岸之俎豆宜新恭懇轉詳

題請入祀事嘉慶四年七月十一日准臬縣儒學

牒稱據稟膳生毛宗保增廣生黃汝亨楊熙堯

呈稱竊以

朝宁酬庸特重易名之典鄉閭式範欣隆祭社之

儀伏見已故原任

官保尚書漕運總督

賜諡勤慤楊錫紱同前謹臚事實惟確據於公評宜秩

明裡用丕光於鉅典合就取具紳士親族甘結

崇祀錄

十三

敬學加粘印結造具該賢事實清冊具文移請

加看轉詳等情移縣准此該清江縣知縣鄭國

棟核看得原任已故

官保尚書漕運總督

賜諡勤慤楊錫紱經濟本之詩書不媿窮年考道文章

發為事業居然當代名臣慈惠臨民利弊副興

除之實穆雍敦族解推忘遠近之形宜膺鉅典

並入崇祠茲准儒學牒稱紳士毛宗保等呈遞

履歷事實清冊同印甘結牒請轉詳前來臬職

查核無異除將清冊印結加具印結詳府核轉

外理合具文詳報除詳

韓憲暨 藩二憲外伏乞

照詳施行須至詳者

江西臨江府清江縣知縣鄭國棟今於

與印結為敬陳芻蕘仰祈

展鑒事依奉實結得 縣已故

官保尚書漕運總督

賜諡勤愨楊錫絨係本縣民籍由廩膳生中式雍正二

年甲辰舉人丁未進士累官至兵部尚書兼都

察院右都御史總督淮揚等處地方提督漕運

崇祀錄

四

海防軍務兼理糧餉卒諡勤愨居家孝友為士

儀型奉

國忠純立臣矩鵠施恩於不報總宏錫類之仁律

已以無私自合懷貞之義而且嗜經成癖箋疏

嘗萃羣言講學忘疲造就亦微多術早紀勤勞

於史冊宜分享祀於宮墻生於康熙四十年十

月初一日卒於乾隆三十三年十二月初一日

允協輿情堪膺

祀典金無扶同捏飾情弊印結是實

奉

本府正堂何 批仰候轉詳仍候

各憲批示繳册存送

奉

布政使司邵 批仰候轉詳請

題繳册結存送

奉

提督學院吳 批仰候該府詳請藩司核轉仍

候

撫部堂批示繳册結存

奉

崇祀錄

五

巡撫部院張 批仰布政司確查議詳察奪

奉

總督部堂費 批仰江西布政司照例通詳請

題繳册結存

臨江府知府為先哲之楷模堪邇上庠之俎豆
宜新恭懇轉詳

題請入祀事據清江縣詳稱嘉慶四年十二月二

十五日准身縣儒學牒稱據廩膳生毛宗保增

廣生黃汝亨附生楊熙堯呈稱原呈具文詳請

核轉等情到府據此該臨江府知府何裕均核

看得清江縣原任已故

宮保尚書漕運總督

賜諡勤懇楊錫紱家承清白志篤忠貞中外踐更才實

兼乎文武鄉邦式範德並著於友恭楚粵宣勞

崇祀錄

共

四十年屢蒙

恩眷東南都運四千里尚繫謳思萊公當日便有生祠

朱穆至今猶存畫像洵屬人倫之坊表允為士

類所推崇宜順輿情以光祀典茲據該縣詳送

事實冊結前來身府覆核無異合將送到冊結

加結具文詳請

憲臺核轉為此備由具申伏乞

照詳施行

嘉慶五年二月十八日詳

江西臨江府今於

與印結為敬陳芻蕘仰祈
睿鑒事據清江縣結稱實結得身縣已故

宮保尚書漕運總督

賜諡勤懇楊錫紱係清邑民籍由廩膳生中式雍正二

年甲辰舉人丁未進士累官至兵部尚書兼都

察院右都御史總督淮揚等處地方提督漕運

海防軍務兼理糧餉卒諡勤懇居家孝友為士

儀型奉

國忠純立臣矩鵠施恩於不報總宏錫類之仁律

已以無私自合懷貞之義而且嗜經成癖箋疏

崇祀錄

七

嘗萃羣言講學忘疲造就亦徵多術堪紀勤勞

於史冊宜分享祀於宮墻生於康熙四十年十

月初一日卒於乾隆三十三年十二月初一日

允協輿情堪膺

祀典並無扶同捏飾情弊等情據此理合加具印結

是實

奉

布政使司邵 批仰候轉詳請

題繳冊結存送

江西布政使司詳為敬陳芻蕘仰祈

睿鑒事案奉

前撫部院裴 牌開雍正三年十二月二十八

日准

禮部咨開儀制清吏司案呈禮科抄出本部院

前事內開該臣等議得山東學政王 疏稱名

宦鄉賢有呈請入祠者造冊報部核明方准入

祠臣愚以為若僅造冊報部猶恐日久玩生嗣

後呈請入祠之名宦鄉賢似應照節義等項請

旌表之例督撫學臣核實歲終彙題其事實冊結送

崇祀錄

大

部核覆如此則姓氏上達

御覽祀典益加鄭重而具詳出結等官知事關題達

不敢稍有苟且督撫學臣自益詳慎查核等因

具題前來查

旌表節義例由直隸各省督撫學臣陸續具題臣部

核明於年終彙題名宦鄉賢事關祀典止造冊

報部恐日久玩生致有冒濫亦未可定今該學

政既稱姓氏上達

御覽祀典益加鄭重具詳出結等官知事關題達不

敢稍有苟且等語應如所請嗣後凡有呈請入

祠者令各省督撫學臣秉公核實確據俱於八

月以前彙行題請並將事實冊結核送臣部查

明照

旌表節義例於年終彙題如此庶冒濫之弊可除而

祀典亦加慎重矣俟

命下之日行文直隸各省督撫學臣一體遵照可也

雍正三年十一月初六日題本月初八日奉

旨依議欽此到部相應移咨該撫查照奉

旨內事理一體遵行可也等因咨院行司奉此當經

前司通行各屬遵照在案今據臨江府知府何

崇祀錄

九

裕均詳據清江縣知縣鄭國棟詳准儒學教諭

鄧洪廉署訓導趙由植牒據本邑廩膳生毛宗

保等呈稱竊以

朝宁酬庸特重易名之典鄉閭式範欣隆祭社之儀

伏見已故原任

宮保尚書漕運總督

賜諡勤懇楊錫紱人如麟鳳士仰斗山同前敬求

題達俾與蒸嘗庶幾傍宮墻之崇峻分禋祀之光

輝千秋勿替其欽崇闔邑咸知所嚮慕矣等情

到學據此做學查看得已故原任

宮保尚書漕運總督

賜諡勤懋楊錫紱孝友因心公忠體

國同前學際合就取具紳士親族甘結做學加粘印結

造具該賢事實清冊具文移請轉詳等情移縣

准此該清江縣知縣鄭國棟核看得原任已故

宮保尚書漕運總督

賜諡勤懋楊錫紱經濟本之詩書同前詳縣卑職查核無異

合將移到冊結加具印結具文詳請核轉等情

到府詳司據此該布政使邵洪核看得清江縣

原任已故

崇祀錄

辛

宮保尚書漕運總督

賜諡勤懋楊錫紱孝友性成公忠素著允文允武寄股

肱而遍歷封圻為軍為民任貢賦而眷隆

繡座忠誠體

國精白乃心洵清時之柱石實當代之名臣昔年

里黨式矜人言無間迨今鄉評藉甚懿行可風

既洽輿情宜崇祀典茲據該府縣學詳送事實

冊結前來相應詳請

憲臺查核俯賜會

題入祀除呈

融憲外為此備由具申伏乞

照詳施行

巡撫部院張 批仰候會

題仍候

督部堂督學部院 批示繳冊結存送

崇祀錄

壬

江西巡撫臣張

題為敬陳芻蕘仰祈

睿鑒事據江西布政使司邵 詳稱雍正三年十二

月十八日奉准

禮部咨儀制清吏司案呈禮科抄出本部題前

事內開該臣等議得山東學政王希曾疏稱名

宦鄉賢有呈請入祠者造冊報部核明方准入

祠臣愚以為若僅造冊報部猶恐日久玩生嗣

後有呈請入祠之名宦鄉賢似應照節義等項

旌表之例督撫學臣核實年終彙題其事實冊結送

崇祀錄

呈

部核覆如此則姓氏上達

御覽祀典益加慎重而具詳出結等官知事關題達

不敢稍有苟且督撫學臣自益詳慎查核等因

臣部核覆于年終彙題名宦鄉賢事關祀典止

造冊送部恐日久玩生致有冒濫亦未可定今

該學政既稱姓氏上達

御覽祀典益加慎重應如所請凡有呈請入祀者令

督撫學臣秉公核實確據每年八月以前彙行

題請如此庶冒濫之弊可除而祀典亦加慎重

矣俟

命下之日行文直隸各督撫學臣一體遵行可也雍

正三年十一月初六日題初八日奉

旨依議欽此到部相應移咨該撫查照奉

旨內事理一體遵照可也等因咨院行司今據臨江

府知府何裕均詳據清江縣知縣鄭國棟詳准

儒學教諭邵洪廉署訓導趙由楹牒據士民毛

宗保等呈遞事實清冊同甘結牒送前來理合

據情詳請核轉等情到府申司據此該布政使

司邵洪核看得清江縣已故

官保尚書漕運總督

崇祀錄

呈

賜諡勤懋楊錫綬孝文性成公忠素著凡文允武寄股

肱齋遍歷封圻為軍為民任貢賦而眷隆

補座忠誠體

國精白乃心洵

清時之柱石實

當代之名臣昔年里黨式矜人言無間迄今鄉評

藉甚懿行可風既洽輿情宜膺

祀典茲據該府縣學詳送事實冊結前來相應詳請

會

題入祀等情呈詳到臣據此該臣看得臨江府清

江縣已故原任

官保尚書漕運總督

賜諡勤慤楊錫紱德全倫紀學究淵源早依

日月之光心誠葵向屢建封圻之節思永棠陰持文柄

以衡材得士聿蒸髦俊晉容臺而典禮秩宗式

看寅恭輓運奏

天庾之績師保樹僚佐之模綜厥生平既有裨於世

道考其行誼更無間於鄉評洵為

聖代之儒臣宜邀崇祀之

曠典茲據布政司邵洪轉據該府縣學等呈請從

崇祀錄

西

祀鄉賢前來臣覆核無異除册結送部外臣謹

會同兩江總督臣費 江西學政臣吳 合詞

具

題伏祈

皇上睿鑒勅部議覆施行為此具本謹

題請

旨嘉慶五年四月二十九日題

臨江府正堂何為遵

旨議奏事本年七月十一日奉

布政使司邵 牌開本年七月初六日奉

巡撫部院張 牌開嘉慶五年七月初一日准

禮部咨儀制司案呈本部議奏江西巡撫張

題已故漕運總督楊錫紱入祀鄉賢祠一摺於嘉

慶五年五月二十七日具奏本日奉

旨楊錫紱准其入祀鄉賢祠欽此相應抄錄原奏行

文江西巡撫遵照辦理可也計粘單一紙等因

到本部院准此合就抄粘檄行備牌行司印便

崇祀錄

差

轉行欽遵毋違計粘單一紙內開

禮部謹

奏為請

旨事禮科抄出江西巡撫張 疏稱江西清江縣已

故原任漕運總督

賜諡勤慤楊錫紱德全倫紀學究淵源早依

日月之光屢建封圻之節茲據布政使邵 轉據該府

縣學等呈請從祀鄉賢臣覆核無異除册結送

部外臣謹會同兩江總督臣費 江西學政臣

吳 合詞具

題請

旨嘉慶五年四月二十九日題五月十九日奉

旨該部議奏欽此欽遵到部查向來各省舉報鄉賢

由該督撫取具册結送部覆核如果名實相副

照例彙題准其入祀以昭

令典其有大臣身後題請入祀鄉賢祠者臣部

奏請

旨今江西巡撫張 等將已故漕運總督

賜諡勤慈楊錫紱

題請入祀鄉祠事關大臣從祀應照例專摺具

崇祀錄

美

奏可否准其入祀鄉賢祠之處恭候

欽定為此謹

奏請

旨

聖恩

先大夫早歲通籍屢任封圻海歷 師保踐更
中外四十餘年荷蒙

眷倚隆重乾隆戊子冬卽世後復荷

賜祭易名飾終之典具備爾時紳士卽公請入 祀鄉

賢以爲士範格於臺議不果

今天子嗣位之四年

督學使者中州吳公按試吾郡首詢 先大夫

遺事知未祀馨宗歎爲缺典於是紳士諸君復

循前議合詞呈請遂荷

崇祀錄

毛

郡伯何 邑侯鄭 據情轉詳

巡撫大中丞張 會同

兩江總督軍門費

督學使者吳 合詞具

題經 禮部奏請獲蒙

恩旨准祀鄉賢於七月十一日奉到 部文八月二

十六日荷蒙

郡伯率同 邑侯雷 前邑侯鄭 及紳士諸

君公同送主入 郡縣兩學祠祀謹備錄原案

刊刻成帙并附入先集以紀

國恩以光家乘俾世世子孫毋忘報稱云
嘉慶五年九月初一日 男有澹恭紀

崇祀錄

天



四知堂文集卷一

奏疏

署廣西藩司到任謝 恩疏

為恭謝

天恩事乾隆元年九月初一日奉廣東巡撫臣楊永

斌牌准吏部咨內開乾隆元年七月二十四日奉

上諭據廣西巡撫金鉉奏稱布政司張鉞年逾六旬

近歲舊疾忽發血氣損耗半載以來臣代伊先事預

籌酌妥辦理幸無叢脞但藩司要任亟須得人查本

四知堂文集 卷一 奏疏

省司道各有職掌難以兼攝伏乞速簡賢員星馳赴

任准令張鉞回籍調治俟病痊之日進京引見等語

張鉞既已患病准其回籍調理俟病痊赴部引見廣

西布政司員缺着廣東肇羅道楊錫紱前往署理不

必來京請訓其肇羅道印務着該督撫委員署理欽


此欽遵轉行到臣時臣因奉委提調文場試事遊於

出關後星馳前赴廣西布政司任於乾隆元年十月

十一日到任隨恭設香案望

闕叩頭謝

恩開印視事訖除一切倉庫錢糧俟交盤完日詳請



撫臣具題外伏念臣一介寒微至愚極陋由雍正五年進士荷蒙

世宗憲皇帝隆恩補授吏部考功司主事歷任貴州道監察御史尋轉廣東分巡肇羅道數載以來疊受

寵擢方愧寸長莫展未報涓埃今又荷蒙

皇上天恩命臣署理廣西布政使印務聞

命之下益切悚惶伏思粵西為苗疆要地藩司乃錢糧總匯上籌

國計下裕民生責任匪輕報稱為難臣惟有不敢狗私不敢沽名竭盡駑駘益加勤慎以期仰答

四知堂文集

卷一 奏疏

二

高厚於萬一耳除循例呈請撫臣恭疏 奏謝外所有微臣感激下忱理合另摺瀝陳為此繕摺恭謝

天恩伏祈

皇上睿鑒

敬陳管見疏

為敬陳管見事竊臣以駑駘下質荷蒙

皇上天恩命署理粵西藩司到任以來夙夜兢惕誠恐材識短淺辦理失宜有負

簡用深恩茲半載有餘地方情形謹就愚臣管見所及數條敬為我

皇上陳之

一平梧潯等府倉積穀宜量為增貯也查粵西為出產米穀之地廣東一省全資接濟然時和年豐米石從客商運販雖絡繹搬運而價平若遇東省委員來

四知堂文集

卷一 奏疏

三

西採買則委員方至境而穀價已長是以去年粵東高瓊等府稍少雨澤今年須穀平糶督臣撫臣酌於柳慶二府撥穀三萬石運赴東省在東省可免委員各處採買之繁而西省地方亦不致有米價騰貴之累則接濟粵東莫過於多貯穀石而多貯穀石莫便於與東省隣近一水可通之平梧潯三府查平樂府倉現貯穀二萬餘石尚可添貯穀三萬石梧州府倉現貯穀四萬餘石尚可添貯穀二萬石潯州府倉現貯穀四萬餘石尚可添貯穀一萬五千石以上三府共可添貯穀六萬五千石以臣愚見似應將應添穀

石於本年爲始作兩年採買分貯三府倉內以每石四錢計筭需價銀二萬六千兩卽於司庫協撥銀內先動支銀一萬三千兩發給各府令其先買一半俟明年秋成再行領銀全行買足其應建倉廩令各該府據實估計於二年地丁銀內動支建造工竣報部核銷其動支銀兩咨明戶部卽於本省乾隆戊午年地丁內歸補則積貯既多可以平糶可以接濟東西兩省均有裨益矣

一粵西預備軍需銀兩宜再協撥也查雍正五年戶部題准令各省督撫於藩庫公同封貯銀三十萬兩

四知堂文集

卷一 奏疏

四

又雍正八年大學士等奉

上諭議准現有軍需省分於封貯之外或協撥三十萬兩或二十萬兩交與督撫布政酌量分貯等因粵西司庫已經公同封貯銀三十萬兩其預備軍需銀兩亦已准部撥湖北地丁銀十五萬兩解赴廣西內分貯柳慶南太四府共銀六萬六千兩尙貯司庫銀八萬四千兩然臣查粵西一省南連交趾北接貴州東界廣東實爲邊疆重地又所屬如南太慶思泗鎮等府則半轄土司其桂平梧潯等府亦多係獠獞苗疆情形實與他省不同前者古州逆苗蠢動派兵協剿

粵西一省撥解軍餉及夫船脚價等項共動支庫銀一百一十四萬兩零蓋緣自雍正八年起至十三年止有捐納銀一百一十萬兩零存貯庫內是以撥解動支甚爲便易今

天威遠播逆苗已平四境安寧百姓樂業然軍需之銀有備無患粵西邊境尤宜增貯以臣愚見粵西司庫應請再協撥銀二十萬兩存貯仰懇

皇上勅下部議於江西湖南湖北等省酌撥銀二十萬兩解赴粵西以爲預備軍需之用則司庫充實而邊境無患矣

四知堂文集

卷一 奏疏

五

一土司貢馬折價請照例酌減也查粵西土司舊例每三年一次徵解貢馬六十三匹每匹折銀一十二兩水脚銀三錢六分共銀七百七十八兩六錢八分又額解貢器銀香爐花瓶燭臺各一副共折銀一百二十兩水脚銀三兩六錢通共銀九百零二兩二錢此項貢馬等銀雖以示率土納貢之意但查乾隆元年十一月內奉

上諭四川各土司向有貢馬之例其所貢本色則添補各營倒斃之馬而折價之馬每匹納銀十二兩此舊例也查通省營馬令改照驛馬例每匹給銀八兩

而土司貢馬折價仍是十二兩之數蠻民未免多費朕心軫念着從乾隆二年為始土司貢納馬價每匹裁減四兩只收銀八兩永著為例着督撫等將此旨通行曉諭咸使聞知欽此是四川土司貢馬折價已蒙

皇上加恩酌減今廣西土司每三年貢馬一次雖無貢本色之例而折價仍是十二兩之數則與四川土司從前折價無異臣愚請

皇上頒發諭旨將廣西土司貢馬之價亦行裁減四兩則一視同仁而粵西土屬俱沐

四知堂文集

卷一 奏疏

六

皇恩浩蕩矣

一至兩請封宜免其遣人齎咨赴部也查康熙二十七年定例凡有土司請封者該督撫題請亦照伊等職銜給封等因是凡屬土司官員恭遇

覃恩無不以得給

請封為殊榮異數乃臣署理粵西藩司半載有餘查所屬四十九土司恭遇雍正十三年九月初三日

恩詔已經請封者止龍英下旺二土司其餘俱未據呈請給封臣細加查察蓋緣每凡恭遇

覃恩兵部俱照向例行文各省凡有土官請封照例

題請本部揭送內閣撰給

請勅仍遣人齎咨赴部查明給照赴內閣領軸是以粵西辦理土司請封之案一面題請一面備具咨文給發該土司目役親齎赴部請領

請軸雖向來相沿舊例如此但查土司各官俱地處極邊其目役人等即省會之區亦所罕到若令其齎文赴京殊以為艱且長途往返需費頗多是以請封者少臣愚以為土司請封宜稍變通請嗣後土司官員有具呈請封者由司查明轉詳督撫具題仍一面咨明內部其咨文即由塘遞免其土司目役親齎赴

四知堂文集

卷一 奏疏

七

部部內查明照例題請揭送內閣將

請勅發給該部傳本省提塘具領送回該省給發各土司收領如此則土司無差役之費而

請封殊榮率土均沾矣以上管見四條是否可採伏

乞

皇上睿鑒施行

酌通成例疏

為酌通成例仰祈

睿鑒事竊臣荷蒙

恩命署理粵西藩司一載有餘夙夜冰兢於現行定

例留心體察有應行變通數條謹為我

皇上陳之

一佐雜微員革職之後宜免追編俸以示體恤也查

雍正八年定例休致病故官員食過編俸概行免追

至革職之員則查明食過編俸淺深任內降罰案件

多寡如降罰案件浮於食過編俸者將食過編俸追

四知堂文集 卷一 奏疏

八

出若食俸多年而降罰之案甚少者則按其降罰案

件銀數追出在當日定例原以設官授祿所以勸忠

若不能恪供厥職以致叅革則曠官可知故行追編

俸以示別於休致病故之員但查官有大小之分罪

有公私之別如州縣以上俸祿稍多養廉稍厚革職

之後即着追猶可拮据若州同以下佐雜等員則官

愈小而俸愈薄養廉亦屬無幾一經革職即日食維

艱加以再有應追編俸何從措辦况粵西為極邊之

區大半煙瘴微員因事被革歸計尤難間有因此遷

延任所輾轉狼狽情殊可憫伏查乾隆元年三月內

奉

上諭佐雜教職等官俸工概免扣荒又乾隆元年七

月內奉

上諭嗣後微員離任身故不能回籍者着該督撫於

存公項內賞給還鄉路費不得派及現在之微員俱

欽遵在案此蓋我

皇上洞悉下情無微不至是以

殊恩疊沛而此等人員革職之後尙與州縣以上官

員一體行追編俸似非所以仰體

皇上體恤微員之意臣愚請嗣後微員被革如所犯

四知堂文集 卷一 奏疏

九

係貪贓枉法之案自應仍追編俸如係因公累悞革

職之員即任內有降罰案件俱請免追編俸則微員

得以蚤回故土益戴

生成之德於靡既矣

一粵西俸滿離任候陞之員宜歸併一次題報也查

粵西大慶思泗等府水土惡劣正雜官員向例或五

年或三年俸滿俱於俸滿之日咨題陞用各員仍在

任候陞乾隆二年二月內御史薛福奏粵西遠在

天南瘴癘之鄉水土惡劣實難久住往往報滿未及

陞遷至於輾轉狼狽情殊可憫請於報滿時隨本引

見量才陞用經吏部議覆准照廣東崖州等四州縣之例於報滿之日令該督撫卽揀選內地熟悉風土之員前往交代清楚撤回內地該督撫據實分別如果實心辦理地方寧謐出具切實考語具題以應陞之缺卽用等因自定例之後粵西現在遵照水土惡劣地方正雜各官有俸滿者俱選內地之員前往交代一面咨題報滿令俸滿之員回至內地俟部覆到日再行出具切實考語題咨請陞在俸滿之員得以蚤離羣鄉罔沐

國家矜恤之仁但查向例在任候陞者於報滿之日四知堂文集 卷一 奏疏 十

卽出具考語咨題部議卽准其入於卽陞班內今離任候陞者必先行報滿以待部覆然後另行出具切實考語題咨部議方准入於卽陞班內陞用中間兩次申詳兩次題咨兩次部覆徒增內外案牘之煩况粵西離京遙遠往返動輒半載更稽時日且官員在任既已三載五載其賢否上司無有不知如劣員則不待俸滿已掛彈章果賢員則當俸滿之日卽可出具切實考語查明有無叅罰題咨卽陞何必俟回至內地始行據實分別乎 臣愚請推廣 皇上體恤邊員之意嗣後粵西水土惡劣地方官員

俸滿之日一面委員前往交代撤回內地一面卽查明有無叅罰出具切實考語題咨聽部查核應陞者卽准其入於卽陞班內陞用不必兩次題咨於成例無甚更張而俸滿之員獲蚤一日之陞選卽少一日之守候矣抑臣更有請者三年五年俸滿之員雖准其卽陞其實內部卽陞班內之人不止粵西一省是以卽陞之人有遲三五年而後陞者甚有遲七八年而後陞者從前在任候陞者猶有俸祿養廉可以支持今離任候陞則俸祿養廉俱無可領卽回至內地亦可委署差遣然非其本任終難長久府廳州縣尙

四知堂文集 卷一 奏疏 七

可久候雜職微員拮据難堪矣請嗣後本省缺出有與俸滿之員陞缺相當者准令咨題補授不必拘定內部陞班選期如此一變通間則離任之員無株守待缺之慮而地方亦收駕輕就熟之益矣 一軍流人犯在配脫逃處分府廳之例宜請停止也查雍正十三年十月內題定如軍流人犯私行潛逃雖無賄縱情弊仍將疎縱之州縣照例處分并將不行查察之該管府廳照統轄官例罰俸三個月若軍流人犯在配日久或交通官弁生事不法或賄囑官吏潛逃無踪該管府廳據實查報止將州縣分別叅

處該管府廳免其查叅若該管府廳漫無覺察照失於查察例罰俸一年等語查軍流人犯到配安置之後既不能再爲之鎖押拘攣以苦其身體更不得不聽其自謀生業以資其日食雖該管官員每月朔望查點而地方保甲時時看守約束然人犯衆多究不能逐一差人時時追隨跡其往來以防其兔脫至於府廳相距州縣自數十里以至數百里不等鞭長莫及且閩屬刑名錢穀事件責成稽查督率者又不可勝計又焉能復行查察各屬安置之軍流人犯而使其不致疎縱脫逃耶是以從前定例軍流人犯脫逃

四知堂文集

卷一 奏疏

三

止叅處專管印官而不及府廳者職是故也今以保甲不能防閑之軍流人犯議處及於相距遠隔之知府廳員定例實未平允臣請嗣後軍流人犯如果有交通官弁生事不法或賄囑官吏潛逃者該管府廳漫無覺察應照例議處外其止疎縱脫逃者請仍照舊例止叅處該管州縣印官并專管之典史吏目其知府廳員均免其查叅庶立法平允而府廳官員不致動罹叅處矣

一民間買賣田產於稅契時查明欠糧數目扣出田價完官之例宜停止也查雍正六年十月內戶部議

准浙江糧道蔡仕舫條奏凡民間買賣田產州縣給司契之時查明欠糧數目將田價扣出完官餘付賣田之人收領所賣之田歸入新戶等語夫徵收錢糧例有定限州縣催科有術民自輸將恐後卽有掛欠不清亦因一時力難措辦爲民父母自當設法勸輸催納至於變賣田產乃小民萬不得已之事非饑寒迫身卽因事急需若於稅契之時將田價扣完錢糧則產與價兩空矣且民間買賣田產必先寫立白契交價成事之後買主始請司契照白契填入粘連投稅並非當官交易州縣官又何從扣其田價若差役

四知堂文集

卷一 奏疏

三

查追賣主則此輩下鄉需索不飽其欲不止若必使買賣田產之人俱於請給司契時持價到官聽候查扣竊恐衙門吏役藉端稽延徒致荒農廢業又况民間變產非今日交價明日卽行稅契或至稅契之時而價銀已經用去再行按扣勢必又行變賣剜肉之痛莫逾於此是扣價完官之例補於催徵者有限而反爲吏役開一詐索之門民間添一買賣之累也臣查契紙之弊蒙

皇上洞燭已降旨永行停止迨後奉部行議覆廣東巡撫楊永斌條

奏仍用司頒契尾而扣價完糧之例未除誠恐州縣奉行不善仍有因錢糧未完於稅契時扣價者實爲民累請嗣後將民間稅契扣價完糧之例一併停止則變產之人得以資其口用而吏胥亦無從藉端措勒索矣以上四條謹就臣管見所及者據實敷陳是否有當伏乞

皇上睿鑒

請嚴禁餽送土產疏

爲請禁土產之餽送以養廉潔事竊惟交際往來禮所不廢然過於浮費適足以傷廉而病民臣每讀皇上諭旨諄諄於抑奢靡崇節儉周詳切至誠欲海宇返樸還淳吏治清而風俗日上也領事之相習已久者多不自覺其非而漸染之俗非力矯之不能驟除卽如土產一項臣前在廣東肇羅道時見新興縣出香荔枝每年當荔枝熟時該縣知縣必擇其鮮美者裝成小篋數百僱船運載分遣家人送各上司及隣近同官在受者以爲此土產鮮菓耳何害於名節四知堂文集 卷一 奏疏 十五

在送者以爲舊例應遵不便至已而獨更此所謂習久而不覺其非也不知此項荔枝非知縣自植也勢不能不取之民不與值民之苦卽照數與值而此值何啻乎非州縣養廉乎况其間摘送交官之紛擾胥吏往來之需索累更種種乎就廣東一省言之如四會之柑子高要之佛手新會之香橙化州之橘紅大率類此則以此推之他省其有土產者情形概可知已臣愚以爲州縣之養廉有限似此浮費不除力不能支斷無不派累百姓之理敢請

皇上頒發諭旨凡有土產地方州縣永遠禁止餽送

上司不得一毫收受違者嚴加議處庶大小臣工咸知痛改積習而百姓陰受其福矣臣愚昧之見是否有當伏乞
皇上睿鑒施行

四知堂文集

卷一

奏疏

十六

請給引 見官員養廉以臻畫一疏
為請給引

見官員養廉以臻畫一事查粵西官員自雍正六年酌定養廉之後毋論出差引

見均係照缺全支雍正十一年原任藩司張鉞詳明

督撫請照貴州省之例署事一官一印者全給一官

兩印者給與一半所餘一半留克公用引

見及差委他出者將一半給與經前雲貴廣西總督

臣尹繼善批以引

見之員往返不過數月毋庸議給一半養廉出差之

四知堂文集

卷一

奏疏

十七

員有盤費者准支一半養廉無盤費者全給自雍正

十一年起至十三年俱照督臣尹繼善批定之例支

給辦理并奏銷在案乾隆元年原任藩司張鉞以引

見出差之員長途需費家口在署亦需養贍詳請原

任撫臣金鉞咨明戶部引

見之員應仍給本任一半養廉出差之員全行支給

以俾家口養贍有資奉准部覆以粵西歸公養廉係

入潯梧兩廠案內奏銷為添給各官養廉之用今請

引

見出差各官一併給與本任養廉將來何以為添給

各官養廉之用行令自行奏明辦理撫臣行司查議時臣初到粵西情形未悉遂請仍照前督臣尹繼善所批引

見之員毋庸支給一半養廉詳明撫臣咨部奉部覆准亦在案惟是粵西各官養廉較薄於他省而遠處瘴鄉離京甚遙臣到任二年以來見所屬各官除出差之員有一半養廉猶可支持外至於奉旨引

見及保題引

見之員缺既未開必委員署理每交代清楚多囊橐四知堂文集 卷一 奏疏 六

蕭然不但家口養贍維艱卽長途路費亦拮据萬狀查直隸各省引

見之員本任養廉全給半給臣不能悉知但前司詳請支給一半者係照黔省之例爲黔爲粵均屬邊員黔省引

見之員既得支領一半養廉以資養贍則粵西亦可照行且本年八月內准部咨議覆安徽布政使晏斯盛條奏武職親丁名糧一案凡保題引

見之員不無往來車馬之費准支本任一半隨糧已奉

俞旨武員之隨糧卽文員之養廉武員既已蒙

恩准支本任一半隨糧則文職事同一體更宜准支本任一半養廉以示體恤臣亦何敢以前此不准支給係臣任內詳請撫臣咨部之案嫌於自相矛盾而不陳明乎至於粵西歸公養廉原藉以爲支給增添各官養廉之用內部從前議駁亦屬慎重但每歲引見不過數員其支給亦屬有限未必遂致不敷卽或偶有不敷之年亦可於公項內另請咨部支補合併陳明伏乞

皇上睿鑒勅部議覆施行

四知堂文集

卷一 奏疏

六

請定給發土司 誥軸限期疏

為請定給發土司

誥軸之限以杜稽延事查土司恭遇

覃恩請領

誥封向係自行領咨差人赴部乾隆二年經臣奏請

土司請

封免其自行差人其咨文即由撫臣送部內部查辦

揭送內閣內閣辦訖即將

誥軸發部給各省提塘遞送回省轉發各土司收領

蓋以杜需索廣

四知堂文集 卷一 奏疏

三

皇恩也荷蒙

皇上將臣奏勅部查議隨經部臣如臣奏議覆奉

旨依議欽遵通行在案茲查粵西土司自奉

旨免其自行差人赴京之後其請領

誥封者則有太平土知州李璋忠州土知州黃鑑歸

德土知州黃國珩下旺司土巡檢章仕秀俱經臣於

乾隆二年十月十一十二等月詳請撫臣咨部迄今

已閱半載有餘而各土司未得

誥封未見提塘送到雖部院辦事自有一定章程此

項

誥軸亦終必給發但臣推原遲延之故則亦有因蓋

覃恩給封乃臣子邀沐

殊榮是以大小臣工差人領咨赴部書吏人等俱不

無些微紙筆之需今土司請

封既無人赴京則筆紙之費自無因而書吏人等亦

不上紫辦理此亦勢所必然但各省土司既蒙

皇上恩典免其差人赴京而由驛遞咨又復遲之久

而未給不無使各土司又生疑惑致啟奸徒藉此撞

騙之端臣請嗣後凡土司請

封撫臣題咨到部即以到部之日起限兩月辦給

四知堂文集 卷一 奏疏

三

誥軸發與提塘遞送如或遲延該堂官查出將承辦

之員照遲延例查議書吏嚴加究治庶幾事有定限

而延擱之弊可除矣臣言是否可採伏乞

皇上睿鑒勅部議覆施行

請廣 皇仁體恤微員疏

為請廣

皇仁體恤微員事竊查乾隆元年七月二十六日內閣奉

上諭向來各直省縣丞主簿典史巡檢等微員革職解任或告病身故無力回籍者令該督撫設法料理令得早還故土此國家軫恤下僚之至意也在督撫辦理此事自應妥議捐助俾窮員家口得沾恩澤乃聞各省督撫吝惜已貲而於通省各微員俸銀養廉內扣除以為資助之用夫微員俸少祿薄豈可再行四知堂文集 卷一 奏疏 三

扣減大於情理未協嗣後微員離任身故實係窮苦不能回籍者着該督撫於存公項內酌量賞給還鄉路費每年造冊報銷不得派及現任之微員將此通行各省一體遵照辦理欽此自欽奉

諭旨之後各省資助微員回籍銀兩已遵照俱於公項內支給乾隆三年三月又准部咨以各省賞給微員回籍路費冊內有通判知縣州同州判等官復議稱乾隆元年

費今各省造報賞給無力微員冊內有通判知縣州同州判等員查通判知縣州同州判等與縣丞品級懸殊應令該督撫等將賞給過通判等員回籍銀兩照數歸還原項并通行各省督撫嗣後遵照矜恤微員之原

旨辦理自縣丞以下等官無力回籍酌給路費縣丞品級以上不得濫行賞給等因奉

旨依議欽此又經遵照在案臣查部議遵照

諭旨縣丞以下方許支給還鄉路費因屬慎重公項且知縣通判實與縣丞等官品級懸殊自不便一例四知堂文集 卷一 奏疏 三

支給惟是州同州判雖品級與縣丞稍間而同為州縣之佐雜則一也別省情形臣不能知以粵西而論則州同州判之養廉每歲不過一百餘兩原與縣丞相等方今

聖治清明天末微員亦知奉公守法區區養廉僅敷日食每遇身故印棺槨之費多係該管州縣官代為料理至於家鄉萬里旅櫬難歸寡婦孤兒嗷嗷待哺其窮苦可憐之狀臣三年來目擊者不一而足矣若并此數十兩之還鄉公項亦格於成例不得支領不但旅櫬難扶并家口亦必流落異地臣伏思

聖慈廣被凡在覆載均沐

矜恤豈同一微員而有州同州判之分此部臣持議未悉情形不明大體之故也臣查官制府廳州縣而外均屬微員請嗣後粵西自州同州判以下微員有病故無力回籍者均照例給與扶觀銀兩其元二三年已支者免其追繳則微員之路費有資而皇仁之感被維均矣臣言是否可採伏乞皇上睿鑒施行

四知堂文集

卷一 奏疏

三

請變通粵西捐監事例疏

為粵西捐監之例請酌量變通以收實效事竊惟小民之需無過穀粟而備荒之策首在積貯乾隆三年正月十七日奉

上諭着各該督撫確查所屬現貯倉穀若干足敷本地之用與否若將捐監之例移於本省令捐本色於地方有無裨益各據本省情形悉心妥議若事屬應行即將如何定例定數之處具奏欽此

會欽奉

諭旨隨將粵西情形酌量應捐穀一百二十七萬四千

四知堂文集

卷一 奏疏

三

千二十石并請太慶思泗極邊煙瘴等府准外省流寓之人一體上捐等因具題於乾隆四年正月接准部咨議覆行令照數捐納造冊報部隨經臣轉飭各府州縣照例收捐并遍行曉諭士民一體捐納乃自四年至今將及一年而各府州縣報捐者不過寥寥數名計入倉穀石不過三千餘石推原其故蓋廣西地處極邊大半獠獠不知功名為榮雖太慶等府許外省流寓之人上捐而煙瘴之地稍有身家者不肯流寓其地至桂平梧潯等府雖有外省流寓肯捐之人又以赴煙瘴地方運穀上倉為畏途是以捐納甚

少伏讀乾隆四年十一月內奉

上諭捐監事例改歸各省令本籍之人報捐收納本色原期積貯充盈以備民間緩急之用也今聞閩省原議定爲穀一百萬石之數自報捐以來所收之穀不足三萬石而今歲該省收成頗稱豐稔彼地之人奢侈成風不知撙節甚至造麪釀酒以供燕樂是以僅見之豐盈供其浮費而以有用之顆粒助其奢靡習俗難移甚爲可惜不若乘此捐監事例准外籍民人無論行商過客及暫時流寓之輩一體照例捐納另冊報部成衆人之功名卽以留閩省之粟米似屬四知堂文集 卷一 奏疏 三

皇上睿鑒施行

臣言是否可採伏乞

兩有裨益俟一年期滿將外籍之捐納停止該部可卽行文閩省遵朕諭旨行欽此是福建一省已蒙皇上以積貯爲重准令外省之人一體赴捐今粵西已經報捐之數較少於閩省而去年收成亦頗豐稔民間穀石不以上捐卽運賣粵東合無仰懇皇上天恩將粵西桂平梧潯等府亦准外省民人無論行商過客及暫時流寓一體照例捐納俟各府州縣應捐數足之日停止則赴捐者衆而積貯有賴矣

請定隔省陞調人員赴任限期疏

爲隔省陞調之員赴任遲延懇請定例以免懸缺以重地方事竊查部選官員於引

見後領憑赴任有一定程限違限者例有叅處尙不致經年累月過於遲滯惟各省奉

旨陞調之員俱係現任例應交盤其兩月限內交代清楚者可卽起程赴任亦有任內經手錢糧繁多委辦事件未完兩月之限不能交代必須寬以時日者此等官員往往半載一年不能起程赴任而出缺之省又因已經奉

四知堂文集

卷一 奏疏

三

旨陞調有人或以現任之員兼署或以試用之人暫委夫兼署則鞭長莫及暫委則心志不專事件不無叢脞地方因以廢弛此情勢之所必然者卽如廣西思恩府知府一缺乾隆三年三月十八日奉上諭將徐德泰補授至今四年七月一年有餘尙未到任此必該員易州任內交代未清之故臣已詳請撫臣咨部飭催速行赴任在案然臣竊思之陞調各員任內有無錢糧未清經手事件未完該省督撫無有不知以臣愚見應請嗣後凡奉

旨陞調別省之員任內果有經手錢糧及承辦事件

必須該員清理完結半年之內不能起程赴任者俱將緣由咨明吏部吏部據情酌議應另補者請

旨另簡賢員應赴任者催令速行赴任無故逗遛者查明照文憑違限之例叅處庶要缺不致久懸而陞調各員亦不敢藉端遲延矣抑臣更有請者粵西恩府一缺管轄土司撫綏徭獠甚為緊要徐德泰迄今尙未到粵合無仰懇

皇上天恩另簡賢員補授思恩知府令速赴任其餘徐德泰俟其交代清楚或以別省知府補用或仍發來廣西俟有知府缺出再行請補於苗疆邊郡更屬有

四知堂文集

卷一 奏疏

末

益臣言是否可採伏乞

皇上睿鑒勅部議覆施行

奏明苗徭不法撥兵擒剿疏

為苗徭肆行不法撥兵擒剿以靖邊疆事查粵西桂林府屬之義寧縣與楚省城步綏寧二縣交界地方俱係苗徭素稱兇悍乾隆五年正月間臣等訪聞有漢奸黃順吳萬全唐朝必覃朝奉等以挖窖書符在內煽惑歛取銀錢正在密委員弁查拿復准湖南撫臣亦訪聞有妖民李天寶挖窖歛錢移咨查拿隨據義寧縣知縣倪國正桑江司巡檢蔡多奇於二月初日即將黃順吳萬全等拿獲遂有黃順等夥黨吳金銀秦新祖等同城步橫嶺紅苗楊明樓等聚眾千餘將桑江地方堡卒堡目捉拿不放經臣等一面撥兵堵禦要害一面委巡檢蔡多奇知縣倪國正前往曉諭良苗勿令附和解散逆苗各歸村寨另行設法誘擒首惡已據倪國正等設法安撫漸次解散并取各村寨苗徭不敢附和甘結具報經臣等將情由奏明在案至四月間又據義寧縣及柳州府屬之懷遠融縣稟報有三縣交界之大羅黃沙地方狗徭攜帶家小約千餘人前往桑江之四崗地方聲言前被黃順夥黨吳金銀等歛彼銀錢今黃順等已被官拿欲向索討原物等因臣等查狗徭無故出境前往苗

四知堂文集

卷一 奏疏

完

人村寨安知不有奸苗暗中勾結且拋棄田土挈眷
遠居日久乏食必致滋擾隨於五月二十一日委知
縣倪國正同巡檢蔡多奇臨桂縣縣丞吳嗣昌蘆田
市巡檢魯器俸滿候陞吏目魯懋永寧營外委潘貴
前往確查如無不法滋事情形卽資給口糧令各回
原村安業詎五月二十九日有四崗逆苗吳金傳于
思遠等暗令狗獠分藏山嶺而委員倪國正等亦不
設隄防率意輕入致被苗獠施放鳥炮四合圍捉除
巡檢蔡多奇赴水過河得良獠救出止於失去印信
其縣丞吳嗣昌吏目魯懋俱罵賊被害知縣倪國正

四知堂文集

卷一 奏疏

三

巡檢魯器外委潘貴執禁不放似此克頑叛逆罪不
容誅臣等現在調撥內地標協管官兵四千名田州
土兵三百名委梧州協副將許應虎爲總統桂林府
知府張永熹監紀軍務俟大兵齊日卽分路進勦務
期迅滅醜類以靖地方除一切軍興事宜及糧餉夫
船另爲查例酌議具 題外合將用兵情由據實
奏明再本年五月二十四日准楚省咨請粵西撥兵
二千名前往城步水頭地方駐劄夾勦城綏克苗臣
等已經如數檄調緣正在起程卽有四崗苗獠傷害
職官且四崗五崗爲赴楚夾勦必經之路是以續撥

官兵二千名合前調撥夾勦之兵二千又調土兵三
百共四千三百名掃清內地卽赴楚會合夾勦合併
聲明事關克苗悖叛用兵擒勦理合會同具 奏伏
乞

皇上睿鑒

四知堂文集

卷一 奏疏

三

請變通煙瘴佐雜調補成例疏

為請變通煙瘴佐雜調補之例以收實效事竊照粵西太思慶泗鎮五府俱屬煙瘴地方遇有佐雜缺出向例於桂平梧潯南柳六府併直隸鬱林一州屬內擇現任對品之員調補如對品無可調之員即以品級稍次者咨請借調聲明仍照原銜陞轉如或現任內無可借調之員即於試用人員內擇其曾經內地委署一二年風土稍悉才堪辦事者咨請署理俟一年之後如果稱職再行咨請實授此粵西向來辦理之成例也嗣於乾隆四年十二月內吏部奏准佐雜

四知堂文集 卷一 奏疏

三

徵員遇有應調缺出向係該督撫咨部請陞臣部概行議准易滋冒濫請將佐雜應調之缺俱令督撫照例咨部改調如無可調之人其命往補用人員并試用人員內有原係候補并曾經咨署得缺以及應陞人員內有曾經薦舉卓異及保薦俸滿即陞者亦准其咨部補授附入月分彙題如無應調應陞之員亦令照例奏

聞臣部照知縣以上官員之例揀選引

見補授概不准其將應調之缺違例咨部陞用等因是以乾隆五年三月內粵西慶遠府南丹土州州同

缺出請以鬱林州州判金永澍借補部議不准行令

照知縣以上之例題請揀選又乾隆五年四月內出有太平府養利州吏目一缺請以品級相等之懷遠縣梅寨司巡檢姚廷玉調補奉部以吏目係巡檢應陞之缺不准調補在部臣定議以佐雜等缺咨請陞補恐滋冒濫原屬慎重官方但粵西情形與別省不同勢有難以遵照辦理者查粵西內地州同止一缺煙瘴州同則有十一缺內地州判止二缺煙瘴州判則有五缺內地吏目止九缺煙瘴吏目則有十五缺員缺多寡懸殊內地之員本不敷煙瘴調補之用至

四知堂文集 卷一 奏疏

三

若命往補用人員與試用人員內之候補并曾經咨署得缺及應陞人員內曾經薦舉卓異保薦俸滿即陞者雖亦准請補而此等人員又屬無多若必拘對品調補之例是將來煙瘴缺出內地調補者十之二三指缺請部揀選者十居八九此指缺揀選之員多係初任雖才具可用而邊地之情形未諳水土未習驟蒞瘴鄉或致殞生殊可憫惜何若仍循舊例以內地之員酌量借調之為愈也况查乾隆三年六月大學士等欽遵

諭旨以瘴鄉之員往往甫至殞生深為可憫令於切

近廣西之廣東福建湖南雲貴等省在京候選候補人員內預行揀發先於內地委用候有煙瘴缺以之調補定議通行在案夫以切近粵西水土稍為相習人員尚令先試內地然後調補煙瘴若山部指缺揀選以素未習水土之人一旦置之瘴鄉亦非所以仰體

皇上體恤邊員之意以臣管見請嗣後粵西煙瘴州同州判吏目缺出應先儘內地對品之員調補如無對品之員請仍准以其次人員酌量借調至陞轉時仍照原銜陞轉如借調無員卽於奉發來粵試用之

四知堂文集 卷一 奏疏

書

廣東福建湖南雲貴等省人員擇其曾經委署一二年品級相當者咨請署理俟試署一年如果稱職再請實授庶煙瘴惡癘之鄉以水土素習之人爲之或可多保生全而照原銜陞轉及咨署一年稱職然後實授亦無僥倖冒濫之弊如此一變通間似於邊地人材均有裨益矣臣言是否可採伏乞皇上睿鑒勅部議覆施行

陳明邊方遣婦從容殉節疏

爲邊方遣婦從容殉節據實陳明仰祈

睿鑒事查粵西有遣犯張義之妻李氏者係山西太原府交城縣人張義緣事擬斬於一件欽奉
上諭事案內奉

旨免死減等發遣廣西僉妻李氏同行於乾隆五年七月初二日安置桂林府屬之義寧縣至九月十七日張義因病身故李氏備棺殮埋訖親至縣堂將夫遺銀三十兩交貯縣庫語縣令曰來此爲吾夫耳夫死吾事畢矣一子在原籍年止十六切勿令來至晚

四知堂文集 卷一 奏疏

書

喚一隣居老婦伴宿自將下衣密縫腰帶緊拴黎明乘老婦睡熟出城投河自溺該縣知縣嚴翼聞報赴視見李氏兩手俯前北向端跪水底如禮拜狀隨具文申報到臣查婦女夫亡從死例不准

旌各省間或 題請

旌表亦必出自

特恩至於遣犯之婦盡節請

旌歷查殊少成案然臣思李氏一犯婦耳乃大義夙明視死如歸觀其繳遺金於縣庫止幼子之遠涉處置既極從容而中宵密縫裳衣入水北向端跪其秉

禮循義之心至死不渝實爲巾幗僅見此蓋
聖朝德化涵濡深遠故僉遣婦女亦知潔身全節粵
西僻處天末苗獠狎獍詩書之風未徧廉恥之節宜
崇如李氏者傳聞之下實足以樹厥風聲漪漉陋習
者也謹據實奏

聞伏乞

皇上睿鑒

四知堂文集 卷一 奏疏

三

四知堂文集卷一 終

四知堂文集卷二

清江楊錫紱方來著

奏疏

署理廣西巡撫謝 恩疏

爲恭謝

天恩事竊臣一介寒微才庸識陋由雍正五年進士
荷蒙

世宗憲皇帝拔置銓曹歷任廣東肇羅道欣逢我

皇上御極旋陞授廣西布政使旬宣重寄報稱維難
數載以來寸長未効茲復蒙

四知堂文集 卷二 奏疏

一

恩命署理廣西巡撫印務聞

命之下感激無地伏思粵西遠在天末民苗雜處撫
綏彈壓均關緊要臣以菲材膺茲鉅任實切惶悚惟
有殫竭愚誠矢公矢慎整飭官常綏輯苗獍不敢作
意沽名亦不敢一事欺飾務期廣宣

德化寧靜地方以仰報

高厚隆恩於萬一耳除臣署理日期恭疏 題報並
具本 奏謝外所有微臣感激下忱理合恭摺 奏

謝伏乞

皇上睿鑒

奏明查拿挖窖書符匪犯疏

為 奏明事竊查黔省匪犯黎阿蘭以挖窖書符在黔粵兩省地方煽惑愚民經黔省拿獲訊出在粵夥黨先經督臣馬爾泰提臣譚行義檄飭文武員弁查拿并將拿獲夥犯解黔收審緣由 奏明在案茲乾隆六年三月初九日又准黔省咨稱黎阿蘭等供出在粵夥黨內尚有未獲朱老大等二十六名開明年貌住址移咨一體查拿等因 臣查未准黔省咨文之先此二十六名內又已拿獲羅法正等一十餘名移解黔省矣其未獲者現止朱老大等十三名 臣與督臣提臣已嚴飭地方文武按照姓名住址實力查拿務期必獲勿令少有漏網以仰副我

皇上懲奸寧民至意抑臣荷蒙

聖恩官粵五載知粵西土瘠民貧人皆見利忘害挖窖之說最易哄動粵省之黃順陳士武黔省之黎阿蘭同此一術氣類相通互相誘惑為日已久恐被誘入夥者尚不乏人全在地方官實力查拿斯難漏網若少有懈弛即無以淨盡根株 臣現在切飭地方文武留心密訪嚴查但係挖窖斂錢匪犯即行緝拿拿獲之日訊係黎阿蘭同夥則解黔歸案如非黎阿蘭

四知堂文集

卷二 奏疏

三

同夥即在粵省審擬歸結總期去奸匪以安良善庶邊方獲保寧謐所有 臣現在辦理情由理合 奏明伏祈 皇上訓誨

奏明安南內訂貢期請暫緩移詢疏

為 奏明事竊查安南臣服我

朝三年一貢方物六年兩貢並進向屆六年進貢之期該國王於三四月內咨報廣西左江分巡道轉報督臣具 題俟部覆准日移咨該國王呈繳貢表本稿及儀物數目使從員役姓名由督臣核明發回該國王繕正并訂啟關日期至期委廣西左江道赴關查驗放進差員伴送入京此歷屆辦理之成例也查自雍正十三年進貢之後計至今乾隆六年又值兩貢並進之期今時屆三月未據該國王咨報請貢臣

四知堂文集

卷二 奏疏

四

查舊例安南入貢愆期有移檄詢問之例但查該國自乾隆四年秋間以來祿平州土官韋福瑄會同七州鼓諫諒山拘執鎮守官謀為變亂當經督撫提臣奏明在案自後則探聞附近黎京之地有王儒蓬者亦招集多人攻劫村寨儒蓬身死其弟王囉蓬即領其眾佔踞船頭地方該國王遣督鎮官阮超後領兵剿除而阮超後一出黎京即擁兵背叛佔踞處東地方皆該國貢道所經由之地近又探聞韋福瑄與阮超後歃血誓盟互相援應雖該國王現在遣兵擒剿尙未能搗巢覆穴開通道路是該國之遲未請貢者

或因韋阮作逆貢道梗塞之故臣查安南自備藩封素稱恭順我

皇上懷柔遠人體恤周至所有該國此屆貢禮以臣管見似應聽其平定內亂開通貢道再行修舉此時即移檄詢問亦可不必至於韋阮未靖近我邊界則惟有嚴飭沿邊文武緊守關隘加意防範毋少懈忽以謐我疆圉絕彼竄突耳事關國體臣智識短淺謹陳管窺未識當否伏乞皇上訓示遵行

四知堂文集

卷二 奏疏

五

奏明撥兵協勦貴州黎平府逆苗疏

爲奏

聞事竊查黔省黎平府屬洪州司地方逆苗於本年二月二十七二十八三月初一等日焚燒官署民房及永從縣治當據懷遠縣文武稟報臣卽咨會提臣撥兵赴連界地方堵禦防範於三月十六日具摺奏聞在案嗣准提臣譚行義咨開准貴州古州鎮咨請撥兵協勦已派撥官兵一千二百名委中軍叅將劉寬統領星赴黔界會商協勦等情臣卽檄委柳州府知府吳秉正總理糧運慶遠府理苗同知屠用中監四知堂文集 卷二 奏疏 六

紀軍務土田州俸滿候陞州同戴廷梅隨營支放至於現在逆苗情形查三月十九日准古州鎮臣韓勳咨稱三月初八日遊擊高欽帶領官兵斬殺逆苗二十餘名活擒一名吳安美訊據供稱廣西有七寨貴州有十七寨互相勾結等情又節據差往查探兵役稟稱探聞爲首逆犯名張國老卽張金又有將軍石金元係廣西人帶領大羅山峒人百餘名藏匿弄頂山內由弄頂山過石牛坡等寨勾結等情臣查石金元係義寧庖田寨有名惡苗上年會開單行知軍前在事文武設法擒拿旋據軍前文武報稱九月二十

三日在蘇隴山等將石金元用鎗打傷斬割首級并取具各苗頭並無假捏甘結申報至義寧大羅山狗峒上年入四崗五崗附和吳金銀等爲逆經官兵進勦除當陣斬殺其活擒及搜獲者俱解省審究在案今黔省逆犯又有石金元其人又稱有廣西峒人百餘在內則前報斬石金元之處或係該寨頭人假捏殺死縱令潛逃抑或另有其人大羅山狗峒或係漏網餘孽竄入黔境勾結滋事均未可定再本年二月十四日據懷遠縣知縣王賓詳稱有縣屬腮江等寨頭人因原籍貴州開泰縣人今居住高刀山之龍中美家窩留義寧廣南寨過來生苗二人該頭人等前往盤詰不期生苗情急拒捕殺死寨民一名卽往後山脫逃該寨民等不忿隨趕上將窩家龍中美并生苗二人一齊打死龍中美之子龍老元等脫逃未獲等因臣當卽飛飭該府縣關移黔省開泰縣一體嚴拿務獲究訊尙未覆到而洪州司逆苗之事已起則桑江逸犯因粵省查拿嚴緊逃入附和乃事所必有今已動兵夾勦毋論粵苗黔苗自當不分彼此一體勦除以懲克頑以靖地方至此案克苗焚燬起於洪州土司地方在黔省自另有起釁根由但旣探有桑

四知堂文集

卷二 奏疏

七

江餘孽藏匿懷遠縣境復竄入黔省洪州司地方勾結滋事情由誠恐該地文武因事起連界便思推卸鄰封不肯實力跟究臣已委府廳人員星往懷遠之高刀山等處查訊正月內殺死生苗實在情形并查所稱廣西七寨勾結黔苗是何寨名爲首何人附從若干飭令軍前總統監紀相機擒拿務淨根株不得絲毫捏飾推諉所有粵省派撥官兵赴黔協剿及探聞桑江餘孽竄入黔省附和緣由理合據實奏聞伏乞

皇上睿鑒

四知堂文集 卷二 奏疏

八

請給戍兵口糧以資防禦疏

爲請給戍兵口糧以資防禦事竊查粵西之太平府與安南界址毗連乾隆四年秋間因安南土官韋福瑄內亂近我邊界是以飭令太屬沿邊各隘俱添撥兵役加緊防範但隘口其多而該處新太龍憑虺毒各協營額兵除存城防汛外不敷分佈復於左江鎮標派撥兵丁一百名前往太平所屬之下石土州地方駐劄彈壓并酌定三月一換以均勞逸在案從前撥往之時因係本省貼防且爲時久暫未定不敢遽請支給口糧業經酌量犒賞今查韋逆悖叛已將二載該國一日不靖卽須駐防一日撤旋無期而下石水土惡劣相距南寧五百餘里兵丁遠戍瘴地露宿風餐實爲勞苦查從前出師古州協剿逆苗案內本省堵禦兵丁有支給口糧之例今貼防邊隘與堵禦無異除乾隆五年以前業經酌量犒賞毋庸置議外應請將前項貼防兵丁自乾隆六年正月爲始每名每日支給口糧米一升於太平通判倉貯穀內碾米運支其所需碾運之費及買補腳價均於司庫耗羨內動支俟事竣之後造冊送部核銷庶戍兵有飽騰之權而邊防無疎忽之虞矣爲此繕摺具 奏伏乞

四知堂文集 卷二 奏疏

九

皇上睿鑒勅部議覆施行

四知堂文集

卷二 奏疏

十

遵 旨議覆開墾田地酌量陞科疏

為遵

旨議奏事乾隆五年九月初四日准戶部咨七月二十六日內閣奉

上諭從來野無曠土則民食益裕即使地屬畸零亦物產所資民間多闕尺寸之地即多升斗之儲乃往往任其閒曠不肯致力者或因報墾則必陞科或因承種易滋爭訟以致愚民退縮不前前有臣工條奏及此者部臣以國家惟正之供無不賦之土不得概免陞科未准議行朕思則壞成賦固有常經但各省

四知堂文集

卷二 奏疏

十一

生齒日繁地不加廣窮民資生無策亦當籌畫變通之計向聞邊省山多田少之區其山頭地角閒土尙多或宜禾稼或宜雜植即使科糧納賦亦屬甚微而民夷隨所得之多寡皆足以資口食即內地各省似此未耕之土不成坵段者亦頗有之皆聽其閒棄殊為可惜用是特降諭旨凡邊省內地零星地土可以開墾者嗣後悉聽該地民夷墾種免其陞科并嚴禁豪強首告爭奪俾民有鼓舞之心而野無荒蕪之壤其在何等以上仍令照例陞科何等以下永免陞科之處各省督撫悉心定議具奏務令民沾實惠吏鮮

阻撓以副朕子惠元元之至意欽此咨行到粵臣查
國家有惟正之供小民無不賦之土是以從前報墾
田地無論肥瘠多寡俱分別水旱限年墾科令蒙我
皇上念切民依以邊省山頭地角不減坵段者開土
尚多內地亦頗有之

特頒諭旨悉聽民夷僱種免其墾科嚴禁豪強首告
爭奪仰見我

皇上子惠元元體恤籌畫無微不至臣謹遵

旨通飭各屬遍示曉諭務使窮鄉僻壤咸知

聖主免賦之恩并申嚴豪強首奪之禁俾小民安心

四知堂文集

卷二 奏疏

三

舉種生計有資至何等以上仍令照例墾科何等以
下永免墾科之處臣查粵西地處極邊山多田少土
瘠民貧苗穠狃獠土人與民人雜錯而居田地科則
官民田地分上中下則獠田分中則下則屯田分上
中下則其各上中下則之內科徵銀米俱多寡不等
此外又有桑麻地稅花米旱地等項名色各科徵銀
米亦多寡不一請嗣後粵西開墾田畝如地屬平原
田成片段係上則中則水田在一畝以上旱田在三
畝以上者令按各州縣編則照例墾科在一畝三畝
以下者即屬零星地土應永免墾科至若下則田地

及桑麻地花米地等項地更瘠薄收成有限且有種
植一二年後必培養地力而後可復種者此項田地
民間開墾水田在五畝以上旱地在十畝以上者照
例墾科其在五畝十畝以下者應永免墾科其應墾
科田畝有未至墾科年分及墾科後水冲沙壓究難
成熟者仍與豁免但小民頑良不一往往有藉荒佔
熟之弊加以永免墾科恐益多捏名冒佔是在地方
官清釐於始庶免混淆於後請嗣後凡有報墾之戶
無論水旱田地俱將土名四至畝數開列呈報地方
官即單騎減從親往勘明然後給與印照不得濫委
四知堂文集

卷二 奏疏

三

捕巡頭人鄉保致滋袒飾其執照內俱詳開土名四
至田形登記檔冊存案以便稽查如有豪強爭奪及
藉墾佔熟掘毀墳塋侵佔河渠道路者照例治罪地
方官不行親勘致墾後紛紛告爭或縱容書役需索
擾累百姓者即嚴行祭處如此則小民樂於耕種豪
強不敢冒佔野無荒棄之土戶鮮游惰之民仰沐
聖朝惠養之恩於億萬斯年矣臣謹就粵西情形酌
議會同督臣馬爾泰合詞具 奏是否有當伏乞
皇上睿鑒勅部議覆施行

奏明拿獲挖窖匪犯譚煥禹疏

為奏

聞事竊查粵西地處極邊民人獠獍愚而嗜利最易誘惑上年粵省拿獲之陳士武黔省拿獲之黎阿蘭俱係以書符挖窖煽惑愚民其供出夥黨臣等俱嚴飭所屬實力查拿陸續據地方文武拿獲者已分別解黔及歸本省審擬在案臣等復思地方遼濶此等奸民以挖窖之術潛誘暗煽已非一日恐被誘入夥者尙不止黎阿蘭等供開數人是以密飭各州縣營汛嚴加稽查但有被誘挖窖之人即行拿究毋得少

四知堂文集

卷二 奏疏

十四

有疎縱致貽後患本年三月內據鬱林州興業縣知縣陳世榮會同防汛營弁拿獲匪犯譚煥禹譚現會甘帥鳳韋亞晚等四名雖據供並不識認陳士武黎阿蘭等而以挖窖書符妖言煽惑歛錢則如出一轍并供出為首李國章係廣東人夥犯韋三自孔鳳章韋顏朝等八人俱廣西人臣等當即嚴檄文武員弁按照供開姓名住址密拿務獲并飛咨督臣及廣東撫臣一體檄飭嚴拿首犯李國章到案質審臣楊錫紱與督臣馬爾泰并檄委鬱林州知州傅墜專辦此案務將譚煥禹等為匪實情夥黨確數嚴行究出茲

四月十二日據知州傅墜稟報細訪匪犯譚煥禹等所歛銀錢聞係給李國章養兵復將該犯譚煥禹研鞫始供為首李國章實名梁老四其夥黨除先供出又供有廣東合浦縣之楊七廖建平裁縫黃黎二梁二等廣西興業縣之周聯培楊茂聰周瑜璋覃上達盧三奇盧士輔等其韋三自係稱將軍楊七係稱總兵俱領有劄付等情前來臣等查譚煥禹等藉挖窖妖言敢於佈散符劄潛謀不軌在東西兩省連界地方煽惑多人不法已極若非嚴拿重究無以懲逆惡而靖地方除差委員弁協同地方文武實力查緝首

四知堂文集

卷二 奏疏

十五

夥各犯層層跟究務盡根株并咨會督臣馬爾泰及廣東撫臣提臣一體嚴拿歸案審擬勿令少有漏網外所有臣等拿獲逆匪及現在辦理緣由理合據實

奏

聞伏乞

皇上睿鑒

奏明查拿粵西附和黎平滋事逆苗疏

為 奏明事竊查黔省逆苗不法燒燬永從縣治臣與提臣撥兵堵禦及派調官兵一千二百名委員帶領赴黔協勦并探聞桑江餘孽亦有逃人附和緣由經臣於三月十一二十六日兩次奏

聞在案茲四月初四日又准督臣馬爾泰咨以前撥之兵尙恐不敷佈置再派粵西官兵一千令提臣譚行義親赴黔界駐劄辦理并預備粵東官兵三千聽候調遣至現在逆苗情形節准古州鎮臣韓勳咨自三月初八日與官兵對敵之後即散入九曲河等乃

四知堂文集

卷二 奏疏

七

黔粵湖南三省交界之所現在三省分兵堵勦搜擒屢有斬獲逆首石金元據黔省軍前文武報稱踴躍已逃入靖州金坑山等現在上緊擒拿臣查此番逆苗起事伊始三省官兵即四面雲集加以上緊辦理諒剪除在即不致蔓延至逆苗起釁根由據軍前總統提標中軍叅將劉寬拿獲逆苗一名吳老銀懷遠縣知縣王賓拿獲逆獍一名戴蒲岩各訊供稟報前來臣查閱各供係桑江廣南逸匪石金元等數人上年十月內逃至懷遠之獨崗頭人吳萬千家因眾人不容即逃往貴州牙爽寨楊老岩家至十二月有原

籍貴州苗人今任懷遠歸隨寨之姚鳳明戴老窪等

前往接來先任姚鳳明家後任高刀山龍中美家今年正月內石金元等以祭旗挖窖引誘煽惑歸隨高刀之人被惑者約有數十餘家惟膠江苗人不信糾眾往拿彼此互有殺傷石金元等復逃入貴州歸隨高刀兩處苗人姚鳳明龍老元吳金相石金鰲吳金田等男婦數十餘人亦皆隨去有貴州丟寨牙爽二寨頭人楊老岩吳在行留住遂勾結南江一帶附和多人時懷遠縣知縣王賓因往驗高刀山殺死四命知龍中美之子龍老元等逃入貴州關移開泰縣查

四知堂文集

卷二 奏疏

七

拿開泰縣差役周信往南江緝拿逆苗將差役殺死又因土官林天錦平日苛虐遂於二月二十七日先打土司洩忿蔓延屯堡縣治此逆苗起釁之根由也四月十六日又准古州鎮臣韓勳咨稱三月二十日軍前拿獲逆苗吳金相係廣西歸隨寨人訊據供稱歸隨寨只有我四家始終跟石金元過貴州其餘都回去了等語是據黔省來咨廣西過黔附逆似止數十餘人除黔省軍前已經拿獲外其未獲者臣已嚴飭總統劉寬上緊擒拿務獲至附近歸隨各寨苗人雖未過黔從逆而或先曾被誘附和罪亦難追臣亦

已飭令軍前文武細訪確查應勦者勦應緝者緝不得少有寬縱致貽後害總期同心協力早靖逆氛以仰副我

皇上寧謐地方至意所有查明逆苗起事緣由及現在辦理情形理合據實具奏伏乞皇上睿鑒

知縣係屬姻親陳明迴避疏

為陳明下悃仰祈

睿鑒事竊照粵西有潯州府桂平縣知縣李孝源者乃現任光祿寺卿臣李紱之長子李紱幼女久許配臣三子楊有濬是臣與李紱乃兒女姻親李孝源乃臣之卑幼姻戚今同官一省雖例無迴避之條然臣荷蒙

恩命署理巡撫整飭地方首在舉劾屬員舉劾當而後人心服人心服而後吏治可望澄清地方乃有起色臣受

恩深重斷不敢因姻戚而稍有袒護即李孝源稍知自愛亦不敢因臣而遂滋驕蹇然人情瞻顧之私在屬員之於上司為甚以撫臣之姻親非甚不肖道府各員不能保其不稍示優容是在臣則恐受矇蔽之患而亦非李孝源之福臣思率土莫非王臣而粵東粵西尤同一督臣統轄合無仰懇

皇上天恩將李孝源調於廣東交與督臣遇缺補用其桂平縣缺照例歸部另選則臣不惟不敢避嫌且無嫌可避益得竭此心力以仰報

聖主知遇之恩緣事不合例未敢具題謹恭摺

奏懇伏乞

皇上聖訓遵行

四知堂文集

卷二 奏疏

二十

請移撥存兵糧改穀歸入常平疏

為請移撥存兵糧改穀歸入常平以裕積貯事竊惟備荒之策積貯為要積貯之道常平為先我

皇上念切民依以各省積穀未甚充裕不足以備地方早潦之需或發帑採買或移捐監於本省凡皆先事圖維為民食計也粵西僻處邊徼土瘠民貧合計通省常平倉止共貯穀一百二十三萬石有奇實非充裕臣查本省從前因每年額徵兵米稍有多餘令改徵穀石存貯繼則因穀石存貯已多并將穀石酌撥而量留新米改徵遞年以來除撥過外實尚存穀

四知堂文集

卷二 奏疏

三

一十七萬三千九百餘石此項穀石未歸常平不在平糶之例因係兵米改徵每撥兵米即將其年分稍久者酌撥其實粵西每年額徵兵糧本米及所收官租陞科支剩存留學租等項合計儘足敷制兵月糧之用臣愚請將此項穀一十七萬三千九百九十餘石除再酌存穀七萬三千九百九十餘石以備奏撥兵米外其十萬石應行截住歸入各府州縣常平倉內一體造報每年青黃不接之時一體存七糶三出陳易新既資平糶之用亦免霉沓之虞至嗣後每年額徵兵糧如有撥剩仍照例改徵穀石存貯俟積數

至十萬以上再行 題明歸入常平如此則粵西倉儲雖無尅期之裕亦有漸積之充矣爲此具摺陳奏伏乞

皇上睿鑒施行

四知堂文集

卷二 奏疏

三

報明永從首逆石金元就擒疏

爲報明首逆就擒事竊查黔省永從逆苗不法燒燬縣治屯堡及粵西懷遠之歸隨獨崗等寨苗人亦有附和經臣等派撥官兵一千七百餘員名前往協勦陸續據報燒勦崗寨及斬殺緝獲附和各兇緣由已節次 奏明在案其石金元一犯訊據兩省拿獲逆苗俱供該犯實係首惡臣等先後嚴飭軍前文武踴探踪跡懸立重賞務期必獲羽檄頻催不遺餘力茲據總統提標中軍叅將劉寬監紀慶遠府同知屠用中稟報六月初八日有堵禦廣牛隘外委把總林大放帶領汛兵鄉勇在於懷遠之牙溪與楚省金坑交界山頭拿獲首犯石金元及該犯母妻子妹五名口到營等因臣等查石金元一犯乃桑江遺孽逃匿於永從開泰懷遠交界地方煽惑勾結復爲不法首犯除飛飭軍前文武研訊確供解交黔省歸案審擬外所有首兇就擒緣由合先奏

聞再查此案雖係燒燬縣治屯堡然蔓延未廣其在粵西則止歸隨獨崗二寨有人附逆過黔二月間方始蠢動三省官兵卽四面雲集爲逆寨分俱已勦燬有名逆兇漸次勒擒本無需多兵久駐因石金元首

四知堂文集

卷二 奏疏

三

犯未獲是以未便遽行全撤止密飭在事文武先行酌量撤減茲首逆就獲軍務已竣臣等現在檄飭軍前文武酌留貼防餘俱分撥撤旋合併聲明爲此具奏伏乞

皇上睿鑒施行

四知堂文集

卷二

奏疏

五

新立隆勝協制兵不敷抽撥請准新設募充疏爲粵西制兵無多抽撥新疆實難足數據實陳明仰祈

睿鑒事竊照桂林府義寧縣屬之桑江地方爲省北藩蔽僻處楚粵邊界最易藏奸滋釁軍務之後貴州督臣張廣泗會同臣等議設協營安兵一千五百名以資巡查化導已蒙

聖恩俞允添設副將遊擊等官應需兵數着臣等因勢隨時會同熟商妥議如數抽撥以符原議臣等奉到

四知堂文集

卷二

奏疏

五

論旨當卽咨會熟商有萬難全數抽撥不得不再爲瀆請者謹爲我

皇上陳之查粵西地處極邊幅員遼濶不滅滇黔內雜苗獠狴獍外控交夷在在俱屬要地標營三十七轄通共制兵二萬三千七百一十一名較之雲貴四川僅及其半是以處處汎廣兵單協營將備恒有添兵益汎之請臣等以

國家經費所關未敢輕易議添茲因苗疆新闢始請添兵一千五百名部臣議於現在各營抽撥亦慎重錢糧之意臣等就各標協營目下情形詳加籌酌如

左江鎮各營毗連交趾分防沿邊關隘各汛兵丁尙不敷用甫於上年請添一百四十名分佈明江各汛目下交趾未靖坐鎮土蠻實難抽撥右江鎮各營爲滇黔門戶兼逼近交趾前因兵力不敷於雍正十三年請添鎮標中營兵丁五百名以資防範是該鎮營控制蠻夷新立營制未久亦難核減此外慶遠協則毗連古州新太鎮安二協則界連交趾而新太又爲交趾入貢之路潯梧二協則地當左右兩江之衝各兵不過千有餘名分防四五六縣不等除分防外各協存城兵丁多則二百餘名少則百餘名至於全州

四知堂文集

卷二 奏疏

奏

地制兵之數本不爲多然慎重經費斟酌緩急臣等撫提二標七營每營酌抽四十三名共得戰兵三百一名此三百一名內止須留戰兵二百二十名以八十名改守可多得守兵四十名又酌抽內地桂林營二十名平衆協二十名麥嶺營十名富賀營九名合之臣撫提二標共得三百九十九名尙不及新設三分之一臣等又詳加籌畫於新設兵丁之中又無糜費錢糧之患則莫如裁去餘丁之養糧名募新設之兵丁查粵西通省共養餘丁八百零一名此項餘丁原在制兵之外留之不見其多裁之亦不見其少茲

四知堂文集

卷二 奏疏

奏

請將通省餘丁養糧裁去卽以名募新兵可得守兵四百零一名合之前抽撥之兵共可得兵八百名尙不敷兵七百名實難抽撥足數臣等仰體皇上綏靖苗疆之意在經費固應慎重在險地亦宜變通與其周章於日後不如綢繆於未雨合無仰懇聖恩勅部議准新設免其抽撥庶邊徼營汛無益滋單弱之虞而新闢苗疆亦得早資稽查化導之用矣臣等爲邊關重地制兵本單實難多抽致滋遺悞起見謹合詞 奏懇伏乞

皇上訓示遵行

奏明奸匪肆逆撥兵勦捕疏

為奸匪肆逆撥兵勦捕據實奏

聞事竊查粵西地方土人苗獍愚而嗜利本易誘惑近年以來有一等奸匪專以挖窖妖言暗相煽惑思為不法如黃順黎阿蘭陳士武石金元譚煥禹等案雖或已勦除或已拿獲審擬然邊地遼濶山險谷邃甚易藏奸乍難淨盡茲六月十四日據思恩府屬之遷江縣文武稟報六月十二日有所目監生凌鎮安稟稱六月十一日有一人帶領羽黨數百執持克器打大旗數杆旗書天與道行四大字各頭包黃巾為

四知堂文集

卷二 奏疏

三

首之人穿黃衣乘轎聞係來攻打遷江縣城等情到臣等隨星夜撥賓州營兵一百名臣譚行義提標兵一百五十名委守備一員前往應援又酌撥左江鎮慶遠協忻城土縣共漢土官兵一千名齊赴遷江令賓州營參將李發解統領勦捕臣楊錫紱亦檄思恩府知府徐德泰并調現在督辦懷遠軍務之右江道李錫秦前往遷江會同相機辦理務期滅此朝食毋使蔓延續又據軍前文武稟稱拿獲匪犯一名歐起通訊據供稱為首李五即李彩李梅即李彩之兄李開花即李梅之子俱廣東人又廖士美梁文成黃

老二黃貴奉黃貴寶藍貴亮譚五奉老七俱廣西人

六月初九日在遷江石班村會齊李彩遂分派黃貴奉黃貴寶攻打遷江縣城又派黃老二廖士美老七梁文成等分打來賓象州武宣陽朔等城當來攻遷江時係聲言開窖挑銀至十一日因跟來的人聽見要攻打縣城多不肯去是以未曾打得等語臣等查李梅即從前廣東逆案脫逃首犯李開花廖士美即黎阿蘭譚煥禹案內現在查拿首夥各犯今敢於謀為不軌聚眾攻劫雖因官兵赴勦迅速未敢逼城且人心不附漸已逃散然逆跡彰著不法已極非殄滅淨盡不足以彰

四知堂文集

卷二 奏疏

三

國法而靖地方臣等現在一面檄飭遷江文武窮追嚴捕一面分飭來賓等州縣文武防範稽查跟究黨羽嚴加捕緝或應需兵力臣當再酌行遣撥總期奸匪不致漏網而聽誘附和之徒均知儆戒以仰副我皇上綏靖邊隅至意所有臣等動撥官兵緣由理合恭摺奏聞伏乞皇上睿鑒施行

首犯就獲據實奏 聞疏

為首犯就獲據實奏

聞事竊照粵西鬱林州屬之興業縣奸匪譚煥禹等以挖窖妖言煽惑愚民潛謀不軌並供出首犯李國章係廣東人一案先經臣等 奏明續准兩廣督臣咨李國章已在廣東新興縣地方拿獲 臣等復於五月三十日奏

聞在案嗣據鬱林州知州傅墜審明東省解到之李國章乃梁朝相並非此案首犯即吊出監犯譚煥禹等亦並不認識 臣等隨飭該州文武再差兵役密訪四知堂文集 卷二 奏疏 手

嚴緝務將李國章拿獲不得少有疎懈致令漏網去後茲于六月二十七日據鬱林州知州傅墜稟報六月十七日在於北流縣地方將李國章拿獲到案訊據供稱的名李作章係廣東羅定州東安人雍正七年因在廣東恩平縣地方散劄事發逃至廣西收換名姓以書符挖窖哄騙銀錢乾隆元年在東省合浦縣乾隆二年在西省貴縣俱挖過窖乾隆五年九月同譚煥禹等又在橫州地方挖過窖都沒有挖得銀子今年正月聽得譚煥禹等被拿纔把挖窖的書燒了這些弟兄都稱小的做太祖小的有個姪子叫李

捷三他八字是四個壬寅命裡大貴有雲南的胡啟昌李尚彩接去上年來賓縣的廖朝相從雲南來說姪子李捷三在那裡招兵買馬并傳來羅平二字為號叫小的傳於眾兄弟們因此與合浦縣的廖建平等說知都要湊些人用黃布包頭去接他是實等語隨吊出案內之譚煥禹等識認俱供此人實是李國章又詰其雍正七年在廣東恩平縣散布劄付脫逃未獲首犯是李梅據供李梅就是小的李作章是改名等情到 臣等隨飭該州傅墜再加確訊謀為不軌實情并究出夥黨再行嚴拿務獲所有首犯李國

四知堂文集 卷二 奏疏

手

章的名李作章已經拿獲緣由合再奏聞再查李梅一犯乃雍正七年廣東恩平縣散布劄付謀為不軌之首逆因脫逃未獲曾經廣東督臣撫臣屢次咨拿結案之後每年又奉部咨行通緝總未弋獲今 臣等因查拿譚煥禹案內首犯李國章緝獲到案據該犯自認即係李梅不諱且所供恩平散劄年分亦查案相符即 臣等現經 奏明遷江縣肆逆匪犯李彩等一案亦係黃布包頭其拿獲夥犯歐起通所供李彩之兄名李梅有子李開花八字四個壬寅命裡大貴之語又與該犯所供大概脗合是該犯

李梅漏網于廣東逃匿于粵西復逞故智以挖窖妖
言煽惑勾結謀爲不軌已非一日從前粵西拿獲之
黃順陳士武黔省拿獲之黎阿蘭等皆其黨羽今日
遷江肆逆之李彩等又其眷屬也當俟審明如果確
實請卽於粵西歸結又臣等前因東省各稱李國章
在於新興縣拿獲未經飭審確實卽行具 奏實屬
冒昧總祈

聖明恩鑒爲此恭摺具 奏伏乞

皇上訓示

四知堂文集

卷二 奏疏

三

奏明拿獲逆犯李彩疏

爲逆匪首犯已獲據實奏

聞事竊照遷江逆匪李彩等聚眾不法圖攻縣城臣
等據報卽派撥官兵一千餘員名星赴勦捕逆匪聞
官兵已動散回風口村屯住情形及鬱林州拿獲譚
煥禹案內首犯李國章卽廣東先年散割脫逃首犯
李梅訊取口供知李彩等卽其黨羽一氣相通緣由
臣等已於六月二十四及七月初三日兩次繕摺奏
聞在案茲查風口一村乃逆黨羅天與巢穴最爲險
固領兵賓州營參將李發解與思恩府知府徐德泰
因附和愚民雖散而有名惡逆尙屯風口恐其竄逸
於六月二十日分派漢所官兵前往擒勦乃逆惡羅
天與等膽敢率眾拒敵官兵奮勇攻打雖當陣砍死
逆賊二名擒獲羅天與家丁黃仁達王成應黃特秀
三名及男婦四十餘名口并奪獲器械等項而官兵
亦陣亡二名被傷外委把總一員漢所兵丁十三名
至夜逆惡羅天與等勾通平日熟識本地所目覃宏
亮潛從後山巖洞逸去當據該參將等具報到臣臣
等卽嚴檄申飭令將所目覃宏亮拿究并飛遣官兵
四路追擒務將逆犯等拿獲勿令遠颺又分飭接壤

四知堂文集

卷二 奏疏

三

遷江漢土州縣一體堵截擒拿隨據遷江忻城等縣
及在事文武官弁陸續拿獲夥黨八十餘名又獲逆
黨頭人梁文成韋貴鳳二名招人要犯藍道貴譚仁
素張德順三名又於來賓縣將李彩先派攻打來賓
縣城之黃老七拿獲至六月二十七日在上林縣馬蹄
村拿獲逆首李彩并逆黨頭人譚仁達一名據右江
道李錫泰稟報訊問之下該犯李彩直將爲首起意
製旗聚眾圖攻遷江縣城及分派黨羽往攻來賓象
州武宣等城之處直認不諱其所謂十二頭人則供

四知堂文集

卷二 奏疏

五

係武宣縣韋老七石扶白王扶雨來賓縣黃老二韋
朝登慶遠府韋貴寶忻城土縣韋貴鳳藍法長遷江
縣歐起通韋法景譚貴鳳黃孟珍並自供原係廣東
南海縣人雍正八年卽與廣東逆案脫逃首犯李梅
結拜弟兄李梅告以有個少主八字是四個壬寅到
甲子年就要出來做大事年號是羅平二字因廣西
僑僮易哄可以煽惑取錢遂跟隨李梅在各處以開
窖分銀哄騙愚民勾結無賴至乾隆五年十二月纔
與李梅分手等情是該犯李彩確是李梅一黨李梅
一犯雖未在遷江一同起事而積年煽惑轉勾結

實爲此案謀主其李開花卽捷三一犯是否李梅之
子尙未確知但揆厥情形似爲惡逆所藉以居奇煽
惑人心者臣等現在嚴飭兩處承審官究明李開花
實在年貌及藏匿處所通飭地方文武一體嚴拿務
獲歸案究擬再查此案首犯已獲似可毋庸多兵駐
劄然此地素稱刁悍黨羽尙未全獲若遽行撤減則
土愚僑僮無所畏憚又復互相容隱不將逆黨擒獻
根株不淨終爲地方之害是以臣等飭令軍前文武
分遣弁兵駐劄要隘跟究黨羽藏匿之處或移兵勒
獻或協同搜捕務期逆匪全獲以除毒根以安地方

四知堂文集

卷二 奏疏

五

再查逆匪李彩來攻遷江之時係聲言挖窖故愚民
跟隨附和將至縣城渡河始言攻城其附和愚民遂
散去大半是百姓聞挖窖而來固屬貪利聞攻縣城
而去尙知畏法臣等亦現在飭承審各員訊明果係
初陷不知繼卽散去者卽與責懲保釋以免擾累其
原係逆黨并知係攻城而仍相隨不散者則係甘心
附逆應俱歸案究擬不得少從寬減所有拿獲遷江
一案首夥各犯及現在辦理情形理合恭
聞

四知堂文集卷二 終



奏疏

奏明社穀聽民自為經理疏

為 奏明事乾隆六年六月二十日准戶部咨乾隆六年五月十一日內閣奉

上諭今歲直隸自春徂夏雨水調勻麥秋甚為豐稔乃數年所罕見者外省督撫亦多以二麥有收奏報朕已深為慰悅即江浙閩楚等省春雨稍多而水耕之鄉實於秧田有益現在各處禾苗秀發糧價平減四知堂文集 卷三 奏疏 一

將來秋成亦大有可望夫積貯之道必講求於豐年而後可以濟儉歲之用若至儉歲而追悔從前之未曾預籌亦已遲矣今茲禾苗盈疇實屬田家難遇之景象各省應貯穀數自應及時經理買補足額以備緩急但積之於官雖倉廩無虧其為數終屬有限惟當於民間有餘之時教以樽節之方使人自為計戶有蓋藏庶幾長保盈寧不致有辜

上天之隆貺夫欲籌積穀之法必先去其耗穀者如踴麩燒鍋等事最為耗穀人所共知而小民無知止貪目前之利而不計異日之饑餒是在地方有司能



導而禁遏之今惟河南麩禁頗嚴直隸山東山西安等省俱未實力奉行販賣流通去路既廣則踴造必多及至此省穀耗價昂或官府撥運或商賈私買則彼省之穀亦為之耗此相因之勢有必然者是在各該督撫等共體朕心深思民事有應為之籌畫者則切加勸諭有應示以嚴禁者則勿視為具文務使上天之恩賜得以儲蓄為萬民俯仰之資則無忝父母斯民之職而有以慰朕宵旰之勤矣欽此咨行到臣臣伏讀

諭旨仰見我

四知堂文集 卷三 奏疏 二

皇上念切民依籌畫安全無微不至臣已謹將諭旨敬謹刊刻多行印刷發與各州縣令其遍貼曉諭即窮鄉僻壤山獠愚獍村庄務必揭示又嚴飭各府州縣及佐雜等員凡因公下鄉即宣布皇上惠養德意使戶知蓋藏人識樽節毋浪費於豐年庶有備於歉歲雖地方不多產麥造麩者少亦嚴加禁飭有犯必處以仰副聖主勤民重食謀其有餘至意臣又就粵西地方情形籌之粵西地處邊遠土瘠而風樸奢侈靡費之事尚可無慮惟社倉穀石通省止五萬六千餘石未為

充裕然當豐熟之年地方官若能實心勸導亦不無零星捐輸者臣前在藩司任內前任督臣撫臣皆仰體

皇上撙節愛養之盛心不時微行勸諭臣亦董率有司實力奉行如有士民情願捐輸者無論多寡聽其自便仍酌量獎賞以示鼓勵詳記檔冊以備稽查其一鄉一村之中如捐數多者或存貯公所或公建倉廩擇老成殷實之人董理稽查兼司出納其或爲數無多離城稍近挑運便易者卽暫寄縣倉俟捐輸數多擇有公所建有倉廩令其領回分貯總以民間所

四知堂文集

卷三

奏疏

三

捐之穀仍貯民間聽各自爲經理不涉官役之手於是各屬士民咸知此番捐輸不同交官中心樂從量力捐輸一縣之中會計有積穀至一千石以上者乾隆四年分通省共捐輸穀二萬二千餘石乾隆五年分通省又捐輸穀六千餘石或已建倉收貯或存適中公所或交與倉長或暫寄縣倉俱經驗明委係實數並無虛捏茲荷蒙

聖諭諄諄勸民蓋藏臣當於秋成之後照前董率地方官實力勸輸聽民多寡樂輸但不得少有抑勒致滋擾累蓋一升一斗出之一人覺其少而合之一鄉

則已多數千數百捐之一年覺其少而行之每年則漸多亦無速效而有實濟之事也再粵西向來社穀俱貯在官每年入冊奏銷名爲社倉而實與常平無異百姓視爲官倉樂捐者寥寥請自乾隆五年以後捐輸穀石悉聽百姓自爲經理地方官於出納之際稍爲稽查亦不必多立科條徒使愚民難曉究於積儲無益庶立法簡易在民久而愈知其利矣所有臣就粵西情形斟酌辦理緣由理合 奏明伏乞 聖主訓示

四知堂文集

卷三

奏疏

四

請獎勵拿獲逆匪丞令疏

為丞令實心任事積匪就獲據實奏

聞仰祈

睿鑒事竊查粵西地方大半徭獍最易誘惑每有無賴奸民竄入滋事全在地方州縣實心稽查多方嚴緝方免貽害即如雍正七年廣東逆案脫逃之李梅未弋獲本年二月內因興業縣知縣陳世榮拿獲挖窖飲錢匪犯譚煥禹等臣專委署鬱林州知州太平府明江同知傅壑承審此案并令跟究首犯務必

四知堂文集

卷三 奏疏

五

獲該同知傅壑遂殫心竭力多方購線懸立重賞於六月十七日將十餘年未獲之逆惡李梅拿獲細加鞫訊乃知該犯於脫逃之後即換易姓名竄匿西省仍肆故智往來於東西兩省界連地方以挖窖妖言哄騙徭獍勾結無賴陰圖不軌今既就獲不但案件易結即兩省徭獍地方亦除積年之害是同知傅壑實為有勞賢員又此案由興業縣知縣陳世榮於二月內拿獲夥犯譚煥禹以故層層根究李梅得以就獲是知縣陳世榮亦為實心任事之員臣查緝拿匪犯乃州縣分內之事何敢妄有希冀然地方吏治因

循易而整頓難一二賢能之吏非稍示優異無以風勵其餘臣是以不揣冒昧將二員拿獲積匪之處據實陳明仰祈

聖鑒容臣俟有粵西知府同知缺出即將二員分別請補以示鼓勵則該員等必益加奮勉而於吏治官方亦均有裨益再查傅壑係苗疆同知三年俸滿卽例陞知府陳世榮已經奉部行取主事合併聲明臣謹繕摺具 奏伏乞

皇上睿鑒

四知堂文集

卷三 奏疏

六

奏明軍務告竣酌撤官兵疏

為軍務已竣官兵酌撤據實奏

聞事竊查粵西遷江逆匪李彩等藉挖窖妖言勾結黨羽聚眾豎旗於六月十一日圖攻遷江等處縣城當經臣等派撥官兵一千五百餘員名星赴擒勦及續據軍前拿獲首逆李彩逆黨梁文成等並勦洗風口村賊巢緣由臣等已於六月二十四七月十五日兩次具摺奏

聞在案茲查自六月二十以後至七月二十二日一月之內據軍前文武及隣近各州縣陸續呈報逆首

四知堂文集 卷三 奏疏

七

李彩供出之大頭目歐起通等十二人已獲十一人小頭目覃仁德等十人全行拏獲又獲寫旗之蒙眷魁縫旗之黃老勝及風口村統眾拒敵傷兵之首惡羅天與并其弟姪羅權大等此外又陸續拿獲挖窖攻城有名夥黨一百二十三名共計拿獲本案首夥各犯一百四十餘名逆眷九十八名馬三匹皮甲器械等八十餘件其供出要犯止有宜山之黃貴寶象州之廖士美南巢之藍貴亮李梅之姪李捷三卽李開花羅天與之弟羅權職潛逃未獲是軍務大局已竣無需多兵久駐致滋糜費臣等已檄飭軍前文武

酌留官兵六百名分佈要隘緝拿未獲黃貴寶等犯

期於務獲毋使一名漏網致滋後患其餘漢土官兵俱先行撤回至逆惡羅天與等任居巢穴最為險固若仍令村民居住久之必漸恃險負隅已據督辦軍務右江道李錫秦等飭令土人砍伐樹木通其道路嚴禁附近之人不許入巢居住以絕藏奸匿匪之患臣等查此番逆匪李彩羅天與等勾結兇黨哄煽愚民敢於豎旗聚眾分派攻城逆跡甚為彰著仰賴

皇上天威遠震官兵方到半自離散臣等得以嚴飭軍前文武分兵擒捕移行緝拿故一月之內首夥各

四知堂文集 卷三 奏疏

八

犯就獲者百有餘人而地方並無驚惶良民盡皆安堵自茲以往臣等惟有益加留心稽查匪類消患未萌以仰副我

皇上綏靖邊疆至意所有軍務告竣官兵酌撤緣由理合恭摺奏

聞

再請酌復站夫以免官民交累疏

為再請酌復站夫以免官民交累事竊照粵西桂林一府地當楚粵衝途差使絡繹舊額臨桂靈川興安全州四屬各設站夫九十名永福縣額設站夫三十名共三百九十名俱長養在站以供差役嗣於敬陳管見等事案內經前撫臣金鉉題明臨桂全州各裁去六十名長養三十名靈川興安各裁去七十名長養二十名永福縣裁去十二名長養十八名遇有大差經臨不敷應用將裁減銀兩臨時僱覓於雍正十年部議覆准遵行在案乾隆四年陞任撫臣楊超

四知堂文集

卷三 奏疏

九

會以自裁減站夫以來數州縣官民交累奏請臨桂全州各酌復三十名靈川興安各酌復二十名永福西林柳州差使稍簡毋庸酌復經部臣議覆以臨桂等各州縣夫役原因應差日少閒居日多所以斟酌議減計州縣之大小酌存夫役之多寡數年以來並無貽誤且僱夫工食每日四分之外酌加二分農忙之時又加至三分已屬充裕即偶遇大差經臨需用多夫自可照價僱覓何至官民受累再查裁減夫銀共三千七百四十四兩自雍正十一年至乾隆二年驛站奏銷冊內除長養夫役外僱募夫價多不過

七八百兩少僅二三百兩不等每年尚可節省三千餘兩於公事仍可無悞今該撫請復臨桂等州縣長養夫一百名每年計需工食銀一千四百餘兩恐徒有長養之名反礙各州縣冒使之弊應將所請量復站夫長養在站以供應付之處毋庸議等因奉旨依議欽此欽遵亦在案臣查部議慎重經費指駁甚為明晰守斯土者惟當遵照奉行何容再置一喙

然臣在粵六年站夫之減實見官之累民之不便有不敢因部駁不准而不得不再請酌復者查驛站之例有馬有夫臨桂等四州縣並無馬匹止有站夫以四知堂文集

卷三 奏疏

十

三夫准一馬計之夫九十名止馬三十四匹耳衝要之地額設本不為多今每州縣減夫六十名猶之減馬二十匹止存十匹也此在偏僻之區猶難應付况衝要乎雖大差經臨或有不敷原許僱夫應付且於每日四分之外酌加二分農忙酌加三分較之額定工食多至一半有餘似乎充裕其實州縣遇大差使臨時僱募或催農忙有每夫一名費價二錢三錢者蓋大差需夫甚多農忙無人應僱而差使緊急刻不可緩不得不如其數而予之及至報銷則六分七分之外不敢多報分釐此臣所謂在官之累也然累在官

究亦不便於民蓋僱募民夫近者五里十里遠者數
十里必先一日喚令在站以防貽悞或經臨者前站
偶阻又需等待一日百姓雖得二錢三錢之價而其
實三日始應一日之夫偶值農忙誰不思及時耕作
雖重價亦多不願此臣所謂民之不便也若謂自裁
減以來應付並無貽悞夫州縣身任地方差使經臨
即使再減站夫亦不敢悞但賠墊難耳若謂自雍正
十一年至乾隆二年 奏報僱募夫價多不過七八
百兩少止二三百兩毋論二三百兩之外州縣多所
賠墊卽七八百兩州縣之賠墊如故也此事前任撫
四知堂文集 卷三 奏疏 十一
臣金鉷一時意在節省錢糧不覺矯枉過正請裁太
多既請裁則必曰應差日少閒居日多其實非真情
也聞裁減之後前撫臣金鉷見州縣難於辦理亦未
嘗不悔但不肯裁之自己又復之自己耳前撫臣楊
超曾在任三年目覩站夫太少官民交累情形是以
奏請臨桂全州酌復三十名興安靈川酌復二十名
亦萬不得已之籌酌非不知慎重經費而開州縣以
冒侵之漸也今臣荷蒙
聖恩署理茲土方思釐剔弊端以圖報稱何敢以
國家之錢糧爲徇情邀譽之舉然事有難行亦不便

始終因循是以不揣冒昧據實陳 奏請仍將臨桂
全州站夫各酌復三十名靈川興安站夫各酌復二
十名長養在站以供應付或遇大差僱募既少爲力
亦易斯四州縣之官民均沐
天恩浩蕩矣爲此恭摺具 奏伏乞
皇上睿鑒勅部議覆施行

奏明挖窖匪犯分案歸結疏

為 奏明事竊查粵黔兩省各案奸匪如黃順吳金銀陳士武黎阿蘭等皆以挖窖書符勾引煽惑貽害地方先經提臣譚行義以先後拿獲首犯夥黨查訊情節俱係同謀比惡 奏請併案嚴究奉

硃批軍機大臣議奏欽此隨經大學士等議覆或應併案審理或應分案歸結應請

勅交黔粵兩省督撫轉飭嚴審究擬等因奉

旨依議欽此抄寄到臣臣當即分咨兩廣督臣及貴州督臣併檄飭藩臬二司查議通詳茲據署按察使

四知堂文集 卷三 奏疏

十三

蘓昌署布政使唐綬祖詳請咨明黔省分案歸結前來臣查在粵者則黃順吳金銀及陳士武二案在黔者則黎阿蘭一案雖此輩煽惑勾引同一挖窖歛錢之術且此案之人亦有彼案有名者原屬一氣相通然事發則有遲早之分各案俱有首從之異不但黔粵相距迢遙解犯會審牽混紛繁難以歸併即粵省黃順吳金銀與陳士武二案亦有謀叛已行及方行誘惑之不同若併歸為一則止能於一案論首從反無以懲行匪而徹克惡除據詳咨明黔省督臣外其在粵西黃順吳金銀陳士武二案臣已於六月二十

五日及八月初五日先後分案審擬具 題至黎阿蘭一案則聽黔省審明歸結所有臣細加籌酌分案辦理為妥緣由理合恭摺 奏明再此後尚有石金元一案雖三省動兵合勦而事發在於黔省亦應在黔省另案歸結合併聲明為此具 奏伏乞 皇上睿鑒

四知堂文集 卷三 奏疏

十四

奏明首逆李梅歸東省辦理疏

為奏

聞事竊查粵西鬱林州興業縣奸匪譚煥禹一案供出首犯李國章經署鬱林州知州傅鑾拿獲訊明即係廣東雍正七年恩平縣散佈劄付脫逃未獲之李梅當經臣會同提臣譚行義於七月初三日一面恭摺奏

聞一面移咨署兩廣督臣廣東撫臣飭查該犯原籍東安縣識認李梅之人來西確認茲八月十七日准署督臣王安國將識認李梅之撫標把總何九星移四知堂文集

卷三 奏疏

五

送到西臣隨令臬司蘓昌昂出李梅與何九星識認該把總查對年貌并細加盤詰據云實係東省脫逃之李梅臣復親提李梅審訊并令該把總何九星面認無異是李梅一犯其為真實首惡無疑惟是前獲該犯之時臣因係譚煥禹案內首逆又與遷江為匪之李彩一氣相通是以奏請即於粵西歸結今准廣東撫臣王安國咨以東省雍正七年恩平散劄一案尚有監候待質之犯必須解歸東省質審等因臣查李梅一犯在東省則散佈劄付在西省則潛謀不軌厥罪維均東省既有待質之犯自應解東歸案除

飭臬司將西省李彩等犯應行質訊之處作速訊明押解赴東外所有東省委員確認緣由理合奏明再粵西李梅李彩二案尚有李捷三即李開花廖士美二名均屬要犯尙未就獲臣現在嚴飭所屬文武懸示重賞購覓引線實心緝拿務期必獲以仰副我皇上嚴懲奸匪寧謐地方至意合併聲明為此具奏伏乞

皇上睿鑒

四知堂文集

卷三 奏疏

六

奏明安南土官韋福瑄構逆情形疏

為奏

聞事竊查安南土官韋福瑄等背叛黎京構逆諒山等處二年以來黎京雖開調一旅之師時有攻殺然物滅未能即復罷去而韋福瑄等跳梁於七州之地亦未能出諒山一步本年春夏之交有該國牧馬府督鎮官阮廷伯曾發兵征勦因時值農忙亦旋即罷去議俟秋深再舉臣等當即飭諭沿邊文武不時偵探如秋間果興師旅則我沿邊關隘益宜防範嚴密毋少懈怠昨臣譚行義因公至省時署督臣慶復由

四知堂文集

卷三 奏疏

七

桂林赴任臣等亦將安南情形及邊防事宜備述茲自九月以來據沿邊文武探報牧馬督鎮官阮廷伯奉該國王之令於八月內行調官兵征勦韋福瑄於九月十六十八等日已集洛陽等處將文淵等七州土官趕殺至坵佈韋福瑄亦敗回坵驢現復調兵要與牧馬兵決一死戰等因臣查韋福瑄等構逆地方近我邊界今兵戈既動若一潰敗必有逃竄之虞臣等現在嚴飭沿邊文武於各關隘口酌添兵役嚴緊防範毋令一人竄我內地并咨會督臣一體嚴飭再牧馬此舉聞其軍聲頗壯韋福瑄勢在難支若牧馬

能決意勦滅使福瑄就擒則該國之貢道以通而粵西邊境益加寧謐除仍飭文武各員嚴緊防範再行確探外所有現在安南情形理合據實奏聞伏乞

皇上睿鑒

四知堂文集

卷三 奏疏

七

實授廣西巡撫謝恩疏

為恭謝

天恩仰祈

睿鑒事乾隆六年十月二十四日准吏部咨乾隆六年九月十一日內閣奉

上諭署廣西巡撫楊錫紱着實授欽此咨移到臣臣

隨恭設香案望

闕叩頭謝

恩訖伏念臣江右庸材毫無學識叨蒙

世宗憲皇帝隆恩由部郎擢用監司又荷我

四知堂文集

卷三 奏疏

七

皇上特達之知以布政使

命署巡撫受事以來夙夜兢惕勉竭駑駘然地方苗

獠滋事皆臣撫綏乏術所致方以邊疆重地非菲材

所可仔肩乃蒙

聖主恩眷復有實授之

命臣自顧何人遭際

聖明數年而任封疆聞

命之下感激難名臣惟有益勵潔清愈加整飭仰體

皇上訓誨實心實力察吏安民不敢絲毫欺飾期於

勤宣

德意廣布

聖謨俾邊境救寧民生得所以圖仰報

皇上高厚隆恩於萬一耳所有微臣感激下忱謹繕

摺恭謝

天恩伏乞

皇上睿鑒

四知堂文集

卷三 奏疏

七

遵 旨陳明粵西關隘情形疏

爲遵

旨覆奏事乾隆五年六月初七日接內閣抄寄乾隆五年三月十四日奉

上諭各省舊有關隘或以屏蔽一方或以控扼數省皆屬形勝衝要雖建置沿革今昔異宜而其最關險要者保境防奸實爲封疆所繫因係年久多有傾圮所當以時修備可令各省督撫將所屬境內舊有關隘因便查勘講求孰爲一省之藩籬孰爲數省之要害將應行修葺防守并緩急先後事宜詳悉具摺奏

四知堂文集

卷三 奏疏

三

聞候朕酌量降旨爾等遇各省督撫奏事之便將朕此旨抄錄封寄令該督撫從容查辦欽此抄寄到前署撫臣安圖督臣馬爾泰俱當卽轉飭布政司會同按察司轉移各道將所屬各府州縣地方舊有關隘逐一確勘議詳臣等到任又經飭催在案茲據署廣西布政使唐綬祖會同署按察使李錫泰准蒼梧左江右江三道勘議彙詳前來臣等查關隘之設所以保境防奸自應以時修備庶足以資捍禦况粵西界連楚粵滇黔在在苗獠土獯且地接安南漢夷交錯沿邊關隘更爲緊要稽查防守尤宜嚴密臣等欽遵

旨悉心講求查粵西所屬關則有桂林府興安縣

之嚴關灌陽縣與湖南道州連界之永安雷口二關南寧府宣化縣之崑崙關太平府與安南連界之鎮南平而水口三關以粵西形勢而論崑崙一關地當南寧思恩交界雖在腹內而其地險窄而衝乃一省之要害宋時狄青破儂智高夜奪崑崙關卽此也鎮南一關則粵西與安南中外界限貢道所經向設龍憑一營駐守平時封閉貢期始開實一省之藩籬而兼數省之要害最爲緊要崑崙關所有關房地方官隨時修葺並未傾圮鎮南關則雍正二年經原任太

四知堂文集

卷三 奏疏

三

平府知府甘汝來復設重關建立城牆今加查勘完固無損其餘各關則地非緊要關房亦隨時修葺現在俱無損壞至於隘口粵西所屬頗多其與湖南貴州雲南廣東各省連界者均係內地各地方官俱隨時修葺然非關要害惟與安南接連如南寧府屬遷隆土崗之板蒙淦涕二隘太平府屬寧明州之板標板村板龍板會板却板蘭羅隘扣山東門板立板甬板肖一十二隘上石西土州之由村魁門那校舊村開門蒙村六隘思陵土州之那枝隘店那窩三隘思州土州之權相馱磨那會三隘上下凍土州之權委

佈局崑化三隘安平土州之要村底號多烈泰村上
淡下淡探考庸村乙村九隘上龍土司之墩賽把也
那苗供村隴久武德苛村七隘下龍土司之澗村那
河隴盟合石斗村妙藍俸村崑宜隴廂敢門那曳閉
村那懷叫崑一十四隘憑祥土州之平公亢英絹村
婁隆巴口南關坤隆七隘鎮安府屬歸順州之榮勞
琴乃上勾四邦屯隘頻崗窠懷打凌液漕九隘下雷
土州之隴莚連隘亭嵩更隘下骨五隘湖潤土寨之
崑平一隘小鎮安土州之平孟隆剝淦勾匡北堪怕
懷怕懷子七隘俱與安南接壤實屬粵西沿邊一帶
四知堂文集 卷三 奏疏 三

皇上睿鑒施行

守得宜緣由臣等謹恭摺會 奏伏乞

請添設遷江縣理徭巡檢千總疏
為據實陳明仰祈

睿鑒事竊查粵西遷江縣逆匪李彩等無端造逆聚
眾攻城經臣與署督臣王安國提臣譚行義派撥官
兵嚴飭擒捕於一月之內獲犯一百餘名軍務已竣
官兵酌撤臣會同提臣譚行義謹將緣由會摺具
奏奉

硃批不可苟且了事應詳籌善後之策也欽此臣捧
讀之下仰見我

皇上屢念邊方訓誨周詳敢不悉心籌畫期於永謐
四知堂文集 卷三 奏疏 三

邊隅惟是遷江邑隸思恩地處腹內徭獞漢人雜錯
而居逆匪李彩以外來游棍假挖窖為名雖一時哄
誘附和然一聞攻城被誘百姓即紛紛解散非如去
年義寧桑江苗徭負固者比臣等固不敢因克逆就
擒即懈忽偷安不為地方久長之計亦不敢因軍旅
既動即夸張過實為糜費卸責之舉茲據司道等詳
查遷江形勢斟酌善後事宜請添設巡檢一員移駐
千總一員以資彈壓等因前來臣欽遵
諭旨與督臣慶復提臣譚行義覆加籌酌遷江一邑
向止設把總一員駐劄縣城巡檢一員駐劄縣城東

南之清水司地方其西北兩處獠獍居多山險等密
向無專員彈壓是以奸匪得以藏匿滋事茲擬於城
西四十五里之平陽墟地方添設理獠巡檢一員專
管城西地方獠獍平時稽查保甲以清匪類每遇墟
期該巡檢親赴墟場宣講

聖諭化導愚頑又城北七十里之北四地方為馬平
來賓忻城等縣要隘本年逆匪黨羽多於此處藏匿
今擬於北四地方移賓州營千總一員帶兵五十名
駐劄其地以資防範則彈壓稽查聲勢聯絡奸匪無
從藏匿地方可以寧謐除現在會疏具題外所有
四知堂文集 卷三 奏疏 三
敬籌遷江善後事宜緣由合先具摺奏
聞

遵 旨奏明李梅李彩實係正犯疏

為據實覆 奏仰祈

睿鑒事竊臣於本年六月二十四日將逆匪李彩謀
攻遷江縣城會同提臣譚行義派撥官兵擒斬并獲
夥犯歐起通等緣由具 奏奉

硃批所奏俱悉必使實在奸匪盡獲毋致蔓延若假
捏姓名以圖了局則將來何所底止耶欽此又於七
月初三日將拿獲廣東雍正七年逆案内脫逃首惡
李梅緣由會同提臣具 奏奉

硃批所奏俱悉但外省頗有此捏名併案之弊在尋
四知堂文集 卷三 奏疏 三

常盜犯尙然不可况此等為逆之人一有漏網必致
蔓延汝等宜詳查也欽此又於七月十五日將遷江
一案拿獲首逆李彩緣由會同提臣具 奏奉

硃批若果如所奏辦理則亦可稱妥協但外省捏名
諱實之弊頗多須痛改之欽此又於九月初四日將
親訊過李梅及據廣東撫臣王安國送來把總何九
星識認李梅係屬真犯及解歸東省結案緣由具
奏奉

硃批現獲者未必即實而况其未獲者耶欽此 臣恭

讀

諭旨不勝惶悚伏念臣以庸材駑質仰荷

聖恩畀以封疆重寄夙夜兢惕一切政務時懼辦理

不妥有負

高厚隆恩况於查拿匪犯敢有捏飾致貽患將來乃

蒙

訓誨諄諄明切指示勉以篤實戒以欺捏

聖主造就微臣之心罕有倫比自茲以往惟有仰遵

聖諭事事實心不敢絲毫捏飾以圖報稱至李彩一

犯發覺於六月十二官兵當即追踪至六月二十七

日就獲同案黨羽質證明確歷經審訊實係真正首

四知堂文集

卷三

奏疏

三

犯並無絲毫捏飾李梅一犯則因拿譚煥禹案內首

犯李國章因而就獲自認李梅臣恐或有不實是以

移咨東省撫臣提取識認之人來西識認據東省委

員認明屬真復行 奏明今該犯已解東省是否真

實督臣慶復東撫臣王安國自必據實審明不肯為

臣扶同也臣自揣智識短淺歷練未深遇事冒昧不

能細察之咎實所不免至於將緊要匪犯有心捏飾

希圖銷案不惟不敢臣受

恩深重實亦不忍也為此恭摺覆 奏伏乞

皇上睿鑒

請清出叛產仍給苗徭佃種原議堡卒毋庸設

立疏

為清出叛產請仍給苗徭佃種原議堡卒毋庸設立
以奠苗疆事竊查粵西義寧縣桑江苗徭吳金銀等
無端造逆以致動兵擒勦業已蕩平所有逆苗田產
先經

欽差大臣張廣泗題請召募內地民人充當堡卒堡
目給與清出逆產耕種以為世業責令各巡檢管轄
仍聽理苗通判統率調遣經部議准咨行其粵西桑
江地方叛產於未奉部文之先即經委員清查嗣據

四知堂文集

卷三

奏疏

三

各委員查明應入官田產約共三千餘畝其中畸零
渙散肥瘠不一實在可作堡田者二千四百畝經辦
理善後事宜右江道李錫秦署桂林府知府王溥遵
照部行議於龍勝貝子以內共設堡卒八十名四崗
五崗以內共設堡卒二百二十名合成三百名之數
每堡卒一名給田八畝龍勝貝子地方已招堡卒七
十四名尚缺六名四崗五崗地方已招堡卒一百一
十名尚缺堡卒一百一十名因春畊已迫召募不及
將田暫給苗民畊種完租俟本年冬間再為召募其
畸零瘠薄不堪分給堡卒田畝當即散與苗民畊種

薄收其租等因亦經臣楊錫紱批飭遵照在案茲臣等查得設立堡卒給與逆產做照屯軍之意使苗僮知倡亂爲逆不但身受誅戮卽產業亦不能保以此做懲卽以此化導原屬善後一策但地方情形不同墜前事之失深後日之慮有宜斟酌變通期於可久者亦不敢以已經題定遂緘默不言蓋召募堡卒俱係隣近州縣及外來漢人其有田產身家者斷無肯承充堡卒之理肯承充者皆素無產業游手惰民耳此輩本非安分守法重以官之召募入新經懲創之苗地其視苗僮有如奴隸不能不保其欺悔作踐

四知堂文集

卷三 奏疏

三

積年久遠生齒漸繁恐終亦不能相安無事聞本年春夏之交因清出叛產召募外人入耕其黠者卽頗有不平迨因堡卒募不足數將田暫給各苗佃耕便歡欣樂從其明驗矣此以苗田給漢人耕種之不便也臣等查桑江一隅之地旣已安協設營重兵彈壓此項堡卒實無所用之其缺少者固不必再行召募卽已募者亦可送回原籍交與各該管地方官酌量安插所有清山桑江逆產應就其村寨相近苗僮分與耕種薄收其租卽以爲該地積貯交理苗通判經理年復一年穀積而日多且可以備新設桑江協營

四知堂文集

卷三 奏疏

三

兵米之用省柳慶二府崎嶇運送之艱如此變通辦理實於苗疆地方無擾而有益也爲此恭摺會奏伏乞皇上睿鑒勅部議覆施行

遵 旨陳明軍前總統等教供銷案請議處疏
為遵

旨覆奏事乾隆六年十月十二日准大學士等字寄
乾隆六年九月十二日奉

上諭有人奏稱粵西前於擒獲石金元時止獲紅黃
戲衣三件符書符紙一網大刀一口鐵尺一根此外
並無餘物乃延至日久譚行義忽稱在該犯身上搜
出逆書一紙係楚苗曹雙樓轉傳令參將劉寬等抄
錄底稿移付韓勳查訊其續訊供詞有南海李天保
為首傳信等語夫粵西外委林大放當拿獲石金元

四知堂文集

卷三 奏疏

三

時真假難定如有逆書方將指為確証焉肯代為隱
匿且參將劉寬等一聞首逆就縛自當徹底窮究豈
肯將搜出逆書置之不問直待譚行義札查始行另
報此於情理尤屬難信查遷江案內首犯李彩與南
海李天保姓氏住址大略相符此或係該省文武欲
將兩事併成一事故為穿插帶銷再審訊石金元時
誘令供稱大羅山有一苗人與伊同名上年義寧帶
人來庖田打仗在洪水箐被官兵殺死等語是又欲
巧借石金元口吻帶銷陣亡報案此皆前後案情之
可疑者朕見各省辦理此等案件每有捏名併案之

弊今有人如此陳奏其中舛錯不符之處是何情由
爾等可傳旨與該督提等令其據實回奏毋得掩飾
容隱欽此遵

旨寄信到臣查上年六月初七日外委林大放拿
獲石金元時搜有逆書一紙卽照抄一紙送軍營參
將劉寬監紀同知屠用中而以原獲之書呈報提臣
譚行義以為真石金元証據其時劉寬屠用中查閱
逆書見其怪誕未經究訊會將緣由具稟到臣臣亦
因書詞誕妄不過該犯等造作藉以哄惑愚苗且書
內有姓名者止一曹雙樓又為吳金銀陳士武案內

四知堂文集

卷三 奏疏

三

久行飭緝之犯是以亦未行令深究而提臣譚行義
接外委林大放呈報逆書以為既係石金元身上搜
出卽應查究是以照抄一紙論劉寬等查訊並札知
古州鎮臣韓勳乃提臣諭帖未到之先劉寬等已將
石金元解在黔營不及審訊因而抄錄底稿呈請鎮
臣韓勳查訊是逆書實於石金元身上搜出其日久
始行查訊者蓋緣懷遠軍營距提臣駐劄之柳州往
返須十餘日人犯又已解黔此所以粵營未及查訊
而黔營查訊也至粵西遷江案內首犯李彩姓名住
址雖與黔省續訊石金元所供南海李天保大略相

符但查李彩一案發覺於上年六月十二日臣與提臣
譚行義據報即發兵擒拿至六月二十七日擒獲李
彩歷經審訊實係正犯毫無可疑並不敢以李彩穿
插李天保將兩事併爲一事且查李天保於雍正九
年因挖窖散劄已經拿獲正法實無穿插情弊其石
金元之在黔省仍供李天保者蓋緣挖窖之說起於
李天保粵楚滇黔流傳已廣中毒最深於是遂有一
種奸徒如李梅李彩等思以哄騙銀錢勾結滋事因
而倡言李天保雖死猶生所埋之窖現在可尋尊其
稱則以爲太祖神其說則或曰在小西天或曰在南
四知堂文集 卷三 奏疏 三

供吞覆茲據貴州督臣張廣泗咨覆審據石金元供
稱桑江庖田地方止有小的名喚石金元並無另有
石金元名色因初解粵營之時問官將官兵曾在洪
水等斬殺石金元之事訊問小的妄想既已殺有同
姓同名之人或可脫卸已罪是以順口供認其實蘇
隴山洪水等等處我並未到過上年會否斬殺另一
石金元實不知情等語是參將劉寬雖未敢教誘供
詞然因已身上年曾在桑江軍營報斬過石金元意
圖引令供稱已殺者另係一石金元以便帶銷陣亡
報案百喙難辭至慶遠府同知今陞廣東瓊州府知
四知堂文集 卷三 奏疏 四

海以爲煽惑張本而其黨羽又彼此傳播如黃順吳
金銀陳士武黎阿蘭李梅李彩各案情節大概皆以
李天保爲名此 臣經歷各案所深知者又不獨石金
元一人也再去年永從滋事 臣探聞爲首係石金元
即將桑江一案會報斬石金元之處據實奏
聞并不敢絲毫隱諱至劉寬等審訊石金元時誘令
供稱大羅山有一苗人與伊同名欲借石金元口吻
帶銷陣亡報案之處 臣傲詢參將劉寬同知屠用中
雖據稱並無教供情弊但究係一面之詞未敢遽信
臣是以移咨貴州督臣張廣泗再行確訊石金元口

府屠用中雖上年桑江之案非其經手然身爲監紀
審問要犯乃扶同引供並不確訊實情罪亦難道相
應指參請
旨交部嚴加議處至 臣辦理此案軍務於總統監紀
引供銷案之處未能查出咎亦難辭應請
皇上一併飭部議處再參將劉寬已因報獲要犯戴
老四經黔省審非真兇奉
旨飭部議處又經署兩廣督臣慶復特疏糾參在案
再 臣奉到
諭旨應即覆 奏緣軍營誘供一節咨移貴州督臣

確訊石金元口供吞覆黔粵相距遙遠往返需時以致遲延合併陳明所有欽奉
聖諭查詢情節理合逐一據實恭摺覆 奏伏乞
皇上睿鑒施行

四知堂文集

卷三 奏疏

三

請將捐墾工本銀兩改買社穀疏

為捐墾之工本難以補給請買社穀以裕積貯事竊
照粵西借墾報捐田畝於乾隆二年遵

旨清查經前督臣鄂彌達前撫臣楊超曾查明各官
生名下短給未給工本并老荒查係舊荒水田查係
旱地及水冲沙壅墾不成熟缺額攤派各田畝應補
追工本共銀二萬四千四百五兩三錢六分五釐零
題請於各自給官生及經手人員名下勒限一年追
完分別給還充公部覆以各官生報墾田畝從前既
有短給未給工本銀兩自應著落追賠應令該督鄂
彌達等將前項應追工本銀兩在於各官生及經手
人員名下照數勒限嚴追其追出短給未給墾戶工
本銀兩照數給還各墾戶收領至老荒查係舊荒水
田改作旱地及墾不成熟缺額攤派各項應追工本
銀兩係抵補捐墾田畝之項不便追出充公應照數
貯庫報明戶部撥用再全未給發工本之官生錢景
坤等已經註銷其各墾戶俱有成熟田畝工本自應
一體補給即於追出貯庫工本項內動支給領仍將
給發過各墾戶銀兩數目造冊報部查核如逾限不
完即將原捐官生註銷經手各員叅處等因於乾隆

四知堂文集

卷三 奏疏

三

三年四月初三日奉

旨依議欽此欽遵隨經前督臣撫臣行司查明本省外省旗籍各官生及經手人員名下各應追銀數轉飭勒追并造冊分咨各旗省追解去後嗣因一年限滿業將未完病故各官生咨部註銷免追并請將應補給墾戶銀兩一例於追貯銀內動給及查造已未完數目清冊送部查核經部覆議准在案茲查粵西省現追貯本省各官生并經手人員及外省追解并外省官生自赴粵省完納共銀一萬六千二百二十三兩八錢四釐零內應補給墾戶工本銀一萬二千

四知堂文集

卷三 奏疏

三

四百八十九兩六錢二分六釐零又註銷及病故各官生應補給各墾戶工本銀三千九百九十五兩一錢六分七釐應於貯庫銀內動支共應補給銀一萬六千四百八十四兩七錢九分三釐零前項追貯銀兩尚不敷補給銀二百六十兩零九錢八分九釐零經臣等屢檄布政司轉飭地方官查明領給據各州縣咸稱事隔多載各墾戶遷移逃亡事故不一現在管業之人多非原墾之戶難以一一清給卽有一二原墾之戶又因當日工本短少原係兩相情愿不敢領補雖屢經出示曉諭並無一人赴領等情稟覆前

來臣等查粵西捐墾田畝多係各戶將借未墾科之熟田借給官生報捐希免欺隱之罪原非實在領本開墾者比是以工本多寡在所不計從前清查之時以各官生墾田工本既未給足豈容濫邀功名以故定議追補其實各墾戶本無望補之心且自停捐以來迄今又閱多載或田存而人已云亡或在而田已售易若必一一查補不特勢所難行且恐啟不肖官吏捏名冒領之弊若停止不給則民間應得之項又不便久存於官臣等再四思維竊以爲積貯一事屢蒙

四知堂文集

卷三 奏疏

三

皇上厘念務求豐裕粵西僻處邊徼通省社穀爲數無多更宜籌畫臣等愚見請將前項應補給工本銀兩於本年秋收後採買穀石以每石定價四錢計算約可買穀四萬餘石按州縣之大小或一二千石或數百石酌量分給歸入社倉存貯以備民間借貸之用以應給民間之項仍留爲民間之用似屬可行其各旗省已未追完工本銀內亦有應補給墾戶銀兩俟各旗省追完咨解到日核明應補給之數照此一例辦理似此一轉移間於邊省積貯實有裨益臣等愚昧之見是否有當謹恭摺會 奏伏乞

皇上訓示施行

四知堂文集

卷三

奏疏

五

四知堂文集卷三終

四知堂文集卷四

奏疏

清江楊錫紱方來著

奏明桑江苗民借給租種銀兩疏

為 奏明事竊查粵西義寧縣屬之桑江地方前因苗搖造逆用兵蕩平現在建造城池營汛以資彈壓惟是大兵之後元氣未復苟有疾苦即應撫綏俾令得所臣不時留心體察每在內駐防文武員弁換班回省必詳詢苗民情形茲據桑江理苗通判楊維清稟稱桑江苗民各村寨中現在即有乏食者究其所

四知堂文集 卷四 奏疏

以乏食緣由一則因上年春間招回安集耕種稍遲一則因懲創之後疫氣流行牛隻倒斃者僅恃手足鋤挖故收成稍薄不能供一歲之食等因臣隨飭行藩臬二司轉飭該通判楊維清巡檢蔡其昌將桑江以內各村寨中實在乏食貧苗共若干戶查明確實先將上年所收逆產官租酌量借給其乏牛耕種者亦酌給銀兩令其及時購買以趁春耕再桑江現在創建城垣及營房衙署正可以工代賑臣復飭通判楊維清等曉諭乏食苗民有願赴工者令其赴工力作或十日或半月俱將工價先行給發度村寨之遠

近爲赴工之先後更番迭換苗民得受工價既可接濟而亦不悞春耕已據通判楊維清等呈復遵照辦理在案臣查桑江苗民僻處一隅種山耕田賦稅無多原可自給是以向來少借給官穀之事但今驚鴻甫定日食缺乏自應地方官加意料理俾得及時耕作田無荒蕪則一二年後元氣可復而苗搖矜獯均獲安居矣抑臣更有請者前歲逆惡吳金銀等蠢爾滋事桑江村寨多被脅迫迨大兵一到投順者已與安撫卽大兵撤後逃回者亦予安插蓋仰體

皇上覆載之仁因其悔悟予以自新也乃地方文武

四知堂文集

卷四 奏疏

十一

不盡解事因行令緝拿未獲要犯間有將已經安插招撫之人引誘勾攝拖累者雖經臣飭司訊明卽予省釋然事後吹求若不通行禁止則人懷疑懼將何以消其反側之心而堅其向化之念臣已會商督臣慶復提臣譚行義通行檄飭除吳金銀石金元等案內有名要犯未獲者地方官仍上緊緝拿外其餘被脅從逆已經招撫安插者概不許再行引誘恐嚇致滋擾累庶幾人心一定卽以潛消意外之虞但臣愚昧之見未識當否謹將現在辦理情形恭摺奏

聞

奏明梧州米價並籌商撥運東省疏

爲 奏明事竊查粵西上年收成在八分以上頗爲豐稔是以米穀價值俱屬平減惟今春二月梧州府屬之蒼梧藤縣二縣每上米一石價值一兩四錢六分中米一兩三錢六分下米一兩二錢六分稍爲昂貴臣已於前月 奏報米價摺內據實開陳在案茲三月以來該二縣米價又復增長上米每石至一兩七錢中米一兩五錢二分下米一兩三錢八分蓋緣東省去歲收成稍歉商販赴西採買者絡繹不絕而蒼藤二縣尤切近東省一水可通有穀之家不無貪

四知堂文集

卷四 奏疏

三

價多賣遂致市價昂貴臣已飭行照例開倉平糶以資接濟并令該縣等酌量情形辦理不必拘定糶三之數仍通行出示曉諭凡有穀之家俱量行存留以備不虞之需毋得仍前貪圖重價任意多賣以致本地空虛總期價值漸平民食有資以仰副我皇上愛育元元之至意至價值之昂旣由採買過多之故似應停止商販方爲有益但查東省米穀歷資西省接濟况上年旣已歉收今歲又聞二月間得雨未足署督臣及東撫臣現在設法接濟若將商販停止則東省益難措手臣是以將商販可否暫停并東

省實在情形如何札詢署督臣慶復嗣接准署督臣札覆以目下東省情形實有不得不給照商人來西採買之勢臣已復以仍聽商販流通以資接濟矣至粵西梧屬地方雖價比往年較昂而各府平減之處尙多縱使少有不敷以全省之力調劑一郡尙易爲力不致周章再東西雖有分疆均屬

皇上赤子有餘不足原應彼此通融西省倉穀均係實貯去冬准督臣咨臣已札致署督臣如東省情形孔亟卽再撥西穀三五萬石亦屬可行候督臣札復至日臣當一體辦理也所有西省蒼藤二縣穀價稍

四知堂文集

卷四 奏疏

四

昂緣由并與督臣籌商撥運之處理合據實奏

聞伏乞

皇上睿鑒

奏明力行保甲疏

爲 奏明事竊查保甲一法平時足以消弭盜賊奸匪稽核戶口偶遇地方荒歉查辦賑務亦按籍可稽不致臨時周章乃安民之良法爲政之要務粵西僻處天末民多猺獞臣細加查察保甲一法多未奉行卽有行者亦不過於城廂內外聊造一冊有總戶之名而無丁口細數與不行等究其所以未行緣由大約以邊省地方與中土異不必繩之過急苗猺獞多不識字僻處深山怕見官長一旦行之恐致驚惶紙筆牌板不無所費胥吏頭人難絕需索是以因循

四知堂文集

卷四 奏疏

五

至今然臣竊思之紙筆牌板此州縣官當自捐備原不宜派之於民吏胥頭人則全在官之約束若昏愞州縣毋論保甲卽錢糧催徵田地踏勘詞訟勾攝亦不能保其不科歛擾累果精明州縣則約束有方查察維嚴自必無需索擾累之事此明而易見者若苗猺土愚雖與漢人微有不同然其種類多聚族而居一村一寨原有村老寨老頭人等管束其管束之頭人等多習見官長略識事體亦有識字者如泥定十戶一牌十牌一甲之法誠不無隔礙若因彼管束之舊例寓我稽查之法或先曉諭其明者而次及其愚

或先行於其易者而次及其難此在地方官神而明之諒亦不致驚惶滋擾至邊地與中土不同此謂文教禮義等事漸染未深或地方習俗相沿積重難返不便遽爲更張非謂保甲之法可以稽查盜賊匪類周知戶口人丁法良意美亦不宜行於邊地也况年來逆匪吳金銀石金元李彩李梅等煽惑勾結爲害地方皆因保甲不行以致漫無稽查卽現今李梅李彩案內尙有要犯李捷三廖上美等未經拿獲雖經臣與署督臣慶復懸立賞格嚴飭州縣差委員弁嚴行緝拿然非保甲嚴明小民知互相稽查舉首則此

四知堂文集

卷四 奏疏

六

輩仍得藏匿弋獲正未有期是保甲之法斷斷宜行者臣已於今年開印後出示明白通行曉諭并飭令州縣各官俱實力奉行而責其成於知府其城廂內外及漢人村寨則按成法編立其土愚苗猺獠獐獍地方則令各就本地情形變通辦理不必拘泥成法亦不必責成旦夕寧可一縣之中有不能行之村寨俟之徐徐勸導不可仍前草率混捏虛應故事總期於事不撓而民不擾以仰副我皇上綏靖邊方至意茲兩月以來所屬州縣已有數處編排完竣造冊呈繳者如平樂府屬之平樂縣向

來青黃不接之時出借倉穀多係練保頭人赴官領回分給散戶究竟練保多自冒佔其轉給者又減少升合今知縣朱藹因保甲已立卽酌定應借數目分定鄉村令百姓各抱門牌赴領牌到穀給清歷來練保頭人冒借短減之弊民甚稱便此卽其驗也查力行保甲乃臣職分應辦之事不應瑣瀆

聖聰惟是苗猺土愚一旦律以內地之法似乎繩之過急然臣再四思維粵西此時要務在於清奸匪而清奸匪之法莫要於行保甲寬之以時日予之以變通諒亦不致滋生事端且從來治民之道利之六七

四知堂文集

卷四 奏疏

七

害之二三猶將爲之况保甲之法自古稱良者乎是以不揣冒昧謹將臣現在督率力行緣由據實具奏伏乞

皇上訓示

奏明李彩李梅分案辦理疏

為 奏明事竊查粵西匪犯李彩李梅煽惑勾結謀
為不軌已將黨羽陸續拿獲監禁現在飭審其供出
之要犯李捷三廖上美李尚通等又經懸立重賞嚴
飭所屬文武及吞移隣省并差委兵役前往安南移
杏安南國王一體嚴緝在案是此二案自應俟獲到
李捷三等之日審訊明確再為題結但臣查李梅李
彩雖氣類相通同一為匪而事發先後各有不同李
彩一案則係聚眾攻城謀叛已行且事發於六月初
間時李梅尚在北流未及通知是遷江之事實係李
四知堂文集 卷四 奏疏 八

彩一人為首且附和之黨羽及貪利隨行各犯已經
拿獲者共一百五十餘人其中亦有按以律例宜分
別治罪者若日久羈禁不但可以末減者多斃獄底
萬一首克患病不能明正典刑亦無以示儆懲臣現
在飭令臬司將李彩一案先行審明具題其李梅一
案俟東省審定之日再行辦理且李捷三等犯均係
李梅供出將來續有拿獲有李梅在亦可質証毋庸
校飾枉縱所有李彩一案臣先行題結緣由謹先具
摺 奏明伏乞

皇上睿鑒

奏明粵西錄遺情形請酌量辦理疏

為敬陳管見仰祈
睿鑒事查乾隆七年二月十七日內閣奉
上諭各省應試生員貢監由學臣錄送入場向例每
舉人一名額取科舉三十名嗣後加至一百名不為
不多矣乃學臣等博寬大之名於科舉之外遺才大
收一概錄送且有督撫好行其德普收送考者以致
文理荒疎之人皆得濫冒入場試卷太多不但試官
於倉猝之中難以別擇即浮薄之士子將以觀光為
游戲而不復攻苦於寒窻於賓興大典甚有關係嗣
四知堂文集 卷四 奏疏 九

後學臣宜各留心慎重辦理毋得濫溢永著為例欽
此臣恭讀
諭旨仰見我
皇上聖明無微不至賓興大典必先嚴錄送然後易
於別擇真才且使浮薄者無由冒濫而有志者益加
攻苦各省學臣自應欽遵奉行惟是省分有大小不
同文風有邊腹各異腹地省分文風已盛在循名核
實絕其冒濫僥倖之習邊疆省分文風未盛在鼓舞
引動生其欣然向上之心臣在粵西七年曾提調一
次監臨一次見粵西鄉試學臣錄送雖有五六千人

而其實來赴試者不過二千八九百及三千二三百而止且偏遠郡縣一二三等有科舉者多無人到到者不過遺才數名而已推原其故蓋邊疆風氣尙未盛開士子鮮踴躍功名之思一衿多已滿志而離省遠者又艱於盤費故錄送十人而來者不過二三非如別省之不得科舉而亦多方以求者也若學臣取數太嚴又不准錄遺則應試之人益少矣以臣管見如江浙等省大省中省誠宜慎重錄送毋得少有濫溢如廣西邊省則又在學臣核實而兼以鼓舞固不可過於冒濫亦不宜拘泥辦理以致鄉試之人太少

四知堂文集

卷四 奏疏

十

庶幾猺獞土愚之區詩書之風漸被日廣亦可默化其愚頑獷悍之習至貴州四川雲南三省臣未知其詳然邊省情形想亦大概相同所有臣管窺之見謹恭摺具 奏是否有當伏乞 皇上睿鑒

奏明梧州屬米價及接濟東省疏

爲據實奏

聞事竊查粵西梧州府屬之蒼梧藤縣容縣岑溪懷集五縣及潯州府屬之平南縣俱氣候較早一歲兩熟其早稻於三月底四月初正係栽插之時茲查此六縣自三月十三得雨之後直至四月初間未經得雨民間近水田畝及山田有泉灌溉者俱已栽插其高田因雨水未足尙未遍插又因切近廣東商販搬運米穀往東省者絡繹不絕故米價日昂梧州郡城每上米一石價至二兩一錢中米一兩九錢下米一

四知堂文集

卷四 奏疏

十一

兩八錢鄉村價值比郡城每石略減一二錢不等其餘各縣上中下米價值亦較前加增自一兩三錢至一兩九錢不等除已飭該府縣等減價平糶并分運鄉村糶賣接濟民食外臣復恐市米價昂百姓赴官買米者多府縣倉穀或有不敷已酌撥桂林府及臨桂靈川二縣倉穀二萬石運往梧州預備平糶之需再查蒼梧等六縣上年收成在八分七分以上非同歉歲其米穀之騰貴實由商販搬運過多所致臣是以行令梧州暫禁搬運以平市價而准署督臣慶復來咨又以東省惠潮廣肇等府栽插未周已成旱象

西省米穀未便查禁臣查東省米穀原資西省接濟
况時值荒早在督臣兼轄兩省固應令通融接濟即
臣因東省須穀平糶亦先撥過倉穀十一萬石以資
協濟惟是梧郡地方價值日漸加增民心不無搖搖
現在即據報藤縣地方有無賴棍徒藉稱米貴聚集
數十人搶奪覃姓穀石之事此輩奸棍固應嚴拿重
處以儆刁風然價值過昂若不變通調劑亦恐更生
事端臣已委蒼梧道儲龍光前往梧郡確查情形如
商販應禁即暫行查禁如情形不致孔亟即將商販
米穀酌量截留令其在梧糶賣以平市價其餘仍聽
四知堂文集 卷四 奏疏 十一

聞伏乞

皇上訓示

奏明安南饑民入關撫綏資遣疏
為奏

聞事竊查安南諒山一帶地方自韋福瑄造逆以來
民人失業田地拋荒今幸逆就擒地方亦稍寧靜而
乏食饑民難免流竄茲據太平府知府王溥稟報鎮
南平而水口三關及各要隘雖飭令兵役嚴加把守
而彼地民人饑餓切身每踰山越嶺板藤附蔓流入
內地且樂為兵役盤獲以便有飯充饑現在流散於
寧明州龍州土江州土思州地方乞食逃生者每處
各不下三四十人已飭令所屬州縣查明強壯者即
四知堂文集 卷四 奏疏 十二

行押送出關令回原籍傭工度日老弱病餓垂危者
暫給口糧存恤俟其病愈再行押出交彼處地方官
安插并嚴禁內地民人不得因夷人乏食賤買其弱
女幼子希圖販賣獲利違者查出重究等情到臣臣
查安南諒山一帶地方頗廣人民甚眾而太平一府
地處極邊所屬領貯常平倉穀不過六萬餘石屆指
秋成爲期尚遠須留本地不虞之需勢不能空所有
以養活外夷至南潯等府則正在撥動倉穀協濟廣
東更不能再有動用致本地空虛所有安南流民自
應令各關隘嚴加盤阻勿令紛紛竄入致滋事端其

踰山越嶺已經偷入乞食之夷人臣與藩臬二司細加籌酌除病餓垂危者暫與存恤俟其病愈再為押送回籍外其有尙能行走不致十分狼狽者當查照資送隣省逃荒民人之例酌給口糧路費遞送回籍至嚴禁內地人民不許乘機賤買俱屬應行之事已飭令知府王溥卽照此辦理并移行諒山等處夷官將所轄饑民速行設法撫綏毋令失所以致紛紛逃竄擾我邊境其需用口糧暫於常平倉內支給路費亦先行酌項動支統俟事竣據實造冊咨部核銷所有安南饑夷逃入太平府地方乞食情形理合據實

四知堂文集

卷四 奏疏

十四

奏

聞事關外夷逃荒臣材識疎淺冒昧辦理誠恐未當伏乞

皇上訓示臣當遵照奉行

請飭督撫訓飭營兵驕恣疏

為敬陳管見仰祈

睿鑒事竊惟我

朝武備修明超越前古我

世宗憲皇帝十三年中訓諭整飭一切扣剋冒銷之弊

滌除已盡餉歸實給兵無虛伍我

皇上復屢降諭旨令督撫提鎮勤加訓練實力整頓

凡有封疆之責者自當仰體

聖心欽遵奉行以期技藝嫻熟甲械堅利營伍改觀

惟是設兵本以衛民而向來積習尙有數種累民之

四知堂文集

卷四 奏疏

十五

處亦宜急予釐剔使民與兵相安而不以為苦者如凡有城池地方其城門例係城守兵丁看守所以司啟閉盤詰奸宄也而不法兵丁卽借盤詰為奸或小民肩挑薪蔬米豆等物進城貨賣必攫取些須以為每日食用或民間婦女乘輜出入城門必索錢文否則故意揭簾看視或民間婚嫁經由城門者多先期邀請遂其醉飽方無阻滯此在文武大員駐劄地方尙稍有顧忌至僻遠州縣則大概如斯又如設塘置汛所以聯絡稽查并速遞送也而不法兵丁一經到汛卽以附近塘汛村民為驅使或令割送馬草或每

口派一人在汛挑水取柴或有公文卽令村人輪值遞送或塘房破損令村民出錢承攬代爲粘補以圖入已此在衝衢要道或未必敢明目張膽爲之至於僻遠地方則多相習爲常又賭博一事亦惟兵丁爲尤甚彼恃身充營伍差役不敢擅拿又同類人多風信便捷卽拿亦多先覺故或開場或入夥肆無忌憚臣知其弊於去冬今春令地方官嚴拿在臣標二營卽捉獲數起臣俱斥革重處此風近始少息以上數事臣留心體察實兵之累民者仰懇

皇上特降諭旨嚴加訓飭責之封疆大吏共相整刷

四知堂文集

卷四 奏疏

其

庶積習可除而小民相安無累矣爲此恭摺陳 奏

伏乞

皇上睿鑒

請慎重頒發印信關防疏

爲頒發印信關防請加慎重以杜弊端事竊查各省大小衙門印信關防年久模糊者例應咨部請換俟新者頒到然後將舊者送部銷燬但查禮部鑄成印信關防止係紙封印面於紙上過硃點押卽發各省駐京提塘齎送而各省提塘又不能自齎不過有該省便差卽託其帶回臣查印信關防最關緊要如州縣戶婚田土執照契紙糧票等項全以印信爲斷彼不法奸徒尙有私行雕刻以圖朦混誣騙者今以紙封之印信關防發交提塘若有奸徒乘機作弊彼此

四知堂文集

卷四 奏疏

其

串合設法將紙揭起用印後仍照式貼上雖智者亦不能察也臣查部選雜職文憑俱有憑匣其匙鑰一存內部一存督撫封鎖而發封鎖而繳甚爲慎重則頒發印信關防亦可倣照此意除用紙封面外再用小匣盛貯封鎖嚴固交提塘領齎其應繳舊印亦照此封繳是亦杜除弊端之一法也臣言是否可行相應具 奏伏乞

皇上睿鑒勅部議覆施行

遵 旨覆奏耗羨仍請歸公疏

為遵

旨陳奏事乾隆七年五月十九日接准吏部咨乾隆七年四月初六日內閣奉

上諭辦理耗羨一事乃當今之切務朕夙夜思維總無善策是以昨日臨軒試士以此發意諸生濟濟或有剴切敷陳可備採擇見諸施行者乃諸貢士所對率皆敷衍成文全無當於實事想伊等草茅新進未登仕籍於事務不能曉徹此亦無怪其然今將此條策問發與九卿翰林科道閱看伊等服官有年非來

四知堂文集

卷四 奏疏

六

白田間者可比悉心籌畫各行所見具摺陳奏候朕裁度若無所見亦不必勉強塞責至外省督撫寄重封疆諒亦籌畫有素並著各據所見具摺奏聞務期毋隱毋諱以副朕集思廣益之意欽此欽遵咨移到

臣臣恭讀

諭旨仰見我

皇上重農務本民則欲登之祖席集思廣益法則期酌於盡善之至意臣蒙

恩謬任封疆敢不據所見而敬陳之臣竊以帝王因時立制前後不必相同亦視民便不便而已不便於

民雖創之自昔亦當改之自今苟便於民雖今日所

創無妨守之世世耗羨一項古無其名然以理揣之

知其必有蓋地方官徵收錢糧必須傾鎔起解銀兩

一經鎔銷即有折耗此折耗者官不能代為補墊必

於正賦之外酌量溢收以為火耗既有火耗則除補

傾銷折耗之外必有多餘多餘即耗羨也然事不董

之於上則州縣官視耗羨為已所應得之項其賢者

兢兢守法其不肖者即不能無暗中多取之弊至遇

地方公事則又借名樂輸其實多係按糧科派是耗

羨則歸官之囊橐而公事仍不能無累於百姓我

四知堂文集

卷四 奏疏

九

世宗憲皇帝洞悉其弊因臣工之條奏酌為提解之例

官則量其大小酌定養廉使用度有資餘即留存以

充地方公事之用一絲一毫無所利之而一切藉名

派累之弊盡行革除是火耗仍昔日之火耗百姓未

嘗加多而大小官吏以有養廉而各知自愛地方公

務以有公項而無事加派在百姓實受無窮之益矣

我

皇上繼志述事宵旰憂勤無一念不周薄海無一時

不念民依耗羨一事雖仍其舊而猶恐近於加賦夙

夜思維求辦理之善策既已

臨軒延問復

博諮廣詢及於內外臣工

如天之仁若谷之衷實欲為天下臣民立經久不易之制又不但取之民者用之民

國家絲毫無所利於此也然臣以為正賦之外絲毫無取則必去火耗去火耗則必另給養廉

國家經費每年皆有一定支用勢不能有項以及此若以為此須火耗仍聽之州縣而不必存提解歸公

之名致成定額則糧多之州縣盈千累萬而糧少者日用不敷苦樂不均且上司之需索公用之派捐以

四知堂文集

卷四 奏疏

三

漸而起於官未見其便於民已受其累矣故臣謂耗

羨一項提解歸公使官得以養其廉恥而民常免於派累實為不易可守之法也或謂歸公則耗羨亦成

定額恐耗羨之外復有耗羨此亦防微杜漸之意然自古有治人無治法封疆大吏稽察嚴明稍有加重

即行叅處非甚不肖誰甘自罹罪譴况加一火耗百姓共知自封投櫃即欲加多亦勢有所難行乎又以

臣粵西言之地處邊隅山多田少計通省正賦實徵銀共三十九萬一千八百餘兩自定為加一耗羨以

來其中有原未及加一者亦仍其舊通計每年耗羨

共銀三萬六千五百餘兩內除提解二分五釐共銀

九千一百三十餘兩歸於司庫以充通省一切地方

公事之用外實存留州縣作為養廉者共銀二萬七

千四百餘兩尚不敷養廉係於關稅併提解耗羨及

續外盈餘空餵養廉各項下陸續題定動支銀共七

萬零六百二十餘兩所有提解之耗羨業經欽奉

諭旨酌定應支欵項造冊咨部彙 奏准有部覆在

案今若將耗羨不提則一切公用司庫無項可支仍

須責之州縣州縣仍復派之百姓欲嚴以束之則公

事必多推諉明知而故縱之其弊又不可勝言以粵

四知堂文集

卷四 奏疏

三

西而論耗羨歸公相安已久於民實無不便之處應

請仍舊毋庸更張者也 臣學識疎淺愧無遠大之謀

可以仰贊

高深謹就管窺之見據實陳 奏伏乞

皇上睿鑒

請變通邊郡捐監事例以實倉儲疏

爲請變通捐監之例以實邊郡倉儲事竊照常平一倉所以資平糶備荒歉最宜充裕西所轄府州如桂平梧州南柳慶思鬱等九府州或二十餘萬或十餘萬少亦將及十萬雖非甚裕然亦差云有備惟極邊之太泗鎮三府倉儲甚少太平一府一通判五州縣止貯穀七萬餘石泗城一府三州縣止貯穀二萬餘石鎮安一府二州縣一州判止貯穀五千六百餘石急宜籌畫加添前撫臣楊超曾於監生改歸本省報捐穀石案內題准太平府屬加捐穀一十三萬四知堂文集 卷四 奏疏 圭

二千餘石泗城府屬加捐穀四萬四千石鎮安府屬加捐穀七萬餘石蓋爲有備無患之意乃數年以來三府俊秀報捐穀石合計不過數千至今則並無一人報捐者是此三府倉穀若泥定本地俊秀方許報捐斷無能足之理且極邊烟瘴水土惡劣人非甚不得已不肯輕入其地就令聽外省之人一體報捐而必將本色交倉亦萬萬無能足之理此顯而易見者夫時和年豐百姓足以自給原可苟安目前不必總總慮慮設遇水旱不齊以崇山峻嶺舟楫不通之地即使本省有穀可撥亦屬艱難萬狀矣臣再四籌畫

擬將題定捐數略爲酌減太平五萬石泗城三萬石鎮安四萬石共穀一十二萬石每石計價四錢穀十二萬石須銀四萬八千兩以每監生一名部例一百零八兩計之須捐監生四百四十四名應請無論本地外省俱准一體卽於司庫交納銀兩准作監生所捐之銀卽發此三府州縣令其以漸購買穀石則一二年內應捐之監生可足而三四年內三府之倉儲稍充矣數滿卽停他郡不得援以爲例穀止十二萬買分數年亦不致地方有價昂之累如此一變通間似爲有益無礙謹恭摺陳奏伏乞

四知堂文集

卷四 奏疏

圭

皇上訓示遵行

節省軍需夫價請酌買常平穀石疏

爲軍需夫價節省據實奏

聞仰祈

睿鑒事竊查乾隆五年粵西義寧苗徭不法動兵擒
勦兵分石村龍勝貝子堡三路而石村一路爲逆惡
巢穴須制以全力故此路官兵共有五千一百員名
較之龍勝貝子堡兩路獨多向例每官兵一百名用
隨營長夫四十名每名運負之日給銀八分守候之
日給銀六分本案義寧軍興經前署撫臣安圖照例
題明經部覆准其長夫係於桂平柳等府州縣僱募

四知堂文集

卷四 奏疏

五

民夫送至軍前應用此三路所同者惟石村一路因
閏六月初二日官軍失利隨營長夫見逆苗克橫之
勢遂大半逃匿時監紀石江道李錫泰於七月初五
日馳至軍前與提臣譚行義面商機宜尅期進勦所
有逃散長夫一時固難查緝亦不及俟各州縣另行
僱送於是勦撫兼施其投順苗民該監紀李錫泰卽
令隨營輓運効力贖罪及至大兵連破數寨苗民歸
附愈衆每到一處卽用新附苗民充當本處夫役止
於運負之日每名給以口糧鹽菜其任營之時不過
量加犒賞無庸給與價值以故石村一路民夫雖逃

匿過半而州縣不須補僱軍前事無貽誤今軍務告

竣覆加核算石村一路漢土官兵共五千一百員名
自五年七月十一日起至十一月初十日撤兵止以
每官兵一百需夫四十名計算應支夫價銀一萬五
千六百一十九兩二錢因當日權宜辦理止用過夫
價銀五千五百一十五兩七錢五分實節省銀一萬
零一百零三兩四錢五分此項節省之銀該監紀並
未支領尙存司庫茲據李錫泰稟稱石村一路長夫
照定例造報則實有節省若將半用投順苗夫未給
夫價緣由據實開除則一經造冊報銷卽成例案邊

四知堂文集

卷四 奏疏

五

疆之地萬一將來再有出兵之事援以爲例則辦理
之人勢必掣肘合無請將此項節省銀兩除存貯二
千兩於司庫以補本案軍需額外用去不能開銷之
項其尙餘銀八千一百餘兩卽發交新設桑江通判
儘數備買穀石建倉積貯以備平糶賑恤之用其報
部之冊仍照題明定例造報等情請示到臣查軍
需銀兩一絲一毫俱應據實造報况數至一萬之多
但此項節省實因民夫逃匿該監紀權宜辦理半用
投順苗夫所致不但別省不能一例卽同案之龍勝
貝子堡兩路亦不能畫一且軍需款項繁多其因一

時緊急不能不用而又無例開銷者亦復不少總於銷算之時酌盈劑虛此亦從來各省辦理實情難逃聖明洞鑒以臣愚見此項節省銀兩除存貯二千兩於司庫以補本案軍需不能開銷各項外其餘八千一百餘兩應請將四千發與新設龍勝通判令其買穀一萬石建倉存貯卽爲龍勝常平倉穀其餘容臣酌發積穀尙少之州縣買穀貯倉至除存之二千兩如或將來不須補苴或尙有多餘臣仍行奏明分給州縣買穀積貯則錢糧仍歸實用既無絲毫浮冒而於長夫輓運章程亦不致輕有變易矣但臣愚昧四知堂文集卷四奏疏

奏疏

奏

之見是否可行理合繕摺奏

聞伏乞

聖主訓示遵行

協濟銀米請改歸就近編支疏

爲各屬協濟銀米請改歸就近編支以省繁襍事竊照粵西各州縣額徵存留錢糧項下每年支給祀典俸工役食廩糧等項內有各屬協濟銀五千餘兩米五千餘石從前或因此州縣經費不敷以彼州縣之盈餘協濟或因官役已經移撥而俸工仍於原編州縣解支其間相距道里遠近不一在隣近之處解收尙不致於愆期而寫遠地方支領實難免於懸待且此解彼支既多往返跋涉之苦而甲收乙除更覺造報款項之繁臣查州縣額徵錢糧雖分起運存留但四知堂文集卷四奏疏

奏疏

毛

均屬

朝廷公帑原可通融酌撥官役俸工雖有額徵款項但旣已移撥他處自難仍支原編與其將本州縣之錢糧銀米解司充餉存倉候撥其應支經費又令別州縣協濟徒滋解領之繁莫若就本州縣撥支之爲便捷也臣請自乾隆癸亥年爲始將各屬協濟之祀典俸工等銀米統改歸本州縣編支如本州縣額徵銀米有餘者銀於地糧內支給米於兵糧米內支給如無米之州縣統於地糧內照每石八錢之數折給如本州縣額徵地糧不敷除儘數支給外其不敷銀

兩卽於司庫所收現年地丁銀內請領奏支遇有空
缺照例扣解其各州縣應解協濟銀兩歸入起運項
內一併解司充餉米石存貯候撥如此一轉移間庶
解支便易獲免往返守候之苦而造報奏銷款項亦
不致繁縟矣如蒙
俞允臣另將各屬協濟銀米數目造冊送部查核是
否有當伏乞
皇上訓示施行

四知堂文集

卷四 奏疏

七

請援例酌給初到軍流口糧疏
為粵西軍流人犯日多請援例於到配之日酌給口
糧以廣

皇仁事查軍流人犯向來到配地方官弁分別入籍
交與兵役人等收管約束如有年逾六十不能食力
者撥入養濟院給與孤貧口糧一分其挾有微貲習
有手藝者聽其各自謀生此定例也惟是粵西地屬
邊荒非如內省通都大邑隨地可以營生者比軍流
人犯內有素無手藝可以營生者初到配所未免覓
食艱難州縣官恐其乏食滋事不得不暫行量捐口
糧以免困餓然從前止江西四川人犯流於粵西分
發各屬人數無多些須口糧捐給尙易自乾隆元年
部議將外遣人犯酌發烟瘴稍輕地方則軍犯較前
加多矣又廣東因閩民在粵犯罪未便仍流廣東咨
部改發粵西則流犯較前加多矣地方官養廉有限
口糧之捐給或有不繼此輩強者或於墟集市鎮攫
取升合弱者鼠竊狗偷以圖充腹雖有犯卽加嚴處
而居民已不無少累查乾隆二年內部議福建軍流
人犯初到配時准於倉穀內支給一年口糧他省不
得援以為例部議極為慎重但軍流人犯無多省分

四知堂文集

卷四 奏疏

无

原應自行酌量辦理今粵西之到配者數倍於前地方官捐賄無力似應援照閩省之例動項支給但以一年未免爲日太久而小口大口不行分別亦未甚妥協以臣愚見請嗣後粵西軍流人犯初到配所除有手藝營生及年老者撥入養濟院外其餘年力少壯因一時到配無可覓食者令地方官按名給與三個月口糧大口每日一升小口每日五合俟其地方稍熟可以力作傭工卽行停給其所需口糧地方官於倉穀內墊支年底造冊送司於公項內照價給還買補如有捏飾冒銷者查出叅處庶此輩初到配所不致乏食而官與民均便矣臣言是否可行伏乞皇上睿鑒勅部議覆施行

四知堂文集

卷四 奏疏

三

奏明勸民種植雜糧疏

爲 奏明事竊查粵西地處炎暾早晚二稻俱有種植然晚稻較早稻爲多是以小民終歲所賴全在晚稻茲仰賴

聖主洪福七八九月以來雨水稍爲勻調禾稻茂盛目下正在收穫之時除晚收分數俟各屬報齊再照例具疏 題報外臣留心查察詢問本年晚收自六七分以至十分不等統而計之通省收成可望八分合之早收七分小民終歲之食不致缺乏惟是粵西之民業農而外從不知行商坐賈之事每歲完納錢

四知堂文集

卷四 奏疏

三

糧及婚喪一切日用之需均取給米穀晚稻登場之後得價卽行糶賣不知多留有餘而有力之家又藉此屯積至來歲青黃不接之時圖重價而賣於客商全無睦嫻任卹之誼茲臣仰體

皇上諭令勸民蓋藏德意已檄飭各屬州縣務須實心實力勸民蓋藏嚴禁無益之浪費并曉諭富戶不得屯積居奇價貴之時須出糶於鄉里以濟小民之急再粵西地少霜雪晚稻登場之後如大小二麥及蕎麥番薯油菜等項皆可種植以補米穀之不足乃大小二麥惟桂林一府間有種植其餘各府多不種

麥至蕎麥油菜番薯等物雖種植而不多推原其故蓋粵西原係產穀之鄉從前戶口未繁早晚所收本有多餘不必借資雜糧是以雖有可種之地往往甘於棄置今臣與司道酌商將勸種雜糧一事責成知府督率各州縣實力奉行其間或有缺乏籽種者令府州縣等酌量捐給臣并令藩司酌支公項量買麥種分給各府以爲之倡各府州縣亦現在加意勸導期於多種蓋臣統計粵西情形本年早晚二稻雖非歉收而較之往年亦未爲十分豐稔往年湖南衡永之穀多至廣西桂林糶賣者今則楚省之價較貴於

四知堂文集 卷四 奏疏

三

粵又廣東之穀歷資西省接濟商販之流通勢所必然加以本年春夏之間各州縣平糶較多均須及時採買以備來歲之需故來年春夏之交穀價諒不能十分平減而接濟米穀之不足無過於使小民多種雜糧爲先事之綢繆所有粵西民食大概情形及臣辦理緣由謹具摺 奏明伏乞

皇上訓誨

請定營伍製造軍械成規疏

爲請定營伍製造軍械之成規以杜浮冒以便核銷事竊照砲位鎗刀乃軍營利器或因年久壞爛或因出師損失均應動項修製造冊報銷惟是各項軍械輕重大小並無定制因而折煉打造用工用料多寡懸殊且有一項器械此則用料多而工轉少彼則用料少而工轉多一經比照駁查不日鐵炭質性不同則曰工匠巧拙各異總緣未定成規在核銷者既無憑式而承造者遂得以藉詞支飾也臣查各省工程用工用料業經部臣酌定成規刊冊頒行在案實爲

四知堂文集 卷四 奏疏

三

核銷錢糧之良法所有營伍中製造各項軍械雖有精粗難易之分但用工用料自應一體分別酌定成規庶不致有浮冒合無仰懇

皇上勅諭部臣將營伍中之砲位鎗刀以及鋤鋏等項某項如何打造每毛鐵一筋應鎔鍊若干用炭若干其鎔鑄折鍊洗鑽磨銼應作何計算匠工併分別器械之精粗成造之難易逐一酌定做法著爲成規奏請刊冊頒行凡營中報銷工料照依核算合則准銷多則核減既杜浮冒之弊復省案牘之繁似於銷算錢糧不無裨益矣臣言是否可採伏乞

請造報土司收成分數疏

為 奏明事竊查各省州縣夏收秋收分為兩本具題此定例也但粵西尙有四十九土司向來收成分數不入 題報推原其故蓋土司分布沿邊世守其地自治其民賦稅之徵比流州縣不過十分之一亦無倉貯積穀原係以土治土與為羈縻之意然臣竊思之流土雖有攸分而其人民莫非

皇上赤子設地方偶有荒歉民食維艱亦須料理接濟未便以其土司卽有異視如粵西之田州卽土司也該土州地分八里本年夏間雨水稍缺內有二里

高亢之地禾稻插種未徧止可補種雜糧地方米價每石遂賣至一兩七八錢頗為昂貴兼有右江一鎮駐劄其地民食未免艱難雖據報晚稻收成實有六分不致成災然來歲青黃不接之時必須接濟是以先於南寧府倉撥穀一萬石運往田州存貯以備明歲之需經 臣具摺 奏明在案查土司地方少有荒歉既須籌畫則每年夏秋收成分數似應與流州縣一體辦理 臣請粵西嗣後 題報收成分數將各土司地方收成分數一併入疏庶豐歉之情形部中俱有案可稽而或有料理接濟之事亦可免隱諱捏飾

之弊臣管窺之見是否有當謹具摺陳 奏伏乞
皇上訓示

四知堂文集

卷四 奏疏

奏

四知堂文集卷四 終



四知堂文集卷五

奏疏

清江楊



遵 旨陳明蒼藤等縣搶穀各案及米穀出境
情形疏

為遵

旨回奏事乾隆七年十一月十八日兵部八票遞到
人學士鄂爾泰張廷玉徐本尙書公訥親等寄乾隆
七年十月二十一日奉

上諭從前楊錫紱奏稱廣東省赴廣西採買米穀者
四知堂文集 卷五 奏疏

甚多以致米價增長其粵西補倉之穀請於秋收後
酌量情形採買近有人奏稱東省搬運西省米穀過
多本地深為不便三月內梧州府蒼梧縣民人有搶
穀之案四月內藤縣賀縣俱有搶米之案而賀縣竟
將縣官之轎打爛平南縣民人又有因搶穀而致拒
捕之案五月內馬平縣河下有商販載米往東省又
被民人攔阻鬧搶并有城守兵丁在內經文武官查
拿而散并請令地方官隨時斟酌禁止商民私販出
境俟明歲春末夏初雨水勻調民食無虞然後開禁
等語夫地方搶米鬧官重見疊出而楊錫紱身為巡

撫并未奏聞是何意見著寄信詢問令其明白回奏
至於米糧爲民食所資有餘則當接濟隣省不足則
當先顧本地粵西米糧此時可否暫禁出境著楊錫
綬酌量現在情形妥議速奏欽此遵

旨寄信前來 臣恭讀

諭旨不勝惶悚 臣查粵西素稱產米之鄉而粵東米
穀歷資粵西接濟乾隆六年冬間及本年春間督
臣慶復因東省少歉屢次札商接濟 臣與司道酌議
將現存倉穀撥運計前後共撥過倉穀二十一萬石
以爲協濟然撥運倉穀雖可免委官採買而商民販

四知堂文集 卷五 奏疏

二

運流通勢亦不能盡絕又梧潯二府之蒼梧藤縣平
南則切近廣東一水可通平樂府賀縣亦與東省開
建縣犬牙相錯本年三月間此三縣米穀既因地方
切近搬運稍多又其時適值雨水稍缺栽插未遍是
以米價頓昂每石賣至一兩七八九錢不等而有穀
之家又圖利居奇不肯出賣於是鄉民遂有搶奪之
事 臣隨委蒼梧道儲龍光前往梧州查明實在情形
酌量辦理於四月二十五日具摺 奏明並將藤縣
地方有無賴棍徒聚集數十人搶奪草姓穀石之事
此輩奸徒應嚴拿重處以儆刁風情由附摺陳明在

案其平南賀縣兩案雖同係四月初間之事其時各
地方官尚未稟報故未經一併敘入續據蒼梧道儲
龍光查明藤縣草現舉一案則係鄉村男婦十六人
往草現舉家借穀因其不肯借給繼以哀求始每人
分給禾二把約重四五觔即行散去草現舉恐鄉人
聞風效尤而來乃以搶奪具控其實拘到指告之人
審無實據且藤縣之案亦不止此有業主之穀貯於
佃戶奸佃侵蝕而誑業主以被搶者有持錢向富戶
買穀不肯賣給硬挑數斗經練保查訊即行送還者
有挑穀出村賣與客商被村人攔阻以致拋撒而報

四知堂文集 卷五 奏疏

三

搶者俱經蒼梧道覆查明確請分別省釋枷責又據
平樂府知府魏運景查明賀縣一案則係小販於富
川縣買稻穀數十石用船裝載四月初七日戌時經
過賀縣城外遂有民人馬獻龍等希圖截買藉稱米
穀不許出境衆相攔阻該縣知縣晏體謙聞信即行
出城曉諭時昏黑人衆將縣轎擠破遂各散去并未
搶穀該府將馬獻龍等審擬枷責又據潯州府知府
劉暉潭查明平南縣一案則係四月初九日鄉民劉
學明等七人向陳士軫家買穀陳士軫有穀不賣劉
學明等七人遂每人入倉搶穀一石而去陳士軫邀

同村衆追趕劉學明反行拒捕被鄉練丁盧芳清放鎗傷斃該府審擬以劉學明搶穀反行拒捕雖死例得勿論爲從各犯應予枷責俱由司道覆核經臣批飭完結在案至蒼梧縣三月內一案則係鄉民冀子仁等赴鍾有貞穀船買穀少許錢文已交賣者反悔買者徑持穀而去遂以搶奪具報經知縣魏升敘當時審明卽行責釋臣查此數案搶穀俱起於市米驟貴而有穀之家又射利居奇一時愚民無知誤犯情罪尙輕且正值農忙未便因此槩行拖累是以徑行批結未經逐一再行奏

四知堂文集

卷五 奏疏

四

聞此實臣愚昧之處咎無可辭至馬平縣搶穀一案緣柳慶二府穀石經前任撫臣楊超會奏明止接濟古州禁止東省採買是以本年三四月梧潯等處米價昂貴而柳慶獨爲平減每穀一石價止五錢署督臣慶復因東省需穀甚急而粵西又撥運已多因籌及柳慶二府或尙可委員購買數萬石應暫行開禁札商到臣亦意見相同臣與署督臣俱經奏明在案乃不謂柳郡地方久食賤米一見東省採買卽思阻撓於是有客民黃迪功等穀船灣泊遂羣起攔阻搶奪其實一半民人一半卽係營兵如提標前

營則有兵丁唐仁祥柳州城守營則有兵丁曾彩玉王田陳公勝王國輔莫玉鳳又有革弁馬士英俱查明實係搶奪之犯臣與署督臣因地方米價並未昂貴且開禁旬日而柳郡兵民卽阻撓如此重兵駐劄之地法紀蕩然刁風漸不可長是以嚴行批飭查審此案尙在查緝審擬其護庇兵丁搶穀之都司童峻業已經署督臣題參原擬俟此案審確之日會同督臣據實奏

欽奉

四知堂文集

卷五 奏疏

五

諭旨令臣酌議速奏仰見皇上軫念地方民食無遠不到臣查粵西自下米價較之往年固爲昂貴然常晚稻收成之後又加以此兩月內蕎麥黃豆等項頗獲豐收民間尙無十分急迫情形至於柳慶二府則自五月內東省委員一來之後卽仍禁止昨十月內署督臣又札商柳慶二府可否再委東員採買臣覆以柳慶二府有自行買補之穀潯梧等府又有赴彼買補之穀實難再供東省採買已准署督臣札覆停其委員在案其柳慶二府現已禁止東省商販其餘近水各府州縣商販雖有

亦係零星買運以此時情形而論尙可毋庸概行禁止出境俟來歲春間臣酌量情形如應行禁止臣當一面辦理一面奏

聞臣荷蒙

聖恩畀以封疆重任時恐材識短淺有幸

厚恩然於民食所關則不敢不悉心籌畫若未至於

自顧不暇卽閉關遏糴亦非所以仰體我

皇上普天率土一視同仁之至意所有搶穀各家臣

未經具奏緣由及目下尙無庸禁止米穀出境情

形相應據實覆奏伏乞

四知堂文集

卷五 奏疏

六

皇上膺鑒

請銷下龍司土巡檢印信以專責成疏

爲土司久無承襲請銷印信以專責成事竊查粵西太平府屬之龍州地方向設土知州一員雍正三年因土知州趙殿烘不法參革將龍州七崗地方分爲上龍司下龍司各設土巡檢一員管理雍正五年因上下龍司所屬鎮南大關爲交彝貢道最爲緊要土巡檢微員不能彈壓將太平府通判移駐其地經理關口綏輯土民雍正六年下龍司土巡檢趙墉又因事參革承襲無人遂令通判兼攝下龍司土司事務乾隆五年臣在藩司任內因下龍司土司既已承襲無四知堂文集

卷五 奏疏

七

人而僅存印信令通判兼攝承照土司之例一切命盜案件以通判查緝相驗而歸崇善縣知縣承審體統既屬未便又兼攝則辦事仍用頭目於土民不無有累且土巡檢之印信一日不燬則官族覬覦之心一日不忘 奏請將通判改爲知州一員另設吏目一員其土巡檢印信送部銷燬經大學士會同吏部議覆以該土司地方自委令通判兼攝吏習民安相沿已久通判知州事同一體毋庸更張致滋紛擾其請銷印信之處則議以下龍巡檢員缺原因承襲無人是以令通判兼攝並未議請裁汰今無故遽行改

易生百姓疑懼之心殊非安輯苗疆之道等因於乾隆五年五月十五日奉

旨依議欽遵在案臣查通判知州同屬一官毋庸裁改添設致滋紛擾大學士等所議誠為慎重自當永遠遵照惟土巡檢印信既無人承襲則終宜於銷燬蓋官之所憑者印耳彼土愚無知見印信尙存通判又係兼攝名目竊意土巡檢之職將必復襲不過留以有待於是每有奸徒誘惑土民藉謀承襲之名歛取土民銀錢者雖經該通判查出懲治然此印信一日不燬安保此念之終不復萌以臣愚見應請將下四知堂文集卷五奏疏八

龍司土巡檢印信仍送部銷燬所有該土司地方即請照苗疆分駐同知通判之例歸通判專管一切案件俱令通判審轉則官無更易既可免紛擾之繁而印信既銷亦永杜官族覬覦之念更為妥便臣言是否可行相應據實奏請伏乞

皇上睿鑒勅部議覆施行

奏明逆案首犯李梅梟首傳示疏

為奏

聞事竊匪犯李梅臣接准部咨欽遵

諭旨即於二月初四日處斬訖惟是李梅一犯內懷悖逆之謀陰結黨羽外造妖妄之說聳動人心在東省罪已極而潛逃在西粵惡復肆而不改以致愚民惑於太祖之稱苗疆信其挖窖之說各案滋事雖首惡均有分徒一氣相通在此犯實為根本仰承

睿鑒速予造逆之誅俯察輿情尙宜懸首之儆茲據在省司道議詳請將逆首傳示南太濤鬱四府州以四知堂文集卷五奏疏九

儆愚頑以破煽惑等情前來臣查鬱林一州則該犯

匿跡有年南濤數郡則該犯往來不一為害滋深流毒頗久若予傳示使咸知該犯已就誅戮更足以破其迷惑儆彼愚頑正仰體我

皇上辟以止辟刑期無刑之至意臣是以如司道議批令照行所有微臣冒昧擅行之處理合據實奏

聞伏乞

皇上睿鑒

請飭各省嚴查挖窖逆匪疏

爲奸匪之煽惑頗廣各省之稽查宜力據實密陳仰

祈

睿鑒事竊查粵楚滇黔地處邊荒苗獠土獍種類錯雜愚而嗜利悍而易動其性然也一種挖窖取銀之說不知始自何時創自何人居然有書有圖抄寫流傳其黠者明知子虛而故奉爲神奇其蠢者相隨附和而暗墮其術中然在昔年習其說者猶不多見且其意亦不過得騙銀錢卽已心滿願足自雍正八年廣東逆犯李梅逃匿西省之後該犯之狡黠十倍尋

四知堂文集

卷五 奏疏

十

常而已破之故智復思再逞於是陽借挖窖之術陰濟不軌之謀造說愈妄結夥愈多身雖不出粵之東西而黨則通於湖南滇黔在在有之蓋輾轉相傳祇其惑者無不人人意中有一李太祖也仰賴

聖主德威遠被而該犯等魑魅伎倆不能逃於

國法自乾隆五年以來漸次敗露如吳金銀黃順則

破於義寧粟賢宇楊青保則破於城步黎阿蘭石金

元則破於貴州李彩則破於遷江陳士武則破於崇

善譚煥禹則破於興業因而李梅亦遂破於鬱林臣

三年來經手數案雖首從各有不同而妖妄之說所

稱李太祖則彼此如一無有二致惟雲南粵東尙無

另行發覺之案然陳士武一案則供其師李自通係

雲南人又李梅所供之李尙彩則開舖於廣南雖俱

經查緝尙未知實有其人與否然不可謂非該犯等

妖言傳播之區也又李梅一案供出高廉等府夥犯

拿獲多人則粵東本亦煽惑之地也我

皇上聖明遠照於粵東 題覆區在台案內卽

降旨將李梅一併處斬蓋

洞見此犯實爲禍根故

命速正典刑以彰

四知堂文集

卷五 奏疏

十一

國法而儆愚頑其李捷三在逃未獲則

降旨令廣行購緝期於速獲以淨根株

聖慮深遠

聖訓諄切臣身任地方敢不欽遵上緊辦理是以現

在與督提鎮諸臣彼此商酌凡有可以措手之處無

不竭力爲之期於奸匪就獲以慰

聖懷然臣查指名嚴拿之李捷三等因應緝獲以免

貽害而其實各省被惑被誘之人尙不止此不過年

來連破數案或燬其簿劄或匿其符書暫時無從覺

察耳且不獨苗獠土愚也從前湖南粟賢宇一案則

有生員矣現今粵西李梅一案則有千總矣以此推
之事非一朝一夕之故人非但苗獍土愚之人顯而
易見也夫事在未形人無指供固無憑空滋累之理
然地方官吏則不可不時刻留心稽查嚴密但官吏
賢否不一解事者少或機括微露而漫不經心或誤
信狡供而不加追究或隣境關查而偏聽地方頭人
之言藉詞推諉所博者地方安靜無事之虛名而不
知稂莠不除終害嘉禾直釀患耳臣數年以來辦理
數案或因審訊而細揣情形或於閒中而廣加採聽
確知流傳之已久誘惑之甚深印令李捷三等將來

四知堂文集

卷五 奏疏

七

就獲亦難言根株之淨盡以臣愚見應請

皇上密諭楚粵滇黔數省文武大吏嚴飭地方官員
將窵窳妖言一事留心查察毋以已破數案而便謂
黨類已絕毋以若輩終無能為而稍存姑息之見有
發必究究則必嚴隣境關拿則必力庶幾共相整
飭久之或可望此風漸息不為民害夫辦理邊地苗
疆宜於蕩佚寬簡無事繁苛臣之所慮似屬一偏然
臣又竊思之所謂蕩佚寬簡者謂仍其俗不必概繩
以內地之法耳若此等窵窳妖言惡習則滌除不力
必致復滋事端是以不揣冒昧謹就管窺據實密陳

仰祈

皇上訓示

四知堂文集

卷五 奏疏

七

遵 旨辦理出境滋事民人並嚴查沿邊關隘

疏

為 奏明事查乾隆七年六月二十三日兵部火票遞到大學士等抄寄廣西提督譚行義 奏稱內地民人葉秦為韋福瑄謀主周老六為槍棒教師較尋常漢奸更為重大請在邊境正法或解交該國王自行發落一摺奉

旨譚行義所奏一摺可抄寫寄與慶復楊錫綬閱看令其酌量辦理奏聞請旨欽此嗣經署督臣慶復奏明

四知堂文集

卷五

奏疏

十四

天朝屬國冠履所分若內地民人越境生事在該國並未發覺又無供案咨查自應按例究處若一行文查詢反滋藉口亦從無

天朝將人犯解往外藩發落之理等情奉

硃批是知道了欽此札移到 臣 臣 俱欽遵飭行嚴密詳報在案茲據藩臬二司將此案審擬前來 臣 隨親加研訊據葉秦一犯直將因在韋福瑄署內教讀有事實參議商量之處供認不諱周老六一犯則止係在交貿易與韋福瑄識認因而在家行走貪圖口食并無為槍棒教師及代為招人一事 臣 現在照例問擬

會同署督臣慶復另摺奏

聞請

旨又滇粵界連安南各處關隘欽奉

諭旨令各督撫悉心籌畫嗣後應如何立法整飭之處會同詳酌妥辦具摺奏聞務使各關隘嚴查禁止實在嚴密以靖邊疆欽此當經 臣 飭行沿邊南太鎮三府文武嚴查禁止并令各就本地情形詳勘確查將如何立法整飭之處妥議詳報茲據司道議詳到 臣 查粵西毗連安南隘口甚多關則止太平府屬之鎮南平而水口三處今酌議一切隘口可用木石

四知堂文集

卷五

奏疏

十五

堵截者俱行堵截不許復開其形勢難於堵截者俱設立卡房添設土勇兵役嚴加把守不令一人私行出入惟平而水口兩關乃向來客商往交貿易必由之路會經前撫臣金鉉 奏明留此二關聽內地客民出入以通貨賄但未立稽查之法未免奸良莫辨今酌定請領腰牌之法以為查驗之准并令太平府通判就近專管稽查以專責成目下照此辦理頗覺嚴肅緣欽奉

諭旨令督撫會同詳酌妥辦 臣 現在咨商署督臣聽署督臣會摺詳悉奏

聞又乾隆七年五月提臣駐劄之柳州府城有兵民
搶奪殺船之事欽奉

諭旨令臣明白回奏先經臣 奏明此案事發之日
即已批飭嚴審究擬俟審明之日再行奏

聞茲查此案已經審明搶奪實情但兵民止十餘人
所搶之穀不過數石依律究擬罪止杖徒其護庇兵

丁之城守都司童峻業又已經署督臣奏革無可深
究臣是以照例批行結案所有 臣辦理各件緣由謹

具摺 奏明伏乞

皇上睿鑒

四知堂文集

卷五 奏疏

六

安南匪徒未靖請嚴邊防疏

為奏

聞事竊查安南之保樂州有匪徒兵者臘曹明玉等
滋擾佔踞拈臺牡丹等處緣由 臣於上年會具摺奏

聞在案茲入春以來又據沿邊文武差遣兵役前往
夷地探得保樂一州兵力不敵已被匪徒佔奪勒令

夷人剃頭夷官現退避牧馬高平牧馬兩處夷官正
在調兵擒勦匪徒為首名莫康武聞係粵西泗城府

人等情稟報到 臣查保樂雖與粵西邊界稍遠而
防範不可不嚴 臣已飭沿邊文武於各隘口添撥兵

四知堂文集

卷五 奏疏

十七

役嚴加把守毋許一人出入以清邊界至為首之莫
康武果否係泗城人 臣亦飭再差探確實并令泗城

地方州縣查明有無莫武康其人出交據實具報毋
得少有諱飾又匪徒勒令夷人剃頭不過欲假內地

聲勢以挾制夷官據鎮安府知府陳謨稟稱已行知
高平牧馬兩處夷官凡匪黨剃頭者毋論內地之人

及夷人俱儘力擒捕不必顧忌既可以杜夷官之口
又可以絕匪徒狡獪之謀等情 臣查所稟頗為有見

亦已飭令照行所有現在夷匪未靖及嚴謹邊防緣
由謹據實奏

聞抑臣更有請者粵西南太鎮三府俱與安南接壤雖中外攸分其實村寨相連烟火相望者甚多沿邊民人或赴彼傭工或往彼貿易自昔如斯匪朝伊夕且不獨粵西也即雲南廣東福建江西湖廣等省民人往交貿易及開挖礦廠者亦不可勝數向來粵西沿邊各府如查有內地民人在彼生事或指名行知夷官令其拿送或各州縣勒令其親屬自行喚回嚴加懲治仍令親屬保領約束不許再往如此辦理亦匪朝伊夕自韋福瑄造逆諒山該國王調高平牧馬兩府夷官令兵勦捕探聞領兵官員因招致內地久

四知堂文集

卷五 奏疏

六

在安南無賴民人及廠上礦徒許以重賞令其幫同攻打韋逆及韋逆攻破不足以厭此等無賴之欲於是遂散而肆行劫掠其中亦有爲夷官收用者此次探聞之莫康武是否泗城民人尙未知確實現在飭查但太鎮等府先有已經查明者如李三聰係歸順州人現充諒山先鋒又匪黨頭人潘老四係龍州人何元廣係廣州府人又有充上河夷官先鋒麻猷長係萬承土州人又有夷官差委虎頭山收稅原充先鋒黃漢係下雷土州人臣與署督臣慶復俱經嚴飭查拿回內以憑處治但臣思現在爲夷官委用者行

令拿交必多推托至於在彼爲匪乃亡命之徒不顧家屬即令親族往喚亦多不回雖安南恪守藩封素稱恭順此等匪徒彼亦知係無賴之輩然以內地之人在外滋擾終屬未便以臣愚見仰懇

皇上聖裁或

宣諭該國王凡滋事匪徒擒獲之日即係內地民人亦盡法處置并令嚴飭夷官嗣後不得收用內地民人爲先鋒等官其指名飭拿者俱解回內地以憑懲治約束則內地民人在夷地者將有所畏懼而不敢肆行亦無所希冀而樂爲之用於

四知堂文集

卷五 奏疏

七

天朝柔遠之體更爲正大臣智識短淺一隅之見未知當否謹備細密陳伏乞

皇上睿鑒

陳明預籌安南逃回內地民人疏

為奏

聞事竊查安南保樂地方匪徒滋擾臣等據文武探報已飭令將沿邊關隘嚴加把守毋許一人出入以謹邊防并將情形奏

聞在案惟是此等匪徒如安南能速行剿滅則我沿邊不過防其奔竄如或蔓延則內地民人在交貿易者恐其荼毒難以存住必復回內地此等回內地之人必由太平之平而水口兩關經過若一槩阻截則情屬可憫若聽其入內而漫無稽查又恐奸良莫辨

四知堂文集 卷五 奏疏

二十

前據管理平而水口兩關之太平府通判張嘉碩預行請示以便將來遵照辦理臣等查此時雖尙無被難人民求入關者然辦理章程則不可不預定臣隨與司道斟酌定議內地民人在交如因匪徒滋擾復回者除係附近關口太平府所屬民人令管理平而水口兩關之龍州通判查訊明確取具保結令其親族領回安插如係廣東福建江西湖廣等省客民則確訊籍貫移回各原籍安插不得聽其逗遛如雖係粵西內地人民而無親族及原籍可歸者若槩行安插太平府恐將來事平之日或又私越潛出應令該

通判將此等民人分發於梧州平柳等府安插交與地方保甲嚴加約束其餘非係內地人民一概攔阻不許放入一名如此則內地之人不致絕其歸路而奸匪亦無從滋混矣臣等愚昧之見未識當否謹具摺會 奏伏乞

皇上訓示

四知堂文集 卷五 奏疏

三

安南匪徒潰敗逃回內地人民分別安插疏

為奏

聞事竊查安南諒山地方匪徒王輝妙等滋擾殺死鎮守官武佐詠拿住夷官阮廷瑋及阮廷瑋之弟逃入枯樓廠緣由臣已具摺奏

間在案茲又據沿邊文武探報阮廷瑋逃入枯樓之後卽糾集礦徒并約會上祿平州土官韋福綿韋世岑韋世寧下祿平州土官黃廷逞各帶兵數百連礦徒共三千餘人於四月十六攻打王輝妙等匪徒大敗當陣殺死一百餘人其餘俱四散逃竄阮廷瑋現

四知堂文集

卷五 奏疏

三

在分兵四路搜捕又探得安南國王亦發兵征勦領兵官係綿郡公叅謀官係葉岳伯督鎮官係錦郡公共兵七號每號兵七百名分爲三枝一枝由船頭一枝由溫州一枝由貢道現在分駐諒山坵壩二處搜拿賊黨等情到臣查此次諒山滋擾本屬烏合阮廷瑋以親兄被害奮志會合夷官糾集礦徒數日之內卽已攻散賊黨又黎京發兵迅速聲勢頗壯加以分行搜捕諒亦殄滅無難至從前在保樂滋擾之莫康武等近據探報情形安南牧馬夷官亦糾合洞心廠礦徒攻打賊勢不支已退回保樂黎京亦發有大

兵前來征勦又聞雲南廣南土官已差人出交喚回多人又粵西西隆西林等州縣亦有出交民人先經

臣嚴飭稽查喚回茲據報陸續已喚回多人現在檄行分別懲治是保樂匪徒其勢亦孤且黎京兵到自與牧馬高平併力攻打諒亦不久潰敗至於沿邊關隘臣俱登次嚴飭文武防範嚴密其太平府屬之關門隘據守隘員弁報有內地民人因避難求入內地者臣查此等民人不避難於王輝妙攻破諒山之時而避難於王輝妙潰敗之後安知不有附和奸匪藉此逃竄之事臣是以行令太平府通判及寧明州知

四知堂文集

卷五 奏疏

三

州嚴加究詰必查訊確實方准親族保領及遞回原籍安插不得少有混雜致滋外藩藉口至於夷地子女則一概攔阻不令一名入內蓋因滋擾夷地多半內地民人此時辦理之法不得不寧嚴毋寬也所有探報安南諒山保樂兩處匪徒情形及臣辦理緣由謹具摺奏

聞伏乞

皇上睿鑒

粵西難廕千總請以營員補用疏

為敬陳管見仰祈

睿鑒事查難廕衛千總一項例應赴部聽候推補但此等廕弁家多貧寒而邊疆省分距京遙遠尤艱資斧乾隆五年貴州總督張廣泗奏請將黔省四品以下之難廕衛千總請依告降之例有年力壯健弓馬嫻熟者即在本省遇有營把總缺出與經制外委千把并各項應以把總補用之員比量間次拔補經兵部議覆嗣後黔省難廕衛千總如有資斧維艱不能赴部者准以本省營把總用等因奉

四知堂文集

卷五 奏疏

五

旨依議欽遵在案茲臣粵西有原任右江鎮標守備何英因出師黔省九股奮勇陣亡難廕一子千總何彬如赴臣衙門具呈以親老家貧無力赴部懇請收標効力臣以無例可援隨經咨請部示接准部覆以難廕千總准以營把總補用是專指貴州一省而言至於各省並無收標効力之例臣查部臣持議自應確守定例惟是粵西與貴州同一邊省其距京道里亦約畧相同而此等難廕員弁家貧無力不能赴部者十居八九或有才力可用之人格於成例遂至上進無階殊為可惜以臣愚見應請推廣定例凡邊省

難廕衛千總一項除力能赴部者仍聽赴部外其家貧無力情愿告降以營把總用者查驗年力精壯弓馬嫻熟俱許其即在本省各營効力遇有把總缺出與經制外委千把等比量間次拔補則邊省廕弁俱得及時効用莫不仰沐皇仁益加奮勉矣臣言是否可採伏乞皇上睿鑒勅部議覆施行

四知堂文集

卷五 奏疏

五

拿獲安南爲匪漢奸周道南等審辦疏

爲奏

聞事竊查粵西泗城府之西隆州西林縣雖不與安南連界而切近滇省之廣南府土富州等處前匪徒莫康武等滋擾保樂臣訪聞多半內地民人隨飭沿邊各府嚴加稽查據泗城府之西隆西林兩州縣查明攔回多人經臣前次附摺陳明在案但愚民紛紛出交必有緣由臣復諭泗城文武再查確實具覆茲據西林縣知縣范樹檀查明稟覆緣滇省廣南土人出交者多紛紛傳說交趾已經攻破泥裏灰裏俱係四知堂文集

卷五 奏疏

三

亞頂自交趾回得有馬匹銀兩以此聳動鄉人潛往交趾亦經西隆文武將二人拿獲又臣前次奏明內地民人有在交爲匪滋事者有爲夷官收用者請旨宣諭安南國王凡滋事匪徒擒獲之日卽係內地人民亦盡法處置并令嚴飭夷官嗣後不得收用內地人民爲先鋒等官其指名飭拿者俱解回內地以憑懲治約束經大學士等議覆令臣移咨安南國王臣已欽遵

四知堂文集

卷五 奏疏

三

諭旨咨移在案茲查臣前摺內所指夷官差委虎頭山收稅原充先鋒官黃漢十名茲因莫康武勢敗復思潛回內地經下雷州土官在於隘口拿獲解鎮安府知府審訊據黃漢直將先爲夷官收稅充當先鋒後又附和莫康武攻打保樂因勢敗思逃入內情由供認不諱臣查無知愚民隨人入交係一時爲利所動尙可分別責懲至如周道南黃漢等則奸詭克悍反覆無常若仍留邊地終爲地方之害臣已飭各該府嚴加羈禁再行確訊當俟再有拿獲漢奸一併從重擬議請

旨遵行爲此具摺奏

聞

請雲南招回內地民人仍由滇隘出入以肅邊

防疏

為 奏明事竊查粵西之鎮安府與雲南之廣南府界址相連各有通安南隘口自匪徒滋擾保樂夷州以來 臣 與督臣提臣俱嚴飭守隘員弁加謹防範不許一人出入以清邊境茲數月以來據鎮安文武稟報滇省廣南府文武員弁及該地土官前後差人出交及招回在交民人由粵西隘口經過者二月二十八日巡隘把總陳志在那嵩隘見三四十人從隘旁小路毀柵而行拿獲一人訊係廣南土富州人廖天

四知堂文集

卷五

奏疏

三

日有廣南營差士目周文傑陸美章等三十餘人出交經把總陳志攔回又三月二十五日有廣南儂土官差士目何叔周繼何洪才陸成章等帶有四百餘人并器械馬匹由粵西怕懷隘蜂擁出交經巡隘千總梁昇國盤詰據稱奉差前往保樂州招回棍徒等語又四月十四日有廣南土目陸成章在交招回三百餘人并夷民婦女九十餘口牛八十餘頭到怕懷隘經千總梁昇國盤詰據陸成章稱夷民婦女係先年逃往夷地居住者牛隻係棍徒跟隨莫康武打伏得來尚有何清及廣南營胡泰將差兵陸明德在後

四知堂文集

卷五

奏疏

三

招回有一千餘人等語該千總止放進頭目十餘人其餘俱令由廣南隘口而入 臣 查內地民人在交為匪自應設法招回但既係廣南文武員弁所差日役則經由廣南隘口更可稽查不致奸良莫辨今廣南文武所差日役俱令本省之隘由粵西之隘則奸良混雜無可稽核守隘員弁不得行攔阻盤詰 臣 已據報咨移雲南署督臣張允隨轉飭廣南文武嚴加約束稽查毋聽滇民紛紛由粵隘出入以肅邊防 謹具摺 奏明伏乞

皇上睿鑒

屬員餽送人侵據實陳明疏

為據實奏

聞仰祈

睿鑒事竊查官員餽送屢奉

諭旨諄諄飭禁臣於所屬各員因公進見無不劬以

欽遵

聖訓杜苞苴屏餽遺以冀吏治澄清乃不意有梧州

府知府戴肇名者才既平庸性復鄙詐本年閏四月

間臣因製配藥料需用鹿茸而省會適缺無從購買

遂因差弁赴東省投文之便發銀二十兩帶往梧州

四知堂文集

卷五 奏疏

手

令該府戴肇名代買一二對即差人齎送來省應用

至五月初八該府差家人送到鹿茸臣開匣看視除

鹿茸二對外另有二小匣上書長生菓字樣啟視一

匣乃係人篋臣不勝駭異當將人篋并鹿茸俱交具

家人領回并嚴加斥責臣思知府為一郡表率必公

正自持方足以風示屬吏今戴肇名因臣價買鹿茸

即藉此暗中巧作餽送其居心卑鄙罔顧廉隅豈堪

復膺郡守之任臣不敢稍有隱飾相應據實奏

至臣荷蒙

聖恩畀以封疆重任從不敢收受屬員禮物致開餽

送之門今戴肇名乃如此巧作夤緣是臣素行尙未

孚於屬吏清夜自思實慚愧無地且鹿茸微物儘可

令差弁自買乃因一時急須遂冒昧委之屬員防檢

之疎臣亦咎不能辭應仰懇

聖明將臣一併交部議處以為人臣守身不慎之戒

為此具摺奏

聞伏乞

皇上睿鑒

四知堂文集

卷五 奏疏

手

陳明潯州劉守請免叅處疏

為據實陳請仰祈

聖訓事竊臣前具奏安南陪臣到省日期并將向來陪臣船隻經過稅厥俱查其隨從船隻恐有夾帶貨物之弊此次經過潯關聞知府劉暉潭欲並看陪臣船隻遂有令通事往復辨論之事似此固執辦理殊失

天朝柔遠大體已飭司道嚴查俟查確再行酌辦奏聞奉

硃批此豈但失於固執並失柔遠之道可叅處以為四知堂文集卷五 奏疏 三

後來戒欽此仰見我皇上懷柔遠人體悉周詳至意臣查此事前具奏之後即經藩臬二司詳據右江道周人驥查覆當日貢使船隻到關知府劉暉潭即委該府司獄董思仁前往照例查看隨從人員及護貢官弁船隻有無夾帶貨物該司獄司向護貢員弁及通事官止云奉委查看船隻並未分晰不查陪臣行李物件之語以致陪臣生疑復令通事轉問舊例該府聞知隨委桂平縣知縣郭維鏞向通事說明陪臣行李物件原不查看該陪臣等遂欣然請查亦止委官到船一看其貢使

船隻即令開行隨從船內據船戶報出蘇木六萬餘觔照例納稅迨後經過梧州平樂桂林等關該陪臣等知並非查其行李物件凡關厥委員一到即令一看開行等情臣查此事欽奉

諭旨令臣叅處以為後戒臣自當欽遵即應具疏題叅但臣查

大朝之於安南中外攸分在安南恪守藩封遣使入貢經過道路固應體恤有加以示

聖朝浩蕩之恩而在守土官員於

國家體統所繫亦有不得不敬守而防其微者向來四知堂文集卷五 奏疏 三

貢使經過關厥查其隨從及船戶水手人等有無夾帶貨物相沿已久此次貢船經過潯關臣因聞有欲看陪臣船隻往復辨論之事是以附摺陳明俟確查酌辦今據司道等查明知府劉暉潭亦係查照向例止因所委之員語言未經分晰以致生疑迨後委知縣往厥說明該貢使等即欣然請看是臣所聞并看貢使船隻之說事屬有因而知府劉暉潭辦理尚未乖張失體今若將知府即行叅處將來使臣經過於向例或少有違拂聽之不便抑之滋議事勢之畸輕畸重實亦不得不總總慮及又護貢官弁往往勾同

通事人等揭借使臣銀錢置買貨物漁利乾隆二年
會經查出將護貢之干總賀超賢蔡卓然此輩微員
實亦不能保其不復效尤若經過關津不敢稽查將
來護貢員弁益無所憚揭借拖欠反爲外臣所輕亦
屬未便伏思我

皇上至聖至明一事必酌其中一政必持其平今
既有愚昧之見可行與否自應直陳於
聖主之前恭候

訓示非敢爲一知府惜也所有潯州府知府劉暉潭
可否邀

四知堂文集

卷五 奏疏

雷

恩格外寬其叅處相應據實陳請伏乞

訓示再知府劉暉潭平日居官亦循謹小心風土熟
悉合併聲明爲此繕摺恭 奏伏乞

皇上睿鑒訓示遵行

請定黔省標營赴粵採買章程疏

爲請定黔省標營赴粵採買米穀之章程以便稽查
以裕民食事竊查粵西柳慶二府與黔省之古州等
處毗連乾隆四年前撫臣楊超曾 奏明柳慶二府
米穀聽黔省採買桂平梧潯南五府米穀聽廣東採
買又黔省古州上下江各標協營積貯接資兵丁眷
口米石亦經貴州督臣張廣泗 奏明每年於秋成
差員赴西省柳屬地方採買各在案以本省之有餘
濟隣省之不足原屬有無相通之意但採買必有一
定之數一定之時方足以杜假冒而便稽查 臣數年

四知堂文集

卷五 奏疏

雷

以來接閱古州鎮臣委員來西採買咨文有開明米
穀數目者亦有並不開明數目止云齋銀來西採買
者至於所委之員有秋冬間來者亦有青黃不接之
時尙來採買者本年五月據署融縣知縣郭賡武詳
稱上年冬間有古州鎮差弁在縣屬之和睦墟大建
倉房逢墟收買陸續裝運至本年閏四月運米之船
尙絡繹不絕隨向委弁孫受益查詢據稱去年別員
來買不知買過多少該把總係於二月始來已買過
一千餘石其餘現在陸續採買應買若干俟稟明營
主移知等語查閏四月正值青黃不接之時現在開

倉平糶接濟民食今黔省差弁乃長住採買毋怪米價日昂實於本地民食未便等情經藩臬二司議請移咨貴州督臣確查咨覆并令融縣將差員已買之穀聽其運回未買者勿令再買臣已據詳咨明貴州督臣張廣泗飭查在案臣查黔省古州鎮上下江接濟兵丁眷屬米石每年赴西省柳慶採買原係奏明之案自應循照舊例惟是章程不定稽查難施卽漸起假冒影射之弊且時值青黃不接而採買之弁不停實亦於地方民食未便臣請嗣後黔省古州上下江等協營赴西省柳慶採買米穀務將應買數目四知堂文集卷五奏疏 美

預先詳明貴州督臣咨移臣衙門查明該二府收成豐歉情形價值貴賤或可照數全買或應量行酌減及於何州縣採買移覆貴州督臣轉行知照其差委負弁務於秋冬間給以印照開明數目前赴指定地方照數採買將買過數目報明地方官查驗運回買足之日該差員并將起程回營日期報明地方官轉報查考至春夏之間不得差弁採買致妨民食如或有藉名影射及興販營私等弊經地方官查出卽據實詳報咨明黔省懲究如此酌定章程在黔省仍資接濟而粵省之民食亦不致妨礙似爲兩便臣言是

否可行相應具摺陳奏伏乞
皇上睿鑒飭部議覆施行

四知堂文集

卷五

奏疏

美

四知堂文集卷五

終

四知堂文集卷六

清江楊錫紱方來著

奏疏

請更流官之彈壓以重邊防疏

為請更流官之彈壓以重邊防事竊查太平府屬之上下凍土州思陵土州俱地處極邊與安南犬牙相錯一切隘口巡緝稽查頗為緊要乃向來各土司地方俱設有流官如州同州判吏目巡檢等員協同稽查彈壓惟上下凍思陵二土州未經設立一切巡查等事僅責之土官邇年以來因安南地方滋事雖時四知堂文集卷六 奏疏 一

亦委員巡查并撥兵前往駐宿隘口然官非長駐究不足以專責成查乾隆六年八月准部咨嗣後各省倘有地方應須人員管理止准於通省隨時改調槩不得具 奏增添等因 臣就二土州地方四面形勢再四籌酌查土司中有下石西土州者地小而切近寧明有羅陽土縣者地小而切近永康寧明州之吏目可以兼管下石西土州永康州之吏目可以兼管羅陽土縣應請將下石西土州原設之吏目改為思陵土州吏目羅陽土縣之典史改為上下凍土州吏目如此一轉移間官俸役食既不加增而要地均得

人彈壓於邊防甚為有益矣 臣謹據實具 奏伏乞 皇上睿鑒勅部議覆施行

四知堂文集

卷六

奏疏

二

謝頌律例疏

欽惟我

皇上

帝德好生

王心勅法禮陶樂淑德化遍禹甸堯封仁漸義摩感孚盡山既海濫普慈祥之政刑期無刑貽欽恤之心治益求治惟明惟允雷霆無非雨露之恩曰慎曰矜寬嚴悉載生成之德惟我

朝之憲典經

列聖之創垂固已綱舉目張率土咸知敬聽條分縷晰

四知堂文集

卷六 奏疏

三

百工有所遵循乃猶

釐正維殷

折衷盡善因時用法統歸

睿鑒精詳酌理準情仰見

宸衷敬惕本一中以立極曲成不遺躋兆姓於無偏

咸中有慶識定分止爭之義閭閻遷善而不知讀始

和月吉之文官吏奉公而若揭臣才慚折獄心切明

刑觀

聖德之高深反復於三刺三宥體

皇心之仁愛敬孚在五罰五辭誠哉萬世權衡沛若

江河行地允矣千秋金鑑煥乎日月經天將見貫索長銷列井有天皆化日抑且芝菌叠見園扉無處不陽春矣

四知堂文集

卷六 奏疏

四

請嚴懲粵西營伍驕縱習氣疏

為奏

聞事竊粵西地處邊隅土司苗猺雜錯而居要害之地安兵設汛星羅棋布以壯聲勢而資彈壓邊地之兵固較重於內地然兵氣易驕難馴全在該管將弁平時嚴加教導約束有事則執法懲治庶足以消其暴戾驕亢之氣而不致動輒滋事習為故常數年以來臣稔知粵西弁兵習多驕縱如防守汛弁干預民事居然受詞訊供及分防猺獞土司地方兵丁藉民間些小事件即稟該管汛弁差傳拘喚此輩藉差需

四知堂文集

卷六 奏疏

五

索嚇詐顛倒是非無所不至經臣咨會督臣提臣嚴加申飭并大張告示禁戢曉諭始稍知畏歛然積習已久驟難盡改本年夏間又有慶遠協兵丁多人於宜山縣知縣楊師游開倉平糶之時擁擠該縣公案欲行先買該縣諭以百姓皆自鄉間遠來當先發百姓之穀爾等兵丁俱在城內可以暫緩而眾兵丁即大肆喧譁辱罵該縣見其兇暴猖狂隨起身赴慶遠協衙門告知迨至復回平糶則已將公案桌圍等項擠倒此事經該縣具文通詳臣與署督臣策俱已嚴行查究現在飭取約束不嚴職名聽候署督臣會

疏 題叅以儆惡習再臣接准部咨廣西提督已奉旨將固原提督豆斌調補我

皇上特簡大員將來到任自仰體

聖心加意整頓但臣觀廣西營伍習氣嚴懲驕縱為第一要著尤為新任提臣第一要著蓋提臣舉動為通省武員具瞻但需一正大端公正執法絕去沽名袒護之習其下已望風改觀以後隨事斟酌寬嚴并用便可冀漸次轉移查新任提臣赴任必由臣駐劄之桂林經過臣當與面述一切情形共相勉勵期於破除積習整飭營伍以仰副我

四知堂文集

卷六 奏疏

六

皇上綏靖邊隅至意為此具摺陳明伏乞

皇上睿鑒

報明盤獲出交匪黨梁點痘審辨疏

為據實奏

聞仰祈

睿鑒事竊匪徒滋擾安南保樂一帶先據沿邊文武探報為首莫康武係泗城人臣當將現在飭查緣由具奏在案嗣據泗城府凌雲縣查覆有先年安插泗城莫敬曙子孫莫誇莫造莫子仁莫子信等俱係耕農並未出外為匪等情臣以泗城既有安插交趾莫氏子孫則事屬有因正在行令再加確查間於七月二十三日准雲南督臣張允隨密札據開化府縣

四知堂文集

卷六 奏疏

七

誘獲匪黨林鵬鳴供出首犯莫正豹原名莫能仁弟莫能義係泗城府販樂人等情到臣查莫能仁能義與子仁子信字派相類則莫康武似即係莫正豹莫子仁雖未必即係莫能仁而亦必其宗族有無子姪出外為匪斷無不知不過恐致連累故不肯承認隨密飭護泗城府西林縣知縣范樹檀并札致右江鎮臣畢映務必嚴加根究以便設法查拿亦經臣於八月二十四日具摺奏明在案茲於九月十四日據署凌雲縣知縣王煒稟稱細加訪察聞莫氏族內有莫保及梁點痘者三四年前曾經出交趾未回隨

覓識認莫保梁點痘之人密令緝拿於本年八月二

十六日在府城北關盤獲梁點痘一犯訊據供稱自交趾方回問以莫康武等滋擾保樂情形據供偽稱莫王首匪名岑際康乃廣東人係莫敬曙女婿偽稱莫三王名莫正臣原名莫保乃莫敬曙之姪并供有岑儀係廣東人在交授軍政司劄現隨莫保梁高係廣東人現為莫保代筆張圓係廣東人陸為康係雲南廣南府人俱現隨岑際康為護衛林鵬鳴係雲南開化府人在交授經畧司今已回開化梁文才係廣西歸順州人在交授守備劄現進黎京探聽消息余

四知堂文集

卷六 奏疏

八

棟鄧作觀俱係廣西小鎮安人已回內地楊奇係太平府龍州土司人現隨岑際康為護衛黃義乾黃義坤係販朝人現隨莫保等語該縣併於該犯棉衣中拆出莫保在交寄來約其家屬莫造莫誇檢查在家案卷帶出商議書札二封等情到臣查梁點痘供開匪徒姓名與林鵬鳴在雲南所供大約相同至閱其書詞則莫保即係莫誇莫造弟兄而為莫敬曙之姪已無疑義臣又檢查雍正十年粵西逆匪李天保一案內有莫敬曙口供其自述世代情節甚為詳悉則此泗城莫氏其為莫登庸之後裔似屬實情是以

莫保等在交滋擾居然自稱莫王而前安南國王咨
移署督臣之文亦有匪徒假稱偽莫之語也當日李
天保案內因莫敬曙係莫登庸之後原與交國世仇
止擬安插江寧嗣因莫敬曙已死部議無庸議是以
其家族仍在泗城居住是從前探聞莫康武之爲泗
城人實非虛語不過此等匪徒奸詭百出一人而三
四其名令人難於查察耳臣查現在泗城之莫誇莫
造既係莫保弟兄且書信相約其知情可知已諭令
該府拘出再加確訊情由即將該二犯等先解赴省
以免意外之虞至粵西地屬邊疆切近交趾莫氏家
四知堂文集 卷六 奏疏 九

族既係莫登庸之後不但不可仍居泗城即粵西亦
不便居住亦已密諭該府縣查明實數俟查覆至日
具 奏請

旨安插於內地省分以絕其希冀妄想又以梁點痘
之供與莫保所寄書詞細加參看則偽稱莫王之岑
際康手下尙有多人已赴牡丹地方與從前所稱偽
交崗王矣長餘黨合而爲一偽稱莫三王之莫保則
現在通農州黨羽亦未盡散雖經諭令地方官設法
誘拿然此輩妄念未消亦未必肯顧其家族復回內
地已飭沿邊文武仍前嚴緊防範實力稽查一面再

探彼處確實情形會商督臣提臣隨時酌辦奏
聞所有查明匪徒根由謹先繕摺具 奏并抄錄莫
保書札二紙雍正十年莫敬曙原案供詞一紙附呈
御覽伏乞
皇上訓誨遵行

四知堂文集

卷六

奏疏

十

請留失察李梅李彩經過各州縣疏

為據實陳明仰祈

睿鑒事竊查粵西匪犯李梅李彩二案欽奉

諭旨令將歷年失察之地方官查參其拿獲李梅李彩之員亦著查明議敘欽遵

諭旨已逐一查明分別失察拿獲會同署督臣策

具題聽候部議在案惟是李梅李彩二犯自雍正八年即至粵西至乾隆六年始行拿獲為時既久往來經過之州縣亦多是以現任文職自司道以下罹處分者至三十二員內除按察司李錫秦本身有加

四知堂文集

卷六 奏疏

十一

級紀錄可以抵銷及雜職人員外其道府州縣例干降調者尚二十員查該員等身任地方於逆匪往來不能查出照例處分亦分所應得且我

皇上之降諭查參者原為整飭吏治示以儆懲臣亦何敢復行置議惟是粵西地處極邊非係烟瘴即屬苗疆熟悉風土之員頗為難得且其中如左江道許日熾南寧府知府蘇士俊太平府通判張嘉頌養利州知州管子傳西林縣知縣范樹檀則邊防諸練任事實心如桂林府知府魏運景東蘭州知州祖承祐全州知州吳緒永靈川縣知縣康世德遷江縣知縣

祁秉衡宣化縣知縣宋做皆政務歷練年力正強此臣數年查察所深知者可否邀

恩格外

賜調引

見恭候

聖裁將可用之員仍令原任戴罪効力則邊遠瘴鄉獲留熟練之員於地方亦為有益臣為人材起見不揣冒昧謹據實陳奏伏乞皇上睿鑒

四知堂文集

卷六 奏疏

十一

奏明出交人民仍請量行發落疏

為欽奉

硃批再行陳請事竊臣前將准雲南督臣張允隨咨明盤獲粵西西隆州出交民人一百餘名情由具奏并請將內中為首倡率數人嚴行枷示其餘量行發落之處恭請

訓示欽奉

硃批旁批殊失之寬矣欽此又臣於招尾聲明西隆州人民出交必經由雲南之廣南地方是以今回內地亦由廣南盤獲欽奉

四知堂文集 卷六 奏疏

七

硃批旁批盤獲雖由雲南但廣西無去者雲南何由盤獲此語殊巧而拙矣欽此臣捧讀之下不勝惶悚臣查匪徒莫康武等滋擾安南本年春間令其夥黨潛入內地哄誘民人出交邊境土民愚而嗜利為其所誘紛紛偷出經地方文武查覺著村寨頭人分頭曉諭攔追有當時攔回者亦有攔阻不及已經越出者經臣嚴飭該管文武查明村寨人數飭令頭人前往喚回嗣於五六月間前項出交民人隨差去之頭人陸續分起回內但泗城人民出入俱須由廣南隘口經雲南廣南守隘文武查明盤驗報明雲南督臣

經督臣張允隨咨會到臣思此項民人雖為數衆多不便盡繩以法然當其出交之時每起亦必有為首倡率數人應令地方官查訊明確將為首倡率數人枷責示儆其餘酌行發落奏請

聖訓茲欽奉

硃批以臣辦理殊失之寬臣自應仰體

聖明肅清邊防至意嚴加懲治惟是此等出交民人雖非安靜守分之輩然究係聽人哄誘貪利而往卽其一村一寨之中首先倡率之一二人亦係誤聽人內招人漢奸之言轉相傳播非如臣前所奏之黃漢

四知堂文集 卷六 奏疏

七

周道南亞頂等或為匪徒先鋒或代匪徒入內招人或在交打仗得回馬匹銀兩復入內糾人入交者可比茲查五六兩月據西隆西林二州縣陸續回內者共有五百餘人經州縣官逐一究訊或供係聽聞交匪地方已被莫康武打破泥裏灰裏俱是銀錢任人拾取因而結伴潛往或供係聽聞交匪銀兩甚旺容易空取因而偷出或供起初出去只知到處可得銀錢牛馬及到交地始知要替莫康武當兵後見內地差出頭人卽相率跟回至所指倡率帶領之人有西林西隆本地者亦有係雲南廣南人民者臣查代匪

徒入內招人如周道南亞頂等當其入內之時唯思
先行哄騙出交方挾以不得不從之勢其在內地斷
不肯明言驅之當兵此亦實情而此等民人出交之
後曾否跟隨匪徒攻掠事在夷地又無從確鑿指証
是其私越出外固屬可惡而揆其被誘情由尙可姑
貸其生又土人如罪犯軍流例亦止折枷責臣荷蒙
皇上天恩畀以封疆重任不能防閑事先以致所屬
民人出外已乖職守今招回入內何敢復行姑息但
揆酌情由權衡輕重可否如臣前奏將爲首倡率者
仍准枷責完結謹據情再請

四知堂文集

卷六 奏疏

五

聖訓遵行再臣前摺聲明粵西民人必由廣南經過
是以回內亦由廣南盤獲荷蒙

硃批訓飭臣惟有時刻凜遵省愆改過自矢樸誠以
仰副

生成厚德耳爲此繕摺具 奏伏乞

皇上訓示

陳明查辦出交匪犯並嚴謹邊防疏

爲欽奉

上諭據實奏明事乾隆八年十月二十日准兵部加
封遞到大學士徐本尙書公訥親字寄廣西巡撫楊
錫紱乾隆八年九月二十一日奉

上諭前廣西提督譚行義欲將邊防一事誘咎鄰省
奏稱三月內雲南廣南府儂土丞差目何淑等由粵
境之怕懷隘前往交趾至四月內該目攜帶夷男婦
女三百餘名仍由粵歸滇等語經軍機大臣議交雲
南總督張允隨分別查驗并將辦理情形奏聞今該

四知堂文集

卷六 奏疏

六

督覆奏之摺俱不相符是譚行義明係推卸巧飾朕
思滇粵兩省皆逼近安南值該國有事之時正宜加
意防範若止知推卸已責而不實力稽查於邊防甚
有關係爾等可將張允隨原摺抄錄寄信楊錫紱務
須查明確實詳慎辦理使關防嚴密不得推諉掩飾
貽誤地方欽此遵

旨寄信前來臣恭讀

諭旨仰見我

皇上廑念邊防

訓誨周至除欽遵

聖訓查明確實詳慎辦理并嚴飭沿邊文武實力稽
查防範外臣查粵西界接安南數年以來夷地內訌
兼以匪徒滋擾邊境不寧臣凡偵探夷地情形嚴緊
關隘出入及查明粵省在交滋事匪徒姓名設法誘
拿并無知愚民被惑出交情由臣俱隨時奏

聞仰請

聖訓遵照辦理從不敢有一事推諉鄰省圖卸已責
此難逃

聖明洞鑒者即本年三月間滇省土丞差目何淑等
由粵地經過招回交出交民人一件雖經前提臣譚行

四知堂文集

卷六 奏疏

七

義具 奏經軍機大臣議交雲南督臣張允隨分別
查驗辦理然臣則未敢以提臣有此一 奏即稍存
懈弛之心一切邊防事件俱時刻留心稽查料理蓋
為滇為粵均屬

皇上封疆當外夷有事之秋督撫大吏不但當推
諉并當更加協力凡有見聞彼此咨會密商妥辦方
無愧同舟共濟之義以庶幾仰副我

皇上委任大吏之心茲臣查閱雲南督臣張允隨原
奏如土目何淑等據滇省查訊亦係由粵西怕懷隘
出交招人屬實但人數多寡之處與粵員所報少有

異同此或係粵省守隘員弁言之過甚亦未可知臣

已嚴飭確查俟查覆到日臣當酌行警懲又督臣張

允隨原奏交崗賊首武賢卿即矣揚係由廣西西林

縣糾集八陽泥洞等處沙夷入交高平賊首莫正豹

係由廣西泗城府等處招集沙夷二千六七百人入

交俱佔踞地方僭稱偽號而滇省廣南府土目項下

沙夷亦私出附和為匪等語臣查匪首莫康武滋擾

保樂夷州臣上年探聞係粵西泗城府人即經 奏

明飭查因此輩一人而三四其名一時無從跟究至

本年秋間臣飭地方官緝獲梁點痘一犯於棉衣中

四知堂文集

卷六 奏疏

八

搜出在交代莫保寄帶書札二紙并訊取該犯口供

乃知偽稱莫王之莫康武的名岑際康即莫保之姊

夫偽稱莫三王之莫正豹的名莫保即當年安插泗

城之莫敬曙子姪為莫登庸後裔在夷人則藉稱莫

氏舊主以為構釁之端在莫保等則因此聳動以妄

冀百年之舊物遂致彼此勾結滋擾二年是督臣張

允隨所奏莫正豹為廣西人誠為確實至交崗賊首

武賢卿即矣揚臣從前探聞矣揚即乾隆四年偽稱

交崗王矣長之弟未聞係粵西人氏且矣揚所踞地

方近雲南之開化莫正豹等所踞地方近粵西之鎮

安與雲南之廣南又二匪從前兩不相合今聞岑際
康因潰敗之後乃始與莫正豹離異而往投交崗賊
首矣揚合爲一黨此臣節次據沿邊文武差探所聞
如此今督臣張允隨所稱矣揚亦廣西人或別有確
探亦未可知臣現在行令泗城鎮安等處嚴查確訪
總之此輩匪徒毋論是滇是粵俱當設法誘緝臣若
稍得根由卽當咨會滇省一體飭辦不敢稍有異視
至安南目下情形諒山一帶則久已寧靜保樂匪徒
莫正豹岑際康等雖根株未淨仍思構釁然莫正豹
之所恃以煽動夷人者徒以身爲莫登庸後裔有先

四知堂文集

卷六 奏疏

十九

世案卷可憑之故今案卷因臣緝獲梁點痘一犯已
經地方官搜獲而梁點痘供出該匪夥黨如僞總鎮
守備護衛軍政司陸爲康岑宗業余棟鄧作觀等逃
回內地者俱經臣嚴飭地方官逐一拿獲其尙在交
未回者亦在設法誘拿則其勢已孤若加以夷員再
行勦捕不久當自撲滅然事在外夷情形難以預料
而在我邊防則不可不加嚴謹臣受
恩深重惟有仰遵

聖訓時加稽查詳慎辦理以期邊境寧輯斷不敢一
毫掩飾致滋貽悞也緣邊防事件時厯

宸衷茲又欽奉

諭旨訓飭詳慎辦理謹將現在情形據實先行奏

聞伏乞

皇上睿鑒

四知堂文集

卷六 奏疏

二十

遵 旨議覆訓練鄉勇疏

為遵

旨 奏明事乾隆八年二月二十八日准兵部加封
遞到大學士伯臣鄂爾泰等謹奏廣西布政使唐綏
祖奏請訓練鄉勇一摺奉

殊批軍機大臣等議奏欽此據稱廣西地方苗獍狼
獍種類不一與民錯壤而居向有獍七民三之語此
等種類既不識字又復賦性兇頑難於化誨屢代以
來時有拒捕劫殺等事以致發兵征勦其官兵之出
力者固多而得力於鄉勇者亦復不少蓋以鄉勇踰

四知堂文集

卷六 奏疏

五

山涉嶺尤為便捷如乾隆五年楚省逆苗楊青保黨
羽帶領千餘人赴粵省之興安縣圍住烟竹坪地方
勢甚猖獗時官兵未到該縣黃海素有訓練之鄉勇
數十人分佈要路是晚村眾先為設計誘賊一而置
酒款待一面糾集各路鄉勇黑夜攻擊殺死楚苗多
人不計其數一戰而殲厥渠魁逆苗從此不敢越境
侵擾此訓練鄉勇之明驗也今查通省州縣鄉勇有
已經訓練者亦有一名俱無者 臣思廣西通省馬戰
守兵止二萬餘名而分駐各汛每州縣多則五六十
名少則二三十名不等本屬汎廣兵單倉猝調用文

移往返往往一時呼應不靈至各屬額設雖有民壯

而解餉解犯差遣甚多不敷應用而徭徭雜處之地

不能保其常為安靜臣再四思維惟有令各州縣俱

訓練鄉勇挑選年力精壯者按名造冊不有限定額

數止令各屬挑選實在精壯者充當鄉勇每年東作

方輿仍聽其照常耕作惟冬月農隙之時赴城操演

一二次該州縣協同防汛營弁加意訓練并擇其勤

幹者二名以為鄉勇頭目專司督率傳喚至鳥鎗器

械係鄉勇平時上山捕獵具備之物止須修整毋庸

另造即演放鳥鎗硝磺修理器械等費及鄉勇入城

四知堂文集

卷六 奏疏

五

飯食之需雖屬無多但各州縣養廉有限似不便令
其捐給可否於鹽羨解司充公項內酌量給發聽候
部議如訓練整齊之後一遇地方苗獍不法等事即
可迅速捕治無須動輒調兵即鄰近地方有需用之
處亦可調集鄉勇同官兵進剿照上兵協勦之例給
與鹽菜口糧事竣之後分別加賞自奉文召募之後
鄉勇一切差徭俱行優免以示鼓勵該州縣官弁如
不實心訓練者分別查參議處其訓練得宜臨時鄉
勇協勦得功者亦將該地方官弁分別議敘如此庶
不失寓兵於農之意而邊防皆收捍衛之效等語查

廣西猺獞雜處山深箐密又連接鄰省諸苗易於滋事因應籌備捍衛之資俾地方永遠寧貼該省州縣舊有鄉勇之處多因逼近苗疆其土著民人能慣悉苗情周知路徑是以訓練鄉勇以爲協助兵壯之用今該布政使奏稱通省州縣鄉勇有已經訓練者亦有一名俱無者請於通省州縣俱令訓練鄉勇其硝磺飯食之需於鹽羨公項給發等語查訓練鄉勇皆係民間自行團練地方官弁但司督率稽查若如所奏量給充公銀兩則與向來鄉勇之例殊不畫一且訓練之處必其地鄰接苗寨方爲有益若并非苗人

四知堂文集

卷六 奏疏

三

逼近之所槩爲添設亦屬虛文應將該布政使所奏交與該省督撫詳悉查明不必拘定通省州縣但果係苗疆地方實在應行添設之處仍照向來訓練鄉勇之例速奏明辦理可也乾隆八年正月二十八日奉

旨依議欽此臣等當經欽遵飭司移行各道府州詳查去後茲據藩臬二司查明酌議前來臣等查粵西僻處邊隅苗猺土獞雜錯而居此輩生性蠻野動輒仇殺相尋是以向來地方居民多自設鄉勇以爲防衛其中有堡卒耕兵隘丁狼兵土丁名色不均之

皆鄉勇也凡此選當鄉勇堡卒狼兵隘丁耕兵土丁之人或有公遺田畝充其役者卽食其田或村寨相沿資其力者卽公其養大約無事則把守隘口捍衛莊村有事則差遣委用聽於州縣由來已久亦不知起於何時迨我

國家承平日久重熙累洽苗猺土獞漸知畏法此項鄉勇人等遂不無人數不足及老弱應役之弊至於州縣官或有循照向例每歲冬間調集操練獎賞一次者亦有向不操練卽因仍其舊者此布政使唐綏祖所以奏請一體團練但所屬州縣有逼近苗獞與不逼苗獞之分而鄉勇原係民間自行團練亦可毋庸另給充公銀兩以爲修理器械及入城飯食之需誠有如大學士所議者茲臣等遵奉

四知堂文集

卷六 奏疏

四

諭旨詳悉查明粵西所屬如臨桂靈川興安永寧永安橫州永康雒容柳城羅城融縣來賓宜山思恩東蘭上林遷江西隆凌雲天保歸順鬱林博白北流陸川興業等三十六州縣或鄉勇或堡卒或耕兵或隘丁或狼兵或土丁多寡不等原有設立今當飭令各州縣官汰其老弱補以精壯毋得缺額及再以老弱

冒濫如富川蒼梧懷集平南武宣上思養利左州崇善寧明馬平懷遠象州天河河池武緣西林等十七州縣或係逼近苗獠或係邊隘要區向俱未設鄉勇今已飭令酌量扼要村寨量行設立有據報業已選充報有名數者有現在選充陸續具報者應俟設立齊足之日造冊報查如義寧一縣雖近苗寨但龍勝以內已經設協安兵又陽朔灌陽平樂荔浦昭平藤縣容縣永淳新寧賓州奉議等十一州縣皆非逼近苗獠應遵照大學士等原議俱毋庸設立此項鄉勇原有額設州縣其所食公田及公給口糧一仍其舊

四知堂文集

卷六

奏疏

五

亦可毋庸請予議敘總之鄉勇之設係爲居民捍衛起見地方官止當鼓勵稽查而不必過爲繁擾則應役者不致有名無實而鄉勇與居民均得羣安於耕鑿之常矣臣等謹就情形詳查酌議辦理是否有當相應會摺奏

聞伏乞

皇上訓示遵行

四知堂文集

卷六

奏疏

五

謝 賜御製盛京賦疏

為恭謝

天恩事乾隆八年十一月二十六日臣家人回粵齋到

皇上賞賜臣

御製盛京賦一部臣隨出郊跪迎至署恭設香案望

闕叩頭謝

恩祇領訖欽惟我

皇上

孝隆大德

四知堂文集 卷六 奏疏

運啟重華繼序其皇奉

金輿而展敬紹庭維顯勤

玉輦以薦馨瞻

陵寢之巍峩爰摠

睿藻睹

神京之崇峻用著

瑤編

大孝發為至文忱本覲

光揚

烈

鴻章聿昭鉅典情深

基命造邦仰

天作而念艱難不數京都藻繪迥

帝省而垂法守直符雅頌廣揚字字舒積累深仁普

天謙發祥之有自言言凜邠岐舊德率土忻衍慶之

無疆臣職忝封圻遇遭

明聖

頒來萬里盥讀而光燦星雲

錫自九重雒誦而韻鏗韶濩豈惟藏以什襲寶勝圖

球抑且垂之子孫珍同琬琰所有微臣感激下忱謹

四知堂文集 卷六 奏疏

繕摺恭謝

天恩伏乞

皇上睿鑒

保薦永寧州牧董天良實心愛民疏

為據實奏

聞仰祈

睿鑒事竊照州縣一官與民最相親近我

皇上屢降諭旨訓飭直省督撫當督率地方官盡心

民事勸開墾以盡地利廣種植以利財用臣仰體

聖訓於所屬州縣無不諄諄勸勉然人材難得稍有

才具者多止留心簿書其才具中平者則并簿書亦

多竭蹶茲臣查有永寧州知州董天良者實能盡心

民事不尚虛文該員自乾隆五年冬捐貲購買杉秧

四知堂文集

卷六 奏疏

三

教民種植自五年至八年止共勸民種過杉樹一百

四十萬株其五六年所種者今已成林民間現在貨

賣得利又自五年起至八年止勸民種過桐樹三十

二萬七千株其五六兩年所種者今已取子得油臣

飭司轉行桂林府知府魏運景差人查視俱屬實在

臣查知州董天良為人樸實絕無華藻然居心慈惠

視民事如家事民實信之殆所謂惻惻無華之員日

計不足月計有餘者臣已面加獎勵并通飭所屬當

以此為法臣謹據實奏

聞再董天良前於保舉御史案內經督臣馬爾泰於

兵部侍郎任內保舉接准部文行知俟公事到京吏

部奏

聞考試引

見在案合併聲明伏乞

皇上睿鑒

四知堂文集

卷六 奏疏

三

請酌更道員統轄府分以便巡查以重邊防事

疏

爲請酌更道員統轄府分以便巡查以重邊防事竊照廣西向設左江右江二道左江一道統轄潯南太鎮四府駐劄南寧右江一道統轄柳慶思泗四府駐劄柳州一則苗疆要地一則邊防重區當日分隸原屬勻整惟就日前情形而論則泗城一府宜隸左江道轄而以左江所轄之潯州改隸右江庶巡查便而彈壓更爲得宜蓋泗城一府雖不與交趾連界而緊連雲南之廣南及本省之鎮安實與交趾相隔不遠

四知堂文集

卷六 奏疏

三

近年匪徒滋擾交趾令其黨類人內哄誘愚民出交而泗城之西隆西林等處土民遂多由廣南及鎮安偷越外出者雖經盤獲匪棍嚴加懲治其被誘之民亦陸續喚回但交夷一日未靖卽一日須加防範而稽查督率必該管道員時加巡歷方不致有名無實查泗城一切事件達左江易而達右江難左江道巡查太平鎮安順道而至泗城易若右江道巡查泗城早路則須經由思恩及九土司地方山路崎嶇非十餘日不能到水路則須由潯州經過左江道駐劄之南寧而後可到泗城其勞逸難易判然可視從前之

因仍其舊者以地方無事卽道員亦罕至其地今邊

境旣時須巡歷則泗城斷宜改隸左江道管轄俾得

一體巡查整飭而以腹地之潯州一府就近改隸右

江如此一轉移間於政體旣非紛更而於邊防諸事

甚爲有益臣按以形勢并詢之屬員皆以爲宜謹據

實具摺奏

聞伏乞

皇上睿鑒勅部議覆施行

四知堂文集

卷六 奏疏

三

滿洲人員請補腹內州縣疏

為敬陳管見仰祈

睿鑒事竊照粵西地處極邊大半烟瘴乾隆三年荷

蒙

皇上降旨以瘴鄉之員動輒隕生殊為可憫令大學

士酌議揀發廣東湖南雲貴省分相近人員先試用

於內地俟有烟瘴缺出以之調補是粵西之烟瘴久

在

聖明洞鑒之中而瘴鄉之員亦久沐

聖主體恤之恩也近例滿洲科甲出身人員一體銓

四知堂文集

卷六 奏疏

壘

選州縣此我

皇上造就人材無分滿漢至意惟是就臣管見滿洲

人員銓選州縣誠屬可行而極邊之省瘴癘之鄉亦

有宜畧加分別者本年正月有部選廣西武緣縣知

縣赫昇係滿洲正白旗舉人到省進見臣見其滿面

病容詢之據云感受風寒又初來水土不服臣隨令

在省就醫調理痊可再行赴任然武緣地方水土氣

候則又不如桂林矣臣因此再四籌酌廣西所屬十

一府一州如太平泗城鎮安慶遠四府及思恩府之

百色同知此烟瘴最盛水土惡劣缺歸題調者也南

寧思恩柳州潯州四府雖不在烟瘴之內缺歸部邊

而究之相近太鎮泗等府夏秋之間亦時有烟瘴水

土亦多不佳惟桂林平樂梧州鬱林三府一州素無

烟瘴而水土差勝請嗣後粵西如桂平梧鬱等府州

部選缺出則滿洲與漢人一體銓選如南潯思柳等

府缺出仍止選漢人如此稍加分別則滿洲選補人

員不致遽蒞水土惡劣之地是亦於造就之中寓體

恤之一法也臣謹具摺陳 奏伏乞

皇上睿鑒勅部議覆施行

四知堂文集

卷六 奏疏

壘

安南莫氏後裔請安插內地疏

為請

旨安插事竊照匪徒莫康武滋擾安南雖差查探報
總未得其根由上年九月臣飭泗城府署凌雲縣知
縣王焯緝獲梁點痘一犯於該犯棉衣中搜出莫保
在交寄來家屬莫誇莫造二書并細訊供詞乃知偽
稱莫王之莫康武的名岑際康係廣東人為莫姓女
婿偽稱莫三王之莫保即先年安插泗城府莫敬曙
之姪而莫敬曙即當日莫登庸後裔臣據稟一面飭
將梁點痘莫誇莫造等提解來省以便確訊一面嚴

四知堂文集

卷六 奏疏

五

飭緝拿梁點痘供出在交附和莫康武各犯務獲并
檢查雍正十年李天保案內莫敬曙原供實係莫登
庸後裔莫姓宗族不但不可居住泗城即廣西省會
亦不便安插俟審明之日請將莫姓家族安插內地
省分以絕奸民假冒亂覲妄念緣由具摺奏

聞奉

硃批汝所辦交陞邊情祇此一事可嘉耳更應上緊
查察不可存歸案完結之念欽此欽遵在案嗣據泗
城府將莫誇莫造莫土莫與同莫人同梁點痘押解
來省其梁點痘一犯於中途病故又據鎮安府文武

各官將梁點痘供出為岑際康護衛之陸為康余棟
鄧作觀岑宗業四名拿獲又莫保因梁點痘入內未
回復差家人李亞懷及小鎮安人馬老三入內催取
案卷亦被凌雲縣知縣王焯及鎮安府知府陳謨拿
獲復經臣檄飭將各犯一併提解來省令在省司道
嚴加審訊茲據藩臬二司會同蒼梧道先將訊取莫
誇等供情具詳到臣細加查核莫誇等所述伊祖
來歷及奉

本朝授職之處俱與李天保案內莫敬曙原供脗合
其為莫登庸後裔實無疑義除莫誇一犯於司道取
四知堂文集 卷六 奏疏 美

供後病故外臣隨提莫造莫土莫與同莫人同馬老
三李亞懷六犯逐一面加審訊除供詞另摺恭錄附
呈

御覽所有莫保與岑際康出交滋擾蓋緣安南連年
內訌有保樂州土官向久在保樂行醫之泗城人梁
點痘即梁敬洪詢問莫氏後裔梁點痘語以莫氏尙
有莫敬曙之子莫誇住在泗城保樂土官遂令梁點
痘帶書莫誇勸令出交梁點痘同馬老三於乾隆六
年四月至泗城將書致於莫誇莫誇不從書亦未開
時有莫敬曙之婿岑際康在旁將原書接去遂私勾

莫敬購之姪莫保於乾隆六年十二月內出交岑際康改爲莫康武與莫保俱稱莫氏後裔假以歸國爲名糾集在交無賴礦徒佔奪保樂一州乾隆八年三月岑際康曾遣馬老三致書莫誇約其出交莫誇復令莫人同回書拒絕及岑際康兵敗逃遁莫保因交人疑信相半復遣梁點痘持書來邀莫誇莫造囑令攜帶祖遺底案出交爲莫氏後裔憑據尙未到家卽經署泗城府凌雲縣知縣王焯將梁點痘拿獲搜出書信并於莫誇家中搜出祖上存留底案至詰其是否彼此商謀出交滋事則不但莫造等堅供並無其四知堂文集 卷六 奏疏 毛

事卽質之送書之馬老三亦供吐無異是莫誇兩次接書一則并未開看一則回書拒絕尙知守法安分不作覷覷妄想莫造莫人同莫與同則俱係莫誇告訢始知莫保岑際康潛出交阻滋事莫土則任不同村并不知情除莫誇已經病故外其莫造莫土莫與同莫人同均未便因莫保岑際康在交阻爲匪致滋逆累但莫氏旣屬莫登庸後裔又廣西切近交阻地處苗疆莫氏子孫如仍留廣西終難保奸徒不藉此爲名出交滋事所有莫誇等家族據凌雲縣查明共一十八名口應請照例安插內地之安慶省地方以


肅邊防至莫保岑際康現在交阻未回應聽該國自行擒剿如或將來敗潰逃回內地仍應飭地方官嚴拿究處再莫姓安插之處如蒙恩旨俞允所有泗城田房產業俱變價交給領收以資用度至安插之後應否飭令該省地方官酌量撥給田產免致失所統聽

聖主洪恩再馬老三李亞懷二犯俱有應得罪名現在同在交附和莫康武爲匪之陸爲康岑宗業余棟等另行審擬歸結合併聲明臣將辦理之處札商督臣馬爾泰亦意見相同臣謹會同督臣馬爾泰合詞

四知堂文集 卷六 奏疏 毛

具 奏伏乞 皇上訓示施行

四知堂文集卷六 終



四知堂文集卷七

奏疏

湖南巡撫到任謝 恩疏

為敬陳感激下悃仰祈

睿鑒事竊 臣荷蒙

聖恩補授湖南巡撫於六月十八日已抵任受事 臣

自念材質疎庸學識淺陋遭際

聖明由道員洊歷封疆在粵數年毫無報稱又沐

聖恩召入授以卿貳屢蒙

四知堂文集 卷七 奏疏

召見垂問殷殷凡所

訓誨皆中 臣膏肓凡所

勉勵總望 臣成人 臣每聞

天語悚感交集刻骨銘心茲湖南要區苗疆重地

聖恩復以畀 臣夙夜凜惕惟有痛改從前近名之念

優柔之習地方一切事件次第清理實力實心秉公

辦理有應陳 奏者據實陳奏期於吏舉其職民安

其生庶以仰報萬一所有 臣受

恩深重矢圖改奮微忱謹恭摺具 奏伏乞

皇上睿鑒



敬陳地方情形疏

為敬陳地方情形事竊湖南地方下接江漢上承黔

粵各屬民俗非刀詐健訟即愚悍喜鬪臣到任時准

前撫臣蔣溥將民俗應興應禁各條開摺交 臣現

在確核再行出示通飭責成州縣各官實力董率禁

革歸於上年尚書公訥親條奏州縣親歷鄉村體察

興革事宜案內令將如何施行有無效驗之處逐款

登覆按季送查以期風俗還淳地方起色仰副我

皇上教養斯民之至意至苗疆各地多土瘠民貧窮

黎易聚難散雖有出產礦砂之地礙難概議開採今

四知堂文集 卷七 奏疏

除榔桂二州現開外其餘各屬從前多有旋開旋閉

之礦茲 臣初到其呈請開採者不一而足 臣查銅斤

現需鼓鑄其實在隔遠苗疆者應准遴委幹員督商

創試如果砂苗極壯詳 題採取若錫鉛各礦則鼓

鑄配用無多購買尚易不准請開以致聚集多人滋

生事端再 臣過武昌時署督 臣鄂彌達向 臣告知湘

潭縣民聚眾挖煤拒捕一案應設法善後以杜再聚

滋事 臣到任檢査卷案知首從各犯府縣營員俱已

拏獲眾久解散棚盡燒燬前撫 臣蔣溥已飭地方官

將獲犯審擬尚未詳解 臣思湖南民俗刀悍此等案

件若稍從寬縱益無以示懲懲臣現在飭催將首從各犯速行審訊務按定例問擬以杜奸民效尤至煤炭乃民間日用所需該縣煤窰如果無礙田園廬墓則應官爲立法開採如或實有干礙則當永行禁止使後不得復行創挖方於地方有益臣亦已據司詳批委長沙府知府葉建封前往確勘查議俟勘明之日臣當會商督臣妥辦以期永遠寧謐所有地方情形及臣現在接辦之處謹恭摺陳奏伏乞
睿鑒

四知堂文集

卷七 奏疏

三

請定報銷動帑限期疏

爲請定報銷動帑限期以杜延擱事竊惟錢糧絲毫爲重毋論正雜等欸一經動用皆應隨時造冊分別題咨聽部核銷如有浮冒及與例未符者駁飭追繳凡以慎重錢糧也查各省工程前經工部奏請令該督撫酌量工程之大小修造之難易定以限期於估報案內聲明逾期即行叅處倘有他故不能依限告竣分別題咨展限如有駁查即按限補造逾期不覆督撫查明補奏等因欽奉

四知堂文集

卷七 奏疏

四

俞旨通行遵照在案惟是工程而外動帑辦理之案甚多如辦運銅鉛木植物料撥濟米穀採辦碾運兵糧平糶買補各項價脚及賑濟銀米等項事一辦完原即可造冊請銷乃向來未經定有定期不過題銷該年錢糧時造有某案支用總數其實在支用細數冊籍每每任意延擱非承辦之官役假冒即上司之胥吏需索不肯即爲請銷常至數年及十餘年之後始行報銷其時經手之上下各官多有去任後任者俱未深悉原委雖有始初題咨條欸及援照例案可以核對但牽扯支飾作弊朦混苦難一一查察迨經部臣駁追而原官大半非係現任輾轉行查著追

拖延歲月杳無完結之日卽部臣遇有遲久報銷者亦駁詰何故遲延行令查察然已在事後不能一一清釐此實各處常有之事既非政體亦非慎重錢糧之道臣請

勅下部臣定議嗣後一切動支帑項辦理例須造冊報銷之案各於辦竣之日起酌扣限期承辦之員分限一半造冊申送其司道督撫亦共分限一半核轉題咨凡題本咨文內務將此案何日辦竣起限何日限滿曾否違逾及係何員遲悞之處俱照命盜之案明白聲敘如有大案動項浩繁及有他故不能依限

四知堂文集

卷七 奏疏

五

者亦須先時分別題咨展限若不行聲明限期及先不請展者并該督撫一併議處再一切工程雖已定限報銷但題本咨文內亦應將起限滿限之處聲明則凡有遲延俱無躲閃似於收體錢糧多有裨益臣言是否可採伏乞

皇上睿鑒勅部議覆施行

長沙屬水利堤工請歸專轄道員管理疏

爲長屬水利堤工應歸專轄以重責成事竊查湖南岳州常德澧州三府州俱係濱臨洞庭一切水利堤工向係岳常澧道管理其長沙府屬之湘陰益陽二縣亦係貼近大湖水利堤工均關係要前因長沙府未設巡道經前督臣邁柱題明亦歸岳常澧道管理在案第查岳常澧三府之堤工周圍不下一千餘里每年歲修均須道員親歷督修工竣之時又須分頭查勘夏秋水大之際更應巡視董率防護該道駐劄澧州地方其去所屬巴陵沅江各縣已屬遙遠設有

四知堂文集

卷七 奏疏

六

衝決之事當水勢浩瀚之中飛棹往查多有艱險若湘陰益陽更在岳常上游爲程尤遠文移往來動輒經旬猝有緩急實苦奔救不及臣查湖北武昌荊州襄陽各道均係分管所屬堤工此湘陰益陽之堤工歸於岳常澧道者以長沙從前未設巡道也今湖南業已添設驛鹽道兼分巡長沙寶慶二府所有湘陰益陽之刑名錢穀事務俱歸長寶道管理獨堤工猶隸隔屬之道員已於體制未協况長寶道駐劄長沙府城其距益陽湘陰不過百里又不必遠渡大湖每年巡視地方盤查倉庫等項總須親臨其地則帶查

堤垸至爲便益董率修防呼應亦易此係歸併專轄之道非改隸紛更者可比合無仰懇

皇上勅部定議將湘陰益陽二縣之水利堤工責成長寶道經管於地方民生實多裨益臣爲堤工緊要起見伏乞

皇上睿鑒施行

四知堂文集

卷七 奏疏

七

巴陵縣請改設縣丞疏

爲劇邑必需佐理恭請改設縣丞以重地方事竊查湖南岳州府屬之巴陵縣爲附府首邑濱臨洞庭界連湖北乃楚南第一門戶係衝繁疲難四項兼全之缺前明設知縣一員縣丞一員主簿一員典史一員河泊所一員後因流賊吳逆兵燹之餘民稀事簡遂初裁主簿繼裁縣丞康熙三十七年并裁河泊所現今生齒日繁久成一大都會止有知縣一員典史一員該縣水陸交衝差使絡繹應酬既多而民俗刁健訟獄堆積卽精明強幹之知縣每日肆應殊不暇給

四知堂文集

卷七 奏疏

八

其錢糧正供漁課之外又有南米漕糧徵收支兌之事且沿湖堤垸夏秋則須查勘水勢防範堵禦冬春則須督民修築察禁草率包攬等弊均非知縣一員可以兼任雖有典史一員旣應看守倉庫監獄并有遞解重犯親身押管之務非簡僻之縣可以兼管水利堤工者可比歷來令尉二官勉力料理實苦踴躍難勝臣查湖南九府惟岳州永順二府附府首邑未設縣丞其餘各有縣丞佐理但永順府之首邑永順縣賦輕事簡縣丞固屬可省若巴陵縣則兼四劇邑較之寶辰沅四府之首邑政務不啻加倍今臣悉

心察核實慶府屬之邵陽縣雖亦附府首邑然地非衝要并無堤工略有苗民歸化已久民俗淳樸知縣典史二員儘堪治理原設縣丞一員應請改設於巴陵縣佐理糧務并專管堤垸工程水利事宜其官役俸工等項移彼就此無庸增添庶官無曠設而要地實收佐理之益至現在邵陽縣縣丞吳德元年三十歲四川監生臣查其屢署縣事人頗明白請即以改補巴陵縣縣丞亦屬人地相宜臣為地方起見是

否可行伏乞

皇上睿鑒勅部議覆施行

四知堂文集

卷七 奏疏

九

請留熟習苗疆知縣疏

為恭請

聖訓事乾隆十年九月十六日接准刑部咨文知照具題議覆叅革總兵冶大雄貪縱一案奉

旨依議其因草率定擬議以革職之張方佳董瑛俟伊任內事件交代清楚後該督撫將伊等居官如何之處出具考語送部引見欽此臣查湖南苗疆惟城步綏寧二縣為第一緊要之地乾隆五年逆苗跳梁用兵勦平目今善後事宜甫經辦有就緒巡防撫輯尚須幹練之員妥協辦理茲城步縣知縣張方佳係

四知堂文集

卷七 奏疏

十

山東拔貢於乾隆七年四月到任臣察訪其人老成慎重辦事實心到任之時軍務雖竣一切善後事務俱張方佳一手經理所有新設長安營建城造房開路設汛諸事該員備極勤勞綏寧縣知縣董瑛係浙江舉人於乾隆六年三月到任臣察訪該員居官勤慎才情幹練到任之初軍務尚未全竣屢勉料理頗著勞績此二員者實俱熟諳苗疆民搖悅服之官今均經部議革職欽奉

恩旨准其引

見惟是城步綏寧均係在外揀選之缺湖南所屬州

縣臣細加查察繁劇大縣現在人地相宜者不便輕調其中簡等缺各員非才具平常卽於苗疆生疎一時頗無合例勝任可以揀調之員現行布政司遴員委署俟其交代清楚臣欽遵

諭旨會同督臣出具考語給咨該員等赴部帶領引見外臣謹將張方佳董琰平日居官尙優於苗疆地方熟悉一時難得合例人員調補緣由先行奏聞俟該員等到京引

見之時仰懇

聖主天恩俯念該二員在城步綏寧已効力數年人

四知堂文集

卷七 奏疏

七

地相宜准予復還原任不惟該員等感激益思圖報卽臣荷任封疆亦藉以收指臂之益臣爲苗疆要地人材難得起見謹據實陳 奏伏乞 聖明睿鑒訓示遵行

敬陳楚南風俗斟酌辦理疏

爲恭陳楚南風俗并微臣辦理緣由仰祈

睿鑒事竊臣荷蒙

聖恩畀以巡撫重任到任以來將及三月於民風士習吏治或披閱案牘或諮詢屬員或身親見聞細加查察大約民風士習囂浮不靖吏治亦因之積疲卽如詞訟一項湖南風氣則以健訟爲能每一紙到官或得批准不但本人自喜卽親族亦交相稱賀更有意在拖累止圖批准不圖審理之習若州縣官差喚審訊反躲避不出延案難結以故些小事件而歷控四知堂文集

卷七 奏疏

七

功令輾轉効尤稍有風力之官略一認真則地方士
 民卽不能容百計傾軋自前任撫臣許容 題奏謝
 濟世一案奸民播貼訶謠多般挾制遂益自鳴得意
 爲有司者亦鑒於前事未免心懷瞻顧幾於官畏民
 而民不畏官又如州縣自己書役待之稍嚴卽布散
 匿名揭帖或公然捏控告冀聳上司聽聞以圖報
 復更有皂役於行杖之時暗施惡技斃人杖下嫁禍
 本官者此種險惡尤所創聞 臣思稂莠不除則嘉禾
 不殖地方官畏民挾制吏治豈能復振 臣現出示指
 明各項痛加嚴禁并確訪積惡訟師棍徒分別飭審
 四知堂文集 卷七 奏疏 三
 親提懲一儆百并通飭司道府州縣等官遇有訟師
 棍徒克蠹及借名誣詐等項情罪果實務必執法處
 治大破瞻徇之習努力振作責成道府實力稽察如
 有姑縱輕則記過重則揭叅現在案牘若有刁誣克
 橫挾制嫁害之事 臣嚴爲究處不少寬假 臣受
 恩深重固不敢有意苛刻以傷休養之仁亦不敢沽
 名避怨以貽良善之患雖錮習相沿非旦夕所能轉
 移然及今整理猶可冀漸次改悛 臣身任封疆此等
 皆分內應辦之事不應瑣瀆
 聖聰然我

皇上聖心無刻不周流海宇其於各省民風吏治尤
 爲
 厯念臣用敢將辦理情由據實陳 奏伏乞
 皇上訓示
 四知堂文集 卷七 奏疏 四

請並蠲苗米及量減佃租疏

為推廣

皇仁仰祈

聖鑒事欽惟我

皇上下沛恩膏普免天下錢糧部議分作三年辦理

湖南地丁錢糧即於丙寅年全免合省士民感戴

天恩無不歡呼鼓舞經臣據情另疏題謝在案惟

是湖南隸有苗民除歸化已久一例輸納地丁及名

為秋糧實俱將銀上納與地丁無二應得邀

恩一體蠲免外查有辰州府所屬乾州同知經徵苗

四知堂文集

卷七 奏疏

五

民雜糧五十二石八斗二升鳳凰營通判經徵苗民

雜糧一百五十七石七斗永綏同知經徵苗民雜糧

七十二石八斗四升又寶慶府所屬城步縣經徵苗

米八十五石靖州所屬綏寧縣經徵苗米四百五十

二石七斗每年俱徵本色米石湊給鎮守鎮永綏協

綏寧營兵米及城步縣孤貧口糧之用但查此乾鳳

永三廳及城綏二縣苗民並無地丁惟輸米石今苗

民之輸納地丁者既奉蠲免此項米石似應併免

以廣

皇仁又查城綏地方新闢長安營有入官叛田除安

插苗民并分授堡卒外餘田一千三百八十餘畝召

佃收租為尙長舖司等工食及祭祀之用今民間佃

戶有勸諭業戶酌讓租籽之

恩旨此項官田並無糧餉徵租於官亦應酌減租籽

十分之三則

天恩更為周徧理合仰懇

皇上特降諭旨將乾州鳳凰營永綏三廳苗民雜糧

共三百八十三石六斗城步綏寧二縣苗米共五百

三十七石七斗照依地丁之例俱准蠲免長安營官

田佃戶免納租籽十分之三則邊地苗民益感

四知堂文集

卷七 奏疏

六

皇仁傾誠向化矣至鎮守鎮永綏協綏寧營所缺兵

米及城步縣所缺孤貧口糧長安營不敷工食祭祀

等銀容臣飭行布政司糧儲道於別款內撥給報部

合併陳明臣謹恭摺陳奏伏乞

皇上睿鑒

陳明徵耗事宜疏

為陳明徵耗事宜仰祈

睿鑒事竊查湖南丙寅年地丁錢糧欽奉

恩旨全行豁免惟漕項及地漕耗羨例不併免近經河南按察使王丕烈摺奏部臣議覆耗羨載入易知由單之處毋庸議漕項應如所奏另欸開入由單等因通行在案臣查耗羨載入由單恐日久視同正項不無耗外加耗之弊部臣所見固屬周詳但地丁漕項併徵分解由來已久民間管產納糧田地山塘科則各異即同一田糧亦有上中下三則之分又即同四知堂文集卷七 奏疏 七

一縣同一鄉數亦難以畫一此惟紳士間能分晰愚民類多不諳每年俱照由單所開之數完納而丙寅錢糧又例應加閩之歲數目與今年不同若由單內止開漕項不開耗羨誠恐愚民不知耗羨應完確數勢必向櫃書查問櫃書乘機多索且或故令少完過後差追補足釐毫而收至分釐往返滋累誠多未便臣細加籌酌莫如令州縣於易知由單之外另發一單名曰乾隆十一年除蠲應納實數單照實徵冊內各戶前開該戶田地山塘數目註明科則後開地丁漕項加閩共該銀若干內除地丁若干已奉

皇恩蠲免外止須完漕項銀若干又地漕二項耗銀若干其無漕項之州縣止開耗羨按戶頒發至丁卯年仍止發易知由單此單停止庶明白易遵而官吏之弊端可絕臣因時已季冬距明年二月開徵之期將近現已檄行布政司糧儲道飛飭各屬照辦仍責成該管道府直隸州就近查察毋許陽奉陰違臣亦時加察訪以期小民均沾蠲免實惠理合據實奏聞

四知堂文集卷七 奏疏

六

請嚴池塘改田之禁疏

為請嚴池塘改田之禁以廣水利以厚民生事竊惟民生資乎穀食而稷稻則維賴水以生計自播種以至成熟無一日可以缺水故周禮遂人治野之法制其地而溝封之廣四尺曰溝八尺曰洫廣二尋深二仞曰滄百里之間為滄者一為洫者百為溝者萬捐膏腴之地以為溝洫誠以蓄洩有時則旱不得為患所棄者小所利者大也後世阡陌既開溝洫雖廢然陂澤池塘實與田畝相依倚近水則腴遠水則瘠所在皆然湖南濱臨洞庭各屬多就湖濱築堤墾田與四知堂文集卷七奏疏

尤

水爭地常有衝決漫溢之憂經前撫臣蔣溥題請

湖濱荒地禁民築墾在案此外各屬非近江近湖之

田皆藉池塘以為灌溉塘池水足則夏秋久晴亦挹

注有資乃自滋生日繁荒土盡闢愚民昧於遠計往

往廢水利而圖田工不獨大江大湖之濱及數里數

頃之湖蕩日漸築墾盡失舊蹟即自己輸糧管業數

畝之塘亦培土改田一灣之澗亦截流種稻彼徒徃

於雨暘時若之歲以塘為無用不知偶值旱澇已所

得不償所失即本年湘陰武陵等邑各有偏災此皆

濱臨洞庭而去湖稍遠即水無接濟臣確加查訪皆

由塘多改田之故又溪澗之水遠近取資若徒恃已

業截墾為田則上溢下漫無不受累現在各屬訟案

糾紛大半由此往往爭阻鬪毆釀成人命此弊不獨

湖南大約東南各省無處不然水利日廢腴產漸變

為瘠實為民生之患查乾隆九年浙江布政司潘思

渠請禁侵佔官湖止指湖蕩官地而言若民業塘池

尚未議及臣愚以為

國家生齒日繁地土固日闢而廣而至於關係水利

之蓄洩則仍當以地予水而後水不為害田亦受益

但小民無知不能遠慮而地方官因田糧較塘糧加

四知堂文集卷七奏疏

重以改則陞科為勸墾之功遂俱貪目前之小利而

忘經久之大害臣思從前已經改墾之田逐一清釐

固恐滋擾若自今以往嚴行禁止於東南各省甚為

有益應請

皇上勅下各省督撫轉飭地方官將池塘陂澤蓄洩

之利明白諄切曉諭凡地關蓄水及出水者俱不許

自倚已業改墾為田其有現在因墾爭訟者令地方

官親自勘明但有礙水利即不許報墾此後如才民

有不報官私將塘池改墾為田者查出重懲仍予改

正地方官有聽民混將塘池改墾田畝希圖陞科微

利攘爲勸墾政績者查出叅處如此庶溝洫之遺意
不致盡廢而田功得水利而倍益矣臣言是否可採
伏乞
皇上睿鑒勅部議覆施行

四知堂文集

卷七

奏疏

主

陳明清釐包攬錢糧積弊疏

爲陳明清釐包攬之弊以期小民實被

皇恩事竊查湖南本年地丁錢糧欽奉

聖恩全免而耗銀又奉

恩旨緩至明年帶完浩蕩

皇仁實爲曠代罕遇臣忝任封疆惟恐小民或未均

沾實惠細心體察查得湖南徵糧冊籍并不逐戶按

產開造仍係沿用總戶族大者數十家總一戶名族

小者數家總一戶名每年奏銷州縣官雖報通完而

其實多挪新掩舊之弊蓋緣冊係總戶則小民之完

四知堂文集

卷七

奏疏

主

欠在官不能細分而吏胥衿棍人等得藉以令百姓
彙交代納因而兜收入已不但多扣平水自糧既可
攤完并有餘剩肥家更至任意侵挪不予代納奏銷
之時官催急迫又攬收新糧以掩舊侵地方官因奏
銷無誤亦遂知而不問此在通屬多有而長衡岳永
等府地大賦繁吏胥衿棍之包攬尤爲更甚實湖南
一未清積弊也臣思今年錢糧旣免則挪新掩舊之
技已窮勢必仍詐花戶重完或衿棍胥役串謀又捏
造名色科派需索以抵侵項州縣圖顧考成聽從抑
勒亦事所必至是

聖主欲免民追呼而百姓仍受擾累臣現傲行布政司移行道府轉督各屬務就上年未完錢糧之內將包攬侵蝕之弊逐一查出秉公通詳追究州縣從前失察之愆姑從寬宥若只圖錢糧全完考成徇隱縱容貽民擾害定即嚴行題參并責成知府直隸州及司道等一體實力稽察大破瞻徇之習稍有虛應故事弊難盡絕一并參核至徵糧冊籍作何設法清釐於總戶之下逐一開出細戶以便開徵之年照例用滾單滾催杜絕攬侵弊源臣亦現飭道府督率州縣各就本地情形妥議詳明辦理期於小民不擾而

四知堂文集

卷七 奏疏

積弊得除以副

皇上愛養元元之德意所有微臣現在辦理緣由理合恭摺奏

聞

恭陳清釐郴桂二州礦廠疏

為恭陳清釐礦廠弊端事竊臣楊錫絨准前任撫臣蔣溥移交抄錄清釐郴桂礦廠弊端一摺於乾隆十年六月十七日奉到

硃批交新撫臣酌宜為之欽此移咨到臣楊錫絨跪領欽遵之下細核摺內所議設卡委巡及鉛渣一體抽稅堆貯官所不許別運以杜偷漏又設立賣鉛牙行以便外省投買不致商人昂價各條已屬周詳但稽核案卷湖南郴州桂陽州銅礦與臣等前任廣西時所屬銅礦各章程多有不同臣楊錫絨思清釐

四知堂文集

卷七 奏疏

各弊不嫌詳慎隨移咨廣西撫臣託庸訪查彼省章程以便參酌辦理當經恭摺 奏明欽蒙

睿鑒在案嗣於上年十一月間准到廣西撫臣咨覆前來臣等因未悉郴桂礦廠實在情形時臣彌達巡查至長沙省城與臣錫絨面商遴委驛鹽長寶道鍾昭前往該地稽察查勘據實具覆隨據查詳桂陽礦商易經世隱漏侵欺各弊署知州楊統正通全狗混經臣等會疏 題參又在案茲據湖南布政使長柱按察使周人驥署驛鹽長寶道事岳常禮道嚴有禧將郴桂礦廠各章程逐一條議詳覆到臣等臣等按

欵確核敬爲我

皇上一一陳之

一桂陽州銅砂煉銅宜歸官辦也查桂陽州馬家嶺各礦離城五六里八九里不等周圍二十里四面皆礦土壠易挖出砂亦多而煉銅報解寥寥者蓋緣銅砂煎煉必須費手八九次人工炭火甚鉅實費工本銀一十餘兩方可煉得銅一百觔從前二八抽稅有餘銅一百觔官始給價一十二兩收買是煉銅百觔除稅二十觔實餘銅八十觔僅領價銀九兩六錢不敷工本銀三兩有餘外境銅價每百觔賣至二十餘

四知堂文集

卷七 奏疏

五

兩漏銅百觔即可多獲價銀十兩有餘小民百計侵透山徑叢雜卽立法嚴查終難盡絕此弊之在爐戶也商人狡獪甚多每煉銅百觔用市戔色銀十二兩五錢借採買官銅爲名向爐戶包稅收買隱多解少外運偷賣陽爲賠墊急公實則私侵漏稅此弊之在商人也查廣西省各礦俱係官爲經管桂陽礦務宜倣照辦理責成該州知州經管建設官圍遴委協辦佐貳一員住宿於斯凡隴夫開出銅砂儘數官買由該州發銀交委官眼同估看砂色之人及夫長砂丁人等照價給發不許私行他賣每五日將數目摺報

院司各衙門查考現在煉銅之爐共有二十八座悉

令圈入官圍以便官役監收煎煉晝夜巡查如有私設爐座及偷漏出圍併客販盜買者察出重究枷示拆毀私爐價值私銅一概入官但旣歸官辦尚爲多得銅觔以裕鼓鑄若仍照每百觔除稅銅二十觔仍扣價九兩六錢報銷則人工炭火實有不敷勢必將砂減價收買而砂非隨地可得有費本多金而僅獲些微者今銅砂盡歸官買又減其價必致刨挖不前銅觔何從多出夫辦事必務實而後有濟似應不必再存抽稅名色每銅百觔實給銅本銀一十二兩向

四知堂文集

卷七 奏疏

五

在商辦雖有稅銅而實多隱漏今在官辦雖免稅銅而銅觔全數歸官獲銅溢於常年解額足供鼓鑄既利用於兵民且出息於錢局酌盈劑虛兩得其便所給銅本請於商稅內開銷將來獲銅旣廣需本自多如有不敷請於黑稅鉛內變價支給如銅觔愈旺再有應需銅本赴司庫請領找補至委官一員帶領丁屬應照廣西省恭城等縣礦員之例每月給薪水銀十兩書記一名每月給辛資銀二兩看砂一名守爐四名巡攔二名買辦柴炭一名水火夫一名以上共役九名每名月給辛工銀一兩六錢紙張筆墨銀每

月二兩歲共需銀三百四十兩八錢於銅鉛砂價內從前商得項下支給卽以商得爲官支毋庸另行議項其建園工料飭令該州於黑稅鉛內變價支用造冊報銷

一桂陽鉛渣擠銅宜改移官卡也查鉛質重而銅質輕鎔煉時沉於底者爲鉛浮於面者鉛內有銅爲鉛渣先行摠起每毛鉛百觔有渣二十餘觔又將此渣上高爐鎔化鉛仍沉底銅仍浮面用鐵錫揭起浮皮謂之切水卽銅觔粗質也再加煎煉乃爲淨銅桂陽州鉛渣每百觔可得淨銅五六七觔不等計鉛渣內四知堂文集卷七 奏疏 壬

每擠銅一觔需折耗渣二觔七八兩其餘仍可煎得淨鉛是以向例客販與爐戶買獲毛鉛卽赴官爐煎鎔淨鉛照例抽稅餘存之渣商人以淨鉛與客販易換擠出銅觔照例抽分前任桂陽州知州梅廷謨恐鉛渣走漏卽銅觔有虧詳明客販將鉛報稅卽將鉛渣抽收商人易經世將鉛渣轉運野鹿灘地方藉稱就炭煎煉恣意偷漏現已拿審究追今查衡州府屬之常寧縣白沙地方爲桂陽州運銅水路要隘前任撫臣蔣溥議於此地設卡委令廉幹府佐一員駐劄稽查其地距野鹿不過十餘里應卽於白沙設卡之

處建廠設爐凡鉛渣不得裝運野鹿灘責令該州知州卽在州城擠出鉛觔燒成切水發白沙守卡之員監督煎燒成銅據實報州彙報如此則一官可以兼兩事稽查周密走漏自少不特獲銅日多而鉛稅亦增矣計每渣一千六百觔約可煉出銅一百觔需火工銀二兩二錢八分需折耗鉛渣二百五十觔此項耗去鉛渣應卽於稅鉛內照數銷除其火工銀二兩二錢八分仍應於稅鉛內變價支給

一鉛渣之銅宜與銅砂之銅分別造報也查鉛渣煎銅一項係每煎銅一百觔開銷鉛渣二百五十觔火工銀二兩二錢八分夫鉛渣卽屬黑鉛從前黑鉛每百觔原定價銀二兩九錢五分若照定價合算鉛渣二百五十觔價值七兩三錢七分五釐火工銀二兩二錢八分二共工本銀九兩六錢五分五釐若照廠內未經抽稅黑鉛現在時價每百觔價銀二兩六錢加火工銀二兩二錢八分二共工本銀一十一兩二錢八分俱與銅砂煉銅工本較輕但時價高低不定將來報銷不能畫一莫若卽於稅鉛內准其據實銷除本色之爲便其銅砂煉銅一項火工甚鉅燒煉最難卽用本銀十二兩尙難煉銅一百觔工本既殊自

四知堂文集

卷七 奏疏

壬

應分別報銷應飭該州將銅砂煉獲銅若干劬鉛渣擠獲銅若干劬各應支銷銅本若干分欸造報庶稽核易清而牽混可杜矣

一黑稅鉛宜飭儘收儘報也查桂陽州乾隆十年正月初一日起至十二月初四日止報抽稅鉛一十五萬一百八十四劬零今查壠口較旺爐座亦增每年約可得稅鉛二十五萬餘劬比常年爲多飭州儘收儘報按月按季造冊賞送以聽稽核再黑鉛每砂一石可出鉛十六七劬不等每年賣砂抽稅有數可稽按出砂若干石即可約計出鉛若干劬又燒煉黑毛

四知堂文集

卷七 奏疏

三

鉛每爐每日可得二十五劬亦可按爐稽查飭令該州知州將爐座數目爐戶姓名查造清冊備案遞差勤謹丁役不時周巡毋致隱漏雖鉛爐或燒或停爐戶往來不定但有停歇之爐卽着丁役隨時具報察核則出鉛之數不難按籍約計稅鉛自可多增矣至白鉛抽稅桂陽約有八萬餘劬亦飭州加謹稽查毋使透漏干咎

一銅鉛砂價內商得之項宜改爲官支也查銅鉛等砂價稅銀向例積數十分爲率十分之內除工本五分抽稅二分半商得二分半據乾隆十年分冊報正

月初一日起至十二月初四日止通共賣過九八色平砂價銀四千五十九兩零遵照部文除工本外抽稅銀一千一十四兩七錢尙有十二月初五日起至年終未報可以類推今歸官辦稽查嚴密砂石自增雖未能懸定數目就現在出砂情形約計每年可得砂價銀五千三四百兩除一半工本外約可抽稅銀一千三百餘兩除給各廠司事人役辛資銀六百六十餘兩餘存銀兩留充收買銅價無庸置議其商得項下該銀一千三百餘兩今歸官辦必須另設官圍遴委耑員住宿於斯監煉銅砂經管一切廠務又守

四知堂文集

卷七 奏疏

三

卡巡查監擠渣銅等事亦必委員監司經管總爲多得銅劬以裕鼓鑄凡官役薪水辛工以及紙張筆墨巡船等項計共歲需銀七百四十餘兩應請於此商得項下支銷將商得改爲官支以公濟公事同一轍餘存銀兩儘報充公嗣後每年所得盈縮多寡俱令該知州按數據實造報

一郴州礦務宜仍交商辦也查郴州各礦離城四五里七八十里而遙崎零歷落山場雖廣考自宋時先經開採迄康熙以歷雍正年間興閉不常所有中興東坡等廠多係石壠創挖維艱現惟大山門及水

湖干家坪九家湖老夾上各壠出砂稍旺餘均參差不等但所出悉係鉛砂其銅砂不過間雜創獲出產本微煉銅無幾全賴黑毛鉛內每百觔可煎出渣二十餘觔每渣一百觔可煉銅四五六觔目今黑鉛漸旺煎渣自多據商人陳開業自認力督煎煉乾隆十年分鉛渣及銅砂所煉連稅餘銅二項約共可得七千餘觔核之常年報解四千八百觔有零之數可增銅二千餘觔又黑鉛一項係知州抽稅經管據知州陳嘉穀稟覆十年分冬季按爐估計可抽稅鉛二萬餘觔合計一年可抽黑稅鉛入萬觔有零之數較九年所抽稅鉛多獲二萬餘觔極力稽查儘收儘報不敢稍隱等情據驛鹽長寶道鍾昭查勘情形覆稱該州礦廠章程未紊尙無偷漏積弊且礦所離城寫遠高山峻嶺非有耑商自備工力實難採辦似應仍請照舊辦理惟是黑鉛抽稅應照桂陽州一例改抽鉛稅交商煉銅解供鼓鑄凡有買鉛客販一體俱押赴州鎔淨照例抽分以渣作稅事臻畫一嗣後凡有增添壠口與產砂旺盛卽令商人據實報州轉報稽核仍責該州知州不時親往巡查盤驗如有隱漏各弊惟該知州是問再桂陽州尙有石壁下地方礦廠離

四知堂文集

卷七 奏疏

三

城九十餘里係商人夏元音承辦其地俱係石洞春夏積水難採止出銅砂較之該州馬家嶺等礦之砂高下懸殊煉銅多寡不等據該道鍾昭察核情形尙無走漏情弊應仍留夏元音開採責以每年稅銅餘銅二項務辦八千餘觔附搭官卡渣銅解供鼓鑄并辦砂稅價銀一百餘兩仍令該知州時爲稽查如有隱漏亦惟該知州是問

一要隘設立官卡宜照原議酌定也查前任撫臣蔣溥議於郴州宜章縣之東門外係郴州運銅旱路要隘前設卡房一處飭令宜章縣知縣就近協同營員

四知堂文集

卷七 奏疏

三

上官役二卡所需各費俱做照廣西咨覆之例歲共需銀三百一十五兩四錢併船價銀八兩均請於抽收稅鉛內按月變價支給又衡州府常寧縣之白沙地方爲桂陽州水旱兩路外運銅鉛之要隘前撫臣蔣溥亦議於此設卡臣等覆核無異應遵委府佐一員併設船一隻以備巡查今桂陽礦務議歸官辦現於鉛渣擠銅條內議將野鹿灘爐廠改移白沙官卡兼管監煉渣銅以一官而兼兩事諸務殷繁所用人役必須足供驅使方於官事有濟委員應月給薪水銀十兩書算一名月給辛資銀二兩守爐四名遊巡

四知堂文集

卷七 奏疏

三

四名查船一名卡船水手二名買辦柴炭一名水火夫一名共役一十三名月給辛工銀每名各一兩六錢紙張筆墨月給銀二兩巡船一隻估價八兩歲修銀三兩四錢以上各項歲共需銀四百二十一兩併船價八兩均請於銅鉛砂價內商得項下開銷雖費用稍增然一官兩用薪水原未有加而役食勢須添設稽查緊密將見銅劬稅鉛自必比商辦俱多况在商得之項支銷以公濟公更似省便其委員仍照前撫臣蔣溥一年一換以均勞逸

一卡房稽查之法宜加嚴密也一應官卡稽查宜不

論解運官銅官鉛赴省及客販貿易黑白鉛劬飭令榔桂二知州將銅鉛刊鑿斧記解役及客人併船戶各姓名裝運劬數條塊一一登載油票給發解役客商隨身攜帶經過官卡將票呈驗卡員照票查點如所載銅鉛各數與票無異登簿放行倘票外有夾帶多出銅鉛卽通報解州訊究倘委查官役怠巡私放以及藉端勒索察出察究再油票恐有重複影射之弊桂陽州則在白沙上游之大灘地方飭州委令親信之人查對劬塊數目驗明斧記將油票截角仍給至白沙官卡繳對放行郴州則在上堡市上游之油

四知堂文集

卷七 奏疏

三

灘河地方飭州委親信之人照例查對截角仍給上堡市官卡繳對放行俱令將油票收存五日彙繳通報查核其榔桂二州出產硫磺亦多私挖偷運併飭卡員一體巡查以杜私漏再白沙官卡既令兼管擠煉銅鉛則建廠設爐之處須擇寬曠謹密地方與官役卡房連近以便不時照管并飭該州速行構造所需工料於黑稅鉛內變價支給

一官牙宜設立以平採買鉛價也前撫臣蔣溥議於榔桂二州通衢設立賣鉛牙行以便外省採買并杜商人昂價之弊今查榔桂二州界址雖屬毗連其水

路所通一由永興耒陽地境而出衡郡大河一由常寧地界而出衡郡大河河道既分運行各別其附近處所并無會聚通衢惟衡州府城爲該二州往來舟楫必由之道實爲總會處所應於衡州府城設立牙行頒給印烙官秤凡赴買者該牙務依先後次序發貨如採買官與客販并至先儘採買後儘客販交易之時應令買賣人等當面議價該牙只在旁眼同兌交銀兩貨物以免爭競倘有從中把持欺壓并哄誘代買虧欠客本等事事發卽行革究勒追另募頂充庶立法嚴而牙僧知有遵守不致有累客販矣以上

四知堂文集

卷七 奏疏

畫

各條臣等就前撫臣蔣溥所奏確核郴桂二州實在情形參酌廣西現行成法與司道各員會議僉同至該二州礦務仍應交與衡永郴桂道總理一應事由其稽核每年巡查一次以察利弊庶承辦各員各知實力辦理於

乞

皇上睿鑒勅部議覆施行

請緩徵湖南漕項銀兩疏

爲湖南之漕項銀兩催輸不便恭請一併緩徵以廣皇仁事竊查湖南乾隆十一年地丁錢糧欽蒙聖恩蠲免又續奉

恩旨地丁耗羨亦緩至明年帶完惟漕項錢糧部議例不蠲免仍應徵收第漕項有米有銀米則長沙衡州岳州澧州四府州貼臨水次共額徵正耗米一十四萬餘石較之他省漕米爲數至少銀則長衡岳澧四府州與米同時徵收者曰驢腳共銀一萬五千一百九十五兩三錢零又通省十三府州統入地丁併

四知堂文集

卷七 奏疏

畫

徵分解者曰淺船共銀三萬三千三十兩二錢零又通省府州統入屯餉併徵分解者曰閒丁共銀三百七十九兩計淺船閒丁總共銀三萬三千四百九兩二錢零蓋漕米數少則經費亦省故亦較之他省爲數至少除漕米及驢腳銀仍照每年之例於秋成後徵收各毋庸議外其淺船閒丁二項大縣不過千兩以外小縣則自數十兩至數錢不等按產科糧每田一畝多或一二釐少則毫忽之間向與地丁正耗統徵今除地丁蠲免耗羨緩徵止摘徵漕項窮民田土止於畝分者爲數毫忽官旣難徵民亦難納殊多不

便此種情形與他省數多易徵者迥不相侔若不破
格緩徵則官吏借端擾累縱嚴加查禁仍恐難絕何
以仰副

皇上免賦緩耗與民休息之至意臣查糧道衙門每
年支用各欸計起解通庫銀一萬七千六百四十九
兩零給發弁丁俸工行糧月糧修船漕船辦解蘆蓆
松板毛竹等項銀一萬三千一百九十兩零二共銀
三萬八千三百三十九兩八錢零內除徵解驢腳銀一萬
五千一百九十五兩三錢零又有荊州沔陽岳州三
衛共該軍 安家閒丁銀二千四百一十二兩零此
四知堂文集 卷七 奏疏 三
係徵於屯丁亦應照徵解道支用外約不敷銀一萬
三千三百兩查湖南先後報存司道各庫銀共九十
一萬四千二百五兩零除應撥俸工兵餉驛站及各
官養廉公項共六十六萬二千七百餘兩尚存銀二
十五萬一千五百餘兩儘可撥用 臣伏懇
皇上特降諭旨湖南漕項銀兩為數有限徵收不便
與別省情形不同將通省州縣淺船閒丁銀三萬三
千四百九兩二錢零緩至開徵之年與地丁耗羨一
併徵收其糧道本年不敷支欸銀一萬三千三百兩
卽於道庫現存銀內撥用則閩省小民益沐

皇恩浩蕩矣至現屆開徵之期臣已飭各屬本年漕
項銀兩俱俟至下半年徵收在案合併陳明 臣言是
否可採謹恭摺陳 奏伏乞
皇上睿鑒

四知堂文集 卷七 奏疏

三

四知堂文集卷七 終

四知堂文集卷八

清江楊錫紱方來著

奏疏

請增設書院以期實效疏

為增設書院以期實效仰祈

睿鑒事竊查湖南嶽麓書院係宋儒朱熹張栻講學

之所欽蒙

世宗憲皇帝賜帑生息以資師生膏火又蒙

皇上賜以道南正脈匾額固已多士鼓舞川嶽增輝

矣臣到任後知湖南民風刁險先由士習不謹而書

四知堂文集 卷八 奏疏

院萃各屬之後髦必皆整躬勵行足為士習之倡亦

即可為齊民觀感隨赴嶽麓書院瞻仰

御書并稽察院內情形見在院肄業之生寥寥無幾

且不肯一時之選又掌教之人亦才品不足以厭人

望推原其故嶽麓離城十餘里中隔湘江春夏水長

瀾漫八九里水流迅急過渡者必自上而下周折十

數里偶遇起風即應守候不能截渡士子因多畏涉

不肯肄業院內春夏既然而秋冬水退易渡亦因循

不往臣念書院內現蒙

賜帑一千兩又借帑三千兩交商生息復有學田收

租協濟豈容有名無實虛糜廩給但欲止就嶽麓整

頓不但春夏之時士子難以過強即臣與在省司道

等欲親往與諸生講論策勉亦恐風浪多阻臣查誌

乘長沙於宋時尚有城南書院係張栻之父張浚所

建其後張栻與朱熹講學長沙或過嶽麓或止城南

蓋以湘江多阻故往來二處朱熹題咏有詩是城南

書院實與嶽麓書院相為表裏第其名因嶽麓而掩

又明時呂廷爵知長沙創惜陰書院其記云嶽麓在

湘西風雨波濤期會或不達而城南故址已荒今建

此於學者便焉是惜陰書院實繼起之城南書院因

四知堂文集 卷八 奏疏

嶽麓而有者也臣諮訪城南惜陰兩院現俱廢為僧

舍據同城司道各員共稱城內有長沙協都司舊署

緣守備撥防湘潭縣都司移住守備衙門空留此署

儘可改作書院臣往查勘其地恰在省城之南離遠

市井屋宇雖頽加以增修可成規模因與各司道共

捐養廉委員料理現已落成即用宋儒城南書院之

名另恭募

御書道南正脈匾額敬懸堂內將舊在嶽麓書院各

生會同學臣汪師韓考試釐汰又選取各屬文行兼

優之生補入辭去舊師訪延隣省名望素優之紳宦

入主師席目下春水方生即在城南書院肄業俟仲秋以後江水平淺仍歸嶽麓書院明年春深再來城南歲以爲常一切院內章程重爲訂定臣於公務之暇卽親往院內與諸生講論策勉務令各敦實學恢擴器識俾遠近士子有所觀感期於士習可端而民風或以漸淳亦以儲國家之任使此雖增設書院實輔嶽麓之不及并以復前賢之舊跡仰副我皇上育才崇道之至意臣謹將辦理緣由恭摺奏聞伏乞

四知堂文集

卷八 奏疏

三

皇上睿鑒

減等軍流入犯請聽候部議核辦疏

爲欽奉

上諭事欽惟我

皇上惠愛黎元旣

降蠲賦之旨又

沛恤刑之恩臣接准部咨敬謹臆黃徧布各屬邊徼窮簷無不歡呼動地所有各屬已經達部各重案大學士會同刑部酌核案情輕重分別減以軍流欽奉俞旨移咨到臣臣欽遵現卽咨解各省發配其在外原擬軍流咨部覆准未經發遣之犯亦應確核案情

四知堂文集

卷八 奏疏

四

邀

恩減等臣現分別應減不應減及應否減等三項具

疏 題請

勅部定議遵行惟是各省軍流入犯於未奉

恩旨之先解赴湖南發配解到之日已在奉

旨之後例得一體酌核情罪分別減等但情罪輕重

必核全招而各省解犯多不咨送招冊惟將罪名開

列礙難懸擬若仍咨原解各省查覆恐又須咨部請

示則爲日愈遲臣查軍流之案俱咨部覆准方行發

遣則部中原有全招可核因飭按察司將解楚軍流

敘詳徑咨部臣酌核俟覆到分別辦理再各省尚有解往別省路過湖南之軍流向皆咨臣衙門轉飭州縣撥役遞解臣思若仍聽遞解前進則應減之犯徒多跋涉稽延之苦因飭各屬如該犯等到境不必轉遞暫行寄監臣卽咨部核覆分別照辦總期得邀肆赦之典者可以早沐

天恩免致久羈苦累至各屬在配徒犯并現擬徒杖人犯邀

恩寬減者通省不下千餘人其中竊賊拐犯私宰詐僞一切情罪狡惡者向於限滿遞回及發落之後取

四知堂文集

卷八 奏疏

五

具不敢再犯結狀交與親族保領管束此番遇

赦恐仍有冥頑怙惡之徒臣嚴飭地方官除照例取結發保外責令保隣時爲稽查月朔赴官點卯歷時稍久察其果能悔過始免查點凡以益廣

聖主覆育之仁下墜愚民自新之志以仰副我

皇上協中欽恤之至意臣謹將辦理緣由恭摺奏

聞伏乞

皇上睿鑒

恭請清釐卷價之弊疏

爲恭請清釐卷價之弊仰祈

睿鑒事恭照乾隆二年四月欽奉

上諭聞安徽所屬地方應試童生有完納卷價之陋例其費彙交知府直隸州除修葺考棚外其餘則補學政養廉之不足雖每童不過數十文而在貧寒書生亦不免拮据之苦且學政養廉朕已特頒諭旨加至四千兩甚屬寬裕更不必取資於卷價至於修葺考棚乃地方之公事應動存公銀兩辦理者著將童生交納卷價一事永行禁止毋使不肖官員及胥吏等借名苛索致滋擾累欽此仰見

四知堂文集

卷八 奏疏

六

聖主剔除陋例加惠貧寒之至意安徽既奉禁止各省自應一體遵照茲臣等會審湖南學政汪師韓濫取考場硃油據提調葉建封供稱出自收繳卷價內供應臣等查核舊卷緣雍正十一年部議廣東學政陳惠華條奏院府州縣試卷每本定價三分除工本外餘爲書吏飯食之費通行遵照在案彼時湖南藩司張瓌議以一分五釐爲試卷工本以一分五釐爲書吏飯食之用又因各府修葺考棚俱係知府承辦以各州縣書吏飯食之一分五釐尙有盈餘復議抽

解五釐幫貼本府修葺考棚之用亦經詳明經前任撫臣高其倬批准在案其歷任學政考棚供應原議固未議及但歷年承應皆取辦於此疊次報銷有案迨乾隆二年欽蒙

上諭禁收卷價之後經前任長沙府知府錢汝駟雖未奉部知照業見邸抄其應否仍收卷價之處具詳咨請部示乃前任護撫張璨以未奉知照仍議照舊辦理自詳白批遂復收用卷價相沿至今未經革除伏思貧寒之童生措價拮据安徽既蒙

聖恩永禁湖南似亦未便岐異惟因從前護撫張璨四知堂文集

卷八 奏疏

七

未請部示草率議批遂因循陋習以致歷任學臣考試時修葺考棚供應飯食等項仍取給於卷價今臣等既經查出相應恭請

皇上將湖南交納卷價一體永行禁止嗣後修葺考棚應否照依安徽之例於存公銀內動支恭候欽定至考棚供應雖相沿已久原屬違例應請並行禁革違者照例議處其學政衙門書吏飯食等項現據湖南吏書稟稱向於學政養廉內給發其府州縣於考試時原係照常辦事無庸另行議給如此則陋例永除而寒士蒙澤愈以廣

聖主作育之仁於無既矣至湖南而外別省或亦仍有收取卷價之處應請

勅交各直省一體查禁以昭畫一臣等愚昧之見是

否有當伏乞
皇上睿鑒勅部議覆施行

四知堂文集

卷八 奏疏

八

據揭奏 聞疏

為據揭奏

聞事竊臣等欽奉

諭旨會審叅革永州府知府曹璨以辨明案情等事
差家人赴部具呈一案臣等准奉部咨當即欽遵提
齊犯卷會同秉公逐一質審如曹璨呈辨周希玉毆
死盧仲義按察使刪去剃頭傷風改流為絞等因審
係寧遠縣民周希玉毆盧仲義額顛致命之處辜限
內身死原署縣事王雲萬驗傷長八分濶四分深三
分聲明委係受傷身死初報之案可據雖屍親有毆

四知堂文集

卷八 奏疏

九

後剃頭之語並未言及傷風亦無傷風情形乃克犯
周希玉行賄該縣刑房書辦唐廷章囑令作楊仁
醫生楊明於接任知縣郭瀛審時捏供傷已結痂因
剃頭致死郭瀛不能審出教供實情將周希玉率擬
流徒解府曹璨依樣率轉經前任臬司徐德裕以與
原報不符兩次駁飭該縣府固執原擬署臬司驛鹽
道鍾昭以人犯不堪拖累刪去剃頭情節改擬絞候
解臣楊錫紱審 題因事在乾隆十一年正月初三
日
恩旨以前部議減流知照在案今曹璨執有署臬司

刪改案情之批稟又捏造臣錫紱毋庸多事之面諭

請部代奏會審之下刑書件作醫生等供出受賄教
供捏供各實情曹璨自認審擬錯誤及捏造臣錫紱
面諭之言不諱而鍾昭違例刪改郭瀛不能審出實
情俱咎無可辭又曹璨呈辨審理徐上智陽文韜互
爭田山未為枉斷等因審係江華縣徐陽二姓客家
源楊梅冲之山田界址毗連歷年互控爭奪知縣黃
中謙以契為憑將田山盡斷歸陽徐上智恃矜咆哮
通詳請褫曹璨提審以陽契為假將田山翻斷歸徐
擬陽文韜以枷責黃中謙不服通稟上司據藩臬兩

四知堂文集

卷八 奏疏

十

司先後詳委郴州知州陳嘉穀衡永郴桂道李慎修
勘詳俱斷山歸陽斷田歸徐經湖廣督臣鄂彌達與
臣楊錫紱均批將曹璨記過在案後臣錫紱以曹璨
難任表率不可姑容特疏 題奏將徐上智枉斷一
案附列叅款曹璨遂并赴部呈辨會審之下察驗徐
上智印册李家冲三字係續添墳係假冒陽姓契紙
字跡本屬舊物難指為偽曹璨將山歸徐實屬枉斷
其所爭之田在石山土坡之中細核陽姓之契殊無
確據且徐姓管業多年陽姓久不過問亦未便斷歸
陽管但徐上智既不能供出完糧確數自稱情願不

要此田明係無主荒地開墾漏糧例應入官黃中謙
身為縣令於此田既經履勘未令陞科咎亦難辭臣
等秉公核擬知府曹燦已經奉

旨革職毋庸議外查定例各省臬司凡遇州縣承審
重案毋得將州縣招詳任意刪改故為增減倘有情
罪供招不符之處卽行詳加轉駁再飭確審供招內
有字樣不合者令其改正於招內聲明如有借簡招
妥招為名故為刪改又令將改本繳銷者將該臬司
照改造口供故行出入例革職等語應將刪改情節
之署臬司鍾昭照例革職又定例斬絞人犯未經審

四知堂文集

卷八 奏疏

十一

出實情後經別官審出者將未經審出各官降一級
調用等語應將不能審出實情之寧遠縣知縣郭瀛
照例降一級調用又定例一應州縣官將所隱田地
不能查出不及二頃者降四級調用等語應將不行
查出漏糧之江華縣知縣黃中謙照例降四級調用
其餘各應議處各官逐一請交部臣查議應擬罪之
寧遠縣刑書唐廷章作楊仁醫生楊明等各按律
議擬現在另疏會 題恭候

聖鑒至 驛鹽道前署按察司今奉

旨署理廣西按察使鍾昭刪去剃頭情節例應革職

查臣等於五月初四日承准大學士張廷玉等字寄
四月十五日欽奉

上諭以曹燦揭部文內有署臬司將傷風致死情由
刪去批示該府不必過慮等語係鍾昭所批自必有
向伊詢問之處傳諭臣等俟詢問後再令鍾昭赴廣
西新任欽此今臣等查鍾昭既例應革職似應將該
員暫留楚省令其候

旨處分未便卽赴新任相應恭請

皇上訓示再臣錫紱率據臬司刪改之招審擬具

題又曹燦審詳徐上智一案雖將田山枉斷徐上智

四知堂文集

卷八 奏疏

十一

擬陽文韜以枷責原未請復徐上智衣頂臣 題奏

曹燦疏內未及細查原案一並檢舉已於疏內請

旨交部議處臣等謹將案內各供摘要繕摺恭呈

御覽會摺覆 奏伏乞

皇上睿鑒

據實覆 奏疏

為據實覆 奏仰祈

慈鑒事竊 臣與

欽差貴州布政使愛必達將審明長沙府知府葉建封學臣汪師韓各款會摺覆 奏於六月二十四日奉到

硃批覽不能查出非楊錫絨之罪而有意兩可調停及奉朕交查辦而尙敢瞻徇則是汝向來奸名習氣以為得計而反失計者也以是問汝汝其何辭以對欽此 臣跪讀之下驚懼交集伏查葉建封居官尙優

四知堂文集 卷八 奏疏

臣前於守牧梗概摺內曾經奏

聞惟學臣考時聞與汪師韓意見齟齬 臣經發諭嚴加申飭據葉建封覆稱已知悔過用心承辦提調各事 臣與愛必達會審時葉建封當堂有受 臣申飭之供又汪師韓在湖南聲名尙好其家人書役需索供應 臣會與面言考長沙時聞其場規頗為嚴肅 臣上年亦經據實奏

聞 臣徒以兩人皆非貪劣之員其兩相齟齬不過器量褊狹非為公事起見考事竣後輿論翕然以為無庸深求至葉建封之承審傳遞代倩各犯輕擬疎縱

并失察衙役指撞倒賍又汪師韓家人仍索教官門

包與濫取硃油等事俱未一一查出疎忽之咎 臣實

無以自解至葉建封擬照溺職例革職汪師韓擬照

求索律降二級調用皆 臣與愛必達詳查律例問擬

葉建封考取不公審無確據其府署吵鬧倒賍之事

臣初訪查總不得確據後諭署長沙府候補同知何

璘密加細查纔得馬禹喬等一案又汪師韓妻弟陳

寧年紀甚輕屢加刑嚇不認需索之事此俱 臣與愛

必達研求再四然後定案者伏念人生才識限於天

賦若居心行事惟務一實此固下愚可以勉遵 臣蒙

四知堂文集 卷八 奏疏

天恩屢次訓飭止望 臣務一實字 臣具有人心何敢

有違亦何忍有違且前已失於查察至

欽差會審尙不據實承辦 臣非木石冥頑何至出此

臣草茅微賤叨任封疆已竊揚名顯親之幸與其冒

斧鉞以邀僚屬之名何如竭盡愚誠勉遵

聖訓以求名此 臣伏地涕零不得不求

聖主之慈鑒者 臣謹據實覆 奏不勝悚慄待罪之

至

奏明拿獲大乘邪教夥犯疏

為覆 奏事乾隆十一年六月二十五日承准大學士張廷玉訥親戶部侍郎傅恒字寄乾隆十一年六月初九日奉

上諭朕覽張廣泗所奏會緝邪教一摺因雲南故犯張保太繼子張曉接法開堂其黨魏王氏劉奇等傳播妖言招人入教連結貴州四川雲南湖廣江南江西山西等省不法已極應通行嚴緝可將此摺抄錄密寄各該督撫令其速行躡緝查拿將布散羽黨根踪弋獲不得稍有漏洩以致匪徒聞風兔脫亦不得

四知堂文集

卷八 奏疏

五

張揚驚擾貽累善良但此教流傳已久失察官員甚多若按照定例處分恐各官自顧考成反致諱飾其各省失察之員暫緩處分令其實力查緝或現在供出人犯不行跟追以致漏網者倍治其罪總期盡絕根株毋致漏網拿獲到案即訊取口供一面奏聞其應關會之他省督撫即行關會各督撫皆有封疆之責似此邪教盛行包藏禍心之人平日既不能查察以靖地方若奉旨之後復辦理不善以致滋事或忌人之功而欲將就了事苟且塞責自問於心能無愧乎欽此遵

旨寄信前來同日又奉

旨張廣泗承審黔省大乘教逆犯所供有名人犯著一併抄錄名單分寄各該督撫令其速行嚴密查拿務獲毋致疎縱欽此抄錄名單并抄寄張廣泗原摺到臣臣查此案先於五月二十九日准貴州督臣張廣泗咨拿湖南邪教犯人莫少康劉選昇孫其天三名臣隨密飭各州縣迅速查拿已於茶陵州地方拿獲劉選昇辰州府沅陵縣地方拿獲莫少康又臣訪究於善化縣地方拿獲邪教夥犯彭貴江湘陰縣地方拿獲受號開堂犯人陳南明惟孫其天一犯向無

四知堂文集

卷八 奏疏

六

家室入經外出未獲臣於六月十八日將准咨獲犯緣由會同督臣鄂彌達恭摺奏聞在案嗣據按察使周人驥研訊莫少康等又供受有偽號之夥犯瞿學璜陳世華姚學海周大章李宏道各犯臣一面飭拿一面先將莫少康劉選昇彭貴江陳南明及偕莫少康往滇同時被獲之夥犯李之華賀士宗共六人并搜出各書帖透委善化縣縣丞路可大於六月二十日押解貴州歸案收審其莫少康行李內搜出銀一百兩發貯長沙府庫咨明黔省一并核擬近又據湘陰縣知縣徐梁棟拿獲瞿學璜

現發按察司究訊又據寧鄉縣知縣張方煜在境內
拿獲湖北犯人金友端已經添差協同湖北來差押
解江夏縣訖臣查大學士等抄寄名單內湖廣四人
除黃世連原在四川開堂又胡大師一犯據陳南明
供已經身故現飭地方官確查結報其莫少康金友
端二人則俱經湖南拿獲其黔省來各內尚有孫其
天一犯未獲臣飭該府縣懸立賞格多差幹役捐給
盤費四處跟緝并咨明隣省協拿毋使漏網又莫少
康等供出各犯亦現飭各屬嚴拿以絕根株今奉
諭旨暫緩失察處分臣又密諭各屬勉其實力查拿

四知堂文集

卷八 奏疏

七

勿稍瞻顧仍約束人役毋得驚擾善良滋生事端總
期據實辦理毋縱奸以增過亦勿混擾以冒功仰副
我

皇上靖匪安良之至意臣謹將解黔各犯口供摘繕

清摺恭呈

御覽伏乞

皇上睿鑒

湖南州縣城工敬陳末議疏

為敬陳城工末議仰祈

聖訓事竊查湖南環帶湖嶽控扼苗獠形勢險要與
內地不同合省州縣其地非衝要多未建城凡有城
者皆從前相度機宜必資捍衛之地乃歷年久遠大
半傾圮乾隆三年前撫臣張渠將湘潭等三十州縣
應修城垣共估銀二十一萬六千五百兩造冊咨部
存俟以工代賑陸續興修乾隆十年前撫臣蔣溥因
以工代賑遙遙無期現停戶部捐監之例將來本省
監穀必多 奏請倉穀足額之州縣續收監穀即抵

四知堂文集

卷八 奏疏

六

春夏平糶之數將糶價撥充修城經部議准在案臣
催據布政司將各工覆加確估內除安化縣原議建
城查係山僻可省乾州原議增設新城查舊城足恃
毋須再增又邵陽城步等縣已經陸續修整再湘陰
零陵藍山三縣各需費有限應於來年即動公項修
整外其餘各屬共覆估銀一十六萬六百二十四兩
零現於糶價撥修案內開造細冊咨部查核惟是州
縣捐監臣節次嚴飭務將一切陋弊革責成道府
查察勸諭生俊赴捐乃乾隆十年通省捐監止一百
一名十一年春夏更報捐無幾臣細加訪察近年穀

價迥非昔比卽減一五收捐當豐收之時每名穀價均約一百三四十兩民間習聞捐銀省便遂各觀望不前近又仍開戶部之例更必趨彼舍此是欲監穀抵平糶而以糶價修城同屬遙遙無期若不別爲籌畫則

國用民生所資捍衛一任廢弛殊非仰體

聖主持盈保泰之至意臣查本年正月欽奉

諭旨因三年之內普免天下錢糧一定經費正在籌畫撥補如可緩工程待至二三年後亦不爲遲欽此此原指請動正項及公項而言湖南城工需費甚鉅

四知堂文集

卷八 奏疏

九

固難請動正項至公項現不敷用更難議撥應仍早爲籌畫臣再四思維惟有將湖南監生停其赴部捐納卽在本省藩庫交銀俟捐足修城之數仍歸戶部而本省納穀之例則請暫停現在倉穀缺額不過二十萬石需用之時尙可彼此通那况赴捐甚少卽暫爲停緩亦自無妨查開捐修城曾經前任河南撫臣雅爾圖條奏又在外捐監亦經湖廣督臣鄂彌達條奏部議均未准行然湖南與河南中外不同情形各別而藩庫收捐書吏刁難勒索之弊察禁較易臣籌畫工費計莫便捷於此如以外省開捐終難輕議臣

請卽將戶部每年所收湖南捐監之銀按年撥歸湖南充爲修城之用以數足而止其銀於湖南春秋二撥正項銀內照數劃抵可免領解之煩而本省穀例仍不必停止各聽其便如倉穀足額州縣所收監穀仍抵平糶之數糶價則撥交不足額數之屬秋成買補臣查舊案湖南在部捐監乾隆六年共七百餘名乾隆七年共一千二百餘名是修城一十六萬有奇之銀不過一二年卽可撥足此以湖南之捐項爲湖南之工費撥之在部開捐之本意亦未有悖如蒙聖恩於臣管見二說中擇用其一則湖南各屬城工

四知堂文集

卷八 奏疏

十

先急後緩次第興工二三年之間通省城垣均得完整可以一勞永逸矣臣爲邊地城垣關係緊要謹就管窺所及冒昧陳 奏是否有當伏乞 皇上睿鑒訓示

恭報桂陽州等屬被水情形疏

為恭報被水情形事竊本年七月十七十八等日長沙城外湘江一帶流有浮屍數具水亦長有尺許訪係桂陽州等處發水所致臣當諭沿江州縣委差員弁上緊分查打撈收殮并差標弁星馳查探又飛諭桂陽州知州汪度就近查勘即動該屬庫銀賑恤妥辦嗣於二十一日據桂陽州屬臨武縣知縣王敏學稟報本年七月十一日戌刻雷雨大作至子時溪內蛟水陡發湧入城內漫至縣署大堂丑時漸退惟監庫無恙西南二城門被水衝去城牆倒塌一十餘處

四知堂文集

卷八 奏疏

三

城內民房倒塌數十間城外河街民房被水衝塌淹斃人口甚多雖早禾已穫沿溪中晚二禾多被衝壞現在一面捐備食米發給被水災民一面親查遠近淹斃人口衝壞田廬各項實數另報等情到臣當檄布政司立刻委令在省之寶慶府通判朱偉業護理長沙府同知候補知縣汪鑿帶同候補州同朱頴給與司帑二千兩星夜賫赴臨武會同該州縣分頭查勘加意賑恤衝倒瓦草房屋給與修葺之費淹斃人口給與掩埋銀兩無主者官卽備棺收殮標記田畝如可補種雜糧給與籽種堤塍或須修築酌予工

本現存人民散與口糧毋令失所城門城牆確估工料詳報修理如所發司帑不敷即於縣庫州庫不拘何項錢糧動支事竣據實報銷七月二十五日又據桂陽州屬藍山縣知縣唐應善詳稱七月十二日寅時縣河水驟長溢東門城外衝壞草房四十間淹斃男婦二十口已經親往救撈捐給棺木殮埋又東南徭山之間有溪河一道與臨武縣及廣東廉州地方連界亦於十二日丑寅時分蛟水陡發計長二十里沿河居民舖店房屋衝壞約五六百間淹斃男婦數百口沿河稻田多被泥淤卑職一面飛往查勘救撈

四知堂文集

卷八 奏疏

三

照例撫恤并分委典史巡檢分途辦理不使災民失所等情臣當亦批發布政司立刻委令在省之衡州府通判蔣衡酌帶佐貳人員給與司帑一千兩星夜馳赴協同該縣查勘賑恤毋稍遲悞一面飛檄衡永郴桂道李慎修星赴臨藍二邑督率各員妥協查辦除俟勘明被水遠近廣狹各情形覆到另疏題報外謹將臨武藍山二縣稟詳及臣辦理緣由先行繕摺恭 奏伏乞 皇上睿鑒

請捐公項改修貢院疏

為請捐公項改修貢院以垂永久以廣

皇仁事竊查湖南貢院號舍南北對坐窄狹擁擠地勢低窪陰雨泥淖種種未善之處經前撫臣蔣溥奏請改修議動存公銀一千五六百兩經部覆准俟鄉試之年動項修葺在案臣查來歲丁卯即屆鄉試若俟春夏始修恐雨水時行多有未便隨飭布政司委員趙今冬即行興修去後茲據布政使徐杞詳據長沙等十三府州會詳據闔省各府州紳士高拔侯世躬張聖羽等連名呈稱湖南鄉試原附武昌入闈蒙四知堂文集 卷八 奏疏 五

世宗憲皇帝軫念洞庭往返之險

特命分闈於長沙設立貢院

鴻恩曠典永被士林第創建之始士子急於觀光營造未得如式淺隘低濕遠遜他省前院蔣於甲子科目擊情形因奏請改兩號為一號疏通水路約需公帑一千餘兩通省士子聞之無不歡忻鼓舞但查湖南號舍所以南北對坐者因一號分為兩號中間分脊之處係一土牆橫隔而兩邊排比之牆又止一磚壘上甚為單薄今若拆去中間土牆將兩號通為一號勢必易致傾圮且號舍地低而四圍地高雖開水道

設遇驟雨亦終難免浸濕應請將舊存號舍拆卸填築基地再照各省式樣修建號舍方為一勞永逸又各省號舍俱在至公堂之前東西排列湖南貢院號舍盡建於至公堂之右側別為一處巡查不便亦屬非體今既請改建應將騰錄等所移置空地而建號舍數百間於至公堂左側另於至公堂之前建明遠樓一座則稽察便而體制亦合所有經費生等公議情愿不動公帑將丁卯年科舉盤纏及廩膳銀兩捐出應用此原係

朝廷恩賜士子之物以辦士子科場貢院在士子不四知堂文集 卷八 奏疏 五

費一錢而號舍得以如式規模得以整頓免苦累而絕弊端沐恩實無涯涘等情會詳到司本司隨會同臬司道府親詣貢院逐一勘視所有號舍若止遷就修葺誠難經久騰錄等所現有隙地可移明遠樓亦宜建於至公堂之前以符體制本司等又查得貢院四圍土築牆垣低矮單薄易滋弊端應行另築高厚又轅門照牆鼓亭瞭樓等項應行添設隨飭長善二縣同號舍一併估計需工料銀六千餘兩詢之紳士無不異口同聲情愿一同改建整理似應俯如通省士子之請將所捐科舉廩膳銀兩照直省貢院之式

逐一整頓庶利興弊革而規模亦得可以一勞永逸矣查通省科舉盤纏銀共四千八百八十兩廩膳銀共五千餘兩應先動科舉之銀再將廩銀湊用有餘仍攤給各廩生收領此時請委員確估辦料一面造冊送部備查等因呈詳到臣復率同司道親赴貢院勘明無異伏查雍正二年湖南初建貢院原係士子公捐廩膳銀兩應用今各士子因前撫臣將溥有請改原號八千間爲五千間之舉恐公項無多一時補苴終難經久并願將體制未協之處一并整理呈請捐出科舉廩膳二項銀兩由布政使徐杞詳請前

四知堂文集

卷八 奏疏

五

來臣查與前例相符除飭選員確估工費據實造冊報部外所有闔省士子愿捐公項修改貢院緣由臣謹據情奏

聞伏乞

皇上睿鑒

遵 旨奏明辦理拿獲大乘邪教匪犯疏

爲覆 奏事乾隆十一年八月初三日承准大學士張廷玉訥親侍郎傳恒字寄乾隆十一年七月十二日奉

上諭大乘教一案據各督撫審出人犯姓名已密論查拿究訊務盡根株但此時未經發覺者固不可使之聞風遠遁即現在供出姓名可指者亦不得任其匿跡潛逃如雲貴省所供出四川之人而四川本省轉未究出四川省所供出雲貴之人而雲貴本省每多遺漏可見奸匪易於漏網則辦理之法須得其頭

四知堂文集

卷八 奏疏

五

緒方可根究前四川巡撫紀山摺奏現在投首者紛紛又據楊錫紱亦奏稱入教之人令其自首此等自首之人搜緝有線盤詰有根正可於此跟尋踪跡再其中情罪不一惟實在無知被誘覺而自悔者方准其自首量爲末減仍須交與地方官不時稽查其始事之寬爲從之黨自當分別按律治罪即情罪似乎稍輕而有附助之形跡者亦當充發以散其黨羽朕看此案各省辦理不同可傳諭各該督撫令其遵照此旨查辦使邪黨盡除而定擬亦得盡一欽此遵旨寄信到臣八月初十日又恭接臣六月十八日所進

奏摺欽奉

殊批此案情頗大不可以尋常邪教視之屢有旨向大學士等處頒發想汝尚未接到耳所云被誘亦必其實係無知被誘者可耳凡係為從概不可寬欽此臣查湖南大乘邪教除莫少康六犯已解貴州前經

奏

聞外其莫少康等供出并各屬訪出之人計長沙善化湘陰益陽茶陵衡陽巴陵武陵龍陽各州縣稟詳已獲及自首者共約五十餘人臣俱嚴飭務就各犯研訊傳教及同教之人逐一根拘有在外屬外省者

四知堂文集

卷八 奏疏

三

一面關拿一面詳請移行督緝期於慎密速辦不許張揚遲緩致令未經發覺者聞風遠颺現在審係招徒受號已有瞿學璜瞿世朗方效洪莫漢先郭林氏等數名俱各收禁其堅稱無知被誘者臣恐有狡飾俱飭取具的保候質臣稔知此輩蔓延滋害未敢稍為寬縱今又欽奉

諭旨實在無知被誘方准自首量為末減仍交地方官不時稽查卽情罪似乎稍輕而有附助情形者亦當充發以散黨羽仰見

聖主靖匪安良刑期無刑之至意臣當卽欽遵密飭

按察司并道府等敬謹遵奉將境內未獲及未經訪出各犯務再實力跟拿訪緝分別禁保執法訊擬解臣親審卽在本省 題咨定案總期邪黨盡除用副屢次諄諄訓飭之

聖恩臣謹將欽遵辦理緣由據實覆 奏伏乞

皇上睿鑒

四知堂文集

卷八 奏疏

三

遵 旨陳明辦理安仁縣刀民聚眾緣由疏

為欽奉

上諭事乾隆十一年八月二十三日承准大學士張廷玉訥親侍郎傅恒字寄內開八月初七日奉

上諭湖廣衡州府屬之安仁縣刀民聚眾闕堂一事從前未據楊錫紱奏報今該撫將該縣知縣具本題參朕已照該撫所請將張易源革職但此挾眾闕堂之事即將地方官參處恐轉啟刀民目無官長聚眾生事之風於地方深為未便可傳諭楊錫紱何未慮及耶嗣後留心辦理欽此遵

四知堂文集

卷八 奏疏

无

旨寄信到臣跪讀之下悚感交集伏查湖南去年少雨秋收未豐本年春夏之交臣惟恐青黃不接糧價增長諄飭各屬早為平糶續又通飭分廠多糶復會同督臣鄂彌達檄令毋拘存糶成例以新穀接濟為度俱經先後奏

聞在案今安仁縣年例糶三之穀五月初既即糶完其時早稻未登市價易長正應詳糶存七之穀接濟民食乃不知先事籌議迨市價倍長民籲不已遲隔月餘始行接糶而又將糶價加增遂致民情不服擁堂喧呼求減臣以愚民聚眾闕堂刀風固不可長而

州縣辦理不善每每激成事端亦久在

聖明洞鑒是以飭行司府查拿首犯重處并飭將該縣辦理不善緣由查明揭報請參嗣經兩司查詳臣

隨據揭 題參今蒙

天恩優容訓飭臣自愧率屬無能慮事未周實深惶悚嗣後當仰遵

聖訓留心詳慎妥辦以酬

高厚於萬一 臣謹恭摺覆 奏伏乞

皇上睿鑒

四知堂文集

卷八 奏疏

辛

陳明道員不勝監司請令休致疏

為據實陳明仰祈

睿鑒事竊查湖南衡永郴桂道李慎修臣於該員到任之後將臣平日知其為人及現在試看如偏執不改於地方無益即行奏緣由具摺 奏明荷蒙 聖明嚴加訓飭臣凜遵

聖訓期於共相砥礪不敢稍存成見嗣於具 奏通省司道賢否摺內聲明該員性情不無稍偏持躬亦有率任己性不合大體之處臣現在切加教導復荷 蒙

四知堂文集 卷八 奏疏

壬

聖明睿鑒在案茲一年以來臣留心察訪李慎修雖操守可信而性情偏執氣質用事究難改易如衡永民情最稱健訟該員每逢告期准理甚多又一概親提以致有現在府縣審訊之案一經道准即不服府縣拘喚者不但府縣掣肘而益長民刁又事無大小動輒刑求案內犯証得免夾訊者甚少生監則不候斥革即加刑辱經臣嚴飭後雖不敢擅用三木然枷號并責仍多過甚其判斷事件亦多欠平允會將未陽縣再醮三年之婦斷回前夫之家守節看語貼於明倫堂內稱其忍辱撫孤比之宋臣范仲淹之母而

其婦實係素行不端夫族母族不堪其醜公同主嫁

之人又平日常赴僧寺談禪里民聚觀則令僧擡已

坐於桌上為人說法所出文告以別號作官銜語多

不倫見者詫異經臣嚴誠雖少收斂然其在署審理

詞訟仍多不事衣冠全無體統又秋間桂陽州屬臨

武藍山二縣蛟水驟發被災頗重該道附近竟無一

字稟聞迨臣檄令前往督同各州縣查勘賑恤復遲

遲其行視同泛常現有桂陽州民婦顏彭氏將一女

兩許知州斷歸前聘之劉姓通詳到臣經臣核批定

案李慎修稟稱此女不願歸劉在道呼冤必須提審

四知堂文集 卷八 奏疏

壬

臣以李慎修現委勘賑臨武藍山水災檄令將犯証解省發交藩臬兩司會審今據兩司審詳係該道承差李約原主唆教供圖翻州案是李慎修性情被衙役窺破包訟生事該道受其愚弄即此可見臣查道員職任監司必須識見遠大精力強盛方可表率屬員料理一切今李慎修所留意者不過詞訟碎務而多不能虛公平允易受訟師之愚至地方重大緊要之事全不留心且曾向臣言精力已衰至下午則須人扶掖方可行走衡永地方緊要該員性情偏執乖張加以衰病實難勝任臣受

恩深重不敢瞻徇隱默致貽悞理合據實密奏
應否勒令休致恭候
另簡賢員以裨地方伏乞
皇上聖鑒訓示遵行

四知堂文集

卷八 奏疏

三

陳明湖南米價及賑恤被水州縣疏

為據實覆 奏事竊臣於九月初二日將各屬雨暘
時若米價較前又減七月內被水之臨武藍山二縣
各已照例賑恤災民得所緣由恭摺陳 奏於十月
十四日奉到

殊批覽奏俱悉但朕聞湖南被水甚重米價亦貴此
奏不涉粉飾乎欽此臣跪讀之下惶悚倍至伏查湖
南素稱產米之地自承平休養生齒日繁以來邇年
米價最平亦較從前不啻加倍此固久在

四知堂文集

卷八 奏疏

三

早稻收穫之後始日就平減每月摺報之數前後可
核現在各屬價值每石自七八錢至一兩二三錢惟
辰州府郴州界連苗疆山田瘠薄夏間價至一兩七
八錢目下雖已大減尚有一兩四錢零之處至四五
月間益陽平江道州江華各屬被水俱係隨淹隨退
各已補種晚禾雜糧據道府勘查皆不成災由布政
司詳報到臣現在另疏 題覆其七月被水之臨武
藍山二縣緣係蛟水驟發衝損田廬人口原被災較
重經臣與督臣鄂彌達先後委令候補知縣汪鑿寶
慶府通判朱偉業候補州同朱頰齋帑三千兩馳往

臨武又委衡州府通判蔣衡湘潭縣縣丞沈章齋帑
二千兩馳往藍山會同該州徧勘查賑已據稟詳逐
一查明分別給銀撫恤安頓又動支倉穀按口賑濟
其應加賑月分及應蠲應豁錢糧現在查核續題
實無失所之事臣受

恩深重似此民食災務所關何敢不據實上

聞自千重答謹據實覆 奏伏乞

聖明睿鑒

四知堂文集

卷八

奏疏

五

請開長沙府南湖港以利商民疏
為請開會城之南湖港以利商民仰祈

睿鑒事竊查湖南長沙府為省會地方城倚湘江上
通黔粵下達洞庭漢江商賈仕宦舟楫往來絡繹不
絕惟是江水北流勢甚迅急而城在下游直衝無障
每遇風雨波濤洶湧常有不測之虞是以近城不能
泊舟商賈不集財貨不通地方未極生聚之盛考之
載籍從前湖湘都會繁庶甲於三楚繞城原有一堤
名曰成功堤以障江流舟楫恃以無恐遭元季阿里
海涯及陳友諒毀堤決水遂失地利後議修築費鉅
四知堂文集 卷八 奏疏 美
不果明代嘉靖天啟間道守各臣曾附城開一南湖
港以便泊舟功未竟而止

本朝康熙十一二年及二十八九年間前任撫藩各
臣又附北城議開新河亦開未深通旋被淤塞臣上
年到任據士民等呈請興復省城水利臣於冬初水
涸之際率同司道查勘成功堤基址已沒入江流欲
再修築估計工費需銀三萬餘兩又查看北城新開
河半為沙塞估計亦需一萬餘兩雖查前任撫臣王
國棟奏報前任鹽道楊秘報出鹽規請充開河銀八
千兩現貯司庫但堤河二工俱不敷甚多未便輕舉

復查勘南湖港在南城外二里許正當民居市廛稠密之處因從前開未如法繼事者又無其人致未竟功今雖淤塞舊址現存開挖寬廣深通可泊舟楫數百雖倉卒風濤俱可安穩商民便益百貨可以流通貧富均受其益委員確估工費約二千餘金即可敷用今年十月督臣鄂爾達來南巡查之時臣與會勘南湖港亦以開濬深廣於長沙省城有益所當急謀興舉茲臣查湖南鼓鑄局內存有試鑄錢文一項係乾隆八年間辦到滇銅將鉛錫配搭試鑄其時章程未定爐匠生疎配搭參差鑄錢不能如數難以作正

四知堂文集 卷八 奏疏

壬

開銷是以前任撫臣蔣溥具題以乾隆九年正月開爐起按卯造報內部而自乾隆八年六月至十二月共試鑄錢三千八串七百五十二文現貯局內尙未報部今查此錢久貯不免黷變其現鑄之錢搭放兵餉定有成規毋庸添搭而民間錢價尙未甚平以試鑄之錢每千易銀一兩二錢平價售於民間頗於民用有益計錢三千八串七百五十二文可易銀三千六百一十兩五錢零內除銅鉛錫各價銀二千四百一十一兩五錢零另買銅鉛錫如數貯局接鑄外可盈餘銀一千一百九十八兩九錢零此實從前試鑄

盈餘之項可以撥充公用以爲開濬南湖港工費所少無多易於設法工竣之後交與長沙府同知經管每年修濬或酌動公項或聽商民自爲料理雖其規模視成功堤較小但民商稱便實亦百世之利其前任鹽道楊秘報充開河銀八千兩仍貯司庫俟公項充裕或再築成功堤以復長沙之舊臣與同城司道等面同籌議衆見僉同除將試鑄錢文變價另買銅鉛接鑄緣由咨明部臣外理合恭摺陳 奏伏乞 皇上睿鑒如蒙

俞允則

四知堂文集 卷八 奏疏

壬

高厚天恩實垂不朽矣再查試鑄錢文總須變價現屆歲暮正須酌平民間錢價臣據總理鑄務驛鹽道嚴有禧詳文已批令飭發長沙善化二縣變價在案合併陳明伏乞 皇上睿鑒

四知堂文集卷八 終



四知堂文集卷九

奏疏

清江



請嚴道府到任遲延處分疏

為請嚴道府到任之遲延以重地方事竊查新任人員給憑赴任違限例有處分原杜其稽延曠悞之弊我

皇上體恤臣工違限不及三月者俱蒙

恩旨寬免第宥免小過者

聖主之隆恩而適赴供職者臣子之常分且部定懲

四知堂文集卷九 奏疏

限原甚寬裕即途次耽擱亦不至久逾乃新任之員恃有寬免處分之

恩旨往往任意延悞或繞道回籍或親挈妻孥輾轉遲滯至違限將及三月則途次捏報患病更可遲速

由已全不以地方緊要為念殊非臣子出身報効之道查此等在州縣各官出缺之時尚有試用及候補

人員可以委署即委隣邑兼署亦道里相近彼此可以兼顧若道府各官係方面大員出缺之時現任府

佐并府道內難得堪膺表率及才可兼任又道里接近之員其間委署原可暫而不可以久即如部選湖

南永州府知府沈永肩係四月選授約計五月領憑

出京例限入十日應於七月到任乃今經七閱月之久杳無音耗不知該員現在何處就延現署永州府

事衡州府知府張為璉以一人而兼衝繁之兩府臣以沈永肩係部郎外用自可即到故令努力暫署豈

意遲之又久不見其至若再另委一時又無妥員若請

旨另行簡補復慮沈永肩隨後即至殊覺辦理掣肘

合無仰懇

皇上聖鑒

四知堂文集卷九 奏疏

明降諭旨以後府道以上大員到任遲延各照定例處分不准寬免以杜其希冀延捱之弊其或請

訓時面奏給假省親省墓者勅部嚴定期限若已准給假寬限又復逾違者必至

遲隔經年始至其處分作何加重另為酌定再途次捏病地方官徇混出結者亦嚴定處分庶臣子不敢

自便其私而地方亦免曠悞矣臣言是否可採伏乞皇上睿鑒

恭舉賢能知縣疏

為恭舉賢能之知縣仰祈

睿鑒事竊查知縣為親民之官果有才守可信并素行篤實之員自當恪遵乾隆八年四月內

聖訓據實陳 奏以備器使茲湖南州縣自本年六月補行

大計經 臣 逐一甄別舉劾其所舉之外或才具優長守尚難信或才守可信現罹叅罰未敢濫行列薦又

經恭摺 奏明在案今屆歲終距計典之期又經半年 臣 實心體察各屬有志向上者

四知堂文集

卷九 奏疏

三

雖不乏人而不愧賢能之稱者實難其選查有岳州

府屬巴陵縣知縣薛澍年三十三歲陝西拔貢於乾隆十年三月由新田縣揀調今缺該員明白幹練辦

事勇往巴陵為衝繁疲難兼四之缺到任以來積案一清訟獄簡少 臣 初見其青年或難深信今細加察

驗該員器局不凡實心供職才守似可不渝實為賢能之員此外則止長沙府屬湘陰縣知縣徐梁棟端

方明敏政蹟昭著因任內有民婦何阿黃被盜一案尚未實授 臣 前 奏請調補善化縣欽奉

恩旨嚴飭但湖南屬員中求其名實相副之賢員則

終以徐梁棟為最 臣 不敢以其公過之叅處隱沒其善今何阿黃一案已將限滿緣由咨明吏部聽候彙題請

旨如蒙

聖恩准其戴罪報効不但地方有益實足以鼓勵吏治又常德府屬武陵縣知縣翁運標清潔持躬實心

愛民前於計典內附薦又經 臣 題陞道州知州在案該員居官

政蹟雖會上聞而其生平孝行尚有未達

四知堂文集

卷九 奏疏

四

宸聰者查該員之父翁大環於康熙三十一年遊學

廣西不返生死莫考時該員纔三歲稍長即徧走楚粵間尋求數十年不獲歷盡艱苦志不稍懈途次仍

苦志讀書得邀科第之後又復訪求直至雍正三年感神指示始得父屍於永州府祁陽縣之白沙洲 臣

前在廣西即耳熟其孝名今觀其居官實能本孝為治悃幅無華全以至誠感民不事操切而民服其教

此等賢員尤為難得 臣 受恩深重仰體

皇上留意人才之

聖心謹據實奏

聞伏乞

皇上睿鑒

四知堂文集

卷九 奏疏

五

請嚴禁案卷不存科房以重關防疏

為請嚴禁案卷不存科房之弊以重關防以勵實政事
竊查設官併設吏書原係相資為理故院司書吏俱
關防內署而道府州縣書吏即不能盡行關防亦必
大堂前各建科房以貯案卷以供辦事凡以刑名錢
穀一切案卷冊籍俱關緊要而書吏人等舞弊作奸
亦可就近防閑且遇有緊要事件更便密速查辦不
致漏洩遲悞也今臣聞湖南府州縣竟有書吏不在
衙內一切案卷俱存私室本官傳喚無一人在衙者
臣始聞之以為不過一二州縣今數月來臣接見各
屬之員細加察問其書吏不入衙內案卷存貯私家
者不下數十州縣有因未設科房而在外者有科房
傾圮而在外者亦有科房現存而書吏積習相沿不
住科房者夫踪跡四散則督察為難卷帙分攜則遺
失更易於是遇緊要事件每滋洩漏遲延之弊且或
經承革役退役則接管者得以冊卷無查為誘凡詞
訟錢糧均失依據甚或刁民訟棍賄買經承抽卷換
卷以致翻告捏控不一而足則湖南刁健好訟之風
未必不多由於此今臣現在嚴飭所屬其有科房虛
設在外辦事者即逐一清查押令檢齊卷冊各歸衙

四知堂文集

卷九 奏疏

六

供役其科房傾圮破損并向未建設者該管官速爲
勘估修建每房冊卷督令順按年月彙造清冊送官
核明鈐印備查後有冊案陸續登記新舊交代之時
遵例一併彙冊交代限半年內務必盡除舊習違則
叅究查州縣約束書役入房辦事亦非掣肘難行之
事而因循積習毫不爲怪者緣恃無處分之例耳臣
請嗣後如仍有任聽書吏不入科房者查出照約束
不嚴之例將州縣處分庶此番整飭之後或不致仍
蹈前轍抑臣更有請者湖南一省既有此等州縣或
邊遠省分有似此者亦未可定合無仰請

四知堂文集

卷九 奏疏

七

聖明一體飭查以重防閑以清吏治臣謹據實具

奏伏乞

皇上睿鑒施行

請嚴舉報優劣生員之例以端士習疏

爲舉報優劣生員之例漸成具文請飭實力奉行以
端士習事竊查士子者百姓之觀瞻士習端而後民
風以厚定例考試士子令舉報優劣生員優者陞入
太學劣者褫革蓋所以示勸懲而端士習法至善也
其後學臣教官奉行不力或苟且塞責或優劣混淆
我

世宗憲皇帝洞燭其弊雍正七年曾降

諭旨嚴加申飭嗣後若教官沽名邀譽縱容劣生不行

舉報者經學臣察出立即糾叅將教官照溺職例革

四知堂文集

卷九 奏疏

八

職若學臣瞻徇情面不行糾叅者一經發覺將學臣
照狗庇例降級調用將此永著爲例特諭欽此在教
官專司課士一學之中士子多者不過數百人少者
不過百餘人孰優孰劣諒無不知在學臣衡文之外
宜以此爲首重爲優爲劣舉報必嚴或教官徇私失
實卽應叅處以示警度勸懲明而士習可以漸整乃
臣見近年各教官舉報優生尙不敢有意冒濫其舉
報劣生不免苟且瞻徇多將緣事之生舉報或一學
之中有劣生數名亦祇報一名以塞責而學臣亦多
據教官之開報未曾深加訪察實力辦理是以三年

任滿所報劣生一省之中不過寥寥數人亦從未見
教官有因舉報不實而被劾者臣查士子文行兼優
其可膺選舉者或難多得至於行止有虧包攬詞訟
武斷鄉曲之劣生臣現於湖南因其犯案忝革者一
歲之中實繁有徒皆非教官預行報劣之人是庸懦
之教官既不敢據實舉出而學臣又祇因循故事豈
飭令舉報以示勸懲之本意乎臣請再行申嚴舉報
劣生之例令學臣教官實力奉行如一學之中有劣
生數名不妨一併開報毋得再行瞻徇失實并請嗣
後學臣在任三年之內所報劣生之外有生監人等
因知堂文集 卷九 奏疏 九

或因事犯案或經督撫訪聞拿究如審明實係平日
行止有虧起滅詞訟武斷鄉曲歛蹟繁多者將未經
舉報之學臣教官一併議處庶教官不敢苟且學臣
亦加詳慎於士習不無小補矣臣言是否有當伏乞
皇上睿鑒訓示

查勘沔湖堤坑情形疏

為恭陳查勘堤坑情形仰祈

睿鑒事竊照湖南長沙岳州常德澧州四府州環繞
洞庭濱湖州縣民就湖荒圍築墾田謂之堤坑有昔
被水衝曾經發帑修復者曰官坑其未經帑修及續
圍曰民坑每年冬令水利兼該管各員督民培築以
防夏秋之水曰歲修臣到任以來雖察訪歲修各弊
嚴檄水利之員查禁督修然未經目覩不能知其實
在情形是以上年恭摺 奏明將就近長沙之湘陰
益陽二縣堤坑於仲冬親往查勘荷蒙

因知堂文集

卷九 奏疏

十

聖鑒在案嗣據道府各員稟稱現在督修請俟工竣
查勘茲臣於二月初三日輕舟減從由湘陰勘至益
陽於十一日勘畢回署所有堤坑情形有向應酌定
章程辦理者就臣管見敬為我

皇上陳之

一險工宜三年連加大修也查各堤有當水要衝之
處尤易損壞謂之險工每年歲修不過加土數寸一
尺若加高加厚各至數尺則曰大修歲修佃民任之
大修田主任之今臣查閱兩邑民坑新築者固屬鬆
薄即官坑舊築者亦未能一律高厚其餘各屬之堤

想亦相同推原其故蓋每年冬月雖加土數寸一尺
次年雨水沖激又多坍卸是徒有歲修之名終難成
高厚之實臣雖面諭堤民每遇天晴水小隨時培築
不必定俟冬月然佃民農忙之時殊難兼顧而各垸
田主皆有力之家出資修堤俾田永成腴產并非強
以所難應自本年秋冬爲始凡屬險要之堤每歲加
厚三尺加高二尺以三年爲止卽使歲中少有衝損
尙多餘存合之現在堤身三年之間厚可一丈六七
尺高亦准此則雖遇大水永保無患矣

四知堂文集

卷九 奏疏

十一

種柳以撫風浪者卽堅厚無損其未種者卽不免單
薄至於近年民垸則種柳者絕少細詢其故蓋種柳
一事向來官雖示諭未能實力督率佃民田主各事
因循間或插種又苦牛羊踐踏居人拔損遂多有各
無實臣查柳枝非難得之物插柳又易爲之事植之
三年卽可捍禦風浪效速而利溥莫過於此臣已面
加勸諭令各多插嗣後應令水利之員兼行督率遍
處栽插將每堤種柳若干冊報查考責令管理修堤
之堤總堤長人等稽查照看印官與道府等官遇便
隨時摘抽點驗嚴禁縱放牛羊及居民侵損違者予

以罰懲則數年之間堤垸屹如山立矣

一專管水利之員宜免其差委也查各屬堤垸多者
五六十少者三四十每垸大者六七十里小者亦二
三十里每年冬季培修夏秋防護各無暇逸之時若
差委別出則培修防護無人督率稽查其爲虛應故
事何怪其然臣洞悉其故是以上年凡屬水利佐襍
俱不輕爲差委嗣後應請著爲定例凡屬水利專員
緊不差委則責成既專而承辦自力矣抑臣現請三
年連加大修各屬堤垸既多道里亦遠水利之員督
率難週俟屆期興工時臣當擇佐襍中勤慎老練者
四知堂文集

卷九 奏疏

十二

分委協辦庶工程可望堅實
一以後民垸宜永禁再圍也查洞庭雖曰巨浸然藉
以受各省之水各屬堤垸俱係沿湖受水之地漸次
圍成所謂與水爭地也雖濱湖荒地不許擅行築墾
以阻水路已經垂諸令甲但尙有無礙隙地許民呈
官勘明築墾之例我

國家重熙累洽生齒日繁沿湖堤垸彌望無際實無
可以再行築堤墾田之處今已成之垸在民旣獲其
利未便毀其成功若再許隙地呈官築墾在豪民惟
覩一己之利捏詞朦混倘無識之有司不知總攬全

湖形勢遶狗其請而上司亦一時疎忽據詳批准實貽壅水漫決之患應請嗣後各屬濱湖荒地永禁築堤壅田使川黔粵楚各省之水有所消納不致泛濫則現在各境之田年獲有秋民食有濟即受益不淺矣以上各條臣親身閱勘及悉心諮訪管窺之見內有可自行督率辦理者亦有應著爲成憲以便永遠者是否有當謹繕摺恭 奏伏乞 皇上睿鑒訓示

請嚴定州縣玩視社倉處分疏

爲請嚴州縣玩視社倉之處分以清積弊事竊查定例社倉捐穀聽民自便不得繩以官法原杜胥役滋擾起見但社倉規條仍令每歲將出入數目報官查考誠防社長侵虧之弊也湖南社穀共計四十餘萬不爲不多從前零星散貯虧足難查經前任撫臣蔣溥請將息穀變價建設總倉歸併收貯以便稽察奏准飭遵臣到任以來嚴催各屬勘定處所估計工料由布政司彙詳於上年三月內一面 題報一面勒限興建去後乃各屬或稱農忙或稱雨雪多事延擱其報興工及報竣工者未及其半細加體訪其間本息半有不清州縣各以社穀虧足例無處分明知社長侵虧不肯據實報出代其支吾展限臣思社倉之不得繩以官法者止指捐輸與出借交還之事若社長侵虧即以監守自盜自應詳報比追豈得姑縱因循坐視良法之壞臣現嚴檄通飭將社穀虧數即日據實報出上緊追完其總倉亦速趕建報竣統以本年秋成十月爲限責令道府各官於十一月內盤查之便將社穀一并抽盤若尙有未建倉者即以溺職揭叅若建而穀不足者除實欠在民外其社長侵

虧之數州縣已經報出則將社長照律治罪一面嚴
追倘州縣未經報出則照例庇例著落州縣賠還并
諄飭司道等務須同心實力督察清理勿稍泄視優
容以除社倉積弊至經管總倉各社長臣責成州縣
慎選公正殷實之人承充每年歲底及印官新舊交
代一例盤明結報仍不得濫令胥役干預擾累違則
參究惟是社穀出入全在社長得人而日久更換保
無濫舉夤充仍致侵虧之弊似應酌定處分如上可
盤查及新舊交代查出社長侵虧分別州縣失察狗
隱予以降罰追賠之例度有司各認真查辦而社倉

四知堂文集

卷九 奏疏

五

良法不致有名無實臣淺陋之見是否可採伏乞

皇上睿鑒勅部議覆施行

請豁苗地民賦疏

為請豁苗地之民賦以廣

皇仁事竊查湖南辰州府屬之乾州同知設於康熙

四十三年所轄紅苗性最不馴我

聖祖仁皇帝德威遠播始據傾心就撫其時欽奉

恩旨止令歲納雜糧五十二石零不令按畝輸稅原以

薄示羈縻并非利其賦課緣乾州之地與該府之瀘

溪縣連界明末寇亂瀘民轉徙流移田多荒棄康熙

初年清丈瀘溪荒糧俱奉豁除迨康熙五十三年勸

墾案內有瀘民楊通要等見乾州之苗已經歸化輒

四知堂文集

卷九 奏疏

六

思奪管其接界之田混報開墾陞科縣官不察率據

轉報糧冊達部之後乃控苗民越佔從前司道各員

審詳以苗佔無據田仍歸苗其陞科八十餘兩已成

正額不便請豁遂係瀘溪知縣歷年代賠以副考成

至雍正七年耗美歸公瀘溪知縣孫鏡不甘久賠通

詳部科衙門行委辰溪縣會同乾州同知瀘溪縣勘

查當因瀘田并無漏糧苗田從不輸課差押苗頭拘

留三日勒令認完此糧議由乾州徵收發瀘奏解草

率定案及向苗徵糧而苗民以勒押枉認不肯完納

乾州同知亦以無經徵考成不肯墊發仍係瀘令包

賠十數年來瀘溪知縣呼籲之詳卷可充棟而乾州同知惟稱苗民不便滋擾難以強押追完每歲聚訟案延莫結臣到任之時據瀘溪縣知縣徐彪叙案憑詳情甚激切批發司道查詳久不具覆上年辰永道承貴到任臣面諭確核妥議今據會同署布政司按察使周人驥詳稱此案在乾言乾則懼招邊釁在瀘言瀘則懼貽民累惟有轉請

天恩豁免以結塵案臣悉心察核此項錢糧瀘溪混報陞科之楊通要等既已故絕難問而歷年包賠在官則累官在民則累民實多不便至乾苗將瀘民荒

四知堂文集

卷九 奏疏

七

土開墾成熟固亦事之所有但苗田止合衆戶量納雜糧今獨於界連瀘溪之業責令照依民賦按畝輸將雖官吏視為固然而蠢苗實出諸意外殊非仰體皇仁綏靖邊疆之道伏查紅苗歸化以來每年文武官吏兵役糜費俸餉六七萬金此八十餘兩之額賦何足償其萬一臣身任封疆見此數十年未清舊案未敢再事因循理合仰懇

皇上聖明垂鑒

特降諭旨將從前勒押乾州苗民認完瀘溪錢糧八十二兩九錢六分零恩賜豁免度

恩綸下沛苗民無不感泣奮發益堅其向化之誠而塵案得結官民亦共戴高厚於不朽矣臣冒昧陳奏伏乞皇上睿鑒施行

四知堂文集

卷九 奏疏

八

陳明湖南堤長毋庸革除疏

為 奏明事乾隆十二年四月初四日准湖廣督臣塞楞額札開三月二十五日接准部咨御史戴章甫奏請湖北有堤州縣將堤長禁革令地方官酌勘修築等因奉

旨著督撫速議具奏欽此除湖北各屬現在查辦但原文雖專言湖北而南省州縣多有堤工其中民修之堤有無堤長需索應否革除以及官為酌修可否併於戴御史條奏案內辦理之處未悉情形望即惠覆等因准此臣查湖南堤垸皆里民就濱湖荒地圍

四知堂文集

卷九 奏疏

九

築墾田農隙培修以衛已業無每年動帑官修之理至各垸堤長專司催督眾戶分段修築之事從前不無豪民劣衿夤充將已堤派入別戶及包攬侵扣各弊臣到任後嚴加飭禁責令堤民公舉公正之人州縣察驗遴點勤慎者或三年或一年一易不妥者隨時革換每年歲修之前令州縣及水利各員將堤厓預為勘丈分別施工之難易或以兩弓準一或以一弓準兩秉公按畝派分插籤記明業戶應修丈尺令堤長傳催各戶認籤趕修其堤長止許自修已名下之堤不許包攬他人之工州縣與水利各員令其周

流巡查如有堤長包修者究處斥換遵行在案今戴

章甫以堤長侵肥請行裁革但堤民淳頑不齊未必逾州縣之滾單踴躍赴工一人誘延即眾人觀望堤工務在秋冬趕修遲即貽悞非如錢糧上項不完可至下限且糧櫃存縣停滾不完即可查催若堤工每縣數十垸每垸數十里印官公務殷繁豈能駐宿堤間日事督催水利之員各係佐雜微員行役無幾亦豈督催能周况督催委之胥役其擾累恐更甚於堤長是就湖南而言革除堤長實有難行之勢臣已將情形札覆督臣聽其核議臣伏查力役之征三代所

四知堂文集

卷九 奏疏

三

有歷朝舊制賦役並稱我國家培養民生盡除徭役即濟河修城皆動公帑不勞民力寬仁之政古所未有至修堤係民自衛其田廬本應聽民自為今令州縣與水利之員巡查督催愛恤已為倍至堤長一項乃各堤傳催分管之人所必不可少者此輩即或間有需索之事亦在該管之員稽查約束所謂有治人無治法若因其不能無弊即欲盡行革除是猶因噎而廢食耳臣前任廣東肇羅道督催所屬堤工頗悉情形今歲查閱湖南堤垸大約相同其堤長一項實均可毋庸革除臺臣之言

似覺未得體要至湖北情形在督臣自能確核定議
臣謹附摺陳 奏伏乞
皇上聖訓

請嚴科場官生之防範以杜弊端疏

為請嚴科場官生之防範以杜弊端混事竊查鄉試開
內另編官生字號原係

國家格外作養之意但官生內勵志上進者固多而
亦有不脫統統習氣舉業荒疎臨場作弊以圖僥倖
之輩從前散坐於通場號舍往往以代倩而獲科名
近來官生共編一號同坐一處固可杜同號捉刀之
弊但號外傳遞仍難盡絕湖南舊時兩號對坐號軍
無處容身多立號外傳遞尤易今科現在改造號舍
一例向南號軍可在號內外加柵欄較前已為嚴密

第臣所聞各省通弊士子先日點名進場甫入號舍
卸去衣物即出外紛紛奔走聚談禁之不理而官生
為尤甚伊等自恃縉紳子弟巡場員弁畧加規束則
輒行叱辱遂得任意各號往來與場外預囑代筆之
人密語私訂厚賂號軍聽其使令或乘散給粥飯之
時或在初九夜中借取水取物為名彼此號軍出號
關照暗通常致以偽亂真近雖定有榜後覆試之例
但此輩又妄以父兄情面未必覆壞仍難必其無犯
又臣查官生在場多有監臨與提調監試各大員及
場內一切員弁餽送食物與號口獎勞問答之事鄉

闈大典殊非所以肅觀瞻而避嫌疑臣今年湖南鄉
闈忝任監臨擬於場前先期出示嚴禁士子出號奔
走并嚴飭官生毋得故違曉以利害使之預知凜惕
場內則多派幹員巡看柵欄不許私放出入於官生
號口更豎牌曉示慎選號軍專員看守散給粥飯及
每場夜間更添委委員於官生號口加謹巡視其大
小各官向官生送物接談之事一併申飭禁止以杜
弊端而肅大典謹先將擬辦事宜恭摺奏請

聖鑒訓示至各省情形相同應否預爲

降旨通飭一體防範俾官生各知敦品力學而人材

四知堂文集

卷九 奏疏

圭

亦可造就理合恭請

皇上睿鑒施行

請定稽查辦木之遲延以速公務疏

爲請定稽查辦木之遲延以速公務事竊查湖南每
年額辦解京桅木二十根杉木三百八十根架木一
千四百根桐皮杉槁木二百根以

京師各工之需用而派辦止有此數價值水脚又准
銷寬裕誠不欲稍貽民累也緣桅杉二木近地難覓
須向辰州府以上沅州靖州及黔省苗民境內採取
架槁二木則需在常德聚木之處購辦而紮牌駕運
經歷江湖黃運各河又須備木幫護以免沿途磕觸
傷損此原難少之項乃領帑承辦之同知通判等官

四知堂文集

卷九 奏疏

圭

每借採辦名色在於苗地不問民之願賣與否將樹
木混行號記給價砍伐苗民以奉公採辦不敢較論
及至常德府德山河下商木會聚之所又將商木選
擇號記輕價勒買除額辦外常夾帶私木至江南一
帶逗遛私賣每有在途經年之事內部行催本省不
知其逗遛何處卽咨沿途各省查催彼以風水阻滯
飾覆無從究詰誠不可不立法稽查以杜其弊臣到
任以來察知常德勒買商木之弊已行令承辦之員
會同武陵縣知縣將架槁二木在於常德河下公憑
木牙平價採買不許委員自行號記在案其在辰州

以上各苗地採辦桅杉二木現亦行令布政司查議轉飭如果聚木行市之處辦不足數須在苗境購覓務必委員知會地方官詢問苗民情願然後照依時值買砍仍令地方官通報查考其木運至辰關承辦之員將所辦木數申報辰永沅靖道親臨查點以杜多帶漁利之弊亦在案至其沿途逗遛本省無從查察應請嗣後開行之時先期咨會沿途督撫飭行地方官照糧船銅船之例催趨出境或有風水阻滯地方官結報本省督撫移咨湖南備案若在途無故逗遛私賣地方官據實揭報請叅狗隱者查出一體

四知堂文集

卷九 奏疏

五

議處如此庶擾累民商遲延各弊可以禁杜而公務亦得速竣矣但非定例通飭恐各省奉行未能實力

臣謹恭摺陳 奏伏乞

皇上睿鑒勅部議覆施行

陳明辦理楚粵毗連苗疆分界疏

為奏

聞事竊查湖南靖州所屬綏寧縣之崗雷張正二苗寨與廣西懷遠縣之程陽苗寨地界相連田畝錯雜雍正六年於欽奉

上諭事案內兩省文武會勘以地名冷水坳兩山對峙之中分界緣粵苗人戶衆多分界以後屢有開闢多越楚界而楚苗人丁稀少無力墾闢初亦不甚較量迨乾隆九年粵苗藉有墾田并強砍山樹楚苗遂起爭訟據前任綏寧知縣董琰具詳前任撫臣蔣溥咨

四知堂文集

卷九 奏疏

五

會廣西撫臣託庸委令董琰會同懷遠縣知縣許朝會勘將界址再行劃分以靖邊疆嗣兩令詣界會勘苗民彼此爭執不能定斷又詳咨改委大員湖南則委辰沅靖道今陞陝西按察使馬金門廣西則委右江道今陞湖南按察使周人驥公同查勘該二道以雍正六年定界止就山之形勢劃分原未細及田畝今粵苗在楚界內墾田既多且久經成熟若照舊界劃歸楚苗在粵苗必不甘兩省苗民強弱異勢將來搆爭終非了局議照粵苗已墾之田為界此後永禁再行越墾兩造苗民各俱允服取具遵依會詳前

來臣察核所議已屬妥協當卽如詳批允咨會廣西
 撫臣託庸去後嗣准託庸咨以查閱圖形山坡之東
 有溪河一道應以溪河爲界將楚省尙雷張正二寨
 歸粵管轄移咨到臣而前任督臣鄂彌達接到二道
 會詳又欲仍照雍正六年所定之界令楚苗償還粵
 苗墾田工本田歸楚苗批司查議臣查苗性愚頑若
 不問其兩相情願與否官爲硬斷必致仇爭無已釀
 成大獄非寧謐邊疆之道隨檄飭司道并咨粵西撫
 臣轉飭傳詢苗民去後旋據司道詳覆據綏寧縣詢
 問楚苗堅稱粵苗勢強從前屢受欺凌若再同隸一
 四知堂文集 卷九 奏疏 七
 省愈遺魚肉至墾田工本亦無力償還情願田讓粵
 苗永守現定之界等因復經臣移咨粵西撫臣定議
 咨覆以便結案茲於四月二十七日准廣西撫臣鄂
 昌咨稱查詢粵苗亦不願受銀退田前二道所定之
 界實屬妥協現在兩縣苗民允服可以無庸更議等
 因臣覆核粵苗在楚界墾田已多今既照田定界聽
 其管業則心已厭足而楚苗原非覬覦粵苗之田祇
 因又砍山樹越佔無已故致爭訟今田歸粵苗餘山
 仍歸楚苗自兩道會勘定界以來一載有餘兩地苗
 民久已相安且兩省武職又時於彼地會巡彈壓則

照兩道之議實可永杜爭端除咨明督臣塞榜額并
 咨覆粵省督撫二臣外臣謹將兩省分界定案緣由
 恭摺奏
 聞伏乞
 皇上睿鑒
 四知堂文集 卷九 奏疏 天

請嚴禁擅動倉穀以杜虧空疏

為請嚴擅動倉穀之禁以杜虧空以肅吏治事竊查常平倉穀所以平市價備荒賑關係最為緊要我皇上宵旰籌畫所以為民積貯之計者蓋已無所不至迺又因各省州縣間有虧空

特降旨嚴加申諭無非欲倉儲歸於實貯度幾有備無患臣伏思

國家功令科條其嚴倉穀之虧空如懲侵那重盤查責買補蓋已極為詳備然尚有一事相沿足以致虧空之漸所當嚴為禁止者查有一官即有一官之家

四知堂文集

卷九 奏疏

无

口食米乃管理倉儲之州縣知府持有常平倉穀凡署內家口食米皆將倉穀碾用蓋市米價值時有貴賤而取用倉穀止須照平糶賤價即可歸還或偶備公用細則又自恃動用無多輾轉挨延不即歸補迨至碾用愈多則歸補愈難此虧空之漸在州縣府者也又有一等同城之上司所需家口食米不自購買而令附郭之州縣先行供應後發價備其實州縣非有銀錢代為市買不過將倉穀碾送至於發價之多少則州縣不敢與較甚有因此拖欠致州縣暗中賠補此虧空之漸由上司者也夫知府與上司皆有

盤查督察之責今知府用倉穀何以責州縣上司且利州縣之供應食米何以責知府所以一當盤查則瞻狗彌縫在所不免此等情弊雖砥礪者固未必皆然而相沿積習各省實亦不免臣現在檄飭所屬嚴行查禁但非著為

功令無以共相儆惕合無仰懇

聖明恩鑒勅部申明律例通行飭禁是亦杜虧空之漸之一端於吏治不無小補者也臣言是否可採伏

乞

皇上睿鑒施行

四知堂文集

卷九 奏疏

辛

遵 旨陳明苗疆銅礦毋庸開採疏

為欽奉

上諭事乾隆十二年九月初八日准尙書傅恒字寄內開八月十八日奉

上諭據署廣西巡撫鄂昌奏稱桂林府屬義寧縣龍勝以內之獨車地方與湖南綏寧縣連界該處有把冲嶺坐落楚地銅礦甚旺應行開採等語朕思開採一事雖有益於鼓鑄每易於滋事而界接苗疆辦理尤宜慎重今所奏綏寧一帶既係苗疆地方必須悉心詳查徹始徹終細加籌酌將來開採之後萬無一

四知堂文集

卷九 奏疏

三

失方可舉行若於苗疆稍有未便斷不可因目前之微利啟將來之患端不如慎之於始照常封禁以杜聚集奸匪之漸可將此摺抄寄湖南巡撫楊錫紱令其加意查察將應否開採之處據實奏聞欽此寄信到臣當將綏寧縣把冲嶺銅礦情形臣尚未深悉現在密扎布按二司委員前赴確加勘驗查察俟覆到將應否開採之處據實奏

聞緣由恭摺覆 奏十月二十七日奉到

硃批知道了欽此今於十一月十五日據布政使溫福按察使周人驥會稟內稱據委員辰州府同知朱

燕會同署綏寧縣知縣明英稟稱昇職等同至把冲地方查看得該地四面俱係苗寨與廣西義寧懷遠兩縣苗寨連界其出礦之處周圍丈量共止九十五丈因從前開挖下截已塌為平坡上段亦已破裂中有仙旺等五洞係乾隆四年招商開採後因眾苗紛爭焚卡搶物審詳咨部封禁有案乾隆八年兩廣慶督院咨商開採經前任知縣董琰查明議詳仍請封禁乾隆九年前任鄂督院飭委湖北安陸府同知岳都查勘創試於舊礦左右復開六洞深至二三丈因出砂有限又行封禁各在案今昇職等於舊開最旺

四知堂文集

卷九 奏疏

三

之新興洞旁挖深二丈有餘并無礦砂又於洞左再挖一洞獲有黑色礦砂用水淘洗兩次煎煉費過五十一工實得淨銅八觔九兩詢之爐戶砂夫俱稱從前初開原有綠色好砂自乾隆四年以後創挖便只有黑砂實銅砂之最下者又勘得山下即係苗田詢據苗頭楊仁萬等僉供從前開採壓壞苗田現有痕跡可驗此地糧田數千畝全仗溪水灌蔭若開採必在溪內淘洗礦砂有礙灌田再每逢天雨水從廠上流下俱有銅銹氣汁禾苗被傷更兼聚集外來多人柴米俱貴實多不願等語本司等查把冲礦山既不

寬廣砂又不旺深在楚粵苗寨之中聚衆開採淘砂之水既礙苗田柴米價昂又礙民食雖有文武官彈壓難保不生弊端似應仍前封禁等情到臣查開採銅礦雖以資鼓鑄然地在苗疆即使銅砂果旺亦應籌畫萬全今綏寧縣之耙冲地方經臣委員確勘出礦之山既不寬廣創挖銅砂又屬低下是目目前本無利益且深處苗穴於田畝民食俱有所礙乾隆四年開採已有苗民焚搶之案則其地之易於滋事已可槩見誠如

聖諭斷不可因目前之微利啟將來之患端也所有

四知堂文集 卷九 奏疏 聖

耙冲礦廠 臣悉心詳查應請仍舊封禁爲便 臣謹據

實恭摺覆 奏伏乞

皇上睿鑒

請黔楚界連人民仍聽租山挖蕨蔬

爲覆 奏事竊臣於本年十月初八日准貴州撫臣孫紹武咨查湖南辰谿芷江二縣民人胡秀生等大員前赴貴州思州府地方確查辰谿縣在彼挖蕨民人大小共九十八名口芷江縣大小共二十五名口

聞於十一月二十六日奉到

殊批孫紹武已奏明矣欽此 臣查此案先經飭司確

查茲據布政使溫福詳覆內稱湖南辰州永順沅州

靖州所屬與貴州連界各山在在產蕨小民無論年歲豐歉每於秋成後攜妻帶子結伴同行或近在本處或遠至別屬租山採取所出租價名曰鋤頭錢每鋤二三錢不等所淘蕨粉除佐食外餘以賣易銀錢此小民一季生涯載在各屬誌書可據今查辰谿縣收成入分原非歉薄芷江縣收成六分亦無被災之處據辰州府知府陳嘉穀沅州府知府董思恭各委員前赴貴州思州府地方確查辰谿縣在彼挖蕨民人大小共九十八名口芷江縣大小共二十五名口

實共一百二十三名口各因界址毗連親族錯處前
 往依傍租山挖蕨適遇塘汎盤詰責取結狀方准挖
 蕨遂捏稱度荒抵飾現俱給資回籍安插得所并據
 貴州思州府送到姓名清册核對相符該府縣實無
 匿災情事但此出外挖蕨之民現雖逐一招回然原
 係民間生理楚民出租挖蕨黔民因山取利若因此
 番冒災而槩行禁阻似於民情未便等情詳覆到臣
臣查楚黔連界楚民往黔在黔雖若越省而楚民則
 視爲往來親族近地其租山挖蕨原係每歲秋冬常
 事此次辰谿芷江二縣人民在黔冒賑既查係因塘
 汎盤詰阻攔因而捏詞度荒則地方官尙無匿災不
 報情弊且租山挖蕨在楚民得蕨之利在黔民獲山
 之租邊鄙小民彼此均屬有益亦未便因此番冒賑
 而卽行禁阻臣請嗣後每歲秋成之時兩省各飭連
 界州縣畱心查察如係依親傍友租山挖蕨應仍聽
 其便卽或有藉詞歲歉外出度荒者州縣俱屬鄰近
 亦必先移查確實再行辦理庶奸民不致存希賑之
 心而窮民仍受挖蕨之利似爲妥便臣謹將查明情
 形據實覆 奏伏乞
 皇上睿鑒

四知堂文集

卷九 奏疏

五

四知堂文集卷九終

四知堂文集

卷九 奏疏

五

四知堂文集卷十

清江楊錫紱方來著

奏疏

遵 旨陳明米貴之由疏

為欽奉

上諭事乾隆十三年二月二十四日承准內閣字寄

乾隆十二年十二月十二日奉

上諭軍機大臣等議覆西安巡撫徐杞所奏民間糧

石有奸徒射利預先給銀賤價定買及囤戶居奇等

弊應令各省督撫不時嚴飭地方有司查禁等語所

四知堂文集 卷十 奏疏

議固屬現在應行之事然督撫奉到部文不過轉行

各屬出示禁約多一番文告而已有司之果否實力

奉行即奉行而於米價之貴賤實在有無裨益尙未

可知也朕思米穀為民生日用所必需而邇年以來

日見騰貴窮黎何以堪此即如川湖素稱產米而川

撫紀山則以商販雲集米價騰湧為奏湖北督撫則

以江南被災資楚糧接濟以致本省米貴為奏又如

直隸一省向藉入溝糧石今歲畿輔尙屬有秋而入

溝亦以搬運太多而貴夫商販流通貴則徵賤間或

暫時翔湧何至連歲遞增有長無落若謂囤戶居奇

此實弊藪然自地方官力所能禁何至全不奉行任

其壟斷累民而督撫漫無覺察竟無一實力嚴禁著

有成效者若謂戶口繁滋則自康熙年間以來休養

生息便應逐漸加增何獨至今日而一時頓長若謂

水旱偏災則亦向來所有何以從來未聞如此之貴

且亦當歉者貴而豐者賤又何至到處皆然豐歉無

別若謂康熙年間倉儲有銀無米雍正年間雖經整

飭尙未詳備今則處處積貯年年採買民間所出半

入倉庾未免致妨民食此說似乎切近然在當時分

省定額悉經該督撫分別酌議自按各省情形且至

四知堂文集 卷十 奏疏

今足額者寥寥亟須採買所在皆是藉以備荒撥賑

難議停止設或果由於此則當切實敷陳商酌妥辦

不當聽其自然而不為之所也朕反覆思之不能深

悉其故亦未得善處之方夫人事不修而民生不裕

今日政治之闕失何在所以致此者何由米豆關稅

業經通免雖不可因此遽求奏效而於米價宜不為

無補又何以價不日減轉益日增今使復徵不且較

此更增乎朕自御極以來宵旰勵精勤求民隱閭閻

疾苦無或墜於上聞乃不能收斗米三錢之益而使

赤子胥有艱食之累殊益焦勞各督撫身任封疆於

民生第一要務必當詳悉熟籌深究其所以然如果得其受病之由尤當力圖補救乃各省督撫或不以介意或歸咎於鄰封或責過於商販而應作如何辦理之處並未籌及可傳諭各督撫令其實意體察詳求得失之故據實陳奏或朕所舉諸條之外別有弊端俱宜確切入告務期實有裨益以裕民天更不得因論旨中偶及免稅一節誤會朕旨以謂意在仍徵米稅也欽此遵

旨寄信到臣跪讀之下仰見

聖主念切民天熟籌足食之至意臣忝任封疆敢不

四知堂文集

卷十 奏疏

三

實意體察詳求得失之故以仰副

勤求民隱之

聖心臣伏查水旱偏災與圍戶拮奇雖亦足致米穀

之貴然尚非所由貴之源也臣竊以米穀之貴由於

買食者多買食之多由於民貧夫

國家休養生息百餘年於茲荒土盡闢宜乎民之日

富而反貧者積漸之勢也所謂積漸之勢有四一日

戶口繁滋一日風俗日奢一日田歸富戶一日倉穀

採買倉穀採買之弊我

皇上所謂處處積貯年年採買民間所出半入倉庾

未免致妨民食此說似乎切近蓋已

洞悉情形毋庸更贅戶口繁滋則今日海宇實在情形

聖諭謂自康熙年間以來休養生息便應逐漸加增何至一時頓長以臣觀之實亦未嘗不係漸增臣生

長鄉村世勤耕作見康熙年間稻穀登場之時每石不過二三錢雍正年間則需四五錢無復二三錢之

價今則必需五六錢無復三四錢之價蓋戶口多則需穀亦多雖數十年間荒土未嘗不加墾闢然至今

日而無可墾之荒者多矣則戶口繁滋足以致米穀四知堂文集

卷十 奏疏

四

之價逐漸加增勢必然也臣謂由於風俗日奢者蓋國初人經亂離備嘗艱苦風尚儉樸迨安居樂業數

十年後子孫有笑其祖父之樸陋者矣衣食之類競求佳麗婚喪之事務期美觀始於通都大邑今則荒

徼山僻之農民亦漸習奢靡平時揭借為常力田所入抵債去其大半餘又隨手花銷甫交冬春即須糶

米而食農民口食亦取給市鋪則價焉得不長也臣謂由於田歸富戶者

國初地餘於人則地價賤承平以後地足養人則地價平承平既久人餘於地則地價貴向日每畝一二

兩者今至七八兩向日七八兩者今至二十餘兩貧而後賣既賣無力復買富而後買已買可不復賣近日田之歸於富戶者大約十之五六舊時有田之人今俱爲佃耕之戶每歲所入難敷一年口食必須買米接濟而富戶登場之後非得善價不肯輕售實操糧價低昂之權夫一物也一人市之價不能增也十人市之則一時頓長矣十人出售價不能求多也一人獨售則任其高勒矣如是而米穀安得不貴乎今就四者之由合而計之生齒之繁此

四知堂文集

卷十奏疏

五

均田不可然此法行之開創之初尙虞紛擾今累葉承平之時更難施行惟風俗奢靡尙屬勸禁可施或婚喪往來示以一定之閑或衣服器具限以莫踰之制現奉

欽定禮書頒發飭遵應令地方官實力董率酌示勸懲自紳士而及齊民自城鎮而及鄉僻以次釐革風或稍戢但人情由儉入奢易由奢返儉難此止可徐徐化導不能遽收其效至於常平積貯藉以備荒難議停止

聖明遠見誠爲探本握要然臣再四思維雖不便因

採買致貴而議停止而其中亦尙有應斟酌調劑者蓋積貯以足數賑濟而止不必過多乾隆九年御史孫頤奏請酌定常平貯穀額數以平市價經部議准通行各省雖俱酌定額數然當時督撫究竟爲有備無患之意重而未深計及於穀價之日昂採買之維艱卽以湖南言之州縣之倉有貯至五六萬者府倉有貯至七八萬者亦未免過多應飭各省將定額再加詳細確核有過多者酌量裁減十之一二其已買足者於平糶時存銀歸庫未買足者卽扣除不必再買又從前部議各省倉穀足額後續有收捐監穀設

四知堂文集

卷十奏疏

六

遇賑恤動用毋庸買補第賑恤已有額貯之穀此額外捐穀與其久貯繁重不如逐歲賣之湖南現在將額外捐穀每歲糶價解司爲修理城垣之用他省似亦可照行又常平糶三爲出陳易新計耳其實豐年之後原無資於平糶而倉穀堅好亦有可存貯數年者州縣官因年例糶三卽穀好年豐亦必出糶請嗣後不必限定每年糶三遇年歉價貴之時多糶固可如年豐價平之時卽不糶亦可益多糶一石小民未必多受一石之益而少買一石間閭卽受少賣一石之惠矣又臣伏讀

諭旨詢及今日政治之闕失何在所以致此者何由
仰見

聖德謙沖治益求治誠天下生民之福也臣反復思
之今日政治大綱細目無不畢舉第奉行之下致力
不專循名者多而盡實者少即如定例令州縣官徧
歷鄉村體訪應與應禁各事將行之有無效驗造冊
詳報督撫核實三年一次奏

開此固責實之意然查所列應興諸政皆係易於鋪
張假冒之事其有實跡可據而難於粉飾者莫如地
方之水利顧因泛濫之事多而水利亦遂致力不專

四知堂文集

卷十 奏疏

七

未奏實效臣竊以爲目今養民之政尤當專意講求
者莫如水利一事似應酌立勸懲之法使各認真料
理免托空言蓋近日荒土雖已盡闢而水利尙未盡
興夫雨暘偶愆事所常有果水利之蓄洩有資自非
異常水旱豈即坐視無收今江湖河港之水利其在
通都孔道者固已逐一整頓然山鄉僻壤之間舊有
陂塘堰壩歷久湮廢者不少又一鄉一隅水泉隔遠
塘井不足雖可疏引開濬而地屬有主倡率無人遂
多因循者亦不一而足大約民間百畝之田有一二
畝陂塘即可救蔭而愚民昧於遠計寧爭此一二畝

歲收之穀不知偶值少雨并百畝而棄之若親民之
官爲之指示開導當無不爽然悟者臣請

勅下直省責成道府等官督率州縣專力於水利務
必實心講求稽之志乘訪之紳耆凡遇下鄉之便即
畱意相度何處舊跡之宜復何處新工之宜與面同
該地士庶熟籌詳議或勸其協力或代其設法或量
捐薄俸以爲倡或酌請公項以爲助果有實意感孚
於民誰不踴躍從事風聲所樹卽身未親歷之處一
切水利民間亦必自爲興復則土盡膏腴出穀可倍
於舊而蓄洩有備偏災不能爲患庶於米穀之貴不

四知堂文集

卷十 奏疏

八

無裨益此等陂塘堰壩之新復新與俱有實跡可以
勘查道府勘驗確實果於民田有益詳請 題咨酌
與議叙其有平日漫不經心以致早澇得以爲災亦
令道府於勘災之際查有未興水利州縣明知不理
者卽詳揭參處如此似可使州縣專力講求水利於
應興諸政中尤加意料理未必非補救米貴之一道
也夫米價之貴今日已成積漸之勢欲令一旦而復
歸於賤誠未易易就臣所見不過於採買之中斟酌
調劑并請專力水利以期產穀之多是否有當伏惟
聖明裁擇臣謹恭摺覆 奏伏乞

皇上睿鑒訓示

四知堂文集

卷十 奏疏

九

報明大修堤垸疏

為恭陳大修堤垸情形事竊查湖南長沙岳州常德
澧州四府州濱臨洞庭大湖民就湖灘墾田所築堤
垸藉以捍衛田廬攸關緊要每年農隙水利各員督
民培修以禦夏秋水患臣於乾隆十二年二月親臨
長沙府屬之湘陰益陽二縣逐加查勘將險要堤工
宜三年連加大修護堤柳株宜一律栽種以後民垸
宜永禁再圮各事宜條列陳奏經部議准欽奉

俞旨行臣飭遵在案所有險工三年連加大修應以
乾隆十二年農隙為始臣續又訪查長岳常澧四府
四知堂文集 卷十 奏疏 十

州所屬平堤險堤雖向俱造冊申報有案第歷年已
久情形各異從前當水要沖之險堤或堤脚已多淤
漲或水道改徙近無沖激與平堤無異從前所定平
堤或舊淤坍卸或水道近又沖激現已成爲險工再
向例雖按田派工而水利官不能盡行親丈堤長與
富戶勾串所派每多不公諉延之弊由之而起臣上
年秋成後檄行長寶道岳常澧道督率州縣及水利
各官又遴委佐貳幹員協同早為料理將堤內之田
清丈明白均派承修平堤險堤據現在情形秉公更
正照臣奏准之例險堤責令田主每年加厚三尺

加高二尺以三年爲止各田主亦知每歲因循常罹水患今一勞永逸得成腴產各踴躍加築於原定厚高三尺二尺之外多有更加厚高者其平堤歲修例係佃民承修今因派工公允亦俱爭先趕築幸上年冬晴日多各屬險隄之大修平堤之歲修各已依限早竣除催據長寶道嚴有禧岳常澧道淑寶勘明保結咨部備案并現飭該二道督民趁今春時堤上多栽柳枝點驗冊報外謹將乾隆十二年險堤大修情形據實恭 奏伏乞

皇上睿鑒

四知堂文集

卷十 奏疏

十一

報明濱湖州縣被水情形疏

爲據實奏

聞事竊查湖南濱臨洞庭各屬民就湖荒築堤墾田間亦於堤內搭蓋茅屋棲住耕種本年五月十八九二十二二十五六七等日連日大雨各處山水長發上游建瓴而下勢甚猛激致各屬堤垸當水衝要之處間被衝決查長沙府屬益陽縣與常德府屬沅江縣二縣合共之夏子口西垸於五月二十七日衝開堤二十一丈又常德府屬武陵縣之大灣堤善眷堤龍陽縣之太和障於五月二十八日同日俱被水衝開一口自三丈四丈至二十丈不等內武陵龍陽據該二縣報稱堤內居民見雨甚大各早遷徙並未損傷人口旋即天晴水漸消退高處禾苗無損低田尙可補種晚稻俱已借給社穀以資籽本其茅房有倒塌者照例給銀賑恤衝損之堤捐備椿帚督民星夜搶築修整等情其益陽沅江合共之堤則據報稱人民雖亦無損但衝開之口於六月初旬又遇大雨水未消退難以搶築現雖天晴必俟堤內之水消盡始可修整將來可否補種晚禾尙難預定又據直隸澧州續報六月初五日大雨如注初六日寅時山水驟

四知堂文集

卷十 奏疏

十二

發宣洩不及州城水深五六尺午時即漸消退附城居民俱幸無念其各鄉村莊俱水長丈餘及數尺不等田廬有無損傷現在率同佐雜各官分路查勘另報等情臣當各飛飭布政使移行道府星速遴員確加查勘果否人民無損撫卹得所武龍二屬是否堤已趕築益沉二屬是否水漸消退堤可修整各可補種晚禾以冀有收優給籽本母令失時貽悞其澧州山水驟發漫溢城鄉情形似覺稍重已飭布政使委員酌帶司庫銀兩馳往會同該州徧為查勘照例賑恤一切據實妥辦不得稍有隱飾如或成災即行詳

四知堂文集

卷十 奏疏

十三

請題報外所有各屬雨多水發情形謹據實奏聞再各屬堤垸上年歲修之後俱據該管道員於今春結報各已一體堅厚此番衝決雖由山水猛激且多新築民圍尙有未陟科者但有無修築草率所致現在確查核參合併陳明伏乞

皇上睿鑒

請代買江蘇倉穀以備積貯疏

為恭請代買倉穀以副胞與之

聖懷事竊查湖南地方本年雨暘時若早稻已獲豐登中稻暢茂亦秋成可必雖濱湖地方間有一二被水皆一隅偏災為數有限秋成之後穀價自必平減而各屬本年循例平糶亦赴買寥寥所糶有限將來買補亦易查湖南產米之區他省多資接濟臣向聞江蘇地方未經買補倉儲甚多今歲春夏之交米價頗昂近閱邸抄又見奉

四知堂文集

卷十 奏疏

十四

旨江西撥米十萬石赴江蘇接濟則江蘇各屬本年平糶倉穀為數必多即秋收豐稔穀價必較湖南稍貴本地一時未必俱能買補足額此一定之勢我皇上屢念民依於各省倉儲籌畫至為周備臣忝任封疆有可酌盈劑虛之處當無本省鄰省之分以臣愚見請於湖南司庫酌動帑項令近水次穀價平賤之州縣分買穀二十萬石俟買足之日運赴長沙先期移咨江蘇撫臣委員赴楚領運分撥各屬補額買穀價值及州縣運省脚費於湖南核實報銷委員領運脚費聽江蘇報銷均以江蘇應買之穀價劃抵如此一變通間於江省倉儲似有裨益臣言是否可採

謹恭摺陳 奏伏乞

皇上睿鑒訓示

四知堂文集

卷十 奏疏

五

據實自陳棟樑待罪疏

為據實自陳棟樑待罪事乾隆十三年六月二十六日准湖廣督臣塞楞額密札內開六月二十一日准兵部火票遞到大學士等字寄內開六月十二日奉上諭山東沂州營都司姜典漢奉天錦州府知府金文淳皆於孝賢皇后百日內剃頭經巡撫及副都統參奏已降旨解交刑部治罪本朝定制遇有國恤百日以內均不剃頭倘違例私犯

祖制立即處斬亦如進關時令漢人薙髮彼不薙髮者

四知堂文集

卷十 奏疏

六

無不處斬之理此百餘年來人所共遵不待傳諭而後曉是以會典律例皆無明文蓋因修會典時不過增損明季之舊章明朝原無此制也又以其事本理法所必當然不必載之簡策即如子孫孝養父母當食進食當衣加衣豈待專設科條然後盡其子職亦豈得以律令不載遂為不孝者解免至謂漢人遂可不遵百日之制苟存此心即與不薙髮者同尤不容誅也伊等身為臣子豈有不遵國朝定制之理若謂出於不知又豈不見他人尚未剃頭何以並不推求其故安心違犯此即立行正法以彰憲典亦無可恕

然自朕思之律例會典究無明文而部文究未傳諭其所以未經聲明者亦因其為衆所共知今既欲明正其違制之罪則又當體其愚昧犯法之情且或遠方僻陋拘於二十七日除服之文實有陷於不知或見他人有剃頭者即謂事屬可行冒昧觸網此等情節又不得不格外矜原更恐外省見有此兩案諭旨慮蹈狗隱之愆紛紛查奏國家亦無此體制可傳諭各督撫提鎮學政欽差各官等此旨未到之前或現在已經查出之案自當參處不容廢法姑縱其餘未經發覺者槩不必另行飭查旂人本屬當知若有喪

四知堂文集

卷十 奏疏

七

心之徒不在此寬免之例嗣後將國恤百日內不得剃頭違者立即處斬之處載入會典律例令人人共知遵守朕惟率由

祖制欲使法在必行並無從寬從嚴之見存乎其間欽

此遵

旨寄信前來相應密札欽遵等因札致到

臣跪讀

戰慄不能起立伏念

孝賢皇后上仙凡為臣子者無論滿漢內外自應遵

照

國制百日外剃頭乃臣昏迷謬戾泥於部咨二十七

日服除之文相沿各省外官舛錯之例於二十七日服除後迷妄剃頭今跪讀

諭旨不啻雷霆之震醒孽贖悔恨無及臣受

恩至深至重忝任封疆為通省屬員表率竟於此等

典禮不知推究遵守負罪重大輟轉怨艾實難自解

至通省屬員雖俱拘泥部文服除剃頭然究由臣一

人不知表率所致若盡行查 奏恭釋

諭旨恐於

國家體制有關其旂員自司道以下通省共二十人

距省遠者尚須確查始便彙 奏悚懼徬徨莫知所

四知堂文集

卷十 奏疏

八

措若妄希僥倖苟免隱忍不言則欺罔

君父臣罪尤不容誅惟有於

聖主之前據實陳明請

旨將臣交部嚴加治罪以為臣子昏迷謬戾之戒再

臣接准督臣札到

諭旨之日即擬恭摺據實自陳因督臣以事關兩省

札商畫一辦理往復數次意見不同以致稽延時日

臣亦不敢隱飾合并聲明臣謹據實陳 奏伏乞

皇上慈鑒臣不勝悚慄待罪之至

恭謝 天恩疏

為恭謝

天恩事乾隆十三年八月十三日辰刻接准吏部咨
開乾隆十三年閏七月二十二日內閣抄出本月二
十一日奉

上諭前因各省官員有違制私自剃頭者不治以罪
國法所繫又慮無知犯法者多朕心有所不忍故會
諭各省督撫不必查參惟諭滿洲督撫於所屬人員
內有已經查辦者止令具名奏聞若官員中復有如
金文淳之流者雖不治以重罪亦欲悉其姓名遲其
四知堂文集 卷十 奏疏 九

陞遷以示薄懲此朕本意也初不意督撫大員中即
有如周學健之流者今又據塞楞額奏稱伊於二十
七日後即已剃頭巡撫彭樹葵楊錫紱以及兩省文
武官員亦俱剃頭更屬意外可駭之事塞楞額滿洲
大臣歷任督撫有年乃如此喪心病狂實非意想所
及近因周學健以督撫大臣不遵國制已降旨拿解
來京重治其罪今觀塞楞額亦復如此實乃全不知
君臣大義試問伊於父母大事服制之禮若何若以
塞楞額所為為是則各省督撫令屬員皆俟百日者
反非乎漢人猶尚諉曰不知滿洲世臣而亦不知此

乎况君臣上下之所維繫者以有名分若於名分所
在慢忽而不知敬畏渺忽而膜不相關則紀綱陵替
人心澆漓將不可問所關至為重大前諭所降甚明
不可不亟為整頓也塞楞額著革職拿交刑部治罪
彭樹葵楊錫紱之剃頭雖因順從總督然既膺封疆
重任豈有漫無主見一味隨從附和之理但塞楞額
尚已剃頭何惟乎彭樹葵楊錫紱著將彭樹葵楊錫
紱俱革職從寬留任交那蘇圖於直隸城工派出二
處令伊等承修贖罪以示薄懲至兩省文武官員俱
視督撫所為何罪之有剃頭之案前有錦州知府金
四知堂文集 卷十 奏疏 十

文淳因滿員勸諭不從其罪較重已問斬決特從寬
緩決豈知督撫大臣中又有周學健則更無怪乎金
文淳豈知滿員大臣中乃有塞楞額則又無怪乎周
學健矣朕辦理諸事如鑑之空而權衡審度如衡之
平若將金文淳周學健塞楞額三人罪案比而同之
何以服人心明大義若將周學健與彭樹葵楊錫紱
比而同之則周學健乃出自己意亦非伊二人隨總
督之所為者可比周學健著從寬革職免其拿交刑
部發往直隸修理城工効力贖罪金文淳不聽滿員
勸阻非冒昧無心但官稍畀尚可末減金文淳亦著

加恩釋放發往直隸派修城工贖伊重罪欽此移咨到臣臣當恭設香案望

闕叩頭謝

恩訖竊臣至愚極陋仰蒙

聖主棄瑕宥過委以封疆重寄前者獲罪已沐

聖慈從寬革職畱任受

恩至深至重莫可名言今於

孝賢皇后服制二十七日後迷妄顛倒即已剃頭

國朝典禮全不考究遵守負罪重大即碎身粉骨不

足以贖乃

四知堂文集

卷十 奏疏

主

聖主天高地厚之恩宥臣之死並又許臣畱任止令

城工贖罪不但臣身為

皇上再生之身即臣入甸父母免見臣罹重罪仍畱

原任不致驚慘得延餘年是臣父母之身亦

皇上再生之身臣跪讀

諭旨伏地感泣涕泪不能自已臣即竭誠報効捐糜

頂踵亦何足仰酬

高厚於萬一除城工俟派定准咨到日即竭力承辦

外所有微臣感泣下忱謹恭摺叩謝

天恩伏乞

皇上慈鑒

四知堂文集

卷十 奏疏

主

遵 旨明白回奏疏

為遵

旨明白回 奏事乾隆十三年八月十三日未刻接
准吏部咨開乾隆十三年閏七月二十五日內閣奉
上諭楊錫紱違制剃頭具摺檢舉此案已於塞楞額
奏請時特降諭旨楊錫紱從寬革職畱任派修城工
贖罪此出自朕特恩則可若以情罪而論則按法定
擬首領不能保全豈尋常交部問擬遂足蔽辜伊所
謂請交部嚴加議處者又不知輕重矣至摺內所稱
與督臣札商往復意見不同等語其如何意見不同
四知堂文集 卷十 奏疏 三
著明白回奏欽此移咨到 臣 跪讀之下感悚交集
伏思 臣 違

制剃頭干犯死罪檢舉摺內理應請

交法司嚴加治罪乃止稱交部 臣 之迷謬萬無可解

茲蒙

聖主格外洪恩既有 臣 之死仍復

賜以訓飭 臣 捧讀涕零感激無地至 臣 前摺聲明與

督 臣 札商往復意見不同者緣 臣 於六月二十六日

接到督 臣 塞楞額轉寄軍機處所寄

諭旨恭讀之下驚知身罹重罪即擬據實檢舉請

旨治罪因二十七日又接督 臣 來札以事關兩省酌
量畫一辦理之法 臣 當以事已如此恐亦難逃

聖明遠照不如據實自陳引罪一身札覆督 臣 七月

初六日又接督 臣 來札以細釋

諭旨原不欲有參奏之事又謂紛紛

上聞有關體制 臣 復覆以違

制已干重譴若不言又加欺隱之愆上負

皇上疊次不欺之訓再四籌畫終以

上聞為是七月十五日又接督 臣 來札復言奏報諸

多未便不奏之說似又於曲體君父之說亦有所合

四知堂文集 卷十 奏疏 吉

臣 細看督 臣 第三次來札與 臣 意見不能相同因原

奉

諭旨旂員不准寬免而通省遼瀾旂員內或有遵

制之人尙未確查故暫以姑緩奏

聞旋覆嗣因札查所屬旂員已一月有餘而距省遠

者尙無一覆到 臣 既身獲重罪若又因此遷延檢

舉 臣 寤寐轉側實難自安是以於閏七月初六日恭

摺檢舉此 臣 與督 臣 往復札商意見不同之實在情

節也第 臣 身任封疆既冒重罪應即自行檢舉乃與

督 臣 往復札商亦即 臣 罪無可辭之處謹將督 臣 塞

楞額與臣原札并錄臣覆督臣札稿一并恭呈

御覽伏乞

皇上慈鑒臣不勝惶悚待罪之至

四知堂文集

卷十 奏疏

三

補授刑部侍郎謝 恩疏

為恭謝

天恩事乾隆十五年十月初九日接准吏部咨開乾隆十五年九月初一日奉

上諭都察院左都御史員缺著梅穀成補授楊錫紱丁憂在籍將及服滿著補授刑部侍郎令其於服闋之日即來京供職伊未到任之前刑部侍郎事務著嵇璜暫行兼管欽此臣隨恭設香案望

闕叩頭謝

恩訖伏念臣西江下士至愚極陋荷蒙

四知堂文集

卷十 奏疏

三

聖恩屢畀封疆重任力小任重毫無補報過愆業積屢荷

矜全及丁臣父憂遵例在家守制服屆將闋又荷

恩綸補授刑部侍郎令於服闋之日赴京供職臣聞

命自天感激無地伏思刑部為刑名總匯侍郎為卿

貳要職臣何人斯膺此

異數惟有勉竭駑駘益勵靖共以供職守庶以仰報

聖恩於萬一耳除俟服闋之日即星馳赴京供職外

所有微臣感激下忱謹先繕摺恭謝

天恩伏乞

皇上膺鑒

四知堂文集

卷十奏疏

七

補授湖南巡撫謝 恩疏

為恭謝

天恩事乾隆十五年十一月二十一日准江西撫臣
移 到吏部咨內開乾隆十五年十月十五日奉

上諭雲南巡撫員缺著愛必達調補貴州巡撫員缺
著開泰調補湖南巡撫員缺著楊錫紱補授楊錫紱
將屆服闋即著從本籍速赴新任俟楊錫紱至湖南
開泰再往貴州刑部侍郎員缺著秦蕙出調補禮部
侍郎員缺著田懋調補吏部侍郎員缺仍著歸宣光
補授欽此臣隨恭設香案望

四知堂文集

卷十奏疏

美

關叩頭謝

恩詔竊臣西江下士材質謏劣遭逢

聖主屢畀封疆重任涓埃未報愧慙彌深三載以來

臣以父憂蒙

恩守制在籍將屆服闋即仰沐

恩綸授臣刑部侍郎臣方恭摺奏謝

天恩茲復接准部咨荷蒙

聖恩補授湖南巡撫臣聞

命之下感激無地伏思臣前任湖南巡撫三載有餘

於地方毫無補裨乃蒙

聖主不加棄斥仍

授以巡撫之任且臣母現年八十一歲江楚接壤臣

得以奉侍至署兼遂烏私臣何人斯叨荷

恩榮至於此極臣惟有矢竭丹誠實心實力察吏安

民以勵職守度以仰報

高厚隆恩於萬一耳除欽遵

諭旨即從本籍速赴新任外所有修臣感激下忱謹

繕摺恭謝

天恩伏乞

皇上睿鑒

四知堂文集

卷十奏疏

无

龍陽縣新墾圍田請並陞科疏

為欽奉

上諭事乾隆十六年正月初十日接准

廷寄內開乾隆十五年十二月二十六日奉

上諭據開泰摺奏湖南地方有好棍駕舟誘賭名曰

相識船頗為行旅之害雖經該撫節次緝究匪徒漸

知歛迹誠恐餘黨潛踪設局刁風未必盡除著將此

摺抄寄楊錫紱令其畱心訪查設法搜捕毋使宵小

竄伏貽累地方再龍陽縣大圍堤涸出地內續墾田

畝援照官莊之例給照徵租一摺着并抄寄楊錫紱

四知堂文集

卷十奏疏

三

將辦理情形是否妥協具摺奏聞欽此遵

旨寄信前來并抄寄開泰原奏二摺到臣欽遵查

辦已將查拿相識匪船餘黨緣由先於正月十七日

恭摺覆 奏聲明大圍堤續墾田畝援照官莊給照

徵租之處臣現確查核議另摺覆 奏恭陳

聖鑒在案緣龍陽縣大圍堤田畝從前止係府縣佐

貳會同該縣知縣查丈未經大員親勘臣欽奉

諭旨未敢草率隨檄行布政司飭委常德府知府雷

暢前往確勘議詳茲據布政司周人驥轉據該府雷

暢詳稱遵勘大圍堤周圍一百二十里西南地高東

北地低圍民墾田自高而下除額田五萬一千七百七十餘畝久經陞科外其餘田八千八百五十二畝零開墾已久現請陞科又田二萬三千九十餘畝係雍正八年以來陸續開墾地處低窪易遭水患前議援照官莊之例給照徵租俟數年後果成熟田再請陞科今親加履勘此種續墾田畝自雍正年間至今亦不為不久向在東北低處築有木濶洩水未盡得法易被淹浸近年改建石濶宣洩甚速迥非昔比訪之圍民各願一體陞科以為永守世業卑府悉心覆核從前官莊之議原慮一經陞科或遇歉收查勘辦理未免掣肘今既確勘石濶情形與前不同縱間遇歉收自可隨時酌量辦理似應俯順輿情一體陞科庶為允協等情本司覆核無異相應詳覆等情到臣

臣查開墾田畝例應陞科龍陽縣大圍堤續墾田二萬三千九十餘畝形勢雖屬低下現已築有石濶洩水甚速既經成田自應照例報陞且從前圍民彼此告爭原因未經陞科之故若一圍之內陞科與官莊辦理互異小民難免疑慮况將來即偶值歉收自可隨時酌辦無憂掣肘與其請俟於數年之後再行察看不如即於此時俯順輿情一體陞科之為便查此

四知堂文集

卷十 奏疏

三

案前撫臣開泰原奏已經部臣駁查移咨到臣現行布政司詳細查核按照科則妥議詳覆至日另疏題覆外所有續墾田畝查明應并陞科緣由臣謹遵旨覆 奏伏乞

皇上睿鑒

四知堂文集

卷十 奏疏

三

請嚴禁假印稅契以肅功令疏

為請嚴假印稅契之禁以肅

功令事竊查律載偽造諸衙門印信者斬監候續奉定例假印騙財無多銀不及十兩錢不及十千者減為杖一百流三千里此原慎重民命法外之仁自必實係騙財有限始可量從末減也湖南奸徒慣行假造印信誑騙田房契稅近年以來其風更熾臣彙題乾隆十五年審擬流罪人犯其假印騙稅者計共七案現在各屬又多詳報之案推原其故總由州縣私侵契稅不粘司印契尾相沿已久近即申明禁令稽

四知堂文集

卷十 奏疏

三

查嚴密州縣稍知自愛者不敢故犯而民間狃於習聞止欲契上蓋印不計契尾之有無而棍徒得以私雕假印誑騙稅銀在鄉民用價買產寧惜稅契之費其被誑騙者俱係照例每兩三分而事發到官有司多姑息從事任聽狡供每兩騙稅不過一分及數釐之間常以盈千之契價而止照騙稅不及十兩科罪遂致奸民玩視假印之案日多殊乖辟以止辟之義臣請嗣後湖南假印騙稅之案俱照契價計贓定罪如攬騙各業戶契紙積算契價數滿三百餘兩核計每兩三分該銀十兩以上該犯即供認入已無多

亦照十兩以上依律擬斬不准減流其州縣衙門俱

照徵收錢糧設櫃之例并設契稅之櫃懸榜曉諭令業戶親自賣契投稅務粘司印契尾若混交匪人代稅致被假印侵收照不應重律杖八十責令換契重稅若貪圖便宜稅價短少者照短少之數加追一倍入官仍責成該管道府加意查察倘所屬州縣仍有侵收契稅不用契尾者即行詳參究追如道府徇隱失察即照正項錢糧例議處如此度幾假印奸弊或可稍戢臣為奸民積玩起見是否有當伏乞皇上睿鑒

四知堂文集

卷十 奏疏

三

敬陳清釐礦廠疏

為敬陳清釐礦廠之事宜仰祈

睿鑒事竊查湖南郴州桂陽州出產銅鉛先經康熙五十一年京商開採至雍正十二年封閉乾隆七年復請招商開採一應事宜俱照京商舊例辦理嗣經前撫臣蔣溥暨臣前任內先後 奏請增改章程節准部覆現在仍歸商辦責令知州督率并衡永郴桂道總理稽察在案緣該二州礦砂內原有銀氣復採以來未經報明又抽收砂稅鉛稅之法未盡妥協臣前任內行委衡永郴桂道朱陵親往查勘試煉未經

四知堂文集

卷十 奏疏

畫

辦竣離任朱陵亦奉

旨調任辰永沅靖道接任撫臣開泰以朱陵所查尚有未盡又委衡永郴桂道王秉和會同辰永道朱陵再往勘煉仍有指駁未經辦竣臣復任查卷與布政使周人驥將朱陵等先後勘煉稟詳悉心確核其間實在情形與未盡事宜有尚須清釐更正者敬為我皇上陳之

一砂稅即屬銀稅應據實聲明也查郴桂礦廠康熙年間京商原以銀礦報採第銅砂內無銀惟黑鉛砂內帶有銀氣多寡不等商人不能逐爐督鍊計銀抽

稅因就砂夫採獲之砂估看銀氣之重輕評定砂價

之貴賤砂夫賣與爐戶商人照價二八抽稅當時報作銀稅其實即砂稅也乾隆七年復採照依京商辦法仍抽砂稅惟恐名實不符改去銀稅之名臣稱砂稅又慮干部詰聲稱鉛內出銀不過滴汗成珠為數無幾止堪賞給爐戶出結送部在案臣前委衡永道朱陵前往試煉黑鉛砂內無銀氣者十之三四每百兩不等各如賣價不相上下爐戶煉銀止數抵還砂

四知堂文集

卷十 奏疏

畫

價其火工之費則取償於鍊出之鉛查各省礦廠並不先抽砂稅湖南則未抽鉛稅之先預抽砂稅原因砂內出銀之故從前銀稅即砂稅此日砂稅亦即銀稅歷係據實辦理但云滴汗成珠為數無幾止堪賞給爐戶殊屬含混今砂稅之名請仍其舊惟砂稅即銀稅所當據實聲明以備稽考

一砂稅抽分應官商各半也查礦廠各費原應取給於稅項但亦不容冒濫郴桂銅鉛之稅全數歸公惟砂稅則一半給商為廠卡公費所餘一半又商與官對分計砂稅十分以五分給商為公費又另給商二

分五釐商共得七分五釐官稅只二分五釐而已此
原京商開採 題定章程乾隆七年復採 奏明照
辦在案惟是砂夫採挖工本取償於砂價爐戶買煉
工本取償於銀鉛商人不過設廠估色設卡巡查前
無採煉工本約計榔桂二州每年砂稅共有銀七八
千兩商人厥卡各處丁役辛工飯食等項歲須三四
千兩以砂稅之半取給已屬充裕其另得之二分五
釐現在並無開銷未免冒濫查開採之始建造廠卡
房屋置備什物自多費用數年以來取償有餘從前
原照題定之例辦理難以究追此後自應改正請自
四知堂文集 卷十 奏疏 三

乾隆十六年起抽收砂稅每十分內先歸官稅五分
餘五分爲商人厥卡公費則商人辦公仍屬有資而
官稅每年可增銀一千八九百兩倘砂稅收多報少
捏混滋弊查出嚴追商人該州亦嚴叅議處

一黑鉛抽稅宜改毛鉛也查鉛砂初煉爲毛鉛再煉
爲淨鉛毛鉛百觔先煉淨鉛七十五六觔有渣二十
四五觔將渣再煉可得銅一觔七八兩又得淨鉛約
及二十觔折耗渣三觔十餘兩向例以毛鉛有渣必
俟煉成淨鉛始行抽稅今確加查核毛鉛之渣仍有
淨鉛并銅可得現在恐銅透漏卽以渣作稅稅外餘

渣又官爲收買煉出銅鉛以供鼓鑄是毛鉛並不遜
於淨鉛也毛鉛百觔先煉淨鉛七十五六觔必淨鉛
足數百觔始抽稅二十觔是核之毛鉛百觔止抽稅
約十五觔少稅五觔以榔桂每年所出毛鉛合計共
少抽稅七八萬觔矣從前未經細核相沿舊例以淨
鉛抽稅不便追問應自乾隆十六年起爐戶煉出毛
鉛卽照二八之例核定應抽稅數俟煉出鉛渣以渣
作稅其餘渣一并官買交商再煉銅鉛如此每年又
可增稅鉛七八萬觔於公項不無裨益以上三條臣
與布政使周人驥就調任衡永榔桂道朱陵等先後
四知堂文集 卷十 奏疏 三

勘煉詳稟逐一察核又與郴州知州明通桂陽州知
州汪度面相講論實應急爲釐正內砂稅卽爲銀稅
止須據實聲明鉛稅卽抽毛稅亦止須飭州遵辦於
章程並無更張惟砂稅半爲廠費餘俱歸官與前辦
章程有異應自乾隆十六年報銷冊內更正 臣謹將
查核清釐緣由恭摺 奏明伏乞
皇上睿鑒

四知堂文集卷十終



四知堂文集卷十一

清江楊

奏疏

奏明銅鉛價值不敷實難核減疏

為銅鉛價值不敷據實陳請

聖鑒事竊查湖南郴州二州開採銅鉛其間實在情形與未盡事宜有尙須清釐更定者臣前經恭摺

奏明在案茲查該二州承辦銅鉛部價核之試煉工本實在不敷亦有不敷差於

上聞者查郴州桂銅除抽稅外餘銅盡歸官買以供四知堂文集 卷十一 奏疏

本省鼓鑄臣前任內曾委驛鹽道鍾昭前往試煉每

銅百觔實需火工銀一十二兩向來每百觔抽稅二十觔餘八十觔給價九兩六錢爐戶實虧本二兩四

錢故偷漏之弊種種百出土商易經世審究有案臣前於請歸官辦案內議免抽稅按百觔給價十二兩

部未准行又於仍歸商辦案內議抽稅外按八十觔給價十一兩二錢八分復經部駁惟是試煉火工銀

十二兩止給價十一兩二錢八分是尙虧本七錢二分臣因爐戶經年燒煉可以通融牽算故酌定此價

若再議減必偷漏之弊仍起查禁過嚴將爐戶逞刁



逃匪辦理實多掣肘又黑鉛一項從前抽稅外聽憑外售近年京局歲需七十萬五百七十一觔俱歸湖南辦解每年除稅鉛外應向爐戶收買五十餘萬觔前經調任衡永道朱陵親往試煉黑鉛百觔實需火工銀三兩五錢前任撫臣開泰題請照給部臣因康熙年間京商開採黑鉛百觔止報價二兩八錢三釐兩次議駁不准加增惟查京商鉛價係將所抽稅鉛變銀起解據報之價原難作準况距今數十年米炭價貴礦深砂遠工力亦艱若限以京商之價歲辦五十餘萬觔虧缺不啻萬計掣肘尤甚臣蒙

四知堂文集 卷十一 奏疏

恩復任查核郴州歲出銅十餘萬觔尙敷本省鼓鑄

惟辦運每多遲延至近年所辦京局黑鉛俱難副部限臣嚴加督催乾隆十五年下運今年二月始能起

解其郴州補辦十四年之鉛更至三月始能起解俱經臣先後 奏明據郴州知州明通桂陽州知州汪

度疊次稟詳銅鉛部價不足歷係多方設法勉力湊解現在那墊甚多難再支持臣確加訪察委係實在

情形伏念錢糧原應慎重絲毫難容虛冒但銅價有鼓鑄餘息之可償黑鉛關京局鑄務之緊要既屬實

在情形何敢不據實再行

上請茲臣與布政使周人驥再四酌議銅劬除抽稅外每八十劬該工本銀十二兩前請給銀十一兩二錢八分已無可再減黑鉛除抽稅外每八十劬該工本銀三兩五錢但爐戶經年燒煉尙可通融應減去三錢請給銀三兩二錢現在分案具疏 題請臣謹恭摺將情形再行陳明伏乞

皇上睿鑒

四知堂文集

卷十一

奏疏

三

請撥運安徽穀價仍解還湖南買補備貯疏

爲恭請

睿鑒事竊查湖南常平倉穀舊存一百二十五萬餘石乾隆十四年部咨照雍正年間貯穀七十萬二千餘石爲額此外溢穀五十五萬餘石均應糶價撥用經前任撫臣開泰奏請溢穀內酌留三十萬石分貯附近水次各屬以備接濟鄰省倘有告糶動撥察看收成價平則令買補價貴即可停緩部議准其備貯如或鄰省告糶及本省賑濟均可於此內動支即本省額穀遇青黃不接存七糶三倘秋成價昂難以買

四知堂文集

卷十一

奏疏

四

補之時亦可於此穀撥給俟開銷完日毋庸再行買補等因准咨在案茲乾隆十六年閏五月三十日督臣阿里衮因安徽撫臣張師載以彼省米價頗昂准札欲於楚省撥穀以資平糶轉札到臣緣湖南現亦雨澤愆期米價未平行司酌議於備貯穀三十萬石內撥穀十萬石委員趕運安徽以資糶濟已先同督臣會摺恭 奏并又繕疏 題明疏內聲明遵照內部原議江省糶價報部撥用湖南毋庸買補在案第臣竊有請者湖南備貯穀三十萬石部議開銷完日毋庸買補原以官買過多則市價必昂與減額便

民之本意未免不合耳惟是湖南素稱產米之鄉各省每資接濟如上游之貴州廣西邊省荒遠出穀有限下游之湖北兩江戶口殷繁民食全資外販從前米貴之時歷向湖南撥協有案若此備貯之穀用去不須買補恐或鄰省告糴各屬之額穀難動勢將買之民間必致市價頓昂於民未便不獨此也湖南僻在一隅止有本省之穀運出從無別省之米運來今各府縣額穀多者一二萬石少者止五六千石竊謂年歲不齊事所常有倘值糴借賑恤先後舉行則倉儲卽虛同時買補不免費力有此備貯之穀誠如

四知堂文集 卷十一 奏疏 五

內部原議本省或有賑濟及額穀價昂難買均可於此內動支撥給是不獨有益於鄰省而本省亦深有益也查湖南近年來米價雖較昔倍增以視他省尙爲有間每年漕糧額止十數萬石數亦未多外省委官採買之例又停若遇豐年價賤之時各屬於買補平糶額穀外再酌買平糶穀石若干事儘可行倘遇秋成價未平賤則且停緩俟之明年再視情形酌辦此固前撫臣開泰原奏所請實於減額便民之中不失有備無患之計臣謹再行恭摺陳請伏乞

皇上睿鑒訓示如蒙

允行則現運安徽平糶價值仍應解還楚省以備買補合併陳明伏乞

皇上睿鑒

四知堂文集

卷十一

奏疏

六

請協濟浙江米石卽截留漕糧撥補疏

為欽奉

上諭事乾隆十六年七月初二日臣楊錫綬准戶部咨開六月十六日內閣奉

上諭據浙江巡撫永貴奏稱浙省現資糶賑請於湖廣兩省中撥穀碾米協濟若係額外溢穀卽補浙省未足之額若係額穀則將浙省現存糶價解還楚省歸款等語著照永貴所請令楚省督撫等酌量撥穀碾米二十萬石卽著浙省委員前至漢口接運赴浙以備糶賑之用該部遵諭速行欽此欽遵等當卽

四知堂文集

卷十一

奏疏

七

馳札會商查湖南常平倉穀額內額外共貯一百二十七萬七千七百九十四石有奇臣等深知定額以後必須加意慎重久經通飭各屬米價非至甚昂不得輕易平糶惟緣湖南上年秋收本不甚豐今年春夏遠近米價俱日漸增長各屬紛紛詳請開糶迨赴糶人多又據詳請不拘常例糶濟便民現核各屬報糶共計四十餘萬石又碾運兵米四萬餘石又撥協安徽省糶濟穀十萬石通計合省現存穀六十餘萬石是湖南應貯額穀七十萬二千一百三十三石零本年糶撥動用外現已不敷定額約及十萬石其六

四知堂文集

卷十一

奏疏

八

十餘萬之內除不通舟楫不能外運之山陬各屬共穀二十餘萬石外其通水次可撥運之穀止三十餘萬石所有前撫臣開泰奏准額外備貯穀三十萬石已撥安徽省十萬石餘二十萬石亦在此通水次三十餘萬石之內本年湖南地方五月以後雨澤愆期長沙等七縣被旱成災此外長沙府所屬及衡永寶郴桂各府州雨水多欠需足雖不成災收成亦歉現在已糶之穀買補必艱將來賑恤平糶正須於額穀及備貯穀內動撥接濟其辰沅靖州各屬地處苗疆每年須於常平穀內碾運兵米均未便撥運惟岳常

澧三屬尙可酌撥但此三屬春夏米價亦昂除平糶外存穀不過數萬石不敷碾運湖南米穀商販有出無入小民一經乏食籌辦甚難臣等身任地方不得不詳慎辦理第浙省既現需糶賑自當仰體

皇上天恩將湖南長衡岳澧四府州歲運漕米內裁

留十萬石以爲浙省糶賑之用但漕糧須九十月內始能徵解浙省需米孔急應卽於有漕州縣除被災各屬外其餘各按應徵漕米數日先將常平倉穀昇飛碾米運往漢口交浙省委員轉運倘內有常平穀數不敷者卽於該管府州及鄰屬倉內撥足統俟徵完漕米歸還其歸還之處或將米存俟明春平糶或卽改徵穀石各按地方情形辦理 臣等稔知漕糧上供

天庾亦屬緊要且撥協浙省之米尙有價銀解還買補原不敢輕議留漕但湖南地方現在減糶穀石爲數已多本年歉收恐賑買補浙省解還之價買補尤艱現存之穀須備明春賑糶是以不得已懇請截漕補倉則一轉移間於積貯民生似俱有益 臣等札商意見相同除一面飛飭各屬上緊碾米趕運一面飭司將運解漢鎮各事宜議詳核明另疏會 題外 臣等謹會摺 奏懇伏乞

皇上睿鑒

四知堂文集

卷十一

奏疏

九

報明茶陵等州縣被水情形疏

爲 奏明事竊查湖南所屬州縣大半崇山環繞凡有溪澗之處小民結廬墾種相依居住每遇雨水過大四山水聚溪卽泛溢本年七月中旬雨水過多十一十二兩日更大雨如注晝夜連綿自七月二十三至二十七二十九八月初九等日據長沙府屬之茶陵州報稱七月十二日午刻上游鄱縣發水漫入州境二十二都二十五都地方十三日子時水退查勘衝浸倒塌瓦草房屋共三百四十九間因在白日發水居民俱避上山止淹斃老婦一口嬰兒一名當卽照例動項賑恤現俱得所間有沙淤地畝現在細查酌給挑濬工本另報等情又據衡州府屬鄱縣報稱七月十二日天明一都地方發水流入二都三都七都地方本日申時水退據地保等稟報衝浸倒塌瓦草房屋共五百一十四間壓斃幼小男女六名口餘俱無損現在親勘確數照例動項賑恤其有沙淤田畝細查另報等情又據直隸郴州屬永興縣報稱七月十二日辰刻上游興寧縣發水漫入縣境程江口水星樓各處地方十三日辰刻水退倒塌瓦草房屋共二百一十五間塘房一座田地人口無損已經

四知堂文集

卷十一

奏疏

十

照例分別賑恤得所等情又據直隸郴州屬興寧縣
報稱七月十二日東南二鄉發水浸坍草房十餘間
砂壓田地約三十餘畝民人無恙等情又據直隸郴
州報稱七月十二日辰刻東北兩路西鳳鄉永豐鄉
發水十三日已時水退倒塌草房一百五十四間人
口田禾無恙現俱賑撫得所等情各到臣查此等
山溪雨多水漲皆每年常有之事據報前情被災尙
非深重除飭布政司轉飭該管府州速往確勘是否
淹斃人口倒塌房屋止有此數果否俱已賑恤得所
其砂淤田地督查實數據實照例妥辦賑恤銀兩動
四知堂文集 卷十一 奏疏 十一

皇上睿鑒

支公項給還除俟布政司覆到或應 題報或止須
咨部完結分別辦理外臣謹將茶陵州鄱縣永興縣
興寧縣郴州五屬現報被水緣由恭摺 奏明伏乞

報明拿獲駕船誘賭匪犯疏

為欽奉

上諭事竊臣於本年正月間承准

廷寄欽奉

諭旨據開泰摺奏湖南地方奸棍駕船誘賭名曰相
識船頗為行旅之害經該撫節次緝究誠恐餘黨潛
踪勅臣訪查設法搜捕等諭欽此臣當將查編
船號責成船牙稽查并令文武員弁常川巡緝移咨
江湖通連各省一體查拿緣由恭摺覆 奏一面督
率各屬實力查辦嚴緝間隨於三月初九日據長沙

四知堂文集 卷十一 奏疏

十一

縣拿獲匪犯劉宗三月十一日又拿獲余三四月初
二日據湘潭縣拿獲匪犯王士正王三譚潤蕭文山
閏五月初十日又拿獲蔡老二六月十二日拿獲梅
翦子均係駕船誘賭騙害客商之犯據按察司審擬
解臣親訊王士正王三梅翦子屢犯不悛照例擬流
劉宗余三蕭文山譚潤蔡老二各擬杖徒現在分別
咨部外結在案臣審王士正等犯詳加究詰據供伊
等匪船必與捕役交通始免破案每年必餽捕役銀
錢捕役亦時來船上必盡禮款待等語臣并飭按察
司提捕質究追贓從重擬罪仍通飭各府州督令水

次牧令嚴比捕役務將餘黨盡行查拿其平日得前
庇縱之處許其據實自首免罪若始終庇縱經臣等
司道府等訪拿捕役從重究擬該管有司一并嚴參
以示懲創所有微臣現在辦理緣由合再恭摺奏
聞伏乞

皇上睿鑒

四知堂文集

卷十一

奏疏

七

報明苗地隱糧田畝免其呈首疏

為欽奉

上諭事竊臣於本年閏五月內承准

廷寄欽奉

諭旨蔣溥因湖南龍陽一縣未報陞科之地至三萬
餘畝計直省似此者諒亦不少請飭各督撫將未報
陞之地概准業戶自首以一年為限等語亦屬清釐
糧賦應行之事俟各省督撫奏事之便將蔣溥原摺
抄寄令其查辦欽此寄信到臣臣當即欽遵轉札布
政司督令州縣傳諭士民如有隱糧遵限呈首并又
自行出示簡切曉諭已將欽遵辦理緣由恭摺覆

四知堂文集

卷十一

奏疏

七

奏荷蒙

聖鑒在案臣前後發過告示共二千餘張現督各屬
實力妥辦毋得虛應故事惟查湖南共七十三廳州
縣其間半屬苗疆而承順一府及辰州三廳俱係新
闢之地凡苗民舊有田地未報畝起科每年不過
酌徵雜糧以示羈縻此等地方惟應嚴禁漢奸之煽
誘兵役之滋擾以安靜鎮撫為事實與內地不同若
將新墾之田一體責令首報陞科必致苗民猜疑畏
懼兼恐書役弓手人等藉端生事深有不便前據鳳

風管通判潘曙具稟請示臣當卽批諭布政司密飭
有苗各地方官只示令民人首報隱田其苗人田地
槩免呈首分別妥辦以仰副我
皇上安戢邊隅之至意除將辦理緣由俟新任撫臣
到日告知查照外臣謹據實恭摺陳 奏伏乞
皇上睿鑒

四知堂文集

卷十一 奏疏

五

遵 旨陳明查拿駕船匪犯及逆稿人犯疏
為欽奉

上諭事乾隆十六年十月二十五日承准軍機處字
寄內開乾隆十六年十月初二日奉

上諭楊錫紱所奏查辦駕船誘賭奸棍一摺稱匪船
與捕役交通每年餽送銀錢許其據實自首若始終
庇縱一經訪拿從重究擬該管有司一并嚴叅等語
捕役不能緝奸而轉庇奸法無可道或因年久人衆
以自首完結已出於無可如何至統率捕役之印捕
各官督捕緝奸是其專責乃平日漫無稽查犯贓并
四知堂文集 卷十一 奏疏 六

置之不問職守安在楊錫紱但於捕役之始終庇縱
者始將該管有司查叅而從前縱捕各有司並不置
議殊屬不知輕重著傳旨申飭令其查叅再所奏查
拿傳抄偽稿棍徒一摺僅據恒文移咨指名人犯拿
獲而該省傳抄者並未嚴緝以盡根株楊錫紱本庸
懦自守之人尋常錢糧刑名循途守轍保祿充位僅
能敷衍稍涉紛繁一無措置卽如此等情罪重大人
犯全不能實力緝拿地方何由整飭著一并嚴行申
飭欽此遵

旨寄信到臣跪讀之下愧悚無地竊查誘賭匪犯

臣既究出捕役賄庇情事其失察之印捕各官例應
叅處乃臣止飭司提捕究追擬罪徒以匪犯已獲未
將從前縱捕各官一并查叅臣愚昧之罪實無可逭
茲蒙

諭旨訓示臣現行按察司逐一確查詳叅毋使倖免
至逆稿人犯臣於九月十一日奉到

諭旨稔知事關大逆務須窮究根株難容稍為姑縱
緣臣迂踈無識混委微員分途密訪致蒙

聖諭嚴飭臣深愧辦理錯謬隨於十月初四日將臣
委員密訪之後實已通飭各道府州督率所屬用心

四知堂文集 卷十一 奏疏 七
偵訪毋使首從各犯稍有漏網緣由據實恭 奏在

案臣凜遵

訓飭復多方督屬實力查拿現於境內拿獲傳播存
稿各犯分委大員馳赴協同地方官根究搜捕其鄰
省移提之犯亦俱立時委員拿獲咨解未敢少縱現
在另摺 奏報伏念臣愚懦無能久在

聖明洞鑒今遇此等悖逆重犯先既一無覺察嗣又
辦理拙謬荷蒙

天恩不卽罷斥治罪從寬

降旨訓飭

天高地厚莫可名言臣雖現已丁艱然一息尙存敢
不捐糜頂踵圖報涓埃所有微臣愧悚感激下忱謹

恭摺叩謝

天恩伏乞

皇上睿鑒

四知堂文集

卷十一

奏疏

六

謝署吏部尚書疏

為恭謝

天恩事乾隆十九年正月二十五日內閣奉

上諭鄂彌達年近七旬辦理部旗事務甚多不必兼

管尚書事務其吏部漢尚書員缺著左都御史楊錫

紱署理欽此臣聞

命之下不勝惶悚臣伏思吏部為銓衡重地職任繁

要乃荷蒙

聖恩命臣署理臣惟有實心實力勉供職守庶以仰

報

因知堂文集

卷十一

奏疏

九

高厚隆恩於萬一耳

謝免治罪疏

為恭謝

天恩事竊臣部議處張泰開鄒一桂一案引例失倫

並未思及大臣之徇私與小臣不同處分原宜各別

荷蒙

皇上面加訓誨臣始覺從前辦理紕謬實甚愧悚畏

懼一時昏迷手足失措乃蒙

皇上格外天恩不卽治以重罪臣感激之忱無言可

喻惟有痛自改悔時時銘刻

聖訓勉竭駑駘以圖仰報臣叩首謹

奏

因知堂文集

卷十一

奏疏

十

三任湖南巡撫報明接印疏

為奏

聞事竊臣荷蒙

恩命署理湖南巡撫於二月二十日自京起程於三月初九日抵湖南岳州府屬之臨湘縣境界遇前撫臣胡寶瑑親賚

欽頒湖南巡撫關防交到臣當即叩頭接受訖除到任視事日期另行題報外所有臣接受印信日期謹先奏

聞再臣前恭請

四知堂文集

卷十一 奏疏

三

聖訓時會

奏明前撫臣胡寶瑑赴任由江西之袁

州府一路較近臣於二月十九日已經寄字緣臣字

未到之先前撫臣已於二月初一日起程赴岳是以

前撫臣胡寶瑑仍由武昌一路馳赴江西合併聲明

為此繕摺恭 奏伏乞

皇上睿鑒

特參諱盜殃民縣令以靖地方疏

為奏

聞事竊查州縣身任地方緝拿盜賊是其首務臣到任後即據永州府屬之零陵縣報竊七案查閱詳文係十七十八十九年之案一併補報隨檢查卷宗緣該縣屬有隆卿里地方積賊楊朝寶等窩匪數十餘人肆行偷竊甚為民害前任知縣今調武陵縣知縣沈華於此等竊案雖經事王查明賍據指出夥竊姓名呈報止照例出票拘拿賊無一獲亦不嚴行比緝積案纍纍並無一字通報接任知縣傅詒任內亦有

四知堂文集

卷十一 奏疏

三

被竊二案未經詳報經新任永州府知府孔傳祖訪

聞積賊楊朝寶等窩匪肆竊已非一日隨飭縣查案

緝賊並具稟前撫臣胡寶瑑批司轉飭將各案一併

補報並嚴拿夥匪務獲經現任知縣傅詒差役往拿

而積賊楊朝寶等膽敢拒捕毆傷差役多人該縣傅

詒隨會同汛弁督率兵役親往嚴拘始拿獲夥賊楊

朝彩等一十餘人并於廣西地方追獲首窩楊朝寶

及其子方催方調等三名臣查前任知縣沈華在任

數載明知積匪為害並不查拿迨據事王呈報又復

諱匿殊乖職守現任知縣傅詒雖經府飭查即督率

兵役拿獲首夥多犯但既已詳報於前咎亦難辭臣
已會同督臣開泰具疏分別題參已獲各犯飭速
嚴審究擬未獲各犯飭令再行嚴拿務獲毋使一名
漏網再臣查閱案卷三月初十日據永州府屬之道
州具報差役協緝寧遠縣關拿之竊犯裴老四等亦
被拒捕毆傷差役唐義身死雖毆差之犯旋據捕獲
但地方竊賊橫肆非嚴加整飭無以使良民安堵臣
惟有將各案速飭上緊辦理并一切實心整頓以靖
地方不敢復滋懈弛所有臣辦理緣由謹具摺奏
聞伏乞

西知堂文集

卷十一

奏疏

三

皇上睿鑒

遵旨保舉堪勝知府人員疏
為欽奉

上諭事乾隆二十年四月初七日准吏部咨乾隆二
十年三月十三日內閣奉

上諭知府為一郡表率從前曾令各督撫遴選屬員
自同知通判以下有堪勝知府之任者俱准其出具
考語據實保奏陸續送部引見現在各省請旨補放
之缺甚多已令在京部院衙門按例保舉其各省督
撫亦仍照前例於同知以下知縣以上堪勝知府之
任者具摺奏聞送部引見欽此臣欽遵

西知堂文集

卷十一

奏疏

三

諭旨於同知以下知縣以上慎加遴選查有長沙縣
知縣張天如係浙江拔貢年五十二歲歷任麻陽湘
鄉知縣陞授永順府同知因失察私雕假印降調引
見仍發往湖南以知縣委用經題補黔陽縣知縣
隨調補長沙省會首邑十九年

大計卓異在案該員操守清廉才具諳練任事勇往
又綏寧縣知縣管樂係江西進士年三十八歲由醴
陵縣知縣揀調苗疆補授綏寧縣知縣該員人品端
方操守潔清才情練達以上二員俱堪勝知府之任
臣會商督臣開泰意見相合謹會同督臣合詞保

奏並遵照給咨送部引

見伏乞

皇上睿鑒

四知堂文集

卷十一 奏疏

圭

補授禮部尚書謝 恩疏

為恭謝

天恩事乾隆二十年六月十六日准吏部咨乾隆二十年五月十八日內閣奉

上諭黃廷桂著補授大學士仍留四川總督之任吏部尚書員缺著王安國補授禮部尚書員缺著楊錫綬補授來京供職左都御史員缺著何國宗補授工部侍郎員缺著李侍堯補授湖南巡撫員缺著陳宏謀調補甘肅巡撫員缺著吳達善補授蔣炳現在丁憂河南巡撫員缺著圖爾炳阿補授欽此 臣隨恭設

四知堂文集

卷十一 奏疏

圭

香案望

闕叩頭謝

恩託伏念 臣一介寒微至愚極陋遭際

聖明不次

擢用洊歷左都御史本年二月又蒙

恩命署理湖南巡撫夙夜捫心實愧涓埃未報茲復

仰沐

恩綸補授禮部尚書 臣聞

命之下感激惶悚禮部職司典禮任重秩宗豈 臣謏

劣所能勝任 臣惟有益加奮勵勉竭駑駘恪恭職守

以圖少報

高厚生成之德於萬一耳所有微臣感激下忱謹繕

摺恭謝

天恩再臣查案奉

上諭督撫陞調應俟接任之人交代後方可起程又

湖南藩司楊廷璋到任未久臣未敢交印護理應俟

新任撫臣陳宏謀到日臣卽星馳赴京供職合併聲

明伏乞

皇上睿鑒

四知堂文集

卷十一

奏疏

三

議覆湖南秋審毋庸改早一月疏

為遵

旨覆奏事查湖南按察使夔舒奏稱湖南秋審定例
離省三百里以內者凡四月初一日以前奉准部咨

之案俱入本年秋審是以向皆四月初旬提集通省

重囚撫臣率同在省司道逐加審錄各屬解犯惟恐

臨時違悞每多先期僉解於三月二十內外紛紛到

省分羈司府及長沙善化各禁楚南天氣較暖三月

下旬一交夏令每至炎熱若遇晴霽則四月初旬儼

同盛暑每歲應入秋審案件約計二百五六十名分

四知堂文集

卷十一

奏疏

三

羈四監囹圄內屋低院小炎天擁擠熱氣薰蒸勢所

難免一犯患病卽傳染蔓延如本年解到秋審各犯

因四月初旬天氣炎熱多患傷熱病症撫臣與奴才

督醫加意調治惟命犯曾文璧在監病故餘俱醫痊

解回伏查外省辦理秋審案件原視程途遠近總以

七月到部為准而會勘之期似可畧為變通所有湖

南省原定奉文入審之期仰請改早一月如離省在

三百里以內各州縣原定四月初一以前奉准部咨

之案俱入本年秋審者改為三月初一以前其三百

里以外至六百里及六百里以外至一千里併一千

二三百里與一千六百里等屬原定三月二十五日
五初五等日者俱改爲二月二十五五初五等日
奉文人審撫臣率同在省司道定期會勘計遠處州
縣起解時已在二月中旬天氣融和不致衝寒冒雪
至二月下旬到省分羈時尙未熱得免薰蒸染疾之
患等因奉

殊批告之撫臣聽其酌量欽此臣查各省向來秋審
凡已經具題之案俱提解來省而部覆有遲速不
同其未准部覆者既無事審錄徒多往返押解之累
自乾隆七年刑部行令各省將所屬州縣離省程途

四知堂文集 卷十一 奏疏 三

分別遠近酌定奉准部覆日期分別提解審錄經前
任撫臣許容將各州縣地方查明在三百里以內者
爲近凡四月初一日以前奉准部覆之案俱入本年
秋審在三百里以外至六百里者爲遠凡三月二十
五以前奉准部覆之案俱入本年秋審在六百里以
外至一千里者爲次遠凡三月十五以前奉准部覆
之案俱入本年秋審在一千里以外至一千二百三
百及六百里者爲最遠凡在三月初五以前奉准部
咨之案俱入本年秋審經部覆准奉
旨依議欽遵在案歷年辦理秋審俱係查照舊例於

三月內提齊應審人犯於四月初十前後撫臣率同
司道審擬其有本年准到部咨之案亦按照州縣程
途遠近分別日期提審定例已屬周詳妥協行之亦
無不便之處至南方天氣雖屬炎熱然在四月初旬
尙未大盛其患病傳染係偶有之事非每歲皆然即
本年各犯患病稍多臣與臬司飭令有獄各官加意
調治止病斃一名餘俱痊愈未便因此即更張審錄
之期且即使改早一月而監內羈禁多人究亦難保
無患病傳染之事所有湖南秋審之期應請仍照舊
例遵行該按察使夔舒所請改早一月之處應毋庸

四知堂文集 卷十一 奏疏 三

議臣謹繕摺覆 奏伏乞

皇上睿鑒

請苗地木植一體通商以便民生疏

為苗地木植請一體通商以便民生事查湖南界聯
黔省如永順永綏乾州等處皆屬苗疆其地多高山
峻嶺深林大箐頗產木植苗民田少山多所恃者惟
廣種山土以資日食向來戶口無多地足自給近則
國家休養生息日久日深不但漢民生齒日眾即苗
民丁口亦漸蕃庶所種山土不能寬然有餘其有山
木叢雜情願砍伐其木墾種雜糧者苗民既無力自
行砍運又苦售買無人遂多廢棄臣查黔楚同屬苗
疆黔省如古州等處苗木久經定例聽商民領照赴
四知堂文集 卷十一 奏疏 三

買楚省自可照行若云恐民人擅入苗地滋事則地
方官為立法稽查亦可無慮且苗地之險多在深林
大箐今以售買木植使深林大箐之地日就開闢是
亦化險為平之一法臣愚請湖南有苗地方亦照黔
省之例如苗民有情願將木出售商民有進山買木
者令先赴該管地方官呈明給與照票并造冊載明
姓名籍貫本銀人數限定入山月日申詳上司存案
運出之時驗實放行如無地方官印照私相買賣者
照例治罪如此立法稽查則商民不致滋事而蠢爾
苗民藉此木植出售既可獲利而砍伐之山土即可

種植雜糧以資日食實於苗民有益臣目觀情形謹
就管窺之見據實陳 奏伏乞
皇上訓示

四知堂文集 卷十一 奏疏 三

署理山東巡撫到任報明地方情形疏

為奏

聞事竊臣荷蒙

恩命暫署山東巡撫於十一月二十一日自京起程於二十七日抵山東濟南省會准撫臣愛必達將印信賚交到臣敬謹接受於二十八日到任視事訖臣查東省地當南北之衝統轄文武兵民一切察吏安民整飭營伍均關緊要臣膺斯重任悚懼實深惟有殫竭駑駘實心實力辦理地方事務以圖報稱至臣沿途經過之直隸涿州河間與臣山東所屬之德州四知堂文集 卷十一 奏疏

奏疏

謹

州濟南等處詢問米價大米自一兩七八錢至三兩不等小米自一兩一二錢至二兩不等麥子自一兩一二錢至一兩七八錢不等俱稍為昂貴其得雪分寸直隸所屬止得微雪山東所屬得雪頗大自三四寸以至七八寸不等臣自德州一路至濟南見道旁溝渠尚多殘雪未消實於來春麥苗大有裨益所有情形謹據實奏

聞再臣到任後十一月三十日十二月初一日濟南省會得雪二寸有餘其各屬得雪大小分寸候報到再行彙 奏合併聲明

請緩徵被災州縣錢糧疏

為請

旨事竊查東省本年秋禾被水勘明成災者共二十一州縣所有本年未完錢糧應行蠲緩者已經循例題請聽候部覆惟查尚有勘不成災及災地毗連處所雖有收穫實為歉薄據布政司阿爾泰查明兗州府屬之金鄉魚臺滕縣嶧縣濟寧曹州府屬之單縣曹縣鉅野縣萊州府屬之平度州昌邑縣濰縣共十一州縣衛本年未完地丁銀共三萬二千九百四十餘兩請緩至來年麥熟徵收其兗州府屬之濟寧四知堂文集 卷十一 奏疏

奏疏

謹

州曹州府屬之城武縣勘不成災及災地毗連之處尚屬有收民情不致拮据毋庸請緩仍照常徵收等情到臣臣查金鄉等十一州縣衛勘不成災及災地毗連之處收成既屬歉薄小民輸將未免拮据合無仰懇 天恩特降諭旨將金鄉魚臺滕縣嶧縣濟寧衛單縣曹縣鉅野平度州昌邑濰縣共十一州縣衛本年未完錢糧緩至丁丑年麥熟後徵收則民力得紓感戴皇恩益無涯涘矣臣謹恭摺具 奏伏乞 皇上睿鑒

請改建魚臺縣城疏

為 奏明事竊查魚臺縣城本年九月被水淹浸今
臣親至查勘該縣土城一座週圍約四里餘地勢低
窪形如釜底城濠環繞面濶底深向係種植蘆葦濠
外護堤一道約十里餘高處與城相等城內由西至
東居民不過二百餘戶本屬無多此番被水茅房土
屋各已傾倒其衙署祠宇倉廩及居民瓦屋雖尚無
恙亦恐不能經久先經該縣知縣將城門堵在用水
車數十輛日夜車水使出城外少停即仍滲洩城內
現在停水尙有二三尺不等該縣逼近微山湖將來

四知堂文集

卷十一 奏疏

三

夏秋稍有漫漲即難保其不再被淹伏思縣署倉庫
監獄攸關甚鉅未便因循貽誤臣細加查察魚邑境
內尙有高阜處所似宜另建土城一座以資保障於
明歲春夏之交興工俾小民得以版築資其日食是
亦以工代賑之意而於災民更爲有益惟是建蓋城
署一切需費不少未敢擅便合無仰懇

皇上天恩容臣飭諭司道委員相度估計工料定議
題請臣因目睹情形不揣冒昧諺抒鄙見恭摺具

奏伏乞

皇上訓示

請加賑金鄉等縣被水人民疏

為據實奏

聞事竊照濟寧金鄉魚臺滕嶧等五州縣本年九月
間因黃水倒漾被淹居民田廬積久未消臣 奏
明親詣查勘於本月初六日起程初八日抵濟寧即
由濟寧至金鄉魚臺逐一查勘各原被水地方濟寧
州尙未涸出地畝六千三百二頃零現在積水自八
九寸至七八尺不等金鄉縣尙未涸出地畝一千七
百八十二頃零現在積水自八九寸至三四尺不等
魚臺縣尙未涸出地畝一千七百四十一頃零現在

四知堂文集

卷十一 奏疏

美

積水自六七寸至八九尺不等所有居民村莊金鄉
縣已俱涸出濟寧魚臺尙有木經涸出者此等未涸
村莊茅房土屋多有倒塌居民或於高阜親族暫覓
棲止或於堤岸山側搭蓋草棚其滕嶧兩縣原被水
村莊地畝尙屬無多臣委員確加查勘據報滕縣止
未涸地二百四十七頃零嶧縣止未涸地一百二十
頃以上各州縣衛涸出地畝有已經種麥者亦有來
春始行種麥者至於水勢自被淹以後共只消退二
尺餘寸現在日逐所消不能以寸緣此微山湖水原
賴荆山橋及韓莊牐等處宣洩今荆山橋因黃水漾

流地勢淤淺出水甚少韓莊漏洩入運河更爲有限
詢據地方居民及各州縣俱云必俟來歲春夏之交
始得盡行涸出此皆確實情形也臣查此五州縣地
方被水較重業經前撫臣愛必達題報撫恤并分別
極貧次貧加賑小民現俱得所惟是災民領賑極貧
者祇至正月而止水已涸出尙有麥收可望其未涸
者不能佈種春麥未免謀食維艱實堪憫惻合無仰
懇

皇上天恩軫念五州縣積水日久非尋常被災可比
特降

四知堂文集

卷十一

奏疏

毛

諭旨將不能布種春麥之貧民戶口確查實數加賑
兩月以資接濟則被水災黎感沐

浩蕩之恩益無涯矣所有臣勘過實在情形謹恭

摺奏

聞伏乞

皇上睿鑒

四知堂文集卷十一 終

四知堂文集卷十二

清江楊錫紱方來著

奏疏

補授漕運總督謝 恩疏

爲恭謝

天恩事乾隆二十二年正月十六日內閣抄出乾隆

二十二年正月十二日奉

上諭漕運總督員缺著楊錫紱補授欽此臣隨恭設

香案望

闕叩頭謝

四知堂文集

卷十二

奏疏

十

恩訖伏念臣西江下士材識庸陋疊受

寵榮涓埃未報茲復荷蒙

聖恩補授漕運總督聞

命之下感激惶悚伏思漕運上關

天庾淮揚地兼海防督理整飭責任綦重臣惟有矢

竭丹誠實心實力辦理一切政務以圖仰報

高厚隆恩於萬一耳所有微臣感激下忱謹繕摺恭

謝

天恩伏乞

皇上睿鑒

請豁江興五衛應追按程銀兩疏

為據實奏

聞仰祈

睿鑒事恭惟我

皇上翠華南幸

湛恩廣被江浙士民無不均霑

雨露共頌

皇仁茲臣查江南興武江淮二衛旗丁因乾隆十二

年十三年截留山東漕米應追按程銀兩八萬四千

二百二十四兩零十六年欽奉

四知堂文集

卷十二 奏疏

二

恩旨令分作八年扣還除按年扣追外尙未完銀四

萬二千一百一十二兩零又江淮興武二衛十五十

六十七十八等年截留天津水師米石應追按程銀

兩二千五百三十八兩零除扣追外尙未完銀一千

三百五十一兩零又大河宣州蘇州三衛乾隆十八

十九二十等年截留天津水師米石應追按程銀兩

一千九百二十九兩零以上共未完銀四萬五千三

百九十餘兩零查此項銀兩雖例應扣追但各衛旗

丁本屬窮苦每歲所領行月耗贈等銀止敷一運之

用一經扣還按程銀兩辦理即多拮据其中更有積

年應行扣追者更覺艱苦可憫應否仰邀

聖恩

特降諭旨准予豁免臣謹據實奏

聞伏乞

皇上睿鑒

四知堂文集

卷十二 奏疏

三

陳明衛河水漲糧艘到通稍遲請變通辦理疏
為奏

開事竊臣前恭報本年漕船全數催過濟寧一摺欽
奉

硃批今年水大到通已遲雖屬無可如何恐回空亦
遲則明年漕運又必遲悞汝宜設法督催且朕啟行
在即汝不必赴熱河請安又另摺欽奉

硃批已批示前摺矣不必來押催回空船隻乃要務
也欽此臣跪讀之下仰見

皇上厯念漕儲因本年水大抵通遲緩將來回空若

四知堂文集

卷十二

奏疏

四

遲恐悞新漕令臣設法催償臣受

恩深重敢不殫竭心力設法督催期於早行抵通查
漕船過濟自南旺分水以北至天津俱係順流往歲
由濟抵通不過月餘今緣臨清一帶六月半間衛河
異漲挾沙倒漾直至東昌以南浙江湖廣江西幫船
行抵臨清海口因水勢涵湧縴路全無守水一十餘
日及至七月初四水勢稍退始得出牀行走又因牀
口內外俱有積沙不無淺阻臣趕至臨清一面催償
并將情形據實奏

聞在案今查自七月十五以後臣督率河員及地方

官多僱人夫挑挖積沙并於牀外築欄水草堤又將

牀傍月河堵築使運河之水全由正牀行走稍抑衛

河倒漾之勢雖未能一律深通然每日可過八九十

隻計此半月之內已催過船二十三幫目下止剩船

七百餘隻約八月初旬即可全行催過臨清將來抵

通回空其江南浙江幫船俱可趕回水次不致遲悞

新漕惟最後之江廣各幫恐回空稍遲不免疎阻臣

已札商倉場侍郎臣雙慶臣羅源漢或將最後幫船

酌定幫數即於天津令領運千總督率正丁自僱剝

船將米運至通倉交兌其漕船即令押空千總同副

四知堂文集

卷十二

奏疏

五

丁先行管押南下稍為變通亦可無虞疎阻至臣荷

蒙

聖諭令不必赴熱河請

安臣自當仰體

聖懷一俟尾幫交兌全完即上緊沿途督押俾各幫

船及早抵次以冀仰慰

聖心臣謹將現在籌辦情形繕摺恭 奏伏乞

皇上睿鑒

敬陳管見疏

為敬陳管見仰祈

睿鑒事竊查各省漕糧上供

天庾而輓輸全資運河必運河無阻然後糧船易達

臣荷蒙

聖恩畀以漕運重任自五月以來督押重運由南抵

北日夕河干目擊情形見今日運道急宜料理所有

一得之恩謹為我

皇上陳之

一沿河繹路宜速修墊也查糧船體骨重大駕駛本

四知堂文集

卷十二 奏疏

六

屬艱難即遇順風揚帆亦須一岸帶以犁纜以防急

溜疎虞若風色不順則全恃繹繹挽拽繹路一有淹

沒即寸步難以移動直待順風方可行走是停泊一

日即稽遲一日臣查山東境內自韓莊廂至南陽二

百餘里兩岸繹道全在水中湖河汪洋連成一片本

年糧船仰賴

聖主洪福多遇東南順風不致十分停泊然風色非

可常恃繹道急宜修整仰懇

勅諭河臣俟微山湖水稍落即行修墊庶來歲新漕

可資利涉

一廂座宜加修理也查廂座之設蓄洩攸資故廂口

之寬僅可過糧船一隻若兩傍石塊少有傾欹即於

糧船有礙臣查沿途廂座除自臺兒莊至南陽本年

因運河水大一切廂座俱在水中無由驗其完好與

否外其自南陽至臨清一帶則完好者雖多而剝落

傾欹者亦復不少有舟行至廂不敢徑過臨時將石

拉去始免撞觸者臣查此等傾圮之處若隨時修整

不但利益舟行即於錢糧亦不致多費日久不修則

傾圮愈甚應請

勅諭河臣將一切剝落傾圮廂座悉行修理以便舟

四知堂文集

卷十二 奏疏

七

行

一運河民埝宜一體加修也查運河兩岸有官堤有

民埝其官堤修補動支帑項係河員經理其民埝因

地勢稍高無須防險則聽之民力自行修理然民情

惡勞喜逸若非經管之員善為董率未必每歲修理

如式是以此等民埝率多單薄一遇異漲難資捍禦

應請

勅諭河臣撫臣無論係河員經管或地方州縣經管

每年農隙之時俱須督率民力酌加修築則年復一

年即單薄之堤俱歸堅厚捍禦有資運道民生均有

裨益

一運河淺處宜逐加挑深也查臨清隄內外因本年衛水異漲濁流倒漾停沙河身淤澱又彭口河仲家淺南旺袁老口沙溝王家淺半壁店審南門審北門朱家園等處亦多淺澀臣查東省運河向有一年一小挑間年一大挑之例然僅於塘河之內酌量疏濬其餘各處俱在臨時就淺扒撈虛應故事每至重船經行起米剝運稽遲時日仰懇

勅諭河臣委員逐加查看凡有淺處一律確估實力挑濬深通庶運行迅速免致停滯以上各條臣數月以來親歷河干所聞所見情形如此我

四知堂文集

卷十二 奏疏

八

皇上念切民生於南北河防水利宵旰焦勞分命臣工相度修理臣職司漕務與運河相為表裏一得之愚用敢臚列敬陳是否可採伏乞皇上睿鑒

請酌更條例以裨漕務疏

為議酌更條例以裨漕務事查漕運事務一切條例固屬詳明但其中亦有應行斟酌更定者臣受任以來悉心體察所有管見數條謹為我

皇上陳之

一衛所守千親老改補近省應歸漕臣辦理也查請除外省會稿之積習事案內開衛所守千親老改補近省應撫臣王稿等因伏思衛所守備千總無論繁簡之缺各有美惡因而人懷去就巧於趨避往往藉稱親老覬覦另補美缺此等情弊撫臣無由悉知一

四知堂文集

卷十二 奏疏

九

經咨准另補適足以遂其巧詐之心而幫疲丁乏之缺人皆思去不能望其力行整頓於漕政大有關係應請嗣後衛所守備千總遇有詳報親老者准歸臣衙門辦理一面照例行令取結一面察其現任之缺是否美惡如係疲難之缺藉稱親老詳請改補者即行嚴參照規避例議處倘無前項情弊繁缺題請對調簡缺咨部另補庶人知不能巧於朦混自必安心供職實於漕務有裨

一押運同知通判完糧議敘應分別遠近省分也查定例押運同知通判一次無欠者加一級二次無欠

者加二級三次無欠者不論俸滿卽陞等因向來通漕議敘一例辦理並未分別遠近省分臣查江南浙江江西湖廣等省糧多路遠且有涉江渡黃之險所押幫船不能保無事故長途既盡催償之勞抵通又已無欠按次加級卽陞原非過當若河南山東糧少路近之省經由內河一帆可達並無險要之虞抵通雖已全完議敘尙宜差別應請嗣後押運同知通判抵通無欠除江浙江廣等省仍照舊例議敘外其河南山東二省請改爲四年之限初次抵通無欠准其紀錄二次三次無欠俱加一級四次無欠准其

四知堂文集

卷十二 奏疏

十

卽陞庶事有輕重辦理得中

一湖廣滿號漕船應一例留通變賣也案准部咨議覆前漕臣碩摺奏內開湖廣省滿號之船如遇減歇酌量停造一年下年再造出運又例應賠造之船接算年分於足運之後令其再運二次留通變賣又滿號之船慎選堅固者加修出運一次准其留通變賣似此配造以後各船滿號年限漸至參差然後酌定成規仿照江西之例准將滿號之船留通變賣等因遵照在案臣查江西湖廣等省均係產木之鄉無需舊船配造而湖廣幫船滿號之後所以不卽准其

留通變賣者因係十年滿號一併成造若全數留通變賣丁舵水手人衆不能附搭回南難免逗遛滋事是以稍爲變通今自乾隆八年奉行以來十有餘年成造船隻已屬參差卽如本年湖南現運船一百八十二隻請造者僅係九隻湖北現運船一百八十隻請造者僅係八隻經臣咨部覆准有案是回空船多成造船少丁舵水手人等無虞不能附搭應請嗣後湖廣幫船照依江西之例凡遇十年滿號一俟交糧後准其留通變賣所賣價銀亦照例每隻存留六十兩令倉場封交隨幫解交糧道驗給以資成造新船之用將前漕臣碩酌議三條均請停止庶遠省旗丁得免回空駕運之費而事例亦歸畫一以上三條臣愚昧之見是否有當伏乞

四知堂文集

卷十二 奏疏

十一

皇上勅部議覆施行

恭賀準夷底定疏

為通逆伏誅準夷底定敬陳賀悃仰祈

睿鑒事竊臣接准部咨欣聞逋逆阿睦爾撒納逃入

俄羅斯境內渡河被溺隨經撈救拘禁因患痘身死

俄羅斯謹守不納逃人之約將屍獻出以求取信

天朝伊犁全局已告成功

皇上特頒諭旨宣示中外臣欽誦之下無任踴躍歡

忭恭惟我

皇上

天威遠震

四知堂文集

卷十二

奏疏

七

神武光昭麾重鐸以來庭六幕紀星雲亂縵蕩餘氛

而底績九該覬河嶽懷柔常準鳴爾綏靖之時兵不

遺夫矢鏃及哈薩克稱臣之日人咸集以梯航業令

絕微廓清竟

兩朝未竟之緒獨以匹夫跋扈勞三載不勞之師惟茲

逆賊阿睦爾撒納者前則烏畏焚林願向

天朝歸命繼乃兔思營窟妄從詭道颺踪既有負乎

殊恩實中外臣民所共怒縱倖逃夫顯戮亦鬼神覆

載所難容仰資

聖主抒謨知逆豎求生不過望門投止

特命樞臣移檄俾邊夷守約無能到處逢迎小禮何
為自溺因而自斃罪人斯得獻屍即以獻俘是造物
之殄穢槍承以銷茲鋒燧思

國家之鋤腐鼠奚煩血我戈矛曉日浴扶桑共挽天
河而洗甲祥風清朔漠長維地軸以收圖蓋曠古所
希逢實於今為獨盛臣職司飛輓願切賡揚瞻廣運
之

廟謨手惟加額頌永清之

駿烈物與同春從茲日月光華瑞英舞兩階下羽海

河清晏靈龍擎萬國共球所有微臣欣慶下忱謹恭

四知堂文集

卷十二

奏疏

七

摺 奏賀伏乞

皇上睿鑒

請嚴竊盜糧船之禁以重漕運疏

為請嚴盜竊糧船之禁以破積習以重漕運事竊照民間田園瓜果偷盜尚有厲禁何況糧船地方匪竊肆行文武理宜嚴緝何況害及糧船乃向來糧船被盜旗丁俱隱忍不報地方文武亦樂於無事不加嚴緝積習相沿遂致宵小肆行每當糧船盛行之際若輩即沿途偷竊甚或行強臣上年督押空船回至濟寧有九江幫船行至師莊廂被盜強劫鎗傷旗丁經臣聞知飭令具報據濟寧州知州拿獲盜犯追出原贓又本年蘇州前幫過淮後被賊鑽船竊去布疋衣

四知堂文集

卷十二 奏疏

十四

服臣飭令具報經山陽縣拿獲賊犯起出布疋此三案因臣已得知不敢不報是以發覺其餘竊案之未報不知凡幾若非破除積習大加整頓嚴立科條使知儆戒則河道無由肅清貽害軍丁無所底止用敢不揣冒昧敬抒末議恭候

聖裁

一宜酌定報盜之例使旗丁免守候也查糧船行走脫幫有禁越幫有禁旗丁被盜若一呈報汛弁必將船隻扣留待文官看驗訊供而州縣又多離河寫遠往返動需數日驗訊完畢本幫或已先行數站勢必

脫幫且需越幫况異地異鄉兵胥吏役種種需索有被失不過數金而為費反多於所失者是以歷來失事從不呈報職此故也臣請嗣後糧船被竊旗丁止報明本幫運弁運弁移文州縣汛弁緝賊追贓被失之船即隨幫開行不必守候惟強劫之案必須文武會勘許暫停候驗畢州縣給印票一紙與領運千總令其押船趕幫庶旗丁免守候之累而被盜皆樂呈報矣

一疎防之文武員弁宜重懲也查糧船經過地方文武均有防護之責至營汛各弁尤端為催償而設若

四知堂文集

卷十二 奏疏

十五

使汛地官弁巡查嚴謹匪徒斷無不知畏懼乃積習相沿文職則不過而問汛地弁兵日則虛應故事夜多高臥不出甚則不肖兵役勾通匪徒半地分贓如此河道安望寧靜請嗣後糧船經過汛地除竊案照例辦理外如有強劫之案文武員弁俱照城內失事例議處庶法重知儆而河道可望肅清矣

一幫船水手宜嚴領運千總之稽查也查每船一隻例僱水手八名而應募水手之人其中即多積賊全在領運幫弁實力稽查則本幫無勾引之人即沿途少竊劫之事乃向來各弁因旗丁不肯報盜處分無

由及身即因循廢弛不肯實力驅逐遂致不肖水手與沿河匪類暗中勾通肆無忌憚請嗣後水手爲盜其領運之弁除強劫之案仍照定例降調外若係行竊之案本幫有一案發覺者罰俸三個月兩案罰俸六個月三案即罰俸一年庶各員自顧參罰而稽查必嚴矣

一糧船之守望宜嚴也查每船一幫多者五六十至百餘隻少亦不下二三十隻每船丁舵水手至少亦十餘人遇夜停泊之時若使運弁率領丁舵水手擊柝坐守一船有警衆船救護匪竊何由登舟無如糧

四知堂文集

卷十二

奏疏

七

艘向來積習止顧本船隣船有警即聽聞亦不敢救護恐其釘恨報復而領運之弁亦委靡偷安不知實力防護請嗣後幫船偶遇停泊之夜空重千總輪流率領守望一船有賊即互相救護不得仍前坐視如幫內再有被盜之事將領運之弁強案每案罰俸一年竊案每案罰俸三個月倘運弁抑勒隱諱分別強竊從重議處再賊盜最畏鳥鎗而糧船禁帶軍器或准空重千總各帶鳥鎗一桿以備巡守則奸徒有所顧忌而盜風可以漸戢矣臣謹繕摺具奏伏乞皇上睿鑒飭部議覆施行

通籌漕運全局急宜調劑疏

爲通籌漕運全局急宜調劑敬陳管見仰祈

聖鑒事竊臣材識迂愚荷蒙

皇上天恩畀以漕運重任夙夜兢惕惟思勉竭駑駘上足以裕

天儲而下有裨於軍旗受

命以來一載於茲重運回空均已親歷竊見各省旗丁頗多貧疲辦理公事殊爲踟蹰查

國家設立軍丁給以屯田以爲恒產出運則有耗贖有月糧有行糧雖各省原定之額多寡不齊而爲數

四知堂文集

卷十二

奏疏

七

亦不甚相上下約計每出一運銀米等項足敷一運之用至於船隻則新造有價三修有銀或遇停減之年亦月糧有米苦蓋有銀所以養之者未有不厚何至年復一年日就疲乏臣因細加體察廣行咨詢其受病之處有源有流其調劑之法宜變通宜體恤亦宜懲戒謹就臣愚昧所及縷晰爲我

皇上陳之

一屯田取贖交價宜寬年限也查屯田一項乃贍運之本而歷年久遠田多失業卽有冊可稽者亦多典賣民人不能取贖雍正十三年乾隆七年屢經前漕

臣 奏請清查造冊送部其典賣田地許照原價取贖並嗣後軍民不得私相典賣立法已極周備然自定例之後仍復不能取贖蓋緣丁力久疲當日典賣之價至於盈千累百遠欲全交原價往往力有不及夫無屯田則無津貼無津貼則贍運無資此貧疲之原也臣請嗣後取贖屯田原價在百兩以上俱令其分爲三年交價價足田卽歸船如此稍爲變通則幫丁得以從容籌辦多贖一分屯田卽多增一分養贍矣

一請嚴短欠口袋之例以杜冒濫也查糧船到壩倉四知堂文集 卷十二 奏疏 太

場派定倉口坐糧廳驗明米色令經紀兌收通幫無欠呈報全完其有兌不足數者名曰掛欠口袋坐糧廳勒限三日兌足如不能完卽行追比足數然後發完呈此定例也近年糧艘俱抵通全完然全完之中有本來升合無虧者亦有貧疲之幫此須掛欠勒限而後完者此掛欠口袋之丁由於米石不足米石不足非水次折乾卽係沿途盜賣在丁固有應得之罪在官且干失察之條乃向來辦理但通漕全完丁固倖免責懲官且濫請議敘彼領運員弁安肯實力稽查請嗣後抵壩兌米但有掛欠之丁坐糧廳勒限

追完仍行細打其領運千總所管幫內但有一丁掛欠卽限後全完亦不准議敘並總運之同知通判督運之糧道俱不准議敘庶官丁均知儆懲而稽查可望嚴密矣

一新僉旗丁應請禁勒認公私欠項也查丁力貧疲然後另僉股丁此通漕之定例也但所革疲丁非官項有欠卽私債累累向來新丁僉到各衛備弁亦有將舊丁欠項令新丁接受者是未出運而先已受累所謂股丁亦不日轉成疲丁矣請嗣後衛所僉丁止令酌認蓬梳槓索價值至舊丁所欠如係茶果個兒四知堂文集 卷十二 奏疏 充

錢等官項應於舊丁名下若追一年不能追完卽令原領運之千總賠還如係私債悉聽舊丁自行清理絲毫不許勒令新丁接受如有違犯或有告發或經查出將抑勒之備弁卽行叅革庶新丁不代人受累而應僉之戶亦不致視出運爲畏途矣

一水次兌漕應令旗丁執攔也查兌漕斛米積弊多端每有不肖胥吏私收民間折色虛出糧票自知倉內缺米恐致敗露卽於兌交軍旗時串通積慣斛手飛色走攜輕用手法剝削彌補一斛之米竟少至一二升者夫旗丁長途挽運已有盤剝傷耗之虞何堪

於水次受兌之時先受虧缺之累從前各省丁旗屢呈請准令自行執攬雖經歷任漕臣通行飭知究未奏明定例多係陽奉陰違應請嗣後州縣水次兌漕准令倉役執斛本船旗丁自行執攬仍飭監兌之員稽查看視不許顆粒浮高庶公平量兌積弊可杜矣一江南之江淮興武二幫宜運快並僉以杜狡脫也查各省幫丁雖多貧疲而總不如江淮興武既無屯田又無什軍幫貼其貧疲爲尤甚故別幫僉丁雖未必能盡得放丁而猶有丁可僉至於江淮興武近日則並無丁可僉矣緣江興二幫俱隸江寧省會向來四知堂文集卷十二奏疏 三

有運丁快丁名色運丁以運漕糧屬糧道管理快丁則管駕在省號船屬驛鹽道管理一族之中有快有運一家之中亦有快有運昔時運漕得利卽快亦爲運近年幫船疲乏卽冒快脫運是以兩衛每僉一丁卽以是快非運告辨無休僉丁雖由衛所而審斷必由州縣書吏棍徒勾串左袒州縣往往墮其術中斷爲是快非運是僉一丁卽脫一丁因而丁已貧疲仍令駕運不敢另僉如此安望得有放丁幫船焉有起色臣因細查漕運全書內開順治十二年漕運總督蔡士英疏請成造漕船僉選旗丁請爲編審幫貼之

一法經戶部議覆按丁造船誠爲善法但軍衛舍餘每多竄入各衙門鑽克承舍並黃快屯丁經漕臣沈文奎題准一例僉選今閑丁應否徵銀應令該總漕並各該督撫確議務期有利無害據實奏請定奪至順治十三年漕運總督蔡士英議覆江寧省衛比照橫海衛屯丁出銀貼造今議每正糧一石納銀三分黃快船差每丁協濟銀五分經戶部議准遵行是江寧快丁一項原經題准與衛丁並行僉選其閑丁又每丁徵銀五分爲貼造船隻之費今協造銀兩仍存而僉丁則藉口是快非運其狡卸亦不知始自何年四知堂文集卷十二奏疏 三

但從前運丁尙多得其貼造或不復責其出運數十年來百計逃運入快現在快丁不可勝紀而運丁寥寥且竄入黃快皆有力之家其仍爲運丁者俱貧疲無力者耳爲今之計勢不得不酌量變通運快並僉以重漕運請嗣後江淮興武二衛定爲運快並僉則紛紛告訖之繁可免而衛所備千亦不致畏首畏尾因循貽悞於漕務實有神益臣謹恭摺具 奏伏 乞

皇上睿鑒訓示遵行

請挑濬江南運河疏

為奏請

聖鑒事竊查南北運河專為漕運而設必河道深通然後漕運可速臣辦理本年漕運一路督押查看山東濟寧以比直至臨清已經山東河撫巡漕諸臣於去冬今春挑濬一律深通濟寧以南至韓莊廂西岸緯道亦經修築完竣本年糧艘已便緯軌其東岸緯道河撫諸臣亦於本年冬間即行修築並將濟寧至韓莊一帶河身一槩挑濬自可無憂阻滯惟江南運河自黃河以北至山東交界之黃林莊內有桃源縣屬之古城溜一處河身甚淺本年江西糧艘經過全將米石剝出一口止能過船二十餘隻此處應急行挑濬有謂古城溜以下勢如建瓴若挑挖太深恐一洩無餘者臣察看形勢河身彎曲之處淤沙停積中流淺窄又多橫亘若挑去積沙開寬中流挖通橫亘止係去歷年之積淤似無盡洩無餘之慮黃河以南至儀徵江口內有揚州東關一帶本年上江及江西幫船經過俱需起剝蓋緣此處地勢本高又年久淤遂致淺阻亦應挑濬深通以利輓運又大江以南京口至蘇州一帶內京口歲有挑濬丹陽常州等處

四知堂文集

卷十二 奏疏

三

則地方州縣年久並未加挑每年正二月間江蘇浙江船隻到此多須起剝應請一律挑濬以免盤剝查古城溜及揚州東關係河員經管丹陽常州一帶係地方州縣經管合無仰懇

聖明勅下江南河臣督臣撫臣委員查勘於糧船回空之後酌行挑濬深通殊於漕運有裨臣謹繕摺具

奏伏乞
皇上睿鑒

四知堂文集

卷十二 奏疏

三

請酌定條例以裨漕務疏

為請酌定條例以裨漕務事竊臣荷蒙

聖恩俾辦理漕務一切條例隨事體察有應行酌定數條謹為我

皇上陳之

一安慶幫船宜分為兩幫也查各省幫船少者三四十隻多者亦至六七十隻而止獨安慶一幫多至一百零八隻以一百零八隻之船責之空重千總二員欲其稽查嚴密約束周到勢必不能臣本年督運深悉情形另委閒運千總一員協同辦理是以行走迅四知堂文集 卷十二 奏疏 五

速弊竇亦除即應將安慶一幫分為兩幫添設領運押空千總各一員分行辦理則耳目易週而弊竇難滋矣

一湖廣江西押運到淮之廳員宜省也查湖廣江西每年幫船出運例委同知通判數員直押抵通名曰總運此外又委本省監兌米石之同知通判令其押運到淮俟糧船過淮然後回省名曰押淮在定例之初或以米係該員監兌設過淮之時驗有攙和潮濕惟該員是問原屬慎重之意但查二省船隻俱係經山江湖開行之後惟憑風水行走前後不能拘定無

論廳員不能往來稽查即領運之千總亦不能時時周視每年押淮廳員不過循例一行並無可辦之事而往返動經半年轉致本省乏員差委且多一廳員幫丁即多一番伺應書例衙役即多一番擾累若云米色不純臣於過淮時驗出查係何員監兌即可將該員題參議處責令賠補亦無俟該員親行到淮始可不滋弊竇應請嗣後湖廣江西二省除押運抵通之員仍照舊例外所有監兌之同知通判俱停其委押到淮以免曠悞

一承緝逃丁之縣衛宜定處分也查漕船空重往回四知堂文集 卷十二 奏疏 五

必須旗丁親身管押難容一日私離乃有藐法奸丁或於僉點之後藉故潛踪或於駕運之時中途遁跡一切空重事務委之頭伍代辦殊多未便雖於乾隆四年經前任漕臣托時奏請將逃丁照官軍在逃正律治罪仍於面上刺逃丁二字而承緝無勒限之明文緝拿不獲衛所州縣未經議及處分以故承緝率多不力而治罪亦屬具文臣查例載官軍在逃限百日内拿獲免議如過期不獲專管官罰俸一年等語請嗣後凡遇旗丁潛逃該運弁迅即報衛核縣該縣衛俱以文到之日起限選差兵役限百日内拿獲如

逾期不獲將專管之衛守備罰俸一年協緝之州縣
罰俸六個月其有僉丁卽係州縣與衛所無涉者將
專管之州縣罰俸一年俱仍令嚴緝務獲如違屬境
外亦令開具年貌詳請通緝獲日照例治罪則承緝
之員畏懼處分而逃丁不致漏網矣臣愚昧之見是
否有當伏乞
皇上睿鑒勅部議覆施行

四知堂文集

卷十二

奏疏

三

謝加 官銜疏

爲恭謝

天恩事乾隆二十三年七月十二日內閣奉

上諭大學士兼陝甘總督黃廷桂江南河道總督白

鍾山漕運總督楊錫綬閩浙總督楊應琚四川總督

開泰雲貴總督愛必達總督管江蘇巡撫陳宏謀安

慶巡撫高晉河南巡撫胡寶瑤甘肅巡撫吳達善歷

任封疆賢勞懋著嘉茲顯績特晉崇階用示褒榮以

彰優眷黃廷桂著加少保楊應琚開泰加太子太保

楊錫綬加太子少師陳宏謀高晉胡寶瑤加太子少

四知堂文集

卷十二

奏疏

三

傅白鍾山愛必達吳達善加太子少保欽此臣聞

命之下感激悚惶伏念臣一介寒微至愚極陋遭際

聖明屢畀封疆重任方愧才識短淺未報涓埃茲乃

復蒙

聖恩加臣太子少師臣自顧何人膺此

異數荷崇階之

特晉實感刻以難名臣惟有益竭駑駘之力彌勵靖

共之忱祇遵

聖訓事事實心庶以少報

高厚隆恩於萬一耳爲此繕摺恭謝

天恩伏乞

皇上睿鑒

四知堂文集

卷十二 奏疏

天

請歸併疲幫以便押運疏

為謹籌疲幫歸併以便管押以重漕運事竊查江安所屬漕船有鳳中三一幫船止一十六隻而兌糧水次分為三處內四隻兌天長縣漕糧水次在高郵州每年由運河過淮盤驗渡黃北上又六隻兌盱眙縣漕糧水次係在五河又六隻兌六安州英山霍山漕糧水次係在六安州之正陽關此十二船每年例不過淮係由洪澤湖至清口渡黃北上由運河者道近水平計日可以渡黃由洪澤湖者湖濶浪大必須守候順風方敢揚帆往往遲至半月二十日不能過湖

四知堂文集

卷十二 奏疏

天

於是一幫之船前後行走重運回空俱不能聯為一起該幫雖有領運千總一員只能管押在後過湖數船其在前先行者相隔遙遠鞭長莫及一切攙和盜賣等弊無人稽查往往抵通之日米石或有不足且幫船本少而又分為數起中途提溜打腳剝淺等事需費較多丁旗亦較為苦累臣查幫船過少原有歸併帶運之例隨檄行江安糧道錢度詳酌妥議去後茲據詳稱該幫受兌天長縣漕糧船四隻水次在高郵即揚州二幫兌糧水次可以歸併揚州二幫其兌盱眙縣漕糧船六隻與宿州頭幫水次相近可以歸

併宿州頭幫又兌六安英山霍山等州縣漕船六隻
與宿州二幫水次俱同在六安州之正陽關可以歸
併宿州二幫等情臣查揚州二幫係由淮安運河行
走以兌高郵漕糧之四船歸併甚為妥便其宿州頭
二兩幫俱係由洪澤湖行走之幫各就其水次近便
分行歸併亦屬有利無害且查揚州二幫船止六十
三隻宿州頭幫船止二十隻宿州二幫船止四十六
隻以此數船歸併並無難於稽查辦理之處應請以
已卯年新運為始裁幫併歸於漕務軍旗均有裨益
再臣前因安慶一幫船至一百餘隻千總二員稽查
四知堂文集卷十二 奏疏 三

難週 奏請分為兩幫添設空重千總各一員經部
議覆以該幫額設千總二員僱重押空歷年辦理久
屬相安即有耳目難週之處自可於効用員弁內隨
時差委辦理毋庸遽請更張奉
旨依議欽此移咨到臣自應欽遵辦理惟是安慶一
幫船隻過多運弁難於稽查管押情形臣兩年督運
目所親擊効用員弁酌委協辦究竟責成不專今鳳
中三幫既議歸併則原設千總一員應行裁去應請
將安慶一幫仍分為兩幫即以所裁千總令其管押
安慶分幫運務再行派委押空隨弁一員則於經制

之官既無增設而於運務得資稽查之益實為兩便
再安慶一幫原係繁缺今既分為兩幫應改為簡缺
歸部銓選臣不揣日昧謹就所見情形據實陳 奏
伏乞
皇上睿鑒勅部議覆施行

請停無益之標弁酌留熟習之隨幫以裨漕務

疏

爲請停無益之標弁酌留熟習之隨幫以裨漕務事
竊查各省漕糧每幫設立領運千總二員輪流出運
原無乏員之患自康熙五十一年前任漕臣赫壽因
領運千總或一員留通或一員遇有叅革別幫之員
難以兼押奏請於在部候選衛所千總內揀發數十
員以備差委三運滿日咨部卽用經部議准行嗣是
歷任漕臣每効力之員將次用完卽請

四知堂文集

卷十二 奏疏

三

効力人員非有一定之幫不過每年新運何幫員缺
卽行委辦其視幫內丁旗非若部選本幫之員尙有
休戚相關之意不過虛應故事完此一運其劣者則
需索幫規稍不如意卽多方奪事責懲幫丁各幫丁
因係標員特委畏其吹索不得不曲爲承奉是委一
標員幫丁卽倍受一番苦累殊於漕務無益如云或
恐一員留通或一員遇有叅革別幫之弁勢難兼攝
查康熙年間漕糧多有掛欠領運千總須留通追比
今每年抵通全完千總俱趕幫南下情形並不相同
其或一員遇事叅革則各幫閑運之員俱可酌委亦

無需於効力之標員現在從前揀發之員將次用完

卽屆應請揀發之時然臣既深悉其弊不敢因循舊

例相應 奏請停止以裨漕務至於押空千總名目

隨幫每幫止設一員三年報滿咨回內部候選此定

例也 臣查漕務須熟習之員而人材宜得及時之用

臣兩年以來督運在途親加試看各隨幫中頗有年

力精壯實心辦公之弁有適值中途運員叅革卽委

辦理本幫重運而妥協反過於重運者有本係疲幫

而隨幫協同重運和衷辦理二三年漸有起色者此

等隨弁三運之後漕務已經熟習而一咨回部候選

四知堂文集

卷十二 奏疏

三

無期似屬可惜以臣愚見與其請揀素未辦漕之員
又不若酌留熟諳漕務之員更爲有益請嗣後隨幫
三運報滿除平常供職之弁仍咨回內部外其中如
有實心辦事熟習漕務者容臣出具切實考語送部
引

引

旨飭發 臣標効力令其自備資斧以供一切饋催盤

糧委署差遣三年之後准照試用知縣例遇有調補

所遺之缺擇其人與幫地相宜者 題請補用如此

則隨弁上進有階而漕務可多得熟諳之員矣 臣管

窺之見是否可行謹據實陳 奏伏乞
皇上睿鑒勅部議覆施行

四知堂文集

卷十二

奏疏

旨

奉 旨開復謝 恩疏

為恭謝

天恩事竊臣前於署吏部尚書任內議處張泰開保
舉鄒一桂之子一案不按情節分別輕重顯係專擅
行私經都察院議以革職荷蒙

聖恩從寬留任四年限滿循例咨部經吏部照例

題請開復奉

旨楊錫紱准其開復欽此欽遵移咨到臣隨恭設

香案望

闕叩頭謝

四知堂文集

卷十二

奏疏

旨

恩訖伏念臣一介寒微至愚極陋叨受豢養之

深恩屢沐

矜全之厚德縱勉竭駘駘涓埃莫報乃復荷

隆恩准予開復臣聞

命之下感激難名臣惟有銘心刻骨益加奮勉事事

實心恪恭職守以圖仰報

高厚隆恩於萬一耳所有微臣感激下忱謹繕摺恭

謝

天恩伏乞

皇上睿鑒

陳明奉到 諭旨存入交代疏

為 奏覆事乾隆二十四年三月十七日承准大學士公傳恒大學士來保字寄內開乾隆二十四年三月初七日奉

上諭據佟琳張師載等奏徵山湖口廂前因漕臣楊錫紱札稱江南運河水勢克足東省宜預為樽節遂將湖口廂先下底板四塊并將張河等處減水單廂照舊堵閉今於二月間復接楊錫紱札稱運河水勢尚須接濟仍將湖口廂并減水各單廂仍前開放暢流等語所辦甚協事理此由楊錫紱留心預為調劑

四知堂文集 卷十二 奏疏 三

隨時咨商東省河臣相機啟閉使漕運流通轉輸若地方大吏遇事皆能如此不分畛域於公務何患不濟著將此旨并佟琳等奏摺傳諭楊錫紱存記入於交代即定為章程俾永遠遵行欽此遵旨寄信前來并抄發奏摺到 臣跪讀之下仰見聖明厯念河漕

睿慮周至伏查江南運河全資東省廂湖之水接濟漕艘經臨水勢有餘不足自應隨時咨商河臣相機啟閉今 臣謹遵諭旨將奉發佟琳等奏摺敬謹存記入於交代永遠

遵行理合繕摺 奏覆伏乞

皇上睿鑒

四知堂文集 卷十二 奏疏 三

三

四知堂文集卷十二終



奏疏

清江楊



陳明運河水淺請飭河撫諸臣疏濬水源疏

為奏

聞事竊本年南漕尾幫於五月初三日催過山東臺莊情形已經會摺 奏明在案 臣隨於初四日先至韓莊查看八牖及湖口牖旁開挖水口放水情形查現在湖內之水與運河之水將次相平所有微山湖之水不能暢流濟運是以八牖之內亦行走艱難 臣

四知堂文集 卷十三 奏疏

已面商河臣張師載將濟寧以上之金線利運二牖酌行啟板使南旺上下均得蜀山湖水以資接濟俟尾幫全入韓莊即將韓莊牖酌量下板使運河之水稍有收蓄則江廣重船亦可漸達濟寧不致淺滯至尾幫全過濟寧之後向例於南旺以南之寺前牖全行下板使南旺之水盡行歸北俟尾幫全出臨清然後啟寺前牖之板但今歲大雨未降臨清牖外衛河之水亦甚淺澁現據各幫弁紛紛具報剝淺遲滯雖經咨移河撫諸臣速飭挑濬然水無增長即挑濬亦未必十分有濟 臣擬俟到濟之日再與河臣張師載

酌量情形俟尾幫送出臨清之後將寺前牖定為五牖一啟板以通官民船隻庶南旺蜀山馬路諸湖之水歸北分數較多衛河得此水接濟必少有增長較之徒事挑濬更為有益約糧艘經過德州之柘園後再將寺前牖板全啟似亦權宜調劑之一法再衛河之水發源於蘇門山百泉其迤北迤西則有洹河小丹河支源合以濟運 臣檢查舊案水竭之年有疏濬泉眼支河俾得暢流並將民牖民渠酌量暫閉使水不致旁洩之例 臣商之河臣張師載據云先已委員前往查視但百泉為衛輝所屬合無仰懇

四知堂文集 卷十三 奏疏

聖恩再勅諭河南撫臣胡寶瑤飭委管河道廳力加疏濬全啟官牖之板再於東西民牖輪流啟閉以濟運并將洹河東十洞之內及小丹河東西民渠酌行堵閉則水源漸裕下流或可少淺滯之患 臣愚昧之見是否有當謹恭摺奏 聞伏乞 皇上訓示

陳明辦理截漕情形疏

爲奏

聞事乾隆二十四年五月十四日臣在山東韓莊地方承准

廷寄欽奉

上諭前已有旨截留漕糧二十萬石分貯景州以北水次州縣以備撥運方今雨澤未霑將來尚有需用米石之處現又降旨再截漕糧二十萬石交與方觀承酌量情形分貯水次州縣以爲接濟之用可傳諭方觀承會同總漕楊錫紱於現到漕船內先行截派

四知堂文集

卷十三 奏疏

三

則船輕易進可免剝運之煩而畿輔民食亦可有備無患至楊錫紱例於重運過天津後來京陛見此次既有截漕之事應俟辦理妥協後再行來京著一併傳諭知之欽此同日又准直隸總督臣方觀承咨奉

上諭近京地方雨澤愆期糧價尙未平減聞景州一帶更覺昂貴現已降旨令將運過德州之漕糧再行截留二十萬石酌停水次州縣以資接濟現在京城內外及通州等處設廠平糶市價未至騰踊著傳諭方觀承酌勘各該處情形如果糧價過昂即可動項減糶或用倉貯穀石或用截撥漕米照時值酌減以

平市價該督其董率屬員妥協經理務使米穀流通民食不至拮据至截留之法仍照北倉之例則船輕易進一舉兩得欽此隨經酌量水次地方情形應於景州安陵鎮截留三萬石交河縣泊頭鎮截留四萬石滄州截留三萬石天津截留十萬石分委道府廳員督同各州縣收兌等因到臣仰見我

皇上厯念民食無微不至臣查前次欽奉

諭旨截漕四十萬石存貯北倉現在陸續起交但查首進幫船目下尙未全過德州約北倉所截之數尙未及半今次奉截共四十萬石乃平糶急需若待北

四知堂文集

卷十三 奏疏

四

倉截足然後按數接截未免稽遲臣權其緩急細加籌酌除現在已過景州安陵鎮之船應仍聽赴北倉交兌外其未過安陵鎮之船應請每船截米四百石卽於安陵截交安陵截足以次及泊頭滄州天津等處其三次應截留之二十萬石俟督臣方觀承派定水次到日照此一例辦理統俟截留足數然後再赴北倉接截以足存貯四十萬石之數庶於克糶無悞至此二次所截之米原係就地平糶非若北倉存候轉運可比毋庸令丁交出剝費請仍照乾隆十八年天津截留之例按正改耗米交納至原船抵通米石

既已截減所有各船應交茶果個兒錢文及應領筒
羨餘米等項應聽倉場侍郎按照截剩米數兌交臣
已一面咨明直隸督臣方觀承倉場侍郎臣雙慶等
轉飭各委員查照辦理一面飛飭各押領員弁遵照
候派截交臣現在兼程赴濟與河臣張師載面商相
機啟閉各牒事宜後即由濟寧陸路馳赴德州以便
就近會同直隸督臣方觀承交速酌辦再本年運河
水勢微弱漕船處處剝淺行走艱難雖韓莊距濟不
遠尾幫計日可以全過濟寧但臣先往辦理截留事
宜恐無大員押催一切僱剝挑淺諸事辦理恐多遲
四知堂文集 卷十三 奏疏 五

滯各幫弁丁或致藉端稽延查山東運河道李清時
原係經管通省運河有催償漕船之責臣已咨明河
臣張師載即委運河道李清時隨同濟寧巡漕臣佟
琳沿途料理催償押至德州臣俟截留之事辦理定
局仍由德州往南迎催一俟尾幫全過天津再行進
京仰觀

天顏恭請

聖安所有臣欽遵

諭旨酌辦緣由謹恭摺奏

聞

遵 旨籌勘河道詳議會奏疏

為遵

旨會同籌勘詳議覆 奏事竊臣海明於荏平途次
接准

廷寄乾隆二十四年四月二十五日奉

上諭據巡漕給事中佟琳奏稱今春白洋河等處河
水微弱糧艘稍有稽延經會同河臣開放湖口牒又
於湖口壩南開堤放水糧船得陸續前進既有成效
應即於現今開堤之處添建出水牒一座如河水小
則兩牒並啟以濟運河水大則全閉以收蓄邳宿一
四知堂文集 卷十三 奏疏 六

帶自無淺滯之患等語湖口一牒原以蓄水濟運若
因運道綿長一牒所出之水難以灌注則添牒洩放
似與漕運有益著傳諭海明張師載楊錫紱相度情
形公同酌量應否添建牒座以資節宣抑或另有籌
畫之法一併詳悉妥議奏聞欽此遵

旨寄信前來隨即回至濟寧會同臣張師載前赴韓
莊適臣楊錫紱督運來東臣等齊集湖口牒旁挑堤
放水之處詳看情形伏查東省微山水原以濟臺
莊八牒並江南邳宿一帶之運本年江省運河因略
馬湖之柳圍頭王家溝湖水欲以留濟江廣重運不

便早爲開放是以白洋河等處水勢微淺隨經東省先將湖口牖並滾水石壩減水各單牖全啟嗣因牖壩洩水下注猶爲不足復於湖口牖旁挖開水口廣洩湖水以濟江南俾資浮送茲巡漕臣佟琳 奏請卽於開堤之處添建牖座臣等會同相度悉心籌畫前因南運需水接濟而東省湖口牖並滾水壩已令暢流宜注絲牖壩至此建定金門不能多爲展寬是以於近湖之處開堤廣洩查原挑出水口門計寬三丈二尺自開放之後下游河水頓見增長重運得以進行倘南運水勢仍或不敷浮送卽可再將水口挖

四知堂文集

卷十三 奏疏

七

寬無論五丈十丈總以下遊水足而止是欲寬欲窄可以隨時節制若竟估建牖座卽牖門甚寬亦不過二丈二尺反不能因時展寬且現在挑堤口門與湖口牖相距止十餘丈臣等公同詳議可以毋庸再建牖座如明歲南運水勢充足自無須再開水口倘邇宿一帶稍有淺澁卽咨會東省仍行開放不必拘定丈尺俾上源出水之路愈寬則於南運愈爲有益再臣等謹遵

諭旨更復悉心籌畫查東省運河專藉汶泗等河受各泉之水濟運若春夏雨少水弱全賴湖水接濟是

東省收蓄湖水實爲最要之事日下糧船尾幫已過臺莊俟全過韓莊牖後臣張師載卽飭將滾壩並開堤之處均行堵閉仍將湖口牖下板只留攔板之水浮送官民船隻至伏秋汛時再將微山獨山諸湖之水預爲收蓄以濟來年重運其在江南白洋河等淺處現經江南河臣 奏請興挑容臣等咨會南河俟汛水漲發之時仍照臣海明等善後事宜案內原奏將駱馬湖尾閘早閉以期湖水收蓄充盈如此預爲籌畫東省既有微山等湖之水江南又有駱馬湖之水上下兼濟則來年邇宿桃清重運經行均有裨益

四知堂文集

卷十三 奏疏

八

矣所有臣等遵旨會勘湖口牖旁水口毋庸建牖并籌辦來年水勢情形謹詳悉妥議恭摺覆 奏是否有當伏乞皇上睿鑒訓示遵行

遵 旨陳明籌辦衛河水勢疏

為遵

旨審度衛河水勢酌籌辦理情形仰祈

聖鑒事竊臣張師載於本月初四日在七級牐催漕舟次承准

廷寄乾隆二十四年六月初二日奉

上諭據胡寶瑑奏將衛河民間渠牐洞口全行堵閉俾河流歸注下游以濟漕運候正流充足再行照例分放等語現在漕艘已過濟寧正資衛水浮送蓄水濟運固屬因時酌辦之法但豫省河南各屬得雨已

四知堂文集

卷十三 奏疏

九

經透足其河北一帶雖節次得雨數寸民間尚不無需水灌田之處若將渠牐洞口全行堵閉恐農民不能接濟亦關緊要著傳諭張師載楊錫紱胡寶瑑等公同酌量但使漕艘自臨清以北足以資送天津不致淺阻則民間渠洞亦須酌為開放俾暢正流以濟運而旁分餘水以潤田總在該督撫等彼此咨會審度水勢情形妥協調劑一面辦理一面奏聞務使漕運民田均有裨益欽此遵

旨寄信前來仰見我

皇上軫念民生無微不至除一面飛咨河南撫臣胡

寶瑑外臣張師載隨星夜前赴臨清會同楊錫紱

查看水勢情形悉心籌度查本年衛河水勢本屬微

弱兼以大雨未降日見消耗是以臨清至德州一帶

間有淺滯臣等節經嚴飭河員及地方州縣上緊挑

撈臣張師載除先經將各湖濟運斗門牐座開通暢

流外復於尾幫全過濟寧之後將利運牐之南開挖

水口廣洩蜀山湖水以資接濟目下南旺以南之寺

前牐已經嚴行封閉汶水全歸北流臨清牐外水勢

已稍增添又衛河上源之民渠民牐經撫臣胡寶瑑

四知堂文集

卷十三 奏疏

十

堵閉後旬日內下流亦增長數寸現在湖北幫船經過各淺處所不致阻滯是日下衛河水勢江廣重船亦可資浮送但衛河之底流沙易壅上源滙注之水愈多則愈受其益臣等詳加籌議應請將現在封閉之民渠民牐嗣後三日之內酌閉兩日以濟漕運仍開一日以灌田疇俟尾幫全過德州即飛咨豫省全啟渠牐庶河北一帶民田仍可稍分餘潤而臨清以北衛河水勢亦得收灌注之益至尾幫未過德州之先如或得有大雨衛河水勢增長臣等亦即先行咨會豫省將民間渠牐全行開放更於民田有益臣等往來查看目擊衛水增長情形籌酌調劑因撫臣胡

寶珠遠隔七百餘里雖已星飛咨會若俟咨覆到日

始行覆 奏竊恐上歷

聖懷是以不及會銜謹遵

諭旨審度定議一面飛咨豫省遵照辦理外所有臣

等籌辦緣由理合恭摺奏

聞伏乞

皇上睿鑒

四知堂文集

卷十三 奏疏

十一

山東諸泉請加講求以裕水源疏

為山東諸泉請加講求以裕水源事查東省運河原係引諸泉之水以濟運故兗沂泰安各府其泉源俱載有名地歷歷可考近年以來湖河水大原無藉於諸泉之涓涓水小之年則涓滴皆貴矣臣查泉之為物疏之則達壅之則停且泛出因時停竭有候此諸泉中豈無有昔資其利而今已涸竭者亦豈無有昔未經見而今可資用者東省河官原設有泉河通判一員總管泉源其隸各縣者則水利縣丞王簿等官分司之若每歲疏治無壅則合眾小流以成大流其為運道資藉正復不少以臣管見應請

四知堂文集

卷十三 奏疏

十一

勅諭山東河臣分委河員將昔有諸泉逐一查勘雖深山窮谷之中亦必親歷爬搜去其壅蔽導之流行其舊有而今竭者除之或舊無而今有者增之每年於二三月間令司泉之員實力疏濬出而濟運其有怠玩從事不舉其職者叅處之庶泉源俱歸實用似於運道有裨再查泉河通判屬河臣轄而各司泉縣丞王簿等官又隸撫臣同一管泉而分隸各異呼應未免不靈應請併

勅河撫二臣會同妥議如應改隸河臣即行改隸如

或以原係地方佐雜并非河員亦應將河臣作何兼轄之處定議覆 奏恭候
皇上聖裁以臻妥善 臣謹繕摺具 奏伏乞
皇上睿鑒

請酌更湖南漕船章程疏

為敬陳管見仰祈

睿鑒事竊臣荷蒙

恩命辦理漕運三載於茲仰遵

聖明訓諭於各省幫船無不留心體察隨事調劑惟湖南一省漕船二十二年中途截留二十三年全數減歇是以未得深悉情形今二十四年該省糧船全數出運空重往返臣留心查察甚為拮据因博咨廣訪悉其受病之由有應急行更定者臣謹為我皇上陳之

一湖南領運千總宜有一定幫次也查糧船出運首重領運千總然必有一定之幫而後官與丁習得以知其利弊隨事整飭即丁亦知官無改遺不敢欺朦弊混今查湖南糧船三幫設立千總六員內荊州荆左荆右三衛各一員岳州衛三員向因漕運全書未經載定幫次該省糧道每年新運隨意派委漕臣相沿亦據詳批運在領運之千總視非本管丁旗既已痛癢不關安肯實心任事在各丁舵人等則以不過一年暫委無所畏忌為奸作弊無所不至如此安得不丁益日疲幫益日困又况運無一定則趨避夤緣

由此而生殊非所以飭官方而重漕運臣請嗣後荆
州荆左千總二員定爲湖南頭幫荆右衛岳州衛千
總二員定爲湖南二幫又岳州衛千總二員定爲湖
南三幫每幫二員按年輪流出運不得通融派委則
官知恤丁丁知畏官辦運自必實心且可除趨避貪
緣之習於漕務殊爲有裨矣

一荆衛千總宜移駐岳州也查湖南糧船三幫水次
俱在岳州則領運千總應俱於岳州駐劄庶辦理稽
查俱屬就近今查荆州等衛千總三員向因官係衛
屬俱隨守備居在荆州相隔岳州數百餘里毋論差
四知堂文集 卷十三 奏疏 五

委考驗苦於遠隔途長而以應在水次辦理運務之
員反令遠處無事之地終年坐守殊非循名責實之
道臣請嗣後荆衛千總三員俱一併移駐岳州專辦
運務庶官與職稱而事無廢弛矣

一湖南造船宜責千總監造也查糧艘十年大造及
風火事故賠造俱係衛守備之責但各省守備多近
居水次得以親行監督湖南則止岳州一衛駐劄水
次而荆州等衛守備俱相隔遠每年造船旗丁赴
衛領銀歸次成造在衛守備以有征收屯餉錢糧之
責多不親身赴次而又不詳委監造之員於是不肖

丁旗得以自由錢糧不歸實用未免板薄釘稀船身
不固臣思船係千總出運堅與不堅乃其利害切身
之事非甚不肖斷未肯聽丁旗造不堅之船而貽自
己之害者請嗣後湖南各衛成造船隻俱令各該幫
千總親自監督或有不能堅固如式者將千總與守
備一併叅處則事有責成而費歸實用矣

一湖南船隻宜在途修驗也查糧艘每出一運風浪
之顛簸肺爛之拖拽多有損傷全在修驗以時方能
克濟新運今查每年回空諸省之船尙可早及抵次
惟湖南由長江而返洞庭地處最遠大約回空無
四知堂文集 卷十三 奏疏 六

誤亦須十二月方得歸次已屆冬兌冬開之期始行
領銀修驗不過潦草塞責及至新運開行涉歷江湖
之險稍遇風水相激卽至縫裂發漏輕則損耗糧米
重則全船沉溺一船失風累及什軍攤賠既非所以
慎重

天庾亦非所以體恤丁旗臣細心籌酌應責令該省
糧道每年於十月卽委員將各丁應得運費每船先
行解給五十兩迎至湖北之田家鎮等候俟回空船
隻一到卽給發銀兩先行補買篷纜等物一至漢口
卽鳩雇工匠沿途修驗赴次卽可兌漕庶船身堅固

而新漕亦不致耽延矣

一湖南舵工宜加嚴懲也查駕逆船隻全資舵工在各省皆然而湖南舵工則祖孫相傳盤踞霸佔竟成世業幾於積重難返緣湖南旗丁向來多不親身出運一切應領錢糧銀米每包給於舵工旗丁不過虛應一名是以一切運務俱舵工辦理因之多攬客載偷盜米石無所不至甚至有盜米過多自知抵壩不能完公中途故將船隻鑿沉藉以失風累及旗丁者近年以來旗丁知舵工之為累已皆自行出運然鄉愚之人事例未諳仍不得不聽命於舵工且旗丁有

四知堂文集 卷十三 奏疏 七

更換而舵工為世業於是奸舵反視旗丁為奴隸一切任其指揮侵蝕銀錢偷盜米石為所欲為及至抵通交納不前旗丁不得不揭債完公而奸舵轉脫然事外是湖南旗丁之困困在舵工則欲甦旗丁之困必先懲舵工臣請自二十五年新運為始容臣於抵通交糧時令領運千總據實報明有少米五石以上累眾丁通挪代完者將該船舵工拿究審訊得實即咨部發遣庶奸舵知所儆懼而積重之勢可冀漸返矣以上數條事雖瑣屑然非經部定議則丁旗之困莫紓積重之勢難返是以不揣冒昧據實陳 奏伏

乞 皇上睿鑒勅部議覆施行

四知堂文集 卷十三 奏疏 六

謝 賜御製墨妙軒法帖疏

為恭謝

天恩事乾隆二十四年十一月初三日臣賞摺家人

回准捧到

恩賜御製墨妙軒法帖四卷臣隨出郊跪迎至署恭

設香案望

闕叩頭謝

恩祇受訖欽惟我

皇上

竝聽天授

四知堂文集 卷十三 奏疏

充

作睿神通

萬幾凝宵盱之精尤濬

文思於乙夜

一德建中和之極更抒

天藻於辰樞

念茲內府閱古樓之中藏書幾數千百種因得唐人

褚遂良以下真蹟凡三十餘條欲令架度常昭

親加評品將使津梁廣遠

手自摹臨曩者飛白千章輝

玉檢於三希堂帖今茲硬黃四冊灑金壺於

萬壽山園編勒

命之從臣不數淳熙淳化

賜書及於外吏俾窺正筆正心臣捧到

璇函珍諸瓊笈媿一辭之莫贊垂百世以為昭惟是

瞻戀

聖慈廣拜附夔龍之末感叨

異數報稱竭葵藿之誠所有微臣感激下悃謹具摺

恭謝

天恩伏乞

皇上睿鑒

四知堂文集 卷十三 奏疏

丰

遵 旨議覆浙省疲幫情形疏

為遵

旨覆 奏事乾隆二十五年二月初一日兵部遞到
大學士公傅恒大學士來保字寄漕運總督楊錫紱
乾隆二十五年正月二十四日奉

上諭前據莊有恭奏浙省台州等幫漕船內丁力俱
極貧疲請將台州後幫額船酌減九隻處州前幫酌
減六隻後幫酌減九隻金華所酌減三隻衢州所酌
減四隻嘉興白糧幫酌減十隻錢糧加給疲丁米石
灑減濟運一摺現在交部定議上年楊錫紱請將江
四知堂文集 卷十三 奏疏 三

西漕船加一裁減經部臣議駁復詢問該督據稱江
西幫船情形與江浙等省不同通融裁減實與辦公
有益是以降旨准行今浙省復以灑減為請該撫或
因江西業經奏准辦理是以援例具奏抑或減船灑
運僅為優恤貧丁起見而於漕政果否實有裨益不
致負重妨運之處著傳諭楊錫紱令其確按情形詳
細妥議具奏欽此欽遵寄信到臣 臣跪讀之下仰見
我

皇上辦理萬幾綜計前後無微不至臣查浙省減船
先於二十三年巡漕御史臣錢琦奏請調劑各省疲

幫案內經前任糧道申夢璽詳請將紹興前後幫各
裁船十隻兩幫原有輪減船十六隻即以抵數外仍
裁船四隻台州前幫裁船四隻台州後幫裁船十隻
金華所裁船六隻內有輪減船三隻抵數外仍裁船
三隻衢州所裁船三隻嘉興白糧幫裁船八隻溫州前幫
裁船二隻溫州後幫裁船四隻處前幫裁船三隻處
後幫裁船七隻杭州二幫裁船二隻杭州四幫裁船
三隻又請裁寧波前幫輪減船七隻寧波後幫輪減
船六隻經臣查核具題奉部議覆以各省漕船均係
按糧成造並無虛設且雍正四年清查時各省實運
四知堂文集 卷十三 奏疏 三

船七千二百隻節次裁減僅存船六千餘隻若再行
裁減則船少糧多不特長途負重殊非慎重之道即
軍丁挽運僱剝更多賠累於漕務實無裨益應將該
督所請裁船之處毋庸議等因奉

旨依議欽遵在案今撫臣莊有恭奏請將台州後處
州前處州後金華所衢州所嘉興白等六幫酌加裁
減即在臣二十三年題請裁減各幫之內亦屬調劑
疲幫起見但臣年來細加體察浙省幫丁貧疲之由
其受病有三一浙省向來州縣徵收漕糧多委之漕
書所收米石不能十分乾潔旗丁受兌到船多有蒸

變折耗及抵通交納僅足

正供無有敷餘其病一也一浙省水次受兌行月糧米向來多有旗丁胥役串同折乾之弊不能一律本色上船於是沿途飯食或反用正米及到壩短少多方那貸補足其病二也一浙省丁情狡猾多有奸蠹之丁藉辦理一幫事務假公濟私冒開用費衆丁銀錢不能盡歸實用及抵通乏費又代爲重利那借前後滾剝遂至重困其病三也一上年收糧之時卽札商撫臣莊有恭令嚴飭州縣收米務必乾潔以免折耗又檄飭糧道雷暢於開兌之時務必親歷各府水

四知堂文集

卷十三

奏疏

重

皇上睿鑒

請定黃河失風乘機搶掠地方官失察處分疏

爲請定黃河失風乘機搶掠地方官失察處分以重漕運事竊查南省漕船俱於清口渡黃由楊家莊口門入運而黃河流駛波迅較運河爲險或遇洩水泛漲及暴風猝發往往有失風之事乃楊家莊口門一帶帶有等捕魚小船藉救護之名爲搶貨之計每見船隻失風卽爭趨船邊或取天蓬木植或取艙內貨物裝入小船在丁旗頭舵正倉皇無措之時不能禁其不行搬取而此輩一經搬足卽四散無踪催漕員弁當風浪之中無從攔截地方文武向無責成定例亦不嚴加查究遂至成爲積習本年四月間臣聞有糧船失風被小船乘機搶掠之事因檄飭清河縣知縣嚴行查拿將搶貨各犯俱枷示河干始知畏懼然非責成地方官稽查約束事犯則加以處分終無由永除積習臣查船無論大小俱可編號稽查官無論文武均應隨時防護請嗣後清口至楊莊一帶黃河兩岸捕魚小船俱令清河縣知縣開具姓名造冊編號該縣有縣丞一員專管河務河標有把總一員是其汛地應令編號船隻俱聽其經管遇有糧船失風卽令各駕小船先行救米次行救貨米石聽押運之員

四知堂文集

卷十三

奏疏

重

分散本幫各船貨物聽該縣丞把總等查明酌給飯
食錢文將貨物逐一交還失風之難丁如該縣丞把
總並不稽查約束以致仍有乘機搶掠之事或被旗
丁呈首或經催漕之員稟報即將該縣丞等叅處照
約束不嚴例降調其搶貨各犯俱照白晝搶奪例問
擬庶奸民知有法紀官弁知有責成積習可返於漕
運甚爲有裨矣臣管見所及謹據實陳 奏伏乞
皇上勅部議覆施行

四知堂文集

卷十三

奏疏

畫

敬陳管見疏

爲敬陳管見仰祈

睿鑒事竊查漕務運道相爲表裏臣數年來往運河
凡有應行疏築情形俱陸續奏

聞荷蒙

聖鑒今臣本年督運抵通就所見情形尙有應行酌
辦數條謹爲我

皇上陳之

一河內椿石起除不淨宜驗實叅處也查糧船底平
載重最易抵觸必須水底無礙方免掛漏之虞定例

四知堂文集

卷十三

奏疏

畫

凡河中椿石俱令管河之員起除淨盡違者嚴加議
處所以重漕運也乃臣督運往來見沿河兩旁或岸
石之傾圮或牆壁之坍塌或樹根之插入或舊椿之
未淨所在間有仍不能起除淨盡者蓋緣水落之時
在河兩旁原無礙事及至水漫之時已無形迹經過
糧艘雖或有因此觸漏致溺者而見未確實不敢以
抵觸椿石具報而地方文武又無會同驗實具報之
例是以甘受失於防範之處分而起除不淨之河員
反脫然事外殊非平允之道臣請嗣後運河糧艘如
並未遇風祇因河底石塊舊椿及樹根等項觸漏致

溺者應令地方州縣及防汛武弁會同探驗確實卽據實以觸漏具報將地方文武免其失防叅處當將該管河員咨叅議以降調處分庶管河之員各知儆懼起除必力而糧艘亦免觸溺之虞矣

一凡有牐座之越河宜一律疏濬深通也查建立牐座必旁開越河所以備水大之宜洩保護牐座也其實水大之年如越河深通無阻糧艘卽可由越河行走既免拉牐之險且省多夫之費今臣往來牐河留心查看有一律深通者亦有淺淤狹隘及樹石椿樑礙阻者雖水大之年越河可走而恐其觸礙不敢徑

四知堂文集

卷十三 奏疏

五

行仍不免上牐之煩難且地方土棍及牐夫汛兵人等又樂於越河之難行然後旗丁不得不僱夫打牐於是包攬抑勒從中取利此實向來之積弊臣請嗣後疏濬運河將越河之未盡深通者一律疏濬去其樹石使可通行則在河防爲宜洩有資在糧艘更便行無阻一舉而兩得也

一管河廳汛宜酌備挑撈器具也查南北運河水足之年挽運尙非甚艱水小之年則每遇淺處卽苦膠舟非急加挑撈必致遲悞然挑撈均需器具如鋤鏟之類尙可從民間借用若刮板鐵篋及鐵口線袋等

項則臨期置備頗緩不及事臣請南北運河廳汛除河水深通之處毋庸置備外其向來有淺之處及二十四年曾經挑挖處所廳汛之員均應酌置挑撈器具入於交代流傳庶逢水小之年得應急需在汛員不致臨期周章而糧艘亦不致停舟久待矣以上三條臣管窺之見是否有當伏乞

皇上勅部議覆施行

四知堂文集

卷十三 奏疏

五

請酌改停泊水次以避險遠以利漕運疏

爲請酌改停泊水次以避險遠以利漕運仰祈

睿鑒事竊查南省漕運自邳宿桃清一帶中河開成
糧艘自南來者一出清口卽由楊家莊口門入運避
去由清口至徐州數百里黃河之險凡屬幫丁無不
蒙麻惟徐州府之江北一幫船四十一隻長淮三四
兩幫每年輪兌徐糧船三十五隻因受兌水次例在
徐州府城是以每年仍由黃河行走不能避去驚波
駭浪之險然十字河竹絡壩未開以前徐州之船係
由竹絡壩入運不必下至楊莊口門道里尙近自乾

四知堂文集

卷十三 奏疏

无

隆十四年竹絡壩不開之後非下至楊家莊口門無
由轉入運道則道愈遠而險愈多或值風水不利往
往動經數月然後得達險固可虞時日亦多稽滯上
年該二幫重運船隻因風阻滯以江南首進之幫反
殿江廣之後因之回空亦遲臣督押回南時據徐州
衛守備黃林詳稱由徐州一百餘里至中運河之皂
河地方與黃河止隔一堤請將回空徐州幫船卽在
泊皂河不必又由楊莊口門逆溯徐城以免冰凌阻
壓之虞冬底仍令旗丁於徐城水次受兌自僱小船
運至黃河與皂河隔堤之處過壩入船度幾公私兩

便等情臣查閱情形事屬可行當經批飭照辦並咨

明戶部覆准在案因而檢查案卷從前兩幫弁丁因
黃河險遠請改駐皂河水次業經屢次具呈前任漕
臣亦行令道府查議大約多以定例已久未便更張
爲詞臣查事關定例固不應輕易紛更而利害輕重
亦所當權今糧艘任泊黃河深冬則有冰凌剝傷之
虞春行則有呂梁二洪及掃灣急溜之險且由徐城
至楊莊又由楊莊逆溯皂河道路紆迴幾七百里較
之由徐城至皂河隔岸利害相去不啻運庭則舍險
就平合遠就近在船隻免覆溺剝傷之事在旗丁免

四知堂文集

卷十三 奏疏

无

經涉險遠之苦在程限更得及早抵通無稽阻遲悞
之患是此二幫水次似應急議更定未可概拘成例
也臣請徐州之江北幫及長淮三四兩幫兌運徐糧
船隻以本年爲始卽在泊皂河至兌糧時令弁丁仍
赴徐城受兌兌畢卽用小船運至黃河與皂河相連
之處過壩入船所需運價旗丁自認需用剝船令州
縣酌定價值代爲僱募僱船有悞責在州縣剝運有
悞責在弁丁如此一轉移間實於運務丁情均有裨

益臣謹繪圖貼說據實陳 奏伏乞

皇上睿鑒勅部議覆施行再此二幫船隻向因改由

楊莊口門入運河道庫內每年例給每船挽絳銀四兩今改由皂河此項銀兩自應停給但旗丁自催剝船價值尙數倍於斯應否仍行給予統聽部議令併聲明

請酌貯官項借給疲幫以裨漕務疏
爲請酌貯官項借給疲幫以裨漕務仰祈
睿鑒事竊臣荷蒙

聖恩俾辦漕務於一切利弊仰遵

聖訓時時留心體察查有債負一項最爲疲幫重累其揭借之初或因風火事故或水淺起剝或水大稽遲所費過多抵通之日勢不得不行揭借以完公事而通州借銀多係六扣七扣是借到之日數已虛其小半回空之後或無銀抵還則按息三分四分利又必不可少因之數年滾剝遂至盈千累百每年出運所領道庫銀米全不扣還則至通或有急需恐難復借全行抵扣則開船之日已乏沿途之費其抵運之稱貸又不必言輾轉相因子大於母此貧疲之所以益甚也數年以來荷蒙

聖恩體恤周至各省疲幫已俱稍有起色惟浙江之金衢嚴處溫紹台嘉等幫江南之江淮五七八興武三四六七八鳳陽大河等幫皆債負至盈千累百雖每年俱拮据完公不致掛欠米石而債負之重累尙未全除臣再四思維惟有輕後此之加增乃可救前此之滾賠應請於浙江江安道庫各提出銀六萬兩

專備疲幫揭借之需每歲新運糧道按各疲幫情形酌定北河起剝及到通個兒錢等項需用銀兩交與押運屬員收貯至期再行確查散給其有短少米石者仍嚴查治罪不得朦混借給以爲彌補之計違者將押運之同知通判及領運之千總一併叅處各丁所借銀兩以一分起息於次年新運應領銀內扣還則約計每年滾剝之息所減甚多行之數年重累漸輕貧疲漸起再 奏明停止借給是亦斟酌調劑之一法也 臣言是否可採伏乞

皇上訓示

四知堂文集

卷十三 奏疏

三

謝免扣繳賠項疏

爲恭謝

天恩事竊 臣任內有江淮興武幫丁應追按程銀兩一項 臣冒昧奏請荷蒙

天恩不加罪譴 臣按年扣繳乃分內應完之項今欽奉

諭旨免 臣扣繳 臣聞

命之下感刻難名伏念 臣以愚陋之質蒙

特達之知二十餘年荷沐

恩榮已爲備至茲復

四知堂文集

卷十三 奏疏

三

降格外之

殊恩免應扣之俸廉 臣自維何人叨沐

恩施一至於此

德並生成淪浹實深於肌髓

恩同覆載捐糜難報於涓埃自今以往 臣惟有益勵

靖共之心彌竭駑駘之力矢勤矢慎辦理漕運以圖

仰報

隆恩於萬一耳所有微 臣感激下忱謹繕摺恭謝

天恩伏乞

皇上睿鑒

請定撥兌幫船限期以免遲滯疏

為撥兌幫船請定期限以免遲滯仰祈

睿鑒事竊查南漕幫船俱係抵通交兌內有易州

陵橋及天津水師滄州城守需用米石倉場侍郎每年

就需用之數於南漕各幫輪流派撥其撥定之米先

期行知各幫即令原船分運易州天津滄州等處自

行交兌不必抵通此定例也但查抵通漕船俱係隨

到隨兌兌畢即押令回空惟派撥易州等處米石往

往船隻已到而日久守候不能及時交兌即如本年

泗州大河等幫俱係首進在前之船其抵通交兌者

已將回至水次而撥運易州者尙未見空船過津一

幫之船遲速懸隔押空之弁既不能一律照管而旗

丁守候日久亦多耗費均屬未便除本年船隻臣現

在移咨倉場查催速兌外請嗣後凡派撥各處之船

俱令幫弁將船到日期報明倉場派委就近之同知

或通判一員前往監兌約計米數之多寡定以限期

逾限不能兌完即將監兌之員查叅議處再通州兌

米俱在船頭受兌聞易州等處係在倉內受兌或天

多陰雨即以地面潮濕為詞雖亦慎重之意但通州

既可於船頭受兌則易州等亦可一體照行如此章

程一定彼此有所遵守回空自不至於遲滯臣謹錄

實陳 奏伏乞

皇上睿鑒勅部議覆施行

四知堂文集 卷十三 奏疏

美

四知堂文集卷十三終

四知堂文集卷十四

清江楊錫紱方來著

奏疏

請酌通定例疏

為酌通定例仰祈

睿鑒事竊查南省回空糧船定例准帶梨棗核桃柿餅等物六十石免其納稅有多餘者仍按則徵收此國家體恤丁艱俾得中途資用稍裕之意但查回空船隻有遲早之不同遲者可以稍帶梨棗等物早者則四五月即已回空其經過山東正梨棗等物尙四知堂文集卷十四 奏疏 一 未貨賣之時丁旗舵水人等或零星稍帶黃豆麥子瓜果等項各關口每拘定梨棗核桃柿餅非此四項即不准以六十石抵數是丁旗人等踴躍急公轉不得霑

國家體恤之

恩即如本年臣於八月初間回署其時江浙各幫已大半過淮至九月底則悉行回次詢之各幫俱無梨棗核桃柿餅可帶其明証也臣查東省土物可帶之項不一其拘定四項乃奉行之過非定例之本意也請嗣後南省回空糧艘除帶梨棗等物者仍照舊例

外其有因回空甚早無梨棗可帶稍帶別項土物者俱准其以六十石抵數多餘即按則徵收在關稅無礙而幫船亦得均霑實惠矣臣愚昧之見是否有當謹繕摺陳 奏伏乞 皇上睿鑒勅部議覆施行

四知堂文集 卷十四 奏疏 二

請製給押運廳員烏鎗以資防護疏

為奏請事竊臣因江浙幫船每年揭借受累於本年六月內奏請於兩省糧道庫內各提出銀六萬兩以備各丁起剝個兒錢之需免其揭借重累已蒙諭旨允行欽遵在案惟是此項銀兩須交押運之廳員總領存貯以便到通分借而兩省押運不過數員每員帶銀約有二三萬兩不等由南赴北道路長遠廳員辦差在途衙役有限茲據兩省糧道詳請每廳員應給發烏鎗二桿以資防護等情到臣查錢糧既及數萬防護自宜謹慎應請即令臣標中軍製造四知堂文集卷十四 奏疏 三

鳥鎗十二桿編列字號俟兩省廳員來歲過淮時發給應用每年回空到次即將烏鎗繳貯糧道庫內俟新運之員再宜領出實於防護有益但事關軍器是否可行相應 奏請伏乞 皇上勅部議覆施行

請定運薊章程疏

為請定運薊章程仰祈 睿鑒事竊查薊糧上關

陵精至為緊要是以兩省糧道每年運薊米石船必擇其堅固丁必選其殷實且三月即抵天津原欲速行抵薊及早回空乃本年空船竟至凍阻寧河除經另摺奏 奏外臣查運薊船隻到天津即另由寧河縣之新河口入海河又由海河轉入寶坻縣之小河然後由白龍港劉家莊等處達薊州之五里橋交卸緣一路水多淺阻必須須地方各官上緊挑挖疏濬船隻四知堂文集卷十四 奏疏 四

方可通行本年幫船據報於三月至津之時因候寧河縣挑挖新河口潮汐微弱依然淺不通舟至四月初八始從天津開行入新河口是此處已多守候又自劉家莊至五里橋計程九十餘里本年據領運員弁查明有淺七十餘處移請地方官疏濬地方州縣雖亦撥鄉夫疏濬而終以河係流沙隨濬隨淤難以深通為詞此皆章程未定責成不專是以在領運之弁則停舟待水束手無策在地方官則又以河本淺阻挑濬維艱冀糧艘之就近起剝彼此互相觀望遂馴至回空凍阻應請嗣後寧河縣之新河口責成該

縣每年於開凍之後卽及早挑挖以便糧舟隨到隨
行務使湖小亦可通舟則船隻至津置備渡海器具
卽可僂行前進矣自劉家莊至五里橋一帶流沙易
淤難以預期挖濬若非有地方員督率疏濬卽暫
撥鄉夫亦恐虛應故事應請嗣後或該管河員或薊
州知州責成一員當管凡船隻到境如有淺阻卽督
夫隨處竭力疏濬以利行舟以上挑撈淺阻等事仍
照舊報明坐糧廳就近查察飭辦如有水而船不前
進故意延挨則將領運之員弁呈報倉場侍郎請參
如有淺而疏濬不力以致舟不能前則將經管挑淺
回知堂文集 卷十四 奏疏 五

之地方官呈報倉場侍郎指參庶事有責成而回空
自無凍阻之虞矣 臣言是否有當謹恭摺具 奏伏

乞
皇上睿鑒勅部議覆施行

請酌改主稿之例以收實效疏

爲請酌改主稿之例以收實效事竊查各省衛所守
備千總俱爲漕運而設向來因其分隸各省與督撫
相近是以遇有年老有疾告休勒休等事俱歸撫臣
主稿 臣數年以來遵循舊章凡有所見年老有疾之
員俱諭知糧道就近詳明撫臣辦理但查撫臣通省
事務繁多守千微員不能時見非曾經差遣試用勞
無由悉知其精力若何辦事若何而漕臣總理漕運
守備則每歲輪調至淮辦理簽盤催僂諸務千總則
經歷兩年無有不見面者不惟年力精神無可假飾
回知堂文集 卷十四 奏疏 六

卽才具之敏鈍操守之貪廉亦可因事查察每一運
畢孰尚可留孰應急去知之較爲真切以 臣愚見應
請將衛所守千年老有疾凡告休勒休者俱歸 臣衙
門主稿咨會撫臣更爲妥便事關更改定例 臣謹繕
摺呈 奏伏乞
皇上睿鑒勅部議覆施行

敬陳管見疏

為敬陳管見仰祈

睿鑒事竊臣荷蒙

恩命辦理漕運仰遵

聖訓於一切利弊時加體察茲查有應行裁革及應

請定例數條謹為我

皇上陳之

一各關之限單宜裁也查糧艘行走給與限單節節

稽查所以速運行法至善也然亦須經管衙門給發

始為有用今臣查各省糧艘水次開行則有撫臣給

四知堂文集

卷十四 奏疏

七

發限單至淮盤驗又有臣衙門給發限單全數過淮

北上臣又同巡漕諸臣親行督押直抵天津立法已

屬周詳乃板牖臨清天津三關亦有給發限單之例

乾隆三年經前江南總督臣那蘇圖議請裁革部議

未經准行遂相沿至今未改臣查各口限單一頂起

自前明准倉臨倉等分司原係兼管船務是以有限

單之設迨稅歸關而船歸道府則各關惟司征稅並

不催漕此項限單徒為虛設且請頒繳銷徒滋胥吏

措勒吹求之弊應請將板牖臨清天津三關限單永

行裁革毋庸再行給發庶事歸實而軍丁亦可節

無益之費矣

一收漕違例知府之處分宜定也查漕糧上關

天庾例須乾圓潔淨稍有攙雜潮潤等弊該管之員

均難辭咎臣檢查定例及辨過成案水次收兌時或

攙雜潮潤則有州縣及監兌官處分而無知府抵通

交兌時查有攙雜潮潤則有押運廳弁及該管道員

總漕處分而無知府臣查知府一官州縣是其專管

最親且近至於收兌漕糧尤應董率屬員實心辦理

加意稽查乃因例無議處之條多不實力查察以致

州縣毫無畏懼任意濫收其狡猾者則又暗中袒護

四知堂文集

卷十四 奏疏

八

州縣而與稽查之糧道動輒齟齬此皆處分不及有

以致之臣請嗣後州縣收漕如有攙雜潮潤等弊經

糧道查出而知府不先揭報者將知府照狗庇劣員

例議處至抵通時查有攙雜潮潤者既議處糧道亦

應將知府照糧道例議處庶知府之稽察加嚴州縣

不敢濫收作弊而於

天庾亦昭慎重矣

一奸丁借克衙門書役抗避僉點之積弊宜除也查

旗丁遇事斥革例應於軍屯另僉新丁頂運乃有一

種奸猾之徒或預行鑽克文武衙門書役或臨僉而

掛名各衙門書役以抗僉點及衛所差拘而各衙門遂公然庇護不發甚則斥辱衛所官弁以爲多事滋擾此等微員勢不能與各衙門抗往往舍應僉之丁而轉僉其次是克一役卽脫一丁且富者狡計躲避而貧者無以自免揆之情理殊屬不平臣查定例內開各衙門書吏官承凡有餘丁悉行僉選並無書吏不應僉丁之例祇因相沿庇護而奸丁遂得藉此爲藏身之善術臣請嗣後凡係軍丁備當僉選之年無論大小衙門書役官承俱一體勾僉如已身在公不能出運卽令子弟承頂出運槩不得藉詞抗避卽各

四知堂文集

卷十四 奏疏

九

大小衙門亦不能曲爲庇護致此輩得肆其奸謀如有前項情弊各省糧道查確卽據實詳報臣衙門以憑叅處再查承克書役俱應由州縣官取結是軍民一查便知並請嗣後凡承克書役取結之時查係衛籍卽不許出結如不行確查濫行出結別經發覺將出結之州縣照濫出印結例議處如此詳慎於承克之時更可杜竄脫之弊於僉選更爲有裨矣

一頭舵水手脫差之罪宜嚴也查糧船駕運必須頭一運之事然後錢不虛糜而船無遲誤臣空重往必

五載於茲見各省幫船或頭舵或水手往往有脫差之事而回空時尤多每船過天津身工全行到手不三五日卽公然潛逃旗丁恐滋遲悞不得不出錢另僱甚至另僱之人不三五日又復潛逃窮乏旗丁揭借銀錢至再至三殊爲苦累其潛逃之人不過報明運弁緝拿而此輩遊手單身又難緝獲卽間獲到亦不過責懲數十無能加罪是以奸徒相習成風藉此騙錢而窮丁惟恐悞公亦忍受而無可奈何若再因循不加整頓大爲漕運之害臣查糧艘卽係軍船糧米關係軍儲既已受僱駕運一或潛逃卽同遺棄請

四知堂文集

卷十四 奏疏

十

嗣後凡頭舵水手有身工已足而潛逃者俱通行各幫及原籍地方官嚴拿拿獲之日解交糧道會同各省臬司審訊明確卽由臣衙門咨部將潛逃之頭舵水手俱發邊衛充軍庶奸徒知所儆懼而於漕運不致貽悞矣以上四條臣愚昧之見是否有當伏乞皇上睿鑒勅部議覆施行

恭謝 天恩疏

為恭謝

天恩事竊臣子楊有涵庸愚下質荷蒙

皇上天恩命在戶部學習行走歷任主事員外臣感

激私衷實難言罄茲十一月內部臣帶領引

見復蒙

恩命陞授陝西司郎中臣聞

命之下感激悚惶自維父子均受

隆恩雖捐糜頂踵豈能少報涓埃臣惟囑臣子楊有

涵實心辦理部務恪供職守以圖仰報

四知堂文集

卷十四 奏疏

十一

高厚生成於萬一耳所有微臣感激下忱謹繕摺恭

謝

天恩伏乞

皇上睿鑒

恭謝 賜御製詩疏

為恭謝

天恩事本月初八日蒙

皇上天恩

賞御製詩一軸當即叩頭敬謹展誦祇領伏念臣性

質迂愚材識謏劣荷蒙

恩命畀任總漕數載以來祇遵

聖訓竭蹶辦理實愧毫無補報茲

翠華南莅臣瞻仰情殷恭迎

鑾輅乃荷

四知堂文集

卷十四 奏疏

三

隆恩賜以詩篇

天語欽承榮實過於華袞

宸章捧到寶直等諸圖球臣祇領之下感激難名惟

有恪遵

訓誨實心奉職竭力轉輸以圖仰報

高厚鴻慈於萬一耳所有感激微忱謹繕摺恭謝

天恩伏乞

皇上睿鑒

遵 旨覆奏訊明苗必秀呈控霸佔軍田疏

為遵

旨覆奏事竊查鳳陽衛旗丁苗必秀呈控退丁苗儀等霸佔軍田一案奉

旨發臣查訊臣隨行提卷宗及案內有名人証等到淮逐一研訊緣苗必秀係苗儀無服族叔苗儀會祖苗士龍於康熙十年承頂本伍王世臣漕船一隻世臣有債負銀二百五十七兩又有故軍周通魯信馬大孟大四分絕田先經出典止交故軍陶三韓宗二分絕田歸船士龍代世臣清還債負又贖回周通等

四知堂文集

卷十四 奏疏

三

絕田曾經呈明鳳陽衛給有印照共計絕田六分此隨船贖運之產也又有故軍苗成良苗成之苗公甫苗永國遺田四分族人因士龍每年出運公讓管業又苗儀之祖苗卓先陸續典買民田九十四畝以上田畝俱不應隨船贖運之產也乾隆四年苗儀堂叔苗之芹接運將周通絕田十五畝典與季有思得價三十兩乾隆七年苗之凡將孟大絕田二十畝典與劉盛先得價四十兩乾隆九年故軍苗之衛將陶三絕田五畝典與故軍胡三元得價八兩傳至苗儀接運止存馬大魯信韓宗三分絕田一頃三十畝乾隆

二十五年苗儀退船報僉苗必秀承頂所有絕田捐不歸船苗必秀赴鳳陽衛呈控該衛訊明斷令苗儀先行退出馬大魯信韓宗三分絕田歸船令苗必秀出銀一百二十七兩折半抵算苗士龍代還債負銀兩其餘之田清查另結苗必秀違斷不出抵債銀兩苗儀亦不退田并將馬大絕田二十畝當與杜琴一得價六十兩苗必秀遂赴督臣及糧道衙門呈控批發該衛查追因衛守備胡啟雲辦差公出未經訊追苗必秀輒自寫呈叩

四知堂文集

卷十四 奏疏

三

教唆之人查律載

聖駕出郊衝突

儀仗妄行 奏訴者杖一百發邊衛克軍又例載強佔屯田五十畝以上發邊衛克軍又例載旗丁有將運田私典與人及承典者均照典賣官田律計畝治罪又律載盜賣他人田宅者田一畝笞五十每田五畝加一等罪止杖八十徒二年係官田加二等各等語今苗必秀因苗儀報僉該犯出運不交隨船絕田敢於

聖駕回

變妄行叩訴雖所控屬實但衝突

儀仗亦罪有應得苗必秀合依衝突

儀仗妄行 奏訴律杖一百發邊衛克軍苗儀不將

絕田歸船經衛審斷又將馬大絕田出典實係有意

霸佔除典田輕罪不議外苗儀合依強佔官田五十

畝以上例發邊衛克軍苗之凡出典絕田杜琴一季

有思劉盛先承典絕田均應照典賣官田律計畝治

罪苗之凡出典田二十畝應杖一百折責四十板劉

盛先杜琴一承典田二十畝各應杖一百折責四十

板季有思承典田十五畝應杖九十折責三十五板

四知堂文集 卷十四 奏疏

五

袁化朋潘耀龍潘奇香王於天吳盛三典賣之田均

係民產應與無干之苗伯姚勳曹永倉王照王寅等

概行省釋苗儀霸佔之田及前後典出之田盡行追

出歸船所得典價除苗之芹苗之蘅苗遇沛已經身

故照例勿追外其餘並追入官故軍苗成良苗成之

苗公甫苗永國遺田四分苗姓戶族尙有多人不同

絕軍應確查田數分派苗姓合族管業津貼濟軍苗

之凡等不得仍行佔業姚貢培承典故軍余永朋屯

田查明余姓後裔勒令回贖所有漕船暫令副丁管

運另僉殷丁承頂至鳳陽衛守備胡啟雲審斷此案

尙無偏執錯誤之處迨後糧道批飭查追該備先經

承委辦差公出亦非承審遲延應無庸議除抄錄原

呈各供另單呈

覽外臣謹將查訊議擬緣由遵

旨覆 奏伏乞

皇上睿鑒訓示施行

四知堂文集 卷十四 奏疏

六

恭謝 天恩疏

為恭謝

天恩事竊臣子楊有涵於固泥翰倒標捐呈案內有
囑托情事罪有應得即照部議斥革已屬格外

天恩茲復荷蒙

恩旨准予留在在

聖主覆載鴻慈矜恤不遺小臣而微臣父子受

恩至此即捐糜頂踵亦無由仰報涓埃自今以往臣

惟有嚴飭臣子痛加改悔實心供職即臣亦彌加奮

勵共圖仰報

四知堂文集 卷十四 奏疏

七

高厚生成之德於萬一臣謹率領臣子楊有涵恭謝

天恩伏乞

皇上睿鑒

請挑八廂運河以利漕運疏

為請挑八廂運河以利漕運仰祈

睿鑒事竊查山東之臺莊八廂上受微山諸湖之水

下達江南地處山阜之間土皆砂礫最為運道咽喉

向來每歲乘糧艘回空之後於湖口廂煞壩逐段挑

挖自乾隆十七年定議湖口之水以一丈為度一丈

以內煞壩興挑一丈以外毋庸煞壩將挑淤改為撈

漕十八年至二十二年湖水俱大未經興挑二十四

年因江南挑漕運河咨請煞壩東省亦將八廂興挑

一次兩年以來又未興挑泥沙不無淤積本年重運

四知堂文集 卷十四 奏疏

七

北行臣駐八廂親行催餉其時微山湖之水尚存一

丈三尺而其間候遷歸之大泛口鉅梁廂之廂門以

下六里石之月河俱稍有淺阻臣將糧艘米石斟酌

減剝江廣船隻始得邁行今臣回至微山湖正是秋

汛查詢湖水仍止一丈三尺則落至來歲四五月間

當在一丈以內八廂之大泛口等處必更淺阻若本

年僅照一丈以外之例撈漕此地悉屬砂礫非淤泥

可比殊屬無益應請

勅諭河臣張師載撫臣阿爾泰定議煞壩將廂內淤

淺之處實力挑漕庶來歲重運可無淺阻之虞再查

微山湖水去年秋冬係一丈七尺減至一丈三尺涸
出地畝已多此後即再有涸出亦祇可播種春麥今
煞壩與挑在糧船回空之後時已冬至而挑濟爲期
不過四五十日竣事湖水仍可暢流且卽此四五十
日煞壩之內伊家河依然洩水是於沿湖地畝並無
妨礙至湖口歸煞壩及挑濟夫役俱有河工成例可
循毋須動項惟湖口滾壩煞壩工料不在成例之內
應聽河臣酌議辦理臣愚昧之見是否應行議恭摺
具 奏伏乞

皇上聖訓

四知堂文集

卷十四 奏疏

九

請酌更運千繁簡員缺疏

爲酌更運千繁簡員缺仰祈

睿鑒事竊查江南浙江二省領運千總員缺有繁簡
之不同簡缺由部銓選繁缺在外調補此定例也但
查幫缺之繁簡與州縣不同州縣繁簡有定而幫船
則經歷數年卽情形不同臣數年來於各省幫情留
心體察見兩省繁簡各缺有應仍其舊者有急應更
正者如江南省江安糧道所屬有江淮三等二十四
繁缺今查此二十四缺之內如江淮三江淮九淮安
泗州前泗州後五幫丁力尙可支持公事未爲難
四知堂文集 卷十四 奏疏
辦又廬州二廬州三揚州頭揚州三等四幫丁力尙
屬寬裕公事本易辦理向來不過以其船隻稍多遂
列爲繁缺徒敢不肖之弁覬覦奔競之私殊無裨益
均應請改爲簡缺聽部銓選至該道所屬簡缺共三
十一缺內有江淮五大河前長淮頭長淮二徐州江
北宿州頭宿州二或本無屯田或屯地居黃河兩岸
歲多歉收或雖有屯田津租無多此等幫船皆須才
能歷練之員方能辦理無悞應請改爲繁缺在外調
補浙江省則有紹前等九繁缺今查此九缺之內如
杭州頭杭州二此二幫丁力稍可支持公事尙易辦

理應請改爲簡缺聽部銓選至該省簡缺共十二缺
內如處州前處州後嚴州所皆丁疲難僉又嘉興白
糧幫則丁隸各衛人心不一一切公事辦理非易均
應請改爲繁缺在外調補庶繁簡之名實相符於漕
務更有裨益以上江南省由繁改簡者九缺由簡改
繁者七缺浙江省由繁改簡者二缺由簡改繁者四
缺臣俱就各幫實在情形細加酌定用敢據實陳
奏伏乞

皇上睿鑒勅部議覆施行

四知堂文集

卷十四 奏疏

三

請免廳員點驗僉丁以歸簡易疏

爲僉選旗丁請免同知通判之點驗以杜擾累以歸
簡易仰祈

睿鑒事竊查漕運僉丁最爲緊要從前衛所官弁統
屬都司專轄不由道府是以衛所僉丁兼合同知通
判查驗然後申於都司自雍正三年裁革都司將衛
所俱歸道府考核則衛所僉丁止應知府查驗加結
詳道定僉乃當日裁革都司之時未經聲明已有知
府加結無庸同知通判再行驗看於是各省凡屬同
知通判俱仍循查驗舊例衛所僉一新丁必兼送驗
四知堂文集 卷十四 奏疏 三

看其就近在署者即使速行驗看而承行胥役已多
一番需索其或出差在外者更多守候之苦迨至糧
務緊迫丁須赴次不得不百計求免點驗以便早行
赴幫辦理漕務其中之胥役需索更不待言然此猶
新僉之丁也尤可異者如鳳陽一府久經僉定出運
之丁每年運畢回衛同知通判衙門亦必預先飭行
俱令到署點驗名曰過堂未經點驗卽有急需辦理
之事亦不敢赴次是在同知通判不過循點驗之虛
文而在旗丁人等已悞無限之公事本年臣訪聞得
鳳陽一府如此恐各府亦有似此者已經通行飭禁

凡舊僉旗丁毋許借過堂名色再有羈留至於新僉
之丁同知通判查驗取結原係相沿舊例因循未改
應請嗣後衛所官弁僉選新丁止送知府驗看加結
已足以昭慎重其同知通判點驗之例永行停止庶
各省丁旗得免無益之擾累而於政體亦歸簡易臣
謹就愚昧之見據實陳 奏伏乞
皇上睿鑒勅部議覆施行

四知堂文集

卷十四

奏疏

三

請嚴湖南衛備僉丁不愼之處分以重漕運疏

為請嚴湖南衛備僉丁不愼之處分以重漕運事竊
查漕運一事首重僉丁丁得其人即運無貽誤各省
僉丁俱由千總呈衛而湖廣向例丁由衛僉千總不
得過問而湖南漕運除岳州一衛係以本省之丁運
本省之糧外其餘荊州荆左荆右沔陽俱係以湖北
之丁運湖南之糧水次俱在岳州而丁則散處於湖
北各衛守備雖湖南糧道亦有管轄之責而地處寫
遠呼應往往不靈各衛守備只管僉丁並不出運視
僉丁一事為無關緊要任聽書吏作奸舞弊或素行
無賴之徒影射鑽克或已革奸猾之輩更名復入或
千總詳革之丁而守備又復准留積習相沿牢不可
破遂致此輩奸丁或包給舵工並不親身出運或中
途逃避或抵壩無入以致貽累官弁及通幫衆丁代
為挽換代為交兌數年以來逃丁之案不一而足臣
查此等潛逃之丁非素性奸詭即貧疲無賴若僉丁
之守備果肯實心任事何致將此等之丁僉選駕運
總因向來遇有逃丁多不報部即或報部問擬而該
管守備止係降一級調用有加級紀錄即可抵銷是
以徵飭頻加仍積習不改臣愚以為欲懲湖南之積

四知堂文集

卷十四

奏疏

請

習須嚴衛備之處分請嗣後湖南各衛僉定之丁如再有脫逃者將僉丁之衛守備向例降一級調用改爲降二級調用雖有加級紀錄不准抵銷庶衛備稍加儆惕而僉丁不敢草率再查湖南二幫有四船之丁係由武昌左衛僉選亦屬隔省且武昌左衛並不屬湖南糧道管轄該衛於此四船之丁尤爲視同膜外一任貧疲克數舵役暗包毫不整飭嗣後此四船之丁有脫逃者亦請照荊州沔陽岳州等衛一例處分至於漕糧上供

天庾長途往返全賴旗丁今中途潛匿累及衆丁代

四知堂文集

卷十四 奏疏

五

理拿獲之日定例不過杖責完結無以示懲應請勅部酌定罪名通行曉示庶如丁不敢復蹈故轍臣爲整飭積習起見是否有當伏乞皇上睿鑒勅部議覆施行

運豫軍船請改自備以省大造輪抵之繁疏

爲軍船請改自備以省大造輪抵之繁仰祈

睿鑒事竊查江南之長淮衛頭二兩幫船隻向例一年一遞輪兌河南米石嗣因輪兌紛繁兩幫旗丁自行定議情愿二幫船十八隻永兌河南之糧頭幫船四十九隻永兌江南之糧緣兌河南之糧水次係在臨清遇有大造須回江南造竣勢不能歲內拉回臨清並議以二幫遇有應造之船仍回南省成造卽運南糧一年而以頭幫舊船抵運豫省之糧一運完畢仍各歸原幫又兩幫舊有地租銀六百兩頭幫累丁四知堂文集

卷十四 奏疏

五

亦情愿讓與二幫支領以爲貼補豫糧之費經前任漕臣張師載咨明戶部覆准在案數年以來南北分運雖於公事無悞然每當船應大造仍不無撥抵之繁且查運豫之二幫向例只有領運千總並無押空隨弁每年船隻歸次無官管理而二幫旗丁又素稱貧乏隔省隔籍那貧維艱運單回次多乘空閒之時轉受僱爲人撐駕以資生計是以在次之船無人看守易於損壞種種俱多未便臣再四思維山東省運糧船隻半係軍船半係自備其自備之船與軍船一體挽運並無遲悞且直隸之通州天津二幫兌運河

南糧石亦係自備船隻則此長淮二幫之船亦可照
例酌改應請將該幫運豫糧船十八隻自乾隆癸未
年為始俱改為自備其軍船變價銀兩即為自備船
價之用免其追繳於運務既無貽悞且可免頭幫每
年大造撥抵之繁並於公項錢糧亦多節省臣迂愚
之見是否可行謹具摺陳 奏伏乞
皇上睿鑒勅部議覆施行

四知堂文集

卷十四

奏疏

七

陳明酌改糧艘受兌水次疏
為奏

聞事竊查江南淮徐海所屬之清河桃源宿遷沭陽
四縣因和粟米石出產甚少題請民折官辦已經部
覆議准奉

旨欽遵在案本年係奉行之始據布政使彭寶糧道
錢琦會詳稱沭陽縣民間納糧向係和粟兼收應從
民便今改為官辦採買和米應於淮安府城但淮安
不產粟米應請一併採買和米又沭陽兌糧水次向
在宿遷縣受兌今採買和米若又運回宿遷未免多
四知堂文集 卷十四 奏疏 天

費水腳查淮大幫船每年歸次原泊淮城修船應請
即在淮安水次受兌庶為兩便又宿遷縣民間納糧
全係粟米今改為官辦應赴山東滕縣所屬之夏鎮
地方採買夏鎮距宿遷不下四百里若又運回宿遷
受兌所費腳價更多應請即令淮安三幫船隻赴夏
鎮受兌為便等情臣查沭陽和粟並納當年原係聽
從民便並無一定額數今改為官辦和米必赴淮城
採買自應准其全買和米水次亦即改於淮城受兌
為便至宿遷採買粟米既在夏鎮該地係糧船赴通
必由之路且贛榆縣採買粟米幫船亦係赴夏鎮受

兌宿遷事同一例自應將水次改於夏鎮爲便但時已深冬正各縣採買米石幫船將次受兌之時若待咨部往返再行辦理恐致岐悞臣已一面批行司道遵照酌改辦理并一面咨明戶部所有斟酌改辦情形謹會同兩江督臣尹繼善江蘇巡撫臣莊有恭合詞具奏伏乞皇上睿鑒

四知堂文集

卷十四 奏疏

无

請停鑄給運弁印信疏

爲衛千印信請停鑄給仰祈

睿鑒事竊查各省領運千總辦理運務一切文移向係自行刊刻鈐記印用本年巡漕給事中臣陳作梅條奏以各省漕船每幫設空重千總各一員給與木戳漢字鈐記並無篆文空運事務尙簡重運經手錢糧動輒萬計其在本省支領經費漕贈等項例不准用鈐記皆仰給於衛守備之印領迨出運以後至天津一帶疲乏幫丁例得支借錢糧以爲起剝等費數亦累千既不便預用空白率皆權用鈐記使鈐記可憑何不用於本省辦理參差殊非慎重錢糧之道又聞每用印領必有使費名曰印規掌印責之運弁運弁歛之通幫陋習相沿至今不絕既非所以恤丁更不足以防弊可否照鹽場大使之例每幫鑄給一印以昭信守等因經部議覆各省幫重運千總既有經手錢糧及支領漕截等費一切文移冊籍全憑印信以杜弊端若僅以木戳鈐記爲憑不足以昭信守印如該給事中所奏向來千總印領皆取給於衛備既多掣肘之虞而用印復有陋規積習相沿尤滋科歛之弊應如所請各省運千准其頒給印信一顆遇出運

四知堂文集

卷十四 奏疏

三

卽恭領到幫爲沿途一應公務印用回空之日卽令
隨幫千總帶回交下年領運之員收管俟
命下之日行文漕督造具幫名印模清冊咨送禮部
鑄就頒發等因奉

旨依議欽此臣接准部咨當卽行令各糧道遵照查
造在案但臣辦理漕務六載於茲一切情形稍爲熟
悉再四籌酌衛弁當仍舊制自刊鈐記毋庸鑄給印
信所有情形臣謹爲我

皇上縷晰陳之查各省運弁在省支領銀米俱令用
衛守備印領原所以慎重錢糧在科臣之條奏部臣
四知堂文集 卷十四 奏疏 三

之議准不過以衛備有用印陋規恐致科欵旗丁之
弊臣查衛備賢愚不等其中家人書役亦難保無需
索印規之弊然此事在各省糧道卽可嚴行飭禁果
有陋規查出卽可將衛備揭叅正不必因噎而廢食
且印在守備有用印陋規將來印在千總安知不有
千總之陋規所謂革一弊而生一弊其當仍舊者一
也至江浙疲幫在楊村起剝

恩准借支道庫銀兩臣每年卽係行令江浙兩省糧
道核明各疲幫一定應借之數庫平足色交與各押
運同知通判攜帶船至楊村令各押運廳員傳集領

運千總旗丁人等當面按名給發此事止慮各同知
通判或有輕平減色等弊是以不許私相授受若干
總之與旗丁則斷無冒領之弊此項印領卽用鈐記
亦無不可其當仍舊者二也今部議鑄給印信令出

運之員掌管帶往沿途印用在沿途文移等項固便
然每年新運糧船開兌之後計至抵通爲日甚長三
四月間在次之船則或有應行支領苦蓋銀米者矣
七八月間則大造之船有應先行支領料價預行購

料以便興工者矣有預行支領三修銀兩以資沿途
接濟者矣此等應支之項若仍用衛備印領則又歸
四知堂文集 卷十四 奏疏 三

用印陋規之弊若用千總印領則往返不及若預用
空白存下則滋弊更甚其不便者一也又部議回空
之日將印交押空千總帶回交下年領運之員收管
但糧船回空非乍猝可到其在南省首進數幫或可
於七月底八月初到次若二進三進則在九月十月
十一月方可抵次至若湖廣江西之船經歷江湖途

路最遠每年卽趕緊催催亦必至十二月方得全行
抵次抵次之日卽係應兌新漕之時若使新運千總
必俟押空之員將印賫交而後支領錢糧辦理新漕
其遺悞已八九矣其不便者二也又糧船起米完竣

定例坐糧廳卽差人押令回空不許少停船一回空
空運千總卽須隨船南下其實重運千總在通商有
續羨餘米完呈各項應辦文移事件勢須一月半月
方能完結若卽將印交與空弁則一切文移轉無印
可用若多用空白亦難免書役滋弊其不便者三也
臣查自有糧運以來出運之弁自用鈐記並無礙於
錢糧之慎重而鑄給印信轉多格礙難行與其紛更
不如仍舊所有運弁鑄給印信之處應請停止庶爲
妥便 臣愚昧之見是否有當伏乞

皇上睿鑒訓示

四知堂文集

卷十四 奏疏

三

請停預僉備丁以免擾累疏

爲請停預僉備丁之例以免擾累仰祈

睿鑒事竊查江南江蘇等府每年起運漕糧一百五
十餘萬石內除蘇松等四衛船五百餘隻外其餘一
千七百餘隻均係江安所屬十衛船隻協運本年四
月間江蘇按察使胡文伯以江安十衛去蘇松水次
道里遙遠每歲兌運回空遇有應行更換之丁運官
赴衛查僉往返需時以致受兌之時官丁俱難按期
齊集請令協運蘇松漕米之江安十衛將各幫家道
殷實開丁預行查選大幫三十中幫十五小幫十名
四知堂文集 卷十四 奏疏 三
造冊呈送糧道點驗之後轉送總漕存案每年於糧
船抵通後查有應行更換之丁乘總漕押運抵津時
幫弁就近報明卽查預備丁冊按照名次點定某丁
派管某船飛行各衛俾齊新點各丁限令十月初間
在鎮江守候船一渡江卽押船駕赴水次候兌則官
丁俱得如期到次不致受兌遲延等因具奏經戶部
議覆定例各省衛所於糧船未經抵次之先務選殷
實旗丁秉公結報驗看註冊俟糧船回空查明領運
之丁有事故者卽將註冊丁名僉補等語是糧船未
經抵次之先原有預選殷丁註冊之例第日久法弛

或有希圖臨時僉選得以高下其手不行照例預選亦未可定應行令漕運總督通飭有漕州縣併領運官將各幫開丁家道殷實者務遵定例預行秉公查驗註冊結報以備臨時僉換查報不實照例叅處至大中小幫酌定名數之處原例未經議及應併行令漕運總督量照幫次情形分別酌定報部辦理等因奉

旨依議欽此移咨到臣查原任按察使胡文伯之條奏因江安十衛道途遙遠臨期僉換恐或遲延而未計及預僉開丁之無益而滋擾部臣議准蓋因原

四知堂文集

卷十四

奏疏

三

有預僉殷丁定例故不但江安十衛而并令推行各省而不知各衛幫丁今昔情形之不同即定例亦難膠執若以部議已定即勉強奉行轉非所以仰體我皇上政求實濟之意所有預僉開丁其不必者有二不便者有二謹為我

皇上陳之各省衛幫貧富原有不同殷富之幫年年長運且有子孫世守者每歲原無需換丁即間有一二應行另僉者幫弁隨僉隨得亦無俟於開丁之預備其貧疲之幫或地處瘠薄或本無屯田或自來人丁稀少每歲遇有應換之丁即百計搜查求一二殷

丁而不可得又安有數十名殷富開丁可以預選其不必一也又軍丁俱屬草野小民所謂殷實不過有田能耕有屋可住計其生業較勝窮人耳非真有千金萬金之富也此等軍丁或遇收成歉薄一二年後即轉為貧乏者有之今採數十名之多預行註冊設需用之時而名次在前者已經貧乏將舍之而僉其次則人人得以有詞將據冊以定僉則仍屬以疲丁應選其不必二也又原奏令衛所選定殷實開丁送道點驗此無論通行各省徒多紛擾即江安一道所轄十衛計船五十二幫無故而驅每幫數十開丁僕

四知堂文集

卷十四

奏疏

五

僕赴省點驗或加以吏胥阻抑時日稽延豈非徒令小民廢時失業乎其不便一也又衛所州縣書吏多喜於有事每年幫弁或需一二換丁臣與各道嚴行申飭猶恐此輩不無滋擾今一幫而忽僉報數十名開丁則若輩因一報十於中取利究之富者賄脫貧者勉強受僉其不便二也臣查各省需丁俱於回空後更換並無遲悞即江安十衛協運蘇松各幫臣辦理已經七年每當受兌之期官丁俱趕赴水次重運北上一體開行並無遲緩可知兌運遲速總在各道之實心經理並不在開丁之預僉應請將預選開丁

註冊之處停止庶各省軍丁不致擾累而於漕運亦
為有益臣愚昧之見是否有當謹據實陳奏伏乞
聖主訓示遵行

因知堂文集 卷十四 奏疏


七

因知堂文集卷十四 終



因知堂文集卷十五

清江楊



奏疏

晉加 宮保謝 恩疏

為恭謝

天恩事乾隆二十八年十月二十二日接准部咨內
開乾隆二十八年十月初一日奉

上諭自來內外大臣中有奉職克勤敏歷資深者皆

晉秩宮銜以示優眷大學士梁詩正著晉加太子太

傅協辦大學士尚書公兆惠協辦大學士尚書劉綸

因知堂文集 卷十五 奏疏

一

兵部尚書公阿里袞刑部尚書舒赫德秦蕙田工部

尚書阿桂俱加太子太保吏部尚書陳宏謀晉加太

子太保河道總督高晉晉加太子太傅漕運總督楊

錫綬晉加太子太保浙閩總督楊廷璋湖廣總督李

侍堯兩廣總督蘇昌四川總督阿爾泰俱加太子太

保江蘇巡撫莊有恭雲南巡撫劉藻俱加太子少保

欽此臣隨恭設香案望

闕叩頭謝

恩訖伏念臣西江下土材識迂愚荷蒙

聖恩畀以督漕重任夙夜循省未報涓埃前此晉秩

宮銜已荷非分之榮今復仰沐

恩綸加以太子太保在

聖主恩施益加稠疊而微臣身受彌切悚慙自維何人頻叨

異數中心啣感莫罄名言惟有殫竭駑駘矢勤矢慎勉供職守以冀仰報

鴻慈於萬一耳所有臣感激微忱謹繕摺恭謝

天恩伏乞

聖主睿鑒

四知堂文集

卷十五

奏疏

二

文武事例宜歸畫一疏

為文武事例宜歸畫一仰祈

睿鑒事竊查各省督撫奏請揀發人員所以供差遣委署之用然揀發之時文職祇憑其年力武職亦祇兼看其弓馬其實在才堪辦事與否要在委署試驗屢試之後才具優長者循例補用有劣蹟者予以參處至其中有雖無劣蹟而材質愚鈍不能辦事之員文職則有咨回內部之例而武職未經議及臣查文武事同一體民社之司與營伍屯衛之責均關緊要若明知其才具平庸不能辦事因係揀發遂遷就留用久且挨次得缺轉非為官擇人之意請嗣後揀發武職人員歷經委署如有才具平庸不能辦理事務者准照文武之例一體咨回內部歸班候選則庸材不得濫膺職守是亦於甄別之中寓整飭之一法也臣愚昧之見是否有當伏乞
皇上睿鑒勅部議覆施行

四知堂文集

卷十五

奏疏

三

請酌通變賣成例疏

為酌通變賣成例仰祈

睿鑒事竊查各省漕船定例七八運而有事故者責令買補九運而有事故者准其僱募僱募船隻抵通交糧之後聽其自便歷不跟幫回次買補一項惟湖南北二省無論滿號與否歷年准其留通變賣江西各幫則十運滿號亦准留通變賣惟江蘇浙江東豫各省買補船隻未經滿號者固不許其在北拆變即接算十運屆滿應行成造之年亦令拉回歸次不准變賣此每年相沿之成例也臣查丁船當七八運而四知堂文集卷十五 奏疏 四

失風其失風船隻板片原係帶回堆貯水次配造其買補之船二三年足運後即可無用今一概責令由通拉回舵水身工日食與軍船無異每船需費至六七兩兩及至歸塢此等板薄釘稀之料又不足以資配造是拘於成例徒為丁旂之苦累急應變通辦理請嗣後江蘇浙江東豫等省買補船隻俱照江西成例輪當滿號成造之年均於交糧後准其在通變賣毋庸放空南下再買補之船或未經滿運中途遇有風火事故者向來江蘇等省亦係拆板帶回嗣後亦請就地拆變以紓丁力以歸實濟臣愚昧之見是否

可行謹繕摺具 奏伏乞
皇上睿鑒勅部議覆遵行

四知堂文集

卷十五

奏疏

五

請懲軍籍紳宦富戶規脫辦運以裨漕務疏

爲請懲軍籍紳宦富戶詭捏辨民之積習以裨漕運事查軍民戶籍各有攸分既已身隸軍籍卽應聽命辦運乃各省衛所紳宦富戶因辦運艱難遂百計圖維思脫軍籍或將本有屯田轉售於人而專置民產向州縣納糧或考試之時冒入民籍入學中式或以民籍報捐貢監職官或將族譜老軍之名預行捏改移易或衛所舊有卷宗會斷爲軍者俱賄申吏胥潛行抽滅凡此深謀遠慮皆藉以爲辨民張本歷年既久同伍軍丁不行報僉則已一或報僉則紛紛訐告

四知堂文集

卷十五 奏疏

六

辨訴無已財勢既大胥吏証佐多爲左袒州縣府廳或礙於情面或辦理粗疎往往憑捏飾之據狡辨之辭斷爲是民非軍衛所官弁徒坐視而莫可如何是僉一富戶卽脫一軍籍僉一紳宦亦脫一軍籍也臣查爲民爲軍均屬

朝廷赤子漕運定例運丁除應得隨運屯田外造船則有官給價銀在家則有月糧在途則有行糧兼以漕贈漕截等銀雖多寡不等而皆以資其辦運原非空役身旣殷富苟有人心卽應出而辦運至於力能捐納官職則是原欲報効

國家更非無知小民可比乃以祖宗素隸之軍籍應爲

國家領運出力者反百計圖脫不變爲民而不已誠不知其所欲報効者何在况宦家富戶卽承認一丁原不必已身自行或令族中子姪一人爲之或令知事家人代之皆可辦公原無礙於己身今富且貴者以勢力求脫而所僉皆無力之窮民於情理亦殊未得其平臣請嗣後凡隸軍籍富戶紳宦之家如本伍有人可以駕運原可暫緩僉選如丁力已疲實須另僉卽富戶紳宦徑行僉報如僉報之後敢於潛令族

四知堂文集

卷十五 奏疏

七

人捏控狡辨或挺身自訴一經審虛富戶則按律治罪紳宦卽行據實題參請旨革職亦治以應得之罪庶奸狡之徒不得藉財勢以滋脫漏而辦運亦不患無丁矣臣爲懲除積習起見用敢據實陳奏伏乞皇上睿鑒勅部議覆施行

請裁撥兌之船以利漕運疏

為請裁撥兌之船以利漕運事查各省糧船按糧定額原不可輕議更張然其中亦有當日本屬改撥行之既久未為允便不得不急為裁定者謹據實陳奏恭候

睿裁

一湖北武左衛四船撥入湖南三幫者宜行裁汰也查湖南止有岳州一衛丁船不足運載是以就近將荆州沔陽各衛丁船俱運湖南之糧其衛備卽隸湖南糧道管轄諸事一體辦理康熙七年間因湖南缺

四知堂文集

卷十五 奏疏

八

船四隻復於湖北之武昌左衛撥船四隻運湖南之糧定議之初原係暫撥俟湖南補足丁船仍行歸還湖北乃撥運以後湖南之船始終未補湖北四船之丁遂成長運由武赴岳道里既屬遙遠而以四船撥入全幫丁孤情睽一切運務俱聽全幫派辦不能自由未免日益拮据每當僉選之時頗難得殷富之丁臣細加籌酌湖南船隻其寬長與江西等而每船裝米止七百餘石較之江西幾少三分之一應請將此撥入三幫四船竟行裁汰卽以此四船之米分灑湖南三幫四十八船之內每船加裝不過六十餘石未

為負重其運費等銀卽分給加裝之船於幫丁亦無少補至於造船之費三修之銀并可節省一轉移間四船之丁得以少為休養俟其力量充裕仍歸武昌衛本幫聽候僉選則軍丁遠累可除而於運務亦並無遺悞

一淮安三大河前撥運蘓揚二處之船宜裁汰也竊查乾隆二十年江蘓等屬坐撥兵糧案內議將山陽阜寧等州縣漕糧改抵兵米以蘓揚二屬南鳳米石抵還漕糧起運調撥淮安大河泗州三衛丁船領兌乾隆二十一年會據江蘓司道議詳淮安頭二泗州

四知堂文集

卷十五 奏疏

九

前後等幫輪兌淮糧之年撥運蘓糧船五隻歸輪兌蘓常幫弁代押又撥運揚糧船六隻併大河前幫撥運揚糧船三隻距淮不遠受兌之後仍歸本幫管押惟淮安三幫撥運蘓揚二處船六隻大河前幫撥運蘓糧船三隻該兩幫係承兌淮糧水次皆在淮北今遠派蘓揚兌運程途險遠丁情未協請將該二幫調撥九船裁汰所派還漕米石在蘓揚二屬現運船內加裝經前漕臣張師載題請裁減部覆以各幫漕船係按糧定額若輕議裁汰將派運漕糧加裝不無負重難行應將所請之處毋庸議等因題覆遵行

在案數年以來各幫雖遵照兌運無悞然臣細察幫情淮安三大河前撥兌蕪屬船隻歷年永兌實屬道遠情睽漸至拮据從前部議不准裁汰原屬慎重漕糧起見但未將應灑帶之米與應加裝之船數細加核計是以有惟恐負重之虞今臣查淮三大前五船撥兌蕪屬新陽正耗漕米止三千二百餘石以現今兌運新陽水次之江淮四興武六廬州二等三幫丁船灑裝每船不過多裝米三十餘石又淮三幫撥兌揚屬高寶二州縣漕糧除減則蠲緩外實運正耗米一千三百六十餘石以同次兌運之揚州二幫丁船四知堂文集卷十五 奏疏 十

灑裝每船亦僅多裝米二十餘石並無負重之虞應請將淮三大前二幫撥兌蕪屬船五隻揚屬船四隻俱行裁汰其應裝米數卽令兌蕪揚同次之船加裝則窮丁免遠撥之苦而加裝之船兼可多得銀米以資用費於運務不無少裨以上二條臣愚昧之見是否有當伏乞

皇上睿鑒勅部議覆施行

請慎選米色以恤軍丁疏

為請慎選米色以恤軍丁事竊查各省漕米有硬有舂有稜不同而宜乾潔而不宜潮潤則一也米之乾者雖裝載數月亦不發熱一石可得一石之用米如潮潤則裝貯稍久必蒸鬱發熱水氣上騰浮面數寸卽至霉變不堪食用所謂氣頭是也大約每米一石發熱一次必折耗數升發熱至數次則折耗愈甚南漕之米定例每石加耗四斗三斗不等此耗米之內除二斗五升交倉作正又三升八合為應交餘米外所剩一斗或數升原以資盤剝及回空飯食之用發四知堂文集卷十五 奏疏 十一

熱至數次則至通交納正米尙恐不足安有多餘以資用度用費不足則揭借揭借不清則滾剝軍丁之疲乏雖不止一端而其根源實由於此臣查江西湖北廣安徽等省米色尙皆乾潔惟江蕪浙江不能盡一內如蕪州府屬之崑山新陽松江府屬之青浦金山華亭婁縣太倉州及所屬之鎮陽常州府屬之陽湖金匱嘉興府屬之嘉善海鹽平湖秀水嘉興等州縣自來米色率多潮潤為之說者皆以地處窪下切近海濱所產之質本卽潮潤不能如他處之一律乾潔臣數年來細加體察察以目所盤驗米色之潮潤固

由於地處窪下其實半由於州縣積習相沿藉詞抵飾以遂其私而上司亦遂相沿寬假不復深求苟破除積習力加整頓尙不致如此之甚蓋南方泥塗土性宜稻凡種稻之區地氣未有不潮潤者亦不獨蕪松浙江爲然又米雖潮潤而勤加晒晾亦可轉潮爲乾天下並無久晾而不乾之物又田家收米十石交官不過一石以十石之米擇其中一石最乾者交官亦非必不可之事無如地氣潮潤之說中於人心在貧民小戶數石幾斗尙知交納好米至紳宦富戶米至數百石數十石則米益多而弊益滋轉難盡得

四知堂文集

卷十五 奏疏

三

乾潔好米在吏胥則樂於潮潤交兌可以從中營私舞弊在州縣則緣糧米過多兌收之時不能不資吏胥家人幕友查察既難周到潮潤勢所不免於是遂借地氣之說爲藏身之地臣每見江浙二省州縣於晚稻尙未登場之先或多雨數日或風潮偶發卽預以秋雨過多風潮爲害米色不能純潔紛紛詳稟以爲潮潤地步上司雖亦嚴行批飭務必慎選好米大抵視爲具文而所收者仍多雜以潮潤及至交兌軍船弁丁或因米色不乾未敢輒收則以久經詳明上司爲詞迫以不得不從之勢積習相沿已非一日今

欲破除積習除嚴飭地方州縣年歲豐歉收成分數俱於禾稼登場之日據實詳報不得輒借風雨爲詞預佔地步外一在曉示紳宦大戶之交納好米也查漕糧爲

天庾正供例宜乾潔無人不知乃臣聞江蕪浙省富戶宦家每年所收佃租有上等自食中等糶賣三等完漕之說雖未必比戶皆然而民間相傳既有此說則大戶之米不盡如式亦卽此可見請嗣後地方州縣將紳宦富戶俱預行曉諭嚴禁至收漕之時再留心查驗如米色乾潔毋事苛求或仍敢以潮潤之米

四知堂文集

卷十五 奏疏

三

巧行嘗試或公然令人子弟持帖干求驗明確實卽將米封貯通行詳揭督撫卽據實題奏請旨議處仍一面飭令易換好米交倉則紳宦大戶顧惜顏面羣知急公大義將率先交納好米以爲細民倡實爲正本清源之道一監兌之廳員與該管之知府統轄之糧道宜定例分賠也查知府係一郡表率漕糧兌收皆應稽查監兌之同知通判係專委查驗米色公平收兌之員少有潮潤卽應詳稟至糧道一官乃總理糧儲大員州縣收漕與弁丁兌運之時原應巡歷各府彈壓稽查少有潮潤卽應揭奏不得安

坐署齋或假以別項公事他出致州縣無所忌憚弁
丁無所稟承請嗣後嚴飭司漕之員各舉其職務遵
定例全收乾潔好米倘幫船至淮經臣盤驗如米色
仍有潮潤發變者除將領運押運黍處外其該管之
知府監兌之廳員總理之糧道一併嚴叅聽部議處
其潮潤米石卽着落領運押運與該管知府監兌廳
員總理糧道按股分賠庶官知儆惕稽查必嚴州縣
不敢濫收矣臣爲破除積習起見謹據實陳 奏伏
乞

皇上睿鑒

四知堂文集

卷十五 奏疏

十四

請定揚州查鹽章程以速回空疏

爲請定揚州鹽廳查鹽之章程以速回空事竊查糧
船夾帶私鹽定例綦嚴是以長蘆引鹽在直隸則有
于家堡磚河之搜查在山東則有柘園之搜查江南
引鹽則有淮安盤糧廳之搜查又有揚州府城鹽廳
及儀徵口之搜查凡所以杜私鹽懲射利也但鹽政
固宜禁販私而糧艘亦宜杜擾累免稽遲於

國家政體方得其平臣竊見各處查鹽奉行俱妥惟
揚州府城一處則衙門太雜弊竇滋多爲糧艘之苦
累致回空之稽遲其章程有應急爲酌定者請爲我

四知堂文集

卷十五 奏疏

十五

皇上陳之

一搜查宜有一定衙門也查地方州縣及營汛之員
雖亦有稽查私鹽之責然此爲總督鹽政衙門無委
員駐劄專司搜查者言之非既有督鹽委員又需道
營州縣之紛紛協助也今揚州查鹽每年有督臣專
委守備一員鹽臣專委分司鹽大使數員臣標又有
派委遊擊一員亦可謂慎重其事矣乃此外又有淮
揚道巡快十名無官而但有其役又揚州營遊擊與
守備同屬一營而將備各差查鹽兵丁六名又江都
甘泉二縣亦各差快手六名隨同搜查每回空幫船

一過五台山卽令啣尾打住聽候搜查而衙門衆多不能尅期齊集則需徐徐等候一時半日率以爲常此未查之先稽遲也及至會齊文員則共有快手三十二名武職則共有兵丁二十四名分爲八班遞進搜查其或該管文武有因事不能到廳者兵役無所拘束往來自由或兩三人或四五人一起出艙一起復進甚且兵役查後又有藉稱文員家人武員干把隨意上船搜查無已彼此衙門均係奉委權不統一無能相禁大約每日止能查船十餘隻以每幫五十船計之非三四日不能查竣此臨查之稽遲也又鹽

四知堂文集

卷十五 奏疏

六

廳已經查竣放行至鈔關上下復有兵役攔船搜查者名爲查鹽其實不過故爲羈阻索錢而已此查後之稽遲也南漕如江廣幫船乃通漕殿後每年回空過揚早則十月遲則十一月尙需歷涉江湖然後抵次已及受兌之時安有修艙之暇其爲苦累蓋非一朝一夕矣臣查事權宜歸於一雜出徒爲滋擾若以總督鹽政委員爲不可信而必待地方道營州縣文武協力贊襄豈州縣文武之兵役轉可盡信乎臣再四籌酌明於私可杜而事不擾督臣兼總鹽務鹽臣專理鹽政委員搜查均不可少應請嗣後揚州鹽廳

查鹽專聽督鹽二臣委員實力辦理卽臣標委員止令彈壓糧艘官弁丁舵不得滋事併催僱船隻早行出江其查鹽一事不必干與至道營及二縣僉查兵役似應一概停止不得再借地方名色跟同混擾又此後查鹽俱應糧船一到隨卽搜查承委之員不得藉奔走衙門及托故他往致令彼此守候總以一日大幫則查一幫小幫則查兩幫查畢卽促令開行其已經查竣開行後復有假稱奉委攔船搜查者令鹽臣就近飭令委員嚴加查察犯則重處則鹽務無私帶之弊而糧艘亦免於稽遲之患矣

四知堂文集

卷十五 奏疏

七

一擺列食鹽不應作爲私鹽也查糧船定例每隻准帶食鹽四十觔其實頭舵水手皆屬窮人貪圖小利沿途鹽賤之處亦有多買數觔者然每至查鹽之時各人俱將所買鹽觔擺列船頭聽官查驗准帶卽行收存不准卽聽入官至於私鹽乃數石數十石數百石深藏艙內不令人見始謂之私今自行擺出聽官查看則是謹遵定例不敢隱藏乃喜事邀功之員往往以一幫船頭擺列食鹽爲數稍多或混以私鹽具報是遵法之人轉罹於法辦理亦未得其平應請嗣後督鹽衙門俱嚴飭委員不得以船頭擺列之鹽混

作私鹽邀賞庶辦理持平而人心帖服矣

一領運千總宜一體在幫也查舊例糧船夾帶私鹽經地方文武查出如重運千總不在幫內則專參押空之弁而重運免議於是重運之員恐懼私鹽處分往往借領完呈爲名沿途逗遛及至船已出江然後趕上此皆巧爲規避之計其實押空之弁權不及領運且一官之稽查約束不如兩官更爲週到若果重空二弁沿途實力稽查販私之弊自少所謂塞其流不若清其源也應請嗣後領運之弁交糧之後除例應引

四知堂文集

卷十五 奏疏

六

見及請假回籍併別有公事委辦不能趕赴大幫者遇有私鹽事故准其免叅其餘托故逗遛者俱無論在幫與否遇有私鹽之案一體叅處庶約束有人而夾帶之弊可漸除矣以上數條臣愚昧之見是否有當謹繕摺陳 奏伏乞
皇上睿鑒勅部議覆施行

陳明河湖水勢情形疏

爲奏

聞事竊查每歲漕運全資運河水勢今臣回任沿途查看水勢衛河止六月發水一次不過三四尺旋即消落臣隨處探量比五月間重運北上之時止增一尺自臨清卽入牖河汶水亦比往年較小經歷蜀山南旺馬踏馬場等湖從前所謂四大水櫃者今止蜀山湖有水三四尺南旺湖底些須有水馬踏馬場二湖則竟無水蓋緣本年夏間東省雨水僅足供田畝之需水未大發故無水可收臣遇撫臣崔應階於東

四知堂文集

卷十五 奏疏

九

昌據云因湖水甚小已飭行沿河各官將各湖洩水口門俱嚴行堵塞以資收蓄八月二十日臣舟次濟寧適河臣李宏於是日回署臣與其相籌酌諸湖水少惟有今冬早築南旺之壩俾汶水多行灌入蜀山馬踏二湖以備來歲之用又汶水原係匯泰山諸泉之水以成流水多之年原不盡藉於泉今水少之年則當委員確勘早行疏濬以裕其源河臣意見均屬相同濟寧以南則全資獨山南陽微山諸湖之水以濟南運臣查看獨山湖亦較往年水少三尺查獨山湖之北有泗河一道從魯橋入運此河係有源之水

雖小而不斷若將魯橋早行築壩并將獨山湖通運
十八水口盡行堵塞俾泗河之水多灌入獨山湖似
屬有益臣已札商河臣李宏酌量辦理至微山湖之
水臣去年秋間經過時深有一丈五六尺今止深一
丈湖口牖及引渠先經河臣飭行堵閉以資收蓄目
下止滾壩過水三四寸而已此湖之水南運全資挹
注以臣愚見似可毋庸再行宣洩江南宿遷以南運
河則資駱馬湖接濟臣遇河臣高晉於皂河據云早
已將王家溝等處口門堵閉收蓄之水與去年相等
所有沿途河湖水勢情形及臣與河臣商辦緣由謹

四知堂文集

卷十五 奏疏

三

據實奏

聞伏乞

皇上睿鑒

請懲短絳勒價聚毆之積習以利漕運疏

為請懲短絳勒價聚毆之積習以利漕運事竊查南
漕幫船自入揚州運河至山東之韓莊牖俱係上水
沿途必須多僱短絳協全挽拽方能迅速前進其自
揚至淮需用短絳曾經前任漕臣定價每名或五錢
四錢三二錢不等總以道里之遠近定價價之多寡
犇夫不得多索軍丁亦不得短給年來尙知遵守不
致滋事惟自清江浦至韓莊人情刁悍每至僱覓之
時各地方俱有無賴棍徒名曰胡二鬼從中把持幫
船行抵其地或須僱絳此輩卽帶領短絳向頭船議
價名曰批溜子總以多勒價值為主遂其欲則已否
則率領衆夫至頭船與丁舵水手人等混鬧或行聚
毆及幫弁聞知查拿有當時拿獲數人者亦有查拿
不及散去者雖經臣據報卽嚴飭地方州縣緝拿重
究然旗丁水手須隨船北上無人對質州縣據一而
之詞擬議不過以枷責完結此輩皆兇頑之徒無所
忌憚惡習終難改革臣查軍丁領運米石係
天庾正供此等棍徒乃敢恃衆措勒動輒聚毆非尋
常圖毆可比若僅以杖責枷示完結實無以示儆懲
請嗣後如有短絳棍徒勒價聚毆成傷者審實將爲

四知堂文集

卷十五 奏疏

五

首之犯及傷人之犯俱擬以發邊衛充軍餘依例枷
責庶兇頑知儆惡習可漸冀改除於漕務殊有裨益
抑臣更有請者糧船經過地方文武均有防護之責
與其懲治於事後又不如防範於事先乃臣數年以
來經過地方未見州縣有差一役委一丞佐於河路
巡查彈壓者即營汛各弁亦止知催償爲事其於兇
徒之擾鬧滋事亦未有當場拿獲一犯者是以以此等
兇徒無所忌憚并請嗣後沿途短絳有措勒聚毆
事發將不行約束彈壓之文武俱照約束不嚴劾議
處則防護既嚴兇徒當漸知斂輯矣臣言是否有當

四知堂文集

卷十五 奏疏

圭

謹據實陳

奏伏乞

皇上睿鑒勅部議覆施行

謝 賜御製詩疏

爲恭謝

天恩事竊臣荷蒙

聖恩畀任漕運恭逢

翠華南莅臣迎

鑾道左扈

蹕南行日觀

天顏恩榮備沐茲復荷

聖恩賞賜

御製詩篇一幅

四知堂文集

卷十五 奏疏

圭

天語欽承榮實過於華哀

宸章捧到寶直等諸圖球臣跪誦之下榮幸不勝感

激難名惟有什襲珍藏子子孫孫奉爲

墨寶謹繕摺恭謝

天恩伏乞

皇上睿鑒

謝 賜御製文初集疏

為恭謝

天恩事乾隆三十年二月二十日臣標提塘官吳楚

恭賚到蒙

恩賞賜

御製文初集一部臣隨叩頭謝

恩祇領訖欽惟

皇帝陛下

聖由天縱

學本生知

四知堂文集 卷十五 奏疏

紹二帝之薪傳堯謨舜典

統百王之令緒禹鼎湯盤酌雅稟經仰星雲之普麗

揚芳摘藻借日月以同輝經緯本於六經甄陶綜乎

萬彙芸編初煥如海旭之方升錦冊

新頒似山嶽之長峙共覩

王言之廣大聿昭

聖治之光華

高深莫贊愧一詞而未能浩蕩難名寶千秋而永耀

琅函式展啐誦維勤既莫罄其揄揚益唯深其歡忭

所有感激微忱理合繕摺恭謝

天恩伏乞

皇上睿鑒

四知堂文集 卷十五 奏疏

圭

陳明查辦運河水勢情形疏

為查辦運河水勢情形仰祈

睿鑒事乾隆三十年二月十二日奉

上諭南巡回鑾時

皇太后御舟仍由水路進京朕亦舟行至德州登陸而

江廣糧船亦俱以次北上東省運河一切收蓄調劑

事宜正須早為經理淮徐道李清時前任運河道於

山東河務素為熟悉去歲秋冬間因運河水勢略覺

微弱曾諭令往濟寧一帶協同商辦此次著仍派李

清時隨總漕楊錫紱前往山東會同總河李宏將河

四知堂文集 卷十五 奏疏 三

湖諸務妥協辦理事竣仍回本任欽此 臣楊錫紱於

二月十九日恭送

聖駕後即帶同淮徐道李清時由運河一路查看駱

馬微山獨山等湖水勢於閏二月初一日至濟 臣李

宏復同往濟寧以北查看馬場蜀山馬踏等湖收水

尺寸及汶河南旺分流南北各屆座水勢淺深復由

濟至兗查看金口壩黑風口攔截泗水歸入馬場湖

情形於初九日復回濟寧查微山湖水專濟南運去

冬存水九尺六寸本年正月因南漕北上於十四日

開湖口壩起至今閏二月初十四十餘日止落水五

寸仍存水九尺一寸即用至三四五月不過落水二

尺尙當存水七尺加以駱馬湖水在宿遷一帶接濟

無虞不足此韓莊壩以南之情形也東省運河韓莊

以北夏鎮南陽之間藉資獨山一湖今查此湖自二

月初間開放口門鋪水之後現在已與運河水面相

平而湖之北岸有鄒縣白馬河之水尙源源流入查

獨山湖面甚濶此時收入於湖水不能增添當即飭

令河員堵築入湖之路令由泗河尾閘之魯橋洩入

運河頗為得用至濟寧南北所恃者蜀山馬踏馬踏

三湖 臣等查馬踏馬場二湖去秋原無多水蜀山一

四知堂文集 卷十五 奏疏 七

湖止存水五尺五寸自去冬收蓄以來現今馬踏湖

有水六尺三寸蜀山湖有水七尺六寸馬場湖有水

三尺六寸而泗水之灌馬場者尙日有增添又二月

初二南旺開壩以後泉源頗旺汶水南北分流足資

浮送糧艘過濟者已二十五幫而三湖之水點滴未

動將來

皇太后御舟

皇上御舟經臨濟寧以南則開馬場濟寧以北則開

馬踏增添灌注儘可敷用有餘仍留蜀山一湖之水

以為二運三運糧船接濟即江廣重運亦可不致阻

滯此濟寧南北湖河之情形也又運河自台莊至靳
口廂臣等逐加探量內有間段零星稍淺之處已飭
廳汛各員預行疏濬從臨清至天津則經由衛河臣
等亦已嚴飭廳汛及地方州縣查有古淺處所預行
疏濬務使一律深通以利運行所有臣等帶同淮徐
道李清時查看酌商辦理及運河水尚敷用情形謹
恭摺覆 奏伏乞
聖主睿鑒再臣楊錫紱卽於十二日回南恭迎
聖駕准徐道李清時亦回任辦事合并聲明

四知堂文集

卷十五 奏疏

三

謝 賜御臨宋臣米芾書軸疏

為恭謝

天恩事恭惟

翠華南莅臣叨

恩扈

蹕日觀

天顏時聆

聖訓

賞賚類仍

恩榮備沐茲復荷

四知堂文集

卷十五 奏疏

无

聖恩賞賜

御臨米芾書一軸

天章璀璨備蛟騰鳳翥之觀

宸翰輝煌超垂露懸針而上洵為千秋至寶希世奇

珍臣跪捧

龍縑倍深榮幸惟有什襲珍藏永昭世守為此繕摺

恭謝

天恩伏乞

皇上睿鑒

陳明運河水小會同河臣查勘辦理疏

為奏

聞事竊查本年漕糧除豫東二省久赴通交卸外南省幫船閏二月間催出臨清者已二十餘幫在途陸續行走者二十餘幫其浙江江廣各幫臣在淮上緊催併至四月十五尾幫已全數過淮經臣會同巡漕臣德成奏報在案惟是自四月以來行抵宿遷以北及山東境內各幫據各處委員稟報河水稍小每逢淺處多須起剝臣隨於四月十一日自淮起程星赴沿途查看情形河水雖小然宿遷一帶則有駱馬

四知堂文集

卷十五

奏疏

辛

湖水收蓄尚多隨商之河臣高晉將該湖之水即行開放接濟宿遷以下邳州一帶則有沂河之水可從蘆口壩引出歸入運河臣亦飭委河員將沂河築一草壩攔截蘆口開拆寬深使邳州以下得水接濟至於微山一湖為南省運河之源臣查視情形湖水尚一望無際惟湖口廂內有攔門一灘每遇東風大起則出水不暢臣委員將攔門灘開挖深通俾湖水暢出以濟南運二十二日臣復至濟寧南旺一帶查看緣東省久未得雨天氣亢旱汶河之水止涓涓細流分注南北其力無多是以運河水勢不能加添河臣

李宏已飭暫開蜀山湖水以助南北分流之用臣揆

之情勢實應暫行開放隨與河臣分委員弁專司其事俟汶水一發即行堵閉以待江廣重運再行開放仍通飭廳汛各員凡有淺處即行撈濬務期深通其汶水泉源則撫臣崔應階已飭行有泉州縣力行疏濬宣導壅塞以裕水源目下南北糧艘已各處通行無阻再臣回至韓莊五月初一至初三連日俱得大雨河水漸見增長從此汶水長發更可進行趕赴抵通之期不致遲悞所有臣查勘辦理情形謹繕摺奏聞伏乞

四知堂文集

卷十五

奏疏

壬

皇上睿鑒

遵 旨覆奏漕船抵津情形並請就近截收米

石疏

為遵

旨覆 奏事本年五月二十九日承准大學士公傅恒大學士劉統勳字寄乾隆三十年五月二十三日奉

上諭楊錫紱奏漕船於五月初十日全數渡黃一摺今年漕船北上較往歲稍遲且前半年運河水勢亦覺淺少昨雖據崔應階奏報東省得雨水已加長今該督亦奏及河水充裕足資浮送第此後水勢或不

四知堂文集

卷十五

奏疏

三

無有盈縮之處現在即需為籌辦以利輓運楊錫紱於南巡時甫經召見為時不遠此次押運北來不必循照往例赴圓明園宮門或到京已屆巡幸木蘭啟鑾之後並不必趨赴行在該督可徑在運河一帶察看妥協經理將此傳諭知之欽此遵

旨寄信前來 臣跪讀之下仰見我

皇上厯念漕儲

訓示周至 臣查本年南漕前因四月內運河水小行走稍滯自五月初一日仰賴

聖主洪福時雨大降糧舟即可通行嗣是或三日或

五日又接續得雨河水更為充裕 臣分委員弁南北

催僱 臣復駐劄韓莊居中督辦巡漕臣温如玉亦於

濟寧以北相機料理計自五月初一起至今二十九

日共催出韓莊船五十餘幫目下江浙二省船隻

據報已於本月二十四日全過濟寧湖廣江西船尾

幫於本月二十六日已全入臺莊 臣按程約計江浙

之船六月二十後當全過天津江廣各幫七月初十

內外亦可全數抵津此運河現在水勢及船隻行走

情形也 臣擬於六月初一日即赴濟寧俟江西尾幫

全數過濟再往臨清仰遵

四知堂文集

卷十五

奏疏

三

諭旨一路上緊籌辦如尾幫全數抵津在

聖駕巡幸熱河未經

啟鑾之前 臣仍趨赴

闕廷恭請

聖安祇聆

訓誨抑 臣更有請者本年南漕雖緣得雨水足可以

趕緊催僱抵津而倉場兌收則為期稍迫或間遇陰

雨停斛恐不能如常年於八月中旬全數兌竣合無

仰懇

聖恩勅諭倉場派坐糧廳一員於天津北倉截收四

十萬石俟來歲春融再行運通其截收之米俱儘在
後江西幫船收畢卽令回空南下則兌收可冀八月
內全竣而幫船無凍阻之虞更得及冬趕兌新漕在
官在軍實爲兩便臣愚昧之見是否有當謹一併恭
陳伏乞
聖主訓示施行

四知堂文集

卷十五

奏疏

五

懇 恩賜額以彰遺跡疏
爲仰懇

聖恩賞賜祠額以彰遺跡事竊查前明運道由清口
入黃卽溯黃而上直抵徐州中經呂梁二洪灘石險
惡不惟水性湍溜時日羈阻抑且楫舟觸石動多覆
溺自前明萬歷二十二年河臣舒應龍力主開泇之
議鑿性義嶺南韓家莊地四十餘里引湖水以注泇
二十九年河臣劉東星又鑿萬家莊以接泇口之流
河臣李化龍繼之益加疏鑿遂成通津於是避去三
百三十餘里黃河之險運道如行枕席臣數年以來
督運往返查萬年一牐爲性義嶺之適中因與前河
臣張師載商議建祠三楹於萬年牐上祀前明河臣
舒應龍劉東星李化龍於其中今我

四知堂文集

卷十五

奏疏

五

皇上翠華南莅廻

鑿經由水路南北運河一切經久

鴻規均仰

聖謨裁定而此有明三臣開泇微勞亦久在

聖主洞鑒之中合無仰懇

天恩賞賜祠額則三臣遺跡得

宸翰

褒錄將傳之萬世而不朽矣臣謹恭摺具奏伏乞
皇上睿鑒

四知堂文集

卷十五 奏疏

美

請定駱馬湖水啟閉章程以收全效疏

爲駱馬湖水宜詳定章程以收全效事查駱馬一湖地當邳宿之間周圍一百四十三里每歲秋冬收蓄湖水以濟漕運實南運河吃緊關鍵不知始自何年沿襲相傳以駱馬湖水專濟江廣重運非江廣船至斷不輕開於是水小之年江浙幫船行至古城溜以上卽淺阻起剝亦難望駱馬湖涓滴之助本年四月間天久未雨糧舟阻滯臣商之河臣高晉先開駱馬湖口接濟江浙幫船河臣高晉亦意見相同隨飭委員弁開柳園頭口門放水濟運運河之水立長五六寸江浙之船遂得遊行其後以次開王家溝口門卽江廣船至湖水亦未嘗告竭可見從前拘守訛傳徒令全湖有用之水大半置於無用殊爲可惜且此湖上受沂河之水下通六塘河入海每歲沂河水發出湖涵湧而下多爲海沫之患若湖水於四五月糧艘經過之時全行濟運則湖身騰空至伏秋沂水驟發亦容受有地更可少減海沫水患實爲一舉而兩利至於酌定章程查現今柳園頭王家溝二處俱建有石牖但未設立牖官無專司啟閉之人應請卽責該汛守備專司其事收水之時則於牖內築草壩以攔

四知堂文集

卷十五 奏疏

三七

水使牖不受傷用水之時則開壩放水由牖門濟運酌量運河需水尺寸以定啟板多少晝夜看守隨時搏節不令一放而盡其通湖引渠有淺阻者相機疏濬俾湖水得暢出無阻仍查照本年之例江浙船至則開柳園頭江廣船至則并開王家溝不得少有錯亂至王家溝之上三十里尙有乾車頭口門可通皂河一帶運河又此湖之上尙有一隅頭小湖口門可通甯灣一帶運河此二處均未建牖可否俱設立牖座俾需水之時得以啟閉由人應請

勅令河臣詳加相度辦理再臣查沂河之水發源沂

四知堂文集

卷十五

奏疏

三九

州蒙陰等縣其水經冬不竭與汶河相等乃汶河之水前入用以分給南北千里運道而沂河之水不能供邳宿以下三百里運河之資豈非籌畫未周所致臣查沂河經過邳境有蘆口一壩西通徐塘口入運壩係亂石雖堵塞而涓涓之流終年不斷本年四月臣親至壩口看視情形飭令河員築一草壩欄截沂河折去蘆口亂石數丈逼沂水由壩出徐塘口入運而徐塘口以下運河亦立增水數寸此行之已有明效者應請嗣後遇水小之年卽照此築壩截水歸入蘆口以利漕運重運過竣仍堵壩口以免山水旁溢

邳境如此則駱馬湖之水可收全效而沂河涓滴之水皆爲南運之資矣臣一得之愚是否有當謹恭摺

陳 奏伏乞

聖王睿鑒施行

四知堂文集

卷十五

奏疏

三九

請酌定微山湖水誌以利漕運疏

爲微山湖水誌宜再加酌定以利漕運事查南省運河水無來源所恃者微山一湖數年以來湖水深至一丈五六尺故南漕由楊莊口門直溯韓莊絕無淺阻之患近因湖內蓄水過多魚臺金鄉濟寧等州縣瀕湖窪地不無淹浸經河撫諸臣酌議宜洩請定微湖水誌以一丈爲度嗣是又請於湖口另建一牖又請疏濬荆山橋以資分洩於是窪地涸出遂多惟是議水誌議分洩皆在湖水盈滿之時其定誌一丈果否於漕務無礙究屬懸揣並非確見實在情形本年

四知堂文集

卷十五 奏疏

聖

臣往返東境查看湖河二月間湖水深九尺六寸其時湖口以下如得勝張莊萬年等牖至淺處亦有底水四尺六七寸至三月湖水消至八尺六七寸則各牖淺處止底水三尺六七寸迨四月盡五月初初湖水消至八尺一二寸則各牖內淺處止底水二尺六七寸嗣自五月至六月初旬大雨時行湖水增長六七寸於是牖內底水亦復回三尺六七寸可見湖內之水須存一丈二尺然後用至五月猶有一丈之水而八牖始能有四尺餘寸底水若止存一丈則用至五月不過八尺而牖內底水止二尺六七寸矣不但江

廣重船難資浮送卽江浙各幫亦須剝米然後可行此臣數月以來日親實在情形合無仰懇

聖恩勅令東省河撫二臣再行悉心講求將洞出窪地分數確加查勘其微山湖各處出水口門如花山甯家山茶城荆山橋伊家河等處地形高下水勢深淺尺寸逐一測量與湖口滾水壩是否相等作何量加收蓄可否以一丈二尺定誌確切定議奏請

皇上訓示遵行庶水小之年不致臨時周章抑臣查八牖原係山岡地處高亢自開挖成河以來雖足通舟楫然河底終不如湖底之深是以湖水消至八尺

四知堂文集

卷十五 奏疏

聖

卽不能暢流而出此又河形本身受病之處如以窪地須涸一丈之水誌難以議減或將湖口以下至頓莊牖此數十里之河底一律挑深五尺使湖勢處高而水易於出亦斟酌調劑之一策臣愚昧之見是否

有當謹恭摺陳 奏伏乞

聖主睿鑒施行

四知堂文集卷十五 終

四知堂文集卷十六

清江楊錫紱方來著

奏疏

請歸併幫船以恤丁力疏

為請歸併幫船以恤丁力事竊查江西糧艘共一十四幫每幫船隻或六十五至四十而止惟永新建昌二幫因裁減以後永新止存船二十八隻建昌止存船二十四隻查糧艘幫例凡提溜打牯僱夫僱繹小幫之費與大幫等是在大幫為眾舉易舉而小幫則一船而需兩船之費矣臣督運在途據二幫官弁

四知堂文集

卷十六 奏疏

十

旂丁具稟均情願歸併臣查歸併幫船向有成案應請自本年新運為始將永新建昌二幫并為一幫共船五十二隻易名曰永建幫裁去千總二員給咨赴部另補裁去隨幫一員即留臣標仍以隨幫掣委俟其運滿再行照例報部臣謹據情恭摺具奏伏乞皇上睿鑒勅部議覆施行

請酌改冬兌之期以裨漕運疏

為酌改冬兌之期以裨漕運仰祈

睿鑒事竊查漕運幫船例限冬兌冬開惟是省分有遠近不同即情形因之各異山東一省漕船十幫內濟寧左濟寧右德州正臨清山東前臨清山東後五幫水次則在牯外館陶臨清德州等處其濟寧前濟寧後東昌濮州東平所五幫水次則每幫之中半在臨清牯內半在臨清牯外向來牯內受兌之幫因運河每年煞壩挑濬俱在十一月至正月始行竣事是以各幫俱於二月初開始能受兌開行其在牯外船隻則拘守冬兌冬開之例每年於十月內即赴德州臨清一帶受兌兌竣方報開行即報守凍必至二月驚蟄節後日暖水解始能前進是徒循冬開之虛名而究非實事茲據山東糧道宮兆麟以米石受兌在船守凍至四月之久設有火燭之虞水堅如石移動為難而僱覓水手開養在幫旗丁亦多費四月之工食飯米詳請改為春兌春開到臣查冬兌冬開各省大例但山東德州臨清等處距通甚近每歲即立春以後受兌開行仍副驚蟄之期計程不誤抵通之限與其循冬開之虛名不若改春兌之便舉應請自

四知堂文集

卷十六 奏疏

二

本年新運卽定爲春兌春開但事關酌改定例臣愚
昧之見是否有當謹恭摺陳 奏伏乞
皇上睿鑒勅部議覆施行

四知堂文集

卷十六

奏疏

三

請更定失察糧船夾帶私鹽沿途文武處分疏
爲糧船夾帶私鹽請分別沿途文武失察處分以歸
平允仰祈

睿鑒事竊查糧船禁帶私鹽定例綦嚴乾隆十四年
前任漕臣瑚寶奏准各省漕船倘有查出夾帶私鹽
之處應先訊其何地所買除運弁照例處分外沿途
地方汛弁俱照不行詳查例議處是以凡糧船夾帶
私鹽事發訊明販賣地方卽行文各省查取沿途失
察文武職名而沿途地方文武官弁又以糧船經過
勢不能節節打住赴船搜查徒于失察處紛紛詳

四知堂文集

卷十六

奏疏

四

稟有開送職名者亦有開送而請免者大約一案各
查地遠官多每難一時查取齊全乾隆二十九年
兩淮鹽臣陞任戶部侍郎高恒因臣 奏准將揚州
搜查私鹽一事專歸督鹽二臣衙門辦理其揚州之
江都甘泉二縣及揚州營俱停其搜查以免滋擾因
復 奏請江甘二縣及揚州營既不令其查鹽設遇
搜獲私鹽自可毋庸議處其沿途州縣文武似應一
例停其查察之虛文免取失察之職名經部臣議覆
以揚州因有督鹽二臣委員專事搜查毋庸州縣營
汛紛紛協助是以將僉查兵役議請停止原止就揚

州所屬江甘二縣而言其沿途產鹽地方如并無專員辦理者文武員弁仍有稽查之責未便遽行一概停止應令沿河督撫飭令地方官弁遵照舊例於糧船停泊之處在於河干實力催償稽查毋許丁舵水手向肩挑背負之人私行貨賣亦不許兵役人等赴船混行滋擾倘有私鹽夾帶以及兵役藉端滋擾情弊察出卽行叅處究治等因咨行遵照在案臣查前任鹽臣高恒知沿途州縣文武徒有稽查之虛名請一例免其查取職名而未聲明沿途原有應行處分之員部臣意在遵循舊章不許地方文武藉口無稽

四知堂文集 卷十六 奏疏 五

查之責以致人多夾帶而未指明非產鹽地方文武職名可以不必查取是以例雖定而奉行究難盡一臣往來河干有年情形稍悉如天津係產鹽之所則長蘆鹽臣於天津縣地方有于家堡委員之搜查滄州係產鹽之所則滄州磚河地方有天津鎮專委石營遊擊之搜查又山東德州之柘園爲直東二省交界之所則有臣標委員及德州衛守備會同之搜查山東之陽穀縣阿城地方及江南淮北之清河山陽雖非場竈產鹽之地而私鹽之販賣多在其地則臣駐劄之淮安府盤糧廳有臣標城守營叅將及督標

候補守備之搜查淮安以南如寶應高郵甘泉江都亦係私鹽販賣之所則有揚州督鹽二臣專委員役之搜查儀徵爲私鹽出江之所則有臣標委員及督標候補守備之搜查瓜州亦私鹽過江之所則有鎮江道廳之搜查如糧船夾帶私鹽查獲於鎮江儀徵訊明係買自天津則揚州以北直至天津各委員俱應查取職名予以處分如買自淮南則祇取揚州委員失察職名而在淮以北之委員俱免查取推之買自滄州阿城淮北等處總以經過而未經查出之委員當其罪是沿途失察原有專司其事應行議處之

四知堂文集 卷十六 奏疏 六

員若沿途州縣文武惟產鹽地方例有緝私之責遇有私鹽事發旣實係買自其地卽糧船經過可藉口不能赴船稽查而致令地方有私鹽賣出亦罪無可辭然一案亦止需據案犯供出買鹽地方取該地文武職名而止原不必通行波及如并非產鹽地方則旣不許其兵役赴船滋擾卽有夾帶原無從而知且一案私鹽而牽累沿河文武至數十百人於政體亦覺過於紛繁非循名責實之意以臣愚見應請嗣後糧船夾帶私鹽於何處查出卽將經過而未經查出之專委文武各員照例查取職名議處不得聽其稍

有捏飾推諉其沿途州縣文武係產鹽地方經鹽犯
供詞指實者則查取職名治以不能查緝賣私之本
罪其非產鹽地方文武應免其一併查叅則罪有應
得者原無少縱而無從稽查者亦不致枉受處分似
於政體爲得其平 臣管窺所及是否有當謹具摺陳
奏伏乞
皇上睿鑒勅部議覆施行

四知堂文集

卷十六 奏疏

七

請停湖南糧艘預解蓬纜銀兩疏
爲湖南糧艘請停預解田鎮蓬纜銀兩以歸實用仰
祈

睿鑒事竊查湖南糧船地處最遠回空最遲每年抵
次之時即係受兌之日修艙草率船不堅固經臣於
乾隆二十四年 奏請將各丁應得運費責令糧道
每年於十月內每船先動銀五十兩委員迎至湖北
之田家鎮等候空船一到即給發各丁先行補買蓬
纜等物一至漢口即鳩僱工匠沿途修艙赴次即可
兌漕不致耽延等因奉

四知堂文集

卷十六 奏疏

八

殊批均如所議行欽此數年以來該省糧道俱遵照
預行發銀委員解送田家鎮分發各丁買備蓬桅沿
途修艙在案本年二月間湖南糧道劉秉愉辦差至
淮南稟湖南糧艘於田家鎮發銀預行修艙一事查
得仍係有名無實不如照舊歸次修艙爲妥 臣隨諭
該道確查情形具詳以便更正去後嗣據湖南糧道
劉秉愉詳稱查蓬纜一項各船必待二三年更換一
次原無用年年置辦即有應需添補者亦可於重運
行抵田鎮之時臨期置辦至修艙則各船行至漢口
抵次不遠旂丁急於回衛料理新漕不能親身承辦

且其時舊丁或有更換新丁尙未到幫觀望推延勢所不免而衛備分處各地既未能親赴督修新委之員尙未接辦僅押空之隨弁安能監修如式是以各丁田鎮所領銀兩每多任意花銷未歸實用應請嗣後停其預解田鎮仍與運費一并解道帶赴岳次驗給如各船內有應行添買蓬纜者卽於兌糧完竣之日令伍丁先赴田鎮買備俟該船抵鎮取用亦無遲悞至各船修船向來各衛於新徵運費內原有酌量接濟迎空之項以之買辦油蔴釘錫爲數無多辦理亦易况田鎮漢口距岳僅數日之程與其藉名買辦

四知堂文集

卷十六 奏疏

九

蓬纜什物中途稽延不若禁其停留催償赴次此時衛備運弁均已齊集岳州如有應行加修船隻卽責成備弁親身督修自必堅實完固不致潦草塞責如此銀歸實用得免虛糜等情到臣經臣於本年六月咨明戶部湖南糧艘請停止預發銀兩仍照舊歸次修船接准部覆以此項預解銀兩係 奏准遵行之案應行題明辦理等因臣查糧艘抵次修船乃各省定例從前因湖南丁船抵次最遲修船多有草率以致船身不固是以 奏請於田鎮預給銀兩置買蓬桅至漢鎮卽鳩工修船原期銀歸實用船身得以堅

固今既據該省糧道查明蓬桅非每年需置之物卽有應行更換者重運至田鎮時置買亦無遲誤則是置買蓬桅之銀可以不必預發至船隻修船必須旂丁親身在船承辦方爲有益今旂丁旣因新漕緊迫須先行回衛料理衛備又遠處各地不能親身督修以致所領銀兩多任意開銷未歸實用則是修船之銀亦可不必預發自應仍循舊章於抵次之日給發銀兩令各該管守備千總親身督押趕緊修理以期堅固未便因係已經 奏准之案卽行因循徒滋糜費而無濟實用也所有湖南糧艘請停預發田鎮銀兩仍歸次修船緣由謹繕摺陳 奏伏乞 皇上睿鑒勅部議覆施行

四知堂文集

卷十六 奏疏

十

請裁撥抵之船以免丁累疏

為請裁撥抵之船以免丁累仰祈

睿鑒事竊查揚州衛二幫原有輪減船二十四隻以備大造輪運及本衛三幫缺船抵補之用乾隆十年前任漕臣顧琮因興武三幫七幫江淮八幫內有疲船二十四隻無丁可僉題請裁汰即以揚州二幫輪減船二十四隻撥抵內抵入興武三幫十隻興武七幫十隻江淮八幫四隻續於乾隆十九年兵糧裁船案內興武三幫又裁汰揚州二幫撥入船一隻實現在撥抵船二十三隻查江興二衛幫船每隻額支行四知堂文集卷十六 奏疏 十一
月米九十石折色銀七十二兩揚州衛幫船每隻額支本色月糧米麥六十石本折行月銀三十兩所領銀米既多寡懸殊而江興二衛之興武三興武七江淮八又係例運松江府屬糧米之船是以當日具題撥抵之時以揚船撥運松糧道遠費繁行月不敷用度請照江興二衛額編行月之數支給四分之一本色米六十七石五斗折色銀五十四兩部議以揚衛之船即應仍照揚衛額例支領行月未便加增駁飭未准二十年以來撥抵各丁俱勉力辦運未敢貽悞惟是江興二衛額支行月銀米多於揚衛辦運松糧

尚多疲乏乾隆二十四年經臣將二衛折色七錢一

石者 題請復給一兩自是二衛幫船每隻又增添

銀二十餘兩各丁近日始稍有起色今揚衛撥抵之

船遠辦松江之運銀米毫無加增其為拮据亦屬實

情臣每思調劑苦無善策今查撥抵二十三船共裝

運糧米一萬六千二百九十餘石而江興二衛兌運

松糧之船八幫計船三百九十隻若以一萬六千餘

石之米分洒於三百九十船之內計每船加裝米不

過四十餘石不為負重難行是此撥抵之二十三船

竟可裁汰則揚衛之丁不致日累日疲仍可留備本

四知堂文集卷十六 奏疏 十一

幫僉運而以此二十三船在揚衛額領之行月銀米

加給於江興二衛三百九十船之內亦於運費少有

添補如此一轉移間似為兩便無礙之一法臣愚昧

管見是否可行謹繕摺陳 奏伏乞

皇上睿鑒勅部議覆施行

請並停安徽省押准丞倅以裨漕務疏

為請停安徽省押准之員以裨漕務事竊查各州縣徵完漕米兌與丁船每府例委或同知或通判一員監兌監畢開行即令監兌之員尾押過淮然後回任乾隆二十三年臣因江西湖廣押准之員遠涉江湖毫無所事曾經 奏請停止經部議准行惟安徽押准之員仍循舊例臣查各幫糧艘有空重千總專管又有押運到通之通判同知兼行督押原無需監兌之員再行管理且多一官則丁旗人等多一官之伺候而卑鄙之員或有借查米查貨名色故行搜求以四知堂文集 卷十六 奏疏 三

皇上睿鑒訓示施行

請酌改條例以臻畫一疏

為奏請酌改條例以臻畫一事竊查各省衛所守備千總俱為漕運而設向來因其分隸各省與督撫相近是以五年軍政六年俸滿每年甄別以及年老有疾告休勒休患病解任調理親老呈請終養就近改補等事俱歸撫臣主稿臣因撫臣通省事務繁多守千微員不能時見非曾經差遣試驗無由悉知其情而漕臣專理漕務衛守備則每歲檄調來淮辦理倉盤催餉衛千總則輪流相間領運其閒運千總亦調委漕差每年無不見面其人之精力才具操守勤惰悉可試驗而知是以於乾隆二十三二十六等年奏准將衛所守千親老改補近省年老有疾告休勒休等事俱改歸臣衙門辦理上年巡漕臣胡澤潢又經條奏將衛所守千六年俸滿及五年軍政舉劾等案亦歸臣衙門主稿奉部覆准在案惟每年甄別及患病解任調理親老終養等事仍由各撫臣主稿題咨辦理尚屬參差以臣愚見應請嗣後各省衛所守千所有患病解任調理親老終養等事統歸臣衙門主稿咨會撫臣則辦理既無參差事例更昭畫一至衛所守千每年考核造冊咨部一件在定例之初原欲

於甄別之中寓勸懲之意但自奉行以來各省司道
不過循例造冊並未實有舉劾撫臣每年造冊咨部
亦不過存案備查並無駁飭是此項冊籍徒爲具文
無裨實政臣查衛所守千如有年老有疾及才不勝
任貽誤溺職者臣衙門現係有所見聞卽隨時劾奏
原不待通行造冊之時始行甄別所有每年考核造
冊咨部之處應請停止毋庸造送以省案牘臣愚昧
之見是否可行謹恭摺陳 奏伏乞
皇上睿鑒勅部議覆施行

四知堂文集

卷十六

奏疏

五

報明糧艘被河冰鏢沉疏
爲奏

聞事竊查淮揚地方上年十二月中旬以後黃淮等
河皆因天寒凍結至本年正月初三四日天氣稍暖
冰始融化臣楊錫紱因河道開通卽飭在淮之大河
前幫泗州後幫揚州二三等幫開行北上該幫等於
正月十二三日至清口之風神壩內灣泊正擬挨次
渡黃忽十四十五十六三日東北大風將黃水倒漾
頂住清口湖流惠濟祠以上河中忽淤一灘水止三
尺船不能渡河臣李宏委中軍副將徐建功前往督
率河兵設法疏濬至十七十八十九二十等日又風
雪交加河湖復凍各幫船隻進則不能渡黃退則在
後各幫已陸續停泊三草壩內不能復回內有揚州
二幫船五十三隻停泊在頭草壩之上太平河口其
時新水甫結而洪湖先化之水擁擠而下弁丁人等
急行那借河兵杉篙插入水內束以葦柴計圖防護
無如水勢愈積愈多於二十三日被冰鏢沉船二隻
二十五日又鏢沉船一隻官丁驚惶無措始將未傷
各船米石搬貯崖上以待冰融據報被鏢之船因水
深水擁米石全行沉失顆粒無存臣楊錫紱隨卽親

四知堂文集

卷十六

奏疏

六

詣河口查勘情形被鏹三船天篷俱在水內有斷艖者有折腰站板者其米石顆粒難救均屬實在情形並無捏飾臣等查漕船在洪澤湖黃河失風漂沒例得題請豁免今該幫冰鏹之船係在洪澤湖之下清口之上非黃非湖臣等不敢牽引黃湖之例混請豁免惟是漕船失風尚或由於人力不慎此次冰鏹實出意外並非人力可施而每船應賠之米至五百八十餘石非千金不能購買賠船又在其外窮丁力實難支合無仰懇

聖恩准其抵通每船買通幫餘米三百石交倉其餘
四知堂文集 卷十六 奏疏 十七

米石於來年新運賠足帶運則於官項無虧而丁力可以少紓臣等愚昧之見是否可行謹恭摺具奏伏乞

皇上睿鑒訓示施行

奏明道員押運改委丞倅疏

為奏明改委押運仰祈

睿鑒事竊查每年糧艘過淮分為頭進二進三進題報頭進幫船例委臣標遊擊一員督押至德州之柘園地方二進幫船例於江南江安蘓松二糧道內遞年輪委一員督押至山東之臨清地方三進幫船則係臣統押直抵通州本年二進漕船輪應江安糧道蔣賜棨督押至臨清然後回任茲接准督臣高晉札商以現在赴江西省查閱營伍須四月底始能回至江寧計江寧司道三員驛鹽道曠善已委署蘓松

四知堂文集 卷十六 奏疏 十八

臬司若糧道又令押運赴北止藩司一人在寧省會事務繁多未便乏員料理可否委丞倅一人代押赴北留蔣賜棨在省辦事等因臣查各省糧道若有緊要應辦事件或經委署藩臬篆務者原可另行委員代押所有江安糧道蔣賜棨臣已令其回任辦事即委現在押運蘓州幫船之通判滿福代押抵臨並將緣由咨明戶部查照抑臣更有請者江安蘓松二道每年輪派押運在定例之初蓋恐船至三十餘幫若無大員督押恐致沿途滋事及行走遲滯而南漕道員以在江南者為近故遞年輪委者惟江安蘓松二

道茲臣細加籌度糧艘之行走迅速及不致滋事總在沿途委催之得人而不專在大員之彈壓臣數年以來仰體

皇上聖訓凡渡江渡黃及緊要牘座水勢溜急與河身稍淺之處俱遴委諳練備弁分地駐劄專司催償並遇事卽爲料理彈壓各幫弁丁亦知感激

皇恩上緊行走無敢滋事是以近年糧艘仰叨

聖主洪福俱如期抵通不致遲悞所有江安江蘓二道遞年輪押應請毋庸著爲定例嗣後如果遇運河十分水小淺阻處多需大員前往籌水接濟並辦理

四知堂文集

卷十六 奏疏

九

剝船諸事漕臣臨期酌量情形於江安江蘓二道內奏明派委一員前往辦理如運河水足糧艘可以浮送無憂遲滯之年不但道員毋庸專委卽代押之員亦可不委蓋以一人而督押數十幫船勢不能每日逐幫親行催償且水足之年沿途原無多餘應辦事件而一經遠出往返數月轉致本任事務不無叢脞若改爲臨期酌委則派委之年實有應辦之事非同於拘成例而曠本職也臣愚昧之見是否有當謹一併恭摺陳 奏伏乞 皇上睿鑒訓示施行

請借項贖屯以裨運務疏

爲請借項贖屯以裨運務仰祈

睿鑒事竊查江蘓所屬之鎮海一衛原額漕船八十九隻節次裁減實現運船八十隻每船原額水旱屯田十一戶半每戶田二十畝每船計應得水屯田一百六十六畝零旱屯田六十六畝零此項屯田原係贍運之產乃從前各丁將屯田私相典賣以圖免僉於是田不歸運而丁力益疲計現在運丁有田者甚屬寥寥雖清理屯田案內有價多者准其分作三年取贖之例而丁力既貧卽分年交價亦措辦維艱徒

四知堂文集

卷十六 奏疏

十

有取贖之名而終無贖田之日是鎮海一衛屯田非官爲籌辦取贖則田終不能歸運田不歸運則辦運無資而丁力益疲臣會飭蘓松糧道及鎮海衛守備將該衛典賣屯田吊契查明價值造冊存案計需銀三萬兩照契給價不過一二年內卽可盡行贖回歸運而苦於無項可動今臣再四籌酌查有乾隆二十七年荷蒙

恩准江浙兩省疲幫每年於道庫內動銀五萬兩每船約借銀數十兩以爲楊村起剝之用其借出銀兩以一分起息於次年新運扣還行之數年現在江浙

兩省道庫約存息銀一萬六千餘兩合無仰懇

聖恩准卽將此項息銀一萬六千兩再於蕪松糧道庫內酌動銀一萬四千兩交與蘆松糧道朱奎揚督率鎮海衛守備趙斌將典賣出水旱屯田悉心經理查照契價逐一取贖贖回之田按各丁應得田畝之數給與管業所收田租暫以一半辦運一半還公約計每年可得租銀五千兩六年卽可盡行歸還原借之項此後田隨運轉丁退則歸田於官丁僉則領田辦運冊籍在官永無典賣之虞丁樂得田不爲逃脫之計殊於運務大有裨益但事關借動庫項是否可

四知堂文集

卷十六 奏疏

三

行謹恭摺陳 奏伏乞

皇上睿鑒訓示施行

請酌定搭運保雄兵米章程疏

爲搭運保雄兵米請酌定辦理章程仰祈

睿鑒事竊查直隸保雄駐防兵米向係州縣採辦運送本年三月總督臣方觀承請於豫東二省存貯蘆糧米內每年動撥一萬二千七百餘石卽於豫東二省每年運通漕船內搭運至天津北倉交卸其北倉運送保雄二縣應需水脚卽令原辦州縣於備公項下動支其如何動撥腳價及漕船搭運之處各臣妥酌辦理臣當卽飭行山東河南二省糧道會同藩司確查妥議嗣經兩省司道將應搭米石水次及應給

四知堂文集

卷十六 奏疏

三

皇上陳之

一派撥豫東二省截存蘆糧米一萬二千七百餘石運赴天津北倉交卸計每省應搭運米六千三百五十餘石以兩省搭運幫船計之每船應搭運米十五

六石零但米至北倉必須停船候兌若逐船起卸則每幫必須守候多時且爲數畸零亦於兌收未便以臣愚見應請於兩省幫船內各撥出船十二隻專裝此項搭運米石將此十二船應裝漕米分裝通幫運漕各船赴通則分盡既清而數亦歸整且船至北倉即可留此撥出之船聽候兌收其裝載漕米幫船可以直行抵通無須停泊守候而北倉之船兌米既完亦可早行回空無須再抵通州似此分裝辦理實爲兩便至撥出各軍船名下應裝漕糧豆麥既經分酒本幫各船赴通交納所有應交蓆片茶果個兒錢等項應卽令分裝之船按照米數在通交納其應領贖羨餘米紅剝等銀倉場亦照舊給發收領再一撥出之船雖未抵通而米已分裝抵壩其應領漕項銀米已歸分裝之船與臨時截留者不同所有未行程途銀兩亦應免其扣追

一豫東兩省漕船赴通交兌無論軍船及自備船俱係在船頭起米並不另行搭廠今查北倉切近河干收米甚便且米止一萬二千餘石爲數無多應請卽在船頭斛收毋庸照截撥易剝之例另行搭廠以省繁費至抗米入倉每袋或需抗錢幾文應聽直隸督

四知堂文集

卷十六 奏疏

三

臣於州縣運費內酌量撥出毋庸旗丁再出抗價以免苦累

一各省漕糧抵通例有全單載入米數兌畢仍行掣回以稽完欠此項米石係另行搭運保雄兵米並非入倉漕糧應請毋庸列入全單每年止應糧道將米數報明倉場查核其一切個兒錢俱毋庸置議

一截撥各處米石往往因斛面大小彼此爭持殊多未便今此項搭運兵米應請令北倉收米之員每年於正月內卽赴倉場請領較準平斛一張豫東兩省旗丁亦赴倉場共請平斛一張至收米之時較兌相

四知堂文集

卷十六 奏疏

三

合卽行兌收其豫東二省丁旗請領之斛船回卽交存山東糧道庫內嗣後每年出運之時糧道將斛交押運廳員帶至北倉以便較兌毋庸每歲請領

一豫東二省漕糧山東省除委廳員押運外糧道仍總押至通今搭運米石至北倉時應卽令山東糧道將兩省米石眼同北倉委員交兌明白再行赴通至交糧之日兩省各需千總一員率同旗丁交兌應於兩省各幫千總內揆年各輪派一員料理北倉交兌事畢仍赴通州辦理本幫事務亦可無遲悞之虞以上數條就臣管見所及查酌籌辦縷晰陳 奏是否

有當伏乞

皇上睿鑒勅部議覆施行

四知堂文集

卷十六

奏疏

五

再請酌定運易米石章程以免回空遲延疏
為撥運易州米石再請酌定章程以免回空遲延仰
祈

睿鑒事竊查易州

陵精所需米石每年例係倉場于南北漕糧內派定幫
船運送其運米河道係由天津之西沽進口歷霸州
保定至雄縣之亞谷橋另換小船剝至白溝河交倉
一切運送交收及委員監視向俱 題奏有案遵循
辦理本年南漕船隻係撥江南之興武八幫船二隻
宿州二幫船十隻常州白糧幫船一隻湖南之湖南

四知堂文集

卷十六

奏疏

五

二幫船二十一隻計稜粳粟米白糧共米二萬餘石
運赴白溝河交卸惟是河道自西沽抵雄縣之亞谷
橋多有淺阻江浙之船尚可勉強運送而湖南之船
因係涉歷長江體骨較重若河道稍有淺阻即有萬
難前進之勢又湖南漕船在各省中為地處最遠若
回空遲延或遇凍阻必致有悞新運 臣督運至天津
時湖南撥運之二十一船已挽入西沽據該幫運弁
具稟前途一路難以行走情形前來 臣隨諭令該幫
運弁作速設法挽曳前進如遇實在淺阻萬不能進
即將大船打任另僱地方小船剝運兌交毋得坐視

遲悞一面移咨直隸督臣及倉場侍郎飭行地方官代僱剝船不得少有推諉並委湖南押運通判席綸於通州交糧事竣卽赴霸州保定雄縣地方叻明河道情形督同該幫千總相機辦理務無遲悞茲據押運通判席綸稟報撥運易糧船隻自西沽進口沿途多有淺窄且多葑草壅塞掛舵難行又兼淀河有並無緯路之處人力難施非風順不能行計自西沽至苑家口不過一百五十六里挽運二十餘日方到至苑家口以上抵亞谷橋計程八十餘里則萬難再進只得另僱剝船而地方剝船僱覓艱難又守候多日

四知堂文集

卷十六

奏疏

七

始全行剝運及至白溝河交倉該處向來只有官斛二張又須每船起米堆積倉廠方行兌收一遇微雨卽行停斛未免稍遲時日於閏七月二十五六方行交兌竣事等情臣查易州所需米石有粟米粳米稷米白糧四色白米例係於江浙白糧幫內派撥粟米例應於東豫二省幫船內派撥本年因東豫二省漕糧蠲免是以撥江南之宿州二幫後米例係於上江及江西湖廣幫船內輪流派撥本年派及湖南船隻亦係照例辦理但查湖南湖北及江西之船因係涉歷長江俱較江浙之船體骨爲重遇淺卽難於挽拽

且此三省亦地處較遠每年回空俱在江浙幫船之後本年湖南撥運幫船幸遇閏月又經臣先諭令遇淺必不能進卽早行僱剝不必拘定舊例至亞谷始行起剝故閏七月內米已交完尙可趕緊回空不致遲悞若無閏之年又遇水淺交卸遲則回空亦遲誠恐有悞新運臣細加籌酌上江之船所運多係稜米就其所有幫船輪流派撥亦十餘年而後輪及一次應請嗣後倉場派撥易州米石其稜米一項俱於上江幫船按年輪派其湖南湖北江西體骨較重之船俱免其派撥則河道雖淺而辦理尙易不致有悞回

四知堂文集

卷十六

奏疏

七

空之事至米石旣已剝運到倉自以速收爲妥應請嗣後倉場每年撥定何幫卽飭坐糧廳較準官斛二張令首先赴易之幫弁船至天津卽請領官斛帶往一則彼此俱係官斛較準卽可兌米毋事爭執且多斛二張則一日可收二日之米毋須另行起貯倉廠致滋留難之弊如粟米幫交完卽將斛交稷米之幫總以最後一幫交完仍將斛繳回倉場查收又向例撥運船隻係至雄縣之亞谷橋始僱船剝運至白溝河交倉近年則因水小難行至雄縣之十柯樹地方卽須起剝本年河道水小卽江南之興武二幫並十

柯樹地方亦不能至卽於張青口以上僱剝前進又
向例保定新城等縣僱剝船必准到雄縣移文始
行僱船如非雄縣文到必不僱船亦未免膠柱之見
臣請嗣後撥運易糧船隻不必一定限以亞谷橋如
遇水小之年自苑家口以上但見淺阻卽報明地方
官照例代僱剝船不必專俟雄縣移文到日始行辦
理則剝船早得亦可免幫船之守候於挽運更有裨
益緣係酌更定例臣愚昧之見是否有當謹恭摺陳
奏伏乞

皇上睿鑒勅部議覆施行

四知堂文集

卷十六 奏疏

无

請酌改調缺以裨漕務疏

爲酌改調缺以裨漕務仰祈

睿鑒事竊查南漕船惟湖南一省地處最遠經江涉
湖輓運匪易臣數年以來仰體

聖訓嚴懲包舵之習清釐應給之費設法調劑已漸
有起色然其辦理之要尤在千總千總得人則費省
而事濟設一運或遇新選之員情形未熟才具平常
稽查不力約束不嚴則竭蹶立見是繁難之幫究以
改歸題調之缺爲妥就臣愚見應請將湖南頭二三
幫俱改爲調缺嗣後遇有缺出擇通漕現任請練之
四知堂文集 卷十六 奏疏 丰

千總 題請調補則最遠繁難之幫辦理得人於運
務大有裨益 臣謹恭摺陳 奏伏乞
皇上睿鑒勅部議覆施行

請將餘米寬俟下運搭解以資接濟疏

為請將餘米寬俟下運搭解以資接濟仰祈

睿鑒事竊江西幫船本年春間因該省之鳳凰灘等處水小難行即經起剝然後出湖及過淮以後黃河運河節節淺阻俱須起剝各官丁等行至邳宿一帶惟恐船重稽遲自將所帶土宜貨物起卸未帶始得星夜僂行跟接湖廣等幫臣查起剝次數過多米石不無傷耗土宜貨物既經起卸則用費不能敷餘察看情形抵通交兌雖正供可保無缺而回空飯米不無少有拮据查糧漕有三升八合餘米一項例隨正

四知堂文集

卷十六

奏疏

三

米交倉每石官給價銀七錢合無仰懇

聖恩將江西幫船此項三升八合餘米暫免交倉寬俟下運搭解則於公項並無虧損而丁旗得此米石即於回空飯食有資矣臣謹據實陳奏伏乞
皇上睿鑒

據實奏明黃運兩河淤淺情形疏

為據實奏

聞仰祈

睿鑒事竊查本年回空糧艘至九月初十日已渡黃者四十幫及江西尾幫於九月初四全進臨清浙江各幫於九月初十日已齊至黃河北岸之楊家莊一帶緣九月十四日淮揚運河王家田頭之工漫溢十五丈經督臣高晉河臣李宏將惠濟等三廂全行下板以便搶築漫口是以各幫糧艘俱暫行停泊楊家莊口門內以待啟牐渡黃情形經臣恭摺奏明在

四知堂文集

卷十六

奏疏

三

案嗣河臣李宏因漫口雖三日即已堵閉而黃水尙大恐礙新工未敢即行啟板直至廿六日黃水稍落始將三牐啟板臣正在飭令各幫速行渡黃而楊家莊口門外黃河淤灘糧艘橫渡之處亦於二十六日消落數寸止水深一尺五六寸糧艘竟不能渡而口門外上下悉係淤灘淺水又別無水深可渡之處臣隨飭令浙江各幫千總帶領水手人等於舊渡之處齊集撈挖冀得深通無如黃河大溜全趨南岸北岸淤灘之上全無溜勢旋挖旋淤隨面商河臣令將楊家莊口門內之鹽河下板堵閉使中河之水全趨入

黃又於楊莊口門迤下攔築草壩遏中河出口之水俾得直抵中流以資冲刷再以人力疏浚或可深通以便糧艘渡黃當經河臣檄飭道廳各員遵照辦理今查鹽河廂板該管廳員因水勢汹涌不能嚴閉於十月初六日始行動工將廂上之鉗口壩堵築至楊莊口門外黃河北岸迤下之攔水草壩至初六日尙未築竣計自九月十四至廿六日糧艘以惠濟等廂閉板不可渡自二十六至十月初六日又以口門淤淺不能渡共已耽延二十二日而未經渡黃之船尙有三十七幫計船一千七百餘隻即使深通可渡亦

四知堂文集

卷十六 奏疏

三

需月餘方能竣事臣現在咨會河臣李宏再行飛飭道廳各員刻期攔築草壩俾中河清水橫入黃流以資冲刷臣亦并飭未渡各幫千總俟清水有溜時仍帶水手人等協力挖撈因勢利導俾得深通以便催令陸續渡黃又黃河倒漾經三月有餘自楊家莊口門以上至風神壩以內淤沙甚寬及淮揚運河自惠濟廂以至淮安府城一帶兩岸俱多淤墊經臣於八月回任查奏沿途情形摺內奏明在案今臣細加查視兩岸固多停淤即河身亦多墊高現在湖水雖已出清口然黃水尙未甚落時已冬令將來黃水退

後黃運兩河淤墊之處果能全行洗刷深通固可無患否則墊高之處不能保無淺阻明春重運即恐有礙又不但楊家莊口門淤灘應行疏浚也臣職司輓運目覩情形理應陳奏謹恭摺據實奏

聞伏乞

皇上睿鑒

四知堂文集

卷十六 奏疏

三

（此處為多個空欄位，內容未見）

陳明暗灘洗刷深通糧艘可以徑渡疏

為暗灘洗刷深通糧艘可以徑渡據實奏明仰祈

睿鑒事竊臣前因楊家莊口門外淤灘淺阻糧艘不

能渡黃面商河臣李宏將鹽河插築壩堵閉口門外

黃河北岸挑築攔水草壩俾中河之水得全力入黃

以資冲刷臣亦再飭幫弁水手人等相機撈挖俾得

深通以便催令糧艘陸續渡黃等情於本月初八日

恭摺 奏明在案茲查口門外北岸攔水草壩一於

初九日做成三十五丈一於初十日做成九十丈鹽

河插鉗口壩於初十日堵築完工是日河臣李宏又

四知堂文集 卷十六 奏疏 圭

將王營臨黃減壩開放以洩黃流十一十二兩日黃

水消落一尺不但東西壩清水直出抵黃即中河清

水亦得以暢流遂於口門稍下將暗灘冲刷深通另

開新淤一處探量水深八九尺至四尺餘不等糧艘

可以徑渡計自十二日起至十六日止浙江糧艘已

經渡完其未渡江廣船隻止有一十九幫約十一月

初旬可以全渡臣再分委員弁上緊催催出江十二

月內俱可抵次不致有悞兌期所有情形 臣謹恭摺

陳 奏伏乞

皇上睿鑒

四知堂文集卷十六 終

四知堂文集 卷十六 奏疏 圭




四知堂文集卷十七

咨議 稟

清江楊

覆倉場侍郎諭失風船隻咨 漕運總督任



乾隆二十八年六月二十三日准貴部堂咨開據坐糧廳鄂忻等呈稱各省失風船隻虧折抵補若不論南北河失風槩以漕院原咨為憑似難辦理其北河並到壩失風幫船如有虧折濕米霉變不能易換交納仍循往例詳咨以免岐誤等情到部據此相應抄錄原呈咨商貴部院迅賜示覆以便轉飭遵照施行等因併抄呈到本部堂准此查各省糧艘沿途沉失事故於乾隆十八年經部議定無論河南河北惟令領運干總會同地方官報明總押丞倅轉詳總漕咨部其倉場毋庸咨報等因此辦理失風之定例也本部堂督理漕運數載以來每見不肖奸丁藉以失風事故轉為漁利或捏報虧缺或假稱霉爛呈請買餘雖經本部堂駁飭不准無如不肖弁丁竟多赴北漕向坐糧廳衙門捏請詳准買補本部堂確知其弊是以前經通飭各省押領廳弁凡有失風沉溺船隻無論河南河北俱隨時呈報本部堂聽候查核辦理

四知堂文集 卷十七 咨

一

并咨明貴部堂轉飭遵照在案此實杜絕弊竇之意今准大移以北河失事地方與本部堂相隔一千里之外近亦數百里咨到失事之幫早已抵壩起卸等因覆查幫船行抵北河失風其時本部堂亦已督運在途一經幫弁專差馳報即行轉咨諒無遲悞之慮應請仍憑本部堂移咨辦理其抵壩船隻當起卸之際或有沉失事故聽幫弁就近詳報貴部堂查明如有虧折或濕米果無食米易換再行咨部准以餘米抵補以免掛欠仍希一面移咨本部堂查照倘米無虧折以及濕米可換仍應勒令易換交納毋任捏

四知堂文集 卷十七 咨

二

混照准前因相應咨覆為此合咨貴部堂請煩查照希即轉飭遵照施行

幫船過關刁難稽阻移安徽巡撫并淮關監督

咨

竊照起運漕船長途挽運全賴行走迅速度南兌北交克副例限難任沿途關汛人役藉故羈留致滋遲悞今本部堂訪聞得江南宿州頭二兩幫歷年重運兌開自懷遠縣出口小關以及臨淮關每遇盤查貨物藉故羈留查糧船自通放空南下由天津大王莊磚河柘園臨清濟寧楊莊已經七次盤查縱有夾帶禁物無不敗露之理及渡黃至南河口茶庵小關一河之隔又需守候盤查過湖至盱眙臨淮懷遠等關

四知堂文集

卷十七

咨

三

沿途並無市鎮亦無出產自可隨到隨卸驗放毋庸再查乃該二幫經過各關文武各衙門俱要投遞花名運官親詣投帖始來盤查見無私弊或間有餘剩桐油數十斤或划船破碎板片招杆木植或些微燒煤無不訛詐需索逐船又要通香頂針等物然後放行以致稽遲時日歸次無期即如上年回空九月十一日渡黃守候茶庵小關至十四日盤查遲延數日因而遇風頂阻十八日轉風過湖一日儘可走過盱眙舊縣而盱眙又需盤查當湖頂風下錨風浪堪虞並添出虎船守備鹽貨關五班人役巡查作踐似此

節節刁難實為漕累除飭令該二幫隨弁嗣後楊莊

盤查渡黃後不必住黃河口地方水大則住馬長河

湖口水小則住太平河湖口一遇順風隨即催僱過

湖毋得藉延外第恐該二幫經過南河口茶庵及盱

眙小關等處關役人等仍前需索留難羈阻遲悞亦

未可定擬合咨會為此合咨貴部院請煩查照希即

轉飭守關員役遵照嗣後如遇該二幫空重漕船過

關立即查驗放行毋得藉故留難稽阻施行

四知堂文集

卷十七

咨

四

請增改粵西官制以資彈壓以符體制議粵藩司任
竊照粵西地方情形久在大人洞鑒之中但其中官制員缺尙有應裁應添者謹條議如左

一賓州原係直隸知州統轄上林遷江等縣原設有州同一員駐劄上林縣之三里地方以資彈壓雍正十二年將賓州改隸思恩府屬而州同未經議裁仍駐劄上林之三里地方查上林一縣既不隸賓州所轄而州同仍駐其地未免呼應不靈既無以資彈壓且與賓州隔遠辦理事件亦多不便應請將賓州州同一缺改爲上林縣縣丞仍駐劄三里地方一轉移

四知堂文集

卷十七 議

五

間於地方甚爲有益其賓州既有吏目亦可毋庸另設州同

一泗城係改土歸流之地雖轄有西隆一州西林一縣而無附廓首邑該府端屬地方一切錢糧命盜相驗戶婚田土等事俱係知府自理名爲知府實與州縣無異不但體制非宜而辦理事件亦多未便查泗城原設有同知一員經歷一員照磨一員巡檢一員府屬地方既有知府彈壓其同知一缺原可不設應請將同知一缺裁去另設泗城附廓首縣將府管之地俱歸首縣管轄照磨一缺改爲典史巡檢一員歸

於縣轄經歷一員仍歸府管是知府統轄三州縣地方不但體制得宜而於地方亦屬有益至典史既以照磨改缺一切衙署俸工役食毋庸另行議建議設同知既裁則俸工役食即可改歸知縣止須酌議增添衙署亦有同知現署毋庸復建

一鎮安府屬之奉議一州雖係州判而并無州轄其一切徵解錢糧審理命盜事件與州縣無異查州判職分不過佐雜難資彈壓而鎮安一府又現無附廓首邑體制未全似應添設附廓知縣一員典史一員將該府端屬及奉議之地俱歸知縣管轄其奉議地

四知堂文集

卷十七 議

六

方改設縣丞一員駐劄以資彈壓所添縣丞現有州判俸工役食衙署毋庸另議其知縣典史衙署俸工役食另行酌議以上三條內賓州州同改上林縣丞及泗城同知裁改知縣已據該府等具詳到司現在批令詳查妥議惟奉議改縣未據該府具詳合併聲明

進剿義寧逆苗條議

竊照義邑苗徭悖叛不法蒙憲臺調撥大兵進剿并定議分兵三路一石村一龍勝一貝子堡同時並進使賊勢分力弱疲於策應雖現在尙死力抗拒未卽倒戈然區區小醜烏合蟻聚正如釜底遊魂行將盡膏斧鉞顧制勝之策不厭周詳克敵之謀圖其要領本司日聆訓誨兼揣情形敢陳一得用備採擇

一練鄉勇查貝子堡一路蒙續調官兵一千名合之前駐撫標全州營兵四百一十名與安揀送鄉勇三百六十餘名共官兵鄉勇約一千八百名雖相機前

四知堂文集

卷十七 議

七

進亦可攻搗然稽之輿圖此地正東一帶卽切近城步莫宜尙之獨樹都溫等處逆寨今我兵由白巖垵頭黃坪一帶以進張家等寨係由西而北則近東一面必分兵扼要以防獨樹都溫之抄襲且運糧隨進每站必酌留官兵護衛約畧進剿之兵不過一千尙屬單弱查與安黃令頗有謀勇不但與民素所信服卽義邑之民久聞而願附以本司管見宜令黃海再名募鄉勇四五百名日需口糧鹽菜照例支給仍每名先給安家銀一兩每十名給帳房一頂鑼鍋二口火藥鉛彈火繩及器械旗幟不齊者移營給足合之

前送軍營三百餘名俱卽令黃令統領每五十人立一羣長十人立一隊長遞相管束另給公項銀數百兩聽黃令犒賞訓練以作其忠義之氣得其敢死之心一切剿守機宜令與總統商酌舉行則勢重力足而貝子一路功成迅速矣

一選死士查石村一路爲賊衆聚集併力死拒之地故我兵四千相持一月尙不能取勝今奉憲臺指畫令貝子龍勝兩路俱進以散其附和孤其併力卽所以籌石村也然兵至四千遂終日深溝高壘而已乎夫兵論強弱不論衆寡在用之何如耳以石村近日

四知堂文集

卷十七 議

八

稟報情形而論初二之挫則以搜箐探路猝然遇伏諸將不相顧援也十五之挫則以進據山梁賊衆來薄我兵人無鬪志也非賊之火藥多於我之火藥也非賊之器械精於我之器械也非我已安詳謀定中堅兩翼井井有條奇正相角再接再厲而見其彼強我弱也且苗徭男女服飾不異動則妻兒子女俱隨又大兵之聲勢未張卽願降村寨亦迫於兇惡之勢而姑且附和以徐觀其勝負則軍前之所謂漫山遍野整千成萬者安知不係老妻幼子俱在其內乎安知不有願降村寨亦姑助之搖旗吶喊乎况此等兇

頑究係漢奸煽惑致成騎虎之勢非真有圖大事謀不軌之心也得意則附失意則離非真有衆志成城固結莫解之勢也我兵一戰而勝則散其十之一再戰而勝則散其十之二三三戰而勝則散其十之四五矣聞十八日之舉我兵小勝卽有地林等寨七頭人來營投誠此非其明驗乎但此時官兵拘於衆寡之形人多怯志卽諸將多非久歷行間之人胥少成算欲挫兇惡之威須鼓我兵之氣欲鼓我兵之氣莫如於土兵之中挑選敢死之士二百人爲我軍先鋒其挑選之法懸以重賞誓以必死殺賊再與重賞拔

四知堂文集

卷十七 議

九

補不測許以厚卹其家其用之之法毋論兇苗來犯或我兵進攻頭隊令官兵施放鎗砲卽令此敢死之士隨之敵少懈或近前直犯領兵之員卽麾敢死之士人持順刀或標鎗併力前進直刺直砍而大兵繼之稍有退怯者卽斬以徇夫一人拚命百夫辟易况數百人奮不顧身乎如此而戰未有不勝一勝而我兵之氣作再勝而我數千之師皆敢死矣賊雖數萬計一月可盡滅也

一購首級查逆苗雖衆而首惡不過十數人我兵一振則投順必多投順一多其中卽有能縛賊獻兇之

人况苗徭貪利誠懸以重賞有能斬一兇惡首級者予以百金則彼胥腋之下皆刺客矣昔年粵西征剿入達其斬首惡顏光色首級者卽光色左右之人也但真假之間須能辨別勿使朦混冒賞此則在領兵各員及監紀官於投誠之人無心中留意訪問耳一均卹賞查流土雖有差分而用兵之際同一効命疆場是以一切口糧鹽菜俱與漢兵一例支給但賞卹之例向來土兵視漢兵減半如軍前受傷漢兵若干土兵止若干陣亡漢兵若干土兵止若干病故漢兵若干土兵止若干尙未平允此番用兵似應將土

四知堂文集

卷十七 議

十

兵照漢兵之例一體賞卹以勵土兵但事關更改定例須先行 奏明方可飭行

一備土兵查粵西南太慶思泗鎮共四十八土司歷來征剿皆調土兵而各土司之兵亦歷來最爲奮勇効力此番進剿逆苗雖漢土官兵已八千有餘然分三路則不爲充裕雖制勝之道不在多兵然兵家之事難以逆料設或一路稍有梗阻則血脉終不流通不無須於稍爲添撥莫若先行預備土兵二千除慶遠各土司已從事白土之役其忻城南丹又經撥來義寧軍前及思恩之土田州已調到外其餘思恩

所屬各土司似可檄行各預備一百名共一千名南寧所屬如歸德忠州遷隆各土司亦可檄行各預備二百五十名共一千名俟羽檄一到卽刻日束裝星馳來義亦有備無患之道也

請改移州治議

竊查州縣治所當設官之始必相度地勢然後駐劄苟可以相安固無庸妄議紛更卽瘴癘之鄉設立治所亦期有便於民不容因官而稍爲遷就若舊有之州原治駐劄衝要而後忽改於偏僻新設之州可以駐有不瘴稍輕之地而當日未經詳度卽草率議治則劄煙得不急爲變通以扼地利而恤瘴員者蓋粵西煙瘴之缺水土最爲惡劣者無過於西隆東蘭西隆一州建于康熙五年隸思恩府管轄原治在州之地方雍正四年前撫憲甘 題陞爲直隸州雍正

七年前督憲鄂因泗城土府已經改流並無屬邑遂以西隆州隸焉復以西隆州治煙瘴甚厲請將州治改建於去舊州一百七十餘里之偏牙地方估勘城垣衙署壇廟等項具題動帑其城垣一項估銀九千四百七十六兩二錢二分五釐已經俸滿知州孫嵩領銀興建實用過銀六千二百餘兩尙未用銀三千餘兩城工尙在未竣其衙署等項估銀七千二百五十一兩八錢九分一釐尙未領銀動工惟是該州自改移偏牙以來已經八載詢之現任文武員弁俱云偏牙地居山僻人煙絕少朝夕瘴霧薰蒸不解且城

垣建於高山之坡登山而窺纖悉皆見難資捍禦前臨小溪一線水性之毒莫可名狀官斯土者動輒受瘴染病反不如舊州治所爲滇南商賈往來牛馱馬載之地勢扼衝要可以稽查彈壓又舊治設立已久村庄頗多人戶亦衆烟瘴之氣稍減新治是西隆一州論形勢宜改歸舊治論烟瘴亦宜改歸舊治也至東蘭原係土州雍正七年間因土知州韋朝輔與族人韋國耀互相爭控一案內久附國耀之東院蘭木等內六哨土民懇請設立流官以靖地方而土知州韋朝輔亦以內六哨之人久附國耀不敢管理隨經

四知堂文集

卷十七 議

三

前督憲鄂 題將內六哨地方設立流知州一員吏目一員其東蘭土知州降爲土州同管轄外六哨地方流知州州治卽建於內六哨之東院地方當日原題設兵五十名派慶遠協千把一員同城駐劄雍正八年因議慶遠協添兵五百名遂將擬設德勝鎮之守備帶兵二百名駐劄東蘭州其一切衙署營房前後共估銀三千七百九十兩零六錢四分已經造竣其城垣一項因係山深地僻暫築土牆可資捍禦毋庸議建惟是該州地方水土最爲惡劣自改流以來不過八九載耳而原任知州吳一正全家瘴沒矣原

署知州麥嶺同知陸塚因瘴殞生矣其餘署事之員及武職員弁兵丁亦病者病死者死矣不但身任其地者日夜憂懼朝不保夕卽旁觀者見其死亡相繼亦鮮不爲之心惻是東蘭一州斷宜改駐無疑但該州崇山疊嶺無可擇建查有河池州屬之三旺地方現在州同駐劄其地距今之東蘭州治僅一百二十餘里烟瘴稍輕地亦平坦若將三旺地方割歸東蘭改建州治旣足以控禦東蘭地方而文武員弁亦免死亡相繼之慘實爲有益其駐劄三旺之河池州州同應請裁革以上二州如蒙允 題改駐西隆舊治

四知堂文集

卷十七 議

四

現在衙署營房壇廟等項毋庸另造止須確估修葺城垣當日原未建立今似亦可毋庸議建東蘭旣改駐三旺所有衙署營房壇廟等項當另行估建另於今東蘭州地添設巡檢一員派千把一員駐劄協同稽查至三旺地方應否建城委員勘明再議其一切村莊錢糧允改之後卽令知州清查割管至新西隆州治及東蘭州治已建衙署城垣等項可否變價或邊僻瘴鄉實難變售應請豁銷亦應俟各該州將實在情形查明再議

請停柳慶運船失水動項給補成例議

查柳慶二府屬每年碾運古州制兵月糧米二萬石案於雍正九年經前司條議內開一運糧船隻雖飭令運官小心駕運而灘高水險一遇疾風暴雨實不能保其無失悞之虞如有失悞似應飭令押運官稟報該地方印官驗實取具鄉練甘結加粘印結詳報動支公項照數買補如未經報官查驗出結者即着落運官賠補以杜捏報之弊等因詳奉前憲金批允飭遵歷年以來凡有詳報糧船失水俱照此例查明取結詳請動項給領買補在案此蓋因灘河險阻難

四知堂文集

卷十七 議

五

保無虞不使辦公之員枉受賠累之意但查此項糯米預期撥運爲時寬裕並非緊急軍糈立等待支必須尅期趲運不顧險阻者比卽如該府等所屬各州縣歷年購買倉穀及運送懷遠汛兵米同此船隻同此河道從未聞有失水之事何獨於碾運古州制兵月糧屢見據報失水本司心甚疑之因細加訪察乃知該府州縣等恃有失水動項給補之例徃徃漫不經心每於起運之時將米發給船戶並不差委的當親戚家人在船照管止僉一二疲玩衙役押船而所僉之役又因米船行走遲滯徃徃道遠在家計其船

到某處然後輕身趕上卽有間差家人親戚者亦多係計算米船將到丙妹之時然後另僱小船星夜趕赴彼地交納以致無賴船戶沿途將米盜賣及至無可賠償則於灘險之處故不慎重將船撞破甚有自行鑿破捏稱失水以掩其跡而該地方印官驗明船破是實不加查究卽爲結報請補是動項給補之例不特啟各官以玩忽之心而且與船戶以營私之藉殊多未便况前司條議並未咨明內部所動南寧府運米節省水脚銀兩亦非報部之項業已支銷殆盡將來再有失水卽無項可以撥給竊思此項米石從

四知堂文集

卷十七 議

六

前兼用官船裝運或所僱水手河道尚不深悉不無意外之虞今已盡用民船船戶水手俱係熟識河路水性之人承辦之員苟能加意經理差委老練之家入親戚在船管押督令各船戶聯幫而行不得遠離遇有險灘之處彼此幫助相機行止自可保其無患卽偶有不測而同幫之船亦可及時救護糧米不致全行漂沒應請將糧船失水動項給補之例竟行停止嗣後凡有失水米石俱令承辦之員賠補庶各府州縣誠恐賠累必慎重辦理而不肖船戶亦無從施其偷盜矣

奉委查辦入川人民事宜條稟 廣東肇羅道任

竊本道奉委督飭各縣辦理入川人民於本月十四日起程十七日至大埔二十一日至嘉應州現在前往興寧料理但揆之時勢叅之見聞再四思維有宜斟酌變通者未敢以已經飭委即便草率從事所有管見數條謹爲大人陳之

一現在攔回入川人民與有親屬在川而此時尙無去志人民宜先後辦理也查現在攔回之人或回家接眷或得信往依或變業隨往此時若不急行查明或伴送入川或送往恩開或押回原籍安業卽令口

四知堂文集

卷十七 稟

七

糧有資然終誤一歲耕作謀生之期已蒙發給公項飭速妥協辦理仰見大人愛切民生至意但今春攔回入川之人長樂爲多其餘興寧次之至於龍川永安鎮平等縣所有不過數十人或數人其中尙有訊明實係往江楚等省併非入川者今長樂一縣已經嘉應王牧親往辦理就緒其興寧等縣本道自當遵照檄飭各縣作速辦理妥協至於各縣有親屬產業在川而今春併未起身前去人民一併徹底查明分別伴送此時則宜稍緩蓋人民入川多在正月二月若過此兩月一則到彼不及耕種二則山坑水漲道

路有阻是以三月以來各屬報攔回者遂已稀少此

等之人今春旣無去志必現在及時耕種以圖過活俟今冬明春再往是此時卽令盡行查出諭以委員伴送其不願舍現在之耕作而爲失時之遠行者必十之八九若姑且查明原非卽行伴送則稍遲數月亦屬無礙况當此時正農忙栽插之時今春惠潮嘉地方雨水又未十分充足小民胼胝較倍昔年若遣官四出逐戶挨查不但百姓紛擾卽一縣之中數百名練保地隣族房人等亦僕僕道途無有寧息保無有誤春耕之苦本道愚見竊以爲此時宜暫停止俟

四知堂文集

卷十七 稟

六

八九月間農事將竣之候再行照詳定之例飭令各縣實力辦理務期徹底澄清本道雖係蒙恩委署未必秋冬尙在惠潮然蒙大人教訓栽培中心感激况地方公事卽非本道所屬亦何敢少爲推諉至期仰懇仍飭本道前往各縣督飭辦理以期畫一
一無業貧民未便盡行招致也查惠潮嘉地方土少人滿其有產業者十之六七其無產業者卽有十之三四若挨村逐戶令實係無業之人卽行報出一縣之中至少亦必有千人以有入川人民各縣計之不
下萬餘竊查恩平地方雖現在招墾然陸續去者已

多若將無業之人盡行招致送往恐彼處亦一時難以安插本道愚見竊以此項無業人民止宜照前行令地方官每季將招往恩開安插出示曉諭鄉村遍貼并諭有願往者但呈明本縣卽給與口糧資送彼果願前往者知有口糧資送自趨之恐後如實在不願往者卽令據實造冊恐亦不能強之使往况尙有無入川人民之州縣豈遂無無業之人乎此項冊籍似宜免造

一挈眷前往江楚之人宜一併便查也查惠潮嘉之人其往川者固多而在江西湖廣等省立業及有父

四知堂文集

卷十七 稟

九

兄子弟在彼居住欲往完聚者亦復不少此等往江楚之人既不在例禁之內自以爲挈眷隊行亦屬無礙及行至要隘路口在彼巡攔員役見其攜兒帶女恐係入川人民假言前往江楚有干未便自必一概攔回若不令其復往則絕其骨肉之完聚於情既有所不忍若亦俟移查然後給照前往是入川之民尙未清理而又添一辦理入江楚人民之案矣本道愚見莫若俟秋冬清查入川人民之時另設一簿一併將有親屬在江楚之人令其據實報明在江楚住址縣分家口名數亦令房族練保出結俟欲往之時呈

明本縣給一路照聽其前往則清查既無更番之勞而小民亦獲攸往之利矣

一惠潮所屬尙有應行補查之州縣也查去年清查入川人民止有長樂興寧鎮平平遠龍川河源連平永安和平等縣今則添出大埔揭陽矣又前據嘉應王牧摺開據攔回人民供出各縣在川居住人民則又有海豐歸善普寧三縣矣前又據陸豐將入川人民造冊具報則陸豐亦有之矣各縣在川之民雖爲數少於典長但既有人在川卽難保其不復前往若不一體照此清查則將來卽不攔回典長等縣之人

四知堂文集

卷十七 稟

十

而歸豐等縣之人亦有前往被攔者矣合無仰請大人鈞裁於將來清查之時或一併飭行歸善等縣俱照詳定之例實力清查庶免後來又費一番經營而事歸畫一矣

一奉行不力之州縣宜畧示儆戒也查入川之人屢蒙大人鈞諭三令五申而各縣百姓仍復紛紛前往固民情之愚一時難化然亦各州縣奉行不力未嘗實心曉諭之故前據嘉應州稟稱今春攔回人民供有僉不知應行領照之語則各縣之尙未家喻戶曉亦可槩見若不稍加儆戒將來卽諄飭清查恐仍不

無虛應故事之弊請嗣後有入川人民之各該縣如
不實力奉行致有民人不請執照挈眷潛往川省被
別縣攔回者分別起數予以記過則各州縣自顧處
分必先事綢繆臨期謹慎而紛紛潛往之習或可以
少杜矣

條陳高郡地方事宜稟

竊本道蒙委攝理高郡自愧性本迂拙又諸事未經
歷練綆短及長實切貽悞之虞茲到任一月有餘所
有地方事件粗悉大畧除各佐雜懸缺多人及老邁
庸劣不堪任事已將情由具稟并各屬命盜案件現
在上緊辦理外所有應次第舉行事宜理合稟陳伏
候鈞鑒

一茂名縣宜添設巡檢一員也查地方險要必巡查
嚴密始可以靖盜源而安民業茂名爲附郭首邑閱
其形勢險要之區俱在東北東南西三面人煙旣稠

離城遠者不過百里而止有赤水一司可以查緝惟
東北一帶插入陽春陽江電白正北界連信宜北流
離城一百六七十里及二百里不等該處舊皆狼狽
之地山深箐密頗稱宵小藏聚之區向雖設平山司
巡檢一員然駐劄之地距城止四十里實有鞭長莫
及之勢非添設巡檢一員斷不足以資彈壓而清盜
藪本道到任後詢訪形勢卽飭茂名縣確勘情形及
應設立地方妥議通稟候列憲批示遵行茲據該縣
稟稱已經詳勘情形議於閉韶地方添設巡檢一員
不但可以稽查盜賊兼可堵截私梟於鹽務亦有裨

益其舊設之平山司請移駐大井堡併繪圖通稟列憲在案本道查添設巡檢實爲茂邑弭盜要務該縣所議設立移駐地方亦頗扼要前人畏難苟安今則不容復緩仰懇大人飭司查議舉行則於吏治實有裨益至地方里數圖形已據茂名縣稟繳合併聲明一練保壯丁宜加嚴懲以除積習也查粵省州縣未設捕役地方一切人命竊劫賭博拐逃等事俱惟練保是問凡練保名下必招壯丁數人以資巡查而高郡練保如茂名電白二縣其惡習尤爲可惡在茂名則保正卽練總在電白則有練總又有保正其所招壯丁斷無平民皆賊而已名曰巡查地方其實爲害地方有此堡之壯丁勾通彼堡之壯丁偷竊者有彼堡之壯丁勾通此堡之壯丁偷竊者則此索賞此竊則彼索賞有賞到而牛出者亦有牛賞兩空者紛紛告究殆無虛日究之匪未能盡追賊未能盡處爲今之計若欲易練總而編甲高涼村莊稀少居民零星勢固有所不能且查拏要緊盜賊除着落練保之外亦無別法可獲此因地制宜練保有必不可去者但用之則法宜加嚴地方具報失事應勒限一月令練保壯丁緝拿限滿不獲嚴行比責再限一月不

四知堂文集

卷十七 稟

五

獲小事如盜牛一二隻之類則令練保壯丁照價賠還大事再限枷緝如卽係練保壯丁偷竊者審實則比平人偷盜之例加等治罪比緝既嚴又加以賂賍之例又定以加等之條雖未必能弊絕風清或庶幾少懲積習再練保每年一換頗爲不便一換練保必各招壯丁舊練保之壯丁而新練保不用則壯丁散而爲賊益害地方是以爲州縣者但當稽查其不法者革除好者毋庸通年更換更爲妥協本道現在飭各州縣嚴加懲治出示嚴切曉諭并令查議具覆以便詳請定例仰懇大人先行給示令各州縣多抄遍

四知堂文集

卷十七 稟

五

貼使知種種之弊務必究除則地方小民感憲德於無既矣

一郡城及電化等縣夫頭宜急設立也查高郡之電白茂名化州石城爲西府通衢差使商旅絡繹不絕乃各縣向未設立夫頭人夫無專聚之所商旅則自行零星散雇差使則官府代爲喚雇因而官雇有官役之擾商雇有自雇之苦所謂官雇之擾者差使一到官差衙役役責保正保正派村民衙役之錢出在保正保正之錢出在村民或需夫十名而保正開喚二十或其人農忙而保正遍行拿喚大約給以些須

之錢則可免差而無錢者不得不行受雇是官府卽照夫發價而不知鄉村已受無窮之擾累電邑顧參令之案其明徵矣所謂商雇有自雇之苦者商旅往來經過其於各地之夫豈能熟悉既無行家擔認不過偶然相遇私相雇受或行至中途而棄其行李潛逃者或并揭其行李而逃商旅既不能指其姓名又何從而復行告究本道前由電至高經電令官雇之夫而轎夫八名兩日逃去六名其他抑又可知此夫頭之設所宜急也本道到任卽傳茂名虞令詢問據稱從前亦曾議及因前人以設立夫頭不無尅扣夫

四知堂文集

卷十七 稟

五

價爲詞故爾中止不知夫頭之設其在他省大地無論卽以廣省言之惠州之龍川長樂肇慶之新興陽春陽江皆有夫頭皆相安無事也且卽使或有尅扣之弊然地方官若額定夫價嚴加稽查猶愈於差役練保下鄉擾累之害本道現在飭各州縣查議設立俟覆到之日斟酌妥議具詳合先稟明

一 文廟祭祀關係鉅典宜增添祭器教習樂舞也查粵省學宮現在如廣州肇慶潮州等府一切樂器皆製辦齊備樂舞生皆演習熟嫻每逢祭祀之期肅肅雍雍典禮之行實邁他省今查高州府學祭器仍

前缺畧其樂舞雖有數人而未經教習凡歌詩舞羽之事全然不嫻甚非所以仰體

朝廷隆師重道之典及大人敬謹祀事之意今本道現在將祭器查點缺少者另行買補樂舞生亦出示名募足數其所需干羽衣飾照各府式樣製備併擬於省會請教習一人至高教習庶崇文大典不致草率從事而邊疆士民獲覩文物之盛矣

一 書院宜急開設也查郡城有數文書院乃所屬生童肄業之所向來有鶯鳴垌田租八十三石梅菴舖租五十兩及城廂地租三十餘兩畱充義學公用雍

四知堂文集

卷十七 稟

六

正十一年經前叅守張兆鳳詳爲書院諸生膏火之資本道到任後細加訪問叅守之於書院不過徒存其名所延請書院教習卽係出入衙門說事過錢之石城縣舉人龐正先至於生童卽有數人在內讀書者亦未給膏火或去或來聽其自便每月或課一次亦無多人與課其書院房舍俱未修理工器用毫未置備是以諸生童不但肄業寥寥無人卽赴課者亦不可多得今本道現在將無礙公項飭茂各縣先將房舍修理飭信宜縣將書院應用木器製買一面出示觀風拔取其文之佳者送入書院肄業其書院教習

查有額外教授劉作霖立品耿介文學亦優擬卽延入爲師諸生童取入肄業者每月俱給以膏火一月兩課或三課不論肄業及赴課諸生童俱捐給飯食閱定課卷出列等第其考在前列者酌給獎賞一切規條務期嚴肅可觀但計算每歲之需必六七百金府庫詳充書院公用之項不過一百餘金而止難以敷用若沽捐給之美名終歸有名無實查高屬現在墾荒及查報欺隱俟飭州縣查明有可歸入書院之田另行詳請批示撥爲膏火之資庶後此可以長繼再高郡人文本屬中平讀書者金不知親師取友必

四知堂文集

卷十七 稟

三

須加以鼓舞聳其觀聽庶幾可以振其惰氣仰墾大人賜以匾額對聯懸掛書院則高郡多士必踴躍來學而文風可望丕變矣

粵西金銀鉛錫各廠情形稟 粵西藩司任

竊查粵西礦廠除銅礦係驛鹽道專管外其金銀鉛錫等礦係本司衙門總理現在各廠俱係向來久已開採其一切抽收則例亦皆當年題定本司到任以來惟遵照成例稽查料理幸二年之內各廠俱相安無事但查開採礦廠固以裕課實亦弊藪粵西界連雲貴所屬山場大半有礦每有一等奸民探知某山有礦卽於某縣具呈請給牌試採俟有成效再行抽課而該管州縣利於地方有厭遂准其試採及一准之後催令詳覆故意延非以砂路未旺爲詞卽以

四知堂文集

卷十七 稟

三

現在查詳爲解及至半年或一年催之甚急則又云試採無效應請封閉而所出砂斤已飽奸商之壑并入吏胥家人之囊矣况奸民旣得試採之牌入山開挖倚地方官爲護符壞人林木踐人田禾山野愚民忍氣吞聲莫可奈何是開採一事所益於國課者有限而未便於百姓者甚多是以本司於本年九月內具文詳請除久經開採之山照舊開採外其一切給牌試採俱通行禁止嗣後州縣官不得復行擅准已奉兩院憲批允通飭禁止在案是粵西開採之礦將來但有封閉無復續開奸民之欲念以消

地方之滋累亦少矣至各廠所收正課俱係解司奏充兵餉其撤散一項除各廠支銷一切工食外餘剩者解司存貯爲憲臺及撫憲衙門賞號之用每年約解憲臺衙門十分之七銀一千三百餘兩撫憲衙門十分之三銀五百餘兩而已若夫利之所在人之所趨在承辦之商隱匿走漏固不能保其必無卽委管之員賢否不一亦不能保其人人自愛剔弊除奸也本司有總理之責惟有留心稽查時加戒飭倘有聲名不好訪查確實卽詳請參究以仰副大人澄清吏治之至意耳

請仍以土治土稟

竊查粵西流地而外舊有土司雖所轄地方大小不同然皆世守其土相傳勿替論者每以土司地方控馭爲難本司到任以來二載於茲細加體察各屬土司頗爲安分要在以土治土安靜勿擾之而已蓋土司本無養廉其於百姓名則官民實同主僕所有田地原無項畝亦無一條編征之法自其上世散之土民土民亦世世相守役有役田差有差田匠有匠田或納銀或納租或供應柴炭雞猪等物各有舊例相沿土官之日用盤纏取給於斯卽土民之奉公親上

亦在於斯雖從前貪劣之員如承襲婚喪之事亦有藉名科派苦累土民者然自近年以來屢奉嚴禁各土司亦均知兢兢畏法不敢復萌故智今若繩之以流官之例凡取民間一絲一粟卽加之以科派卽嚴之以革除毋論澄之過清不能自敷其日用且恐操之太蹙漸致激生夫事端又况如前者古州逆苗蠢動徵兵西粵朝發一檄夕卽裹糧前驅其忠順勤勞亦甚可念乎惟各土司有土目一項卽土司辦事之人土官或柔弱或年幼或官男未立而官母以女流協理多係此輩把持不無滋擾此則惟有責成該管

知府稽查約束輕則誠飭重則懲治庶幾不致土民受累耳至管轄土司之知府固宜清心寡慾正己以率屬而辦理土司事件亦間有宜少假以權之時蓋免掣肘即資彈壓斟酌變通所謂化大事爲小事化有事爲無事也在大人敷歷中外入總風紀出靖巖疆此等情形久在洞鑒而誥誠訓飭俾各土司畏威懷德亦屬次第敷施之舉合將各土司職名開列清單并附陳一得之愚伏惟鈞鑒

煙瘴各員酌量差遣稟

竊惟粵西僻處天末南控交彛所轄十二府州以桂平梧潯柳鬱爲腹地以南太思慶泗鎮爲煙瘴雖近年以來

聖化覃敷和氣薰洽南寧一府瘴癘之氣稍稍滅除已列腹地而太思等五府仍然煙瘴也其中如西隆東蘭等二十五缺皆崇山峻嶺朝夕之際嵐氣浸淫當午乃始見日水性毒惡刻削肌膚朝炊之飯過時未食至晚則俱成綠色官斯土者惴惴慄慄一或不慎身命隨之卽或挨延三年已身幸而獲免而家口

僕從亦多難保此固自來如斯而亦本司歷任二年以來所身親目睹非有一毫捏飾者也此等缺出例將腹地之員或調或陞其平常者固不便題調卽可勝任矣又必視其年力精神素日有無疾病稍或衰憊羸弱概不敢請卽大人亦不忍以之題調蓋名爲陞調其實則置之死地不得不加慎重耳又嵐瘴之區每年自四月至十月爲尤甚蓋雨澤連而山水發草木深而地氣鬱俗所謂青草黃茅是也向來瘴鄉之員在治日少近年恪遵

功令亦不敢擅離職守然至瘴癘盛行之時或有因

病而出居府治就醫者亦有因公來省者卽該員自無公事而或酌量差遣使之得以暫避毒惡不致捐軀隕生蓋亦仰體大人胞與爲懷矜憫屬員之意雖未便公然列之章程而在大人洞鑒斟酌體恤則屬吏之受福多矣

清江楊錫紱方來著

詳牌

請給土司印信號紙詳 廣西藩司任

本司查承順副長官司在

本朝則康熙二十三年曾經請鑄印信奉兵部咨開查會典內廣西土司並無副長官司名色且

本朝俞未承襲其咨請鑄給印信之處應毋庸議其實管理地方者係彭志韜迨康熙三十八年志韜病故慶遠知府不敢復請承襲止將副土司地方詳請

仍歸志韜之子彭陞管理經前督院石批允飭遵此現在彭陞管理地方之由也惟是該副長官司雖本朝請襲未准而考之粵西進呈通志未嘗不歷歷有據如土司世系卷開明成化二十二年以彭訪爲副長官司訪傳孫錡錡傳子大武從征有功加千總傳子瓏瓏傳子希聖

國朝順治九年希聖疾傳子澄澄傳子志韜志韜傳子陞與官男彭陞所開世系相同又沿革卷開承順正長官司副長官司永定長官司俱明宏治五年設在府西述昆司又疆域卷開承順副土司至慶遠府

城四十里司境東西距二十五里南北距三十二里是該副土司實設於明之宏治年間故世系相傳并非不紊錢糧奏銷經徵列名康熙二十三年之請鑄印信蓋非無據特以部駁不准故因循至今耳前次查詳之時該府祇以彭陞管理地方不恤民瘼詳請裁革副土司名色而未經詳考誌載該土司雖地僅彈丸而傳之祖宗已歷八世以致前署司轉詳憲臺據以咨覆內部奉部行查今本司以彭陞爲人原屬乖張但斥革彭陞另擇其子弟相繼管理以土治土最爲相安似不必將永順副土司名色一併裁革也

四知堂文集 卷十八 詳 二

至該副土司既令管理地方以安土民應否仍行鑄給印信頒發號紙以專責成應聽部議遵行至此外有無外委土弁查有原隸思恩府轄後改歸鎮安府管之小鎮安土州

本朝亦未鑄給印信頒發號紙而官男岑池鳳現在管理地方檢査案卷康熙二十六年間官男岑池鳳曾經詳請承襲奉前督部院石批查其時該管府道及司以吳逆兵燹之餘案卷焚燬土舍土州均無確據往返駁查亦遂因循終未請襲但查小鎮安地接交陞滇南最爲極邊又非若永順副土司之在宜山

境內者可比其地民悍俗克安受治於岑氏已久故至今彈壓催徵均惟岑氏是責况考之進呈通誌世系卷開小鎮安其先岑志英係鎮安土知府岑天寶次子明永樂間分管小鎮安亦世繼焉志英傳子祖德祖德傳子應宗應宗傳子承智承智傳子善經善經傳子國御國御傳子旭旭傳子勇勇傳子大經國朝順治十四年大經故傳子縝玉縝玉傳子宏漢宏漢傳子池鳳與官男岑池鳳所開世系相同又沿革卷開小鎮安明永樂間分鎮安土官岑氏後裔置鎮安土州隸鎮安府又疆域卷開小鎮安至府城一百零五里州境東西距一百六十里南北距一百六十里則小鎮安在明實係土州至

本朝初年未經請襲其後亦遂因循耳若云土舍必係異姓頭目今小鎮安現係岑氏子孫則非土舍可無疑義今該官男現在管理地方既無印信亦無號紙正與內部所查外委土弁之類相符似應酌與巡檢職銜鑄給印信頒發號紙俾得世世承襲益加勉勵撫綏土民以爲邊境籓籬實屬有益至此外據各屬查明並無外委土弁毋庸置議緣奉咨查事理理合備查酌議具詳

四知堂文集 卷十八 詳 三

行按察司飭屬實行保甲牌 粵西巡撫任

照得保甲之法自昔爲良行之得其道則盜賊奸匪無可藏匿戶口人丁瞭如指掌不但勾稽查緝易於幹辦卽偶遇荒歉捐賑撫恤無虞冒濫其效甚爲彰明較著乃本都院細查粵西所屬多未奉行卽有行者亦不過城廂內外聊造一冊有總戶之名而無確核之數與不行等至究其所以不行之由則以爲邊疆地方與中土不同不必繩之過急此一說也苗獠伶僮土民多不識字僻處深山怕見官役一旦行之恐致驚惶此一說也紙筆牌板不無所費吏胥頭人

四知堂文集

卷十八 牌

四

難絕需索此一說也是三說者皆近似有理而其實不然紙筆板片此州縣當自捐備原不宜派之於民胥吏頭人全在官之約束若昏憤之州縣毋論保甲卽錢糧催徵田地勘踏詞訟勾稽亦不能保其不科歛擾累果精明之州縣則約束有方查察維嚴自必無需索擾累之事此明而易見者苗獠土愚雖與漢人微有不同然其種類多聚族而居一村一寨原有寨老村老頭人等管束其管束之頭人等皆能見官長畧識事體亦有識字者若刻舟求劍執定十戶一牌十牌一甲之法誠不無格礙若因其管束之舊例

寓我稽查之法或擇其明者先曉諭之而次及其愚

或擇其村寨之易行者先示之以榜樣使知官長爲此別無他意而漸次及於難行之村寨此在各州縣神而明之諒亦不致驚惶擾亂也至邊地與中土不同此謂文教禮義等事薰漸未深或地方例俗相沿積重難返且可不必更張事件非謂保甲之法可以稽查盜賊匪類周知人丁戶口法良意美亦不宜行之於邊地也卽如上年義寧桑江之黃順吳萬全懷遠之石金元遷江之李彩等混入苗獠地方煽惑哄騙遂致釀成事端調動官兵擒剿殺戮若使保甲之

四知堂文集

卷十八 牌

五

法久已實力奉行平時稽查嚴密奸匪無從托足卽偶一有之亦必早行發覺其保全不更多乎是保甲之當行無可疑者而三令五申究未覩有成效一由州縣因循玩愒苟倖目前無事卽不復畱心料理一由各知府踴躍任事者少優柔瞻顧者多遂致地方百務廢弛毫無整頓又不但保甲一件也夫所謂知縣知州知府者謂其周知一縣一州一府之事也今詢以一縣一州一府戶口人丁實在數目卽茫無以應顧名思義能無汗下本都院自欽奉

諭旨令將實在數目年終彙 奏因尙有未能週知

者實清夜慙歎想各守牧令亦同此情耳且如去年編審之便清查戶口興安靈川永福等縣皆查確民數編立保甲又昨南寧府來省本都院面詢保甲據云所屬永上新橫等州縣俱已實力編造止宣化尙未全竣由是觀之同一廣西也已行者未聞滋擾豈未行者便當預料其生事遂因噎而廢食乎又如天保縣李令前因公來省詢及天保原係土俗其管村管甲原有指臂相使之勢當飭令回縣卽借其舊日之例編我保甲之法該令回縣未三月而已查明造冊可見良法本自可行在各州縣府廳實心與不實

四知堂文集

卷十八 辨

六

心耳茲本都院體訪已確知安民弭盜稽核戶口含保甲別無良策合行通飭實力奉行爲此牌仰該司官吏照依事理卽便轉飭各府州縣務須將保甲一事實心料理紳衿弁兵流寓俱一體編排各就其地方情形斟酌妥便至於苗瑶土人地方因其舊例以爲編查或由近而及遠或先易而後難勿尅期而草率勿憚煩而捏報毋藉此歛民一絲一文毋專聽吏胥頭人致滋需索辦理清晰卽造冊送查以九月十月爲率如州縣有怠忽不遵及奉行不善者將知府并叅知府能督率辦理井井有條不煩不擾者查明

確實准予記功嘉獎至該司爲刑名總匯飭行保甲職任是司亦宜加意督率務期行之盡善以裨地方而安民生其各道亦移文共加督率總之此事以稽察盜賊匪類而得戶口人丁實數爲主神明變通筆不能盡有應商酌條款亦卽詳明飭遵慎勿仍前虛應故事致干并咎也

四知堂文集

卷十八 辨

七

行布政司飭禁唱歌陋俗牌

照得粵西地處邊隅大半土愚狃其狃土愚之俗女方嫁夫即回母家居任其遊蕩唱歌有孕然後歸于夫家習俗相沿恬不爲怪即官斯土者亦因其自古如斯難于移易不復示禁今思小民雖無知而未嘗不畏官法風俗雖難驟變而曉諭懲治亦地方官分內之事本都院訪聞民間唱歌每歲俱有一定之月日且有聚會之地有一定月日則可以先期禁飭有相聚地方則可以臨期查逐且凡村寨則必有頭人土目村老寨老更可以責令轉相曉諭違則

四知堂文集

卷十八 牌

八

報明責懲如崇善韓令嚴禁唱歌之風年來即便稀少又土田州地方婦女不入城市由於該土官岑應祺之教導即此兩地以觀可見教化未嘗不可施而陋俗未必終不可轉也合行通飭嚴禁爲此牌仰該司即會同按察司轉飭凡有狃土愚之府州縣務將唱歌陋習嚴行飭禁先以曉諭繼以查究各就地方民情實力料理總期漸次化導改革仍飭各該管府州留心督率毋致奉行不善滋生事端其能曉諭禁飭著有成效者各該府州據實具報當予獎異仍將奉行緣由具報查考

行按察司飭屬修理塘房營汛牌

照得水陸塘汛所以詰奸宄衛地方其墩臺屋宇應地方有司修理遇新舊接任則造入交代定例至爲明晰今本都院細加採訪聞得通省塘房自桂林省會至全州自南寧至太平其要路塘房稍爲堅固頗壯觀瞻其自桂林而平而梧而潯而柳而慶而思而泗則破壞歪斜不成體制者甚多而完固者少推原其故總由地方官不實心經理及至新舊交代亦因循接收以致日復一日破壞愈甚吏治廢弛此亦其一也查粵西塘房向例或官出資而民服役或竹木

四知堂文集

卷十八 牌

九

匠工等項民任之而磚瓦油飾官任之相沿亦已久矣乃地方州縣修理時不過差一書吏家人潦草粉飾其如何使料歸實用吏無從中飽民不致數累則全不畱心怠忽之州縣則一毫不拔止行一票責之里下以致有名無實百姓則每歲承修而塘房則仍然破壞又各營官弁視塘房爲州縣之事往往隔膜相視遂不復約束兵丁因而故意作踐者有之又或片磚之缺片瓦之破及時收拾不費一錢而有心坐視漸至倒缺穿漏難以收拾者有之在弁兵固不知共相體恤而各州縣實亦未實心經理除現在咨明

提督及左右江鎮嚴飭各營弁兵人等毋得故爲作踐及膜視外合行通飭實心修理爲此牌仰該司官吏照依事理卽便轉飭各府州將所屬州縣地方塼房墩臺委員逐一查明除完整者毋庸重費外有破壞欹斜不成體式者俱令修理完好其修理之法分別衝僻先其衝要次及偏僻地方其偏僻地方有向係茅葢泥糊者亦仍其舊但須完好以便弁兵棲止其衝要則應一律修葺瓦房并飭各州縣自行捐資借資民力共爲勦舉不得專責里下致滋苦累其修理之時委賢能捕巡分司其事務完固堅實不必徒四知堂文集 卷十八 牌 十

行各土司實力緝拿匪犯牌

照得李彩李梅案內未獲匪犯李捷三廖士美張長子陳京中李尙通馬朝烈李尙彩胡啟昌廖文傳梁朝容施廣文先經開明各犯住址年貌懸立賞格通飭各府州縣地方文武一體嚴拿在案今恐各土司基布邊境所轄地方多深山大菁岫易藏奸若非一體嚴緝要犯終難速獲且粵西各土司感激皇恩圖報心切凡軍旅之興每有調遣必踴躍前驅卽上年李彩滋事於遷江土忻城知縣莫景隆聞警隨帶領土兵扼住交界要徑一月之內拿獲首夥各四知堂文集 卷十八 牌 七

犯數十餘人厥功甚偉本都院深爲嘉許又今年承順副長官司鄧朝輔差其弟朝武實心緝拿要犯黃賈寶卽於正月十六日在上林之佛子隘地方拿獲其急公効力實異尋常此皆彰彰在人耳目者至若土田州知州岑映祺老成歷練爲衆土司冠冕安平州知州李肇太平州知州 南丹州知州莫戎謙皆心地明晰辦事實心本都院所素知既聞緝拿匪犯自無不用心出力但通省四十九土司其中亦有年幼無知或官男未及歲而尙係官妻官母攝理署理者一處稍不實心則匪犯卽得從而逃竄難保其

不終漏網合行通飭一體嚴緝爲此牌仰該土司照依事理卽查照發來告示內各匪犯年貌姓名住址差委幹練目役給以盤費令其到處躡緝如有能緝獲李捷三者除照示賞給外本都院仍據情奏請皇恩賞給鞍馬蟒衣以表勤勞其餘拿獲要犯亦當以次分別獎勵如或虛應故事並不實心出力或匪犯在境毫無查察經本都院查出定將該土司嚴叅重究其各凜遵毋違

行布政司飭屬恪恭祀典牌

照得典禮之行莫重於祭而昭格之要惟在一誠我國家重熙累洽禮明樂備我

皇上敬天事神必誠必敬一切儀禮樂章俱經

聖睿親加裁定頒布天下眞所謂

天子建中和之極金聲而玉振之之時也各省臣工

凡有守土之責例得舉行祀典者自當恪遵

聖謨共相黼黻茲本部院到任以來閱看

社稷等壇規模率多苟簡牲醴不能豐潔儀節多有

錯悞主獻者無齋莊誠一之思襄事者多忽畧跋踣

之意以此事神是慢神也神可慢亦何事不可慢乎省會如此他郡邑可知矣除現在將省會壇廟與司道府等悉心酌議或應恢廓或行修葺并較正儀節期於共相恪恭以將祀事外合行通飭爲此牌仰該司卽便移臬司各道轉飭各府州縣并各學教官其有壇廟卑陋湫隘者酌量恢廓坍塌破損者速加修理一切儀節務遵部頒定例縱不能祭器樂器逐項齊全而牲醴香帛黍盛必求豐潔登降進反必合儀度主獻者神凝志一襄事者以恪以謹則人人可能之事卽昔不能而自今以徃可勉力而爲之者果能

敬以事神則如在者必蒙昭格所謂神人和而萬事
理也慎勿視爲老生常談仍前苟簡草率全不經心
自取慢神之愆貽羞大典也仍飭將各壇廟如何恢
廓修葺之處通報以憑查驗

行浙江糧道嚴飭隨弁歸幫牌

漕運總督任

照得各省隨幫千總雖爲押空而設然旣爲幫弁則
一幫之事皆應協同重運千總料理稽查方爲克供
職守今聞浙省隨弁幫船回次之後盡寄居省會館
不到幫道至幫船受兌已畢開行之後方始上船細
訪緣由皆因浙省軍丁每年水次受兌均與州縣漕
總書役私行折乾畏隨弁在幫或秉公查察卽有礙
於作弊行私是以陋習相沿總不令隨幫在船受兌
而各隨弁亦遂因循不振甘於寄居是官之職任轉
操縱於旂丁之手殊可痛恨合行嚴飭爲此牌仰該

道官吏查照事理從本年爲始凡各隨弁無論新舊
除考驗及有在省應辦事件許暫停數日外平日俱
勒令各歸本幫居住不得仍前寄居省會館至開行
始行到幫至於修船船隻受兌米石等事雖係重運
之責隨弁亦應一體協同照料稽查倘有遲延弊混
及水次折乾等弊查出許行稟報該道確查辦理庶
奸丁之伎倆無所施於漕務亦不無少有裨益至各
隨弁於此番禁飭之後如或仍居省會館不到幫查
明卽行揭叅至各幫旂丁如或有意阻撓經隨弁稟
報該道卽提丁旂重處革究不得少有寬縱致陋習

相沿爲害漕運凜遵毋違

四知堂文集

卷十八 牌

未

嚴禁漕糧折收折乾行江浙各州縣牌

照得漕糧交兌首禁折乾而折乾之弊半在軍丁亦半在州縣軍丁折乾或行月或耗贈止圖眼前得銀便於浪費不顧抵通揭債自貽伊戚固屬迷而不悟而州縣漕總書役經手漕糧亦有利收折色之弊折收既多於是串同折乾一則米貴而折賤從中取利一則多折乾一石即可少買補一石亦屬勢迫使然查察軍丁責在于總查察漕書責在州縣乃訪聞該州縣等有畱心釐剔者亦有漫不經心受親戚家人吏書朦蔽者且有明知之而故聽之者欲求弊絕風

四知堂文集

卷十八 牌

七

清其何可得本部堂再四思維須是痛改前習共相整飭方克有濟合再通行飭禁爲此牌仰該州縣本年收漕俱各實心實力嚴加查察先禁書吏之私收折色次禁書吏之串同折乾少有違犯卽行重處度折乾之源可以先清至於奸頑之軍丁與通同之劣弁本部堂除嚴飭總理之道員監兌之丞倅傾運之于總一體查禁外仍逐處差人密訪如一經察出仍有折乾之事弁丁固叅革重處其徇縱之該州縣本部堂亦並掛彈章不能少爲姑容其各自顧考成共襄公事勿得視爲紙上空言毫不經心致貽後悔凜

嚴飭秉公監兌行各省廳員牌

照得幫船受兌例委丞倅監兌所以平彼此爭兢之端且向來旗丁刁悍多有措勒州縣之習監兌之同知通判亦藉以資彈壓乃相沿日久丁則多知凜遵功令不敢措勒而州縣轉藉丞倅以為兌交醜米之計于是一委監兌卽有餽送陋規視漕糧之多寡以為厚薄而不知自愛之丞倅亦遂視為分所應得公然收受恬不知愧及至臨兌之時或米色潮潤細碎及攪和糠粃者旗丁不肯收兌該丞倅等既為監兌亦當平心驗看或令州縣易換好米方為慎重

天庾無如一受州縣之餌卽一味左袒卽果米色不好亦壓令弁丁收受少有爭兢卽以為措勒上年有數州縣搭運米石米色不堪經本部堂嚴飭始行更換而監兌之員無一秉公辦理者可見矯枉過正其弊已非一日今各幫正在兌漕之際合行嚴飭為此牌仰該廳既奉委監兌卽應杜絕苞苴無論銀錢不宜染指卽儀物亦當嚴絕至於漕米上關天庾米色果好不得任丁旗之措勒米色低潮碎襍亦不得任州縣之混交一切俱秉公辦理務使兩得其平方為無負厥委此番嚴飭之後如仍有得受陋

規一味左袒之弊經本部堂差人訪出定卽立掛彈
章决不爲貪鄙之員少爲寬貸也凜之慎之母貽後
悔

行各糧道通飭幫船置備失風搶米器具牌

照得糧船起運在途風水事故乃所時有當其急遽
之時屛船必先救米而搶救米石撈子之爲用最急
查各幫弁丁平時並不留心製備卽或有明知爲不
可少之物者又拘牽忌諱甘於臨事周章殊不知風
水爲災所爭晷刻總在器具齊全然後人力可施如
搶撈旣早米旣不致漂失船又易於屛救以視臨時
覓製坐失事機其利害百倍矣况製備撈子所費不
多何憚不爲至拘牽忌諱此等愚人之見尤爲可笑
合亟飭行爲此牌仰該道官吏文到卽便嚴飭所屬
四知堂文集 卷十八 牌 三
各幫弁自本年辦理新運爲始幫大船多者責令頭
船務必製備二十具幫小船少者亦必製備十具運
弁加謹收存以備不虞運畢回次則交于下年領運
之弁收貯幫中輪流交代如有損壞卽爲補製倘各
幫干總敢於玩忽不行遵照製備一經本部堂察出
定行重處不貸該道務須實力飭遵毋違

行江西糧道清釐漕弊牌

照得起運漕糧攸關

天庾正供例應慎選乾圓潔淨好米交兌軍旂度抵通交卸不致有虧折挂欠之虞歷經通飭遵照在案至於監兌之員尤宜確驗米色秉公辦理固不得任弁丁之刁難亦不得明知米色潮潤而公然坐視愈不嚴治州縣家人書役致旗丁暗受虧折之累方爲不負委任今本部堂訪聞江西每年所委監兌各廳大抵左祖州縣而於丁旗痛癢則漠不相關查江西各州縣百姓交納漕米甚爲乾潔但各縣漕倉俱在

四知堂文集

卷十八 牌

三

省會勢須僱船裝運至省上倉然後兌交軍船於是各州縣家人書役勾串船戶攪和發水止畱乾米數船以備查驗卽或途中不預行發水而一經查驗之後無不恣行發水者以致上倉之米潮潤不堪丁旗見米潮潤訴之監兌而監兌各廳其篋篋不飭者則已先受州縣陋規其碎秤自守者亦難免書役之朦聳往往不懲治州縣家人書役而反壓令旗丁迫以不得不受之勢且江西省會有一班積年辦漕長隨各州縣一切潮濕米石俱其包攬交兌此輩盤踞已久上下衙門串通一氣無弊不作尤宜嚴拿重處乃

該監兌等亦聽其播弄肆害恬不爲怪此等積習已深若不嚴行禁飭欲望米色之乾潔交兌之公平勢必不能合行嚴飭查禁爲此牌仰該道官吏卽便轉飭各州縣本年所收漕米剝運到省務須嚴飭家人書役不得勾通盜賣發水以致潮濕并飭監兌之員實心查驗有米色潮潤者卽行詳揭其或先驗係好米而後交係潮濕者據旗丁稟訴亦驗明確實詳揭請叅不得朦混捏交以致丁旗受累

四知堂文集

卷十八 牌

三

天庾有虧如州縣仍不約束家人衙役監兌之員仍漫不經心將潮濕米石捏交丁旗一經訪聞或過淮驗出定卽嚴叅不貸至盤踞之積年長隨人等該道督理糧儲亦應逐名嚴拿重究迥回原籍收管以免故智復萌爲害漕務慎切慎切

通飭各州縣封存樣米驗兌行江西糧道牌

照得江西漕米州縣書役家人串同發水監兌之員偏袒州縣掇交丁旗種種弊端已嚴行飭禁在案茲查州縣運米至省上倉原有封貯樣米查對至米石已經上倉之後管倉家人書役即將樣米統同入倉不復另貯以致兌米上船之時一遇米石潮濕彼此爭執無可証驗殊為不便應自本年為始凡州縣米石上倉監視之廳員仍將樣米加封另貯俟兌米丁旗之時並將樣米對驗則米石之是否潮濕一驗而明而州縣書役家人與丁旗等亦無所容其爭執合

四知堂文集

卷十八 牌

五

並飭行為此牌仰該道官吏即便查照嚴飭監兌之員于米石上倉之後仍將樣米封貯以便于交兌上船時一併查驗倘有故違即將州縣書役家人嚴提重處其監兌之員亦詳揭請叅毋違

飭議武左衛軍船事宜行湖南北糧道牌

查湖南三幫內有武左衛軍船四隻丁不親身舵悉包運篷繩錨纜破損不全既無惠濟之銀復無接濟之項重空往返在在掣肘推原其故皆由以武左之丁運湖南之糧在岳衛既難管束在武衛又以運在隔省視同膜外聽其疲貧毫不料理是此四船終為三幫之累嗣後似應令此四船之丁俱歸岳衛管理少有不遵卽行處治至於僉丁係武左衛之責嗣後如所僉之丁有貧疲不堪及丁不親身包與舵役者查出將該衛作何叅處治罪合行飭議為此牌仰該

四知堂文集

卷十八 牌

五

道卽便會同確查妥議具詳以憑核奪毋違

行湖南糧道查議荆岳二衛造船章程牌

照得該省各幫打造漕船荆右荆左沔陽三衛則在漢鎮而荆州岳州二衛又在岳州蓋緣岳州係就近水次地處偏隅木料釘錫匠人不及漢鎮其應用木料必須由洞庭西湖常德購買否則至荆州沙市等處買辦往返寫遠且鄉愚無知之丁往往聽牙行誘哄置備木料多有細小監督之衛千查驗板片窄小不能就近更換至於應用釘錫俱皆短小輕薄木船匠作又係嘉魚蒲圻愚人打造多不合式本部堂查漢鎮成造固屬便易而岳州亦係府城且湖南為產

四知堂文集

卷十八 牌

壬

木之鄉不比別省若該管各官實力查察辦理亦無不可造之船其造不如式者皆緣廠戶包造旗丁並不經手備弁益不稽查糧道亦不督理之故合行飭議為此牌仰該道官吏照牌事理文到即將荆岳二衛在岳州水次打造漕船作何立定章程遞相稽查俾旗丁自知急公厥戶不致包攬如有違犯作何懲治備弁作何叅處之處逐一妥酌議詳以憑核奪飭遵毋違切切

行湖南糧道酌議發給軍船運費銀兩牌

照得該省各幫出運漕船每年例有應給運費行月京脚等項錢糧以為修驗船隻置辦傢伙之用前因該省幫船回空歸次最遲修驗不緊案經本部堂奏准每年於十月內委員將各丁應得運費內每船先解銀五十兩迎至田鎮空船一到給發補買篷纜等物至漢口鳩工修驗等因檄行欽遵去後嗣據該前道議詳蓬扇一項俱已更新應換者不過十之二三將應給五十兩內酌給一半二十五兩置備什物其餘一半帶回岳次與道庫存貯運費一併給發出

四知堂文集

卷十八 牌

壬

運之丁俾得多備土宜等情經本部堂批令如詳轉飭遵照辦理在案今查前項銀兩訪有不肖旗丁支領到手任意花銷不惟無銀置辦北費竟辦理修驗等費每多拮据及至沿途起剝添繆抵壩交卸一切費用赤手無措以及那借重利年累一年撥厥所出皆無人代為經理之過本部堂查江西各幫中有極疲之丁皆責令運弁將所領錢糧酌量收貯一半公同頭伍沿途陸續支給行之稍有成效今湖南各幫所領錢糧運費內有貧乏之丁可否將銀兩酌給運弁同頭伍公貯抑或即令頭伍同運弁酌為置貨之

處合行查議爲此牌仰該道官吏文到卽便遵照將
該省應給各丁運費行月京脚等項銀兩就該省情
形悉心酌議詳報以憑核奪毋違

行豫東兩省糧道酌議運薊船隻章程牌

照得東豫二省運薊船隻例係一週二年輪流撥運
每年約計船一百餘隻俱係運薊千總挑選派僉其
中多有賣富差貧任意去取以致幫丁視運薊爲畏
途甚有一運未終而丁力已竭苦累難堪本部堂訪
聞既確未便任其因循貽累幫丁合亟飭行查議爲
此牌仰該道官吏查照來文事理嗣後凡屆撥運之
時必須按船數之多寡照數核派其船隻定以五六
年之內堅固者爲率周流更派毋得混淆其應先應
後運次或定關拈或入籤掣務期至公至當如本年
已經派僉下屆卽不得再行派人庶輪流週遍苦樂
得均運弁無由高下其手至舊有各丁公貼銀兩亦
應彼此酌定額數互相幫貼不得彼多此寡致生別
端該道身任糧儲務須秉公妥確定議速行詳報酌
核永定章程毋任因循貽累

行江安糧道革除鳳陽衛過堂名色并核議旗

丁赴次限期牌

照得各幫領運旗丁一切修船事務是其專責每年空船到次有應更換者照例更換其毋庸更換之丁俱應速行赴次以便料理修船從無過堂名色羈留任衛之事今查鳳屬三幫積習相沿將通幫各丁齊集衛所藉稱府廳本衛過堂名色不許先自到船直至更僉已定然後赴南支領錢糧始行到次往往開兌之日官丁尙未來幫俱係舵役代辦漕事稍遲所由來也且旗丁在衛閑任月餘盤纏飯食飲酒聚賭

四知堂文集

卷十八牌

三

限到次其修船事務或可著令隣船暫行代辦俾錢糧不致舵役花銷而漕限不致遲悞之處該道務卽速行查議詳報以憑核奪批示飭遵毋得刻延

四知堂文集

卷十八牌

三

行浙江各運弁錢糧宜歸實用牌

照得浙省幫船出運錢糧較別省更為敷餘在股富之幫固當日臻寬裕即疲難之幫料理得法一運兩運亦可轉疲為殷乃數年以來本部堂方調劑仍有疲困未蘇之幫總因領運不得其人從道庫領出錢糧即歸丁手先還債負及家中妄費而每幫又有奸丁數人借名辦事百般派累冒銷之故即如船在水次未經開行聞浙省每船即派使費至九十兩百兩不等非官丁公同分肥何至於此茲新漕伊始合行嚴飭遵照為此牌仰該弁本年道庫除應扣起剝

四知堂文集

卷十八 辨

三

及接濟銀兩外其餘領出一切錢糧俱設公櫃存貯在幫何項需用即傳同頭伍人等公同給發登記總簿其非係應給之時不得徇私混給在次在途抵通俱照此辦理公事完竣如有餘剩分給各丁不得藉名他務另作開銷該弁等如能潔己自愛毫無扣剝短發等弊各丁諒亦無敢異議自本年新運為始本部堂即以此定各弁賢否如到壩米無升合短少公事齊全毫不揭借回空身工飯米一一充裕不須接濟定與記功如抵壩米有短少公事拮据以致揭借回空身工飯米不足以致呈請接濟即行參革以儆

無能決不姑寬至浙省每船應得銀米數目俱有一定其往來需用銀米亦約畧可知今一併開單示知使懷挾私心者不得藉口公事難辦金使新任之員知錢糧出入實數不受奸丁挾制濛混本部堂為調劑疲幫起見亦即係愛惜爾等千總微名領運之弁其各洗心滌慮共思實心辦公毋負本部堂一片苦心所有飭行之文並開列之單其各書一通日夕觀覽毋違

四知堂文集

卷十八 辨

三

四知堂文集卷十八終



四知堂文集卷十九

牌檄示

清江揚



行江安蘇松兩糧道核議改撥行月各糧牌
照得行糧一欸乃旗丁長途日食之需例應全數上
船聽候過淮盤驗以杜虧蝕

正供抵通掛欠之弊今查江興兌運江寧鎮江蘇州
等府屬各幫丁船每船應支行糧三十五石例由江
安道飭派各次隨正支領運弁便於稽查不致盜折
惟兌運松江府屬之江淮五七八興武三四六七八

四知堂文集

卷十九

一

幫丁船行糧米石因松屬無欸可支俱派于江蘇常
鎮等府屬各州縣支領往往船已開行行糧尚未趕
兌上船皆因旗丁赴縣守文往返水陸不下數百里
及于有餘里以致耽延時日而各州縣亦視行糧為
隔屬之幫或藉稱徵收未齊故意畱難或漕總倉書
希冀漁利就中取巧勾串不肖旗丁私行折乾是徒
有行糧之名竟無行糧之實亦有守法之丁知此禁
例全數支米趕幫而船已開行去遠兼沿途關隘俱
有羈遲不獨時日耽延往返多費脚價船錢且米石
裝載小船運至本幫分散各船其中拋撒傷耗必所

不免是每船雖定有行糧三十五石之名而竟無三

十五石之實即如興武三幫本年起運丁船奉派句
容縣行糧千有餘石旗丁支米上船已費周章各關

盤阻又延時日幫船已過臨清行糧尚未趕到是其
明驗此事會飭行前道查議俱以各有額編勢難更

張為詞遂爾中止本部堂查事苟便益軍旗即斟酌
變通據以咨題內部亦無不准之理未便以拘墟之

見日事因循今就江安江蘇兩處據欸細加查核協
運蘇松等屬江興各幫應支本色行月米石例于南

糧項下額撥調之省倉由江道衙門查派蘇太二屬
四知堂文集

卷十九

二

共有省倉米一萬九千三百餘石內派兌蘇屬之江
淮頭二四興武五六等幫共船三百四十四隻約以
每船行糧三十五石而計該米一萬二千餘石尚餘
米七千三百餘石往年俱係奏派蘇松等屬江興各
幫行月之用其松江府屬內無省倉編欸而漕項項
下編有揚倉一欸共米九千餘石例係蘇道衙門派
給協運蘇屬之揚儀淮大泗等幫不敷行月之用造
報奏銷以蘇屬之船支松屬之米雖曰就近亦不無
繞道而派兌松屬之江淮五七八興武三四六七八
等幫共船四百三十四隻每船計行糧三十五石共

米一萬五千一百九十石水次現在松江轉不能就
近在于本次支給似屬兩有不便若將松江府屬揚
倉一欸共米九千餘石儘數抵換蘇太省倉之米俾
松屬亦有省倉名目將江與派兌松屬各幫聽江道
衙門就近均派每船亦可支米二十餘石可以先行
隨正上船其不敷之數另於經過之常鎮等屬省倉
內順道撥足其蘇太二屬省倉改抵松屬揚倉之米
聽蘇道衙門就近派淮大等幫行月之用一轉移
間在松屬江與各幫行糧可以免遠派赴支之苦在
蘇屬淮大等幫行月亦可免越疆湊領之煩彼此兩
四知堂文集 卷十九 牌

三

便於漕運均有裨益第省倉南糧額撥例聽江道奏
銷揚倉係漕項額編例歸蘇道奏銷今酌議改抵雖
數目可以對換然奏報欸數應更必須各 題定案
方可永遠遵行合行飭議爲此牌仰該道官吏即便
遵照會同 江安蘇松糧道詳細確查從長酌核星速妥議
詳報以憑核奪咨 題毋得刻遲

行蘇松糧道長淮頭幫不得改調水次牌

照得長淮衛頭幫既無贖運屯田又鮮什軍幫貼年
深債重疲困已極現在設法調劑尙恐不能救援若
再將兌糧水次改撥寫遠必致日見匱乏永無起色
本部堂查該幫兌運漕糧定例坐派常府卽逢調次
之年亦在本府各縣輪流調兌從不派撥別府第查
乾隆十八年鎮糧團充兵米裁船案內議以調兌水
次自議之後該幫亦未撥兌蘇糧誠恐本年調次之
期議將該幫改派兌運水次既遠丁力益絀殊非設
法培植疲幫之意合亟預爲飭遵爲此牌仰該道官
四知堂文集 卷十九 牌

四

吏文到卽便遵照俟將來調次之時仍將長淮頭幫
各船在于常州府屬縣分調撥兌運不得改派蘇府
漕糧致滋苦累仍先將遵辦緣由具報查考毋得違
悞

行湖南北糧道通飭衛弁秉公僉革運丁牌

照得湖南北僉選運丁俱係衛備專主但旗丁貧富衛備固可按籍稽查其現在出運之丁老成歷練奸險刁詐又不若運弁身親領運知之爲真今湖南北各衛守備往往干總詳請應革之丁而不行斥退又或並無事故干總未經請退之丁而守備竟行斥退辦理乖張徒滋弊竇合急改正爲此牌仰該道官吏卽便轉飭各該衛幫遵照嗣後僉選運丁固須身家殷實慎重辦理其斥退運丁當聽領運干總詳報應革者始行斥革如干總未經詳報不得混行除退另

四知堂文集

卷十九牌

五

僉致中不肖奸丁鑽營規避之計至於領運干總或有徇私作弊將不應詳革之丁混行具詳應革之丁曲意容隱者該守備如訪查確實詳明該道查實揭參毋違

嚴飭各丁親身挽運以杜捏報失風之弊行湖

南道衛牌

照得起運漕糧動帑成造船隻每屆十年復給料價成造凡以供軍儲之需而防疎失之虞也乃該省糧船年來重空報失風者較之他省其數不啻逾倍而回空更又多於重運推原其故總由該省旗丁畏於出運將一切重空諸事包給舵役在重運之時奸舵首得攬載貨物搭裝人口各項水脚銀錢及至回空無丁在船照料彼乃得肆其奸故意將船弄沉捏報失風既有賣船之利又有一切回空身工飯食之費

四知堂文集

卷十九牌

六

至於抵次又有一番混行開銷花賬則船價所繳還者能有幾何坑丁累漕莫此爲甚言之真堪髮指又該省之船凡遇失風事故回空到次率多以貧疲告退僉換新丁接頂夫僉換新丁必須查明實在貧疲不堪駕運者僉換方始無弊若不論殷貧只以其爲失風之船一紙告退卽爲另僉在包舵者固至僉無忌憚卽自行出運之奸猾者恃有此另僉之條一遇失風既得賣船又省回空費用而抵次後已身又得脫運糧之差亦何憚而不樂於使船沉溺也此二者乃該省漕務之大病根若不嚴行查禁將來害無底

止爲此牌仰該道官吏即便遵照嚴飭各衛幫務令
正副各丁在船照料不得任聽奸舵私行包攬亦不
得自昧天良致有前項故意使船沉溺之弊本部堂
明察暗訪倘經訪查得實其爲包舵之船定將奸舵
嚴拿重處仍追銀三百兩以貼補造船之費至重運
過淮枷號盤糧廳示衆俟糧船過盡釋放永不許再
入漕幫其爲本丁自行出運之船亦卽飭令俟該丁
到次嚴行訊究枷責並皆不許另僉新丁接頂仍責
令原丁駕運本部堂言出法隨該道務飭各衛幫嚴
飭各丁舵洗剔肺腸實心辦公其勿以身試法也

四知堂文集

卷十九 牌

七

行湖南北糧道核議失風船隻變價繳銀數目
牌

照得湖廣幫船凡遇十年滿號案經本部堂 奏准
於交糧後畱通變賣照例每隻存畱銀六十兩倉場
封交隨幫解交糧道驗給以資成造新船之用至於
重空漕船沿途如遇失風難屏折變定例將變賣價
銀飭令地方官照數封交運弁帶回呈明糧道驗發
原未酌定繳銀數目今訪聞該省糧船近年失風不
肖奸丁將壞船底板無論賣銀多寡回次止照滿號
之例繳銀六十兩餘銀任意花銷但失風船隻如在
五六進以前其底板俱可賣銀二三百兩若不論年
限一槩繳銀六十兩則不肖丁舵或有貪圖多賣少
繳故行沉溺於中取利之弊合行飭議爲此牌仰該
道卽將失風船隻作何查照運數分別繳銀之處會
同湖南北糧道定議詳覆以憑核奪飭遵毋違

四知堂文集

卷十九 牌

八

行江安糧道酌議添借大河衛餘存官項牌

照得江興鳳大等幫借給官項銀兩原爲窮丁免受
揭債之累行之數年已見各幫債負少清惟查大河
二三兩幫每船雖酌借銀十一兩而到北仍然重利
揭借債借無多回空不敷又復變賣篷桅繩纜細察
其由皆緣大河幫丁本屬極疲重運到北起剝起交
每船約需銀五十餘兩計每丁儘有官項銀十一兩
加之封存回空銀八兩以及餘米等項通盤計算共
銀二十五六兩辦理不敷不得不重利揭借回空無
資又不得不變賣篷桅什物查一船篷桅繩索在南

四知堂文集

卷十九辨

九

置備最少需銀七八十金而在北變售得價不及一
半及至次年出運又復置備一運錢糧有限何堪各
項費用以致年復一年愈成疲困今本部堂再四籌
酌惟將官項餘存銀兩每船再行添借銀十兩使其
北費有資即可禁其揭債不致變賣篷桅似屬有裨
查該二幫多借官項銀兩前據守備梁元升詳請多
借批據該道議詳以該二幫新運錢糧有限只加借
銀三兩共借十一兩在案但該二幫丁船現據千總
楊景稟請將鎮屬復運漕米先儘該二幫每船加裝
百石可得錢糧三十餘兩業經檄行蘇松糧道查議

在案有此加裝之項錢糧充餘足敷扣繳合行飭議
爲此牌仰該道官吏即便遵照星速議詳如屬可行
卽於官項欸內每船添借銀十兩彙總兌封差解赴
轅俟本部堂督運隨帶赴北以便給發該二幫濟用
以甦丁力毋違

四知堂文集

卷十九辨

十

嚴禁失風米石不得輒請買餘抵補行各糧道

牌

照得起運漕糧攸關

天庾正供例應小心挽運卽或猝遇風火事故押領員弁亦應督丁據實辦理毫無假捏方稱職守今數年以來本部堂畱心察訪失風船隻除大江大湖及黃河外若在運河少有水淹天蓬不能撈獲乾米及撈救濕米無多者又凡濕米撈獲俱卽灑派各船易換乾米亦未有不分行灑聽其堆積霉爛者乃各省不肖奸丁一遇失風卽商同頭伍種種捏報明明全四知堂文集

卷十九 牌

士

撈而以為虧折明明撈獲乾米過半而以為無多明明濕米已經分散易換飯米而以為陰雨霉爛於是紛紛詳請買餘抵補是該丁等既不能小心駕運以致失風而反藉失風以為獲利之地似此舞弊害漕殊可痛恨前經本部堂查酌運河失風原可多救乾米卽或有一半少半濕米自應隨時分散易換卽少有虧折亦屬無多各省俱有義助通賠之例俱不應買餘抵補其不得已而買餘抵補者或一幫之中而失風過多最後之船通幫不能易換義助或實在偶遇大水漲發水過天蓬搶救不全始得據實詳請買

餘抵補其餘平常失風俱不得因有買抵之例假捏率詳通飭遵照嗣於本年七月內准倉場咨以中途失風米石霉變如查無假捏似可循例買抵等因又經本部堂查中途如果霉變何難詳明本部堂委驗吞報而必待到壩方始呈報是中途霉變之說多屬捏飾未可盡信嗣後如一幫之中失風止一二船食米易換無多經本部堂核實無庸買餘者仍照咨辦理其有一幫之中失風至三四隻計其食米無餘而中途實有陰雨霉變之事在中途報明本部堂查驗到壩仍呈倉場查核准其買抵吞覆倉場並通行該

四知堂文集

卷十九 牌

士

道轉飭各衛幫遵照各在案茲屆新漕起運之始合再申明飭禁爲此牌仰該道官吏卽便轉飭所屬各幫押領員弁遵照如在運河遇有失風船隻搶撈濕米隨時易換卽少有虧折應令通幫公攤賠補總不准其買餘抵補亦不得以霉爛藉口混請其或有一幫而失風過多至在後失風之船少有虧折通幫之丁實在力難易換義助及所撈米石已經報明易換食米而中途或偶有霉變押領之員務須親查確實報明本部堂以憑查核委驗方准買餘抵補倘敢仍前通同捏混率行詳請并不行報明本部堂委驗輒

向坐糧廳呈報者除將奸丁頭伍重法處治押領官
弁定行參究不貸仍先取各幫遵依送查毋違

四知堂文集

卷十九 牌

圭

行湖南北糧道嚴飭各衛所慎重造船牌

照得各省成造漕船例應選購樟極木槓解鋸寬厚
板片多用釘麻油灰照依營造冊式打造度裝運漕
糧經涉江河方無疎虞湖廣係產木產油之鄉乃成
造漕船並不用樟極料物每以柏木打造而板片
又皆窄小釘油稀少草率完工是以受兌出運沿途
遇風遇淺易於沉擱似此弊竇皆由監督各官委之
旗丁旗丁委之舵役舵役包給厥戶並不實力經理
所致積習相沿深可痛恨登經本部堂嚴飭照依江
西船樣如式成造並經酌定嗣後造船該衛卽於造
四知堂文集 卷十九 牌 西

丁未經到次之前動用幫造銀兩請領料價先行購
辦樟極木料督令工匠解鋸寬厚板片如式打造油
艙堅固度保無虞在案今值該省造船之際合再嚴
飭遵照爲此牌仰該道官吏文到卽便轉飭各該衛
所遵照將本年應造船隻星速動用幫造銀兩請領
料價及早選購樟極木槓督令工匠仍用木尺照依
江西式樣成造如或不能一律選購樟極木槓卽間
用柏木亦須解鋸板片寬以一尺以上厚以二寸爲
度其有寬不足一尺以上厚不足二寸者概不許攙
用至於縫釘務須緊密週身亦必油艙堅固方爲合

式該道責司督造務須實力稽察倘仍前板片窄小
釘油稀少以及舳高頭方造不堅固一經到淮驗出
定將監造衛備官弁嚴行指叅該道亦干未便毋得
玩違致貽後悔

四知堂文集

卷十九 牌

五

行江安糧道嚴飭興武三幫加工修船隻牌
照得回空漕船一經抵次卽當早爲修船堅固度灰
老油乾方可受兌漕糧以免貽誤疊經嚴行申飭在
案今本部堂聞興武三幫漕船抵次之時並不早爲
修船至開兌之期始行買備物料畧爲彌補潦草完
事雖外面粉飾可觀實與未修之船無異卽兌運新
糧上船本年沿途走漏潮濕米石不一而足失風事
故之船較之別幫更多推其由來此皆修船不堅害
漕殊甚合再嚴飭爲此牌仰該道官吏卽速轉飭該
幫運弁一俟幫船到次嚴督各丁上緊加工修船堅
固務使灰老油乾候兌新漕倘再不遵仍前玩悞一
經幫船到淮查驗得實或沿途再有沉失事故除將
玩丁捆打定將運弁嚴叅究處該道亦干未便也

四知堂文集

卷十九 牌

六

嚴飭糧艘及早回空毋許沿途唱戲行各幫弁

牌

照得回空糧船例限碁嚴本年壩上趕緊於七月內
全行兌竣今南漕各幫得以早抵水次此爲從來未
有之事若回空各幫因爲期稍早中途又復藉口水
溜處處耽延其與北壩未經趕早何異今本部堂親
駐臨清催償數日牘上每日可過三幫可見從前之
遲滯皆由各幫弁丁漫不經心所致所有未過臨清
各幫合行嚴飭爲此牌仰該弁趕此清秋水落各將
本幫船隻速行催償過淮毋得少有遲滯再本部堂
四知堂文集 卷十九 牌 七

訪聞南漕幫船向來一入臨清卽有沿途打住唱戲
之惡習至于江西各幫則船至夏鎮等處每幫俱行
唱戲似此爲無益之虛費悞及早之行程殊屬可惡
合併嚴禁并委員查察如各幫仍敢有沿途唱戲者
定卽嚴行叅革決不姑寬毋貽後悔

行寧波衛守備徐煜嚴查仁錢兩縣行月米折

乾牌

照得浙江仁錢兩縣舊有各幫行月米石俱於該二
縣倉內支給乃向來積弊該二縣徵收米石多不實
收本色好米而以重價勒民折銀及至支給各幫則
又任聽書役市買潮濕細碎米石或竟以賤價折給
各幫丁旗有因不得好米守候日久不得已而聽其
折銀者亦有奸猾之丁希圖眼前得銀花用不顧行
月米少以致沿途食用正米到通交納不足者此等
積弊言之殊可痛恨不得不急爲整飭除已檄飭該
四知堂文集 卷十九 牌 七

糧道及杭州府金仁錢兩縣今年新運各幫行月須
實給好米不得絲毫折給并分飭衛幫如無米給領
卽行據實飛稟以憑叅處不得絲毫收受折銀外合
行飭委爲此牌仰該衛查照事理到任之後卽通行
各幫將某幫應領仁錢二縣行月若干石先行造冊
送該備存貯俟支領之日亦報明該備於何日起領
該備卽親身前往查視務須好米如數上船驗實具
報本部堂查考如或米色不好及仍有買米支給並
重價折之於民而賤價折之於丁並奸丁通同書役
舞弊暗中收受折價該備查明實據卽飛稟糧道藩

司及本部堂以憑參處本部堂爲整頓積弊起見該
備務須實心照辦不得避嫌避怨稍有瞻徇若經本
部堂另行查出該備亦卽併行參處也慎之慎之

行浙江糧道整理積習牌

照得凡庫貯銀兩必須足平足色支放銀兩必親身
當堂彈兌給發此定例也各省皆知凜遵惟浙省道
庫尙多積習未改本部堂已經嚴飭在先今糧船漸
次回空又值新漕伊始合行嚴飭爲此牌仰該道官
吏遵照來文事理今歲支發漕項銀兩須令弁丁親
自赴領該道親身當堂放給務遵部法足平銀必五
兩十兩足色不得擅用輕平及雜用低潮小錠並不
得輒聽吏書家人捏飾以弁丁不到爲詞混將銀兩
聽吏書領出秘藏在家致滋措勒扣剋之弊本部堂
四知堂文集 卷十九 辨 三

現在行知各衛幫弁丁人等凡赴道領出錢糧俱抽
出原封一二百兩差役先送本部堂轅門聽候委員
彈兌查驗并差人細訪嚴查如送到銀兩不合部法
銀色少有低潮定將書吏嚴拿治罪該道亦卽立掛
彈章本部堂爲整飭該道衙門積弊不得不再三諄
飭其洗心滌慮毋貽後悔凜之慎之

行江西糧道核議漕糧卽令押運廳員監收監

兌牌

查江西每年各州縣解送漕米到省例委官於河下
查驗監收其丁船受兌之時又例委官監兌在定例
之初原為慎重以絕弊端但行之日久弊端亦卽從
此而生本部堂訪聞監收監兌之員多亦奉行故事
不知加意釐剔於是家人書役借此漁利而州縣書
役家人亦藉有致送陋規彼此串通為奸作弊監收
之員卽有潮濕之米亦因循姑容不行據實勒換監
兌之員至兌收之時米有潮濕弁丁或不肯收受又

四知堂文集

卷十九牌

主

恐礙監收之面彼此瞻徇亦不肯據實報出轉多方
勒令弁丁收受是監收與監兌各委員不惟無益而
且有累於漕本部堂查江西十三幫例應委同知通
判二員直押抵通與其多行委員而無益於漕何如
卽令押通之員各自專行監兌彼有押運到通之責
米色或有不乾不潔是其責任自必實心辦理不敢
苟且從事自貽已累合飭查議為此牌仰該道官吏
查照本年漕米可否停委監兌之員卽令押運到通
二廳員各行監兌之處卽日據實確查議覆毋得遲
違至監收之員向來未據該道具詳是否每年另委

有人此項人員可否停委卽令押通二員一併監收
之處亦卽據實具覆毋違

四知堂文集

卷十九牌

主

行江西糧道軍船餘租應隨正散給牌

照得該省各幫每船支領行月錢糧之外有應給餘租一項自數十兩以至三百餘兩不等例由州縣經徵解道給丁各該州縣自應及早徵解齊全隨正給丁濟運度爲妥協今本部堂查得此項銀兩近來各該州縣惕玩成習歷年徵解不齊放給虧短甚至船已開行而銀尙未照數散給以致各丁守領需時或有本運竟不能領者似此任意遲延漸歸有名無實殊非培漕恤丁之道深屬不合應以本年爲始將餘租一項飭經徽州縣于未經兌漕之先徵收齊全解四知堂文集

卷十九牌

三

道隨正放給俾各丁得以全數支領辦運度銀歸實用運費無虧合亟嚴飭爲此牌仰該道官吏文到卽便轉飭各州縣將本年應給各丁餘租銀兩在於兌漕之先徵解齊全隨正按數給丁支領不得因循故習延至幫船已經開行令丁耽延守候倘敢違卽將情徵拖欠之州縣指名詳揭請叅毋得稍有瞻徇致干未便

行各省糧道嚴禁僉丁積弊牌

照得僉丁滋擾例于嚴禁乃聞近來各幫僉丁運弁丁役多串同一局每於幫船回空未經到次之先卽遍行採訪殷裕之閒軍或矚知良懦無辜之民籍某係屬可擾均逐一存記于心俟幫船一經到次卽肆行報僉一船缺丁卽搜僉數十數丁甚至僉報一丁牽連一族一族之內卽票拘二三人至四五人任其採取其間差拿情形蜂擁鎖押無異罪犯每拘獲一丁差役先爲婪索頭伍從中講貫苟有不遂則百般刁難不肯帶見本官及到官驗訊官役又有上四知堂文集

卷十九牌

三

下通同賣富差貧脫彼報此之事戶戶搜求層層不已必待幫船已將開行殷丁搜索殆盡然後將貧疲無力者混行僉頂認運之後而過堂驗看印紅陋規等弊仍復不免以致所僉之丁未至一二運卽以貧疲報退甚至可運舊丁而頭伍差役又復串通捏疲謀退希圖另僉從中覓利是僉丁駕運原爲國家出力並非苦事而無如竟成官役利藪以致視爲畏途積弊日深幫疲日甚言之深堪髮指茲本部堂訪聞已確值此僉丁之始除密差查訪外合亟嚴行飭禁爲此牌仰該道官吏照牌事理卽飭所屬各

衛幫弁務須洗剔肺腸痛改積習將現運旗丁內查明如果有實在貧疲滋事應行革退另僉者卽行確查殷練閑丁一船指僉一名查驗頂補取結報查毋許聽任奸丁差役混報多人藉以滋擾其有可運未疲之丁不得任其捏詞告退倘有仍前賣富差貧僉選非殷以及聽任差役擅行鎖押索詐滋擾情事一經本部堂訪查得實定將查僉不慎之備弁飛章嚴叅藉差擾累之丁役提轅按律究治決不稍爲姑容

行松江府辦理搭運緩漕牌

照得起運幫船搭運緩漕米石乃係例應遵行之事一經糧道飭派自應遵照趕緊受兌豈容藉詞推諉任意延挨今聞上年松江府屬緩漕米石糧道于十二月初五六日卽行發文派搭每船不過八九十石金無負重難行之事乃江興協運弁丁接到派撥公文金不卽赴領兌迨至歲底正初始以幫船負重藉詞推諉另請改派查各幫如果不能照單加裝何難一面具文馳報糧道一面將能於加搭米石卽日督丁領兌何須遲至二三十日始行報出揆厥其由緣希圖多攬貨物接到派數姑置不問惟將本次正漕兌竣開行然後方將所派緩漕約數呈報請改其時船已長行在糧道有不得准其改搭之勢似此規避遲悞不惟州縣雇剝趕幫水脚盤繳賠累多費而沿途拋撒傷耗虧折更所不免是搭運緩漕累縣累幫均由奸丁刁難稽遲之所至也甚屬可惡合亟嚴飭查禁除嚴飭松屬各幫運弁嗣後務須改除積習遇有派搭緩漕米石俟兌單一到卽行就次領兌外合併飭行爲此牌仰該府官吏文到卽便轉飭所屬各州縣將本年應徵緩漕米石星速催征齊全刻

卽馳報糧道聽候核派搭運一俟兌單到日務須隨同正漕兌交軍旂亦不得有意稽延致滋遲悞倘有縣幫彼此刁難不卽兌交者一經訪聞定行叅究

飭軍前總統監紀檄 粵西藩司任代

照得義邑苗裔頑悖判傷害官役罪不容誅本部院等調撥官兵分路進剿委該副將總統大兵該知府監紀軍務一則速殄克苗以安良善一則迅清內境卽會楚師三大兵雲集正諸將戮力之時而士卒鼓行卽克苗授首之日昨據軍前稟報該總統監紀等已移營石村但逆惡先俱搬入四崗止焚其空寨數處而尙未擒拿一人本部院等查用兵之道臨事而懼謀固必出萬全而當機立應動亦貴乎神速當此之時正宜相度形勢偵探確實或分攻要害或直搗中堅或張疑設伏使逆賊落吾算中或用間出奇以偏師出彼意外得一寨旋攻一寨平一村復進一村首惡未除卽斬殺不爲大捷渠魁未獲僅追逐豈遂伸威如此實心辦理自必崇朝殄滅慎勿心存觀望使克猷益張更勿事必稟請致時會坐失至於從逆之寨悔過投誠被脅之村欵營繳械固宜卽允安撫毋蹈殺降亦勿濫予花紅徒糜公帑蓋究其前此原係誅戮應加之人而丐以餘生已受朝廷莫大之德本非招之使來寧必餌之使去嗣後軍前當立定賞格凡投順苗裔矜犛能先驅破寨擒

斬首惡者受上賞告知逆寨路徑首惡姓名引官兵
破擒不爽者次之充當夫役運糧修路始終如一者
又次之其餘止於免勦不在賞例度幾信賞必罰足
使懷德畏威又該總統監紀等同在軍前尤宜和衷
商確悉心籌畫早殲醜類克奏膚功仰紆
朝廷南顧之憂卽不負本部院等委任之意其或故
違節制稍失機宜
國法具在不能少貸也

四知堂文集

卷十九 檄

无

觀風示 粵東肇羅三任

照得民俗之淳樸視耕耒而望歲不惰者良士風
之彬彬雅視讀操觚而應時不囂者貴故履畝知農之
上下事在勸耕視學校士之優細心惟課讀此蒞官
服政雖各有專司而問俗觀風則均爲首務者也本
道恭膺

簡命分巡肇羅其在農民陂塘水利諸事固已切切
關心不憚勸相井邑有如士子郡縣庠序多材亦極
慇懃畱意未暇校藝黌宮茲以時和人樂政庭撥案
牘之勞抑且天高氣清儒席增琴書之趣正堪勸學

四知堂文集

卷十九 示

三

帷下丙丁相與論文樓分甲乙經庖史館學旣足于
三餘句玉字珠知可訂于千古因思當日曾逐班香
宋艷之羣豈謂此時不重蘇海韓潮之目考稽乘誌
肇郡則山重水複其間不少名材披閱輿圖羅屬則
井密民稠此內必多佳士惟

聖朝早布作人之化在多士久儲華國之資究心於
五經四子之醇文章根於性理騁目於百代羣書之
富經術助其才華練而後精文若兵而左右用命養
之旣厚氣猶水而大小畢浮平時師友講求幾經風
雨片晷筆墨從事定走雷霆

國家制誥史書待人而掌儒生器識學問考藝可知
放海非一勺之源干霄有千丈之勢邑十室而忠信
在鄉三物而德藝興利用作賓可厚期於他日果能
入彀將尤拔於斯時爲此示仰所屬貢監生童知悉
擇于某月某日黎明親臨府學校試近者赴府報名
送考遠者候檄分題解卷毫揮珠玉各盡一日之長
思入風雲不負寸心之得平奇濃淡必準先程雅正
清真務欽

聖訓春華卽兼乎秋實廷獻早定於家修將區用儒
之後塵于茲可步莫宣卿之前軌從此能追雅託賞

四知堂文集

卷十九 示

三

音幸無珍祕

曉諭民間量畝米穀以資日食示 粵西撫任

照得粵西各屬去歲雖稍獲豐收而東省米穀半資
接濟一切商販赴西採買者絡繹不絕小民貪得重
價不計久遠多行糶賣因之米穀漸少價值日昂現
在梧州之蒼藤等縣據報上米每石已至一兩七錢
中米每石一兩五錢二分下米每石一兩三錢七分
其餘各府州縣俱漸次加增查粵西收成之期較東
省爲遲屈指收穫尙在七八九月若非此時量畝有
餘仍然貪價糶賣則青黃不接之時卽照例平糶恐
不能全行接濟是爾等百姓雖豐收之年而仍受價
昂之累除現在行令各府州縣應平糶者卽開倉平
糶并設法稽查毋令米穀多行出境外合卽通行曉
諭爲此示諭闔省士民人等知悉凡有穀之家俱自
行存畝屈指秋收爲日尙長年歲豐歉不能預必切
勿貪一時之價遂不顧後來之食至於地方奸棍賤
買爾等之穀因而貴售於客商此謂囤積居奇卽宜
呈明地方官嚴究又爾等鄉村亦宜共相勸導自爲
稽查寧畝有餘毋致不足庶幾價值可平不受高昂
之累本都院爲爾等日食艱難苦心調劑起見宜各
自凜遵特示

四知堂文集

卷十九 示

三

禁徵收重耗示 湖南撫任

照得任土作貢在民固有惟正之供而照例徵收在官宜守畫一之條我

朝

聖聖相承無不輕徭薄賦我

皇上子惠元元如傷在念每

勅諭督撫大吏嚴禁重耗誠以小民終歲勤動計耕

作所入除完納額糧外卽以贍家口而未必有餘若

復重耗多徵是腴民之膏血以肥己之身家此等墨

吏惟知有己豈知有民雖

四知堂文集 卷十九示

三

國法森嚴理無不敗而小民易虐受累已多本部院

荷蒙

恩命撫茲湖湘下車伊始當首以愛養爲急務而徵

收錢糧重等加耗尤民害之最大者除南漕諸弊另

行懸示曉諭外轉盼八月卽開徵地丁之期合行通

飭嚴禁爲此示諭所屬官吏凡徵收錢糧俱宜恪遵

加一之耗用司發庫平庫等平正彈兌稱收不得毫

釐加重至於銀匠之包攬差役之兜收或巧取票錢

或混捉短封皆屬向來積弊均須一一清釐俾民受

其福而吏沮其奸方不愧爲民父母四字本部院亦

不時差人訪查或委官提封較兌倘有絲毫重耗及
以上諸弊未除一經察出惟有立登白簡以除貪墨
決不姑容以貽民害至爾百姓人等生太平之世享
無事之福亦宜早完

國課毋致身受比迫自封投櫃毋使吏得侵漁則急
公奉上淳良成俗尤本部院之所屬望也

四知堂文集

卷十九示

書

嚴禁沿途勒增糧艘短絳示

漕運總督任

照得重運糧船過淮北上需用短絳人夫例應旗丁自僱照依定價每夫每里給制錢一文如遇水急難行亦聽弁丁臨時酌量增添不得恣意勒索硬派強拉業經本部堂嚴行示禁在案今訪聞得山陽高寶一帶短絳人夫捐勒糧船多加短絳強令頭船批溜以致後進船隻不得不照樣增添貽累軍旗深堪痛恨除委淮糧廳前往查拿重責柳號外合再曉諭嚴禁爲此示仰沿河汛堡及牌頭絳夫人等知悉凡遇重運糧船到境需用絳夫務聽旗丁自行僱覓照依四知堂文集

卷十九示

壹

行各省衛所弁丁嚴禁水次折乾示

照得漕運抵通首在米足而水次收兌例禁折乾是以每年兌運既設于總稽查又委丞倅監兌船至淮上本部堂又於盤糧廳派委員弁逐船驗少有不足責令買補并行重究無非慎重倉儲欲爾丁旗顆粒不致短少本部堂莅任以來深悉漕弊多端念爾丁旗重困不欲吏胥人役種種滋累是以多方體恤去其繁苛無非欲丁旗等在淮免額外之繁費卽至通免揭借之滾剝在爾弁丁等稍有人心自當益加感勵痛改水次折乾之習今本部堂細加訪察各省四知堂文集

卷十九示

貳

定價每里給制錢一文如遇風水不便亦聽弁丁酌量增添不得肆行勒索硬派強拉倘有愍不畏死之徒仍蹈前轍沿途營汛弁兵通同徇隱許該幫押領廳弁隨時從重究處一面將容隱之弁兵姓名具文通報以憑嚴行究革本部堂爲恤丁肅漕起見言出法隨爾等各宜凜遵慎勿以身輕試噬臍無及也

幫丁知大義者固多奉公守法而不肖奸丁仍勾串各州縣漕書在于水次任意私相折乾以爲僥倖之計至於各幫干總有志向上者固實心稽查而貓鼠同眠及庸懦無能者則毫無查察幾同木偶似此丁則奸頑不改官則弊混同心甚負本部堂一片體恤之心合行嚴切曉諭爲此示諭通漕丁弁人等本各幫受兌漕米無論正耗行月務須一升一合悉行入倉不得再行私相折乾本部堂仍差人密加訪察如有違犯丁則立斃杖下官則立行叅革至幫船到淮仍前逐船僉盤查驗或米色不好或短少升合旗

丁倍加重處官亦嚴參本部堂爲慎重
天庾起見究竟爲爾等丁旗身家性命之計其各洗
滌肺腸共相凜遵毋貽後悔

曉諭安慶前後幫丁示

照得

朝廷設立州縣原以治民設立衛幫原以管軍以故
漕運有脫幫脫空之禁苟有違犯卽惟旗丁是問如
或令之不遵卽應將旗丁責懲以示儆戒此有漕各
省出運各幫皆然今本部堂經過南陽彭口一帶見
安慶兩幫脫幫脫空不一而足細究情由始知該二
幫旗丁素習疲玩惜費不肯添僱短絳而各該管干
總貓鼠同眠者既不敢責斥旗丁而軟弱糊塗者亦
遂因循舊習不加整飭似此丁不畏法官不守法漕
運安能迅速合亟曉諭爲此示諭安慶前後二幫衆
丁等須知

朝廷設立衛幫原以約束旗丁違法必應懲治嗣後
一切幫務俱應悉聽干總約束至於沿途行走或有
脫空卽行自添短絳以期迅速倘此番曉諭之後仍
有藐抗不遵者許干總卽行責懲卽有貢監生等彼
既充當旗丁亦應治以旗丁之法不必問其爲貢爲
監稍事瞻徇倘該二幫丁旗人等或因此懷私朋比
作奸有意挾制本官該幫干總卽據實通詳以憑重
究奏

聞立置重典勿謂本部堂不教而誅也

四知堂文集

卷十九示

三

四知堂文集卷十九終

四知堂文集卷二十

記

臨江新館記

清江楊錫紱方來著

會館之設所以待公車便謁選也吾江右風氣淳樸
詛篤桑梓故會館之盛甲天下大約府必有館或且
縣各置焉吾臨會館之設其始末詳楊嗣姬先生所
為館記中可無復贅憶余甲辰叨鄉薦丁未成進士
授職銓曹俱寓館中無論匆匆計偕下車如歸即薄
俸京員得少省儉追之費皆拜前人之惠也時晏一

四知堂文集

卷二十記

一

齋王芝圃二先生俱官京師每晨夕過從嘗相約謂
他日倘力能辦此當式廓前基毋相忘歲癸亥余蒙
聖恩巡撫粵西而一齋先生亦開府湖北適祠部王
君曉園書來以館之對面有屋數楹出售囑余與一
齋先生購之余聞之欣然即與一齋先生各捐金一
百八十芝圃先生亦捐金三十致祠部成其事於是
對門數楹新顏臨江會館矣余與一齋先生敢謂有
志者事竟成願舊館周遭無地可廟即力能另購而
或相距遼遠終難瞻望衡聚處之意今新館與舊館
戶牖相望聲息相聞如前後楹然蓋未嘗不嘆天下

事固有如是之湊合而亦吾臨諸前輩之所願望於後人而未敢必者今竟適獲之意中也顧不幸與然余又聞之創業難守成尤難以彼一家之業一人主之心可同力可併苟其子孫不念厥締造思物力之維艱卽堂構日就傾頽甚或頓易其主况茲館者非一人一家之物而一郡之物乎在創之者以爲心已盡責可謝在居之者則去來無定漠不關心如秦越人之視肥瘠又其甚者則規租利鬻什物殆所謂別有肺腸者已此凡會館情勢類然非獨吾臨也夫君子不敢以不肖之心待人况屬在桑梓且區區數椽

四知堂文集

卷二十記

二

不過聊備棲止其光大而巍煥之尙有望於後之君子願守之難則不可一日或忘也因贅數言而并與在京諸同人商立條約如左願後來者其共守之

城南書院記

宇宙之事功視乎人材人材之造就在乎學校書院者拔學校之尤而切劘淬礪以收造士之實效輔學校之不逮也有宋四大書院曰嵩陽睢陽鹿洞其一卽楚南之嶽麓院創於宋長沙守朱公洞至子朱子與張南軒先生倡道東南大闢講舍一時從遊之士請業問難至千餘人絃誦之聲洋溢衡峯湘水間洵理學中天之會已其後雖廢典不常而學士大夫談名勝之遺蹟溯先賢之教思莫不流連慨慕想見當年正學昌明人士蒸蔚或恨其生之晚或悵其地之

四知堂文集

卷二十記

三

隔亦可見先賢之澤流被無窮而書院之造就人材其有補於學校非小也

國家崇儒重道遠邁前古我

世宗憲皇帝特命各省會建立書院

賜以帑金資其膏火湖南卽因嶽麓書院葺而新之延

師萃徒以宏教育前中丞虞山蔣公又具摺陳請蒙

我

皇上御書道南正脉匾額

頒賜懸掛作人雅化菁莪棫樸之盛曷以加茲乙丑

夏余恭奉

簡命來撫是邦下車後即親赴嶽麓瞻仰

宸翰課試生童乃肄業諸生寥寥無幾細詢其故緣嶽麓離城十餘里中隔湘江春夏水漲瀾漫稍遇風濤即須守候不能截渡士子因多畏涉不前歸而檢閱志秉長沙於宋時尚有城南書院為張魏公後所建當時朱張兩夫子講學長沙或過嶽麓或止城南亦以湘江多阻之故是城南與嶽麓原相表裏顧久廢為僧舍不可復問以朱張兩大儒往來講學之地存其一而湮其一固湖湘都會一大缺陷事且使士子臨流興歎不得時親前賢之講席永其追慕效法之思幾虛

四知堂文集

卷二十一記

四

朝廷造士之本意豈非守土者所當急謀興復者哉爰是廣加咨度得都司空署一所恰在城南城勢高塏遙望嶽麓如几席然於改建書院為宜因借司道守牧各捐廉俸鳩工庀材三閱月而落成計書舍若干間恭摹嶽麓

御書匾額懸之講堂岳州守黃君凝道又建

御書樓於院之東南隅中祀朱張兩夫子及有功書院諸先賢以為諸生朔望行禮之所院仍顏曰城南誌舊也余自維學無根柢加以簿書鞅掌日益荒落

豈敢附前賢之門牆顧念

國家廩給之資待士如此其重道脉之揭訓士如此其殷身為守土與有薰化之責則萃英傑而甄陶之延名師而督課之俾得往來於嶽麓城南三院不間輟其功成幾因文見道由流溯源從事於講習討論之勤以得夫修己治人之要卓然守朱張兩夫子之正學而不為功利詞章之習所播奪則東南之道脉益有以永其傳而擴其緒將處為名儒出為名臣書院之盛即學校之光也詎不偉與諸同人請勒諸石故為揭其興復之由與嶽麓相表裏者冀後之人兩存而并護之也

四知堂文集

卷二十一記

五

附嶽麓書院學規

古稱四大書院曰嵩陽睢陽嶽麓鹿洞而嶽麓鹿洞均為子朱子張南軒先生講學之所使者家江右之臨陽距鹿洞稍遠未得一至其地流覽勝跡歌咏遺風景行之思殆夢寐以之今夏初恭銜恩命來撫是邦竊幸嶽麓一峯屹然郡右獲以仰止先賢追溯教澤平昔所為夢寐鹿洞者於茲足慰矣下車旬日即詣書院展謁子朱子張南軒先生祠并課士其中不揣固陋當即進諸生申明義

利之旨曉以讀書作文大意誠以書院之設所以講明正學造就人材處則望重鄉邦出則澤施天下非僅僅爲工文藻取科名揚聲譽已也且地方大吏

朝廷固以教養之責俾之而書院聚一省之秀肄業其中尤爲各郡標準則仰承

聖天子德意以實心相砥礪使士知正學人務實修不溺於詞章功利之習而相勉於聖賢中正之途用以風示各郡俾觀感興起漸次風移而俗易固使者職分之所應爲而公餘過從論說相長於

四知堂文集

卷二十記

六

以檢束其身心而增長其智識則書院者又匪獨諸生之所宜爭自淬礪即使者亦將藉是以沐先賢之遺澤於萬一也爰就平日揣測所及與所聞於父兄師友者列爲學規數條願諸生其敬聽之亦庶幾行遠登高之一助云爾

一立志心之所之謂之志志氣之帥也志在南轅者必不肯北其轍則立志要矣後世小學之教浸失童蒙已無養正之功弟子稍識字義卽令學爲時文所競者紛華靡麗所志者利祿功名得之則以爲喜失之則以爲憂詰以在古人中欲學何等

人終身欲做何等事業茫無以應豈非志之不立哉孔子曰吾十有五而志於學孟子曰尚志周子曰志伊尹之所志學顏子之所學程子當十五六時卽以聖賢爲必可學朱子曰而今貪利祿而不貪道義要作貴人而不要作好人皆是志不立之病道須反復思量究見病痛起處勇猛奮躍不復作此等人見得聖賢千言萬語都無一字不是實理方始立得此志王陽明先生童時卽問其師讀書欲何爲范文正公做秀才時便以天下爲己任歷觀古聖先賢未有不先立志者矧生晚近之世

四知堂文集

卷二十記

七

資質已不逮古人而又不知立志譬猶操舟而去其舵漂泊無定且將覆溺於波濤浩淼之中欲其安流自在所向必達此必不得之數也諸生遠來肄業口誦先儒之書已有年所試返此心其果已定志於聖賢之學乎則益加精進益加涵養以求至乎其極如尙未有定志則宜急反前日之沉迷而力端今日之趨向往不可諫來猶可追須知古來聖賢豪傑人人可爲可惜爲風雲月露利祿功名之念誤了一生致使七尺之軀空與草木同腐念及此當與諸生一體通身汗下

一求仁人生而五性具曰仁義禮智信而仁統四端兼萬善尤爲切要而當求夫子雖罕言仁究竟一部論語中論仁者不一而足孟子則仁義爲七篇樞紐有宋諸大儒於此一字尤辨之極其詳而疏之極其精張南軒先生作嶽麓書院記倦倦以求仁之旨爲提揭其嘉惠後學之心甚爲篤摯諸生誠潛心於關閩濂洛緒言其於仁之一字無患不明然須是自已時時體認方於身心有益否則亦口耳之學而已如仁者無私心則必思我苟有一念一念之私卽非仁仁者愛人則必思我苟有一念

四知堂文集

卷二十記

八

之刻薄卽非仁聖門諸賢言語政事文章卓絕千古而夫子以爲日月至顏子復聖夫子以爲其心三月不違以至於子文子止許其忠清而不許其仁此等處須思仁者天理流行無少間斷渾而合之甚難赤子之心純一無僞乍見孺子入井皆有怵惕惻隱之心於此等處當思仁本人心而求之宜急如此細心體認加以勉強克治之功總不肯一時放下一事忽畧才有個見地有個把柄不敢在嗜慾攻取中汨沒了一生諸生慎勿以爲老生常談放其心而不知求也

一變化氣質陰陽氣也人得天地之氣以成形毗陰毗陽高明沉潛其大較也書曰剛克柔克此變化之說也士子讀書須先以變化氣質爲要而變化氣質却甚難毗陽之人舉止輕浮言語躁妄反以沉靜簡默者爲拘板毗陰之人器局卑陋言動瑣屑反以光霽磊落者爲蕩佚此皆囿於氣質而不知其偏有老死而不能變者矣卽或知其偏思有以調而劑之而非時時提醒念念把持猝不及覺舊病復發仍是氣質用事終受氣質之累孔子曰君子不重則不威學則不固可見氣質不好卽

四知堂文集

卷二十記

九

學問亦無益謝顯道一年工夫纔去得一個矜字呂東萊素褊急一日讀躬自厚而薄責於人忽覺平日忿嚏渙然冰釋朱子以爲能變化氣質張思叔詭僕夫伊川曰何不動心忍性思叔慙謝可見古人於氣質上是何等用工去變化他諸生肄業書院不患不能文所患者不能變化氣質耳今爲揭先儒兩言曰主靜曰持敬能靜則心鮮馳逐而病痛自覺能敬則隨事檢攝而偏私漸去

一正文體自有制藝以來名家林立評選者亦指不勝屈偶得一說總不出古人議論之外今必與

諸生論文如何而後工贅已然兩月以來披閱諸生課藝多恃記誦而不恃性靈稍有筆姿可觀者亦於理法未細則諸生於文蓋未嘗求工也猶憶往時兼篆惠潮序韓山書院課文云不但人有君子小人之分即時文亦有君子有小人頗爲友人所是今與諸生論文亦別其爲君子小人而已夫所謂君子之文者本之經以植其根稽之史以廣其識沉潛於宋元有明諸儒之緒論以淘其渣滓而歸於純粹其於法律則一本先民而神明之故其爲文也真足以闡發聖賢之精蘊而自然不戾

四知堂文集

卷二十 記

十

於繩尺小人之文不然根不深不知所以植之識不廣不知所以稽之以一部體註爲講章盡頭而濂洛關閩之語錄全不寓目以時下墨卷爲文章極則而王唐歸胡之規矩全不留心故其爲文也浮游而鮮實際卑靡而無氣骨同一時文而所以爲之者判若天淵亦猶君子小人衣冠面目未嘗不類而其居心則如水火冰炭之不相入也願諸生做人以君子爲法以小人爲戒作文亦力趨君子而嚴絕小人將見仁義之人其言藹如也區區制藝云乎哉

湖南重建貢院號舍記

貢士於

天子曰貢三年大比屆棘而試曰貢院湖南貢院之基在長沙城北隅其始蓋湖湘書院也雍正元年

世宗憲皇帝俯念洞庭之險多士赴試不無艱歷

特命南北湖分闈鄉試例建貢院時觀光期促百務草創限於地列號西偏土龕單薄一脊對向其體製與他省迥異風簷若之乾隆十年前中丞虞山蔣公以修葺入告經部覆准未及舉行旋晉秩少宰乙丑夏使者恭膺

四知堂文集

卷二十 記

十一

簡命繼撫湖南甫下車士習民風惓惓目營手畫以仰答

聖明無負職守歲丙寅偕司道入院周視思有以易其制而絀於費適長沙副榜高拔偕七十九庠諸生呈請以本科

恩賜公車路費及是年廩餼爲改建號舍費余嘉其意爲據情人

告得

俞旨遂於丁卯之春庀材鳩工移號舍於東西兩翼計五千間建明遠樓於甬道之中以資瞭望兩號舍

後西置謄錄對讀所東置彌封收卷所其門墻屏櫨
東西官廨又皆購民地而增廓之下至井竈庖福無
不備具既堅且碩丹雘爛然是歲循例監臨每坐至
公堂見羣賢執事容與嚴翼環視廣庭雙槐拱霄吟
聲清籟相爲酬答諸生以士龕踟躕之艱忽而得展
卷從容之樂高敞明潔士氣方伸真可以垂諸永久
矣予方慨夫科名爵祿之階梯半發跡於青衿布鞋
之日三條紅燭甘苦備嘗豈事過境遷備官而忘之
歟惟

聖天子敦儒重道雅化作人

四知堂文集

卷二十記

十一

宸翰昭如日星士子厠身儒林可不思爭自樹立以

上答

主知乎規模既壯盛典聿昭使者於是作而言曰天
下事大可爲如賈子云愚民難於慮始而樂於觀成
始余以工鉅費繁爲慮乃多士同心規模頓易信乎
士之趨出齊民而有志者事竟成也由此以推世固
未有上作而下不應者使者忝封疆之任益勵厥修
爲諸同官各屬倡實心實政以教以養安見不俗臻
上理而足慰

聖天子之南顧哉因賜筆而記其事是役也總其綱

者爲布政使溫福按察使周人驥糧儲道王一夔驛
鹽長寶道嚴有禧衡永郴桂道朱陵岳常澧道淑寶
辰永沅靖道永貴據士情轉達者爲長沙府知府呂
肅高衡州府知府張爲聰永州府知府沈永肩寶慶
府知府王稭岳州府知府黃凝道常德府知府曹階
辰州府知府陳嘉穀永順府知府駱爲沅沅州府知
府董思恭署直隸郴州知州寶慶府通判朱偉業署
直隸靖州知州長沙府同知遂琦直隸澧州知州何
璘直隸桂陽州知州汪度董其役者爲永順府通判
鮑啟泌襄事者爲長沙縣知縣李大善化縣知縣
四知堂文集

卷二十記

十二

魏成漢督工者爲通道縣典史勞宏仁善化縣典史

沈心培例得並書

重修淮安府學記

國家右文治自首善至直省郡邑皆有學尚矣郡邑學之將圯者日就葺規隘而制樸者日廓而增華殆風氣使然亦人力所能勉者余奉

天子命視漕事於淮之明年淮太守五君諾璽與鄉翰林阮君學浩因郡學之規制未備謀之郡六屬紳耆釀金錢幾千緡鳩工三閱月事歲請記於余謂余使節駐於淮且重屬意淮人士也余惟是所謂人力能勉此者奚待記而以言余所重屬意則竊有以記之夫學爲修已理民物以與於三不朽者也修已理

四知堂文集

卷二十記

占

民物受成於學亦往往受誣於學匪學之爲誣誣於學者誣之風琴雅管觀乎人文有芻銀紙繒不則蛇神牛鬼以盜聲華者矣澤躬於典彙和氣質於金璞乃靡靡焉有傲贏飾節抑又毀方躍冶爲跡弛玩世者矣古之人數典而陳考遺文率舊章以決疑定策胡爲乎食古戾今有模稜比附膠墨支離犄黨鈎援庭擘野証沴氣中於人心禍本厝於風俗者故木之不材者其液構絲之不理者其緒棼學術之誣其心術之譌也然欲求正於心術卒非學術不爲功我朝養士百餘年於茲

列聖相承濬醜教澤賤經註史麟炳黌宮而紉緯

聖謨惟正學術以正心術爲章志貞教之大經世有周程朱胡爲之師實鼓鐘是世有游楊謝蔡爲之第實椽梁是是在力絕其誣且譌焉耳夫謂山川靈粹運會苞符則淮郡東南至海西北距岱鉢池洪澤雲臺射陽之勝歎歎繁蔚弁冕三吳矣舊志云先輩力學攻苦剗華務實邇來習染純樸不均有篤志潛修者有詭隨世味者風氣乘除不猶是河山橐籥耶據諸史乘徐仲車官僉憲之清節純孝臧子源劉守惠趙潛叔陸君實之孤忠勁烈韓侯陳廷尉步丞相王

四知堂文集

卷二十記

圭

侍御金榮襄公沈大司徒之幹濟鴻業網絡絃絃風徽尙千古焉其殘膏賸馥猶能沾丐後人是又在典領斯土與祭酒斯官墻者操模謹範傳魯咻鄆俾此都人士穆穆收收薰浴聖化尙友前徽學術心術之剔譌返醇駁駁日上則以是爲賢守令及鄉先生諸從事今日之勉於是役也爲不朽而余所屬意於淮人士者觀其成而樂爲之記也於是乎書

增置淮陰書院膏火記

書院與學校相表裏者也然學校統於同而書院拔其異其造就之功較學校尤速我

國家崇儒重學直省府州縣既遍設師儒之官矣又命省會俱設立書院給以膏火聚合省之人材而教育之而各省府州縣贊襄文治又立書院義學以爲士子肄業之所培養漸摩人材輩出文教之盛古未有焉余奉

簡命督理漕運駐節淮陰七年於茲凡有關於政治風俗者地方大吏例得舉行念淮爲江北名郡道德四知堂文集卷二十記 去

文藝之儒代有傳人昔常創有書院然膏火資於商捐不能常繼故時舉時廢癸未春余乃商之權使會公各捐廉俸千金意在爲郡屬吏倡適其時以議修郡城龍興古寺鹽漕使者高公偕其屬并南北商人等樂助四千金道府縣請分其半以入書院而姜太守清釐育嬰堂公費得銀二千兩亦以其半入焉總計得銀五千金計一歲所入之息足資膏火無缺且可常繼焉於是屬其鄉太史阮裴園諸君經理其事進合郡生童而試之拔其尤者得若干人令入院肄業太守等僉謂規模既備教育有方宜有以記其事

余惟書院之設所以造就人材也顧人材非僅詞章之謂所讀者聖賢之書所求者即聖賢之道舍讀書無以爲詞章而真讀書即所以爲聖賢四子吐辭爲經者也關閩濂洛諸賢何嘗不足於文制舉業雖文詞之一然我

朝如陸當湖湯睢州輩皆理學名臣究亦何嘗不爲舉業故真學聖賢即應舉無害專攻詞章則試問人生所爲不朽者安在今士子多舉讀書與聖賢歧而二之每語及理學非畏之而以爲難能即迂之而以爲不足學若是則將求聖賢於田夫販豎目不識丁

四知堂文集卷二十記 七
者流乎無是理矣夫道德本也文詞末也士先器識而後文藝昔人之言具在諸生其由讀書以求聖賢之道則事業文章俱可不朽書院之設乃真造就人材矣

新建麗正書院記

予既興復淮陰書院來學者日衆而齋室尙仍其舊
湫隘不足容多士會邑紳士請開城東與關通水道
因往相度去與關里許有屋數楹詢之知爲前督漕
使者蔡公十英集諸生講學地公去而廢爲僧寮頽
垣斷址瓦礫榛蕪爲慨息久之思因其故蹟另闢堂
皇俾諸生肄業其中而前人遺澤藉以不廢邑之人
聞而悅之謂是舉之當於義且於形家言講塾宜在
巽方之旨合願力襄其役旁邑亦聞風興起守令以
爲言予恐民力之易殫而人心之未能齊也不遽允
四知堂文集 卷二十記 文

體桑梓敬恭之誼當思篤爾行能爲鄉黨引重之士
使惟是馳逐聲華以恬以嬉博來學之名而無日新
月異之功則不惟無以儲爾材器篤爾行能抑還思
予之殷殷於是舉與爾鄉先生所以集衆力而共圖
者將以供諸生寢處燕笑之地乎或實有厚望於爾
多士者而乃爲是得已而必不欲已者乎記曰所遊
必有常所習必有業詩曰成人有德小子有造今諸
生遊有常矣當思所以敬其業者期無愧于詩之所
稱豈唯予今日之望他時處爲醇儒出爲名臣予亦
將藉手以上副

四知堂文集

卷二十記

十九

聖朝雲漢昭回之盛寧獨爲爾鄉邑稱慶乎哉是役
也經始于丙戌春正閏六月而告成計費若干總其
事者太守姜君順蛟而專其成者則前山陽令今陞
外河丞王君廷欽也其邑人之効是役而有勞者皆
未及備書焉

萬年牖三公祠堂記

國家發祥長白定鼎燕京歲漕東南之粟以上備
神倉正供大江以北數千里轉輸所恃者一棧運河
耳顧運河之成非一手足之烈也考之明史治河諸
臣各有功績可紀而夏鎮以南則功莫隆於開泇先
時運道由清口入黃逆泝數百里抵徐城然後由鎮
口隔入微山諸湖其間風濤之洶湧徐呂二洪伏石
之險惡動遭覆溺兼稽程限甚或河決彭城以上漚
勢別趨膠舟之患每至束手自鑿韓莊至梁城百餘
里山岡引汶泗諸水以通泇於是入黃之艘由直河
四知堂文集 卷二十記 三

所入命牖官孔毓貴董其役飭匠庀材創立廟宇三
楹落成之日祀三公於其上庶幾報本返始之義且
俾東南萬艘連檣掛帆於此河者知今日之安而不
蹈危其法施有自來云舒公字時見全州人嘉靖戊
辰進士劉公字 沁水人 進士李公字
于田長垣人萬歷二年進士並書之以告來茲

四知堂文集

卷二十記

三

蒼梧山重建佛殿記

蒼梧山在東海營南城東山北重岡復嶺直抵雲臺南盡海灘有伊蘆山峙其前如小屏障灘地悉荒草分青紅二種紅者不可耕種色易而青則鹵氣淨居民始有報墾者然亦不過什一也聞數十年前由板浦至南城尙需舟楫今陸路矣古所稱桑田之說其信然歟東則煙波浩渺彌望海氣而已山橫而長近城嶺均舊有玉皇閣久廢僧曾觀卽東海人少隸營卒長以行伍不足爲也遂薙髮爲僧一瓢一蓆一雨蓋坐玉皇閣廢址矢志募化爲創復計始結茅繼稍四知堂文集卷二十記 圭

稍支以木石又繼則正殿山門具又繼則二門兩廊廡悉完墻垣階級皆山石甃之甚堅緻乾隆戊寅予巡營至東海都司李華卽爲言僧苦修狀然僧在庵日少多以托鉢他往壬午冬復至僧亦他出乃書願力宏開四字畱付其徒僧歸詣淮謝余曰有志者事竟成僧之謂矣僧曰未也繼自今方將易正殿以琉璃瓦而擴其基他禪堂望海亭及接衆之室計三年內當次第舉予益嘉之甲申初冬復至庵僧從蒲團起迎余遂相與登山頂四望雲臺在縹緲中可望而不可卽其諸昔人所謂三神山歟時海氣瀰漫僧指

極東處謂黃者爲沙黑者爲水然亦依稀髣髴間不甚能別白而曠蕩空杳心目俱怡令人不復作塵世想矣夫儒釋異教而儒每輕釋乃宮牆頽廢釀士子金多慳吝齋縮或累年而工不成僧以一衲子乃能沿門托鉢於荆榛中創復如來殿宇宏整壯麗莊嚴諸相可不謂難歟故爲記其巔末俾涉諸石庶後之若是庵者永不怠開創願力也

南豐縣重新資福寺碑記

僧寺連曼崇麗域中者殆什伯經生講肄之地方汰而變置之不暇奚踵而飾之也世人多營僧寺願願以資福期者殆千詭百幻以競勝於讀書知命之說方力挽而辭闢之不暇奚沿而襲之也然有與作在此而闕繫在彼又必資衆力以成之故假招提度脫以善爲之因而利爲之導則眇眇抵牾之意象亦於是以前涇南豐譚蒼亭農部嘗爲余言其邑東城隅有寺曰資福始於唐咸通中爲藏經書所向名廻龍山蓋取形勝家青龍廻抱之義而前江後衢控周城

四知堂文集

卷二十記

五

之煙井抱河上之泉林殊有一覽江天之勝焉宋元來寺經泮圯至今丙寅幾不有其地賴邑人糾義而復之丁丑夏蒼亭尊人封翁慨然偕同志諸君子釀金董役式擴前模爲堂殿僧寮厨涵者聿新且備復度其餘地而闔闔之歲入租徭爲贍後資寺成仍其舊額志復古也計將有以昭來許乃屬記於余余深維其復古之意蓋以昔之所謂藏經書處卽昔之所藉以窮經讀書處也吾鄉人文之盛屈指南豐黨術膠序間蔚然以興猶將假彼幽棲資吾靜攝將見學術之正以爲世經以爲民與物者同濟則於僧寺何

嫌於僧寺之名以資福又何疑也抑亦蛟龍雲雨吾以通諸形勝之說夫何必不然

四知堂文集

卷二十記

五

溪邊草堂記

古今來詩書之澤衍而益長必有其肄習之所如別墅別業草堂書屋山齋其名不一要皆為子弟講學窮經而設非徒以便遊覽供登眺已也曹溪彭氏與余家世為婚媾而魯源兄弟又至戚而兼世講余少時即嘗館於其家其舊有書屋稍湫隘不能多厠學徒君於是即居址西偏購隙地建文昌閣一所中立講堂前後左右為書室數十楹其結構布置皆一片匠心為之稱勝境焉閣之成以歲癸酉適余從湖撫歸里君請命名余顏之曰溪邊草堂以閣之前一帶

四知堂文集

卷二十一記

三

溪流四時涓涓也君於是延宿學士為之師而課諸子姪於其中其鄉里從遊者聽附焉涵育切劘英才輩出數年中計獲鄉薦者則陳子鳳儀黃子夢琴君長嗣萬槐餘遊膠庠者更指不勝屈而溪邊草堂膾炙鄉邑矣今年春君緘書來以舊書額字久而失真請別書以便鐫刻余重其意既書以復之而僉為之記使見之聞之者知草堂之作蓋為造就人材而非以供無益之登覽今其效固彰彰矣君子若孫又承君意而益肆力於學業則材之成也將有處則為名儒出則為名臣者草堂傳而君創建之心亦與之俱


傳矣

四知堂文集卷二十終

四知堂文集

卷二十一記

三



序

歐陽圭齋遺集序

清江楊



古稱三不朽曰立德立功立言德與功無論已即言之立亦必其德行品概與古為徒然後其言之所宜當時誦之後世傳之縱偶遭燬佚其精光不可磨滅百世後得其片紙隻字猶寶若球璧思以收其散亡而存其什一此在好古之士莫不皆然况子孫之於祖宗乎余學殖淺薄聞見寡陋然於古賢遺集輒深四知堂文集卷二十一序 一

寶愛其有偉人傑士篇帙散佚者每至一地往往加意搜訪思以發潛而闡幽歲乙丑恭承簡命來莅湖湘諸務稍理即訪其鄉之文人學士家藏舊集自李文正公陶忍菴先生數人外殊少藏本蓋楚罹吳逆兵燹最甚故散亡獨多無怪其然也繼又思元賢如歐陽文公乃一代偉人系出文忠公之後當元仁宗之時海宇混一天下承平一時大制作多出其手與虞文靖諸君子并駕齊驅赫赫在人耳目豈無家集流傳奕禩因從書院諸生張梅韓鳴英詢其後人有裔孫國學生啟遠者乃出其家藏抄本

十六卷請一言以弁簡端余取而閱之先生之文殆存什一於千百耳然卷首金華宋公序先生全集廿四卷原文尙存則先生之全集雖不可復見而讀金華之序亦可得其大概矣且即今所存雖於先生僅同片紙隻字而寶光炯炯如夏鼎商彝使人對之肅然起敬非所謂言本於德雖百世而下自有一段精光不可磨滅者耶因為書其訪求原委以復啟遠至於序先生之文則予豈敢

爾雅箋補序

爾雅列十三經不著撰人名氏鄭漁仲疑之朱子亦曰爾雅是取傳註以作後人却以爾雅證傳註趙岐謂漢置爾雅博士於漢書亦無可考顧其訓詁典核非博物君子不能為也舊有劉歆樊光孫炎李巡註已不可得世所行惟郭璞註邢昺疏明葛藟金蟠亦僅依郭註訂正未嘗別有增益補前人所未及故他經多註釋家獨郭註爾雅單行海內千百年來無敢繼作鑿空者易徵實者難也今之學者希心掇獲五經三傳大旨有不能盡涉其藩者况爾雅取材既富

四知堂文集

卷二十一序

三

句梳字櫛達百物之情通九經之路非博極羣書者不能為亦非博極羣書者不能註因其不能而假前人以文其固陋謂鄭氏嘗疑之朱子嘗論之蓋俗學之弊久矣竇應某君獨為人之所不為作爾雅箋補若干卷逃稽遐眚有前人所不及考正而考正獨詳者是難能已今天子經術造士欽定三禮義疏頒行學校君躬際休明得以寬閒歲月服食於古不屑為其苟同予既嘉君之志趣卓越流俗而其書又

實能辨今昔之異同審事理之疑奧異日者流傳海宇人崇實學於聖朝右文雅化庶有助焉爰於退公之暇詳加披誦而序以歸之

四知堂文集

卷二十一序

四

學樂編序

人生而七情具焉喜怒哀樂愛惡欲未發爲中發而中節爲和發不中節雖倚於一偏要不得謂之無是情也則是樂者固吾性之所自具無待於學或因其中中而矯其偏以適於當然之節亦終屬迭施互用似不必沾沾焉守其一情以成膠滯之習反使彼六情者失其因應自然之妙乃夫子之言曰疏食飲水曲肱而枕之樂亦在其中又曰簞瓢陋巷人不堪其憂回也不改其樂周子於二程子亦每語以尊孔顏樂處則聖賢胸中又自有一段真樂雖值可惡可憂

四知堂文集

卷二十一序

五

可驚可懼之境而其浩浩落落者自如且尋之云者蓋以此樂非可易得欲學者有以窺其致樂之由而識其氣象領其趣味以庶幾於所謂浩浩落落之一候若是則聖賢之樂其有二乎非也余嘗反復思之七情一性也性有四端而仁統之仁者天地生物之心不但春夏是生卽秋冬亦莫非生夫子中心安仁顏子三月不違仁其胸中渾是一團天地生物之心故物感情應隨發而各當其節而要其一團天地生物之心則固無一時一刻不流行於胸臆之間然則聖賢之樂亦曰仁而已矣仁性也七情之喜樂愛仁

之發也發而偏從其偏治之此學也全體皆仁而自有其樂有志於道者從而尋之尋亦學也樂無有二而求至於樂舍學其奚得乎余友嚴子又吳篤實君子也少因性褊急多滯卽因病求藥而治於其源因專意尋聖賢樂處非口耳之功殆所云身踐而力行之者與近出學樂一編相示余受而讀之見其晰理精微見地融徹所引先儒語錄俱綴以自得之見有補先儒之所未盡者有救當日立言之流弊者皆自其胸臆中流出卓然可傳此非但嚴子救病之方抑亦天下後世學者入德之門也因不揣固陋弁數語

四知堂文集

卷二十一序

六

於端俾付剞劂以公同好焉

二愚堂劄記序

孔孟之道堯舜禹湯文武之道也火於秦守於漢晦於晉魏唐至宋而始復明則周程張朱諸大儒遞相推闡之功也元則許魯齋吳草廬明則薛文清胡敬齋皆確遵程朱守而勿失惟王姚江致良知以無善無惡為心之體其說顯於朱子角然而程朱之學萬世不易之常經也小之可以守身寡過而大之可以治國平天下姚江之學則高明者之過也守其說而不善變焉將清靜寂滅且流而為釋矣故居今之日為今之學舍程朱莫適也奚君惺齋余雍正丁未同

四知堂文集

卷二十一序

七

年進士也榜後惺齋隸刑曹余隸銓曹壬子並為順天同考官其時各勤厥職惺齋固未嘗以講學自見也已而後先外調遂不復相見今乾隆戊子其嗣子某至淮出所藏二愚堂劄記請序余受而讀之守程朱之緒言融會貫通確有所得而其要旨則約之以主敬夫敬者聖學徹上徹下之功在乎此則致知力行皆著實而近裏深而造之其於道必確有所見而其言也有物矣昔呂新吾先生著呻吟語吾師尹博野夫子又為擇而存之曰呂子粹語付之剞劂以公同好其言純粹廣大而深切著明循程朱之旨而發

所未發有功於聖學不小惺齋此記其庶幾焉故余題惺齋遺照及之重其守正學也劄記之辨姚江別儒釋也所以維世教也然則惺齋豈僅以文章政事見哉

四知堂文集

卷二十一序

八

南寧府志序

南寧內聯欽浦外控交夷鎖鑰滇黔干櫓雲集省西南一大都會有監司重鎮在焉秦漢以來為駱越為桂林象郡為邕管朗陵永寧皆其地也其間標名勝樹奇偉者代不乏人余嘗考之史傳徵之通志欲求柳子厚馬退山亭渺不可得而夜半度崑崙平蠻碑記武功赫濯想見狄武襄之遺烈若夫建敷文書院日進諸生從容講論釋夷民縛化洽百蠻王文成之聲教猶有存焉者歲己未山陽蘇君來守是邦見郡志舊本之缺畧以修輯為己任閱三年壬戌仲秋書

四知堂文集

卷二十一序

九

徒南寧一郡之全書哉爰書數言弁其端俾付梨棗以詔來茲卽以勗蘇君云爾

四知堂文集

卷二十一序

十

岳州府志序

岳州襟帶江湖控扼要害水陸舟車之所會古名郡也

國家重熙屢洽久道化成山陬海澨之區聲教所訖政立事舉凡山川財賦兵防學校人物藝文之類官其土者莫不勒為成書以垂久遠岳之有志由來舊矣然余觀直省郡縣志書所紀山川財賦大概相同而或體裁未善繁簡失宜又或記載失實臧否混淆前人之失抑亦後人之責也且歷時久則事多變事須增益勢亦不得復守其舊由前之說其宜修也存乎書由後之說其宜修也因乎時蓋不獨岳志為然也夫今之郡守即古之諸侯漢時二千石多入為三公任綦重矣乃冗闕者百務俱廢所謂才且能者又簿書期會而外不能復及乎他存乎書者孰從而訂正之存乎時者孰從而附益之其於志也殆如秦越人之視肥瘠耳乙丑夏余奉

天子命來撫南邦問閩省志仍合南北為一即有志分纂以下車伊始尙未之逮既而郡縣各以其志郵至大約苟簡踳駁者多而詳備明確者少推原其故蓋楚經吳逆兵燹典章殘毀考核維艱而當時秉筆

四知堂文集

卷三十一 序

七

者又未必皆好古淹雅之材足以網羅放失旁參遠

取所謂存什一於千百安在其能無憾耶夫省志者郡縣之合也欲省志善當自郡縣始適岳守黃君凝道來謁與語及此則黃守已先一載詳允修輯府志今丙寅夏遂編輯成書取而閱之搜訪散佚訂正訛謬更定篇目增廣事類岳之山川財賦兵防學校人物藝文開卷瞭如較之舊志稱完善矣余嘉黃守之政勤而心勞其有裨於岳非淺鮮也爰書數言以弁其端并以告諸郡守使知余他日省志之修蓋不能無望於衆腋之集焉

四知堂文集

卷二十一 序

七

賑紀序

荒政昉於周禮歷代名臣因時著績其成法多有可採至我

朝則

聖相承誠求保赤歲偶不登卽蠲賑頻施

恩膏疊沛務登諸祗席而後已蓋

九重之宵旰憂勤爲史冊所未有而羣工之宣德達情靡畫區處亦法日以備而事日以詳乾隆某年畿

輔河間天津二郡告災

天子惻然已飢

四知堂文集

卷二十一 序

三

降詔發通倉之粟截南省之漕先事預籌至周且備時桐城方問亭公方任清河監司奉制軍高東軒先生命與天津觀察陶未堂公實總賑務公受命以後遍歷郡縣慎選官吏詳覈戶口嚴戢刁頑就古人之成規與現行之事例參以地方情形士女風氣殫心竭力講求周備上之制府者曰議曰詳下之郡縣者曰檄曰諭搨之鄉市者曰示曰禁嚴遺濫明賞罰吏奉其職役遵其教身所未至而心至之心所未至而法至之兩郡災黎無不慶更生者蓋公與未堂先生皆本經術爲吏治具仁慈惻隱之心而不以姑息長

刁風有綜核幹辦之才而常於法內留餘地故九重念切民隱

特遣大臣查覈而一無遺濫噫此可以見公之實政矣今公總督畿輔已若干年一切宣布

德意休養生息者過於直省豈特河間天津二郡家

頌戶祝已哉顧念拯災恤患爲當官要務手所經畫非及時纂輯恐久而散佚於是公餘之下取昔年賑

恤事宜詳加記載命曰賑紀刻成與余相遇於津門授以一冊且命弁其首余受而讀之見公之於是役也仁之至而有義以裁之法之窮而有意以通之體

四知堂文集

卷二十一 序

四

要既得纖悉必詳師其法舉而措之無弗良也師其意神而明之更無弗美也豈惟牧民著蔡卽一介之士留心當世誦而習之坐而言起而行可矣余謬辱公知不敢以姍鄙辭謹序而歸之惜乎余老友未堂不及見此書之成耳

漕運則例纂序

國家定鼎燕京歲漕東南粟四百六十餘萬石貯京
通各倉供度支其官吏之置設軍屯之清理丁男之
勾僉米粟之徵兌船艘之修造倉廩之建置軍旗之
養贍與夫運道之修防陂湖之蓄蓄要地之盤驗沿
途之催償空重之程限風火之調劑奸盜之禁飭并
災傷之補救臨時之截撥創制立法一定不易利弊
興除復隨時而斟酌之政繁軍儲體關重大條例之
垂至詳且盡記載流傳舊有漕運議單雍正十二年
御史臣夏之芳請纂全書經部議准纂輯全書定以
四知堂文集卷二十一序
五
十年一次相續編輯綱舉目張鉅細秩然矣顧篇帙
浩繁未經板行謄寫之本止及倉場總漕兩衙門各
省糧道間有轉抄其餘有漕州縣衛所官弁艱於購
覓定例未盡曉然胥吏不無因緣滋弊使者恭膺
簡命出總漕儲十載於茲公餘即將全書例案逐加
校核刪其繁冗歸於簡明補其缺畧務臻詳備凡三
易寒暑成書二十卷名曰漕運則例纂事增於前而
文損於昔庶幾便於緝覽因付剞劂通行流布俾司
漕者得所持循異時卽有應增減者亦得舉是編而
考訂於漕運不無小補云

四禮從宜序

風俗之厚薄由禮教之盛衰三代聖王時禮教大行
比戶有可風之俗抑何盛也秦漢而降此意蓋少衰
矣
國家統一區宇治定禮行功成樂作至於今日益爲
明備我
皇上睿慮周詳
特命禮臣纂輯士民冠婚喪祭諸禮另爲一編頒之
中外所爲化民成俗以臻一道同風之盛意至深遠
顧余嘗思之先王緣人情而制禮所謂天之經也地
四知堂文集卷二十一序
五
之義也人之紀也其一切委曲繁重皆出於天理之
自然而不容已第時代異制土俗異宜往往捍格而
難通夫與苦於繁重格於往制而禮廢毋寧參於今
制稍節繁文不失古人之意而禮行乎然而無以倡
之則上作而下將不應古稱世祿之家鮮克由禮則
欲漸革其流俗相沿之失而徐動其秉禮度義之心
其在士大夫爲之倡乎因於案牘之暇取三禮家禮
呂新吾先生四禮翼四禮疑蔡聞之先生四禮輯略
諸書參以會典律例斟酌損益輯爲四禮從宜一冊
屬長沙太守呂君肅高詳加釐訂付之剞劂莫此邦

紳士共相率循樹之風聲以爲齊民先將禮行而俗厚所謂比戶可風者不難新至焉其於聖主化民成俗之至意庶幾仰副歟是所望於知禮者

節婦傳序

國家設立旌節之典微顯闡幽原期有美必彰所以風示海內維持名教意甚盛也而獲與旌典者恒十不二三良由僻境窮檐伶仃執節爲有司廉訪之所不及又或子孫式微益復沉響韜光莫由上達余甚憫之思欲采其事蹟人爲立傳錄而存之亦可著生者於鄉閭慰死者於地下而宦海勞人久疎硯畝此志卒未遂歲戊辰以憂居在籍於里族姻隣中隨處咨訪有得輒錄復轉屬親知互相遴採風聲所布郵致漸多且有已與

旌表而其子若孫願得一言以垂志乘者丁丑之冬龍泉周子牖如自衛過淮謁余漕署之西軒乃出十年來所製節婦傳使校讐付梓期以隨得隨續寒微不遺俾採風者有所據以登之彤管激揚貞烈其於國家風勵維持之意或不無少補云

鄂隆中先生古文序

國初吾西江以古文擅名者推寧都三魏而叔子尤傑出當其時壇坫主持風聲遠被雖老師宿儒有不憚千里間關負笈請業者而吾邑鄂隆中熊養及二先生皆及叔子之門養及先生以布衣老先生曾爲鉛山學博亦未竟其用而卒余與先生同里聞先生時夫幼嘗受業鄴氏之門淵源可溯余少時聞先生時藝亟見稱於臨川諸先輩古文更號專家邇來風氣日下後進之士尚務舉業制藝且不免靡靡隨時何論古文以故先生文傳習者少無由得見其藏稿歲四知堂文集卷二十一序 九

戊辰己巳間以憂家居從其裔孫再三求索乃得古文殘稿若干篇其中壽序居十之九以先生之嗜古窮經學有根源著述等身何況於文卽文亦必各體俱備寧止區區祝嘏應酬之作而所存止此豈先生當年未嘗手自編輯或不免水火之厄耶抑後人不知手澤可珍聽其散佚亡失而不復收拾耶然卽就此數十篇玩之毋論與金允初書諸作謹嚴博大不可磨滅卽祝嘏諸篇其議論識解原原本本上下古今而卒歸於道亦純乎昌黎廬陵氣息讀之者可以徵先生學之富養之純而非小材薄植者之所能希

其萬一余於是嘆文章之傳不傳蓋有數焉要其至者則雖散失遺亡遏抑掩閉其耿耿不可磨滅之氣終從敗篋敝篋中久而發其光華遇好古者索而得之吉光片羽珍同琪璧然則先生全集雖不可見就其現在者未嘗不可以傳先生也抄謄之本恐易遺失因授之梓以垂久遠他日得養及先生文當合而梓之爲里中黎獻云

四知堂文集卷二十一序

三

盧大川古文序

文一也而有古文時文大約散行與排偶異其體又帖括爲制科所必需而散行文如書傳序記說解碑銘之類非經生所急故士自束髮受書卽學爲時文以應舉講究揣摩每不遺餘力古文則非天才英異力能兼及者多置而不論而吾友盧大川生平獨喜爲古文余與大川交自肄業豫章書院始時院中諸君皆學使者拔取高等意氣才華爭相雄長每一會課恥居人後卽旁觀者亦以甲乙議所學優劣而大川淡如也窮年矻矻手古文一編自先秦兩漢下四知堂文集卷二十一序

三

三

簡端將寄其子若孫使付剗劖俾天下後世知大川於古文非苟作者并以見余之蹉跎歲月爲滋愧也

四知堂文集

卷二十一序

三

知稼軒詩序

詩言志歌永言言為心聲故詩者肖乎其人已其
人而恬淡樂易詩必和以平其人而曠達高寄詩必
超以遠其人而慷慨磊落詩必激以壯其人而坎軻
困頓詩必悲以鬱其人而耿介修潔詩必清以俊其
人而瓌奇詭辨詩必險以幽詩人無論已高祖項羽
豈操觚者然大風一歌豁達大度猶可想見拔山一
詠叱咤嗜啞至今如聞由此言之李杜並稱李必不
能為杜亦不必為杜杜不能為李亦不必為李下
至韓白蘇黃莫不皆然蓋可知已每見論者輒高漢

四知堂文集 卷二十一 序

五

魏而薄六朝進初盛而貶中晚優漢唐而絀宋元其
說固然然區以時代以為今必不古若將明以後遂
無詩乎此又逆知其不然者也余友王芝圃先生詩
人也自少性耽吟詠即已出語驚人為之益久詩益
工余甲辰始得交先生時先生已捷南宮入詞垣余
以丁未成進士隸銓曹旅館聚首無間晨夕每得句
即彼此倡和然先生天才敏瞻動輒琳琅滿幅余詩
先生無不和余和先生者十之二三而已先生為詩
不拘一格抒寫胸臆求工而止大約清新俊雅是其
獨造今遍讀之所謂和平超遠激壯悲鬱幽險之音

亦時時而有然清俊其本也數者皆其清俊之兼及
而旁溢也蓋先生人品介潔不染一塵性喜靜無事
則焚香獨坐閉目凝神有所觸則見之於詩故詩與
人肖余以是益信人之為詩但至於讀其詩如見其
人則詩已工正不必問其孰為宋元孰為中晚六朝
漢魏也先生都下詩余多見之今乃讀其全集蓋先
生歿已十年矣撫卷悽然不能起先生而上下今古
唯詩如其人一語敬質先生九原有知或以余言為
不謬耶

四知堂文集 卷二十一 序

詩

邊蓼山詩集序

吾臨文章之盛莫過於宋其時三劉三孔與王荆國歐陽廬陵曾南豐蘇眉山兄弟輩並驅中原照耀千古數先生不僅以詩傳而詩無不佳所謂餘事作詩人也元則范經歷栲杜處士本專以詩鳴一時有明如金文靖公楊兼山公皆深於詩

本朝初年以詩名者絕少余嘗疑之豈山川之氣鍾於前而靳於後耶抑老成凋謝師承無自有志之士猝難振起耶今讀蓼山集乃知名山有人風雅未喪特傳之自有其時耳蓼山生玉峽姿稟穎異少即能

四知堂文集

卷二十一序

三

詩聞施愚山先生以海內宗匠監司湖西開白鷺書院招致一時宿學鴻才相與講學論文上下古今蓼山往從遊焉業日工名日噪愚山先生甚器之使其得追趨承明之廷優游侍從之班作為詞賦詩歌鼓吹休明宣揚盛業其聲價當不在一時文人名士之下乃以績學鴻文僅舉壬子鄉魁屢上公車卒不第謁選得太平令又以不及罷歸卽百里之區亦未獲少展其尺寸噫蓼山之遇可謂窮矣昔歐陽公序梅聖俞詩謂詩以窮而後工蓼山之詩非以窮工者而遇終窮豈真詩能窮人歟蓼山平生著作等身有韻

之言亦甚富而不自存稿歿後其子某乃檢廢篋輯而編之得詩僅如干首殆所謂吉光片羽存什一於千百者耶今取而玩之其法律原本工部雅不欲為南朝艷體雖未遽上擬漢魏盛唐然音節和平格力森老風味蘊藉駸駸乎靳至於中晚矣余因以嘆文人學士其詩文著作卓然可傳而以窮困放廢掩抑未露者代不乏人如蓼山者使非其子若孫知所珍惜輯而存之後之人亦烏從知蓼山之為老詩人哉余得蓼山詩既已釋吾臨

國初無詩人之疑且繼自今繩繩繼繼聞蓼山之風

四知堂文集

卷二十一序

三

亦可以奮而興起俾宋元明諸前賢不致嘆於莫為之後則蓼山此集承啟之功非淺小也矣

謝鵬飛詩序

謝君鵬飛積學能詩困於一第僅以明經司鐸虔州之興國前年春以詩一編示余余再三讀之不禁慨然於君之遇也君之先人負才名而貧甚抑鬱坎軻卒以諸生老生君兄弟三人伯子亦諸生早卒嗟乎以君父子兄弟俱負才而數奇不能大顯時耶命耶君嘗賦感遇詩云唐世重科目李杜何曾與其所感深矣然余觀詩莫盛於三唐新唐書藝文傳詩人之得著名者蓋寡而李杜則彪炳焉由是言之士之文止論其傳不傳耳奚論其遇不遇哉余每思廣文一

四知堂文集

卷二十一序

三

席雖號冷官然升斗之糈足供事畜有詩書講習之樂無簿書酬應之煩時或一卷流連歌聲出金石茗椀琴樽之外風月一牕花影一簾陶然自適矧興國自有宋程大中先生作宰後流風善政猶有存者以君訓士彼都仰追先型推廣教澤又不徒在區區語言文字間士不得志苟能振興文教造就人才亦足樂矣雖不遇猶遇焉君性孝友重節義嘗過虔州拜楊文正公墓下徘徊久之傷墓就傾圮力為修葺嗚呼文正公為吾清江先達文章大節卓然天壤余嘗輯文正公遺文欲為付梓而君又能修文正公之墓

憶君誠與余有同志矣故因序君之詩而併及之

四知堂文集

卷二十一序

三

雨樵先生詩集序

吾兄雨樵先生天性高邁不能隨俗俯仰卽讀書亦畧觀大意爲多不能終日向窓几間效文士作咿唔佔畢聲至其爲文則援筆立就動中竅會卽專家無以過生平不以詩名然見人吟咏輒喜屬和天才濬發可以一而再再而三絕不知人世有棘手事詩成以不介意少存稿近其孫懋瑾始收輯散佚得詩若干首彙錄呈先生先生曰余老矣不欲復爲此狡獪技以寄示紱爰校其字句而授之梓憶二十年前會論先生詩殆天質自然不煩繩削而自合者先生領

四知堂文集

卷二十一序

无

落葉詩小序

歲丙戌督運回舟至德水清源間時已深秋兩岸木葉半丹黃間有委地者因以落葉命題課諸孫詩雖能成律而窘於邊幅爰作數首示之水牕多暇結習未忘觸緒引伸不能自己至任城陸續共得詩二十首以示同舟孝廉魏貢來爲斟酌其字句多有更易抵署後復以屬金太史紫峯訂正紫峯又爲大加刪易內如後來居上積薪同句頗現成而苦難出句紫峯爲易逝者如斯流水似則渾成瀏澆與對句工力悉敵矣又其改易處有稍遜原本者亦仍用原本蓋

四知堂文集

卷二十一序

三

之今再四諷詠風格實在樂天放翁之間向使先生肯降心鑽研當不止是而先生不屑屑也噫此其所以爲先生歟抑余嘗讀東坡穎濱二先生詩填篋倡和不一而足而聯床風雨之句時惓惓焉蓋仕宦踪跡合少離多友于至情不能自己耳以余之黠劣敢望子由而先生友愛則與東坡無異讀先生詩真令人時時想見風雨聯床也

文字公物止求一是庶幾古人往復相商不厭詳盡之意特是紫峯貢來於余皆爲年家後輩至商榷文字獨能執持古誼無一切面諛虛奉之習則余詩雖無足觀而紫峯貢來朋友切磋之雅有足多者矣故錄而存之俾諸孫輩知讀書須求益他山非衰暮之年尙欲自矜聲律也

送江拙齋赴芮城幕序

士生斯世非功名之難而氣節之難氣節不立雖位至將相與草木同朽耳氣節苟立卽名位不如人或起而復蹶蹶而至於窮愁困頓以終其身要其磊落俊偉之槩千載下猶想像其人爲之奮發興起矧一時交遊同輩乎世稱李白爲謫仙人其供奉翰林也以賀監薦明皇眷寵特隆每欲大用之卒以清平調詞爲高力士媒孽遂終放還使白稍委蛇其間通顯可立致而乃指斥妃子奴視宦官絕不以介意嗚呼倘所謂士氣非耶余交江子拙齋二十餘年矣以拙齋之才宜馳騁館閣著作承明而一試江津蹶不復起至於今潦倒長安無以爲生又復因人作計遠適絕塞可不謂窮乎猶憶拙齋嘗爲余言少時應童子試自辰至午一揮九藝立就邑令驚爲奇絕及案發令中他賄抑置第二人來歲復試則止成二藝藝各三百字令甚訝之然素知其能文仍與覆縣例覆試令必具酒食諸典覆者志不在食稍舉杯箸卽擲管吟哦頻頻視晷影長短拙齋獨恣飲啖若不知爲試來者瓶罄并羅他座酒置席上舉杯獨酌旁若無人司事僕吏雖怪之不敢靳又恐其醉不能文促以開

四知堂文集

卷二十一序

三

卷執筆則睨視而唾曰吾昨歲頃刻九藝侯抑之若

輩所知也今多作何益言畢頽然就榻及試者畢出鼾睡之聲猶達戶外僕吏扶而醒之飄然竟去不復及作文事由此觀之則太白酒樓醉臥沉香賦詩使拙齋當之或未必不可仰企也然則拙齋豈非氣節之士乎哉且余觀今世吏之久於其任者多脂韋隨人靡靡無骨拙齋不能改其童試之槩其不合於江津也固宜就令復起亦將與向之令江津等耳無他富貴之念輕而氣節之志重也太白平生以詩酒自豪今拙齋每日必飲飲輒醉醉卽脫帽狂吟雖未知視太白何如要古來曠達不羈嶽崎歷落之士其近之矣於其行也爲述余之所以交拙齋者而爲之序

四知堂文集

卷二十一序

三

吳春山所欣錄序

古今之書不勝讀矣即使終日埋頭遐搜廣覽而過而輒忘亦與未讀者相去無幾故善學之士沉潛涵泳就古今人之書剖晰新義旁通遺旨卓然自成一家言足以信今而傳後其上焉者也次則口誦心維欣然有合隨得隨錄以千百萬古今人之言取精摘要合而成一人之言要其旨歸亦與自成一家者等松江吳君春山授徒於余門人周牖如家牖如為洪令因病假歸依余於淮上因得交春山為人恂恂醇雅心貌俱古自是公退餘暇每喜與春山語居三年四知堂文集卷二十一序

書

人品矣學古之士能為其上焉者固善否則寧為春山

四知堂文集

卷二十一序

書

羅氏宗譜序

戊寅之夏余督漕北上得少司農羅公方城書以宗譜將成屬余序之且謂余嘗四治楚而楚中羅氏又系出我江右之吉水戲下聞見不間於秦越必能言之親切而著明也余曰譜史例也雲耳不及見其高曾則譜尙焉大都封建以還國以爲氏氏於天下初則抵久則枝愈久而愈蔓藟其苗裔將各氏其氏而不可以襲其初譬之錯流參派悉與之上沂星源安得不河漢其言也世之作譜者不祖帝而禰王則裔賢而系聖遙遙之胄昔人無取焉羅固祝融氏後裔

四知堂文集

卷二十一序

五

封宜城徙枝江至周末而居長沙以故君章才藻世欽湘中琳瑯漢唐而降盛爵榮名難可觀縷而茲司農之譜乃斷自宋寶祐時有澗谷公諱琦人稱四貢元者系出江右之吉水教授潭州稱鼻祖焉是澗谷以前其在吉水而顯且賢者皆例於祧而違及其他其以徙家茶陵歸澗谷者紀其所自始也近而及信而有徵也二世曰默是爲六二解元三世曰在治是爲百五國論四世曰式金是爲十九上舍上舍徒潭之茶陵自是聚族以滋生四子伯龍仲驥奎光奎祐昆季航航影英揆藻佑之子亦四人洵澄澗汶美姬

瑤環瑜珥而汶於有明洪武初累官禁衛斷事嘗平

反寃獄人尸祝之厥孫琥歷官南陽三衢別駕以治

行第一擢農部郎中英宗朝勅命褒錫及於所生乃

復遷長沙生子九人蓋鎧鐔鈿釜登鑿鑿析地以

居則茶陵參半實柝聞之鄉其最顯者鑿以名進士

給事科曹宏治初疏陳三事上嘉納焉授廣東叅議

遷四川布政所至爲人民併宇以弗附瑾璫落職璫

敗起巡撫蘇松尋致政歸與父琥俱年登大耋尤今

昔稀有者鑿之後九傳曰源浩源漢皆起家進士浩

官於滇爲觀察使漢卽司農公由詞館歷侍御史擢

四知堂文集

卷二十一序

五

倉場制府文章政事益振風矩焉而長之與茶生齒皆稱麗億屢朝恩命奕舄纘戎人以爲組綬之傳世濟其美余以爲栢捲之澤世衍其馨然則羅氏之輯是譜也累仁積慶爲其祖若考紀世德之清芬而模範子姓故斷自占籍潭州之祖始使茶長毗倚之鄉得近而考先人創造之遺跡以繩其武於弗替而世之所爲帶令於狐係自於閔者當益凜秋水望洋之誦持是以復司農譜史例也斯良有合焉否耶

曹溪彭氏族譜序

譜牒之作所以尊祖敬宗而收族也吾鄉夙敦詩禮大約家必有譜獨曹溪彭氏缺有間焉蓋鼎革之際洊經兵燹遺文散佚無可復尋迨承平日久生齒漸繁而老成凋謝前之世次不能盡詳者有矣中間一二有志之士未嘗不思有所纂輯以垂後世而終以世次難稽遲回不決且私幸同姓異派或有記載他日庶幾遇之以決疑而徵信此仁人孝子之用心誠未可厚非矣然執是說也將因一二代之無徵遂置譜牒於不纂乎夫後之視今亦猶今之視昔今之無四知堂文集 卷二十一 序 七

可徵者一二代耳及今不存其可徵者世益遠年益湮將後之無可徵者寧僅一二代而已乎則今日彭氏支譜之作其容已乎宗源魯源侶芹諸君余姻也間過余請政余曰闕疑聖訓也史闕文孔子善之春秋之郭公夏五非明徵歟家譜之作亦體此意而已諸君善余言諮詢編綴不一載而書成仍丐一言以弁其首余取而閱之則支祖宣昇以下昭穆釐然簡而有法惟自始祖榮夫以下宣昇以上世次無考雖上世琬公分關一紙僅存其所載兄弟三人琬琪琬姪二人宣昇宣舜然昇舜所自出終莫能指諸君亦

遂缺之不敢稍以己意附會焉噫可謂慎矣昔之人有言曰尊祖故敬宗敬宗故收族自宗法不行而譜牒重固已然自得姓受氏以來遠者數千年近亦千餘年其可知者大都遷祖支祖爾書闕有間而強為援引識者非之今彭氏於可徵者著之傳疑者闕之為忘其先人乎抑懼誣其先人乎夫惟疑能闕而後信愈可徵也彭氏之譜其庶幾乎故樂為之序而歸之

四知堂文集

卷二十一 序

美

荆林聶氏族譜序

譜之作準乎史故家之有譜猶國之有史夫子曰吾猶及史之闕文蓋善之也春秋一書聖人所手定而郭公夏五之類有疑必闕則家之有譜顧可不慎乎乃世之修譜者往往旁溯遠引牽合傳會強爲世次取古之聞人達士曰某某吾幾世祖也某某吾幾十世祖也其意未嘗不欲以信今而傳後而遙遙華胄早爲有識者之所鄙故余嘗持論以爲家譜之作當斷自遷祖始遷祖以上可據者存之可疑者闕之牽合傳會俱可毋庸蓋三代以還賜姓受氏日衍日繁

四知堂文集

卷二十一序

三

而以地以官以名之類又紛然各出且年代久遠變革屢經或仕宦流寓或牽車遠出或隱姓藏名或因難改易流散轉徙地北天南其間有異姓而同祖者矣有同姓而實非同祖者矣若每一姓必溯之唐宋以前及於漢魏甚或及於周秦以上以求世次井然不混蓋勢所必不能爲之事夫以勢所必不能之事而必欲牽合之傳會之尙可謂之傳信乎茲觀荆林聶氏述譜源流序與余居嘗持論不謀而合噫可謂慎而良者矣聶姓莫盛於吾江右江右又莫盛於吾邑荆林於吾邑尤爲望族代有聞人其先貴洪公於

宋末自撫州綦子巷卜居板橋傳四世再徙荆林荆林去板橋才二里許則貴洪公實荆林之遷祖也自貴洪公至今歷五百餘年傳世一十有八世次相承瞭如指掌此卽余所謂斷自遷祖始者可不謂信歟至自貴洪公以上有汲公舊序一篇直溯至漢文帝時其世系亦若鑿鑿可攷然參以所得永豐聶雙江先生所紀宋時鈔本中間世系有相同者卽有截然不同者且有官同而名異者嗟乎此非余所謂歷秦漢至今欲求遷祖以上之世次井然不混勢必不能之事乎假令主其事者稍有遷就傳會之心必將奉

四知堂文集

卷二十一序

四

汲公序爲拱壁而置永豐所紀於不問矣今荆林之譜序汲公所述者於前并附雙江先生所紀者於後且其言曰歷世久遠異同雜出倘可互証不妨存參又曰使仁人孝子知人論世者有所折衷噫所謂闕疑不當如是乎夫闕疑而後其不疑者皆可信也可信而後可以傳之久遠孰與夫牽合傳會徒博識者之鄙笑乎哉余於是譜蓋深嘉之故不辭爲之序藉以告夫世之修譜者

四知堂文集卷二十一終

清江楊錫紱方來著

序

韓山書院課藝序

人之爲道有君子有小人文章亦然深究乎孔孟朱程之理行以王唐歸胡之法君子之文也目不覩宋儒之書神不游先正之席務爲軟美纖巧以取悅時俗此小人之文無足觀也潮郡山水秀特其科名較盛他郡地處邊遠又老成凋謝士生其間雖不乏聰明穎異而能無所師承卓然自立者不可多得噫此四知堂文集

卷二十二序 一

豈盡士子之責哉太守龍君下車以來卽以振興文教爲已任於韓山舊址營建書室拔聚生徒擇學博翁杜二君爲之師每課試親定其醇疵而甲乙之士之來學者戶外屢幾不能容今年春余以攝篆至郡閱龍君所鐫課士錄雖詣力未逮古人亦庶幾克自砥礪不隨俗取好者嗟嘆太守振興之功爲不淺也適龍君以公事赴省值課期司鐸者以丹黃請余自顧學無根柢且年來鹿鹿一官益成荒落何敢論文然地方長吏有造士之責不得以淺陋辭閱課三月得文之佳者十餘首因去潮迫遂付諸梓以續原刻

之後且進諸生而告之曰諸生文佳而梓其喜歟喜生驕驕生怠吾恐諸生君子其文而猶不免小人其心也諸生見人之文佳而梓其愧歟愧思奮奮思勉吾樂諸生有君子之心而將終不爲小人之文也噫文章雖一藝而可通於道君子小人之分諸生其勉乎哉

秀峯書院課藝序

制義其有準乎哉風氣遞殊家數各異名稿坊刻無慮汗牛充棟要其耐人循習可式久遠者則我

世宗憲皇帝釐文體曰清真雅正大哉

聖謨此其準矣蓋不清則濁不真則偽不雅則俗不正

則詭衡文者懸清真雅正以為的則濁與偽俗與詭

在所屏士子知濁與偽俗與詭不可為則必如司馬

子長字而比之句而櫛之不中象黍之度不既其情

此一定之理也雖然求至乎是蓋亦難之昔鹿門稱

昌黎文得諸古六藝及子輿七篇為多柳州則間出

四知堂文集

卷二十二序

三

乎國語及左氏春秋諸家歐陽子序次與史記畧相

上下其奏疏劄子於漢可方晁錯賈誼於唐可方魏

徵陸贄然則操觚家必精研乎四子六經之旨力探

乎濂洛關閩之奧馳騁乎子史百家之曠夫然後胸

次拓黑白分閩中肆外蔚然煥然機杼獨闢曰清曰

直曰雅曰正如僚之於九基之於射庖丁之於牛神

乎技矣莫可端倪反是而求至猶北轍而南轅也其

可得哉且天之生人也不能人賦以穎絕之資人所

遇又不皆賢父兄師友淵源有自薰陶切劘也矧窮

邊絕微瘴雨蠻烟之區家鈔藏書書無善本更或日

未視其帙耳未悉其名固鄉染習既難自開風氣傳道解惑又無從盡獲師資此清真雅正一軌於法所以難也

國家重熙累洽教澤覃敷令各省會置立書院資以膏火廣為教育古稱菁莪棫樸不足過也粵西舊有秀峯書院使者蒙

聖恩撫綏茲土自維學殖淺薄不足風勵多士而鼓舞振興責於焉在爰與督學沈礪齋先生拔一省之秀肄業其中延師督教之其教法一視朱子白鹿洞條規俾諸生潛心實學植品修行其於文則懸清真

四知堂文集

卷二十二序

四

雅正以為準使求所以至之而諸生亦皆曉夜孜孜月異而歲不同近遠得文如干首先付剞劂雖文章能事未盡於此亦庶幾不戾於清真雅正之意焉且使者之為是刻也非導諸生相競以名也誠欲藉以風示僻遠俾觀感興起爭自濯磨歸於一道同風之盛抑先正有言學者博誦云乎哉必也貫乎道文者苟作云乎哉必也濟乎義諸生肆力於古模經楷史其益進乎是以仰副

聖天子寤寐賢哲之意是尤使者之所厚望也夫

麗正書院課藝序

淮安介居南北之間士風淳厚修禮讓而敦詩書前
品以文鳴世者衆矣近代以來周白民王素修邱庸
謹劉萬資伯仲同時奮起制義流播遠近類皆能不
詭流俗卓然成一家言惜其命與時違不見售有司
而卒老於牖下余持節來淮諸君子已先後謝世讀
其文未嘗不想見其人也今之學者大抵徃於場屋
揣摩之習不務根柢而事剽竊匪獨唐宋以前文字
束之高閣卽有明以來大家傳稿亦皆屏棄弗閱每
遇鄉會墨卷出則爭趨之以求速化見有持先正典
四知堂文集卷二十二序 五

型者且相與姍笑之究竟遇合有時窮達有命抗塵
容而走俗狀卒難倖倖萬一其文亦如朱槿朝榮不
能持久是何如不務苟得自出機杼者之縱不能得
於今猶庶幾傳於後也余於書院肄業諸生必諄諄
以慎操持敦品行熟復經史爲先務而其爲文章也
謹遵

聖王清真雅正之訓融會先儒語錄以追聖賢立言
之旨理欲其明而不尙沿襲詞欲其達而不尙冗煩
至或寒澀以爲清簡陋以爲真靡曼以爲雅審拙以
爲正則又決擇必嚴不欲徒飾形貌貽誤學人也年

來諸生亦頗體會余意爭自濯磨院長金紫峯太史
又善啟迪咸樂得以爲師一切世俗浮夸矜躁之習
洗除殆盡課藝積久成帙卓有可觀因與院長細加
釐定擇其可存者授之梓將以質之海內知文者余
聞白民諸君子學業之所以成資於四方友朋講習
之功居多其時如方樸山王松渠翁林諸先生客遊
淮上諸君子相與往復切磨無黨同伐異之私有賞
奇晰疑之樂故能屏絕時趨粹然一出於正今之遊
淮者未知尙有樸山諸公其人否或是編之出有能
指陳得失而以正告者豈惟諸生賴之余與院長且
四知堂文集卷二十二序 六

將額手以慶而冀幸其嘉惠後學無窮也因弁數語
於簡端俾閱者知是編特爲請正受益地非若俗學
者沾沾以釣名獵譽爲榮也嗚呼惜不得與白民諸
君子商榷於其間也

楊兼山先生遺文序

吾清邑楊兼山先生當勝國末造間闢閩廣之間鞠躬盡瘁卒以一死殉國其立身大節已入明史列傳先生之傳原不必以文顧其文章在天崇時亦與吾西江五家鼎峙其已見於安雅堂諸選本及鄉會墨藝毋論當時膾炙人口卽至今學士家亦奉爲拱壁聞當時定五家者會擬及先生後復以文多蘇門氣息乃入楊澹餘先生維節夫蘇氏父子爲唐宋八大家之三其文與韓歐諸公後先輝映後有作者正慮不能得其氣息爲門外漢果得之矣尙何文之不佳

因知堂文集 卷二十二序 七

而當時以此乙先生亦可見持論者之嚴不過於韓歐曾蘇諸公家數微存區別遂舉以例先生而先生文之卓然可傳與五家原無高下其定評自在也不然豈蘇門氣息轉爲文章之病乎哉先生制藝在當日自有全稿不止於散見諸作特兵燹之後無復存者余爲先生邑人少時聞父師訓凜然先生之節概爲古人所難能於安雅堂諸選本內讀先生文尤往復不能已於懷思見全集以爲楷模訪之其家不可得偶於邑中老諸生廢篋內得殘文數十篇傳寫之本以訛承訛破壞處至不可句讀而玩其文則與散

見諸作實出一手因悉心校勘正其錯悞間有遺句則以己之心揣先生之心常一句不憚百回想遂亦若有神助而得之者此或思能通靈非後生末學輒敢參以己見也夫先生原不必以文傳卽以文如散見諸作已足以傳先生正不在增多闕靡而此數十篇者乃於百十餘年後旁搜而得之亦可徵凡文之至者其精尤必不可磨滅雖閉過之久而終有以自見於世况大節炳日星如先生卽單詞隻義且以吉光片羽珍之今其存者尙有數十篇而不急圖所以流傳乎哉因不揣固陋謬加評點付之剞劂用公同

因知堂文集 卷二十二序 八

好并誌仰止之私云爾

張葯房遺稿序

國家以八股取士士亦矻矻窮年殫精畢慮以為之
然或為之而工或為之而不工或為之而售或為之
而不售或為之不工而售而且壽或為之工而不售
而并不壽功名時命之不齊若有不可知之數矣而
君子則獨為其工者何也蓋可知者文而不可知者
數以其可知者信之已而其不可知者聽之數而售
不售與壽不壽非所計焉張子葯房余生死交也少
時為文汪洋縱恣英氣逼人補弟子員後一變而就
慶歷之機法又一變而就歸胡之紀律又一變而以
四知堂文集卷二十二序 九
歸胡之渾灑出以章羅之沉刻迨其後也沉酣醲郁
根柢深厚乃以歐曾之矩矱發摠其上下千古之識
議論見解灼然於古今治亂興衰之故而一折衷以
關閩濂洛之理而葯房之於文亦既工矣文工而售
宜也非倖也文工而售而且壽亦宜也非倖也乃葯
房年未四十不一第而賚志以沒不惟不售抑且不
壽嗚呼所謂文者其尙足恃乎嗚呼豈真有數存其
間乎雖然葯房之文自在也向使葯房為必售之文
雖幸而售與不售等雖幸而售而且壽與不壽等知
此者其知葯房之文乎且知葯房之文之所以不必

售而且壽乎余學問文章萬不逮葯房而居然拔科
第通仕籍余滋愧矣

四知堂文集

卷二十二序

十

張葯房遺稿後序

余刻張葯房遺稿成或問於余曰張子身未登於仕籍名未噪於海內文雖成而行未顯子何折服之深也余曰張子有道而文者也子不知張子之文烏足以語張子之行雖然試爲子言其槩張子爲人醇謹而寡言重厚而不佻少孤事嫡母生母曲盡孝道壯歲學成而譽起於鄉母戒之曰吾老矣兒或一第必不可赴公車張子凜焉歲丙午

天子詔州縣學各舉孝友端方之士學使者沈公首以張子應使三至廬促行張子惓惓以母老爲念上

四知堂文集卷二十二序

上

書力辭不就書載古文集中張子仕進淡然而務爲有體有用之學其區處家庭瑣屑及料度時事即隱寓其經緯繁劇之材與鎮靜先定之識常曰今人所憚爲者邑令耳吾幸而遇當請爲邑邑令與民痛痒相關得一二事利地方益百姓可矣清要非吾願也其處友也或資其學問或取其品行志在益身心廣見聞故能畧短取長令聰明傲岸之士卒無凶終隳末之嫌噫是則張子而已矣

周蓼圃太史時文序

制藝一道自有明迄

國初其升降源流經生家類能舉似之而要其可以傳永久者必理不可易而氣得其真舍此則雖或邀譽一時不久而聲消跡泯無復過問者

本朝太史俞寧世名家之選歷宋明至我

朝僅得百二十人亦可知文不易爲而傳文尤不可多得果可傳矣雖或遏抑掩蔽於當時而其靈光精氣不可磨滅千百世下有目者猶能別識而寶愛之斷不至與浮艷之文同歸於盡此天下之公非一人

四知堂文集卷二十二序

上

之私也淮陰周蓼圃先生余丁未同年也先生入詞垣居京師余隸職銓曹未幾卽出史兩粵兩湖計三十年中止先生典試粵東時一晤餘俱契濶之日也歲丁丑余以轉漕事駐節淮上始與先生歲時相見碌碌簿書罔不敢言文先生亦絕口不及此迨甲申余親課淮陰書院諸生謬爲定甲乙先生始出所存制藝五十首命余序之曰某生平爲文不能強附人亦未敢與人較短長散者不能復拾存者止此今老矣然不忍竟棄也余受而讀之其間奇橫俊偉博茂淵懿雋永饒削無所不有而要其至處則神味自固

矜躁盡釋殆坡公所謂絢爛之極歸於平淡者與時趨固齟齬而與先正之理足而氣真者若合符節矣先生既登館閣又典試名邦不爲不遇乃老而家居至不能梓一時藝稿顧驪龍一珠又深自護惜不輕以示人是先生之安貧守道固不可及而其枕中之秘則掩蔽彌久精光愈耀不爭一時之名乃真百世之傳矣視彼侍獲一第卽斤斤邀譽鶩名者相距奚啻上下床之別哉

儲東溪觀察時文序

歲戊寅宜興儲生璞成刺小艇東來謁余淮陰使院之叢桂書屋以其尊人東溪時文一百二十八首屬余爲之弁簡端以余素知東溪能品騰東溪文而論列之也疇昔之日余持節粵西東溪任蒼梧觀察其行郡按事切切籌民間生計如已子女喁喁需飽溫當所居無赫赫名去後則罔弗誦祝東溪者今東溪往矣余知東溪之有足傳非徒以其文而其文又自有其不能不傳者夫制舉文爲孔孟言爲程朱旨縱極研精鍊神要歸繩尺一切崇厲猗歟曼洪溷諸情狀均弗得蕩佚籜籬蓋文家之布帛菽粟耳有明令甲垂之至今而吾鄉五大家與吳中王唐瞿薛諸宗匠扶輪大雅海內嚮風欽其寶者弗能名余謂先輩爲文無他能事理真氣醇靜參正始是其所能而無與能儷其能者也且夫錦纈繡組非弗寶麗也珍錯哉肪非弗芳甘也然需是以奉口體果得之則生弗得則死耶抑尤有見嗤於純袴見鄙於梁肉者何耶然或靡靡爲風氣以相競於所弗經則千巧百贗浸淫幻出積至所謂寶麗芳甘者率敗絮腐腸恒不如其纍纍之可以自約焉造物與世爲長策約之以

布帛菽粟而後真色相著醇味相濡有不願人之文
繡膏粱者矣今得東溪文讀之其性靈天趣吐吸元
化風規魄力揮霍苞符而落紙著墨輒夷然一切任
理與機之自爲其卷舒而已且無與真乎醇乎蓋要
諸是以爲孔孟程朱之言與旨所充暨而著明則布
帛菽粟功以歸諸造物而美利以溥之人間將別索
其所謂寶麗芳甘者亡克與爭衡况貌竊而立敗者
之究弗寶麗芳甘也曉嵐脫樹露吹卸塵座問木樨
香脩然有聞不酒而茗攤卷一再過世不乏作者知
弗河漢乎余言

四知堂文集

卷二十二序

五

亡友黃飛涓三科遺墨序

國家以制科取士士舍此別無進身之路故束髮受
書卽學爲帖括之文以應試始之童子繼之以博士
弟子員鄉會二試則益之以經藝表論判策以觀其
學之該博與否促其期以驗其才之敏給與否且糊
名易書以防其弊而杜其欺其得之也則以爲喜其
失之也則以爲愧大約功令必學富而文工者始入
選而究之入選者文未必盡工蓋士之所能自盡者
人而所不可必者天學之富文之工此可力而至也
棘闈扁試暗中摸索文章之風氣今昔不同主司之

四知堂文集

卷二十二序

六

嗜好高下各異或以一字而偶違格例或以用古而
疑其所出五色目迷紅紗眼蔽因之礙硃混玉魚目
亂珠在持衡者自以爲盡入彀中而在下第者則以
爲獨遭黜額老師宿儒能爭於學與文而不能爭於
時與命自有制科以來大都然矣黃子飛涓余老友
也生平於學無所不究而爲制舉之文甚專而精其
於四子書理皆印合程朱無絲毫差謬於有明三百
年文體別白體裁洞悉源流而其素所效法則以震
川荆川爲主其評騭時藝也則以理法爲權衡而錙
銖不爽計生平朋友切磋之益得之黃子者獨多以

余之薄劣乃獲弋科名致通顯而黃子竟以一矜賞志而歿嗚呼豈非命耶黃子既不遇終其身無怨尤之色然知黃子者則未嘗不致嘆去取之無定而士之懷文抱質者苟非時命之通則固不能以其學與文必角勝於空疎無據之流謂足以芥拾科名也黃子歿已十餘年余以一官在外未能哀輯其著作使成卷帙偶檢篋笥得三科遺墨一冊因爲序而存之以慰老友於地下云

明志居時文自序

余歷官所至鄉戚後進及年家子多從受業者誼無可拒子姪孫曾輩雖擇文行之士爲之師而簿書餘暇亦以所業相質正每批點時藝或有未盡愜心者見獵之喜時有作焉計駐淮以來積之得文若干篇諸生請授梓以省抄謄之繁楊子雲曰雕蟲小技壯夫不爲矧受

簡畀寄封疆重任者卽曰仕優則學然古人所爲學亦內治其身心而外經其大猷非語言文字之末也今舍身心之業與經國之猷而沾沾於制藝又其所爲制藝者不過以爲科舉之資而於先正大家之風格分毫無似諸生爲省事計則得矣其如余之內愧何書此以誌吾過

叢桂軒課藝錄弁語

余於諸子課文其稍佳者必令錄而存之非欲其競勝也學業之事不日進則日退果其勵志潛心惟師長之言是聽則此月之文有較前月而不同者矣其聰穎之士則今日之文有較昨日而不同者矣存其文使之所以自攷也自攷而月異而歲不同則益加勉焉我之所謂佳者較之於人或未逮也今之所謂佳者較之於古或尙遠也已精益求精如切如磋如琢如磨之謂也自考而轉不如則內自愧焉必其心之尙未專也必其志之尙未致也不然何以人

四知堂文集

卷二十二序

九

諸生課文之所以錄余旣言之矣今將歸應鄉試又爲彙錄三春課作檢閱之下覺與昨歲諸篇未見所爲月異而歲不同者未知諸生將已十乎已千乎夫人情日在先生長者之側猶有放逸其心思而頽惰其肢體之時况於遠離函丈督責無人則諸生或有人一已一而亦斬者矣學問之功不日進則日退無中立之勢不可不自惕也且諸生來淮才期月耳前此迷途未識悞入荆棘此一年中乃芟夷而蘊崇之畧見清機譬之植苗者先之以非種之鋤其所爲溉灌而滋培者方興而未有艾也若卽以此沾沾自喜甚或向人誇衒則器量已淺容受爲難吾知將并此少少清機而去之又不但不能日進而上直登先正大家之堂與已也昔宋儒胡安定先生讀書山中十年不歸得家問見署平安字卽投澗中不發也其勇決精進如此所以卒爲大儒今諸生卽資稟如安定先生爲時亦祇十之一耳况相懸萬萬哉則所爲早作夜思以研究其旨趣而擴充其識解者真十之百之而猶懼其不及也可自暇逸乎哉勉之勉之苦口婆心毋相負也

四知堂文集

卷二十二序

三

傅越夫先生八十壽序

國家聿興文教尤重師儒之席內則首善成均領以祭酒司業副以學正助教外則直省郡縣各設儒學博士凡以培養人材備公卿百職之用也膺其選者必甲科舉貢拔萃之材援例入粟者不得與其途正郡縣學博階視郎官非一切丞佐之所可望其秩崇所司惟課訓德藝端釐士習無簿書期會之繁無調遣差委之擾其職清督撫以下以儒行相待凡屬青衿俱恂恂執弟子禮其望隆故士子齋居矢志常自願不爲內翰則寧爲外翰其視百里牧令坐堂皇而

四知堂文集

卷二十二序

五

施政令者反不若寒種冷席無他其道可行其教可施其進退足以自由其面目不致隨人俯仰而得以自全其天也夫天全者物不能侵每見任此職者雖靡眉皓首而耳聰眼明步履便捷無異少壯卽年高引退而林下優游松陰竹徑杖履儵然令人望之真不啻地行仙然則仕宦一途雖高官顯爵吏也非純乎其爲儒也雖勳業爛然師人者也非爲人師者也未純乎其爲儒則儒貴矣未免於師人則師貴矣越夫傅先生余父執行也先君子績學工文而嚴氣正性人多望而畏之獨與先生爲莫逆交先生之學先

生之品余蓋自兒時已稔悉之矣歲癸卯

朝廷詔學使者特拔文行兼優之士先生遂膺首選蜚聲上國需次數年得授安義學博先生曰此余志也履任十年端師範整士習崇獎實行講明正學一邑之士蒸蒸丕變焉邑人方以得師爲喜而先生夙計告歸於是先生年八十矣適余亦憂居里門走謁先生見先生鬚眉皓然而言論丰采不異昔侍先君之時杯酒論文宵分未倦也夫仕宦一途難言之矣古人云知足不辱余謂豈惟不辱且可永年何以言之名成身退萬累俱捐心曠神怡草木皆春陶淵明所謂羲皇以上人殆其是矣况以先生之精神意致卜之大耋期願皆可預必乎抑管稽之往代若漢之伏生九十猶口授尙書於晁錯桓榮亦八十餘徵詣太學明帝親執弟子禮聽講經義然則古今來爲人師者其臻上壽殆十而八九也先生覽揆之辰諸戚友將製錦稱祝而屬詞於余余曰諸君子未有是舉余固先言之矣請卽書此以侑觴先生必欣然而引滿更進也

四知堂文集

卷二十二序

五

陳碧軒太翁暨配李孺人七十雙壽序

峽爲吾臨屬邑羣山疊嶂奇秀特出最著者玉筍諸峯列洞天福地之數靈氣毓鍾代產偉人如金文靖練忠貞諸公炳耀史冊尙已其特立獨行韜光闕彩而未見諸事業者尤多隱君子焉余居清邑距峽二三百里少時嘗擬拾級捫蘿覽玉筍諸仙跡并藉以交其文人學士與夫特立獨行諸隱君子以擴胸次而親典型卒未果行迨後一登仕版則秉麾持節異地他鄉久而習焉故國山川轉成間濶然每陟名山搜勝槩則又未嘗不迴憶鄉國如玉筍諸山其類是

四知堂文集

卷二十二序

三

耶抑有過之無不及也歲甲戌余任左都御史居京師晤陳進士聯拔蓋與余次子有涵同提南宮者也每過從余必從陳子詢玉筍諸名勝陳子亦歷歷言之如數家珍然余雖未得親登玉筍聽陳子言亦庶幾臥遊之意矣因從詢其地諸隱君子則太翁碧軒先生卽其一焉自是余之心儀碧軒先生又無異玉筍閱二歲陳子筮仕得處州之景寧縣迎碧軒先生與其母李孺人至署侍養余聞之曰異哉碧軒先生生於名山之邑就養又在山邑景之山與峽之玉筍若耶過之否余不暇詳而碧軒先生樂山而得山樂

可知已且樂山惟仁者而仁者必壽此又吾夫子之言所謂決然而無疑者丙戌秋陳子果以先生與其母李孺人俱壽屆七十發簡致詞乞余一言以侑觴余曰樂山而壽壽碧軒先生與孺人無以易斯言也抑碧軒先生於玉筍則其少而壯壯而老之所遊歷居景寧又有羣山萬疊足以供朝夕之覽玩余則玉筍一山祇得於聯拔之口述至於處州諸山則又如蓬萊海上不可卽矣然則名山之緣碧軒先生勝余多矣

四知堂文集

卷二十二序

三

熊捷三七十壽序

余與熊君捷三始而世好繼以婚媾蓋交與親兩兼之故知捷三者莫如余捷三長余七歲以歲癸未行年七十因居母憂不言壽今服闋其子桂林會受業於余者乃致書來淮請得一言以稱慶然而非捷三意也捷三孝子也太嫻母以其姜柏舟之身享松齡鶴算歷年至九十餘捷三自少至老承歡膝下視無務得其歡心而後已即五十六十時鬢髮駸駸欲白猶作兒戲於慈親之側如老萊子之所為者禮有之

四知堂文集

卷二十二序

三

恒言不稱老孝子之心也今太嫻母逝矣則又知捷三之哀痛感慕而所為思其飲食思其嗜好思其笑語如事生如事存必有大異於世俗之服闋而情終以為是足以謝吾親者也朱子不云乎君子有終身之服推而極之捷三即由此而八十而九十而期頤人以算之多者為捷三壽捷三則日愈長而孝思愈篤不知其為壽也故余知介壽非捷三意然余亦即此為捷三之壽決從來節婦多壽孝子多壽往昔不具論余比年傳節婦至二百餘人其中享高年者十之九太嫻母其一焉孝子則舜年百有十歲文王九

十七老萊子七十猶戲斑衣則其精神之強可知他如世俗所傳二十四孝者雖其年歲不詳紀而以孝致壽諒俱為彼蒼之所默佑而壽考維祺難老永錫也則余之祝捷三七十也第始基之爾捷三不言壽而壽無量余操筆以祝捷三之壽亦將遞進而無量則又所云孝子不匱永錫爾類者矣桂林為余致語曰世未有祝人壽而并祝已壽者有之自吾師始捷三當必驪然大笑而進觴無算也已

四知堂文集

卷二十二序

三

羅敬亭七十壽序

乾隆乙酉秋順天鄉試榜發吾西江獲雋者二人其一羅生有高知羅生者曰年少勤學志趣遠大丙戌秋余以督運至京羅生來謁與語信如人言十月羅生舟過淮上持一冊請曰高父年七十一矣願得一言藉手歸里獻一卮余韙之程子云人子誕日正父母劬勞之時不應稱慶此爲已壽言之也人子之於親則凡力所可致於其親者皆當竭力爲之况難老之祝尤出於其心之至願哉則羅生之請爲宜而余亦不可以無言夫學術之敝久矣誦習者專爲弋取

四知堂文集

卷二十二序

三

科名而馳驅者半多櫻情勢利人材之益不古若也溯其源則由於廢小學人生自八歲以上知識漸開教之有其方養之有其道束之以禮法而嚴之以規矩則虛僞鄙陋之習以去以此入大學胎胚已端其用力也較易其成德也必多故朱子輯小學一書內篇者十三經之精義也外篇者十七史之精華也元儒許魯齋曰吾於小學敬之如神明奉之如師保本朝蔡梁村曰敦倫飭紀修身齊家內聖外王之學畢具於小學魯齋爲有元一代大儒梁村亦力崇正學者而其言若此則小學之不可一日廢明矣

國家功令嘗以試論取士矣繼又移之於覆試顧士子多視爲具文學使亦有以其文視之者遂使父兄師長不以此勗其子弟則小學之廢非風俗人心之大憂乎而敬亭先生獨以此淑其身心可不謂爲於舉世不爲之日者與按先生嘉言醇行甚多要皆得力於小學至有高就塾時訓以小學爲同里高才生所誦先生正色斥之謂荆國嘗春秋叢詁至今賢者顧相效耶則任道之勇而守之確乎不拔庶幾昌黎所云尋陸緒之茫茫迥在瀾於旣倒者矣夫世之膺符綰綬勢位赫奕者非不炫耀一時然以視特立獨行者覺馨香百世終在此而不在彼則壽之孰遠孰近孰久孰暫必有能辨之者有高持余言爲先生誦知先生必欣然進爵而益律其身訓其子若孫以爲人心風俗之助也已

四知堂文集

卷二十二序

三

門人韓景南六十壽序

門人韓景南余壬子分校北關所得士也榜下會一見而余卽以是秋出巡粵東之肇羅自是宦跡所經而西粵而湖湘而山左不相見者蓋二十餘年雖傳聞試用南河而以道遠竟未一通音問歲丁丑余奉命督漕淮上景南始謁余於清江浦詢之則方服闋循例來工候補前此雖屢經委試而究未得缺又二年乃得補海州司馬

國家銓例舉人應選邑令以省分計之在順天止應需次二十餘年爾景南倘不赴河工卽坐守窮鄉其

圓知堂文集

卷二十二序

无

縮銅符出膺民社當在補司馬之前以此推之人生功名固有默司其柄者速之未必卽得遲之未必遂失槩可見矣景南爲人恂謹樸實不知世間有機械事訥於言與人接見除寒温外不輕發一語問之則對亦簡畧不能少事鋪張又性厭華靡布衣蔬食泊如也以吾論之景南使得百里而爲之以其惴惴無華者與士民相孚信雖不能速效而日計不足月計有餘循吏當可學而至今以馳逐於畚鍤築防之間倘所謂用違其材非耶而景南之爲州司馬也以淡泊居心以勤勉莅事無絲毫速化心其於職分以內

無不舉嘗曰官無小大效忠則一吾盡吾心而已他非所知也余聞斯言覺吾所論雖得景南之實而未盡器局之通蓋世所謂喜揮霍能肆應者雖獲一時之利而貽後患者深其敦樸素守繩檢雖無一時赫赫名而誠積而通久之上亦必獲則景南雖淹滯於數十年間而自茲以往其或大展厥施未可知也景南少余四歲以今年壽屆六十鬚髮俱黑精神強固百年之算殆意中事無足爲景南異者獨念余與景南始則契濶至數十年今來淮上乃得密邇過從歲時相見亦師弟所難得者昔東坡於歐陽公自稱老爲老門生壽

圓知堂文集

卷二十二序

三

太學生羅明德六十壽序

人生斯世造詣不一有聖人有君子有善人有有恒
夫子思聖人君子善人不得見而遞及於有恒誠以
有恒爲作聖之基進之則可至於聖人此夫子期望
勉勵之心也守之亦可以謹身而寡過此論人品者
求其上而不可得卽此次而又次亦足以矯末世虛
誇浮躁之習而慰節取之心也余交羅君明德三十
年矣其始也同鄉共邑衆中識面相與過從往還而
已其繼也余以一官南比馳驅偶焉旋里則探望之
下杯酒言歡慰旣見之思伸久濶之意稍稍親密矣
四知堂文集 卷二十二序 三

而爲日不久余又遠出或一二年或三四年魚書雁
足亦不過因風寄問爾迨歲丁丑督漕淮上明德乃
偕余三子有濟至淮從此朝夕聚處聽其言觀其行
或委之以事試其幹辦乘其無心驗於所忽乃知其
人殆真有恒者不亡以爲有不虛以爲盈不約以爲
泰與夫子所謂無恒之人一一相反夫無恒卽巫醫
不可作則有恒者足以有爲可知無恒至或承之羞
則有恒者之能寡其過可知明德生平於詩書未竟
其業祇名廁成均然愛讀書人如性命敬讀書人如
師保在署時見余課諸子若孫嚴而有法乘間請曰

某一子一孫年俱稍長而廢學願得從西席遊可乎
余曰甚善於是令其子與孫來就學今三年矣皆稍
能文章通詩律雖後此之功名未可知而以爲博士
弟子員則有餘矣於此愈徵明德之處心積慮能出
於正而將來所謂食有恒之報者正未有艾爾明德
少余四歲余以翁畜之今年正六十在署之子若孫
乞余一言以介壽夫知明德者無如余故卽述明德
生平之有恒者以爲壽天地之道恒久而不已人而
有恒亦何壽之不可臻哉明德性喜飲而不過量當
諸親友躋堂稱觴時試朗誦斯言必欣然於余之能
四知堂文集 卷二十二序 三

道其實無溢美無過情而立進三爵也已爲序

節母洪太安人六十壽序

物之貞者必壽松柏是也物之勤者必壽流水不腐
戶樞不朽是也惟人亦然孔子曰仁者壽以其重厚
不遷也不遷則貞貞則有常性情一而筋骸固不受
轉移於氣數矣敬姜之言曰民勞則思思則善心生
逸則淫淫則忘善忘善則惡心生天道福善而禍淫
則習於勤勞者其為天之所佑精神固而歲月長理
固有可左券操者余傳節婦多矣以彼義篤從一志
在身殉其生而存者大槩迫於翁姑之命及孤幼需
人撫視爾其意中豈復計歲月之短長哉而笑笑孤
同知堂文集 卷二十二序 善

也守志以來迄今已三十餘年矣而服勞不倦視聽
不衰與余松柏流水戶樞之說若合符節太安人豈
惟花甲之週由此而耄耋而期頤正未有艾爾則所
以祝太安人者無過於此行當為太安人補立一傳
與諸節孝並傳百世也

同知堂文集

卷二十二序

善

伯母黃太孺人九十壽序

木之壽者惟松柏婦人能守節者必以松柏況之以其歷歲寒而不改柯易葉其節勁也而其實壽亦如之余傳節婦多矣其中享高年者殆十之九而余伯母黃太孺人復以今乾隆甲申壽登九十余伯父早逝遺二子方弱齡伯母以未亡人矢志撫孤時家貧計耕獲所入僅給半歲食餘悉資余父館穀及伯母與余母紡績叔父三衣履皆惟伯母與余母是賴蓋余父與諸叔父且耕且讀拮据卒瘁以勤於外而伯母與余母亦親操井春午夜機聲以勤於內歷十餘年而後堂上之甘旨克供食指無憂榜腹而諸叔之婚配以次舉絨兄弟輩之婚配以次舉雖家政總於余父勞心焦思備歷艱難有的人生所不能堪者而亦伯母之茹荼食苦與余母共襄內政有以致之也伯母分居冢婦因吾母更甘勤勞諸事必身先伯母遂以經理讓吾母而已仍職勤無懈此可以見其家之和矣故余父顏堂曰致和蓋不獨父子兄弟叔姪之怡怡愉愉已也伯母愛諸姪如己子而於余期望尤至余叨祖宗之庇賴伯母及父母之教誨起家科第歷官中外伯母每聞遷除則喜不自勝或將抵家則

四知堂文集

卷二十二序

五

屈指盼望無虛日及將之官則數日歔歔臨歧握手

曰何時再相見慰吾老眼人情無不愛其姪者然與子則微有分矣第五倫所謂不能無私者是也如伯母者可多得乎哉余父母皆以八十二見背今十餘年矣而伯母康強無恙以迄於今又余見伯母中年時尚多微疾而暮年乃更安寧豈非松柏之性愈老愈堅而天之報施苦節亦有默相爲佑迥異尋常者耶夫壽以百歲爲上九十差一紀爾則伯母之克享期頤殆有可券操者余以一官遠繫不能偕兄弟輩親捧一觴以祝難老故爲述伯母之節而壽者敬告

四知堂文集

卷二十二序

五

伯母伯母聽之或如見絨之親繞膝下慰茲老眼也

四知堂文集卷二十二終



書

清江楊



復陳榕門先生書

昨八月廿二日已抵淮正欲將今歲漕務情形備陳左右乃承華翰先施盛誦之餘銘戢無似本年漕運處處留待遲誤乃意中事幸五六月得雨江南山東水足風順僅能如期抵津惟自津至通水大異常緯路全淹頗艱行走幸

聖明軫念灾歉截留五十萬石於北倉以故北壩亦

四知堂文集

卷二十三 書

一

易竣事回空船隻雖不能如往歲之早而上緊催促或可不致凍阻此往來大概情形也淮海各郡數年來閣下勞心經畫疏水道開溝洫凡有益民生之事知無不為為無不力今涸出地畝悉慶有秋明效已著共事茲土目覩耳聞殊為欣慶從茲日涸日墾海濱之民真永賴矣東海一帶鹽多難售竈丁困窮此待年來所目擊而心傷者然輾轉思維未有善策今讀入

告之章區處宏達籌畫周詳經國遠謨真足擴我心胸東海古名郡原富庶之地灾廢至今已極以

盈虛之理推之此時當是一轉移大機會

聖明在上無不允行但視持議者何如耳至荒土未闢資生未廣招徠鼓舞之方待嘗擬於海郡開水利營田之捐招江廣閩省之人為之如雍正年間直隸營田事例彼行於北方強以所不習故難今行於南方順其所素諳殆順而易耳因未細籌條款未敢告人今承惠問敬以奉聞他時面晤當再罄一切也

四知堂文集

卷二十三 書

二

答蔣心畬太史書

辱手書承示出閣後一切甚慰中指陳委員催漕等弊更徵關愛外吏行一事則生一弊往往如此而前後左右積習喜爲朦蔽卽在知交又以爲事苟無甚大害姑且置而不言及至覺察而焦頭爛額抑已無及非年兄古誼獨敦誰肯直陳至此感佩之私真難筆罄翰苑人才淵藪意氣多不相下旣得館選且撰文當益出以摛謙言語辭色之間不可不時自檢點非爲要處世圓熟卽聖賢省躬學問亦實應如此但有爲已爲人之別耳

四知堂文集

卷二十三 書

三

復閩中督學紀太史書

去冬握別正切馳思頃讀手書濶懷稍慰伏稔足下昌明正學文教覃敷大雅之儒定不負此居稽第士習文風相爲表裏先器識而後文藝古人相士之法如此今從文藝而覘器識相士難於古矣安溪漳浦素有師承泉漳士子通經足用者未必非二公之燕禎也使君作人雅化自有權衡要之行與文符實同學茂使八閩風習蒸蒸日上變則昌黎之功又不在孟子下矣

四知堂文集

卷二十三 書

四

與江蕪胡臬司書

回舟故城接讀六月十九日來翰承示以兩篆交忙之後精神尙可支持甚爲欣慰人生事業大抵出於精神所謂義理必資血氣而行卽配義與道之說也臬司專任刑名不宜瑣碎要擔當無多囑也蕪屬各幫本年抵通幾於困不能交固由弁丁懈意亦去冬米色傷耗過甚所致以後當爲炯戒矣足下此時雖不在其位然閱歷已久情形洞悉撫軍同官處尙祈留意所言公公言之非侵官也今回空在途大抵八月之杪卽可回署並以附聞不一

四知堂文集

卷二十三 書

五

復黃州管太守書

黃郡於楚爲難治之區年兄初莅時亦深以不克負荷爲懼今才及兩載諸事設誠而致行之遂能使八屬士女共諒此心不爲梗化可見天下無不可感之人心只患感之不以誠與誠之未至耳又春間途次與愛制軍朝夕相見詢以北省賢員亦首舉年兄彼豈知我輩交好特衝口而出耳卽此更可見大吏胸中涇渭甚分明也從茲當益盡其誠而已事上使下毋多囑也至生承乏漕運十載於茲荷

四知堂文集

卷二十三 書

六

省稍有起色然止得十分之五六其疲困者尙多也山東河南湖北本無大利病仍與舊日相等湖南積弊多端屢爲整飭而苦於承流者非釐剔之才相隔稍遠應手爲難尙未見些毫效驗甚以爲歉因來書有推崇過當語故爲道其實不敢一毫自欺也生年逾六旬矣歲月逾邁精力漸衰深懼末路之蹉跎微論朋友卽師弟亦望箴規之時及耳江淮雖一水可通而握晤未知何時雲樹之思殷然在念專此布復並訊近履

復某友人書

功名一途人所爭趨獨吾鄉多淡然者此風氣之佳也每當會試後挑選知縣教官終身官職之着落視此卽遠科孝廉未有不拮据一行者而足下獨以貧病之故安於命而聽於天此豈非人所甚難哉弟與足下同筆研共公車偶以弱羽先飛二十年間遂外而開府內而九列弟之初願豈遂及此蓋遭際

聖明樛櫟之材亦沐栽培駑駘之質亦蒙鞭策遂爾僥倖忝竊耳其實反之本來面目初何有也况他鄉遠宦欲歸未能白髮高堂倚門而望每白雲在目時

四知堂文集

卷二十三 書

七

鳥驚心或中夜夢回明月一窻未嘗不歎名位羈人塵鞅莫釋也以此思之無官之苦當不以易有位之樂而益歎足下之安於命而聽於天者爲卓不可及也且人生不朽之業原不盡在名位昔王仲淹以太平十策干隋文不用退而設教河汾雖其作經擬聖議禮議樂不無貽譏後儒然其平生微言粹語固非諸子所及者矣弟擾擾仕籍面目塵氛然少暇卽不敢廢書大抵人生入世愈久天性愈薄稍滋培而保養之端賴經籍是以每嘗涉獵觀覽或有一知半解未嘗不思與良友互相質証其如天各一方何也

貧士之館所以濟窮亦藉以繩束此身浸灌書史但恐窮年矻矻專事時文卽時文亦不能卓然成家則歲月虛度爲可惜耳因來書雖云安命聽天然有頽然自廢之意而無精神振勵之思故復及此知己之前諒不以爲唐突也

四知堂文集

卷二十三 書

八

與劉幹齋書

十月間聞太夫人仙遊之信一函致唁到京已屬後期及舟過淮陰而生又以巡營遠出未得而昭歉歎此衷無由自釋足下天性純至值此大故哀戚自倍尋常惟是禮以節性毀瘠之傷亦古人所戒節哀順變區區之心欲爲詩囑者此耳時維三冬北風應候江帆正順舟楫胥安想里門已到哭泣祭奠誠敬俱申而太翁暮年失助見足下輩俱依依膝下傷悼情懷藉以漸釋亦卽足下溫清私衷默默隱祝者矣卒哭之後營葬爲先發祥祖塋稍可安置一年內外卽

四知堂文集

卷二十三 書

九

當舉行切勿過惑風水致愆窀穸之期至一切儀節縉紳之家當以禮裁縱不能盡合古人而哀戚之心宜勝其文少不檢點恐隨風而靡非所望於吾輩也又服食起居交接酬應之類俱宜慎重非萬不得已不應易冠服與筵席乘輿軒行拜答生從前居憂六年未嘗一至省府諸地方當事亦未敢輒通一札最

後虛亭鄂公轉以此相重亦可知以禮自律卽或不能見諒流俗亦庶幾免於有道之非斥也竊嘗謂人生生我之恩昊天罔極童幼以無知失之長大又父母愛憐諸凡容恕一切失禮恣情之愆毫不自覺此

在平人已爲負疚若一行作吏異地他鄉板輿之養能有幾時旦暮之間門閭空倚以色笑可親之身徒滋曠廢逮至終天懼憾音容已杳竭盡此心月止二十七而又大半虛文毫無實意不知生我劬勞又從何處再言欲報也言念及此可爲太息足下素敦實行無需諄諄然古人視躬不廢規繩有則改之無則加勉置之几席亦庶幾在疚之章茲耳不腆薄奠特命兒子有濟代叩靈筵藉申哀私並訊孝履臨筆依馳

四知堂文集

卷二十三 書

十

與秀山邊令書

淮南西蜀相距遙遠問訊之箋郵致爲難計十載以來兩接手書而寸緘未報心甚耿耿惟恐聽調繁喜音差爲慰藉吾鄉人守樸直不諳周旋非實心實政何以見許上游如斯也雖然受怨易受恩難怨不可不報恩不可不報怨不報彌見我之厚恩不報則如逋負人一件物事始終歉然又得意之時須防失意譬之乘馬高山深崖謹勒銜轡竟得無恙及平原康莊以爲必無他慮而顛蹶隨之古人所謂不躓於山而躓於垤也大抵人生功業有竟而學問無竟所謂學問非詞章之謂一行作吏事功卽學問也竊意年兄此時識見必日克持守必日固以小心處事以廓大居心遠到之器千里故人所厚期者此耳從前寄到詩文以每歲鹿鹿河干未得細加批點大約詩則聲調尙未諧適文則法度尙未老成今閱數年又當日進而上矣生連歲轉漕差幸平順精力尙可支持然日夕兢惕惟恐隙於末路人便或惠好音所有以箴其不逮也

四知堂文集

卷二十三書

十一

與門人珙縣曾令書

庚辰別後倏忽五載中間雖接到手函而山川遼遠鱗鴻少便是以未獲裁報然足下以講求古賢之實學出膺民社知必有異乎俗吏之施設者今秋色平分舟次南陽接到手書知已實授珙邑稍慰於懷而足下所爲治此荒遠僻陋之邑則先之以養次之以教皆今時吏所視爲迂遠而不切於事情者不知邑雖小舍教養並無益民事也古人三年報政可以自信度亦未必如珙邑之甚今三年不能或再需之二年當必大有可觀不必歉然於古人之不若也古

四知堂文集

卷二十三書

十一

答本邑德令書

足下以公惠廉明著聲崇邑心儀久之昨歲之冬復聞榮調梓里獲庇宇下益喜不自勝爲闔邑士女慶春臺之遊也以碌碌漕務尙未專申賀忱茲家人寄到瑤函捧誦迴環過承殷注感泐無似兼以謙冲之雅商及學宮邑乘具徵宏才部署行將百廢具舉惟是清邑人情素昧大體前者學宮之議從違各半尙無定局今酌其先後當以邑誌爲先蓋學宮不過地處湫隘而俎豆之事無礙舉行日遷移亦未必卽得善地此件當姑置之邑乘則自前明撰後迄今百數

四知堂文集

卷二十三書

十三

十年未經修纂眞爲缺典旣承足下之命某當首爲捐貲仍致書闔邑諸紳士共相捐助成此盛舉也

與南漚邵令書

春間差次彼此空悠未獲一晤昨日杪回淮忽接及雲殊欣慰也悔菴到家後近况何如有無來音讀所寄示家傳知德門綿遠忠厚流慶而悔菴之文亦醇古淨潔有古人風真可傳也內二苦節者自當採入拙編但湯孺人有事跡可據而王孺人止早寡守節今祀節烈祠二語頗難著筆或別有事實可略述梗概以相示爲尤妙也南漚繁劇之地風澆吏猾以歷練之材莅之自無施不可然以勤以慎腳踏實地勿出過於人是所囑也

四知堂文集

卷二十三書

十四

復華亭吳令書

久未握晤正切馳思使者遠來接到手函殊深慰藉
華邑素稱繁劇一年以來想治理已有規模而歉若
不足求所以相見於性情學問之地其徵舉動風采
大異於俗吏之爲某竊以爲體用一源簿領訟獄卽
性情學問古循吏正不必舍訟獄而別求異人處也
勉之勉之可以問此心可以對斯民如是而已時屆
初冬收漕已近米色一項去年元和甚好今仍留意
釐剔爲望人旋藉布不一

四知堂文集

卷二十三書

三五

與蔣心翁太史書

秋間接讀手書得悉在戴山景况甚慰京城義塚一
件饒霽南過淮時卽與商計渠云俟來歲回京時再
爲區畫到浙旣已面晤敘談時自亦及此也官戒詩
周詳愷摯閱之可以提醒一切是以竟授之梨棗以
便取給生前巡閱各營時途中偶閱詩經至唐風蟋
蟀一篇返復細玩覺與聖學字字印合因推而論之
爲官箴說并落葉詩廿首今併寄閱或有可議之處
卽爲指出示知不必以師生而廢切磋也人至六十
以外大約一年遜一年精力遠不如前而默計此身
尙多應爲而未爲之事不但不能并力卽欲求一日
盡一日之功亦有不能至此方悔從前坐荒多矣太
夫人想安健有加郎君俱好來歲迎養至浙以免兩
地牽繫此著甚善此時但得餽口無憂卽爲至樂在
人者原不必責之周也

四知堂文集

卷二十三書

六

與丁人可書

夏初以漕事急倉卒北行炎風烈日僕僕河干籌水
籌剝至困憊而不覺然暑濕之氣侵受過多回淮後
毒熱生發遂有瘡癩之苦然從皮膚而發則手足之
疾而非腹心私心又竊自喜而所謂駱生者由此奏
功矣至足下行止有謂已回江西者有謂尙羈吳門
者總未得的耗茲接手示始知其詳然太夫人倚閭
已久夫人亦望眼欲穿既已送太翁至鉛山何惜此
千餘里之水程而不抵家一行稍住十日半月俾老
母無予季之嗟而內閫無棄予之歎哉此則忝在知
四知堂文集 卷二十三 書 七

交者不能不以此相期而微惜足下於此少一躊躇
耳沿門托鉢原屬難事赤手空拳拚擋一身一家在
足下猶爲所遇之幸然長此安窮也陶彰德夏間曾
有一札因未悉稅駕之所故未裁答未知尙有意中
州之行否人旋藉復不一

答紫章弟書

建昌幫到淮接吾弟手書得悉近况差慰遠念廣文
冷况加以心緒不寧諒難爲懷然母老矣當求所以
慰母心者爲先也所云門前圍牆之說聞吾族人亦
有爲此紛紛者但恐損丁之故未必確由於此當俟
精於堪輿者看明如果不好再行議拆未晚不然尺
寸門前之地在隣家之剝削日無已時幸而有牆猶
獲保此祖宗舊業也而漫然去之乎汝同年丁人可
甚精地理今冬明春大約必回寧都已訂其至吾家
將陰陽宅俱詳看是否有礙彼當爲一決也我年來
四知堂文集 卷二十三 書 八

鬚髮叅白精神漸不如前始悔讀書未多吾弟尙在
壯盛之年宜多讀書以求所謂不朽者如尙有意應
舉則舉業亦不可廢也諸孫在署讀書者三人而懋
珩稍穎將來接武者或此子乎家墨已刻成少吾弟
副車三藝寄到時仍可補刻節婦傳二部家墨五本
韻事雙紀十本并附去

與紫章弟書

半年以來接吾弟手書數函以碌碌漕務又鱗鴻未便故遲遲未復吾弟近况之苦心緒之煩弟即不言已知無復有生人之趣特以為兒孫短折作安慰之言徒令一番提起一番悲悼是以從前不具筆札蓋不忍提及也然事已至此亦惟以命數解之且老母在堂更須曲慰令其優游餘年方是人子見大體處又古人云不孝有三無後為大此時吾弟宜置妾為得子計他非所急也至我十年轉輸受

四知堂文集

卷二十三 書

十九

較前稍有起色然應辦之事尚多未辦者於心猶不能無愧也又兩年來因水淺舟遲晝夜河干頗瘁心力鬢髮星星鬚亦蒼白兩目漸蒙非眼鏡不能作書蓋精神衰減矣即令此時兄弟常相見當訝為老景頽唐况他年哉職守各繫雲山修阻每念相會之難未嘗不黯然神傷惟各自努力就現在所當為之事為之而已因遇鄧之濂世兄於韓莊數行寄復不盡欲言

四知堂文集卷二十三 終

四知堂文集卷二十四

清江楊錫紱方來著

書

復河東張制軍書

前承惠手書當即一函奉復諒已入覽月之七日復接台函承示工回即勘查運河以萬年牖金門大窄牖底過高應急行拆修擬於月內繕摺入告具見籌畫經理處處周到此牖一經改修不但糧艘蒙福即商民船隻皆受利無窮矣至所以難行之故門窄則束水益緊底高則勢如建瓴又牖口水勢直趨西岸溜勢不正上則非多夫不能牽輓下則船隨溜去稍一失手即直撞西岸多至損傷沉溺此大概情形其如何斟酌措詞仍在尊裁核定也緣承明問謹就所知者奉復并候不一

四知堂文集

卷二十四 書

一

與兩江尹制軍書

差弁回淮接到手函具初關注雅意至台旌料理荆
山橋定局後取道淮陰得以面聆教誨更爲欣慰啟
者糧艘輓運全賴河道深通本年江浙等幫其應由
京口渡江者遲至十六日尙止渡船二十隻較之往
年甚爲遲滯某隨差弁至江口確查情形探量水勢
其自鴨嘴幫地方以南至猪婆灘俱無淺阻惟江口
至鴨嘴幫處淺澀挑濬未能深通是以雖遇大潮
亦出船無多是淺滯之故非關江水之小與湖之不
大實由承辦者草率從事之過某已行文嚴飭並令
四知堂文集 卷二十四 書 二

道府查取職名具詳事關公務須閣下一體嚴飭將
來卽或姑寬叅處而記以大過庶承辦之員少知忌
憚於漕務地方均爲有裨謹將探量水勢單附呈台
閱兼請鈞安不一

與南河高制軍書

荆山橋河道奉

旨挑濬前承示勘挑奏稿極爲明晰此時正在興工
諒至期俱可一律告成惟是微湖之水稍多或不便
於魚沛窪地而入牖及南省運河年來頗受其利以
免淺阻之患今荆山橋挑工告成後正在四月之期
自必湖水暢流而下但四月尾至五月正江廣重船
入運經歷河清河定河成及臺莊八牖之時湖水日
放日淺則八牖以下亦日淺一日未知其時重運有
無妨礙似應於宣洩之中略寓收蓄之意使緩急可
四知堂文集 卷二十四 書 三

以由人方爲盡善某查康熙五十七年亦曾有奉
旨疏消魚沛積水之舉其時督撫諸公卽有十字河
草壩之議謹抄錄呈覽以備採擇閣下與
欽差總籌全局自當斟酌盡善俾宣洩漕運兩無妨
礙也謹泐奉復不一

復河東李制軍書

前聞

特簡大喜正在匆匆入都於回通後始克一函布賀
茲舟次青滄之間承專差遠來捧讀瑤函謙冲之雅
令人敬佩目下黃流安瀾順軌初經榮葢即慶平成
殊為欣慰某之到涉多在出月二十前後其時若台
旌旋濟當得面頌一切也東省運河以收蓄湖水為
第一要著况來春

聖駕南巡回

蹕經由水路兩番需用更應豫籌蓄水之區南則昭

四知堂文集 卷二十四 書 四

陽微山北則蜀山南旺馬踏等湖而在北之蓄尤重
於南蓋衛河水小亦需蜀山諸湖之水出臨清以資
接濟不但供南旺至臨清數百里歸河啟閉之需也
緣承下詢謹布所知梗概統惟澄照不一

復兩江尹制軍書

前以丹徒運口淺阻一緘奉聞接到鈞示以承辦各
員草率之處已一體嚴飭具劄寅雅查此事鎮江府
李守自十六日後即每日親臨河干極力撈濬已較
前可以通行而某處亦委備弁前往料理牖座啟閉
並僱剝船令各幫丁量行減剝米石自十七以後陸
續渡船三百餘隻此後若江水日長又多得東南風
尚不致十分遲滯前之飭查不得不嚴後之補救尚
屬可恕折衷至當閣下自有權衡也睢河亦需閱視
即由南宿一路返署當俟台旌入都取道淮陰時茶
四知堂文集 卷二十四 書 五
候道左快聆渠誨謹泐布復不宣

與河東李制軍書

昨薄暮解維今早卽抵魯橋帶同牘官羅煥查勘泗河口應行疏濬情形大概事屬可行其細處應俟委員確估續以奉聞再某查泗河乃有源之水長年不斷向來於冬底煞魯橋之壩使來水盡入獨山湖春間泗水長發始行開壩此常年辦理情形也今雨水缺乏湖波未漲似又當變通辦理某意若將獨山湖出運十八口悉行堵閉并早築魯橋之壩令泗河之水涓滴悉入獨山似於湖水大有裨益此說如果可行則宜於委員估定挑挖河口工段之後卽行興工

四知堂文集

卷二十四書

六

限一月完竣則九月盡十月初便可築壩灌入獨山湖較之常年當多得一兩月之水矣且微山獨山二湖均濟南運若獨山湖水足並可以少補微山湖之不足天雨旣不可恃人事補苴不得不多方籌畫鄙見如此敢以布商伏惟高明裁擇

與尹中堂書

久違台教彌切依馳公峻南來伏念閣下福履綏安動祺益懋可勝忭慶日昨抵淮比去歲稍遲緣東省運河間有淺阻回空船隻一入牘河卽需啟閉然後可行而在北之南旺馬踏等湖多半乾涸大爲來歲重運之慮是以沿途便勘至濟之日并與河督李公籌酌早行收蓄以備來春之用至濟寧以南如獨山湖較去歲少水三四尺微山湖則較少七尺止餘一丈矣往後之雨水旣未可必將來之南運頗無可恃是微山一湖以目前情形而論似可毋庸再爲宣洩

四知堂文集

卷二十四書

七

卽荆山橋亦不必再加疏濬也閣下全河在胸源委洞悉敬布沿途所歷情形伏惟澄照並候不一

與河東李制軍書

月之廿日李遊戎到淮接讀大谷并惠手函承示牘座工程及沛汎劉長莊改撈爲挑大爲有益情形甚荷關照緣李遊戎匆匆復命未及裁答某查南漕現在兌竣開行船隻河之南北已有八九幫大約在河之南者歲底正初必可渡黃至於南運河水勢某已差弁細加查看入楊莊口門以後止可勉強至衆興集若古城溜以上至黃林莊則淺處至一尺餘寸蓋湖口牘閉又加以南旺煞壩水無來源愈見其涸亦勢所必至今卽開湖口舊牘猶恐道遠力弱不足浮

四知堂文集

卷二十四書

八

月之二日接到復函以前商暫開朱姬莊口門及半堵昭陽湖收水之口事屬可行已檄飭廳汎實力辦理具徵虛公雅意但前此經過時獨山之水高昭陽湖已屬無多歷時稍久當漸次流平似應將獨山諸口堵閉或止留一二處以供運河之需又白馬河人魯橋口靠近人家一段前查看已經全淤水仍歸入獨山今似應將靠近魯橋淤淺之處速行挑深閉白馬河入獨山之口令其全歸魯橋以濟回空之運亦不無少補又金溝泉一道現在通流入運昨曾乘坐

四知堂文集

卷二十四書

九

小船往內細看此時湖底皆已涸出而春間所築之堰甚爲低小若趁此乾涸之時將此溝挖令寬深卽以所挖之土貼培子堰將來年年培築此水竟可永爲濟運之需又馬場湖之水如已足用或將泗水聽其由金口壩而下魯橋或從東門牘下趙村亦可以濟回空之運緣八牘下板啟閉雖可行船而南省加口之間仍有淺阻是以鯁鯁再商祈卽詳加裁酌應行者卽飭廳汎辦理所切禱也

與兩江高制軍書

月之八日捧讀手翰知台旌從壽鎮暫返金陵以
欽差由豫來江約期卽在月之中浣台駕仍由彼先
赴宿州會同商勘

聖明倚託賢勞所至皆利國利民事也欣慰以之竊
以淮揚徐海及廬鳳潁亳水利爲第一要著

聖明差遣查視以數年來明效已著或恐日久少有
墊淤及早疏濬則費少而民生更受其益所規者皆
遠大之圖誠恐地方州縣或以每歲會出深通印結
有所諱而不敢實辦則非所以仰體

四知堂文集

卷二十四書

十

聖王先事圖維之意是以接到此信之始卽會與淮
安姜守言之令其據實查報不必少存省事之意頃
見巴監司述及閣下飭行不但淮徐海三屬卽揚州
亦令一體照辦具徵遠見卓識真

主臣契合而地方生靈受益自此更無窮極佩服之
私有非筆墨所能罄也宿州商辦後迺運袁浦又得
面晤德輝親聆雅誨愉快更倍尋常矣

與河東李制軍書

昨舟次涉上旣聆雅教又擾卹厨感謝無似別後一
路查看直至臺莊運河自夏鎮以南水甚微弱糧艘
行走頗爲遲滯雖泐廳現在撈濬而所撈之處亦有
旋淤者似未可全恃撈濬某查南陽以下現在單雙
各廂俱全開以收獨山湖之水此誠要着但入湖之
口全開則水無下注卽極力撈濬而終不免於淺已
飭南陽主簿將入湖之口酌閉一半以助運河又朱
姬莊單廂一座亦應暫開以濟運此廂處湖上游而
口濶止一丈似開亦出水有限不致礙微湖收水大
四知堂文集

卷二十四書

十一

局昨已飭泐廳卽行開放又八廂此時應照例上啟
下閉方足以留底水而速運艘亦已飭行各廂遵照
但恐奉行不力卽無濟於事尙祈一體飭行照辦爲
荷專此奉布不一

復裘少司農書

昨聞使節從豫過徐卽遣奴子赴宿奉候起居茲十七日接讀手翰以安沐海水利支河情形下詢具見謙冲雅意查從前所開各支河因弟屬漕司各衙門並無吞移詳報之案其詳不得而知惟每年巡查各營經由鹽阜安海等處有足跡所歷者稍知情形大約自開支河之後水有消歸年歲收成較好此於民間爲第一受益之事而窪下之地受水日多受淤亦易地方官雖每年亦或少有撈濬然究之民力有限未必處處深通亦勢所必然而其最要總在導之歸海若入海之路少有壅塞卽上游深通亦屬無益而歸海之路海州則有連河五圖河安東則有湖河阜寧則有射陽湖鹽城則有石噓天妃等牖其餘歸海而名不能悉知者亦尙有之並有可以歸海之河而從前辦理未及者亦有之足下此番親加查視從源溯委諒數州縣情形俱在指掌之中詳示辦理無不盡善至各府州縣之見弟近日所聞亦不能盡一有少淤塞而據實具報者亦有礙於會出深通印結而拘泥不敢據實盡報者總在足下嚴切示諭以據實查辦爲要耳謹泐奉復不一

四知堂文集

卷二十四

書

與南河李制軍書

台旌回署後本擬來浦面敘一切緣本年渡江甚速日需僉盤未獲如願當俟南極星輝之辰偕關部公度祝嵩齡再罄濶悰也中河自前月底本月朔微湖水到後櫂艘雖可通行然據探報古城溜陸家墩宿遷關上下等處亦止三尺二二三寸不等裁尺之三尺二寸大約卽河尺之四尺也載輕者如淮安揚州等幫原可經過今江以南之船如鎮江等幫則喫水至三尺七八寸是以行至古城溜宿遷等處現在卽需起剝弟已飭行宿遷縣僱覓剝船百餘隻備用但思微湖之水原不甚大開放以來不過如此若遇東南風多則掣入湖裡並不能多出此弟昨歲在韓莊一帶辦理所親歷者勢須江南之水再行接濟是以前經咨商將沂河攔水壩卽行堵築俾水全入徐塘口或可稍有增添昨因未知此壩曾否完工又經差弁前往催促看此情形如沂河堵後中河之水可以增添數寸則江浙之船尙可行走無需紛紛起剝之繁如沂河築壩仍不過如此水勢似應將駱馬湖柳園頭之牖暫行啟板數塊少出湖水以濟運行弟現在委右營遊擊梁聯科前往宿遷一帶確看情營并囑

四知堂文集

卷二十四

書

其如果必需借資湖水卽商同運河廳及管牖之縣
丞相機一面辦理一面報聞謹縷述情形奉商祈鴻
裁酌示并飭道廳各員一體查辦期於斟酌妥善爲
感也

復瓜儀巡漕家默堂書

開正以來南船渡江者甚少因廣加諮詢始知緣京
口水淺而江潮未大之故當卽差千總雷聞龍前往
勘明情形隨又差委守備李開第千總白興貴前往
京口令將丹徒橫越二牖下板以蓄水勢并將京口
牖於江潮未到之先亦斟酌下版俟江潮一到卽行
啟牖俾船隻得以徑出此外或預備剝船稍行剝減
以輕船身或口門淤淺量行撈挖以就水勢一切會
同守備許元斟酌辦理并飭行鎮江道府速爲料理
檄調四府朱道親來京口督率及咨明白案就近一

體飭遵十九日據雷聞龍及李守稟緣京口西關地
方有河岸塌卸數尺以致阻塞復經嚴行批飭務速
挑撈淨盡以速重運此數日來辦理京口淺阻情形
也蓋京口出船遲滯用小船剝減亦辦理之一法未
爲不可然專恃起剝而不閉牖以蓄水挑濬以去淺
亦屬無益總祈就近嚴飭道府指示委員盡人力以
俟潮水耳至儀徵運河向來有淺須潮大方能通行
亦係實情將來安新宣建等幫到時如非大潮之日
可檄令由瓜洲進口并行知各營汛官弁及移咨做
衙門以便咨明內部此儀河向來辦理大概之例也

接到手函具徵詳慎專此布復不宣

與河東李制軍書

昨接湖北頭幫來稟以衛河水勢消耗過甚清河夏津一帶處處淺阻非起剝不行而苦於無船可僱廳員又現在辦理兵差不能兼顧某查本年雨澤稀少加以日久旱燥水勢自難充裕或汶河水勢可以通漕亦足少資接濟然汶流及各湖之水俱不甚足則接濟亦屬有限江廣重運欲輓過德州即甚費力似應速行委員前往丹河百泉等處查看情形或可暫閉民渠或兩日放官渠一日放民渠使衛河上游之水並資接濟亦一救急之法至沿河廳汛並祈星飭相機實力疏濬或量築草壩隨處收束以免稽遲謹此奉達並候鈞裁

與南運河李監司書

前聞榮調之信南河要衝

特簡宏才况陞任者已開府接任可知又淮徐接壤
良晤更頻其為慰喜殆種種矣惟是八省均輪總仗
河流數年以來得以安流無阻稍免隕越之虞者皆
足下實心經理不辭勞瘁之惠及也今一旦別調雖
接任者率循舊章不致愆忘而就中機宜隨時措置
切勢當心不為浮議之惑獨有運籌之妙則非一年
數載未能情形透熟也况今歲雨澤稍短河湖之水
俱未漲發收蓄為難而來春

四知堂文集

卷二十四書

六

翠華南莅經由運道兩番借資其何以源源不匱此
則耿耿私心所為過慮而亦去後之清心所必為籌
及者也何以教我實藉良友當不以為寒溫贅敘耳
某七月半間回舟今已至清源諒此月廿後當得抵
淮面晤可期再罄一切

與淮徐李監司書

昨舟次韓莊承專紀遠來甚荷殷注以夜分匆匆未
及裁答茲行抵河成牖口復接翰示益深銘戢今歲
舟行遲遲亦因隨處查視湖水勢情形為來春重
運之計昨過任城晤李制軍即以今年應改小挑為
大挑早築南旺大壩以蓄諸湖之水相商今來示已
先及此可謂切中要害惟是

聖駕臨時未知任事諸公能堅閉蜀山湖不放留此
一著以濟南漕否耳再某并欲於南船尾幫過濟後
即堅築開河柳林二牖使汶水先灌南旺而後築南

四知堂文集

卷二十四書

十九

旺大壩以灌蜀山馬踏其泗河之水亦早行築壩并
塞十八口門使泗水灌入獨山以裕南運之流但係
臆想所及雖已與河東諸公言之而實在情形可行
無格礙否尚需諸公自行籌度足下久任其地素所
熟悉必洞知其有無裨益也微山一湖為南省運河
之源今湖口牖雖堵而王母山以下新濬諸尾間尚
有涓涓之流未知係數日雨水所致抑係湖水尚從
荆橋南下如湖流未斷荆山以下亦宜作壩截斷為
妥梁王城牖上有一段淺處昨某船經過已阻淺難
行則糧艘可知已另具公牘祈飭廳汛料理矣此下

某仍沿路留心查看如有應行辦理以速回空之處
當再以奉聞也又二十七年

聖駕南巡南漕趕出臨清口者止八幫倉場以爲太
少意在明春多趕數幫以便早行起兌不致在後擁
擠一時此亦因公起見某思早趕多幫必前途有可
迴避之處然後可以伸縮由人是以昨在任城卽將
在城天井月河查勘估計並帶牘官羅煥至魯橋勘
估疏挑其夏鎮南壩某親行查勘河寬水深最爲可
用大約在東省者濟寧月河及夏鎮南壩意在必辦
已咨移運河何公及制軍李公其在南省者有貓兒

四知堂文集

卷二十四 書

三

窩之上舊河口一處河寬而深探量水勢現在有二
尺二寸及一尺八寸不等若劃定河口五里之地挑
深二三尺則儘可以爲迴避之用現在亦另備公牘
祈飭廳汛再加確實勘估所需公費如廳貯可以帶
辦甚好如或需另籌亦祈早行示知以便籌酌蓋南
運河內舍此更無他處也因差旋之便覩縷布陳不

復山東運河李監司書

挑濬荆山橋以消積水俾魚濟銅沛等州縣免致歲
受淹浸已經奉

旨俞允具徵足下與撫軍爲地方民生籌畫至周且
切細閱奏稿原委井然經畫具備欣佩無已但聞湖
如釜形其湖邊淺水之地最難施工若乾地挑通而
此湖邊依然面仰終難經久此番奉

旨欽差與督撫諸公諒必另有碩畫無難辦理又江
南漕運全資湖水荆山橋卽挑濬深通亦須有節制
伸縮由人方於漕運有益不然洩盡而始謀蓄事無

四知堂文集

卷二十四 書

三

及矣或牘或壩相地酌宜當更有一番善後之策也
某未身至其地不能知其確實情形然
國家公事總求盡善管窺之見不妨直陳於知己之
前也

復巡漕胡掌科書

渡江糧船總以風信爲主若風信未便不敢強渡當緩以待之聞昨歲京口挑挖頗爲深通現在底水淺處亦有四尺不待江湖亦可徑渡如此則將來渡江之船當較速於往歲無虞遲阻矣至殷家莊坍江急溜之處原屬難行此事已委守備李星在彼料理但未知該員數日可能趕到否也又糧艘在大江失風片板無存米石漂流者幫弁報到第一面咨明倉場戶部一面飭行地方官確查取結詳題豁免如撈有板片米石者應照內河失風例辦理不便請豁卽請

四知堂文集

卷二十四書

三

豁之案亦止係查取供結到日具題不必具奏又儀徵河牐修理之處承辦之員卽趕緊辦理亦不能於三月內竣工是以現據運司淮揚道等具詳請由灰洲進口此事當如詳行似可毋庸作札河臺也且儀徵口水小間有改由灰洲進口之例至失風之事卽內河亦有不必定因大江始失風也緣承下詢謹查照往例奉復不備

復淮徐運河李監司書

前舟次河清等牐以看過東省河湖情形謬持鄙見奉商茲接到手書承一一剖晰源委具徵關切雅意內十八水口之堵亦需糧艘過後不然汶水旣截不能浮送直下也至河清牐上之淺此時尙不在於湖口之閉昨已另札具覆矣又夏口南壩正河高而湖水低進船易而出船難此至當不易之論前匆匆未籌及此今承詳復自當先期測量庶免臨時周章也至舊河口應加挑挖以爲迴避之計昨晤高宮傅時卽已述及承允將來酌量挑挖目下現在再行咨移

四知堂文集

卷二十四書

三

也九月廿後某擬巡查海上各營足下如十月半間來浦定得面晤快傾一切也

復南運河李監司書

月之十一接到手函過蒙關照并承抄示詳制撫二軍底稿捧誦迴環無不周到從此水櫃既裕資取逢源南北俱便來春重運叨惠正非淺鮮內惟籌辦南旺湖條下於首進既過二進未來之時乘此二十餘日堵開河牖使汝水由關家大壩灌入南旺以爲得尺則尺得寸則寸之計此全爲接濟南運俾金線利運得以專資北運起見第開河一閉北流之水已斷未知已過開河之船能無憂淺阻竟達臨清否此處尙需籌酌至當又微山一湖爲南省運河之源向年

四知堂文集 卷二十四 書

三

南旺大壩雖開於二月初旬而微山湖牖從不下板獨山湖亦不閉口正月即可渡黃北上直至山東運河無憂水少今湖口因水少閉板又加以南旺鯊壩洩水涓滴不下若待二月重運經臨而後雙牖並啟則南運河處處淺阻頭進糧艘卽趕緊渡黃以期早出臨清而至古城溜以上必難飛渡是二月啟微湖之板此說似在難行尙祈足下再加籌畫得早啟湖口之板庶兩省俱爲妥便也事關公務千慮之一不妨徑陳聽候采擇

四知堂文集卷二十四 終

四知堂文集卷二十五

清江楊錫紱方來著

書

與浙江莊撫軍書

違濶光儀將及三載春間榮調以督運北行未及展賀至今歉歉弟承乏漕運三載於茲當軍丁疲困之後亦思竭此心力諸爲調劑而日復一日究無起色今細加體察浙省漕弊水次折乾較他省爲尤甚他省人情固多刁頑而浙省丁旗則更加以險狠釐剔甚難又折乾之便半在丁旗亦半在漕總漕多州縣

四知堂文集 卷二十五 書

一

查察難周收米卽多折色庸劣之員則盡委書吏其弊更不可究詰因而尖丁漕總彼此互相勾結遂成錮弊運弁能任事者查察爲難平庸者則操縱在丁旗之手而已足下前在江蘇一切收漕情形素所洞悉今浙漕收兌諒碩畫籌辦周詳妥善惟折乾一項尙祈嚴飭州縣實力查察痛加革除有犯必懲則漕總人等無買米攙和之弊於州縣甚爲有益而丁旗少私相折乾之弊運務更受益不淺矣叨愛有素故敢瀆陳統惟原諒不一

復山東裴糧道書

昨十五日一函付齋摺家人帶投止恐幫船遲滯欲足下就近嚴督備弁上緊查催茲十七日接到手札知計至初十止不過五幫未過德州月底尾幫可以全入臨清甚爲欣慰河南各幫業已開行僱備各丁俱已赴津甚好弟數載心力大半多在南省東豫諸務尙未徹底料理其實屯田津貼僉丁大造等事及旗丁之奸良不一備弁之賢否不齊儘有應隨時查察釐剔事件如運薊千總之每年選船選丁擇肥而噉卽其一也弟相處稍遠官丁見面時少此後一切

四知堂文集

卷二十五 書

二

總祈留心查訪有應斟酌更定之處卽共商妥辦爲

囑

與江安錢糧道書

前接手翰詢所屬備弁已一函裁復矣江興等衛在江寧大造船隻甚多每歲趕辦不緊往往至京口煞壩之期尙不能全行進口不得已爲迎船復載之計雖於公無悞而旗丁多一番僱船之累矣本年各衛在江寧成造船隻祈就近嚴飭備弁上緊辦理務以未煞壩之前全行入口爲妥又江興等幫兌運蘆松等屬糧米有江安應領錢糧亦有蕪松應領錢糧各弁丁往往藉僉丁未就爲詞久任江寧而水次如修船隻置買篷桅等事反置之度外其中辦事尖丁

四知堂文集

卷二十五 書

三

藉領衆丁銀兩在手任意花銷及至抵次已屬赤手空拳於是折乾盜賣之弊從此而起此事尤望就近查催果有應僉之丁卽上緊僉定早行赴幫不許弁丁藉詞捱延其領出銀兩俱責成該衛守備經理務歸實用毋許花銷庶於疲幫有益又江興鋼習每千總僉報一丁卽多方控辦百計求脫爲府州縣者又偏袒成性任意掣肘真所謂秦越人之視肥瘠痛癢毫不相關者也此等情形想已久在洞鑒本年各幫僉報之丁或有捏情控辨州縣左袒者祈力爲主持庶備弁有所遵恃不致輾轉拖延船已開兌而丁尙

未到次也日下幫船陸續歸次正應上緊辦理之時
用將向來大概情形布達統惟查照

與蘓松朱糧道書

抵署後曾一函奉達想已入覽矣總局銷算事極繁
難未知已經就理否足下於何時可以返蘓甚懸念
也江蘓漕糧甲於各省目下在州縣為將次收漕之
時在幫船為陸續抵次之候至蘓松幫船則不但本
屬而以上江之船兌下江之米者甚多此等船隻水
次散在各屬每年回空時大約重運則公事已竣竟
回本衛旗丁亦盼家甚切各回原籍押船抵次者僅
一二隨弁耳至委領新運千總則在衛原有僉換疲
丁等事不能遽至水次於是在次如修艙僱募置備

篷桅器具等事各旗丁有令家人子弟前往應名者
甚有委之舵役代為料理者往往臨及兌糧之時而
船隻尙未修艙官丁尙未到次催之甚急則以江安
道庫錢糧未經請領為詞其實卽已領銀而留滯江
寧任意花銷及到水次已赤手空拳矣又况去歲偏
災各幫船隻減歇在次者多則二三十隻少亦不下
十餘隻及五七隻不等此減存大約疲丁居多其船
隻僅存空殼而已若非及早修艙置備何恃而可以
出運若非足下及早查驗嚴切飭辦彼弁丁豈肯輕
易到次弟竊以為總局與本任宜兩地往來不宜久

任江寧也又各幫每年新運錢糧宜於早發不必過於慎重留難而在江安者尤宜及早庶官丁人等不致以未領藉口所以此意就近告之江安錢道爲囑相隔稍遠末由掣晤謹布區區不一

與江西蔣糧道書

回署後數札奉布想俱得覽江西各幫本年在壩上雖米不甚差而一切剝價個兒錢抗價等項多拮据萬狀以每運各丁所得銀米家費等項計之應不至此而日疲一日甚不可解卽如贛州幫素稱殷實而其窮徹骨臨至河西務剝米之時米已上船而剝價不能開發千總代爲挪移始免悞公回空則身工飯米全無無所不賣尙有遺棄之虞細推其故皆由江西之丁係州縣所僉未免痛癢不關一任書吏朦混富者狡脫貧者無計可免又有游手奸猾之徒轉藉

充當旗丁以爲度日之計是以此推之各幫情形大概皆然又旗丁得領錢糧家費等項多留爲家計及在省混行花銷全不爲抵通交納預行存留到通缺費又挾伍長頭船及領運千總不得不爲那借完公之舉以緩須臾惡習相沿幾與江浙無異若不及早整理將來貧疲無所底止以某之見應嚴飭州縣先於僉丁時實心查察勿令富者倖脫貧者濫充以清其源至於本年新運則當傳集各幫領運千總守備令將各該幫新運錢糧家費一一計算在水次應用者聽其支用外其餘俱設立公權令該幫運

弁同頭伍人等掌管沿途及抵壩用費有所支領俱公同頭伍登載公簿令各丁不得任意花銷抵通自不至於拮据領運之弁有不公不清者查明叅處則官丁各知以公事爲重行之數年或少有轉機再江西米石除南新二縣向無潮濕外其餘州縣沿途遠解家人吏胥船戶多有通同發水之弊否則驗米時不發而一驗之後卽不可問米石旣潮折耗必多此亦旗丁受累之先着足下身任督理一切無不預籌此事尤應嚴察能去潮米之弊卽旗丁先免折耗之苦至於錢糧封貯公櫃之處就西省情形如何行之

四知堂文集

卷二十五 書

八

妥善亦卽詳酌辦理仍望復音不一

與浙江金糧道書

前詳委領運各弁時一札布復諒久得達茲浙省各幫過淮南下者計至十五日已十二幫其餘亦現在接續來淮大約此月之杪俱可全行渡江矣各幫到次以後卽有修船并製備什物等事不但三修銀兩宜早發卽一運應領錢糧亦應早發且宜整發蓋浙省尖丁各有勾串道府書吏以遲發或分作數次發爲居奇者名雖爲慎重錢糧起見其實多一番請領則多一番使費又發之遲發之少則彼得藉口預行那墊以取利而老實衆丁無從究詰且每年有船已

四知堂文集

卷二十五 書

九

開行而錢糧究未全領者隨後尖丁具領多指稱公事朦混開銷而衆丁並不得分釐到手此浙省向來之錮弊也某則以爲一運錢糧有一定之數少發遲發究終須發不能留其分毫早發全發彼亦不能再行請領與其少發而滋弊莫若全發而省費且杜此輩借名開銷之計若慮全發恐其花銷臨期無銀接濟則但當嚴責運弁及頭伍等公平掌管設立公簿按時支給非當用某項銀兩之時絲毫不得預給少有錯亂及辦理不善致沿途到壩有缺費用者卽與詳揭重懲彼賢能之弁固得預爲料理優優卽老實

之弁亦得有所遵守而不致墮奸丁術中年來江安
諭令早發整發未聞有悞浙省似亦可照行又浙省
幫船開行之時無一定先後次序向來彼此爭先有
米未兌足而爭先開行後用小船載米趕上受兌者
毋論小船另費腳價而米色之佳否上船之足數與
否更無從查察去歲雷監司始覺其弊不令小船趕
載但恐故智復萌此須嚴行示禁至於最疲之幫如
嚴州所金衢所處州前後次疲之幫如紹興前後溫
州前後自應令其居前俾得到壩先行兌交然亦須
有一定次序方不致於爭競查江西十四幫每年係
四知堂文集 卷二十五 書 十

糧道當堂令各幫拈鬮浙省可否令數疲幫應在前
者爲一鬮以定次序其餘不疲者另一鬮以定次序
在足下酌而行之至
聖駕南巡向來俱飭令趕早一月開兌其實蘓松之
船卽不能趕過鎮江口何況浙省是以上屆
南巡浙船不過於寶帶橋等處迴避某意今冬自應
比常年略早然不必過於急迫使收米者潦草收之
兌米者亦潦草兌之也

與蘓松楊糧道書

本年糧艘竟得如期抵通昨于弁回一函備述情形
想已入覽矣差務之年停避日久兼以三四月間水
淺盤剝倍增費用而到壩寬然交兌不致拮据皆去
冬米色乾潔之故可見米色一好幫丁受益無窮矣
查漕糧例收乾潔好米卽州縣亦未嘗不願如此所
不利者紳衿富戶及收漕之幕友親戚家人書役耳
誠恐行之一年卽便懈弛足下幸與藩司加意整飭
從此若得米色年年乾潔幫丁之起色可立俟也某
已回至青滄之間八月底定可抵淮所有應委新運
四知堂文集 卷二十五 書 十一
各弁另單相商專此布候不一

與湖南赫糧道書

回淮後一札奉布諒已入覽湖南旗丁每運有應領銀米運費又有私貼各費較之各省頗爲充裕乃本年到壩兌米湖南之丁卽拮据異常一切剝價抗價個兒錢尙有需千總代爲賠墊者揭借者及至回空則有身工飯米全無賣及器具累及空運千總多方那借者日疲一日殊不可解數月以來細加體訪乃知湖南之弊全在舵工向來湖南旗丁不自出運大半多包於舵工近出運者雖多而舵工之勢積重已久旗丁亦無可如何卽如造船係衛備經管之事而

四知堂文集

卷二十五書

十一

委之舵工串同書役侵蝕減省以致草率成造並不堅固又米石一項係旗丁應管之物而湖南之船中艙與前後不通旗丁止能照看中艙前後艙則舵工爲主私自偷賣旗丁不敢過問又多裝貨物搭載客人一切食米皆取給於艙中及至北壩將近又勾通地棍恣意多賣以爲坑陷旗丁之計至於船上篷桅器具等項例係舵工向衛備領銀置備而銀一入手卽任情花銷及抵田家鎮而篷索器具尙多未備且偷米旣多恐致敗露則又有故爲失風之弊此等舵工盤踞各幫由來已久領運之弁則有愧獻衛備亦

有交通押運之書役道房之經承彼皆能結識打串今欲整頓湖南之幫須先嚴治舵工然後有濟除以後米旣受兌卽取舵工五人互結到道稍有短少俱令舵工賠補一件現在另文飭行此外作何立法稽查辦理懲治足下就近酌量情形逐一妥辦有應商者卽具稟商以便共相叅議也

四知堂文集

卷二十五書

十三

復湖北王糧道書

碌碌河干往返五月於八月廿二始回准習遙望鄂雲正深企結忽接手書如同面晤慰快無似北省漕運如大造僉丁及錢糧運費等項皆係守備管理千總不過閒歲一出運而已其因循闕冗操守卑鄙公事毫無振刷病總在於守備即如大造一事乃守備專責而湖廣造船板薄釘稀油灰減省極爲不堪而又務爲高大不濟實用推原其故皆由守備全不認真聽之丁旗自造丁旗包於舵役舵役包於廠戶加以官吏從中扣剋分肥如此安望有堅固之船又如四知堂文集 卷二十五 書 十四

疲丁一項每歲必需換僉乃千總請革之丁守備反爲包庇仍與姑留卽另僉者亦多僉貧賣富每年有船已出運而丁尙未到幫者有行至中途壩上而脫逃者如此安望得有殷丁又湖廣銅弊全由舵工包運旗丁多不過虛應名色或有奸舵偷賣米石到通掛欠或行爲不法經千總請革請緝而守備聽其革於此船仍入彼船革於此幫仍入別幫如此舵役包運之弊奚由禁戢又如運費一項乃各丁賴以濟運者必按名實給實領方於運務有濟乃湖廣運費徵收出入多不可問聞各衛備每年於開兌之際至水

次與各幫頭丁旗人等銷算一次或抵或扣有毫無存剩者如此焉望實惠之均沾以上不過列其梗概其他種種積習錮弊不一而足故北省漕運在首治守備守備得人弊可剔利可興否則舌敝唇焦終於無補若干總雖有劣弁其弊在途此手足之疾而非腹心之疾也足下莅任伊始所望大加整飭故爲述所知情形如此

復江安糧道書

廿四日接到手函以徐州衛備弁朋比扣尅現在提
犯確訊此事甚應如是辦理查千總李四龍因其去
歲辦理船工木料種種不善幾至遲悞昨於徐府訊
明之後已經咨部斥革至守備黃林平日居官尙屬
樸實謹慎近年因軍丁汪有年藉詞辨民一案該備
據實力詳未免招怨蓋汪有年卽廣東臬司汪德馨
東昌知府汪化龍一家因不得遂其躲人民籍之計
遂布散流言巧爲中傷亦事所必有既經提犯須秉
公確訊務得實情如備弁果朋比作奸自當嚴叅以
四知堂文集 卷二十五 書 六
儆官邪如讒口暗傷事屬風影亦不便令實心任事
之員轉抱冤抑也

與江蘓朱糧道書

新漕一切屢有札商頻接來函知現在俱上紫料理
不勝欣慰茲查上江協運蘓松船隻最多每年各弁
丁藉以僉丁請領銀兩爲辭多到次遲延有臨兌而
弁丁尙未到幫者州縣收米旣多無倉可屯又復以
船不受兌紛紛詳稟此前任胡臬司所以有預僉開
丁備運之奏也某思預僉開丁固屬紛擾無益而弁
丁積習揜延亦殊可恨除現在嚴檄江安道新運錢
糧隨到隨發勿令藉口稽遲并分檄衛備一體查催
至期并另委員前往江寧守催赴次外祈足下亦於
四知堂文集 卷二十五 書 七
州縣開徵之際查明協運各幫如有不到者卽星移
十府道并嚴提各弁赴次十分遲延者據實揭叅庶
積習可改而收兌不致無人州縣亦不得藉口也

與江安姚糧道書

昨知榮蒞之期數行奉復諒達典籤矣新運各員前
已致札前任處聞已交下祈卽酌定具詳以憑核示
如有應行商榷者不妨彼此熟籌也空船抵次修廳
爲先而各幫僉丁亦於此時丁早定則辦事有人不
致臨時周章此通漕皆然而江興二衛則人情刁詐
又喜鑽營請托目下之病更莫甚於僉快州縣視爲
不關痛癢之事殷者百計隱匿貧者聊以塞責甚或
僉一般丁而告訐紛起藉此一紙卽可搪塞挨延承
審之府州縣又從而左袒究之求一般丁而不可得

四知堂文集

卷二十五書

六

近日實在情形如此糧道若不再作主持則無可爲
矣祈足下留心查察一以公正處之再將來新運錢
糧有請領者總以早發爲便不能盡拘成例必俟何
時也數年以來斟酌情勢有不得不稍爲變通者聊
述梗概佈達不一

與各糧道書

前胡臬司條奏備丁一件部議雖已覆准飭行然此
事實屬無益而滋擾蓋殷富之幫卽不備丁亦無慮
僉選之難而貧乏各幫每年缺出百計搜求尙苦於
難得一丁又焉有如許備丁可以預選預報且衛備
及各幫弁曉事者少而書役幫差又樂於有事始可
得錢一紙出門混行舉報黠者賄脫貧者受其魚肉
無門可訴安能使造報者皆殷實可僉之戶且卽令
舉報果殷而人之貧富數年卽不相同能保冊上之
殷丁永不疲貧乎如需丁之時貧不可僉則造報徒

四知堂文集

卷二十五書

九

爲虛文如舍已報之殷丁而另僉散戶則彼奸狡者
又得以未經備僉爲詞轉致兩難辦理天下事有言
之若可聽而行之不惟無益而反有損者此類是也
弟現在另行籌酌辦理其各衛所僉查造冊之處姑
且緩之不必催促并當嚴諭不得藉此紛紛擾累也

與浙江糧道書

浙省杭嘉湖三府州縣收漕從無實在自行經理者
每年不過坐交書役認納規利其一切經收交兌支
解俱書役包辦官可不過而問是以操縱皆由漕總
之手大約米十萬石收本色者不過六七萬其三
四萬石則純行折徵此折徵一則便於紳衿大戶及有
力之家可以省上米刁難繁費故寧稍增價以折而
不願交本色一則漕總書役多得價值即或需買米
亦可賤其價值買低下市米攬入所收好米之中無
從辨別是以浙省米色不但不及江南別府即松江
四知堂文集 卷二十五 書 三

得不令衆丁那湊以足已數無可那湊亦不得不爲
揭借以完公事事完之後即治之以法不過薄責而
彼已大得其利矣此種刁惡奸丁江省亦有而浙省
尤爲鋼弊難除欲清其源須先正州縣收漕之法次
禁丁旗折乾之弊折乾絕則米足米足則抵通無揭
借滾剝之苦而每歲錢糧無庸扣除矣

與江西鹿糧道書

淮上把晤得挹老成風範甚以爲慰別後僕僕河干雖不無淺阻之處然隨時督辦尙不稽遲六月半間一體過津七月廿後正西艘交兌之時矣于弁叅案前閱邸抄知足下竟以此被議方資共事卽悵離羣意外級鐫真令人悒悒也案牘夙清交代必速旣返南浦之駕諒先珂里之車淮潁雲山尙未差池尺素易通卽芳型不隔至宦海升沉事所必有寸心可返得卷俱安不必爲足下屑屑也

與江蘇朱糧道書

前因貴體違和曾一函奉候目下調攝想已全安但未得手書甚以爲念鎮海前幫奸丁郭懷德武進近上運以捏控蘇府藉詞躲避致累頭伍代辦昨冬令該府且停審訊發令辦運理應令其隨船赴北卽或有應需質審之處亦當俟其運回再辦乃聞該二丁奸詭百出又在蘇府捏詞復控而該府亦卽爲准理致該二丁又復藉詞躲避昨該幫糧艘過淮某親加查點訊據運弁云竟未來船其事仍係暫令頭伍代辦竊思漕糧關係

天庾旗丁辦運刻不容離乃一運已中其計再運復墮其奸以應出運之丁而優游在家成何政體是以不得不行差提又太倉前幫搭運緩漕四千石某親加驗看米色糠粃灰土甚屬不堪當將運弁捆打并委官搨颺折耗一百二十餘石緩漕亦係漕米千總之混收固罪無可逭而該縣之以醜米兌交及監兌之不行秉公驗看道府之不行查究均干例議至於作弊尤在經承若不責令賠補及將經承重究將來何所忌憚而不爲此二件均關係要祈足下卽嚴提速辦務在必到切勿再聽其捏飾以一虛文搪塞也

與湖南劉糧道書

湖南風俗本屬好訟然亦在該管之員遇事卽爲清理方不致此輩到處混控今又有二起人在戶部具呈者雖部批令赴道呈控極爲得體然亦該管衙門平日遇事不能清理之故以後應飭各衛應理者卽與秉公辦理勿致枉抑其有赴道衙門者亦卽准理或飭衛查辦或親提審訊總以勘斷明白爲主又操赤二軍一例僉運一案此乃必不可行之事前岳衛兩次具詳俱經批飭不准在案今王劉二又赴京呈控看來此事必該衛糊塗有向旗丁准許代請一例

四知堂文集

卷二十五書

五

僉運之意是以奸徒窺其意見各處紛控以冀允准宜傳該衛嚴加申飭如再有以操赤二軍一例僉運具控者必出該衛指使定行嚴叅其胡益士一件亦卽查明秉公審斷務令允服專此布達不一

與蘓松朱糧道書

入

觀後寓化家屯紀人適至接到手書承注念於數千里之外感泐以之初六日已陛辭回任於初九日出張灣矣本年漕事頗爲不順此月盡間通漕可以全行回空爲期又較往歲爲早也鎮海疲乏別無補救之法不得已爲借項取贖之舉已荷

聖明俞允現在另具公牘行知但此事關係重大且該衛人情刁詐吏胥善於作奸恐見有銀取贖又生私添價值等弊而趙備人過老實究非釐奸剔弊之才且銀至三萬等頭水色支發領收出入之間層層滋弊須足下實心實力加意經理方不致美舉徒爲吏胥奸人之利其作何立定條款限期及租息收貯扣存分發之處祈卽酌定具詳及早辦理爲囑至某回署之期多在閏七月半後至期得來准一晤面盡一切更爲妥善專此布達不一

四知堂文集

卷二十五書

五

四知堂文集卷二十五終

四知堂文集卷二十六

清江楊錫紱方來著

墓誌銘 墓表 傳 祭文

巡撫山東蕙圃李公墓誌銘

我

朝閣臣理學文章兼擅者首推安溪李文貞公其家法以孝弟仁讓為本其學問以闢閩濂洛為宗故其子若孫掇科名而膺仕籍者其學皆有所稟承不染時習其當官也俱能耿介自立卓然有所建樹若今大中丞蕙圃公其一也余識公在乾隆丙子時公為四知堂文集

卷二十六 墓誌銘

一

兗州太守而余以禮部尙書出署山東巡撫事因查勘金鄉魚臺水災公來謁余旅館與語移時若素交然隨借往諸邑勘災見公條畫指陳經緯井然蓋已知公為大器矣余時方疏請移建魚臺縣城及開荆山橋疏下流淤墊以消積水而東南河運挑浚之事啟矣丁丑春余還京旋有總漕之

命公亦已擢遷運河道漕河相為表裏公治運以為漕而余上下往來於運道或有一得以語公亦多許可如是者幾九年乙酉夏始由淮徐道特授河東總河方一載卽有巡撫山東之

命屬吏久悉公清操亮節馭下無私一時墨吏幾於望風解綬使得久任其所以惠此一方者豈小補哉乃戊子春卽嬰疾以歿余聞之甚慟雖為文哭之哀私究未殫也嗣公孤本璿奉公柩過淮滂泣請為納擴之文曰知先大夫者莫如公諠不敢辭按狀公治郡卽多美政其在嘉興也歲已巳

聖駕初南巡有議自郡城西南至省開副路一道長二百餘里計應伐民桑柘數十萬株架橋百餘道壞民居墳墓無數公曰此不可以口舌爭乃棹小舟於南北官塘湖泖者久之因得副河一道上通吳江平四知堂文集

卷二十六 墓誌銘

二

望下達杭州壩子門咸以為便於是遂決用副河初郡城訛言如白牛蕩者民情囂囂公察其虛靜以鎮之並屬武員毋張皇稟報閱月而訛言竟息又時籍朱荃家有遊棍吳得方胡志者假內大官名札往圖詐縣令以聞大府入

告奉有嚴審卽行正法之

旨大府檄公承審既得實以財未入手抵以假冒職名例擬遣廉使不從爭之再三廉使曰恐太守獲譴爾公曰某以不枉殺人去官何恨卒從公議其在兗州也兗郡素多水患公初膺

命陞辭時

上諭當以實心救之公感激

君恩至卽周視所屬田畝因歷年黃水決入微山湖被水淹浸多至二萬一千餘頃公東西奔走且勸且報議賑議貸費

國帑六十餘萬活饑民無算又克地素產繭有司議設牙收稅贖已上矣以公力持不可而止公之爲運河道也值運道弊壞之後公通籌全局力反前弊凡應行之事尤知無不爲自孫家集決後運道由夏鎮至南陽兩堤俱潰漕運之難如涉海洋茫無畔岸每四知堂文集卷二十六墓誌銘三

一遭風動輒覆溺時余初任漕運目覩情形卽奏請築東西堤以便挽運得

旨命今閣臣劉公往勘嗣令總河儀封張公東撫鶴公等議修築事兩堤以西爲亟議者或擬用椿埽費以六十萬計或議建石堤費以三百萬計公日夜籌畫因憶少時行瀕海間見築堤捍海爲田者用碎石拋積水中漸積而高潮退則以木欄之填土其上堅築之遂成堤因度山石遠近價值與土木船載遠近多寡計需金止十四萬兩總河張公等以其策上聞得

旨如議於是命公董其役始事於戊寅二月至五月而告竣稽天鉅浸忽成坦途輓運者如過衽席矣西堤旣成東堤亦以次舉內第二段兩面皆水得土甚難公令先以石壘兩旁積葑蔣其中候北風盛時盡開兩岸十四單牖俾水乘風入湖河灘盡露多募夫集畚鍤日起工積葑上而工遂集計費帑金十二萬有奇而湖與河之界盡分矣孫家集之初閉也雖黃流旣隔而水之瀾漫於湖者止韓莊湖口一牖宜洩甚難公令卽牖北毀石堤十七丈掘地深四五尺以瀉之於是湖水深二丈三尺者消至一丈水旣落四知堂文集卷二十六墓誌銘四

衆謂卽宜堵堤蓄水以濟運議上

上命卽開堤處建滾水壩一座寬三十丈高一丈二尺五寸俾水小得蓄水大得洩嗣公又請減低壩脊至一丈今著令湖水減至一丈乃閉牖以蓄之一丈以外則聽其從滾壩而洩旣不病漕又不病民蓋兩利之策也泗水本從濟寧以南之魯橋入運前人於兗郡城東作金口滾壩以截之俾西流入府河經滋陽濟寧以達馬場湖蓄水濟運但府河上廣下狹泗漲則不能容又洗水自北挾灤河韓馬河之水南注府河每伏秋水溢害稼有楊家壩者在濟寧城東舊

誌謂可導府河入運而儀封張清恪公又有必不可開之說壩遂歷年堵閉公度府河水盛卽開壩分洩而馬場不患無水乃請收楊家壩爲牐水大則啟板洩之民田旣無患而馬場水仍足濟運其治運河南流之水如此北河之水以汝爲要汝水分流之處左蜀山右馬踏而面南旺皆昔人蓄水之櫃也舊制汝水四歸南六歸北後漸至南行者多北行者少而袁口靳口之間重運經臨每苦淺澀公曰是不可不有以均之乃規分水口南壩加長北壩收短以節宣之蜀山湖出水之口有二一曰利運在柳林之南一曰

四知堂文集

卷二十六 墓誌銘

五

能容余請減何家壩使由北運入海所以救戴村之失爾壽張境內有二水一名沙河一名趙河皆爲運水所攔不能入大清河以歸海明劉忠宣公會於運河東岸建三空五孔橋以洩其漲乾隆十九年又於八里廟建平水三牐底皆高河底一丈以上牐口寬不過丈餘非盛漲不能漫卽漫而范濮壽張東阿民田已浸矣公於乾隆二十二年二水並漲時曾決八里廟前運堤以洩之而民田盡涸因請添建滾水壩並將三空五孔橋減低至八尺議上未行會直隸制軍方公奉

四知堂文集

卷二十六 墓誌銘

六

命勘徒駭馬頰二河詢山東減運入海之路公因述開堤放水事並獻圖說及建壩原議方公欣然入告得
昔建壩高河底七尺長十二丈於是沙趙二河有所宣洩不爲田廬患衛水者合淇丹清濁漳自館陶入東境至臨清與汶會每盛漲之年由板牐倒灌入汶牐塘全淤漕艘阻滯公以牐外舊有壩爲抵衛重障不宜廢遂於牐南汶衛交流處築壩寬其勢以禦之仍歲加高厚焉又德州四女寺滾水壩亦宣衛河水漲者今大司空裴公奉

命查勘東省水利以此壩利弊詢公曰加寬十餘丈則無患矣襄公如其議行之數年衛河安流此公治運河北流之水也公於治水之法本所通曉而又相度情形窮原竟委不憚勤勞每乘舴舺小舟出入於荒陂叢澤支流斷港之中昕夕無間舟車不可通則步行以往遍詢土人必得其歸而後已故二三十里之內凡地勢水勢膠葛支錯之區俱能聚米畫沙瞭如指掌凡所創建調劑俱切要害合機宜實可垂諸不朽非僅僅補苴稱職者所能窺測也嘗自書四語於座右曰有水濟運無水淹田帑不虛糜功歸實際余四知堂文集卷二十六 墓誌銘 七

武定東昌諸屬窪地歉收情形而以高苑博興樂安三邑災上聞又請緩徵海豐霈化等十二州縣舊糧又念高博樂之災由於小清河支脉溝之下流不廣致上游被水沖溢爲患正檄調河工熟習之員委令細勘將於春融設法疏濬而公已抱病矣公才品素契宸衷爲監司卽屢荷褒嘉任淮徐道時山東運河水淺上以公素習東河情形命至東省與河撫二公商辦次年四知堂文集卷二十六 墓誌銘 八

聖駕南巡有旨由水路至德州登陸而運河水淺上命余偕公往山東會同總河妥協籌辦蓋信公之深也迨晉擢總河又念公有老母在籍賜內府貂幣命先歸省親而後莅任皆異數也公諱清時字授侯號蕙圃年十七補博士弟子員嗣登賢書成進士授翰林院編修曾祖

誥贈光祿大夫文淵閣大學士兼吏部尚書諱兆慶子四長卽相國文貞公次公祖戶部主事

誥贈中大夫待贈資政大夫諱鼎徵子五長翰林院編修

誥贈中憲大夫待贈資政大夫鑑塘公諱天寵妣

誥贈恭人待贈夫人黃氏次翰林院編修提督江西學政

誥贈中大夫待贈資政大夫抑亭公諱鍾僑母宜人

待封夫人黃氏公爲抑亭公子兄弟五長中憲公清

載次兵部侍郎公清芳次孝廉公清江清愷公其幼

四知堂文集 卷二十六 墓誌銘 九

子也公生之日以愛出繼鑑塘公孝廉公清京其兄

清鈞其弟也公性行醇摯事父母及本生父母待兄

弟與同懷兄弟孝友如一內外無間言曾祖教忠公

未有特祠公本生父嘗以爲言乙酉夏奉

命南歸卽親度地基成之又贖戶部公祀田百餘畝

又爲抑亭公特置祀田歷官數十年清操自勵無絲

毫苟取待人以誠規友以正人無敢干以私者於書

無所不窺在翰林時雖工文詞中年後卽罕言詩賦

專討論經濟義理之事尤深於易及宋五子之書所

纂有周易經義十二卷合編朱子語類或問二十二

卷著讖書一卷汎牖約言一卷治河事宜數冊又旁

通堪輿家言能得前人秘奧人莫能窺其蘊也公生

於康熙四十四年十二月二十四日申時終於乾隆

三十三年正月初七日未時配夫人萬氏柔嘉靜懿

重然諾識大體事翁姑孝待妯娌和公少有宿逋不

能償者夫人俱售簪珥力償之每至暑猶紡績不廢

蓋賢內助也先公三年卒子二長本彩國學生先公

卒娶黃氏太學生士瑤公女繼娶楊氏武進翰林院

編修士嶽公孫女太學生紱公次女次本璿國學生

娶王氏知直隸東鹿縣事諱天慶公女女六長適原

四知堂文集 卷二十六 墓誌銘 十

任仲淺牖官黃廣次適萬世寵次適粘有達三幼皆

未字孫三景岱景同本彩出景東本璿出某山之原

公孤於是營窀穸焉銘曰

有宋理學濂洛關惟閩實共溯尼山中間繼起林與

蔡我朝文貞力追攀家學所傳茲一脉公守厥緒無

敢敦體之旣立用斯行宣防懋績手畫壁文襄而後

第一人

天子方資普宜旬泰山峩峩海泱泱厥施未竟澤無

忘我銘幽官固以臧卜云百世其永昌

劉笋坡先生墓誌銘

先生姓劉氏諱沂字景會號笋坡清江之陽湖人世以忠厚耆德著稱鄉里至諱錫璜錫璋者而益衍其緒璜卽先生父也先生少聰穎凝重善屬文尤工制藝年若干補弟子員旋食餼二十人中康熙丙申丁酉間大中丞白公督學王公大興豫章講院羅一省之後肄業其中先生以大中丞觀風首卷招赴院讀書時吾邑先入院者爲張葯房先生迨己亥余亦奉王永齋先生命入院肄業既見相得甚歡遂訂爲兄弟葯房年最長先生次之余又次之自是飲食起居四知堂文集卷二十六墓誌銘 士

同於骨肉切劘箴規俱立身行己之要至於杯酒論文則一以先正爲宗每有所作互相訂正抉摘純疵丝毫不假借蓋同人麗澤之益余之取斯於兩君子者不少也雍正甲辰余登賢書丙午先生領鄉薦至丁未而葯房歿矣方葯房之歿也余正在都門一夕夢葯房携余手賦詩末二語云與君爲永訣痛絕有誰憐葯房悲不自勝余亦淚涔涔下醒時枕痕猶濕也未數日而葯房訃音果至噫昔之日葯房感夢寐以分岐今之日先生又邈河山而永逝以吾三人交誼之深而素車白馬之願曾不得一達其忱於死生

契濶之間是則可哀也已先生自丙午後六上公車庚戌薦矣以額滿見遺遂不復計偕以養親爲事乾隆某年奉部截取例從本省驗看給文赴部候選又以體貌羸弱狀類衰老當事者竟以教職改注谷部其實先生時年方五十餘也計余三人所學葯房爲最而先生與余列科名余學又不逮先生而余成進士功名之際豈真有黜司之者非人所能爲也先生爲人質實懇摯待人以誠不知人世有機變詐事復薄之徒至先生前亦不忍欺嘗語余曰葯房已矣經世之材余不及子然生長田間知民疾苦中簡之四知堂文集卷二十六墓誌銘 士

邑當有以自效不致遺譏操刀之未能也先生生平不作欺人語使其得縮一綬其所建樹必有以異乎俗吏之所爲者惜乎所遇之左竟不獲一展其志也先生家世忠厚一門雍睦余猶及見先生之祖先生父則視余猶子皆篤實謙謹力行善事先生嘗泛舟中流見浮屍卽募人瘞之鄰人陶姓妻死無棺爲捐金置棺其仁心爲質蓋家風也三十年授徒鄉邑嚴師範勵實學後進多所成就弟藻子輔世姪善世等皆躬自督課漸染庭訓恂恂端謹嘗杜門却掃恬然性天之學宗祠家乘皆首倡修繕以誠和一本易簣

之際吾順吾寧引劉誠意語戒諸子不得作佛事可不謂賢耶先生生於康熙乙亥年 月二十八日申時歿於乾隆丁丑年八月初六日中時距生年六十有三元配徐氏繼娶聶氏子四輔世拔貢生候選八旗教習濟世邑庠生昇世邑庠生盛世女三孫四家麟家豹濟世出家驥家鵬盛世出孫女二以丁丑年十二月十五日葬於滕公陵銘曰

四知堂文集

卷二十六

墓誌銘

三

而昌而熾不必其身

外舅聶公錫昌墓誌銘

嗚呼紱遂執筆誌外舅之墓耶外舅以去年四月至粵西官署精神完固意興豪暢每痛飲極歡猶具兼人之量絕不似六旬外人紱私心竊喜此壽考之徵其享年當未有艾乃至冬間忽得脾疾醫藥月餘未效遂以十一月二十三日午時終於粵署紱至今心猶不能釋然豈命秉於有生之初固有不可知者耶茲內弟振麟匍匐來粵以納壙之文請紱誼不敢辭外舅諱文祐字錫昌先世爲河東望族外太父昆甫公舉丈夫子三外舅其季也少時卽志在四方不肯卒舉子業生平孝友性成操行耿直而心胸灑脫其高識遠鑒往往非人所及昆甫公以質遷起家往來江湖數十載晚乃賈於楚之湘潭惟伯兄從外舅以父年老心勞不自安毅然請代俾昆甫公得優游梓里以遂願養時年方十四也目營心計操量奇贏動中窾會有老成所不及者以故生殖日新家亦日起凡湘之人士與往來楚地會議昆甫公者見外舅無不嘆爲有子昆甫公生平篤厚親族外舅曲體其志子姪中不能自立者必爲籌措資本指示經營藉以溫飽者甚衆至其在湘也則與伯兄談笑周旋旣恭

四知堂文集

卷二十六

墓誌銘

十四

且和家居之日則與仲兄此倡彼和友于無間絨嘗歲時登堂見骨肉之間怡怡藹藹雖中年以後不異兒時夫世俗之衰也天性愈薄當其年少家貧則互相戮力以謀朝夕持門戶錢穀出入彼此可以不問偶遇急難痛如切膚不惜出死力相衛捍雖巧言如簧會不少動迨夫足饗殮富田宅遂內戚婦人之言遠爲子孫之慮積間成猜積猜成怨前後之身判若兩人一父之子等於陌路甚且同室操戈有旁觀所不忍見聞者嗚呼雖有兄弟不如友生讀常棣之詩不禁三嘆息焉如外舅者求之恒情蓋多乎哉當戊四知堂文集卷二十六墓誌銘 五

午冬絨之由粵撫入京也道經湘潭拜外舅於旅肆語絨曰聞汝居官廉甚善吾生平未嘗取非義財於家庭未嘗自私一文自今思之頗以爲快况汝受朝廷爵祿者乎及昨歲至署見諸甥輩衣食儉素不求稱欲而絨朝夕孜孜罔敢逸豫則又喜曰吾可以久處不急急作歸計矣絨請其故則曰汝見驕奢佚樂有克世其家者乎其高見遠識類如此因念丙申丁酉間隨家大人讀書外舅館舍其時貧病孱弱碌碌無似外舅與外伯舅一見而器之妻以愛女二十年來倖擢科名隸仕版今且叨寄封疆在絨私心方

日兢惕惟懼失德貽羞而旁觀者則又未嘗不嘖嘖以爲外舅能知人有特鑒也然則絨雖不才蓋用是愈知自勵矣外舅生於康熙戊午年九月二十七日亥時歿時享年六十有四娶外母唐太君子一振麟女一適絨孫四之綱之緒之緯之統緯國學生孫女一適絨次子有涵曾孫女一茲以乾隆某年月日葬於潭埠墟之祖塋敬系以銘銘曰

易繫克家詩歌常棣孰祇厥父經營童歲孰恭厥兄垂白罔戾天產人豪結性淬礪前猷力恢式好是繼

湖海宏襟鄉邦古誼茲山之陽高峯遠睇有水如帶

四知堂文集卷二十六墓誌銘 六

源遠流遞旣固旣臧祥綿奕世

聶石峯墓表

石峯聶君歿之某月孤元音以納壙之文請余時南北奔馳未有以應越一載元音復千里匍匐至淮泣請曰知先君者無如公願得一言以表羨道感且不朽余與石峯誼兼親友不敢以不文辭按狀石峯姓聶氏諱應衡字星載石峯其別號也世居清江之梓里始祖文勝公傳十世至卿舜公生子二長顯達公生應簡字帝載次顯進公是生石峯甫四歲失母十三失父伶仃孤苦惟祖母祝太君繼母王孺人是依家貧甚一切衣食出祖母繼母十指中石峯天性孝四知堂文集卷二十六墓表 七

能仰體兩孀幃志工舉子業稍長機穎勃發美容止目炯炯有光兼嫻騎射辛卯補邑武庠生庚子領鄉薦以祖母年高不欲計偕迫之乃行迨京闈報罷即翻然歸里以侍養爲事又上祖母苦節於當事獲旌表入節孝祠帝載於石峯爲堂昆季石峯友愛過於同父當從師執業時飲食步趨不敢先衣服膏火無分彼此旁觀者幾不知爲析爨兄弟歿之日遺孤子女五俱幼石峯撫之教養婚配與已子女同里俗有憾憾於斗粟尺布者聞之輒汗下石峯才識俊拔初會試時卽爲太傅朱文端公所器後

朝廷詔舉堪膺牧令者文端公欲以石峯應折簡招之石峯念祖母春秋高輒以烏私辭弗赴決意林泉有終焉之志然性勇俠能急人之急會邑令尹按籍清通邑逋負族有窘者石峯悉代輸之又以其餘力創宗祠輯家乘并於宅後松竹林中闢愛餘軒作虛心綠蔭等亭一花一石手自位置皆極清幽之趣延名師課子姪其中每花晨月夕一編吟咏陶然自得一時文人學士及琴奕書畫凡精一藝者聞石峯名無不願通編紵欵洽晉接殆無虛日晚年自念僻居里閭不足盡交天下賢豪覽名山大川之勝於是琴書襍被足跡遍闕越吳楚間所至必傾其一方之雋而勝跡留題交游贈答詩歌之富哀然成帙其視子平之畢婚嫁事遨遊爲何如者乾隆十六年翠華南幸石峯單舸走金陵於朝陽門伏道左踞仰天顏歸而作詩恭紀其事蓋江湖魏闕之忱倦倦未敢忘焉夫以石峯之才何在不可自見而君陳孝友有所折衷於聖人是操刀而試正不若藏器以資之庸有實裨也今讀愛餘軒詩草猶想見石峯雅懷高致云生卒年月子姓具家傳中茲不復詳

四知堂文集

卷二十六墓表

七

張熾文先生傳

嗚呼自古畸人傑士所遭不幸湮沒而不彰者可勝數哉余獨悲余舅氏之志也舅氏姓張諱德昌字熾文世爲清江下埭里人外大父于萬公生吾母夫人及舅氏舅氏之生外大父適賈於楚未親見也生而眉目疎秀神彩俊異稍長就塾卽聰穎絕倫屬以對皆脫口立就不假思索後從同邑李君載之遊李篤行君子而邃於學一見器之以女委禽焉時士子風氣專攻帖括入股而外不能通一藝舅氏獨兼爲聲律之學天才勃發綺趣橫生凡所吟咏標新領異一

西知堂文集

卷二十六傳

九

題數首或數十首叠出不窮盡臻佳妙老師宿儒見之皆爲咋舌時文則規撫金陳諸公而自運以靈雋之腕吐屬多不經人道歲康熙甲戌與先君子同受知於學使王公補邑弟子員而舅氏爲之冠先是外大父賈於湘經營有成業乃令諸弟居之而自往粵西由南寧抵百色溯剝隘而上身入瘴鄉踰越險阻思有以大饒其貲十數年間始猶音問時通後則傳聞疑信杳無的耗矣舅氏中心如割遂決意尋親外祖母有難色舅氏跪泣曰兒生二十年未識父而今幸列官牆父之傳聞如此忍安處守妻孥會狼虎不

四知堂文集

卷二十六傳

三

如乎外祖母亦抱泣曰吾豈不念汝父以汝年少未歷風霜且吾聞南寧烟瘴地一染受無生還者汝父一誤可再誤乎兒必欲往至湘潭與諸父熟計之於是先詣湘潭至則諸父一如外祖母言百計慰留必不令往舅氏痛生不能見父面死不能歸父骸益抑鬱無聊每有抒寫皆哀蓼莪也居久之竟得心疾類瘋癲者至今親友有傳其在湘所作父兮歸來諸詩多深痛令人不忍卒讀方舅氏之乍得心疾也諸叔父爲多方調治卒不效始遣歸猶歲試一次至鄉試赴錄遺時學使喬公令各呈所長憑去取舅氏本好吟以心病發所言失檢黠學使怒兩學博爲懇求先君子偕諸同人亦列呈公懇學使怒不可解因除名然心疾亦卒不瘳自是詩書之業廢矣病無他異惟喜飲水頃刻可十數碗或取野草生嚼以爲快與人接寒溫禮節如常所往來必親友及鄉間書塾余自受書後舅氏常至館每呈所作文批點瑕瑜無毫髮差閒有彷彿大士筆意者則尤賞之叩以詩賦輒索題伸紙振筆疾書雖以心疾落纖巧然其敏雋不可及也每徵及外大父事卽雜以他語若不欲聞者蓋痛之深也年若干卒無子一女適余堂弟錫慶先

是議以姪某繼後中變然才人孝子不可以乏祀他日歸當與諸舅氏再議之
論曰余觀紀傳所載孝子尋親或生逢或獲遺骸以歸往往有焉彼其精誠足以泣鬼神動天地其作之合也往往非人意計所及浙江孝子翁運標者近亦以尋親著運標爲余屬吏故知之尤悉使舅氏得伸其志安知其今必異於古所云也而竟抑鬱以疾疾而賫志以歿也悲夫

張恒蔚公傳

公姓張氏諱嗣茂字恒蔚世居清江之下埭里父聚奎邑庠生生子五公居次兄嗣審亦邑庠生公少與兄同業儒因家貧食指繁棄儒而耕諸弟稍長乃事質遷性耿直無毫髮私曲又能力家政咸倚賴焉戊寅春父抱病甚篤公百計調理冀痊一日適往求醫伯兄侍疾時親友問訊者咸集父問曰嗣茂安在伯兄以求醫對父嘆曰吾病度不起死之後他無慮獨慮汝一人耳伯兄跪請其故父曰汝有六子止婚其一倘析爨汝自治不暇何能了兒女債耶伯兄復跪曰謹守嚴命自當不析父微笑曰汝知讀書而已家計非所及也能任此者其嗣茂乎公夜歸親友以父言告公曰此易事也以家事遺父慮不孝莫甚遂至榻前跪告曰家事兒自任之請勿爲念有不遵父命者米一斗碗筋各一聽其自爨恒產待其時始分也父欣然曰如此吾無慮矣及父歿一切家政公以身獨肩內外肅然成聽約束某早喪遺孤僅若干歲公撫如己子至於成立數十年間雖值水旱海臻生計益艱而兄弟怡怡皓首同爨無一間言識者以爲有壽張遺風焉卒年若干

論曰兄弟之際難言之矣豈無他人不如我同父誰
不聞斯言者然間生於枕蓆隙起於貨財一旦視手
足如路人至於飢寒困苦曾不少恤古今來若此者
可勝道哉如公之恪守父命終身不易可謂孝子悌
弟矣

烈婦李氏傳

婦姓李氏山西交城人夫張義常殺人應論如律以
報怨得從矜恤輕典僉妻發配粵西義寧縣攜氏偕
來於乾隆五年七月至義寧九月張義以疾歿於配
所氏殮埋畢持所挾金三十兩告邑令嚴君翼曰婦
不辭數千里間關至此者以夫在也今夫死婦事畢
矣此三十金無所用之宜歸諸公有子已托諸鄰亦
弗令來也嚴令慰諭遣之然微察其志有異令主家
婦伴焉翌日給伴者曰我往謝縣遂赴水死嚴令得
報馳往驗視則衣裳皆縫紉甚密且俯伏水中作跪
拜狀在急流湧湍中不少動嚴令率僚屬奠之列狀
以聞余閱之事非合例然不忍沒其苦心也遂具摺
請旌得

旨下部議報可嚴令依例建坊祀諸節義祠
論曰氏雖以僉遣來義然家故有子可不死乃竟死
且從容以死觀其上所挾金托其子處分何了了也
裳衣縫密見守身之謹焉獨其在水中猶北向作跪
拜狀不可解詢之嚴令曰烈婦尚有姑存意以不能
終事爲恨身雖死而心耿耿故長跪以辭且謝乎諗
若是又何孝而知禮也方氏之來義寧也時正有桑

江逆苗之亂邑令倪國正與臨桂丞吳嗣昌及巡檢
魯器吏目魯懋武弁潘貴五人皆入苗寨罵賊不屈
死忠義之氣貫金石泣鬼神矣未數月氏以一軍婦
又殉夫死
聖天子德盛化神及於冠裳逮於里巷於以礪世磨
鈍非人心風俗之大幸與士大夫聞氏事多作爲詩
歌以輓之然則氏雖死猶生也

四知堂文集

卷二十六 傳

五

祭江南總河白公文

伊長白之孕靈兮遂偉人之挺生承累世之簪組兮
克光大夫家聲質亭亭以玉立兮氣邁衆而岬嶭意
謙謙而自下兮神瀟洒而朗瑩方年華之弱冠兮已
蘊采而含英乃迴翔於曹署兮實發軔之初程才濬
發而風颺兮識洞達而內貞雖衆務之叢集兮經綜
核而聿清爲卿貳之倚毗兮合寮采而心傾胥交口
而推重兮赫已樹乎令名迨綰綬於外郡兮益刻苦
而勵精維河防之要區兮斯水土之藉平洵宣防其
有節兮兼飲水以自盟課懋績於

四知堂文集

卷二十六 祭文

五

彤廷兮聲益重乎

御屏踐監司於淮揚兮歲順軌而功成作屏藩於大
邦兮總財賦而克盈爰

帝心之簡在兮乃節鉞之特膺

曰司空之重任兮匪老成而莫勝致河海之晏清兮
惟汝往之是憑感明良之際會兮荷

寵命而彌兢妙運用於一心兮總全局而清澄垂成
式以共遵兮殫精白而稟承燭機宜而善赴兮舉利
賴而聿興奠民生於衽席兮丕謨猷之允升慶黃淮
之安流兮繼四公而并稱綦余年之少公兮宜異轍

而疆分仰聲望之崇隆兮冀接膝以陶薰適輓輪之
承乏兮獲訂交而飲醇欽中懷之磊落兮更歲月而
逾真若同氣之勗余兮隨所叩而卽磨每杯酒之歛
洽兮亦德義之必伸或踪跡之久濶兮托悃歛於鴻
鱗年彌高而德彌劬兮願永接乎芳蔭欠一息之不
懈兮忽憂抱乎採薪調壽考之永康兮胡一旦遽厭
乎凡塵返箕尾於天上兮遺駿烈於河濱無賢愚之
感歎兮矧道義之相親悼哲人之萎逝兮緬築範而
無因淚浪浪其沾巾兮望哀浦而傷神藉絮酒與東
芻兮抒哀慄而涕零維公靈之不昧兮庶來格而來

四知堂文集

卷二十六 祭文

七

馨

祭岳母唐太孺人文

嗚呼維我岳母實爲女宗秉心賦質柔順溫恭少依
母膝克孝克敬行不踰閭動必以正迨事夫子宜室
宜家井曰親操飾屏鉛華顧瞻堂上務得歡心滌滌
是潔厠膾悉任妯娌之調以勤以讓門內太和悉由
毋釀亦有族黨暨於親鄰或拯其困或調其貧下及
厮僕同仁一視喜有溢恩怒無重訾憶方弱歲以父
爲師館於母宅劍笈是隨岳父相攸曰無逾此母曰
俞哉委禽宜爾道義世交昏姻孔云母愛兼誨曰學
惟勤譬植松柏必沃其根棟梁之任黛色參天小子

四知堂文集

卷二十六 祭文

天

受命斯夕孜孜遭際

聖明騰達馳驅每憶訓言若有先見中外跋歷守而
不變屈指仕宦逾三十年惟撫西粵朝夕周旋自時
厥後或京或湘母以年邁未允同行家厄中更一子
徂喪自傷衰老彌增愁况時依女居諸孫待撫絨雖
天涯溫清有女洎乎內子視絨於淮母年八十未敢
請偕丙子念母朝夕涕零擬以來春奉母晨昏豈意
今秋母遽仙逝絨固匏繫女亦留滯含歛未親音容
永隔女念母恩肝腸寸裂絨不能歸女當旋反營母
窀穸素靴親輓肅將薄奠預告母靈母其鑒之來格

來歎

四知堂文集

卷二十六 祭文

元

四知堂文集卷二十六 終



四知堂文集卷二十七

清江楊

行述 行狀

誥封資政大夫歲貢生先考涓村府君行述

嗚呼不孝錫紱等今竟為無怙之人矣不孝錫組心

愚慮短就養乖方不孝錫紱遭際

聖明委任中外犬馬圖報定省多疎罪孽深重天降

之罰倉猝大變創鉅痛深生不如死尙忍視然視息

人間耶顧念府君一生績學力行孝友著於家誠信

孚於物仁厚之性諒直之誼耿介之節高尚之風皆

四知堂文集

卷二十七 行述

一

卓然可垂史冊儻不粗誌梗概或致隱沒不彰則不

孝等罪益滋大用是苟延殘喘瀆血濡毫俯苦敬述

仰冀大人先生採擇焉府君諱增瑛字英玉號涓村

始祖諱宏中公由閩之福州遷居臨江宏中公宋寧

宗時太學生右丞相趙忠定公汝愚為韓侂胄所擠

貶永州公與同舍生林仲麟徐範張衡蔣傳周端朝

同上書請斥侂胄還汝愚坐編管太平州當時號為

六君子傳載宋史六世祖諱道公明洪武中書舍人

八世祖諱本公明湖廣衡州府衡陽縣知縣高祖諱

汝禮公績學授經望重鄉里高祖妣熊太君曾祖



誥贈資政大夫諱相輔字旭寰公慈祥愷悌好善樂施周族黨賑貧乏橋梁祠宇修建表章之功爲多撫二姪先伯祖文煦公文杰公均爲名諸生先是艱於嗣會祖妣

誥贈一品夫人聶太君年五十始舉先太父

誥贈資政大夫諱文燾字景星公論者以爲積德之報先太父磊落仗義年少時值明末荒亂鄉井流離多方周恤使無輕去其鄉凡田之給佃者俱不責其租久之佃者視爲己業承平後親族或勸復加清理先太父不答惟令隨田認賦卽以給之不取其值雖

四知堂文集

卷二十七 行述

二

家日中落惟以文酒自娛恬如也先祖母

誥贈一品夫人張太君生子五人長先伯父碧玉公諱增碧次卽府君次叔父圭玉公諱增珪又次叔父偉玉公諱增璋又次叔父秀玉公諱增琇府君生而穎異端謹風神朗秀先太父甚鍾愛之以亂後家貧年十四始就外傳經書寓目卽成誦先太父喜曰吾家累世忠厚以天道人事推之將必有克振家聲者其在汝乎府君見家計之窘又先太父屬望之殷遂勵志經史且耕且讀後嘗語不孝錫組等曰汝曹今日讀書每樂偷閒汝知汝父少時之苦乎酷暑嚴寒

人所藉以休暇者余則一燈熒然三更五更歷歷過耳也童試時極爲刑部侍郎前郡守山東李公壽所獎識歲甲戌受知學使王公補邑弟子員乙亥娶吾母張太夫人丁丑不孝錫組生辛巳學使喬公拔置高等食餼二十人中是歲不孝錫絨生自是歲科兩試及觀風月課俱爲當代大人所賞識屢冠其軍丙戌出繼翁錫經生是年先伯父碧玉公病故先太父先祖母因冢子早喪哀慟殊甚府君上慰兩親下理喪塋殫竭心力毫無遺憾丁亥先太父因慟子太過遂嬰胃疾府君日侍湯藥夜不就寢倦極倚壁少休

四知堂文集

卷二十七 行述

三

聞呼卽應旦夕禱於家廟願捐已年以延親壽無何先太父病卒不起府君捨地呼天痛不欲生一切附身附棺之事殫力營辦不敢以寒素自諉稍儉其親自是惟侍養先祖母先意承志務得其歡雖菽水之養過於鼎烹也戊戌不孝錫絨受知督學滇南王公永齋補郡弟子員己亥食餼府君曰汝祖有言吾家必食忠厚之報汝年未弱冠已露頭角若從此立品必師賢哲讀書務求實用成一端人正士有體有用進足以建功立業退亦可以藏之名山吾之願也汝其勉之不孝錫絨敬謹受命因潛心闕閩濂洛之書

有所質疑問難府君一一剖悉指示常至夜分不倦
又常語不孝錫組等曰古人於學一面說一面行今
人只是說更不行算不得學豈可以學者自命又曰
學問總是到臨事時方見汝曹今日在膝下儘有說
得好處然也只是空說或他日出而任事當危疑震
撼之頃所守不定一念少差終身追悔不及矣小子
誌之庚子先祖母忽嬰疾府君醫藥祈代如事先太
父時迨先祖母壽終府君哀毀骨立幾不能自存服
除後醫藥調攝乃克如舊甲辰不孝錫紱舉於鄉府
君曰汝祖之言驗矣但從來器小易盈汝當思遠到
四知堂文集 卷二十七 行述 四

厥職勉爲名臣以圖報稱若碌碌隨人進退非余望
也不孝錫紱凜遵慈訓勤謹自勵不敢少渝己酉陞
授驗封司員外郎庚戌因定省久疎請假歸里侍府
君太夫人左右暇時出同鄉穆堂李公贈行之文呈
於府君內有移孝作忠之語府君曰吾聞穆堂先生
不輕許可人見之筆墨者尤爲矜慎今有此贈是前
輩望汝成人也移孝作忠四字汝當刻刻在心毋忘
辛亥春假滿不忍遽行府君曰汝旣服官則此身便
屬
朝廷忠與孝豈能兩全况我與汝母年方六十餘精
神甚健汝當急趨京供職慎毋以兩人爲念不孝錫
紱受命抵京未幾遷考功司郎中壬子改授貴州道
監察御史仍兼吏部額外郎中是歲出繼弟錫經受
知督學仁和姚公補邑弟子員不孝錫紱於九月內
外補廣東肇羅道便道歸省并恭迎府君太夫人往
署以道遠未行惟囑曰汝迎吾爲便養也汝若做好
官勝於口體之養多矣吾聞廣東山海之區弭奸戢
盜使小民安枕巡道之責也其勉之乾隆元年丙辰
不孝錫紱奉
特旨署理廣西布政使司布政使丁巳實授布政使

是歲恭迎府君至署府君曰無錢之官欲貪不能有錢之官欲廉匪易藩司錢糧總漕謂無錢可乎此而能廉乃真廉耳在署數月惟與親友以詩酒相娛暇則批閱闔屬觀風試卷至不孝紱所治官書從不過問或詢其故曰仕途中以子累父以父累子者皆與事也吾戒之不暇敢蹈之乎以性樂田園疎散遂於是秋還里戊午不孝錫紱循例入

覲請假回家省親并恭迎養府君亦未肯行秋闈出繼弟錫經舉於鄉辛酉春不孝錫紱蒙

恩陞授廣西巡撫府君聞報焚香望北叩謝即遣人

四知堂文集

卷二十七 行述

六

馳諭曰汝年方四十驟膺封疆重寄

聖恩高厚豈能仰報萬一汝當竭此血誠殫心王事

一省安則吾心亦安家事吾自屏當汝可無一毫內

顧也是歲秋闈孫有法有濟有涵同舉鄉試歸拜府

君府君謂曰汝等幼穉聯翩獲雋勿自謂讀書之力

此汝祖宗積德餘慶也從來宦家子弟多不能守其

家聲由於得之易爾汝曹當勿染紈袴之習刻苦如

寒士讀書勿專溺於詞章將來庶爲有用之器也是

歲出繼弟錫經歿不孝錫組見府君痛子情切請恭

送至廣西署中少釋憂思府君不允曰居官况味吾

久知之吾豈肯以道途之僕僕易我林泉之至味乎
甲子不孝錫紱奉

旨入都旋有禮部侍郎之

命因具摺 奏請便道由江西省親於六月到家相

依膝下者十日臨行依依不能別是時府君七十九

逾歲八十不孝意欲請養府君知之正色曰忠孝不

能兩全吾久已爲汝言之汝奉

命入京而孺子態如此是汝仍不能體吾志也其何

以報

國不孝錫紱惶恐就道至京供職僅九閱月乙丑之

四知堂文集

卷二十七 行述

七

夏復荷

恩綸巡撫湖南沐

聖恩之高厚喜家鄉之密邇請

訓時詢及家世謹將父母俱年近八旬一一恭 奏

蒙

聖主溫諭有加蒞任後即遣人迎請府君太夫人來

署并恭述 奏對始末府君乃於丙寅之夏至署至

則訓不孝錫紱曰此邦毗連吾鄉風土人情約畧相

同教養兼施德奸宄戢健訟實心行之數年當有成

效吾不耐久居署內以汝 奏明感激

聖恩故來一行爾在署偶聞叅劾官吏府君慨然不孝錫紱備述其故府君曰罪由自作固然然已一家哭矣必彼心服汝心安乃可慎之慎之至秋仍還里諸孫每逢文期皆請題於府君府君每題走筆立成一首示之閱兩月得文五十三首錄示不孝錫紱請付梓人兼請府君自序府君曰汝父老矣豈尙有名心乎其允汝請者因老年心血不忍竟付磨滅且使後之子若孫見之知祖父當年貧而力學老而不倦或以堅其向學之念而勵其上進之心以無墜吾讀書家聲云爾小子謹藏之勿令外人見也是冬卽

四知堂文集

卷二十七 行述

八

微患腰疾丁卯爲府君八旬大慶不孝錫紱遣人固請乃復來署時腰疾亦愈精神康健飲食步履無異中年人及誕辰諸同官寮屬分次入慶府君皆酬答如儀闔城百老人登堂稱祝府君一一下階慰勞見者咸驚歎謂上壽康彊目所未覩不孝錫紱不敢隱以親父年躋八旬湖南北同官文武製錦稱祝情事恭摺陳明奉
硃批此係應爲者錫紱捧呈府君敬閱府君感激惶
恐曰一老人八十壽爾乃仰沐
溫綸吾何德以堪此自今以往世世子孫當圖仰報

汝尤當益勵丹誠毋負封疆重寄卽所以代汝父報答也一日往遊嶽麓景仰先賢溯詢遺址歸語不孝錫紱曰吾生平未至白鹿洞常以爲歉今至嶽麓甚慰夙懷此地有何重重朱張兩夫子爾當時兩夫子講習於此豈嘗預必其久而不廢然百世之下聞風仰慕此以見聖賢遺澤之深而士君子之不可不自砥礪也兒守此土當恭摺

聖主道南正脈之額振興多士各知希踪前哲乃盡職守秋間復還里今戊辰春腰疾復發不孝錫組朝夕服侍醫藥調理漸就痊可不孝錫紱遣次子有涵

四知堂文集

卷二十七 行述

九

歸家省視府君曰汝來知汝父甚念吾且有告養之意此念差矣汝父一寒書生荷蒙
聖恩二十年中內歷侍郎外任巡撫不思竭力盡瘁反藉吾老人爲偃息計耶慎勿復言秋七月復于論不孝錫紱曰吾精神較前更覺清爽汝但安心做官不必以吾爲念不孝錫組見府君雖患嗽疾飲食步履皆如常時私心竊幸從此頤養雖期願可卜乃至九月初十午膳後忽示微倦少頃遂端坐而逝府君去夏歸里不孝錫紱恭送舟中府君語曰汝勿臨別依依明年吾當偕汝母同來免兩地懸念方謂長依

膝下屈指可期詎意舟中數語遂成永訣耶痛哉府君秉性誠一器宇端凝言笑不苟居無倚側之容行無跛踣之步自幼卽講求聖賢之學所操行皆近裏著已功夫尤服膺司馬溫公無事不可對人言之語躬行實踐自少至老處心積慮無毫髮自欺處嘗曰獨寢不愧衾獨行不愧影此方是真學問真儒者若外竊講學之名而內省不堪自問所謂偽君子害道之尤者也生平安貧樂道布衣粗食甘之如飴雖家計蕭然而浩浩落落若將終身卽中年以後不孝錫紱倖竊科名叨蒙

四知堂文集

卷二十七 行述

十

國恩身膺顯秩常祿所入足以備甘旨供衣裘而府君不改其素嘗訓不孝錫組等曰觀汝曹行徑有漸趨奢靡之意此皆內志不定爲外物動者也獨不思由儉入奢易由奢返儉難富貴功名可長保乎侈泰相尙其何以能久府君動循禮法治家尤嚴整內外肅然卽叔父輩每事必稟白而後行然公正慈惠撫諸從子從孫如已出無一錢尺布之私長幼化之共循敦讓以故一門之內六代同居親丁百口雍雍睦睦從無谿勃詬誶之聲見者聞者皆以爲有壽張張氏義門陳氏之風性耿介嚴於取與非其義者固一

介不取卽分所應受其中有絲毫之不安必不肯苟且遷就往時授徒於外主人仰府君名敬禮臻至一日僕者言偶失檢府君卽拂衣徑辭主人百計挽留不能也寒家鄉居府君中年以前除考試外不輕入城至不孝錫紱通籍後則絕跡不至邑侯郡尊素仰風采欲一面不可得并時戒子孫以遠嫌疑守家範其處朋友信而直不輕然諾有過必正色相規文字往來者尤瑕瑜不假諸父執皆敬憚之生平沉酣經籍於書無所不覽自就外傳以至年登八旬未嘗一日不開卷不喜聲韻之學偶有吟詠亦不存稿古文

四知堂文集

卷二十七 行述

十一

則規撫廬陵南豐而得其神髓時文清真雅正隨題敷寫皆一片靈機真氣洋溢楮墨之上投之所向無不如意引誘後進如恐不及三十年寢食研田中凡出其門下者皆有所成就晚年益涵養純粹有與物皆春氣象親友接見顏和語溫忘其爲昔日之嚴氣正性也其他敦睦宗族周恤戚黨矜孤寡振貧乏孳孳爲善蓋終身未嘗少倦焉府君弱冠卽有志當世之務一切經濟悉擘畫胸中可見施行因屢困場屋自辛卯後遂絕意進取視富貴功名如敝屣故丙午督學使者浙江沈西園先生以孝廉方正薦亦堅拒

不行同鄉故太傅朱文端公壽府君六十文有曰不事王侯高尙其事得盡上九之義然能課其子使爲名臣宣力國家則又非處江湖而忘魏闕者所可同日語可謂知府君之深矣府君於不孝等訓之極嚴凡所督責皆聖賢學問忠孝大義不孝錫組學殖無成虛生人世不孝錫絨叨沐

國恩歷官中外二十餘年雖夙夜冰兢罔敢懈逸而於府君庭訓究未能分毫仰體追維色笑重泉永隔抱恨終天曷其有極嗚呼痛忍言哉府君生於康熙七年戊申六月二十三日丑時歲貢生鄉飲大賓累

四知堂文集 卷二十七 行述 主

誥封資政大夫卒於乾隆十三年戊辰九月初十日未時享年八十有一娶吾母張太夫人同邑先外太父于萬公女累

誥封一品夫人生不孝等三人長不孝錫組國學生娶張氏同邑廣元公女次不孝錫絨雍正甲辰舉人丁未進士吏部考功司主事歷官廣西巡撫禮部右侍郎今湖南巡撫兵部右侍郎兼都察院右副都御史娶聶氏同里錫昌公女次錫經乾隆戊午科舉人出繼先叔父圭玉公先歿娶張氏同邑文炳公女孫十一人長有法乾隆辛酉科舉人娶熊氏南昌府豐

城縣郡庠生捷三公女歿不孝錫組出次有濟辛酉科舉人娶彭氏同里宗源公女不孝錫絨出次有潢國學生娶張氏同里雲茂公女不孝錫組出次有涵辛酉科舉人娶聶氏同里瑞占公女次有濬聘李氏撫州臨川縣康熙己丑進士歷官廣西巡撫直隸總督光祿寺卿

子告家居穆堂公女俱不孝錫絨出次有源聘彭氏同邑邑庠生濟可公女出繼故弟錫經出次有泮聘傅氏同里卓夫公女不孝錫組出次有澳聘毛氏同邑候選州同嘉卉公女次有洵幼殤俱不孝錫絨出

四知堂文集 卷二十七 行述 主

次有漪幼殤出繼故弟錫經出次有泰聘傅氏同里國學生祥野公女不孝錫絨出孫女六人一適聶元鏡一適傅爲海俱錫組出一適黃天佑一字聶啟曙俱錫經出一未字錫組出一幼錫絨出曾孫二人懋學有濟出懋謹有滋出曾孫女五人二有濟出一有潢出二有涵出俱幼未字不孝錫組等草土餘生詮次無倫挂一漏萬伏冀大人先生俯賜采錄錫之疏琰以光泉壤不孝等世世子孫咸且不朽

誥封一品夫人先妣張太君行述

嗚呼吾母竟舍不孝等而長逝耶不孝等罪孽深重不自殞滅禍延吾母遂致永訣罔極深恩分毫未報椎心泣血抱恨終天尙何忍視息人間耶顧念吾母生平閭閻型仁心孝德治家之肅雍訓子之義方雖古列女亦不多見倘致隱沒不彰則負罪滋大用敢忍淚和墨敬述梗概伏冀大人先生採擇焉母姓張氏外太父同邑于萬公外祖母聶太君家世業儒舅父德昌公著聲邑庠母幼卽端莊凝重有如成人外太父甚鍾愛之常語外祖母曰吾女福相非凡當

四知堂文集

卷二十七行述

十四

慎爲擇配非積德儒家勿輕許也吾客遊日多汝識之外祖母心是其言以故年二十尙待聘也迨先大夫與舅氏同受知於學使王公補邑弟子員始委禽焉吾母嫻內則謹闈教在外祖母膝下時卽親族亦罕覩其面自歸先大夫涓村府君尤凜內言不出之訓動以禮法自繩與先大夫龜勉同心奉事先太父誥贈資政大夫景星府君先祖母

誥贈一品夫人張太君棗栗滄澹必敬必潔其得祖父母歡心先太父性方嚴每危坐堂上雖三尺之童無敢嬉笑過其側者吾母獨以誠敬孝養能承意志

先太父或以他事偶怒母必長跪謝過引爲己責往

往爲霽顏焉先祖母晚年病臥床褥吾母朝夕侍奉不離左右一切涕唾便溺扶掖滌滌皆躬任其勞不以旁諉先祖母或搔癢撫摩有所欲言必呼吾母偶不在旁必俟其至然後言臨終語吾母曰婦人至衰年須孝子尤須孝婦汝事吾三十餘年歷久彌敬可謂孝矣吾無以報汝但願汝媳將來所以事汝者亦如汝事吾而已母性甘澹泊勤操作飲食得甘旨必以奉堂上餘卽以推同室嘗終月蔬食怡然安之當來歸時家貧甚諸叔父幼吾母悉斥糶資佐家計毫

四知堂文集

卷二十七行述

十五

無吝色躬自紡績奉翁姑外并衣被諸叔父絕口不言勞不孝兄弟等年至二十尙未衣帛布衣屨服皆吾母五夜機聲所出也先大夫砥行植節恥與世俗同趨吾母鴻案相莊亦時以真儒相勗戚族欽羨以爲難得先大夫少年蜚聲費序小試輒冠軍而艱於一第每鄉闈榜發不免得失之感母嘗勸曰人生俯仰不愧作卽是至樂科名得失何足介心時不孝等尙少先大夫顧謂曰汝母此言非見道者不解出也先大夫篤於友愛自伯父早歿待諸叔父息息以誠意相通母曲體其意善成先大夫之美持內政均平

慈惠伯母黃太君雖冢婦每事必諮詢吾母共相協贊其後諸叔父次第受室母尤善調妯娌閨門之內從無間言中年以後不孝兄弟及羣從兄弟成立婚配食指日繁親丁幾百口六世同居一堂之內整齊雍睦無谿勃詬誶聲皆吾母以身先之故相觀而默化也吾母生不孝兄弟三人愛之甚至而訓課極嚴束髮從塾師受書夜歸必令就紡績燈下熟誦每語不孝等曰吾家貧別無可望惟讀書有成雖貧勝富今日不努力他年悔遲矣不孝錫紱年十七倅厠膠庠母誨之曰吾嘗聞汝祖言吾家累世忠厚將來必四知堂文集卷二十七行述 去

有發者又嘗抱汝置膝上謂族人曰此子二十前後必嶄然露頭角不知吾及見否也今汝獲入泮而汝祖已不及見矣吾思其言不禁悲喜交集汝勉之從此再得上進汝祖含笑九原矣不孝錫紱謹受命歲甲辰叨與鄉薦鄉人有因訟在官來請託者比去母召不孝詢曰適客來何事不孝具以實對母曰訟而求情無情者也無情者伸則有情者屈矣吾年至五十餘見吾鄉凡獲一第者多貪小利卽爲人干謁縣府究之子孫無不落魄者吾家本清白汝慎勿爲此壞名節事不孝對以適已却之母乃喜曰如此吾無

憂矣丁未成進士官銓曹每家書至母必屬以努力做清官無以家爲念壬子荷蒙

世宗憲皇帝恩由御史分巡廣東肇羅道恭迎吾母至署時粵東官場餽遺奔競之風尙未盡絕吾母誠曰汝起自寒士內而清要外而監司於分已足毋求速化益勵清操不敗之道也不孝凜遵慈訓益加兢惕雖同官或笑其迂不顧也歲丙辰

今上龍飛仰荷

聖明由道員陞署廣西布政使復恭奉吾母至署見不孝仍確遵平日訓誨錢糧出入絲毫不染心甚樂四知堂文集卷二十七行述 七

之謂曰爲官當如是汝父若至見此必喜也已而迎先大夫至所以勵不孝者一如母言且嘉不孝之能不忘庭訓也在粵西二年每歲冬司府縣三監諸囚必各給棉衣一曰力能爲則爲之非市恩也戊午第錫經舉於鄉母曰汝弟獲一第固可喜然體弱善病北路風霜非所習也吾甚慮之及會試歸果獲病劇母聞遂回里辛酉孫有法有濟有涵同舉於鄉先大夫誥誥諄至母從旁謂曰汝兄弟勿忘此言不自滿足方成大器他日受用不盡也乙丑不孝錫紱由禮部侍郎出撫湖南屢懇迎養皆未允然精力康健

一切內政仍總理大綱不孝錫組日視色笑時率諸孫曾戲綵於前花晨月夕與先大夫優游庭院悠然享天倫之樂至戊辰遭先大夫大故母哀傷過甚精力遂稍減於前不孝等雖百計寬慰然至性所結時形惆悵不孝錫紱正擬俟釋服日陳情乞養不謂服屆將闕卽奉刑部侍郎之

命未幾復改撫湖南不孝捧檄徃莫知所措吾母諭曰兒受

恩深重義不得復顧其私若以吾爲念湖南密邇吾鄉尙可一行免汝懸念不孝不敢違遂奉母至署母

四知堂文集 卷二十七 行述 大

語不孝曰此番再任

聖主爲汝迎養計也

天恩若此我亦感激無地汝當實心實力益圖報稱不孝公事之暇承歡左右見母飲食步履安健有加私心竊喜以爲從此當眉壽難老四月值母誕辰諸僚屬躋堂稱祝出咸歎息謂福壽康寧日所罕覩五月以後偶嬰胃疾餐飯少減不孝錫組聞信卽趨赴星涉省視調理七月稍痊母以里居安適楚中風土或不如故鄉之佳命具舟歸不孝錫紱涕泣懇留母慰止之不孝錫組因恭侍旋里至家轉覺安健九月

初旬忽胃疾復作醫藥頻進卒不效於初十日遂舍不孝等而長逝矣嗚呼痛哉吾母之旋里也不孝錫紱恭送至湘潭寸心如割不忍言別母哽咽慰曰汝身任封疆當從此返我至家有汝兄奉侍且孫曾繞膝可以娛吾晚景汝但盡心報

國切勿以我老爲念不孝錫紱乃忍痛廻舟每瞻望雲山潸然涕下孰意舟中數語卽終天永訣耶痛哉吾母一生慈祥愷惻救人之困賑人之飢修建寺宇利濟行人所行善事不可勝紀下至昆蟲草木亦不肯輕加戕損猶憶先大夫祔廟時祭當用羊吾母語曰以他牲易之不必殺此不孝等唯唯而未悉其故及細詢家人則羊已孕故也嗚呼吾母仁心及物如此其他可知矣不孝等追維鞠育之劬勞教誨之深至仰報者未能萬一一旦音容永隔瞻依無自天降之罰百身奚贖惟肝腸寸裂而已嗚呼痛哉吾母生於康熙庚戌年四月十三日亥時配吾父

四知堂文集 卷二十七 行述 尤

諱封資政大夫鄉飲大賓歲貢生涇村府君乾隆乙卯丁巳兩遇

覃恩

諱封恭人晉封一品夫人卒於乾隆十六年九月初

十日酉時距生年八十有二生不孝等三人長不孝錫組國學生娶張氏次不孝錫紱雍正甲辰舉人丁未進士歷官廣西巡撫禮部右侍郎刑部右侍郎兩任湖南巡撫娶聶氏次錫經乾隆戊午舉人出繼叔父圭玉公先母歿娶張氏孫男十一人錫組出者三有滋辛酉舉人娶熊氏有潢國學生娶張氏有泮幼聘傅氏錫紱出者六有濟辛酉舉人娶彭氏有涵辛酉舉人娶聶氏有濬國學生聘李氏有澳業儒娶毛氏有洵幼殤有泰幼聘傅氏錫經出者二有源業儒娶彭氏有濬幼殤孫女七人曾孫五人懋學懋璟懋四知堂文集卷二十七 行述 三

珩有濟出懋瑾有滋出懋怡有涵出曾孫女五人
不孝錫組等苦塊餘生語多挂漏倘荷哀其血忱俯賜
銘誄俾增光泉壤豈惟不孝等銜感大德世子孫
實永賴不朽焉

亡室聶夫人行狀

夫人姓聶氏世爲清江人父處士公諱文祐母熊氏夫人年十九歸余余家世業詩書先大夫先太夫人治家以禮法內外嚴肅子婦俱親任井日議酒食無僕婢供使令衣被巾襪皆取給十指上以奉翁姑而
下衣其子女夫人至余家能習勞動勤操作借妯娌
司中饋潔滌滄奉甘旨得堂上歡心夜則一燈熒然
躬紡績常夜分機聲猶達戶外余以雍正甲辰舉於
鄉丁未成進士受職銓曹壬子出爲廣東分巡肇羅
道夫人始侍太夫人來署自是而廣西而湖南夫人
四知堂文集卷二十七 行狀 三
皆從太夫人或歸夫人必親送至家先大夫性不愛
官場繁飾廣西湖南祇一至卽歸夫人以此故每送
先太夫人歸卽留家奉侍二人或余改官乃復來先
大夫之歿也以乾隆戊辰先太夫人之歿也以辛未
夫人皆得在家視棺歛親含飯余則抱恨終天愧夫
人多矣生子六人其訓課也余在署則煦嫗之余或
以公事出度歷旬月則督之嚴每語諸子曰汝父少
貧不能另有書室晝隨汝大父擗擋家事夜始置燈
床楹間繙閱書史常擁被至漏鼓三四下不倦汝曹
今日明聰淨几乃泄泄耶歲乾隆辛酉有濟有涵同

姪有滋俱鄉薦壬申有涵成進士丙子有澳舉於鄉
夫人每聞報輒訓之曰非汝等真能文此祖宗之積
也當勉爲正人方稱吾家兒性甘淡薄喜樸素身膺
寵誥至一品未少翟弗然歲時慶賀則遵禮無忽平
居布素而已冬一羊裘至敝輒易其表更服之兒孫
輩亦不令輒衣羅綺飲食喜家常饌從不另行烹割
常訓諸媳曰當年窮書生婦冀此不可得今尙懷不
足耶汝輩他日隨夫之官當深念此意無事終日靜
坐無一毫偏倚之容足跡不輕出柵以外於兒孫輩
未嘗輕呵斥而至其前者自生敬畏僕婢有失誠飭
四知堂文集 卷二十七 行狀 三

夫人亦相與樂之余或有所資助於人愈厚則愈以
爲喜曰此好事應如是子孫不賢卽積金如山何益
事無大小檢視周到內寢櫺柵榻凡有余衣處夫
人從不以己衣加其上余性不愛早眠夜必二鼓盡
有案牘未了或至三鼓夫人必偕諸媳坐以待此四
十餘年如一日者夫人病於正月至二月初抵署適三
兒有瀆自家鄉至四兒有澳亦以委解河庫項從浙
江至夫人見之甚喜加以醫藥調理至四月小瘥五
月乃愈當夫人病劇時余或中夜起視夫人必促令
四知堂文集 卷二十七 行狀 三

而已從不手扶一人家人有不率教者懼余鞭笞必
向夫人求解夫人必置其過失舉其他好處曲爲分
釋故余因夫人而減怒者十常八九施與之好出於
天性在家日親族隣里視其窮乏周之惟恐不及所
有求貸無不輒應少年婦女受夫人恩施者皆呼夫
人爲母聞夫人或須來署則皇皇如有所失瀕行相
聚泣送在署每有歸里者必酌量財物分單寄贈家
有薄田歲獲租三百石至冬月卽寄諭家人除足口
食外餘盡散之親族貧乏者余荷

就寢乃已否則忍呻吟不令余聞語諸媳曰大人公
事多以我病廢眠食余不忍也余每歲督運北行夫
人必從今歲以氣體尙弱不能偕行臨登舟日余別
夫人語以善自調攝夫人視余良久無他言但淚落
而已方有涵之請假南歸也余未以上
聞及五月始以夫人病少愈尙須調理留有涵在署
服侍醫藥不能卽赴京銷假情形入
告奉
硃批多留數月何妨咨部知之
聖恩深重體恤及家人婦子真感激難名隨敬錄

殊批寄示有涵告知夫人夫人下榻叩首曰余一婦人病乃至上達

宸聰

君恩若此汝等當益感刻圖報爲我稟汝父我病日就痊矣風烈日河干馳驅慎毋以我爲念余方謂仰

明

聖主洪福夫人當元氣全復日益康強豈意至六月初而病症復發屢接兒輩稟知醫藥粹難奏效私冀或尙可遷延月日歸得一見乃回舟至直隸之吳橋而夫人凶問至矣是臨行淚落之日卽余與夫人

四知堂文集

卷二十七 行狀

三

永訣之日也嗚呼夫人於肇羅道任內恭遇

覃恩與余應得

封典俱賜封曾祖父母後屢遇

覃恩詔封夫人累封一品夫人夫人生於康熙壬午年二月初十日午時歿於乾隆丁亥年七月十五日卯時得年六十有六子六人長有濟辛酉舉人娶彭氏處士諱映滙公女先夫人卒次有涵辛酉舉人壬申進士戶部陝西司郎中娶聶氏處士諱振麟公女繼娶傅氏處士諱帝帆公女三有潛候選州同娶李氏原任戶部侍郎穆堂公女四有渙丙子舉人浙江

清泉場大使娶毛氏候選州同諱萱公女繼娶周氏邑庠生名世濂公女五有洵幼殤六有泰候選鹽場

大使娶傅氏處士諱絡岐公女孫九人懋學國學生

娶聶氏處士名之經公女懋璟娶聶氏邑庠生名欽

仰公女懋珩國學生聘江南歙縣邑庠生洪名元笏

公女懋瑄聘處士盧諱紹唐公女懋玖聘現任江南

河庫道會名曰理公女俱有濟出懋怡國學生聘原

任福建興化府通判郭諱聖榮公女懋媛未聘俱有

涵出懋瑛聘現任廣西永安州知州徐名尙忠公女

懋恬未聘俱有渙出孫女十人一適臨川縣丙辰舉

四知堂文集

卷二十七 行狀

三

人候選知縣李名孝泳公子友標一適國學生熊名

世政公子運開一未許字俱有濟出一適玉山縣現

任湖南辰州府通判畢名璣公子詒一許字臨川縣

丙辰舉人山東試用知縣李名孝洋公子友禾一許

字處士聶諱之綱公子本義一許字新淦縣乙丑進

士現任工部虞衡司主事劉名世寧公子佳璿俱有

涵出一許字現任江南丹陽縣知縣胡名相忠公子

某有泰出二俱未字有渙出曾孫一熙芹曾孫女四

俱懋學出夫人未讀書不工文墨然明大義識大體

端莊淑慎一言一行皆可爲閨門法生平不欲以賢

能先人言之失實非夫人意故按淚而書其梗概如此冀立言君子錫之銘誄傳誌備他日史氏之採擇焉

亡弟理章行狀

嗚呼吾弟其遂舍吾父母舍吾兄弟而長逝耶吾以一官遠羈西粵病不得視醫藥沒不得視含歛聞信之下一痛幾絕念吾弟生平修己篤學卓卓可紀而二子俱幼弱不能執筆縷述其懿行吾兄也誼不獲辭爰忍淚畧述梗概冀當代大人君子交游文學錫之銘誌詩歌垂不朽焉弟諱錫經字理章爲府君幼子生而聰慧善解人意吾父母甚珍愛之稍長受書卽通大意不煩督責年二十七歲補邑弟子員乾隆戊午舉於鄉性孝友平居奉養先意承志能得父母

歡心有命唯唯恪遵偶患寒暑醫藥調理必敬必親事伯兄與吾甚恭坐然後坐食然後食有事任其勞者與語無不聽受一門之內怡怡如也與人交披露肝膽不爲矯飾有過必規而不傷蕙激故樂交者衆視財物甚輕少餘遇人急必竭囊以贈偶乏至或爲轉貸務曲全之償不計也爲帖括吐棄陳言力造深雋間作爲詩賦亦清新自喜自年少時卽得失血症然胸襟瀟灑絕不介意歲或間發亦讀書作文自若至近二年而稍劇然於吾父母前從不作戚戚態恐貽憂也吾外任九年每書來無一字及己身所需

惟自矢力學進取及勉吾不朽事業而已吾聞其病每詢之必不言愈然後以書報知吾懸懸不欲以病軀繫遠人念耳吾方謂弟年日壯病必終愈孰意竟以此殞其生耶嗚呼痛哉吾弟之死以乾隆六年正月二十五日丑時生康熙四十五年九月二十九日辰時年三十有六娶張氏邑人孟虎公女邑庠生翼軫之妹子二長有源業儒聘邑庠生彭經邦女次有漪女二

四知堂文集

卷二十七 行狀

三

四知堂文集卷二十七終

四知堂文集卷二十八

清江楊錫紱方來著

賦說書後雜著

傲情賦

伊鴻鈞之賦物惟斯人之最靈參三才而立極秉至德以垂型罔生質之敦敏實懋勉之匪寧胡儔類之總總乃放棄而不惺噫嘻是有鬼焉其名曰惰稟坤之賸得氣之慳不喜見長惟甘叢過厥神主退厥祕司臥踞人心肝中骨髓周游善伺隱曲能揣拙相與習狂爲之喜明可合昏強可使弛爾其爲狀也猥

四知堂文集

卷二十八 賦

一

瑣庸陋僂唐頽方前忽却欲往仍回其爲類也纂纂纍纍耽耽繹繹紛至沓來投間抵隙有如義駒迅馳時乎不再爾曰待之有明日在井未及泉九勿彌勗爾曰姑安得此已足制變臨機功歸克斷爾曰兩可斯爲善算若乃目以司視照遠爲功爾能收視頃刻矇隴耳司惟聽聲入心通爾能返聽倏忽衰充手容宜重足容宜恭佻達跛踣惟爾之從又若一夫百畝志在穀麥惟爾之故舍其稼穡女手纖纖職專辟績惟爾之故休其蠶織至若開藝圃列書田心維口誦希聖希賢匪瑩囊而股刺卽雪映而梁懸胡講貫

之弗事雖晝寢其恬然又如一行作吏雙旌出守民
生之休戚攸關下吏之賢否并有講求以教養爲先
黜陟以公明爲首雖夙夜其未遑猶職業之多負何
宴安之是耽惟逸樂之恐後吾聞人生在勤勤則不
匱舍業而嬉其又奚逮又聞志士勵行守之於爲見
義不爲下愚同歸維彼哲人所其無逸或日昃之不
遑或寸陰之是惜或焚膏以爲繼或運甓之不息或
鷄鳴而起爲善要於有成或坐以待旦敦行期於無
斃或耄而好學陳抑戒與賓筵或老至不知惟忘憂
與忘食凡皆惕勵而憂勤是以道隆德盛而功施赫
四知堂文集 卷二十八 賦 二

於友朋

燈花賦 以燈花何大喜爲韻

日入而息乃張銀燈維晷斯繼如照斯升華堂輝爛
茅舍光騰一檠相對九枝競稱膏煎有耀燄幻呈能
寧須雨潤倏爾霞蒸爾其几橫窻靜夜永帷遮姍姍
帶笑灼灼其花蕊凝猩血瓣點丹砂吐必以漸放正
無涯忽重臺之蔚起亦萼不之兼華月明掩映風定
橫斜天孫雲錦赤城朝霞晴搖目眩是耶非耶若乃
根非生土艷欲驚蛾封姨如俟青帝長過九葉蓮綴
千層菊多幻同月桂奇等冰荷等芳有意問夜如何
又若銅壺漏滴湘簾烟靄象芝或微方粟而大昏後
四知堂文集 卷二十八 賦 三

小人行必正乎君子

唐風蟋蟀官箴說

詩唐風蟋蟀論者以爲勤儉質樸有帝堯之遺風是已余嘗細玩之竊謂此聖學也亦卽切要之官箴詩之言曰職思其居心之官則思懼其雜而不慎故曾子曰君子思不出其位位者居也又曰職思其外非鶩外也人之一身上下四旁親疎遠近各有不可遺不可忽者不思則頑然一物而已伊尹躬耕莘野而思天下匹夫匹婦無一不被堯舜之澤范文正公做秀才時便以天下爲己任豈得謂之外而不當思乎中庸以小人行險微倖爲願外然則事非行險心無

四知堂文集

卷二十八 說

四

微倖皆不得謂之外可知矣又曰職思其憂人生之患常出於所備之外夫子曰人無遠慮必有近憂孟子曰君子有終身之憂無一朝之患蓋慮不在千里之外則患在几席之間古聖人防微杜漸憂勤惕勵此物此志也豈非聖學乎顧何以見爲切要之官箴也

國家設官置吏自大僚以至微員各有其職卽各有其居各思其居卽各盡其職一邑之官各盡其職而一邑治天下之官各盡其職而天下治矣職未盡而他圖是舍己田而芸人之田也職無不盡而上下四

旁遠近親疎計之周慮之到非外也卽如州縣以撫字懲奸爲職或民人流亡於吾地豈得以爲他邑之民而不緝乎盜賊竄通於吾境豈得誘爲他邑之盜而不緝乎以此推之思其外正所以善其居也若思憂則不但己身之害爲憂凡事之流弊後禍皆憂也出一令有在此爲利而在彼則爲害行一政有目前若可喜而其實釀後來無窮之禍者思之不審鮮有不踰偏見而悔作俑者矣是則詩三言思皆居官者之要務不可一日不省覽也詩又言蟋蟀在堂歲聿云暮今我不樂日月其除小民終歲勤動至於歲暮

四知堂文集

卷二十八 說

五

職業稍閒始相聚爲樂計一歲之中爲時甚暫又其所爲樂者不過豆觴酒醴親族鄰曲偶然過從耳豈遂至於蕩心而佚志乃卽瞿瞿然相戒於己甚今士大夫建旄擁節膺符綰綬身據崇高而意存華靡固不待歲終而始言樂也大約賓佐會集事時有肆筵設席習以爲常味則求其珍美庖則期其精良舞袖纏頭酣歌蕩飲既卜其晝又卜其夜豈止於豆觴酒醴而已乎又其甚者則廣置妾媵矜多天冶之容狎昵頑童養成帷薄之羞衣飾務爲華美雌越禮而不顧車馬務極駿麗卽多費所不惜已多而猶以爲

少已精而猶以爲粗直般樂怠傲惟日不足耳曾思其居思其外思其憂者而肯出此哉夫人生德業莫要於取法正人希踪賢哲今詩之言曰好樂無荒良士瞿瞿良士賢者也以彼小民猶知慕賢好德相與倣而效之矧士大夫而可以其逸樂怠慢之身視然民上乎然則所爲官箴者如何曰如蟋蟀之詩而已吏無大小各殫其力各敬其事日有孜孜不懈於位則思其居矣此外凡吾心所宜盡力所可及者周而詳焉勿遺勿置則思其外矣念禍福之相倚惕外侮之有由不敢以其身一日肆然於民上不敢以其心

四知堂文集

卷二十八 說

六

一刻自弛於幽獨則思其憂矣若夫飲食燕會雖必不能省然取其足以適口而已取其足以合歡而已車馬衣服不必華美姬妾僕從不必嬌侈而又時時自警醒曰得毋暴殄乎得毋僭越乎則樂而不荒矣至於尊賢取友德所由進夫子美子賤爲君子以能取友以成其德也不但上官之德望兼隆者宜敬之愛之卽同官之賢能素著下僚之品端才美者亦敬之重之若此者力勤則心不外馳而職業無慮其不舉費省則心無所貪而廉潔不患其無終上不負君下可對民身以勞而得安心以清而愈泰本非爲保

身家妻子之計而善人必餘慶吉士無橫殃其視荒官守而耽逸樂或以放蕩罹禍患者豈不相懸萬萬哉故曰蟋蟀一詩官箴備焉

官常與聖學相表裏充其義禹之惜寸陰湯之日躋文之日昃不遑皆思其居思其外思其憂也中間反復指陳愷切詳盡如午夜鐘當頭棒禪益官常不淺 姪金維岱

四知堂文集

卷二十八 說

七

雞冠說

長沙使院東偏小屋數椽余治官書處也庭有隙地丈許橫澗約二丈稍東有槐一株與海石榴相倚而生若同根然西距槐數武小竹十數竿他無有也今夏初余始命童子蒔雞冠數十本於牆隅石隙間取其質凡易長且備窻間秋色而已及秋紅者先花綠次之深秋五色爛然矣且有一本備數色者爭奇炫異昂然竦然仰者如鳴俯者如飲欹者如鬪側者如窺遠攫者如遊龍高騫者如翔鳳交頸者如鴛鴦同跼者如兄弟每晨起玉露未晞輕烟猶冪相對浣櫛

四知堂文集

卷二十八 說

八

穆然靜佳竹風疎度則簇簇顛動如峩冠醉舞於槐葉黃落間星月皎潔明河在天則亭亭修影布滿苔衣臥聽牆壁蟲聲發人吟思夫世所稱官閣類多奇花異卉供朝夕玩若雞冠者蓋斬艾踐踏之列不則自生自萎於荒烟蔓草中誰復過而問者今乃專美庭院極一時之盛其適然耶抑女爲悅已容草木固有知耶余聞飮珍錯者藜藿不足入其口富羅綺者布褐不足當其盼使此署舊多名花隨地羅列則酒盞詩筒方日與十友十客周旋區區雞冠陋矣然則茲花之得掛齒頰地實爲之與或謂古賢人畸士性

情所托多在草木淵明之菊茂叔之蓮子猷之竹林
逋之梅皆高逸孤潔之品何有於雞冠余應之曰獨
不見何承矩乎使院荒臺遍植蓼花豈盡高逸孤潔
耶蓋富貴之愛庶幾免矣

四知堂文集

卷二十八 說

九

枸杞說

長沙風俗樸陋不尙花卉卽官署亦然昨歲虞山中丞臨行遺蘭數本頗暢茂以失於藏護經冬遂萎而庭院愈荒寂矣今春諸同人偶覓草花不甚愛惜者如鳳仙長春洛陽鷄冠之類植之獨儲子 掘枸杞一本剪剔拂拭蓄之小盆方春細葉青碧與諸草花彼此掩映差有小致可觀及夏暑濕薰蒸蟲生葉上旋生旋蝕幾於枝梢僅存其時鳳仙長春輩標新領異的皪滿目視枸杞蔑如也或謂儲子曰先生休矣天下豈有賤賊如此而可冀其成材質耶儲子不

四知堂文集

卷二十八 說

十

答也少暇卽尋摘小蟲斃之指下如是者月餘不倦未幾萌孽漸生至深秋而花發而實結矣本高僅尺許枝條繁出子綴枝間櫛比鱗次如貫珠然見者驚爲瓔珞爲火齊爲含桃遂巍然占一院之盛而向所謂鳳仙長春洛陽者則皆已憔悴枯槁不可復問卽鷄冠號專秋色亦離披欲謝無復昂藏意態噫盛衰倚伏物情固若此耶考枸杞不以花名其子與根僅堪入藥故藝圃者少蓄之今儲子獨拔之斷并類垣位以盆孟知其意固在深秋落實耳顧中道多故所以撓抑摧折而忌其成者幾不遺餘力使儲子稍感

人言捐棄不復顧則雖有萌蘖終同牛羊之牧安能今日復供人玩愛若此然則古今來愛弛於色衰功廢於半途卒致終無成就者又豈獨一枸杞哉儲子其殆果而確者乎余是以賀枸杞之遭也故爲之說以質儲子

四知堂文集

卷二十八 說

十一

書廬陵楊氏忠節祠後

西江風氣淳樸士尚實學人敦節義而吉之廬陵為最盛歐陽文忠胡忠簡文文山精忠大節光照史冊尚已而楊氏一門忠襄公那又當金人南下時以建康通判被執不屈死文節公萬里以寶謨閣學士家居聞韓侂胄專國擅權三日不食死嗚呼盛矣子若孫建祠以祀兩公中附祀者尚若干人其詳見於元揭文安公忠節祠文安之言曰文丞相間關萬里百折不回畢命燕市為萬世亡國之光殆忠襄文節二公為之標準於前余謂文山天地正氣浩然獨伸四知堂文集卷二十八書後 圭

氏之典型也大雅不云乎無念爾祖聿修厥德願與忠節一門共勉之

四知堂文集

卷二十八書後

圭

書劉簡齋先生殉難錄後

程吏治者曰猷為守所謂守不為利動也余謂守之大者尤莫過於節然非忠貞性成養氣有素臨患難時鮮有不蹉跌者余讀劉簡齋先生殉難錄平日任事以強幹著及其受任鎮沅土酋交構則久已自辦一死以報國觀其臨別語第數言何慷慨而從容也噫如先生者真不朽矣

四知堂文集

卷二十八 書後

十四

祈雨告福湖利農龍神文

惟神位鎮湖湘職司行雨為

憲皇所分封實農功所利賴今錫紱奉

天子命來撫是邦下車伊始即雨澤愆期會率同在城文武於月之六日虔禱於神雖當獲甘霖而為時甚暫霑足未能越今二旬徒見陰雲之布未蒙惠澤之施瞻彼中田殆將黃萎夙夜憂懼莫知所措豈涼德之躬不堪撫循重任抑政事之行有乖土俗民情以致

上天降譴旱魃為災然紱竊思之如紱行負神明則殃

四知堂文集

卷二十八 雜著

五

咎之來宜加紱身百姓其何辜焉用是再率文武屬吏竭誠懇籲惟神念民之所天厥惟五穀時將仲秋勢難再待默運神通挽回造化大施解澤立沛甘霖起既稿於隴上藁蘗芄芄懷新秀於田中與與翼翼則湖湘士女莫不食神之既如五日不雨則穀用不登豈惟無以上慰

聖天子粒我烝民之意即神為

國家調燮陰陽捍災禦患惠此一方之職毋乃亦有所缺至紱之曠廢隕越又無論也惟神其鑒之謹告

題門人周東郊疎林聽泉圖

昔淵明聞田間水聲倚杖久聽曰秫稻已秀翠色染人時剖胸襟一洗荆棘此水過吾師丈人矣是得山水真趣者至居朝市膺簪組則面目塵氛腸胃蕪雜此樂殆難復得然此意不可不存此境不可不設門人周東郊以名諸生選拔成均卒困場屋循例爲州別駕者五年歲丁丑候補得兩淮都轉運使叅軍歷六年俸滿矣以勤於其職獲保留而年已六十矣一切頌祝屏弗事寫疎林聽泉小照一幅專人走淮上口願得吾師一言弁幘首夫叅軍雖末秩然在巖務

四知堂文集

卷二十八

雜著

七

亦會計要樞也以他人爲之當久騰達上不然亦美輪奐廣腹壤裘馬翩翩意氣揚揚而東郊依然一寒士况噫此可以徵其操矣天下惟有真操守然後有真面目有真面目然後有真意趣世乏日事營逐而矯語林泉者其如神不屬何也則茲圖固東郊之廬山也夫

明志居偶筆

讀曾子問而後知曾子之隨事精察而力行讀曾子問而後知聖人真正一以貫之

一貫如有源之水滾滾而來遇圓成壁遇方成珪有一坳卽滿一坳有一竅卽滿一竅極之千支萬派無不如是分之各自爲水合之總是此源頭之水

大夫夙退無使君勞此二語何等韻趣何等正大故善言情者莫過於三百篇後世詞人使盡才藻多流狎褻去三百之意蓋遠矣

漢高祖得天下固鄼侯留侯淮陰等羣策之力然其四知堂文集

卷二十八

雜著

七

要著尤在納三老董公之說軍皆縞素爲義帝發喪使天下曉然知君臣之義而項羽遂爲萬世罪人矣其後論功行賞而不及董公豈以其未嘗身歷行間歟

董公一鄉三老耳而其識見乃出鄼侯等之右可見人才無類不有只在人君能用與不能用耳故知非高祖虛心大度董公亦不肯輕易遮說也

項羽婦人之仁淮陰侯早已斷定爲高祖言之矣乃翁卽若翁之言蓋逆料羽之必不肯烹也然斯言何言也乃出自人子之口乎視棄天下猶做疑竊負而

逃終身訥然樂而忘天下孟子真善論聖人者

高祖最知人况在父子夫婦之間其欲易太子蓋知孝惠柔懦必受制於吕后耳其卒不易者又緣親見趙高胡亥之禍且以安吕后之心爲趙王如意地耳不然區區四皓從遊遂無如太子何哉

人生受怨易受恩難受怨可以不報受恩未報終覺此心缺然

仕途中尤不宜多受人恩受恩一多則事事爲人用何以自立

人是生下來的官是

四知堂文集

卷二十八 雜著

六

朝廷與我的有不做官之時無不做人之時若因做官而壞人品顛倒甚矣

朋友亦不可恃相好而輒有所求今日我求人應之他日人求我便不能不應矣若無求於人人或有求於我其非理者可以謝却矣

人不知學則不能自反偶遇拂意或稍遭屏斥便抑鬱無聊甚之終身在憤懣不平中此等器量不惟可鄙實亦可憐

僮僕賤役彼明白歷練者亦具心胸眼孔往往論及士大夫談言微中不可忽也

負才氣人多不細心所以纂註則不免疵謬政事行到得意時便帶疎畧才多而加以心細直美才矣

大臣爲國家任職第一要識政體若逞一己小聰明或帶幾分客氣做到十分瑣碎刻薄令小民敢怒而不敢言雖弊竇克除於政體所損已多故大臣有聰明須更有學問

爲大臣者位高勢重能正己率屬使羣吏悚息聽命甚善然接見屬吏終當以禮甚怒之時尤宜檢點若小有過差便肆口謾罵不顧受者堪否縱平日廉正自持無可指摘而此一段暴戾之氣已大爲盛德之四知堂文集

卷二十八 雜著

七

累况持已無具不能服人於素者乎張子云學者須變化氣質吾謂爲大臣者更當書此言於座右時時省覽

余嘗督運至武城有回空水手上岸生事村人至舟告急因差役赴彼曉示解散水手疑其僞也并毆及役邑典史聞之倉皇至亦恇懦不能辦余乃星夜馳二十里至其地將水手拿獲二十餘人付縣訊究一面將

上聞邑令惶遽至請示狀甚殷鯨不肯即退余曰爾以聚衆拒捕令不能彈壓懼干重譴乎不妨即作令

捕獲申奏矣乃欣然去今思必待令惶遽請猶是心胸未濶大處若當付犯時卽語以作如是辦理豈不更免令之遑遽乎

凡清廉循謹之吏必少作奸犯科之奴僕而貪暴縱恣之本官亦無守分畏法之家人無他一則芝蘭之室一則鮑魚之肆然則爲家人僕隸者亦何不幸而遇貪暴之本官也

上司經過屬吏預備供頓亦情理所不能免然少有不周亦何關國計民生而必錙銖較量動輒呵斥乎甚有昨日屬吏今日上司卽求全責備者豈以昔受

四知堂文集

卷二十八 雜著

三

訶斥今得借此爲快乎要之此等器量亦斷不能爲國家料理大事

天下智謀之士無處不有或隱居微賤或托身末秩世無與謀者彼亦無從自見耳卽如明宋尙書禮奉命治河築戴村大壩截汶水之流使通南旺南北分水以利運艘遂成千古莫大之功其實卽用白英老人及州同潘叔正之策耳可知奇謀只在能用與用之而斷故世有大人功不必自己出名不必自己成運河乾隆二十二年以前可謂大壞南陽夏鎮之間隄岸全無汪洋一片風濤之險殆甚黃流其餘繚路

之場卸牀座之倒壞灘嘴之橫出泥沙礮石之淺阻暗椿石塊之抵觸更難悉數是年余奉命督漕艱險備歷嗣是據所見聞將應築應挑應截應除各情形陸續

上聞俱得

旨允行蓋

聖王厯念運道民生所關甚鉅事在應行原不惜費故近年南北運河漸次就理水足而運亦速然則前此治河諸臣遲迴顧慮不敢一字入

告不過爲國惜費恐賠累耳不知費苟得當何待於

四知堂文集

卷二十八 雜著

三

惜若恐賠累則全是一片私心爲身家起見耳夫爲大臣而專顧身家不知何以對君父也

從臺兒莊沿流而南十餘里有土城屹然平野相傳曰梁王城城具四門內盡畊種粟麥地近東南稍高處有古廟數椽祀誌公僧梁武帝廟前石碣字多漫滅不可辨考梁武帝都金陵爲南朝時邳嶧版宇當不隸南又誌公事跡亦俱在金陵或別有梁王築此後人因地近臺莊與建業之臺城相似因附會而以蕭衍當之并及誌公歟他日當取邳州並嶧縣誌考之

陪尾山爲泗水發源四泉並出故曰泗水今山在泉林

行宮內上建圓亭泉蓄爲池

翠華所莅川嶽効靈草木增輝石橋花榭碧檻紅欄與泉流相曲折臨崖閱視涓涓汨汨滾滾滢滢清可見底靜足移心且水底藻荇石上苔衣翠碧鮮妍雖經嚴冬其色不改尤爲他泉所無眞人間勝境也

四知堂文集

卷二十八 雜著

三

示有渙

正月接汝稟并面詢王玉知清泉一切情形矣至於養廉有限盤繳不足我當幫汝不必以此爲慮聞向來交錢七文者今商人因汝至願交十文每年多得亦不過錢二十餘千此甚不必當仍其舊天下豈有因二十餘千之錢而被舊例令人謂我較前人多取乎雖愚者亦不爲此矣有已經收過者當扣出做一公事其未收者急令止任仍照舊行方是居官首重操守况汝家門是何清白而令人作語柄乎思之思之此後益加謹慎可也再各上臺於汝未免破格相

四知堂文集

卷二十八 雜著

三

待然不可恃汝當益自謙抑守汝職分至於同官相處尤宜檢點人以公子待汝無公子氣則人益敬汝矣官雖小亦有職分所當辦者一毫不可怠惰公事有暇則無如看正經書人生學問見解皆從書來須是認真讀方知假讀書人不能知也一切無益之事切不可爲家人雖無多亦須常留心體察不可聽其多事壞汝聲名大約勤儉謙此三字當時時記取行之既熟終身受用不盡也二月初七日示有渙

示懋學

陶長沙云大禹惜寸陰吾人直當惜分陰故公事之暇日運百甓古人之勤良可師法吾素性懶故以惰自傲然每日案牘及應酬外未嘗敢廢觀書間亦及筆墨吟咏事蓋至衰年而愈覺光陰之易逝雖追悔已無及也今汝除在家不論外自到船數月止做時文一篇詩一首此後吾不出題汝即不做沿途吾有吟咏亦未見汝和詩一首懶殆較吾為甚矣如此怠荒歲月豈不可惜且古人千里負笈為求益也今家庭有祖父同舟有師友而當面失之更為可惜又功

四知堂文集 卷二十八 雜著

二酉

名以科第為榮青年美質不應錯起念頭也易惰為勤事在勉強勉強不斷則自然矣書此為勗當置座右時時省覽勿以逆於汝心輒即收藏也

勤補軒瑣言

懋學等歸應鄉試瀕行請訓書此示之

- 一 船上行動最宜小心大小便時更宜謹慎
 - 一 遇大風雨寧可少住片時不必著急要走
 - 一 遇地方有賊盜之所夜宜坐更不可一味貪睡
 - 一 汝等係歸應鄉試則荒疎不得每日在舟中亦宜看書或做詩文不可羣居終日言不及義將讀書一事竟行丟開
 - 一 與朋友相處宜以敬為主若彼此謔浪久之必致凶終隙末不可不知
- 四知堂文集 卷二十八 雜著 三酉
- 一 學問無底汝等此時不過分毫之知切不可向人侈口談詩文切不可自己矜夸凡遇人總以謙虛為主若沾沾自足又動輒矜夸乃無受器之人又能做得甚事
 - 一 飲食衣服不要求佳不要只管愛華靡無論沒有即有亦宜愛惜勿輕吃勿輕穿方是惜福的人惜福者後來必能享福若暴殄之人未有結果能好者
 - 一 起居動作宜安詳慎重至接賓客或見長輩大人尤宜敬慎若坐而偏倚或以足架於足上此皆不敬之故亦由平日放蕩未曾習慣以後須時時留心時

時克制切勿貽笑於人辱我家風也

一汝等在署日久不知家族光景在家在族無論自己父母當孝兄長當友即一族之中凡屬長輩皆當敬之其在幼輩則和以相待切不可輕狂惹人笑話一貧窮親戚尤宜加意相待不可忽畧彼暫窮耳安知後來不富我暫富貴耳安知後來不貧窮設身處地觀之則富貴者固宜款接貧窮者尤不可疎慢識之毋忽

一汝等尚有期服在身服未滿切不可便公然看戲仕宦之家宜守禮法要緊要緊

四知堂文集 卷二十八 雜著

三

一出門比不得在家一切寒暑飲食須自知加減不可貪涼以致受風寒不可醉飽過度以致傷胃敗脾或少遇風寒暑濕以節飲食為先胸無滯積病自消除切不可亂服藥服之不當其害更甚謹記謹記
一待奴僕人等宜嚴而有恩切不可動輒打人彼亦人子也不幸而為吾奴僕耳以此思之自然心平氣和矣

一汝等在家無人拘束便易放蕩須是自己用功未試之前仍按期做文送與汝叔父改正方不荒疎
一總漕聲勢不必誇張誇張則人愈笑話即家人有

不檢者亦宜約束之大抵到一口岸到一府縣地方以人不知為更妙

四知堂文集 卷二十八 雜著

毛

四知堂文集卷二十八終

四知堂文集卷二十九

清江楊錫紱方來著

詩

焚餘草

湯陰謁岳忠武祠

鄂王忠義古無倫遺恨今猶泣
路人宋室偏安偷歲月孤臣熱血灑尊親
爰書三字英雄死和議中原社稷淪
古柏祠堂巢野鶴年年風雨尚酸辛

東林寺

匡山勝處結東林徑曲廊迴浸綠陰
貝葉蓮花人近

四知堂文集卷二十九 詩 一

遠溪流月色夜深沉心如靈運終嫌雜
酒為淵明許獨斟今日虎溪溪畔路千
秋遺跡悵難尋

過阜城 古沙邱始皇崩此

徐福何曾海上回鑄池遺壁已西來
長城未就身先

死豈獨神仙是禍胎

項羽墓 東阿

霸業當年委逝波孤墳千載此山阿
英雄到底憐兒女風雨猶聞喚奈何

戲馬臺

垓下何曾留駿骨故都猶自記荒臺
只應雲夢城邊

石曾見重瞳戲馬來

燕子樓

十年歌舞閉樓臺一夕香魂沒草萊
最是傷情春燕子年年風雨尚飛來

已未九月十八偕同人送制閩馬公至三塘歸

途備述所見六首

一騎歸來鬪晚風牛羊下處徑相通
數竿修竹輕烟外幾戶人家細雨中

轉過荒坪又一村山溪流水繞柴門
白頭野老無他

事放下雞豚且抱孫

四知堂文集卷二十九 詩 二

無事公庭見面難西郊返旆走相看
兒童莫漫驚車騎來自田間是長官

稔知稼穡是村莊九月幽風正築場
樂事豐年君著

眼野蕎花白稻梁黃

黃花籬落澱新泥滑滑平堤接石磯
正聽松濤思駐

馬山歌又唱小橋西

秋報功歸廣福王停輿古廟坐迴廊
一杯頓解相如渴龍井何如六尚香
廣福王為粵西龍神廟在桂林城外十里

雨後納涼

不獨甘霖慶歲豐茅簷歇處晚涼通
驅除溽暑生荷

氣瀟酒閒亭欵竹風遲客未來明月上看花無語畫
欄東絺衣此夕宜跌坐覓醉何人尙熱中

喜得舍弟手書

聞道都門返時時念卯君路長勞夢寐書到豈寒溫
近况看蠅字深情托雁羣慈闈方望爾一棹破湘雲

秋雨有感

極目郊原錯認霖乘風作瘴勢駭髮香消蘭蕙如相
如涼撲窓櫺自有心抱樹窮蟬愁濕重街蘆孤鶩悵
雲沉此間別有冷然洞欲借天風掃地陰

賦得近酒春枝故故斜八首存二

四知堂文集

卷二十九詩

三

帶露迎風嬌欲語湘簾半捲宜晴午一尊絲蟻動朱
顏無限芳心窺羯鼓近酒春枝故故斜依人翠袖僊
僊舞微波脈脈擬通詞背立闌干羞媚嫵

猩紅一夜開無數每到名園愁日暮痛飲還應索解
人清尊只合澆芳樹如前如却意遲遲半雨半晴香
步步近酒春枝故故斜一聲新燕花間度

友人張北倡以近作見示卽用其韵二首

酒痕猶記舊衣裳共醉芙蓉看劍光別意經年詩思
冷羽書半載戰塵黃綢繆我自慚鴉智寂莫人應笑
鶴荒幾度臨風南郡望欲憑飛雁訴迴腸

天涯彈指兩秋光宦久情牽薜荔裳橐筆詎妨花月
好縮符未盡姓名香白衣九日陶潛逸青眼當年阮
籍狂事業名山心跡素終期風雨話連床

蘭花

孤芳原世外移植偶庭中花發人俱穆香生谷正空
湘流此不遠孔操意何窮小立微飈動翛然臭味通

蟲吟

咫尺閒庭院蟲吟亦自如出花明月好沸砌晚風疎
側聽殊親切微聞豈緒餘欲將冰共語恐致兩齟齬

夜露

四知堂文集

卷二十九詩

四

滿空明月夜著意在涵濡欲浥風初定無聲物自蘇
荷衣圓點滴蟬腹果紛敷雲際仙人掌真憐漢武愚

葵花

暑雨山城足圍葵長及簷丹誠惟一點紅日每先瞻
露重恩同渥風炎意亦恬世間閒草木向背苦相兼

初夏齋居卽事四首

初綠長晝理餘閒碧砌芳叢意思關牽引危藤教上
直分梳細柳令垂彎簾開翠滴安棋處徑轉香霏置
酒間傳舍精神經拂拭應知風月未全慳
數竿修竹倚櫻亭片石年深蘚蝕青行到風吹花賦

媚坐來籠立鳥寧馨烟霞未許藏名字院落差容適
性情鄴架一編時在手肯教塵夢喚難醒

十二闌干浸碧陰耐人延竚是幽林雨蒸梅子饒酸
味風拆甘蔗見細心急數受風忙紫領遲迴開尾懶
家禽閒中靜對成消受敢惜當前自在吟

空際游絲弄影斜暖風晴日稱輕紗銜黍放後心如
水茗椀擎時嗜類茄紅讓石榴來海國綠分香稻插
田家山城四面平疇接按轡行乘白鼻騮

和黃訥齋道長省畊詩元韻二首

聲聲布穀出芳林按轡非爲絕巘臨四野桑麻豐歲

四知堂文集卷二十九詩 五

樂百年休養

聖人心貪看繡陌連村屋靜聽田歌勝苦吟誰向空
山媚幽獨白雲依舊抱遙岑

雨霽烟霏滴翠林旌旄許共近郊臨板橋流水村莊
景白叟黃童太古心打麥如傳人果腹提壺真勸客
聯吟探幽不少閒情在更訪仙踪上碧岑

新蕉

傍砌依闌影正勻花間竹外倍精神萬株綠霧圍成
帷一夜春風長過人得鹿也知原夢幻緘書何用倩
鴻鱗平生結習渾難忘當作巴牋潑墨新

蚓笛

苦調傳荒堯清音發斷畦昏黃明月上芳草落花低
遠別春深柳微生雨後泥誰從邀笛步惆悵夕陽西

雨中玉蘭初發

連朝細雨濕階苔料峭春寒去復回正欲持杯澆碧

砌玉蘭先報一枝開

夜雨

倉卒朝來雨絲絲至夜仍寒聲聽玉砌濕意上銀燈
衣袂翻嫌薄春旬暗見增山歌與蠻鼓踏月竟何曾

雨止

四知堂文集卷二十九詩 六

斜日斷簷溜微風生竹林媚人看柳眼出谷見鶯心
花落飛紅雨雲開露碧岑良宵三五近待月自成吟

七夕

一葉梧桐報早秋曝衣誰上最高樓微雲歛處銀河
淡繡幙懸時壁月鈎烏鵲可能憐織女客星何處犯
牽牛金燈午夜陳編在消受清涼是遠游

七夕用劉威韻

幽懷脉脉此宵通瓜菓當筵綵線同蟾子不來山月
落長虹欲斷碧天空依人冷蟀萋萋草抱樹窮蟬瑟
瑟風只有少陵真解事丁寧女誠一篇中

七夕課諸子詩未就再用飛卿韻二首

炎鄉節候最宜秋
七夕何妨數倚樓
漢碧虹懸烏鵲
羽窗虛簾上素娥
鈎曝書我自慙
枵腹脫稿人誰可
汗牛佳句錦囊兒
輩事疎星涼夜漫閒遊

天空雲淨不勝秋
碧浸人間十二樓
杳渺青鸞傳漢
殿徘徊紫氣看吳鈎
未能免俗禪穿犢
誰便操刀刃
頓牛雲錦七襄機
杼在等閒乞得任翔遊

十九夜月和張北倡作

海角未生何處催
知君此夕更徘徊
微遮面目從山
吐異樣精神過雨來
青女鬪時知有待
羿妻奔日想
四知堂文集卷二十九詩 七
無媒悲歌宋玉秋風裏
懷抱連宵仗酒開

重九前一日

滿城風雨近重陽
到處蕭疎覺小涼
紅葉漸凋江上
樹黃花初放晚來香
亭因地敞容山人
許秋深佩
藥囊明日登臨知
漫興却愁糕字窘劉郎

恭和

御製 賜貢院詩元韻答提調胡儀曹四首
花滿長安月建辰
宏開鎖院鳳城闈
纔看

御輦親臨幸又向南官
念苦辛伯樂久傳空冀野
裁灑陽相公即
徐丁未座注
王褒應頌得賢人
簾分內外均襄事

願被和風滿座春

明遠樓高接上台
兩行燈火坐奇才
文成錦繡洵佳
矣氣吐虹霓亦壯哉
駿骨金臺千載市
珊瑚鐵網此
間開箇中甘苦猶
能說曾向風簷擲管來
明時鵬鷲悉驚搏
敷奏寧同曲學干食

賜尙方嘗至數春
回忝谷遍非難欣看
多士生王國
竚見羣才効庶官
忝竊頭銜知貢舉
肯將卷牘付叢
殘

扁闌三試夜沉沉
時向磚階聽苦吟
光發新礪殊志
滿經窮皓首更情深
關中士子有年
至八十九以上者
春風送暖勻桃
四知堂文集卷二十九詩 八
浪玉勒看花始杏
林珍重朱衣名暗點
英雄入教
聖人心

喜盧學滄至京憶舊述懷一首

屈指數交遊十年已落落
存者天一隅道里悲寥廓
嘉會古云難况乃在京洛
憶昔灌嬰城千秋同商榷
車笠未可知所矢下車約
先後與計偕旅跡京華托
弱羽偶先飛每對劉蕡作
中間嶺表行羣居而離索
君亦薄氛囂飄然返邱壑
方謂永分張何圖共杯勺
皇路正清平志士壯心躍
鬢髮雖蒼然意氣轉磅礴
回首十年事一一嘆如昨
緒論及雄文百家恣駸轢

乃知歷坎軻天意非無著嗟余久宦海面目苦塵濁
昨歲來京華稍得謝拘縛載籍廢爬梳素業束高閣
知已數過從庶幾鄙吝藥豈惟捷南宮健翮看鵬鷲

六月一日過劉綠汀同年草堂話舊和綠汀見

贈韻二首

論交自昔託忘年矯矯風明見諾然三徑久傳幽意
足半生真悔宦情專行過橘柚風無暑坐愛芙蓉水
且漣話到宵分還未倦從君省得廿年愆

憂居未許便閒身敢附羊裘世外賓人到山居先免

俗詩宗大雅自無塵禮闈回首慙吹送名闕多才待

四知堂文集卷二十九詩 九

援甄先生諸孫皆少年能文况是一時蘭氣合座中重晤謫仙

人是日獲晤明經李牧臣益別廿餘年矣

次兒有涵倅捷南宮綠汀以詩投賀依韻奉答

二首

杏園花發桂花期捷報欣看占一枝豈有才華驚等

輩居然文字奮

清時門生門下成佳話座主海寧相公為余太老師得失得金記

易詞次兒將赴公車筮得噬嗑四五二爻兩世科名真忝竊敢云門第

盛於斯

經籍承先課戶庭芸窓漫詡墨花馨染來柳汁衣俱

絲傳到驪珠眼倍青大抵淵源從祖德偶然名字驗
台星次兒小字台元從茲報

國惟忠蓋長向

堯階拜莢蓂

六憶詩

南湖

平湖如鑑芰荷香水面風來較小涼草笠芒鞋無箇
事一竿猶記向橫塘

孤峯

三峯特出渺無儔坐對烟鬟幾易秋料得青蒼原不
四知堂文集卷二十九詩 十

老他年還許豁雙眸

湖山草堂

數椽書屋稻畦間勝占湖山手自顏比似淵明惟有
菊好鋤三徑待余還

御書樓

書從

御賜敬名樓碧檻朱闌擁四週珍重瑤編勤拂拭名

山終擬繼前修

遠香亭

柳陰苔徑試經過一鑑橫開小碧波才近雕闌清已

覺遠香亭畔菱荷多

柳

柔條手植漸成林別後猶能繫遠心擬向草堂圖尺幅曉風殘月助清吟

試院中秋用鄧經歷韻二首

危樓當鎖院槐影得雙清雨潤塵先淨風和鳥不驚世逢雲漢倬飛羨羽毛成百中爭能地誰忘自獵情萬里扶搖客秋風得意人偏遲今夜月仍近廣寒身蘭芷方餘馥搜羅正及辰賓興慚管領鳳翽看生新

次鄧經歷中秋後一夕明遠樓玩月憶兒曹鄉

四知堂文集

卷二十九

詩

十一

棲鴉初定後明月最高樓賸馥應沾桂清光正及秋玉寧惟楚獻夔自備籠收驥子騰驤在無嫌命不猶聽內簾吟聲有作

湘簾不捲靜飛塵時聽吟聲出院頻照眼能無珠在網賞心應有句通神古來跡池收奇士此地芳香產異人寄語兩行分校客風簷華燭即前身

夜意東鄧太初

區分案牘意蕭疎草色蟲聲共起居明月任遲秋半後清風仍到夜來初低徊隔院嘶名駿惆悵長緘老

蠹魚咫尺盱江詩思好瓊箋一幅每更餘

太初續和夜意詩自傷卑賤情見乎詞復用前

韻慰之

清詞三復肺為疎棘院欣隣鮑謝居瓊海枕榔分袂後章門鸛鶴定交初卑棲誰繫騰霄鳳冗食真憐上竹魚他日晚成兼著述波瀾先自筆花餘

三試事竣內外肅然即事抒懷得詩四律

垣舍週遭若比隣奎樓中踞勢嶙峋旁求俊父瞻宸翰風擅風騷是楚濱關節一毫無罅漏寅恭三試竭精神燈熒露重微吟夜時向風簷念苦辛

四知堂文集

卷二十九

詩

十二

名糊書易重掄才坐見龍光逼上台自昔文章思報國于今騏驥競登臺神交不數調湘瑟鯤化爭看起蟄雷一曲工歌先小雅笙簧為聽鹿鳴來

連宵細雨撲輕塵恰到秋中得月新伯樂一過空冀野龍泉雙劍合延津奇才氣自沖牛斗具眼高原邁等倫咫尺廣寒清絕地一枝先折看何人

會栽桃李領春官又向瀟湘擷蕙蘭魚貫士歸功令蕭香飄人上玉霄寒三年澤霧文應變九萬搏風事匪難少有餘閒心爽在揮毫肯放墨花乾

送鄂制軍還京

斗山聲望玉精神
敷歷封疆數十春
剩有歌思存百
粵會將擘畫
重三秦
南來喜再瞻
佳宇北去新傳名
老臣聞道

朝端虛揆席
願公珍重濟時身

送徐大中丞赴西安

頻年依約想風流
粵海談深一葉舟
雍正壬子余始
晤中丞於粵東

清遠縣十載軍儲籌陝右
中丞由西安
藩司調湖南萬家屏翰重

潭州照人古誼交
真淡與物春風澤
正稠節鉞三秦
隆

帝眷瀟湘從此去
思留

四知堂文集 卷二十九 詩

三

庭桂

枝勻葉稱翠成團
誰與移根自廣寒
滿院好風香並
遠一庭清露夜方闌
過來人記天邊折
待到秋仍月下
看咫尺江郎擅才
思筆花五色好揮
翰時江拙
齋在署

雨窓

雲衣百疊低空倚
冥濛一片烟生水
輕風不斷柳絲
寒寶象濃薰當戶
止素琴撫罷獨
整襟咫尺相思若
千里四面湘簾晚
尙垂聽滴芭蕉聲
未已

雨後

宿雨初消院落清
閒來傳舍亦關情
防侵花徑除新

草爲暢春風擴舊楹
遂有雙飛來乳燕
還將巧語笑
流鶯長沙誰道多
卑濕汀葑洲蘅照眼明

暮春懷東安曾孝廉

雨意紛紛歇風聲靜
不過捲簾飛絮少
入座亂山多
淡慮空方寸懷人隱
薜蘿尺書勞問訊
春去意如何

九日小集清江亭和江拙齋韻二首

小亭清絕院東頭
茅舍疎籬一片秋
綠客自除花下
徑送闌誰覆手中
既頭顱半老寧羞
髮氣味如醇定
洽儔底事文通多
好夢偏將彩筆賦
離憂

碧是寒潭白是雲
週遭細柳類張軍
畦分野菜滋新

四知堂文集 卷二十九 詩

四

露座把疎梧掛落
聽霓羽曲聽吹鎖
院是日貢
院延賓少微

星看耿蒼雯從茲
雅會無嫌數三徑
清香得飲聞

同門甘喬園示述懷四律依韻奉酬

十年宦跡寄南蠻
移節今來楚澤間
芳草王孫香徑
杳美人秋水白雲
閒峯迴雁陣三更
月帆轉湘流九

面山俗吏敢云懸
榻在南州既見總
開顏

離棕縷縷慰金臺
長漏青燈酒一杯
徹骨香寒梅乍

放凌窓玉碎雪紛
來文成親見羣英
集乙丑喬園會
試余適知貢

花探偏遲上苑開
神物韜沉君勿歎
龍光夜燭

星台

棘苑春風憶共鳴如君領袖更蜚聲余與喬園同門喬園為房首

廿年雲樹分南北一夕湖湘又弟兄古調獨彈人落

落新詩重見論觥觥簿書自覺塵氛甚每接蘭言氣

象生

卓犖襟期邁等倫功深深雪本無塵衡分越水曾收

駿喬園會分業著名山近等身終致青雲成國士肯

當明世作閒人周旋公瑾心方醉莫漫驪歌指劍津

木蘭行續夢中作

丙子秋扈 蹕熱河往還恰五旬夢中忽得

句云到眼羣山五十日雲壑千萬填胸中醒

四知堂文集卷二十九詩

五

而足成長句

到眼羣山五十日雲壑千萬填胸中孤吟未發壯觀

闕清興鬱鬱魂夢通憶坐長安苦塵空西望偶睹青

芙蓉經年不著謝公屐幽勝如隔幕千重

九重忽下秋蒐命肄武寧邊繼緒隆微臣職忝掌邦

禮列名上請叨扈從是時節序正秋半槐黃夾道柳

牽風短衣匹馬殊蕭爽經歷關塞何崇隆古來肘腋

分中外于今四海車書同有元四十八部落無小無

大胥從公萬帳貔貅森玉壘千行鷓鴣肅金鐘雲屯

片石爭整轡行營官馬皆於片石交換峯橫岸口初發蹤岸口雙峯屹立

如關即入分圍列隊先朝日逾岡越嶺合從容

天子仁聖輒祝網但令逸去追寧窮草木蕃庶獸孽

息一發再發隨雕弓萬里降王昨未覩

英武豈特振堯封餘閒

瘡藻從天降一時屬和俱夔龍自慚腹儉無長物未

敢搜索塗西東但飽溪山窮險仄丹崖翠巘闢鴻濛

有時樞衣上絕頂縹緲直欲攀元穹松虬柏古無年

代清泉怪石相激衝細雨偶沾紅的皜冰花時墮玉

玲瓏偉哉造物藏無盡得此奇勝豁雙瞳一邱一壑

矜探覽何啻坐井窺穹窿獵罷

四知堂文集卷二十九詩

六

仙莊隨

駐蹕山川不改氣和融

瓊筵啟處鈞天奏劍珮日趨

蓬萊宮

聖朝馭遠如天覆額魯執爵敬且恭蓼蕭湛露古所

誌千秋

盛典慶躬逢歸來旅帳還清絕如鈞新月上簾櫳方

寸何由五嶽起晶光已洗萬象空

和多笠洲少宗伯密雲道中書所見韻

當年重鎮備非常此日田家競築場捆載千畦勞健

續來思一徑澱羶羊酒斟倦後心先醉飯熟飢時梳
亦香休養可能知

帝力

一人宵肝為餘糧

和奈東村同年閏九日即事元韻

驅馳龍塞飽秋光選勝誰謀入醉鄉眼底有山餘黛
色風前惟菊剩寒香曾虛歲月今應補到遠輪蹄豈
在忙佳日再過君記取瓊廬如雪映斜陽

熱河閏九日

清泉碧嶂共秋光縹緲蓬萊即此鄉正有降王趨

四知堂文集卷二十九詩

七

帳殿何妨野市傍

宮牆樓臺迥處雲無際鷗鷺閒時水一方最是多情

籬畔菊留將五色補重陽

再用奈東村韻

誰云蕭瑟是秋光無限幽情紀異鄉蓬島雲烟人境
別田家風味菜根香不憂髮短緣身健愛越林深見
鳥忙遲客未來明月上三杯軟飽聞重陽

兩間房

塞古風蕭瑟人疎境寂閒階空仍響葉垣短不遮山
野菜能留客村醪亦破顏歸鞭誰更急已度白雲關

是日溫宮詹任太僕已過古北口矣

閏九月十日奉

旨命部院諸臣先行回京

平明

天語下山莊小隊儒冠預啟行計日兩經黃酒綠到
家猶及嶰螯黃深林葉落山逾靜古塞風高雁正忙
記得春巡陪

王輦燕南趙北東輕裝

東巡回鑾於趙北口亦命部院諸臣先回

宿密雲縣趨渡莊

此地嚴關近山雲四面橫當年重設險

四知堂文集卷二十九詩

六

聖代久銷兵老樹經秋色寒流達旦聲莊外一溪環繞何人
懷遠略談笑屹長城

黃河崖

在平原縣

黃河南下已千秋此地名猶記舊流代有司空誰遠
略肯將奠定一全籌

西齋偶賦二首

馬首東來歲已殘幾回積雪到關千消融憑仗東風
力放起扶疎竹數竿

芬絲理就誓心寬一一亭臺著眼看寄語梅花須早
放春深便減十分寒

小鈞突川堂兩旁各一

天下名泉第一區小分鈞突此為殊不須幽澗還採
纓飽聽潺湲是座隅

鶴浦

縞衣如雪畫橋東清唳時聞午夜中
慙愧冰厨供薄俸不將口腹累魚蟲

漁磯

釣亭深處柳疎疎磬石天然傍小渠
手把長竿塵外事使君只愛夢維魚

贈原任城步令張乃佳

四知堂文集

卷二十九 詩

九

湘湖別後幾暄寒林下優游歲月寬
一著高人能引退不將矍鑠試雕鞍

恩命加賑被水州縣災黎恭紀一絕

百里微山水繞城嗷嗷中澤聽哀鳴
忽看解澤從天降十萬災黎慶更生

疏洩

秋潮漲後復冬潮浩蕩全湖總未消
寄語司空須着意尾閘洩處是荆橋

煮賑

煮賑由來半救荒恩膏須合速飢腸
使君慙愧倥傯

去未拯災黎出凍僵余十一月二十八日到山東巡撫任十二月二十九日離任

勸輸

東魯由來禮義鄉况當積歉嘆汪洋
應知桑梓情尤急只在旬宣牧伯良

平原道中

茅簷土屋遍平蕪樸素衣冠太古俱
不用長官還示儉只須禮教更涵濡

德州元旦

黍谷陽從隔歲迴條風律應泰初開地
聯畿輔瞻雲近人領春官戴月回劍珮
兩行鏘

四知堂文集

卷二十九 詩

三

舜陞雍熙四海樂春臺

翠華指日還時邁應有

恩波遍草萊

過河間伏生故里

千載阿房草不春詩書餘火竟燒秦
伏生未死毛萇起從此人間六籍新

涿州懷古

控引燕雲第一疆我來懷古正茫茫
傷心往事烏頭白屈指英雄駿骨荒
野地干村迷督亢寒烟一片鎖
婁桑辦香肅具誰堪拜清白祠前春草長

州有楊伯起公祠

四知堂文集卷二十九 終

四知堂文集 卷二十九 詩

三



督運草自序

余少未習韻語甲辰鄉薦後成進士者

功令有詩賦之試乃始學詩然所謂學者亦不過通平仄畧識五七言近體而已未嘗專工一家及汎濫于唐宋元明諸大家詩集選本以廣博其識解而研精其體要故所為詩率多平易佻淺無當風雅之旨卽有一二間為友人許可者亦不過偶然心思湊合未能如專門名家之語不驚人死不休也計自丁未成進士後至乾隆丙子凡三十年約畧為詩不下千餘首以不戒於火悉焚去無存稿丁丑奉

四知堂文集 卷三十 序

一

命督漕淮上至今又十二年矣督漕之任與他職異大約每歲四月尾漕艘至天津卽入覲天顏事畢出京仍尾漕艘返淮非八月卽九月蓋半載浮家水上也其發之詩者河漕事為多登臨眺覽及風雲月露意所偶觸亦間成吟詠然學無根柢功懈鑽研火候境地無所為月異而歲不同者仍然平易佻淺而已昔高達夫年五十始學詩卒為有唐一代名家余學詩在三十以前視達夫為早而所就乃如此因嘆古今人不相及不但道德事功卽一詞藝之末亦不如前賢之有志者事竟成也能無愧歟詩

無可存然河漕情形則亦歷練久而更事多也因次
其年歲而編爲四卷命曰督運草俾覽者知余以運
存詩非敢以詩詡也

四知堂文集

卷三十 序

二

四知堂文集卷三十

詩

督運草

通州宿古寺 丁丑

蒼茫暮色滿城隅古寺聊停載驟車聽到風聲驚柳
老看來月色喜窓虛故人歎客餘尊酒旅客朝
天畏簡書未過宵分先問夜高眠真愧老僧如

高麗營

平原歷盡見羣山虎踞龍盤是此間萬國衣冠趨

四知堂文集

卷三十 詩

一

帝闕千秋形勢重燕關雲帆轉粟輸吳楚玉節趨程
數往還記得昨年叨扈

蹕春官曾此領清班

旅店土屋數間寒風不蔽而野趣天然用壁間

韻

回首輕舟路已遙此間非市亦非朝數椽破屋餘雞
犬一徑寒山下收樵霜後殘蔬猶戀圃籬邊獨木亦
名橋晚來落葉空階意絕勝清齋臥聽蕉

廿九日阻風

野岸風如怒危檣欲溯難近林驚葉落計日悵秋殘



宦跡孤蓬滯河聲昨夜寒石尤非有意輟棹暫相安

夜舟

入夜惝明月連檣競挽舟疎聲森兩岸寒色滿中流
濁酒誰沽市漁歌正送秋倚櫂看碧落歷歷衆星稠

柘園鎮查監處

風急天高暮靄空柘園西畔駐行蹤微明爨火林邊
市遙度寒聲野外鐘往事桑陰虛十畝新愁帆影疊
千重更勞關吏橫相索爲道軍旗急正供

德州懷古

渠流曲曲抱城隅控扼梯航古要區公子珠璣留上

四知堂文集

卷三十詩

二

客大夫飢飽笑侏儒高樓城上齊烟迴古寺河邊梵
碣燕莫向圖經溯遺事風流王李已虛無

十月朔日卽事書懷

曉曉初日上高春短棹依然傍岸松十月朔交春正
小千林葉落露初濃劬勞夢斷悲風木老大心慙負
鼎鐘樽酒故園知不乏敢從泉石話高蹤

四女寺

四女寺前河水深四女寺邊河決頻今年異漲目親
視兩岸田廬失耕耘是時糧艘苦溜急銜尾倒放如
蜻蜓決口波流更傾側失勢一落長鯨吞萬夫挽拽

難回首得返故步已消魂榜人動色相戒語使者目

擊爲蹙蹙亦知程限急星火忍見軍儲付波臣長鋪
大纜相持護百中一二猶沉淪此來經過前日路萬

艘空載明月行雖然水落得牽挽痛定思痛驚心神
寺前衰柳寒鴉岸央口未塞已十旬聞道陂池尙積

潦藉此宜洩達津門縱然水涸土可藝桑榆之計哀
吾民曷哉綱繆及未雨誰司防築毋逡巡

鄭家口阻風

鄭家口岸河之衝舟車四集貨賄通我行昨夜發三
望到曉經過日正紅得尺吾尺寸吾寸敢辭挽拽廢

四知堂文集

卷三十詩

三

人工倏忽陽侯生變態東南風發聲勢雄萬竅怒號
屋瓦墮摧殘衰柳敢撻鋒五千帆艘齊坐困吏告力
竭催無從憶昨來航苦衛漲洶濤駭浪鬪蛟龍爭先
未獲抵

天庾後時已是臨初冬三灣一牖古所誌百夫邪許
相見中那堪石尤更相惱跬步不達心忡忡我聞天

地有正候寒則蕭瑟暑和融大塊噫氣風從出未應
顛倒詎蒼穹使者職司况輓運煌煌

天語趣回空

聖世百靈胥效順肯使東南缺正供含毫正向蒼旻

叩驚波忽定天無風依然百丈牽纜緣

武城

衰柳斜陽岸彈丸一武城長河仍衛水遺俗幾歌聲
不盡停舟意無多欲語情澤中鴻雁在勿令久哀鳴

板牖

板牖汶之尾漳衛此合流夏秋忽異漲驚浪拍天浮
汶弱不敢敵開門任躡蹠始猶門庭寇繼遂腹心憂
聊城百里外岌岌事防修其時盛糧艘到牖即淹留
如觀滄海濶畔岸杳難求如臨洞庭浸波聲撼危樓
千帆安蜩縮一葦誰溯游使者星夜至上下循覽周

四知堂文集

卷三十詩

四

牽挽謀寸進十夫九豫猶決策排羣議洪濤轉巨舟
復苦濁泥惡委沙如塞喉晨疏夕仍淤哽咽難卒瘞
集舟分重載相附類贅疣雖云得銜尾實已咄焦頭
茲來霜落後盈盈渠與溝豈惟失險阻還看漾鳧鷗
乃知河伯恣實緣助虐儔聲勢一銷歇屈伏等降首
憑陵竟何有安坐溯青澗回首風日烈河干困畫籌
有如夢初覺恫恍記歷遊水患古不免泛濫厥有由
緬懷千載上地中實良謀

臨清

平原曠莽水遭週屹立重城擁巨州烟火萬家人夾

岸帆檣一片客經秋好看明月官堤柳會聽鐘聲塔
院樓覆雨翻雲悲七子四溟詩句總風流

聊城

光嶽高樓接大荒聊城城畔思茫茫流分汶水通南
北地踞中原扼背吭郡古編猶傳帝迹臺荒碑自臥
斜陽我來更有神傷處舊雨阡封宿草黃鄧東長先
生余容臺

薄暮

薄暮聊城道輕帆衛水河平山街日盡遠樹得烟多
問俗餘梨棗懷人隱薜蘿古來崎傑士一紙勝兵戈

四知堂文集

卷三十詩

五

安山

平原十日苦無山此地橫臨水一灣風色乍收天宇
霽曉窓依約畫屏顏

開河驛

三分汶水教北徙流向開河十二里北船到此如望
梅口雖暫渴心先喜波冷風寒天欲暮寂歷斜陽掛
疎樹停橈倚棹更何人欸乃一聲南旺去

南旺

河渠遷徙無定處茫茫禹跡誰能溯浮汶達河古所
云黃流滾滾今淮泗其餘小水更可知因時導濟資

人事但須利賴及生民何必隨刊績始著元明之鼎
定幽燕歲漕東南粟萬鉅運道講求匪一人中隔東
阿仍陸路偉哉宋公職司空測量南北無差悞洎治
汶水泰山源流經汶上清河去戴村築壩遏下流南
旺濬河使分注至今一綫達衛漳萬舸千帆安徑渡
吁嗟奇傑建非常天將開之神亦助請看廟貌屹中
流白英老人同秩祀

邳州

舟行入水國觸目總凋殘日落烟逾暝村荒野更寒
哀鴻愁永夕旅客悵驚湍何日橫流洩桑麻四野看
四知堂文集 卷三十詩 六

舟宿

乘風苦未得入夜又維舟水氣連村暗河聲帶雨流
驅寒誰載酒把卷自披裘太息冬將半千帆尚滯留

新開伊家河

湖口如瓶荆山阻茫茫湖水三年堵
至尊宵旰念河防使臣相度舊河濬四萬丁男事開
鑿不日功成可落眼看銀浪瀉湖流昔委波臣今
種穫古來惟斷事乃成道旁之築徒云云大哉

王言真謨典驅策九人如一人
時山東河南江南水
利並舉 命侍郎裴
日修裴麟分省相度二總河及上
下江河南山東督撫凡九人共事

古城溜剝淺 戊寅

東南財賦區歲藉供

天庾承乏在輓輸將事遑寧處黃流一以渡肺壩心
焉數古城桃宿間溜急勢莫禦巨艦艱逆流况值水
泉阻牽拽類鮎魚上竿日幾許分減載小舟狼籍愁
苴補爲語食粟儔致此殊辛苦

古城解纜

淹留將及旬解纜如釋縛雖復乏長風牽挽幸無却
兩岸夾沙隄時一露村落土屋與茅簷所事惟耕鑿
柳外麥雲黃腰鎌方刈獲好鳥鳴其間提壺如勸酌
四知堂文集 卷三十詩 七
卽此是勝遊匪夜毋輕泊

夜舟

入夜鍾吾道微風一葉舟徑行遲月上獨坐看星流
野濶烟無際波閒釣未收逝將謀小隱生事老羊裘
臺兒莊

柳邊斜屋青帘酒沙際輕舸縮項魚記取臺莊停泊
處三杯軟飽數行書

張西銘制軍招飲孫園席上詠白蓮花

本擅天然秀初看出水時色應冰共潔意與月相宜
玉立清誰並香來遠自知航飛餘興在一唱采蓮詩

再過南池

詩酒風流歌南池獨再尋意中亭榭舊簾外水雲沉
小立思前代長歌發古心請看殘碣在——薛痕侵

夜意

風露凄中夜星河巨碧空舟停楊柳外漁亂葦蘆中
入夢蕉誰綠當臆燼自紅一編兼對酒此意杳無窮

故城晚泊

蓬牕久習即吾廬日日隨流信所如兩岸垂楊烟暝
後一鈎新月夜來初杯空正載侯芭酒瓜切猶傳戴

聖書博饒以瓜酒佳境應知惟六月輕風細葛總

四知堂文集 卷三十 詩

八

蕭疎

夜起

夜起為櫻暑開臆進小涼幾時明月上一望野雲荒
獨坐心如洗齊觀我亦忘自來塵慮釋無處著徬徨

半村居次壁間韻

瀕流負郭即村居小構清幽數畝餘主為貪閒常却
掃客因消夏一停車藤蘿貼架陰初結菡萏盆畫

不如切到甘瓜還試墨淋漓粉壁數行書

暑夜

烟雲深處認扁舟遠隔城隅近倚樓一榻好風人小

立半輪明月水東流綺衣自度宜煩暑涼夜行看近
素秋輪輿道人方以外南華一卷讀莊周

津門舟夜

暑氣潛消細雨中津門涼夜一燈紅隔牕蟲語莎間
月別浦漁歸柳外風烟斂頓看天宇濶心清真覺境
緣空誰家別業開臨水未必修廊勝短篷

近光小築八景次門人周牖如韻 存二

近光樓 三字為董思白書

水碧風輕細蹴紋華亭手篆尙能分誰從野岸收殘
碣摹作高樓薤葉文

四知堂文集 卷三十 詩

九

戀月亭

庾樓清興上遲遲謝賦微情屬綺思偏是高寒解留
客一窻虛白夜深時

次周牖如登清虛閣韻

高閣雄瀛海朝宗萬派迴人應通帝座山已近蓬萊
氣象虛空渺帆檣日夜來清秋于役竣把酒共登臺
酒兒來津省視有贈傅山人詩即用其韻示之

底事通宵坐擁衾

天儲輪輓日關心好風淮甸官亭柳落日津門野岸
砧返棹尙愁千舸滯行年敢怨二毛侵久拋筆墨風

塵際轉爲兒曹一苦吟

楊村夜泊

秋氣滌煩暑薄暮更疎爽返棹指楊村遷延遲月上
微涼禾黍風吹來盡豐穰草際螢始流出沒三與兩
跌坐向空明露氣濕簾幌濁酒聊酌斟孤懷還獨往
倦言同心儔相失殊惘惘是夕同人舟
淺阻在後

天津登清虛閣

高閣峙津門兩度祇遙望此行秋正清停棹披衣上
憑高風易涼屬目遠逾曠巖城扼滙流九派爭一向
帆檣海上來蛟蜃隨瀟蕩三山定何許縹緲語亦妄
四知堂文集 卷三十 詩 十

神仙事服食山澤藉廢放豈有萬乘尊甘爲緇流誑
碣石不可求注海功無恙竊據昔雍奴擁護今屏幃

玉粒貢

神京輪輓茲喉吭暇日屢登臨層雲看胸盪

雨中過楊柳青

距天津
三十里

氣候猶餘暑風帆已背城雙旌分雨色一葉掛秋聲
亭館來時渡蒹葭望裏情行當謀一醉前路卽滄瀛

再過德州半村居疊前韻

風帆飽歷羨崖居况占清幽樂有餘別後知懸高士
榻秋來仍駐故人車紅因雁過花相似綠到蘿深柳

不如句得可能謀小飲安排潑墨又新書

王竹齋孝廉疊和半村居韻因復成一首

征途豈合賦閒居旅館重來案牘餘字已無奇誰載
酒人因有約共亭車蕭疎庭院秋逾稱明媚花枝夏
不如最是綺思君濬發揮毫頃刻數行書

登德州鎮海樓

踞城高閣入青蒼古郡平原此索疆一帶河流秋水
碧四郊人刈隴雲黃滄溟俯挹當朱檻岱色遙分上
畫梁惆悵歲星人不見空傳誦諫到明光

蓼花

四知堂文集 卷三十 詩 十一

細蕊垂垂發秋江正薄寒風輕斜颭水露重獨依灘
釣月情如揭盟鷗意未關休嗤茶共苦劫此中看

臨清中秋和王孝廉韻

佳節維舟又一年柳圍勝處類平泉尙餘旖旎風初
度難得空明月正圓河畔雅歌欣永夜山阿叢桂憶
遙天南樓清興今猶昔輪汝揮毫倚醉眠

寺前晚泊

湖水秋來瀾輕舟此再過堤長千柳暗山遠一簞多
雁落全遵渚魚閒細唼波蒼然渾暮色何處起高歌
任城懷古

勝地維舟楫閒情寄覽搜秋風任子國明月謫仙樓
岱峻嵐光迴湖多水氣浮祇今誰賀監杯酒繼風流

和王孝廉遊南池韻

詩聖當年獨擅名荒祠半畝寄南城通池秋水餘荷
碧出院風槐曉露清飄泊一生憂用老摩挲五字碣
猶明許身稷契談何易誰掣鯨鯢碧海行

舟發南陽至韓莊卽事成吟得六絕句

澤國秋風分外涼扁舟直下水雲鄉綠荷衣老垂楊
瘦贏得南飛雁數行

長隄一綫溯沔河蘆葦蕭蕭近岸多夜半恐驚鷗鷺

四知堂文集卷三十詩

三

宿牽篋先戒榜人歌

繪圖曾與達

天閭疏洩荆橋事築防記取眼前耕稼地三年魚鼈

水中央丙子冬余署篆山左一月卽勸明魚臺水患須疏通荆山橋尾閘得旨命河臣疏濬

姑婦篝燈夜績麻土風湖上自成家底事江南異江

北空將十指付琵琶

蜿蜒山勢入平湖雲亂烟霏乍有無行到山前波又

濶始知天地一舟孤

鄒山經過卽韓莊回首烟波但渺茫記得昨年歸較

晚堅冰一夜斷河梁

門人周彌如以秋夜書懷詩見東拳拳孝養情

見乎詞依韻答之

羞澀囊寧剩一錢朝簪暫脫奉高年茅容欸客惟蔬
食宏景歸山卽地仙介節不因同舍熱奇懷常爲古
人憐白雲咫尺長淮近浣手遺經第一篇

王孝廉亦和前詩復成一首

家傳清白豈名錢鼎食依然藿食年朝市但堪容大
隱邀遊何事挾飛仙蘭苔翡翠清相賦明月清尊好
自憐簿領未教春筍束雕蟲時一奏新篇

依韻贈王孝廉一首

四知堂文集卷三十詩

三

藝苑聲馳萬選錢黃楊偏厄閨餘年鄭虔一飯官原

冷子晉雙鳧吏待仙萬里長天秋共碧三更明月夜

同憐揮毫不惜傾珠玉把酒長吟白雪篇

八月二十八日舟發韓莊至沔溝

八牖毗連百里間飛流直下水灣環看多隄柳思逢
竹歷盡湖波喜見山臺市人來秋草碧梁王城圯暮
烟閒片帆落後齊回首髮鬢江陵一日還

舟發下邳見秋禾遍野稔民蘇欣然有作

幾年澤國嘆波臣溝壑餘生仗

聖仁看到秋禾棲遍野懸知里社競吹豳

平疇參錯盡莊家
稻葉新黃豈有花
婦女亦知爭鉅
川一時捆載溢箒車

豐年不但黍稷歌
百產欣盡飲和試
上長隄望村
落繁花如雪野蕎多

衡宇相望盡比隣
秋成聊得慰艱辛
試看斗酒還相
勞出戶居然有醉人

宿遷憶項王事偶作

江東一旅破強秦
百戰翻成漢業新
祖上杯羹留父子
席間劍舞失君臣
拔山力盡歌徒壯
戲馬臺荒草不春
魂魄千年應戀此
大風擊筑是何人

四知堂文集卷三十詩

十四

曉發臺莊已卯

麥隴風恬岸柳閒
飛飛時見鷓鴣斑
南來萬舸方留滯
怕聽頻啼向遠山

晚至韓莊作

水泉無復舊潺湲
八牖真成上竹艱
誰挽微山千頃碧
一時傾瀉過三灣
時湖口牖出水甚緩小
三灣以下多有淺澗

清源書感

雅管風琴久式微
交情七子是耶非
傷心舊隴斜陽外
淪落詩人謝布衣
謝布衣榛嘉靖七子之一

入夏以來雨澤未普
六月初十日舟駐臨清甘

霖竟日旋復達旦霑足既慶喜溢於懷

蘊隆已逾時赤地苦焦灼
幾疑天夢夢早魃終肆虐

一朝岱宗雲膚寸彌寥廓
虹霓戒軼侵雷電靜交作

和風扇其間甘雨隨之落
竟日看祁祁到曉勢猶昨

赫矣驕陽威潛消如蝟縮
殷勤問老農置對神躍躍

豈惟膏芄芄補種遍磽礨
我聞神聖王宵旰求民莫恒
賜偶一見減膳徹懸樂

秦壇事躬禱請命虔以恪
解澤應精神元氣調橐籥

霖淫既以歌奄觀慶秋穫允矣
皇心寧載筆紀胥樂

四知堂文集卷三十詩
六月二十五日尾幫全出臨清解纜而北

任城至清源版牖如鱗比
啟閉爲蓄洩帆檣視行止

汝流一以弱來源先失恃
開河及安山處處膠舟是

使者紆籌策計閉南分水
挽汝盡北趨庶資牖流駛

小吏典守乖動希過客
封板頗後時盈渠復盜市

遂令百里間依然涸轍似
卓哉賢監司李蕙圖時爲運河道水

櫃堤爲毀決波助細流
相度親揮指是時早既甚天

心亦悔只涉波俾滂沱
增漲遍遠通漕達重舸日

夕欣順軌汝衛已合流
建帆勢差擬翹首望津門計

日良可俟區區瞻戀忱

天顏看尺咫尾幫全過津門即由陸路入觀

舟次甲馬營

甲馬營名舊行舟此暫停人家同岸蝕古寺共苔青
流曲紆長纜雲沉晦列星異香何處是水氣夜來腥

德州半村居小憩

德水居停數茲來正暑風帆檣千里遠心跡半村同
綠老窻全受香餘檻曲通壁間前句在伯氏後來工

半村居詩家伯子二首最工

安陵晚泊

地勢遙連海征程此記燕安流帆不掛到眼月先懸

四知堂文集卷三十詩

六

黍葉肥新雨槐風歇暮蟬由來煩暑意盡化晚涼天

舟次泊頭

古寺臨深岸輕帆落淺汀水流新月白烟覆晚苗青
近坐宜楊柳祛煩豈醲醑扣舷吾有意一曲海天曠

夜泊唐官屯看月

弦後添明月高懸匪一鈞照人疎柳岸映水晚涼舟
移坐當空濶開懷發唱酬只應南望處依舊喘吳牛

過獨流後酷暑維舟得間耕亭欣然少坐

暑氣憑陵甚園亭小亦清四圍濃柳色一逕下蟬聲
井汲脾先沁杯傳意更傾問耕吾有意何日謝浮名

問耕亭次伯子韻二絕

綠陰深處結茆亭款客風來分外清姓字主人原不
著問耕新額即佳名

風炎暑溽最宜亭才過花陰意已清可惜問耕耕未
得空將十畝托閒名

舟泊近光小築避暑和同人韻五首

疊石山房

買山苦未能疊石成邱壑時有烟霞生慰此林泉樂

半雲閣

嶺上多白雲臨水得其半怡悅更無人日日風吹散

四知堂文集卷三十詩

七

葉聲館

便自無聲來時作樹間想何當金井欄空階一葉響

戀月亭

移坐當明月開尊不厭頻如何人散後素影尙逡巡

綠滿軒

芳草綠成茵生意一庭滿不比怨王孫惆悵歸來晚

津門舟夜

明月上幾時秋江白未已理檝向中流風細鱗乍起
柳暗村依約蒹葭遙在水伊人不可期蒼翠自徙倚
遠火何微茫釣罷炊菰米長夏苦炎蒸筋力困河涘

蕩漾沂空明塵襟爲一洗

夜起

積熱寧今夕妨眠亦偶然攬衣留夜月開戶坐秋天
野曠聲全寂神清慮已捐轉憐蕉鹿者栩栩亦塵緣

舟夜喜牖如至

入夜除炎暑經秋見碧雲梳風宜細柳吐月愛微雲
水氣涼初併蟲聲野正聞故人欣遠到不復悵離羣
重九前三日臨清偶憶菊花得詩四首

訪菊

柳枝楓葉共蕭疎一徑寒烟認草廬未到籬邊先問

四知堂文集卷三十詩

六

訊黃花消息近何如

對菊

秋香一片溢庭除斗酒雙螯引對初三徑有懷閒未
得可能心跡淡相如

蕊菊

平生踪跡寄東籬薄薄青霜正及期寄語西風休浪
拆曉人花看未開時

殘菊

無多秋色上闌干誰與芳叢護曉寒記取一枝殊後
勁須知傲骨不摧殘

南陽曉發

陡岸維宵纜中流放曉舟露涼荷氣老風定釣絲柔
縛屋斜依水炊菱正對鷗南湖歸未得長愧姓名浮

臺莊

竟徐封域界臺莊一線洳流萬舸杭刻却二洪天塹
險李劉終合祀河防開加河以避呂梁二洪之險建
議於李化龍成功於劉東星皆

勝國
名臣

夜意

河水明如練風帆靜不張蟲聲經露濕月影渡波涼
計日秋將半懷人夜未央小山看漸近到及木樨黃

四知堂文集卷三十詩

九

宿遷

鴻溝割據兩分疆百戰當年楚最强扛鼎拔山成底
事從來長者是真王

歸舟

歸舟遙指海雲東十幅帆張葉葉風惆悵一年秋又
老蓼花深岸夕陽紅

四知堂文集卷三十終

四知堂文集卷三十一

清江楊錫紱方來著

詩

督運草

宿風神壩 辛巳

築壩當清口黃淮此滙流水天增氣象烟月失清幽
浪駭聲如怒風狂勢未休不須頻問渡一夕且淹留

宿古城溜

溜急當昏夜篙師寸進艱淺沙聊駐楫濁酒暫開顏
夜氣侵孤枕河聲撼斷山自來臨險阻只在此心閒

四知堂文集卷三十一 詩 一

午日彭口公館偕諸同人登岸

別館何時築牆門向水開三年舟屢繫五日客同來
舟至彭口蜀錦高盈丈蜀葵又名一丈紅湖波綠似醅絲絲
休競續吾道在深杯

自韓莊至夏鎮得二絕句

韓莊經過總瀕湖不盡長天水與俱底事舳艫安社
席金隄一線界菰蒲自韓莊至南陽界湖之隄悉因水壞二十三年以後漸次修復

舟行始便

鄰山遙對即微山百里烟波侵髻鬢欲倩漁舟爲問

訊此間沙鳥可容閒

過南陽作

薄暮風帆弱南陽遙邁過酒能留夜市燈欲笑飛蛾

問月弦將上棲烟樹正多于棠聞往事未必盡傳訛

河督張公自濟寧來會同宿仲家淺淺上有仲子廟

數日頻過牖任城入望初恰當仲子廟先枉故人車

語在寒溫外心同澹泊如漕河原一事無處著齟齬

張公任河以來修舉廢墜運道大通

虎頭灣

如線長隄折作灣輕舟繫處柳絲閒月明午夜憑高
望一點烟鬟認蜀山蜀山在湖中甚小

四知堂文集卷三十一 詩 二

南旺調宋尙書祠

國家財賦仗南東四百萬石歲漕供由淮達黃黃達
濟濟寧以北人力窮宋公受命河防使躬親相度窮
原委白英老人借箸籌手挽汶流向西徙心同志合
人事和戴村築壩遏洪波七十里地方開鑿直通南
旺爲運河測量地勢南北脊計水成數分三七七分
流北三分南叱咤河伯守科律啟閉更將版牖權視
水盈縮爲節宜南望呂徐北漳衛萬舸利涉無遮遭
從此雲帆達京庾降及商船難僕數物產交通百貨
流萬世之利非小補回思海運惡風濤漂沒漕卒如

鴻毛中更陸運策亦下車不得息人遁逃豈如一水
中流泝帆檣不觸馮夷怒粒米永無狼籍憂大倉時
有千年貯乃知奇績待偉人盡順水性無經綸巧力
兼施逆亦順功成效著都如神我來瞻拜先生祠辨
香虔申有所思從來賢哲多虛已菑莩一得皆吾師

安山書感

暑風炎日寄行舟岸草汀沙遞宿留豈有笙歌酬夜
月惟將案牘送更籌頻年輪輓聊蘇困一夕淹留亦
塵憂未免關心庭草秀一枝曾折暮江頭庚辰一童孫殤於安山

四知堂文集卷三十一詩

三

泥筆斗次彭愛園韻

案頭文具供其一曰筆斗白壁象犀外髮髯色深黝
自有文字來此輩知名久日夕坐對問居然靜默友
泥製始何人頗驚所見少同舟二三子鑒別多可否
愛此樸野姿摩挲不釋手須知汗杯初萬物無好醜
人事日雕琢造化歸雜揉誰能守太璞屏去智與巧
讀易有明訓樽酒貳用缶無絃可以琴先生號五柳
置之環堵宮古色生研畝并欲示來茲藉君銘座右

過武城縣

下邑彈丸地征船五次過人家沿岸出柳色近城多

更古風斯邈年湮碣已磨但令民氣樂不必定絃歌
再宿王家淺

三日發臨清兩日王家淺豈無相送風蒲帆不敢展
拳曲水牕中坐待糧舟轉滯暑能中人時類吳牛喘
我聞盛夏雲奇幻如絕巘底事畏日車膚寸起亦鮮
陰蔭不可期賜亢何由遣擬欲鞭癡龍立將旱魃殄
霖雨遍九垓江河日夜滿千艘競飛騰煩疴庶藉免
二望行

鄭口以北河更曲頭二三灣灣相續中有二望與三
望自鄭家口以北相連三大灣名頭望二望三望每年淺阻舟行每苦水不足

四知堂文集卷三十一詩

四

今歲盛夏賜正亢一出臨清憂二望豈知風日所耗
消更添三望屹相向三望無淺今歲亦水涸舟阻傳聞膠舟已二
日心急輓輪馳視疾河官滿口但支吾運弁權輕空
咤叱使者諦視阻舟處溜狹沙橫水頗怒急集民夫
拔兩舟兼傳丁舵挾器具混江名龍真是龍片時騰
躍水深通余每幫令備混江龍一具鐵紀數十竿以為北河挖淺之用今試之衛河已效矣
舳艫銜尾類魚貫帆檣不必借天風兩岸觀者齊屬
目河吏相驚訝神速轉乞此器留河工緩急無憂雙
手束河漕兩事原表裏名河口運運視水爾吏但無
曠官司一器之微何我爾我聞二望雖古淺疏鑿尙

堪人力展從來思患在預防臨渴掘井毋乃舛

再宿李家樓書感

岸自藏深柳舟仍繫淺莎暑風吹夜急明月畏雲多
河水流無恙伊人去奈何津門殊不遠只是怯車過
友人官雲程以今春溢
逝不勝車過腹痛之感

張灣曉發

去去辭京闕行行向析津水流宵漲急樹抹曉烟新
問夏餘今日驚秋僅隔晨

王恩三接重回首五雲頻

立秋

四知堂文集 卷三十一 詩

五

宿雲留夏雨斜照入秋楓節序移如此河流逝未窮
一竿誰倚岸雙槳正搖風何日空山暮閒情記井桐

秋草二首 限原

天末涼風起如茵那可論衰應同柳色弱豈耐霜痕
未許芳醪藉猶欣引蔓存幻來隨腐化歷歷照秋原
衆草方矜色秋風正扇原縱橫涼露濕歷亂暮烟昏
半折斜臨渚全枯細遠村遙知湘水上不復憶王孫

從南陽至韓莊舟行即景二首

湖水無邊澗長隄一線延微風生夜半細浪蹴舟前
帆挂輕于鳥雲飛薄似綿南來秋未老記取蓼花天

老大烟波裏生涯但有漁竿垂明月上簾刻曉風餘

一運蓮房老三秋葦葉疎歸來新釀熟買醉向蓬廬

張灣舟宿 壬午

月色清於水波流定不驚千帆依岸集一榻對空明
史散消拘檢心冥絕距迎回程今日計詩卷有南征

夜意

好風潛入夜明月正當頭宇碧增空澗舟輕便泳游
微涼雙袖薄小照一螢流此意憑誰識前磯有釣鉤

蔡村夜行

微雲不成雨片月復宵明柳外烟無際河邊市有聲

四知堂文集 卷三十一 詩

六

舟輕絲漲急氣肅為秋清咫尺楊村近吾宗有送迎
族姪有淇時為楊村主簿

雨後翫月

雨歇雲猶駐昏黃氣乃除遂能升素魄依舊滿清虛
橋臥波光細螢流柳影疎翛然忘假寐淡白性相依

天津曉發

曉發津門路南瞻竟若何四圍仍積水一線是渾河
醉客荒年少秋風旅棹多夜來楊柳岸惆悵鴈鴻歌

是夜宿楊柳青

雨後泊北夏口

舟維涼雨後雲斂晚燈初葉濕全低柳波寒不上魚
攬衣嫌葛細徒坐愛牕虛亦有耽吟客瑤篇孰起予

北倉驟雨

秋氣滿寥廓雷聲忽送雨涼風從之來飛濺響樓櫺
雖曰片時間氣象亦已怒我聞江南北頗遭旱魃侮
地赤水泉枯耒耜廢不舉祈禱旬月始得降甘澍
如何滄瀛間滄霖巨伏暑瀰漫憂井間蕩滂沒禾黍
致沴由恒陰豈繫商羊舞餘氣所蘊結滂沛時一吐
漠漠片雲沉飄灑旋桴鼓哀此沮洳民奚由給二鬴

洪惟

四知堂文集

卷三十一 詩

七

堯舜君宵旰念疾苦不待繪圖入網繆及倉庾南漕

五十萬沿流

詔截貯嗷嗷澤中鴻淪浹深肺腑疑造物心覆被
均下土南北一酌劑水旱寧錯迕乃知天地憾終賴

聖仁補

阻風

逆流如登天况值風打頭明知波浪惡寸進急所求
集衆事牽挽齊心如同仇踵趾相連續腰脊何偃僕
移時計道里依然阻且修譬若干鈞重一髮引泳游
操之或已覺斷裂隨洪流古來事機會乘勢斯良籌

人力與天爭智士以為憂

從津門至楊柳青兩岸居民多業種蔬舟行即

景偶成十韻

兩岸餘高壤由來業果蔬幸無憂水潦聊得事耰鋤
抱甕朝曦後分秧晚照初棘懸匏磊磊畦翦韭疎疎
薤葉萌方動芹芽短未舒挾根新芋出露齒海榴餘
作苦真如稼為羹欲勝魚萬錢無乃泰一畝足相於
閒矣東陵業歸歟下澤車咬根余素志老圃或堪如

舟過泊頭

泊頭舟泊處風利未教停一葉全欺浪三更正戴星

四知堂文集

卷三十一 詩

八

火微漁斷續聲急樹飄零無限清秋意誰將上畫屏

畫松

德州南二十里有松數株特為蒼秀舟人相傳曰畫松真松曰畫豈畫松轉真耶詩

以紀

草木有真形繪事乃後起寫生矜妙手真宰窮追擬
河千三兩松屹立更歲紀傳聞署名稱轉用畫圖比
豈真哲匠心巧奪造化理遂令歲寒姿乞榮絹素裏
我非丹青人素昧摹倣技牕間有懸幀岸上蒼翠邇
舟楫所經過平心兩閱視生氣與寫生微茫一間耳
終不亂假真以此而易彼保爾棟梁質慎爾風霜履
貌似究浮名匪榮實伊恥

夕陽

一棹秋風裏行行又夕陽
還飛鴉影亂罷舞柳絲黃
客意銜山急帆陰臥水涼
何人方獨立覓句向蒼茫
故城晤門人李新其

碧漢明遙夜輕帆落故城
茶烹新蟹眼客到舊門生

六載傳經業新其任是邑廣文頻年轉運旌
更深還共語不

為觸秋聲

步行

偏仄嫌舟楫輕裾繞岸行
正青新葦莢已摘舊瓜棚
風味田家美官評野老清
誰能筋力賤一世遠簪纓

四知堂文集 卷三十一 詩

九

渡口驛

古驛臨河出舟行向午過
微風沙際渡細雨隴頭蒼
吏拙虛文少民窮菜色多
災祲知已繪莫漫話催科
夏津水災八九分詢之邑令已上申矣

夜意

細雨輕帆集重雲夜色暝
無聲辭樹葉有耀掠波螢
境寂生空澗塵空合杳冥
何人方擾擾只向酒杯醒

臨清射圃

清源古名州汝衛滙流急
繫纜版牖口亭館何屹立
軒牕四面疎高與帆檣揖
聞中有射圃兼可事決拾

技微瘡不禁欣然弓矢執
居民駭文吏觀者如蝟集

私議處崇高官吏奔走給
凝神養天和靜默龍蛇蟄

豈知男子生桑蓬志所習
敢以忝專闕遂忘肄業及

感志求神仙曉夜慎呼吸
景迫同一盡誰免葬原隰

榻來借樹侯從容誇中的
興酣笑語譁萬事無快悒

坐久微風生輕涼短衣襲
清景正流連一笑斜陽入

夜泊

新月如鉤挂扁舟向夜停
長河流遠水碧漢淡疎星
野迴天無際宵涼戶不扃
從知清絕境獨占是流螢

寶塔灣

四知堂文集 卷三十一 詩

十

寶塔何崔嵬上與蒼穹接
其下繞雲烟戶牖憑空澗

聞昔繁盛年錦市連城堞
紺宇碧四圍琳宮敞重疊

秋月與春花青聽紛躑躅
拾級入層霄意快等常躡

焉能緩游踪踳踳循廊屨
時移代屢更世事驚灰劫

昔瞻天人師今為狐兔穴
四顧何茫茫秋風吹槁葉

古刹委荒烟頽垣苔蘚貼
勝跡久銷沉誰復凌虛躡

空餘萬仞影夜浸灣頭月

古木

古木河之濱歲月不可紀
老榦突虛空一枝猶蕤蕤
蒼翠滴雨餘風霜與終始
我來駐清源扁舟距尺咫

薄暮淡烟橫返照澄秋水破屋一僧閒側耳濤聲起
萬木菱秋風特立有如此乃知真畫圖不在絹與紙

岸柳

岸柳無情緒蕭蕭落向晨年年二三月何事苦撩人

聞鴈

秋色平分夜飛鴻正過時雲山新旅跡蘆荻舊心期
聽到聲遙落方知客遠離南湖烟水濶何日慰墳篋

夜起

夢破亦偶然攬衣中夜起風定羣籟息明月在牕紙
碧漢何晶瑩疎星歷可紀玉露幾時零浮光白於水

四知堂文集 卷三十一 詩

十二

獨立向迴波盈盈帶與履心跡兩空明欲眠還徙倚

柳園

鎮日守蓬牕局促如轍下偶步向深林聊取適休暇
沙徑軟於綿柳色爭相迓迤邐歷坡陀紆折綠港汊
或高如孤桐或低如擺極或密如修篁或蔭如桑柘
雨露豈有偏生成不相借是時秋正清氣候殊長夏
涼風從西來落葉紛林罅爽氣沁心脾逸興輕腰勝
餘勇但一貫猶堪塋塹跨回首見河干帆檣如插架
欲語舟中人一命翩然駕美景亦何常當前者無價
豈必炫亭臺始足擎杯麥

紅廟

清源城南剛五里紅廟屹立河之浹聞有高樓三面
開遠望天涯同尺咫歸舟曉發片帆輕山門落處勢
猶駛曲檻長廊未暇看直踏危梯向空倚糝糊老眼
困塵編擬借秋空為磨洗平原一帶何蕭疎微茫盡
處烟如水高槐細柳不勝涼秋色平分黃葉裏誰驅
黃犢出中田驚起棲鴉啼未已茅檐錯落徑縱橫青
帘挂處村醪美正思一扣向柴荆河干又促帆檣起
世間好事無兼營振舵依然向南指

魏家灣

四知堂文集 卷三十一 詩

十二

秋色將分半微光正上弦舟維黃葉岸人坐晚涼天

代遠河名舊此地相傳為馬頰河舊跡流分壩勢懸灣有滾水壩洩洩河異漲

百川新漲後徹夜聽潺湲

八月九日憶懋學秋闈

幾載淮陰燕坐旁一經親授夜丹黃陳編豈盡窺東
壁暮齒應思慰北堂明月乍升銀漢皎秋風初放桂
枝香未豐毛羽無多力雲路寧容便頡頏

夜至聊城

好雨絲秋細歸帆向暮遲聊城一線水野岸百年祠
舟泊楊公祠即鄆東長先國初東昌太守蹈海懷前哲囊鬚憶舊知生同官容

臺美鬪髯夜
則裹以臥 誰教宵柝急又報夜分時

迅雷

風到急收帆帆落雨已至不知何處雷如軍攻不備
直從舟畔起一躍空冥際萬道掣金蛇千人為坐廢
輕舟苦簸蕩達旦擬不寐須臾萬籟寂依然星月霽
用識天地秋清疎原一致收聲而發聲大造亦不意

安山

老眼秋風裏危檣落葉間三旬平野濶此日遠山閒
雨過鬟初縮烟輕黛正彎從茲毫翰染一半是孱顏
舟發新口南風正作

四知堂文集 卷三十一 詩

十三

汶水流經北秋風吹自南歸帆有若此吾意尚能堪
倚岸聽膠慄停橈看熨藍從來留滯處不礙酒杯酣

從開河至南旺

薄暮風初減遙空月已明人聲兩岸靜秋色一帆輕
欲落看楊葉將歸送燕程分流明日達如箭紀南行

對月

明月團團上照人旅次中兼葭何處水楊柳五更風
影透窗櫺薄光寒野岸空鄉心多枕畔莫漫聽飛鴻
夜泊任城擬登太白樓

舟行過南旺無風亦如駛晝發南柳林薄暮任城抵

維舟當南隅酒樓距尺咫屈指六年間未敢一躡履
非不愛古人詩篇愧後起此來飽秋風疎爽入骨髓
巋然太白樓勢若凌風倚敢曰未能至嚮往而已矣
明發擬振衣載拜向階祀

登太白樓

秋風吹旅跡一徑上名樓兩面山如帶平湖水不流
酒仍今日醉詩是古人優底事殘碑碣縱橫列道周

任城中秋

今夕是何夕平分秋正中一奩開夜月六載共飛鴻
地紀南池勝樓傳太白雄故人期未至獨酌向長空

四知堂文集 卷三十一 詩

十四

河使張西銘先生防
汎蕭陽尚未回濟

珠梅廂

今夜珠梅廂南陽驛盡頭有烟籠水冷無月湧河流
菱芡豐年食菰蒲八月秋榜歌還預戒不令駭眠鷗

采菱曲三首

蓬頭采菱女烟波日往還不知風浪險時復傍青山

蓬頭采菱女堂上有甘旨但得菱滿筐敢惜刺傷指

蓬頭采菱女還嫁采菱郎不似太湖畔只是學鴛鴦

臺莊

帆挂秋風葉葉疎臺莊一望半蓬廬倦游客類還林

鳥出罅舟如脫餌魚嶺外夕陽街欲盡河邊柳葉落
仍餘風烟是處供吟興行到江南想亦如

梁王城

寂寞空山裏巋然有舊城烽烟銷已盡草木可能兵
荒堞餘殘照寒鴉落暮聲年年回棹處憑弔不勝情
皂河登安瀾寺樓

古寺依高岸危樓俯大荒河聲吞邳宿野色到淮揚
木葉三秋老風帆一葦涼安瀾今已奏未雨寄宣防

再宿萬年廂作癸未

銜尾帆檣上牖遲連宵水宿亦相宜風來露下涼微

四知堂文集

卷三十一 詩

五

潤酒到更殘酌未疲几淨喜完酬客牘墨餘新就課
兒詩近年蕉鹿全無夢始覺莊生白著疑

出韓莊

懸流幾日愕波聲纔出韓莊眼倍青四面湖圍山勢
小一帆風送客舟輕沿村麥熟新炊飯到汎官來舊
識名取次天中看節近酒樓應得醉任城

瓶榴

瞥眼瓊姿出短籬膽瓶安放一枝枝來從海上占風
國開向人間續命時臨水牕虛還照影留香几淨偶
支願菖蒲九節誰能采坐對繁英白詠詩

午日絕句

菖蒲風細艾莖新門戶家家插綬勻何處龍舟雙鬪
捷臨崖親見奪標人

福命從天豈漫移罕言的的是深知殷勤覓得安身
處五色無勞績綵絲

魏家灣阻風

清源咫尺一流通向曉猶張得意篷誰識河干終坐
守魏家灣上石尤風

夜意

水色風聲并作涼平沙月照類清霜何人夜半能危

四知堂文集

卷三十一 詩

六

坐靜看疎疎柳數行

從通惠廂望梁山

清秋野濶碧雲閒日日長河水一灣只到聊城風景
別翠微南望見梁山

張秋夜雨

蕭蕭雨色繫行舟隳後旋添碧水流挂劍有臺登未
得空將夜泊記張秋

雨

村村禾黍熟秋風刈鉞庵觀婦子同只有荳花開未
遍淋漓一夜雨催紅

大小長溝

大小長溝一線斜夾隄秋水碧無涯却嫌五兩輕風疾半落蒲帆看藕花

漁竿

船如春水坐來真眼見平湖把釣綸乞與磯頭三尺地不妨長作賣魚人

灝湖夜泊

蜀山南望共天長一色蒹葭兩岸蒼今夜月明新露白扣舷誰臥水中央

四知堂文集卷三十一 詩

十七

四知堂文集卷三十一 終

四知堂文集卷三十二

清江楊錫紱方來著

詩

督運草

崔鎮夜泊 甲申

風利那容泊停橈已二更戍樓微雨濕漁舍一燈明問訊憐寒疾安流慰旅情麥黃真有信欹枕聽河聲

四月水長為麥黃水

宿遷

地是徐方屬城仍楚一隅河聲趨渤澥山勢鎖鍾吾
四知堂文集卷三十二 詩 一

下邳舟中

舟行涉桃宿水足篷帆好侵晨發皂河霞光遍晴昊微風從南來應時薰百草搖搖颺輕舟習習開懷抱
酌酌徐邳區歲歲苦滌潦年來理溝洫漸得播植早
三春陰雨恒隱憂塵父老麥秀滿中田暄煦實再造
腰鎌指可屈刈穫資暖飽幼養老有終貢納餘積稿
微疴為霍然一棹勝幽討

舟次下邳錫山吳令寄到竹爐墨刻二册恭用

御製詩元韻

物之不齊自昔聞傳與不傳顯晦分大抵高流一賞
識聲價便足超凡羣山僧編竹成爐具小異範土脛
埃塵名泉佳茗試烹煮火候微渺參武文後先王李
並傾倒坐覺齒頰生芳芬寫來絹素雪濤沸清詞麗
句工敷陳遂令方外擅清供貴重直等雌彝敦衲子
什裝深藏弄舊物世守誇傳薪

文思天子兼作述九天珠玉隨風紛偶然寓物不留
物品題匪直徒云云錫山大令擅騷雅豈獨敷政兼
經權雕鐫珉石廣流布名山盛事千載存硬黃一幅
遠相寄元氣淋漓寶墨新舟窻展閱條風雨蛟龍似
四知堂文集卷三十二詩 二

解爭奇珍嗚呼蛟龍慎勿爭奇珍中有安禪制毒人

萬年牖

是牖門狹底高溜斜最為險惡舟行偶不慎
動遭覆溺為行旅之害久矣至糧舟過此則
牽挽之難如上青天昨歲余為河督張公西
第言當另建築張公繪圖入告得俞旨今
夏督運過此而張公已辭世矣念我
良友懷惻於懷因為作詩紀始末焉

萬年諸牖中險峻號無向未至先惴慄况臨牽輓上
部署集千夫長繩繫百丈夤緣兩涯間尻高首駢向
亦知勁敵難用衆以為壯當其入金門懸流逾激盪
聲若雷霆殷勢擬懷襄狂豈翳無長風猝難矜破浪
力與雄濤爭千鈞一髮仗得寸與得尺悚息細衡量

失勢偶一落千夫色沮喪形等鶴退飛氣須再作王
在昔版牖施本資

天儲餉尺度誰乖違致為舟楫妨繼事守前踪百務
相依傍明知始作誤藉口輕更張遂令百年間毒流
魚腹葬恂恂儀封公秉志篤忠諒七載受河渠全局
籌宜防相度必躬親巨細悉拊擋開誠納忠益深規
刻不忘茲牖余為言朝聽夕列狀
聖明重河防曰俞汝其剏伐石嶧山巔尅期鳩作匠
工竣應安流舟行想輕颺
國家置重臣匪直養聲望事苟利民生改作豈為妄

四知堂文集卷三十二詩 三

惜哉箕尾騎觀成志未償翹首嵩嶽雲慨焉增愴悵

荆山橋

彭門荆山鬱岩甍十里蜿蜒趨長橋天雨欲霽返照
入虹霓直上千雲霄昭陽微山相委屬百里平湖蕩
空綠此橋適當尾閭處宣洩一氣通邳宿何年黃水
恣躡蹂决口氾濫為湖憂濁浪餘沙相積墊南望山
麓成高邱橋流既塞水道壅瀕湖歲歲妨耕種
一人民飢由已飢哀此魚沛頻災重
特遣上公親相度鑿石驅沙事疏淪十萬寧惜水衡
錢要在吾民永利樂憶昔單車涖山左遍野哀鴻無

一符會籌宜洩及荆山封章朝上夕報可歲丙子余署山左撫
篆勒視魚濟水災即以疏浚荆山橋請有旨命前河臣白鍾山前往徐州督治惜哉厥工未竟施致煩

當宁再籌吝功成兩月鉅而速我來觀者清且漪吾聞神禹治水海為壑疏排濬決戒穿鑿但令地脈疏通雨暘時禾黍芄芄民氣樂

棗林牖

牖北距濟寧六十里兩面皆湖湖東有山環列風景頗勝顧官斯牖者多兀闕吏鮮留意山水今夏督運經過偶至牖署揚聯云馳事水聲裏放衙山色中是殆曾有湖山趣者問之則前署篆某題余嘉其官卑志雅為賦五言十四韻

四知堂文集

卷三十二詩

四

湖山多佳趣世士苟局促况復升斗營志下氣逾俗啟閉職所司送迎甘僕僕水色與山光渺焉詎相屬伊誰五日篆俯仰愜幽獨事事與官官春筍不能束解署林泉間即境餘覽掬破壁留遺墨竚立為三復憶昔陶彭澤倚杖看黍穀田水聲潺湲悠然慰心曲自謂荆棘腸頓洗塵十斛茲意良可師遙遙繼芳躅緬彼要路津高談詡推轂倘儻爾何人卑棲事微祿

維舟
維舟版牖隈逐逐千夫隊所職在輓輪焉能避囂評頗欣山水佳日夕遙相對曉烟散平林深淺浮修黛

豈必屐齒尋一一窮高睽返照人湖波鄰鄰金鎖碎微風荷芰來凉色盈巾佩勞生役世網興寄茲焉在煩襟資滌除詎惟疎病肺慮清觀聽澄意適鑽研耐蠢篋富微言什一呈疵類摩挲再與三臆得偶置味往哲寧誑余尚論古所誨誰能好風日即次滋惕廢

解纜

彌旬守河干解纜方數里豈繫薄遊臻遲遲良有以漕艘殿西江載重多額米江湖巨艦宜入運艱行駛如彼蜀道難上上青天擬如築百仞臺挽石深淵底尺寸自衡量浮送足為喜河流一以涸舟膠苦難徙

四知堂文集

卷三十二詩

五

待救等鮒魚挹注資閉啟節度偶垂違貫輸成隔否入牖內外間涓滴金與比其餘五十牖一一有成軌轉漕漕所司河防實表裏全局紆運籌策應便尺咫一舟苟未達去此將安恃為語舟中人伸縮具妙理行行重行行道遠終至止

自四月至五月幾五旬未雨舟行汶衛間水淺程稽望澤之心甚於老農作望雨吟

轉漕自東南舟行資河水充濟汶衛間涓滴金同視蓄洩遞貫輸有減無增理所恃大雨行波流常瀾瀾憶昨發淮陰時當長夏始及茲四月餘天地猶隔否

陽愆盛風靈早魁相依倚我我岱宗雲寰宇實仰止
膚寸未可期崇朝空言耳亢曠慨中田澀縮憂河吐
臨渴事爬梳如魚困輟底江廣千斛艘盤剝罄載米
尙苦寸進難程限何出紀焚疋事恐謬鞭龍癡未起
安得月離畢滂沱勢未已借此溝澮盈波及河之涘
浮浮復滔滔坐看帆檣駛

望雲

岫夷末光謝蒼茫暝色始望雲匪朝夕葉葉油然起
潑墨頗相同濃淡互移徙未卽彌長空適躡陽鳥尾
幾點漏疎星離離間可指是時水波平峴綠森葳蕤
四知堂文集卷三十二詩 六
涼生類早秋坐覺宜衣履從來勢積重反易無驟理
賜恒元已極咎應休所倚山川本出雲通氣斯爲美
淒淒先祁祁此言非誑詭沾渥行可期得雲心已喜

苦熱

解澤沛何時望雲轉吝驕陽肆焦灼風亦從炎性
大造本紅爐鼓煽特偏勝一氣看遼廓蘊隆騰以競
及膚疑艾炷萎葉駭林爐鷲鳥競深藏潛鱗戒煦泳
消耗及衛渠如膏煎短檠寸步阻漕舟冲冲心用疾
計窮事爬梳畚鍤萬夫併却蓋守河干觸熱敢云病
惜哉揮汗雨徒增衣垢潤曾何補涓涓能使千帆迅

武城

武城學道區雅化起歌詠一笑具深情曩聞相質証
乃知邑無小治理先忠信漢代傳循良慈惠多秉性
禮樂或未講風淳俗亦正信哉斯民心原無梗化病
請勿腴民膏頌聲溢仁政

喜雨

望雨已浹旬頗疑彼蒼酷未肯哀人斯益肆恒暘暴
豈知毒暑蒸陰氣已潛伏頃刻山川雲瀾漫蔽炎旭
微雨從風來點滴疎可賜飄洒落赤地鼻觀土香撲
積時苦旱心得此慰膏沃况乃繼繩繩滄葦無斷續
四知堂文集卷三十二詩 七
中夜更淋漓窳臆駭飛瀑蕉鹿夢全醒坐起秉殘燭
側聽滿河聲微涼生被襪約時計分寸有贏無不足
傾瀉矧方張勢匪益霖霖甘意浹黍苗餘光潤草木
安得遂向晨凝眸看新綠

雨後

寓化家
屯作

寓公多暇意薄暮喜蒼茫鴉陣投林數蟬聲過雨涼
衝泥誰攬轡小坐自焚香滴翠西山色垂垂夕照黃
移舟
河流落後淺灘橫已泊輕舟日屢更只有西山移不
得夕陽銜處晚峰明

出京至張灣舟次作

彤廷繼見謝駕行近輔郊原雨後芳樓畝雲連看黍
秀及時花發羨槐黃舟圍城畔帆千葉路到灣頭水
一方乍別軒窓還拂拭坐來贏得晚風涼

水窓書懷二首

南旋旌節早秋期不繫輕舟處處宜入座好風零露
後洗天涼月破雲時自添衣袂還酬客乍熱爐香正
誦詩甘載牙幢慙坐擁書生面目敢教移

踐更中外點朝班回首謀猷豈夙嫻萬里屢持蠻徼
節卅年難浣鏡霜顏崇階師保方愁黍故國田園合

四知堂文集卷三十二詩

八

就閒漫說蒼生都引領虛名應愧謝東山

舟發張灣

輕舸久泊竟忘還日日臨風一水間底事帆開偏悵
望可應難別為西山

舟夜

葦荇餘碧蓼敷紅點點流雲度遠空可惜一灣明月
夜更無人坐釣西風

舟行

清秋一葉海瀛間近岸垂楊遠岸山檢點琴書無剩
物載將風月向南還

秋夜

曲岸迴流小繫航柳梢露濕葉微光坐來璧月涼於
水始信清秋意味長

鷗

平沙漠漠水滌滄無數閒鷗夢未醒慚愧寒盟三十
載布帆斜掠過前汀

登岸

地接滄溟水易荒頻年民力困蟲蝗今來隴上千畦
碧不愛閒花愛稻梁畿輔連年非澇即蝗今歲秋稼如雲十分豐稔

碁

四知堂文集卷三十二詩
清簟疎簾有客俱消閒可勝牧豬奴爭先一著從來
拙只合欣然學老蘓

九

螢

風前雨後往來頻入幔依簾解近人剛有流光能自
照已忘腐草是前身

野色亭

簷喧小雀壁棲埃剝蝕階除半蘚苔野色不知賓客
散依然斯夕上亭來

野色亭校射

暫駐檐帷沽上房敢將裘帶昔賢方乘閒偶試好身

手野色亭邊隊幾行

岸槐

綠並垂楊高並杉長年清影蔭征帆風烟自是江湖
好莫向瑤階憶舊街

鷺鷥

烟橫浦澗水迴塘振振會爲有客翔到底品流須潔
白看他拳足入鷓行

舟過靜海書感

園林近水柳絲勻觴詠風流洽主賓惆悵師門三十
載等閒亭院屬他人

四知堂文集

卷三十二 詩

十

小竹

人家庭院角牆東細細枝梢短短叢閒與蛛絲勤拂
拭好教瀟灑度輕風

流河

灣灣相見到流河傑閣歸然障逝波河岸有文昌閣消得秋
來風月好碧天無際夜雲多

瓜

離離五色繞茆廬雨後斜陽罷轆轤我亦南湖餘隙
地秋風一片長藤蕪

鹽山彭令餽滄酒

醉鄉泉郡兩成讐敢折花枝當酒籌只好秋風明月

夜客來聊與話滄州

點荳

衛河兩岸多於高粱行間種荳名曰點
荳黍熟而荳正花田間秋色有可觀者
長河東岸小橋西十畝閒閒盡黍畦一種秋光誰點

綴綠陰濃覆荳花齊

極禾

在歲曾見吾鄉袁古諸郡獲稻後將晚種市
於稻根內長養秀發卽爲秋禾此與北方高
粱內點荳頗爲相似且亦農家絕
對也因頌爲點荳詩故并賦之
新穀方升便種蒔根株無恙晚秋宜全書不少詳農

四知堂文集

卷三十二 詩

十一

政說到極禾恐未知

雨望

老眼摩挲未覺昏舵樓高處望平原雨絲不斷烟波
遠遮却西南十里村

水桂二首

秋七八月生
於河之兩涯
細葉叢生傍淺溪垂垂金粟綴枝低羣芳枉自矜新
譜不列秋來水木犀

小山歲歲綻新枝院落秋光正好時誰信盈盈衣帶
水天香一樣晚風吹

夜起

夢破涼颼夜未明一燈疎影紙牕橫
又聽牙檣發半是雞聲半鷓聲

七月二十八夜坐

歸帆斜臥棹歌停漠漠涼生草露零
正好夜來無月 上水窻風細數流螢

星

碧天雲靜夜無聲台朗階平漫指名
只到參橫斜月 落疎疎數點更分明

德州河岸畫松

臨涯翠絕一株株妙手天生絕世無
不比石橋南畔

四知堂文集 卷三十二 詩

士

路生綃偷寫便成圖

秋暮

亂山紅樹影迷離欲下微陽未下時
暮靄漸收新月 上一鈎斜掛最高枝

晚望

輕烟漠漠倦鴉還遠水疎林錯落間
望到平原天盡 處微茫一髮是秋山

過故城

九城遙認闕西十丈波痕舊囓隄
苜蓿自肥人已 去水窻惆悵夕陽低
門人李新其為縣廣文今作令去矣

方家淺夜泊

柳槐多處認村莊輟棹差同鳥倦翔
今夜一鈎應有 月好從隄上看秋光

秋蟲

颼涼露濕野荒荒騷屑情懷夜共長
憔悴十年京洛 客宵深休更近匡床

牛車

夕陽牛背影霏微叱咤雙輪隴上歸
一幅太平真景 象盈車載得稻粱肥

秋扇

四知堂文集 卷三十二 詩

士

餘分暑氣溢簾櫳細葛輕綃稱體同
出入依然懷袖 好不須捐棄怨秋風

棗

滿林紅映夕陽斜風味田家盡可誇
何事神仙多幻 妄虛傳海上大如瓜

囊螢

處囊寧得似藜燃露冷風清手一編
太息六經空過 眼幾曾三食化神仙

渡口驛

西風渡口幾人行黃葉蕭蕭正有聲
莫向驛樓看早

發馬蹄忙殺是浮名

芋

熟到蹲鴟火未寒
田家風味舊相安
十年宰相尋常事
莫向衡山問懶殘

半邊店

柳外平隄岸外村
半邊依舊認柴門
秋來幾夜瀟瀟雨
驗取河流漲處痕

過紅廟感臨清州牧張維垣

十里瀕流選佛場
停舟歲一擷秋芳
今來惆悵西風急
獨對蕭蕭柳數行

四知堂文集卷三十二詩

十四

枕

夢覺關頭判聖狂
北窗敢輒傲羲皇
只應一枕宵分後
消得清秋午夜涼

簞

八尺含風漾碧漪
會傳一府美琉璃
笑他攤飯消長夏
何似疎簾看奕碁

帳

供頓紛紛盛設施
生徒女樂亦支離
道人清夢梅花足
說與銷金恐未知

被

霜氣稜稜夜向晨
吳綿越布總堪珍
如何空閉平津閣
慙愧當年有故人

床

繩床一架舊曾支
富貴寧忘漏屢移
惆悵年來風雨夜
白頭花萼尙分離

履

圯上勤拳帝者師
穀城黃石未支離
卽今履跡台衡逼
可記柴門決踵時

聊城夜泊

繞城烟火竟長河
寂歷東郊夜繫舸
一望淡烟三十里
魯連臺畔月明多

四知堂文集卷三十二詩

十五

望雁

蒹葭漠漠水盈盈
無限秋風繫旅情
消息賓鴻知近遠
樓臺十二月空明

蠹魚

萬軸牙籤擁百城
頤寧羨五侯鯖芸香
十斛休輕蕪比似
人間蠹較清

拂子

馬尾松枝漫品量
偶然拂拭亦生光
憑君莫話王夷甫
一塵清談兩晉亡

鏡

菱花朝夕美人粧壯士悲秋雨髮霜誰似曲江風度
好千秋猶得照興亡

檣

飽似張弓水一隅有時鍊鹿伴菰蘆長風萬里休輕
羨失意還防末路無

七級牖晤王世講林書贈二首時委署牖官

儒素風規少壯年通門桂萼慰華鮮懸知力致青雲
上不藉槐庭世澤綿

小試功名半爲貧河干詎作等閒身悠悠行路無須
因知堂文集卷三十二詩 七

數著眼東西南北人

靳口夜泊

石尤風急撓行旌十里勞勞靳口程只有清光不嫌
客夜深分與一牕明

寺前舖登岸看南旺蜀山二湖

魚籩千層劃水涯綠荷衣老牛無花秋風吹碧粼粼
起半浸湖邊落雁沙

八月十六夜過蜀山湖

萬里晴空漾碧波蜀山如髻認烟螺蒲帆一夜秋風
裡始信湖邊得月多

絡緯

促織機絲午夜中繰車音韻一般同可憐菱芡湖邊
婦不識頻啼爲女紅

漁村

波痕逐日下平沙歷落漁村坐對斜鴻雁不來烟水
寂秋風空老白蘋花

宿遷夜泊

孤城千載傍河流割據雄圖土一坵誰向夜深歌舊
曲美人花謝不勝秋

桃源舟中乙酉

四知堂文集卷三十二詩 七

正好春風吹客舟暫拋塵牘卽良遊山當斷處仍餘
黛水到迴時不盡流細草作泥憐雨後閒花如雪認
牆頭笙歌想像揚州路十里珠簾已上鉤

邳州

遠山淡抹近長河搖蕩星旌拂曉波地入徐方春事
晚年因豐稔醉人多滋苗細雨淪膏澤扇物微風養
太和圯上縱饒書一卷終嫌授受是兵戈

蜀山湖

如螺一點峙湖心萬頃週遭浸碧岑風起白蘋浮浪
穩月明青鏡落波深輓輪自昔紆籌策挹注當前費

酌斟欲語長河諸汎吏從今四櫃好追尋

勸金口壩至兗州作

東郊一徑謾誼詒宜雨宜晴二月時馬踏春泥食草

嫩鶯耐曉夢出花遲分來水勢憑防曲時正築壩斷

府河以灌流截泗水入看到機絲駭織奇充人織繭為土室避風

馬場湖上開圓孔透光一室每四五只有南樓荒舊跡教人惆悵少陵詩

遺址云在少陵書院前

擬上太白樓未果

徂徠松柏竹溪雲狂客山東獨有君池上更誰文細

論樓頭依舊酒微醺平臨色共晴波現高詠聲應碧

四知堂文集卷三十二詩 六

落聞幾載經過頻悵望春風回首又斜曛

閏二月十三日從獨山湖東岸勘鄒滕諸泉

錯落河湖待節宣回舟敢便戀清眠荒山白鼻頻嘶

馬廢隴清明半泣鵲次日清明汨汨泉流幽澗遠茫茫水

澗野雲連持籌別有區分處有金溝泉一道可專引

路祇在勤勞繼昔賢入運但須堵截入湖之

都門卽事二首

年年秋早駐長安晝接從容出上闌楊柳葉零宵露

重菱荷花颭曉風寒漫勞車馬憐衰朽正看班聯集

羽翰一事風流思往昔是誰牛耳執騷壇

紛紛眼底漫爭衡脉脉孤情感慨生僻壤每看材輩

出頽年豈盡事多更葭依玉樹方知陋人對冰壺始

愧清試看汝南操月且肯差毫髮失真評

新秋卽事

飛鴻未便落平沙爽氣先看薦物華蕭瑟風來垂柳

岸清涼雨過野人家黃樓千畝餘倉粒白滿平湖綴

葦花地近南皮舟一葉良遊可得繼甘瓜

芭蕉

竹外池邊半種蕉名僧日對詎寥寥懷素所居盡種

芭蕉號曰綠天扶疎老葉殘逾碧重疊芳心捲未凋曉苑暖吹風

四知堂文集卷三十二詩 九

細細夜窻涼聽雨蕭蕭除分餘綠題詩句肯向人前

漫蕩搖

臨清寓館內有小射圃

脩然高館倚江開汶衛交流水一隈隔岸黃雲栖畝

穗迎人碧暈過牆苔角弓小試綠風勁濁酒新嘗倩

月陪未免黃公墟下感遼城鶴化幾時回感舊州牧張維垣

新秋四首

西流應候見星芒誥誠詩傳第一章天上雲飛疑練

淨樹間風到識聲涼鄉遙客憶蓴千里露重人依水

一方都轉十年慚寸補幾番秋色攬青滄每年初秋俱同舟在

青澹
之間

雨過篷牕暑漸平
沈寥端識爲秋清
未殘楊柳腰仍折
乍響梧桐月正明
十幅蒲帆禾黍色
五更燈燼草蟲聲
情懷我亦悲搖落
九辨誰齊宋玉名

斗牛誰更泛枯槎
蕭爽還從驗物華
語靜梁間辭燕羽
織勤牆角響緜車
洞庭葉下波初冷
瀛海天低月易斜
清絕自來關領略
不妨夜讀傍窗紗

涼飈獵獵雨淙淙
節候驚心是屢逢
腐草試看騰夕燄
停雲那復幻奇峰
南湖水落蓮花老
傑閣塵封卷帙重
眺盡落霞鄉國遠
空餘魂夢繞楸松

四知堂文集 卷三十二 詩

干

藏書閣

秋日雜興六首

寒暑相催歲易週
幾番鷓鴣遞春秋
行經樹底尋黃葉
坐向風前見白頭
得路賓鴻原俊逸
避寒社燕尚稽留
細參物理須行樂
一醉還應盡酒籌

盈盈秋水晚來波
放艇中流自在歌
當局每慙經世少
立朝真忝受

恩多浮名大抵虛
車似失足其如末路何
誰更雕鐫謀不朽
古來金石半銷磨

風蕭天高氣倍清
遙臻莫漫計郵程
衡來銖兩惟山

重較盡低昂是水平
失馬寧知非倚伏
亡羊誰更解虧成
無多歲月流波似
珍重千秋萬世名

瀾茫秋漲未全消
斷續長堤接小橋
禾黍根沉魚躍躍
柳葉落徑蕭蕭
關心澤國多漂泊
極目長天指次寥
何處江南風物好
青山一髮翠迢遙

輕帆容與碧波潯
野色蒼茫變夕陰
露浥蒹葭秋在水
風搖楊柳月窺林
宣防績懋懷前哲
轉運程嚴惕寸心
每到河流分劈處
憑高遠望一長吟

月借蘆花正白時
一天涼意逼鬚眉
頭銜我自慙師保
耳食人誰辨蕙菴
締爲一寒憐范叔
笛笛緣三美想四知堂文集 卷三十二 詩

桓伊水牕鎮日多清暇
點筆沉吟有所思

南旺小亭

亭小如擎蓋登臨正
落暉人從高處立
水自遠來分湖漲
添秋碧蘆銜到雁
羣應知名勝跡不
必盡前聞

舟夜

長天秋水一孤篷
簾捲清宵四面空
隨意看雲疎柳外
滿懷栖月碧梧中
慵拈玉塵延談客
正撥冰絃度好風
佳境未嫌成獨往
貺來清味本無窮

太白樓

粉蝶週遭最上頭名標太白尙存樓光涵秋水湖千
頃翠挹羣山土一杯狂到四明方共醉人非六逸肯
同遊樞衣敬下先生拜燕燕先爲社稷憂可憐飛燕
倚新樞力
士譚語却正
是先生隱憂

四知堂文集

卷三十二 詩

五

四知堂文集卷三十二 終

四知堂文集卷三十三

清江楊錫紱方來著

詩

督運草

古城喜雨 丙戌

灘頭纜繫柳絲長未進先爲尺寸量好是古城三日
雨河流初漲麥新黃

打牖

水急船沉暮雨寒長繩百尺力云殫耐將老眼看身
事日日鮎魚上竹竿

四知堂文集

卷三十三 詩

一

端午前一日

蒲風吹雨雨無多鎮日蓬帆滯淺莎賴有夕陽乘晚
霽銜將山色出烟蘿

晚眺

浮雲捲盡倏晴空世態紛紛變滅同只有青山如舊
雨依然分翠上簾櫳

插夜

晚來風露涼於水夏後河流貴若金著一十年都轉
運帆檣歷歷夜沉沉

臺莊送胡漕使還京四首

瓜儀使節泣春風乍見情懷舊雨同解釋繁苛歸靜
鎮芻蕘采處見虛公

大江東下鎖金焦萬舸常驚早晚潮一自使君頻閱

視春流三月靜陽侯本年糧艘渡江甚速
卒事無掛江失風者

丁男擊汰沂江湖入運頻頻水澤枯誰是皇華

天子使夜深風露尙勤劬邳州河成等牘艱於挽拽
每深夜偕余同坐牘背雖

風露不
以為寒

平蕪歷盡見平山徐充疆分使節還此去

天顏知有喜不須重疊唱陽關

五月十三日是日竹醉後
植無不活者

四知堂文集 卷三十三 詩

二

賓筵抑戒自陳詩監史端為慎爾儀底事虛心君子

竹也貪沉醉被人移

五月十七日聞衛河得雨喜賦

交流汝衛水泉渾坐困端為解澤屯忽報清源三日

雨淋漓直送到津門

早起

長夏雨連三日少衰年夢醒五更多殘星未盡沉高

柳清濟何緣灌濁河

得魚

舟行十里近平湖細網沿流得巨魚便擬烹鮮謀小

飲榜人休笑老尙書

將至韓莊作

揚帆十里好風俱俱舟近韓莊半傍湖一片烟波天水

接微山如髻影模糊

韓莊夜月

宿宿輕舟侶釣徒白蘋風靜穩菰蒲愛他一片西斜

月占得微山百頃湖

張秋鎮

鐵汁鎔銷注碧濤老蛟潛徙夜雲深只今惟有隄頭

月會照當年畚鍤心

四知堂文集 卷三十三 詩

三

復雨

含雨山雲勢未休片時依舊黑當頭懸知尺寸添新

漲落盡蒲帆看水流

東昌

礮痕猶認革除初懸牓當關計未疎高廟有靈臣力

盡至今人說鐵尙書

風

漫將綠起問蘋花赤地於今旱未涯惆悵片雲留不

住又吹明月一鈎斜

喜雨二絕句

日日瓊膏望次寥淋漓真見竟長宵懸知解澤沾濡
遍不獨青青是柳條

掃除酷烈即新秋碧漢斜看素月流當體著來綸綬
稱不須長喘效吳牛

柘園西岸河水歲囓居民移徙殆盡

溜掃危隄勢欲吞十家能有幾家存可憐一片斜陽
影猶照零星舊土門

燕

春社回頭事已非將雛故故競高飛却憐栖息還窮
巷紫領何年食肉歸

四知堂文集

卷三十三詩

四

白蘋風起水粼粼鷺地斜飛蹴浪頻應是春紅銜已
盡移將雙剪戲波臣

抵津

五旬風露歷朝昏尺寸河流日較論本年衛河水只
淺到處撈後只
有海潮循舊約迎人先已過津門

泊舟查園

依然舊墅繫輕舟短短圍牆古木稠可惜亭臺半荒
圮空廊雨後上蝸牛

查園雜咏六首

臨流老屋剩三間沽上枝房記舊顏底事煞將風景

盡名流詩句概從刪屋內舊有沽上枝房小額及
壁間倡和詩句今皆除去

花枝零落畫簾空亭角蛛絲半網蟲只有清蟬仍抱
樹盡情啼到夕陽紅

斷續迴廊度午風柳槐交處綠陰叢莫嫌金粉零星
遍較勝浮家五尺篷

半畝方塘接斷坡蕭疎一望葦蘆多更無人愛清香
遠為種亭亭六月荷

危藤高架舊漫空占斷寬閒一院中暑雨即今新過
後猶分餘綠到簾櫳

百尺清泉渥芥蔬耨會見瘁園夫一從茂草連畦
四知堂文集

卷三十三詩

五

鞠閒殺牆東舊轆轤

蟬

飲露餐霞致不同應時曾與寫幽風如何脫屣塵埃
後翻伴貂冠鷲序中

鵲

瀕湖樓閣午風清柳外簷楹噪鵲聲應為山雲貪作
雨連朝不敢報新晴

八月三日泊舟故城南十里即事八首

時和歲稔男女熙然獻果烹茶風淳意古駢
覽移時欣然有作

水驛紆迴日半程偶尋苔徑作閒行不須遠望論秋色才入村莊氣已清

經過宅院綠陰涼男出腰鎌女績筐風味田家愛淳古攜來麥飯許親嘗

垂垂梨棗徑西東沛沛禾蔴熟正同一幅豐年圖畫就不須瑣屑咏幽風

黍糜縛束滿篝車叱犢歸來日未斜須識力勤無鹵莽祈年方社報原賒

絲絃撈撥類途窮一曲詞彈小技工雜坐樹間還諦聽端知和樂是民風

四知堂文集

卷三十三詩

六

洽比昏姻盡四鄰茅簷釀熟插帘新秋瓜也作香芹獻始識情多是野人

白髮黃衣氣象淳年臻耄耋葛天民自言

鑾輅新臨幸會賜銀牌及老身

樸素衣冠上古羣老攜幼挈競紛紛傳呼莫訝無騶從來自田間是使君

秋興二首

蕭疎秋色上牙幢薰灼風聲早退降出岫雲開山漠漠過林花濕雨淙淙啼憐絡緯忙金井照愛流螢冷夜窻解道水流心不競眼前風月正無雙

瀟湘雲夢意長違秋色當前是也非掛月漸疎楊柳葉掠波空賸芰荷衣愁邊鬢髮霜全入夢裏鄉山客未歸惆悵十年都轉運舊游回首半依稀

石榴 丁亥

半晴半雨養花天一樹垂垂火欲燃已是托根欣得地漫將安石憶當年

竹醉日

淇園千個亞簷低風致尤佳是會稽惆悵七賢消歇久更無人共醉如泥

雨後

四知堂文集

卷三十三詩

七

斷雲攔雨復新晴匝地泥深沒草莖莫漫平衢騁高足鷓鴣啼得最分明

巡營草

安東道中 戊寅

地斥遙連海風寒乍渡河茅簷人語少荒草夕陽多起瘠憑良牧觀風聽里歌請看蘆荻外生計竟如何

板浦

板浦沿東海魚鹽風號饒人家都面水井竈自通潮野燒隨風起寒聲落雁遙雲臺欣在目誰共履岵巖

曉發海州

平蕪漠漠水灣灣野屋風寒尙閉關馬上雙眸無著
處烟鬟一點認房山

曉發板浦

曉霧郊如幕初陽海乍升草衰黃葉併流細薄水疑
野澗隣村少年荒帳旱仍幾時車騎過觸目看豐登

雲臺山

海上神山杳難卽雲臺插天海邊立幽巖邃壑水遭
週福地流傳此其一波濤瀆洞渺無垠出沒蛟龍撼
蓋極有時膚寸作霖雨雲氣漠濛迷咫尺傳聞絕頂
盛琳宮欲上天風生兩腋齊州下視煙茫茫星斗手

四知堂文集

卷三十三 詩

八

捫青歷歷道人羽化或有之不死豈真憑服食秦皇
東游何爲哉空遣神鞭馭碣石天子神仙豈兩兼鎬
池已遺明年壁至今方士說蓬萊縹緲虛無誇藥力
身無仙骨終盡耳便到三山竟何益一聲雞唱東方
白過眼奇蹤休坐失臥翻雲海盪心胸試上峯頭觀
日出

新安鎮登舟 己卯

鹽河一線汝潮通百里乘流向晚風馬首正衝泥倦
後坐看明月海天空

至海州日得雪示李牧暨鄧崔二令

倚山環海舊名城孔望曾傳聖轍經此日千峯渾是

玉坐來心跡覺雙清州南孔望山相傳至聖望海處

海州旅館二絕

修竹

塵情真覺覓醫難誰種蕭疎竹數竿我比王猷差不
俗入門先愛此君看

蠟梅

檀心吐處也嫣然剛在霜濃雪五天爲語膽餅休浪
折一枝留待弄春煙

沭陽縣

四知堂文集

卷三十三 詩

九

雙流交匯繞城過澤國由來水患多誰與灾黎謀莫
定不將沃野付鯨波

安東縣作 庚辰

近郭河聲怒沿隄草屋多清宵聞雁鶩白日走蛟鼉
鐫賑

恩原渥瘡痍氣若何誰膺司牧寄高臥盼庭柯

新安鎮舟夜

新安六塘尾武障承其流中橫河一線鹽運此通舟
陸行倦鞍馬一葦聊泳游是時陽月杪氣候類深秋
霜薄冰未合月隱星尙稠雙槳搖深夜歷歷經荒坵

忽聞聲嘹唳飛飛海西頭嗟爾澤中困無乃稻梁謀
此邦歲苦澇十室九做洞所恃

聖王仁頻年遍賑賙安得化灾沴粟穎盡西疇計惟
河防使未雨先綢繆六塘南北治海沭病其瘳

海州李牧新葺蜡廟成爲紀以詩

聖世重農功講求先禾稼蠱實害苗秉界法無赦
東海古名區疆域齊魯跨魚鹽俗所饒土沃宜穰稷
有廟祀伊者歲享通八蜡凋敝自何年壇壝任圯卸
李侯莅茲邦擘畫窮宵夜稔知昏墊由疏鑿事宜瀉
溝洫及圩岸一一修餘暇念茲一畝宮實惟田祖迓

四知堂文集

卷三十三 詩

十

海州園林寺

海國闢靈異搜奇人力藉有寺名園林巧構紫石罅
幽尋愜素心緩步乘休暇迤邐入山阿絕澗危橋跨
古樹植何年蒼翠從天下修廊敞軒窓殿角迴光射
轉徑歷幽深勝境如啖蔗何當任上方飄然簪組謝

聞雁

月明風冷夜霜清旅食年年動客情記得南湖烟水

外平沙時聽拂絃聲

阜寧道中

浪花如雪一帆過百里平蕪又小河剛到灣頭漁唱
晚海雲橫截夕陽多

由鹽城舟行過馬家蕩暮抵山陽之車家橋得

詩十絕 有六首

兩岸人家曉夢中歸帆早已趁清風荒雞唱罷輕煙
歛倒射扶桑一抹紅

淺水輕橈左右湖寒風吹絮起菰蒲憑君脫盡烏紗
氣得似輕鷗自在無

四知堂文集

卷三十三 詩

十一

茆簷土鏗遠相望阡陌依稀類故鄉可惜荒蕪餘隙
地不栽松竹兩三行

樂事由來數水潯烟波一棹野雲心而今却遣供餼
菜零落灾黎漑釜罄

一灣流水幾家村豚栅雞棲護葦門輪與老翁閒曝
背飯香時節繞諸孫

如弦新月一鈎斜暫繫輕舟曲水涯不是遲遲貪野
宿爲憐赤脚踏霜花

自車家橋抵山陽作

衰柳蕭蕭老護隄人家都住水東西分明一幅營邱

畫欲雪江天入望低

輕舟一葉水盈盈面面窻開眼倍清忽聽傳呼來候
吏風帆落處見淮城

巡管海上適遇大雪彭君愛園以詩見寄歸次

元韻二首

六花飛未已彌望被岡巒詩客吟肩聳征人眼界寬
柳邊疑絮起竹外覺梅寒鯨浪年年靜驅馳未敢安
雪片過於掌平坡冒似巒屢豐村社慶一色海天寬
到處牙旗肅歸來劍影寒牆頭消欲盡諒已起袁安

尋梅

四知堂文集

卷三十三詩

十一

短驢破帽徑蕭蕭翹首長空正次寥聞說藐姑原世

外一灣殘雪過溪橋

發淮安作 癸未

須從細柳議軍容橫海戈船氣較雄為語帳前諸將

士輕裘緩帶本儒風

不妨苛禮盡刪除行篋無多一卷書父老頻年應識

我道旁時擁使君車

過劉伶墓

荷鍾何年埋醉骨荒原抔土記劉伶臨風欲醉無杯

酒知是先生愛獨醒

由廟灣至鹽城作

廟子灣頭水作鄉鹽河如綫共隄長一輪明月扁舟
夜載得清清海上霜

舟泊鹽城

再宿瓢城夜依然水一方到船霜月白隔岸葦蘆黃
篆裊簾初下尊開酒正香高吟吾事足一任海天荒

佃湖營旅宿喜安東令胡樸崖至

小署雙旌駐微陽一管迎翌日長至節屏間花影瘦簾外

夜霜清客至諧鄉語杯深暢旅情回駒還預訂共玩

掌珠明胡令新得子

四知堂文集

卷三十三詩

十二

大伊山至板浦作

一徑伊山後天高四野平草痕延燒色水腹靜漸聲
到海雲無際吹葭氣漸萌是日長至魚鹽饒浦上百室可
能盈

東海蒼梧山

舊壘頽摧草徑蕪閒從馬上問蒼梧山頭片石千秋

在會見當年帝子無

孔望山

紀官城外海雲東呼吸真疑帝座通千載尾山登陟

後何人足練見吳中

薄暮

歷塊長途馬迴颺載驟旌有山低暮色無樹寄寒聲
牧笛人家近村醪氣味清一尊還即次約就老門生

謂州司馬
韓景南

到海州作

荆山南鎮海城雄入境從容試采風父老解談遺愛
事長孺願直曼卿窮

石棚山曼卿讀書處

偶將桃核裹春泥花滿青山樹滿蹊贏得詩人溯遺
跡東風日暮鷓鴣啼

四知堂文集 卷三十三 詩

十四

書聲何處聽孱顏石室長年碧蘚斑只有一輪無恨

月千秋常照石棚山曼卿有句云月
如無恨月常圓

贈沐陽令錢汝茶三首

飛來雙鳥氣如仙文采風流奕世傳記得海城殘雪
夜琳瑯五字落瑤箋昨冬曾印
予殘雪詩

沐水西傾勢汜滌青伊湖畔歲常稜講求到海疏通

路尙塵郎官夙夜心

風前拄笏岸烏紗治罷官書早放衙但使桑麻盈四

野不須滿縣種桃花

自板浦至新安鎮

海近霞光遠冰開暖氣還潮方通北郭馬已度南山

問俗兼漁佃謀生厓寡鰥六塘誰疏鑿回首望鷓斑

安東芾石

襄賁舊邑水雲隈此日黃流到海迴珍重衙齋留片
石千年曾見米顛來

余往來海上七載於茲每駐公館皆濡墨抽毫

以待予書興到即揮亦不問索者為何人也

海上巡行閱歲年書生結習故依然三杯軟飽顏唐

後寫遍新詞薜荔箋

三元宮 乙酉

四知堂文集 卷三十三 詩

十五

瓊花碎踏海天遙處處寒流凍野橋直到上方開夕

照竹枝低壓暝烟消

新安鎮夜泊

臨河古鎮海雲邊雪後庭階倍皎然清景當前難坐
失忍寒呵凍寫瑤牋

大伊山

海甸平無極蒼然此見山向東疑地盡如帶有流環
雪淨梅剛瘦風停竹自閒馳驅猶未已不敢問煙鬟

從蒼梧山望雲臺

攢矗千峯百里環捫蘿會到翠微間二十八年
會上雲臺空傳

火棗如瓜大不見仙人海上還

由板浦至新安鎮二絕

平遠伊蘆水一灣大伊如髻小如鬟北風吹面都忘

冷鎮日牽帷為看山伊蘆大伊小伊俱山名

長隄東下幾人家衰柳寒鴉夕照斜纔響馬蹄先決
起枝頭殘雪又飛花

老柳

霜侵雪壓老腰肢半臥溪橋半倚籬若遣瓊花天付
與橫斜清淺已多時

雲梯關向為海口今黃河東注流為九套九套之外方為海口距關幾三百里

四知堂文集卷三十三詩 十六

浪淘沙湧日東移九套黃流一綫隄望到滄波三百

里猶傳海口是雲梯

曉渡射陽湖

灣頭殘雪白皚皚細草燒痕到岸回半月河水開未
得不知何處海潮來

暮抵鹽城二首

重裘猶覺壓風輕日短途長數問程好是昏黃殘雪
後一鈎新月掛瓢城

信宿依然小西廬梅花如雪夜窻虛案頭滿貯金壺

墨知是居停又索書寓齋名小西

回寓

按部歸來夕照斜兩行軍吏競鳴笳居民半識書生
面笑指年來鬢有花

劉伶臺

人到晉時多放達頌於酒德最淋漓荒臺倘遣從東
徙應把滄溟作酒池

四知堂文集卷三十三詩 十七

四知堂文集卷三十三終



籌運草自序

歲乙酉

聖駕南巡有

旨回鑾由水路是年山東諸湖因上秋旱蓄水未裕以故運河流淺致

上聞余扈

蹕至揚州面奉

諭旨帶同徐淮道李清時先往山東查勘運道水勢

設法籌辦隨自臺莊至南旺逐一量測過泗水以入

馬場引白馬河以歸獨山導金溝泉出滿家口設修

四知堂文集

卷三十四 序

永楮板濬微山湖口淤沙復酌湖水開放次第楮座

啟閉機宜度

御舟可過行乃復

命於丹陽嗣

鑾輅經過幸如前奏無阻惟是時已四月東南運艘

數千尙未入臺莊急需趨行而是春雨澤復少涓涓

之流無一勺添注膝畔間動輒淺阻南旺以北並有

告竭處急開蜀山諸水櫃多淺涸不濟事於是曉夜

河千奔馳為補苴計而憊困極矣仰賴

聖主洪福五月初卽雨澤大沛河水驟溢向之膠舟

者胥揚帆直進抵通仍符往歲期無少差計此數月中勞苦則矜其鬱抑順適則紀其歡愉詩無足觀而河湖之情形宣防之權變則事核而情真非徒托空言者饒霽南金紫峯兩太史又為刪削而潤色之曰此運道誌也不宜久秘篋笥因付開雕氏而敘其緣起如此時乾隆丁亥孟冬也

四知堂文集

卷三十四 序

二

跋

清江少師奉

命督漕南北今八載矣乾隆乙酉春

法駕南巡卽

命公兼治河務

六飛旋蹕漕艘連艦北上而水泉盈涸不常公短衣
匹馬往來濟汝之間相視諸湖河形勢宣洩濟運停
驂道左拈筆賦詩皆以紀一時河流之贏縮湖波之
虛旺與壩牘興廢及衆議修建之異同至於流連風
景寫摹物情亦或一一著焉學曙以年家子自童年
四知堂文集 卷三十四 跋

東髮執業座隅今歲秋公抵京師發裝得是卷受而
讀之黃淮齊魯間自駱馬微山諸湖以後挹注盈虛
如指諸掌論運道利弊更如盧扁視疾辨周身經絡
榮衛了然心口之間公於職事可謂扣擊無餘者矣
將來入河渠志乘中垂之不朽俾後之人得所遵守
文字至是乃爲有用更非操觚率爾者所能窺見萬
一至於公八年漕政上契

宸衷下孚民隱則東南數千里軍人士庶盡能言之
說詩者所不具論也因援筆敬跋其後時乙酉秋仲
年姪饒學曙拜書

四知堂文集卷三十四

清江楊

詩

籌運草 乙酉

四月十一日淮安登舟示送別諸屬吏

曙色明三城晴鵲聲沸起鹽櫛事輕裝一棹從茲始
吏胥盈河干相送隨邈迤云當半載別德音勞企只
我亦戀清淮輪輓歲所倚敢謂紆籌策足佐
聖明理筋力尙能堪昕夕勤督視風日猶清和川原
何秀美行行復行行解纜促舟子

四知堂文集 卷三十四 詩

十二日夜渡黃河

黃流天下險一葦中夜渡豈不畏風濤職膺輪九賦
運道多艱虞時古城濶韓莊濟寧等處皆告淺阻萬艘恐遲悞河防可
借籌調劑須親赴如救涸轍鱗焉能守常步忠信敢
自謙

天儲百神護瞬息越狂瀾楊莊欣在顧

駱馬湖

駱馬江南浸地踞宿遷上在汪千頃波豈直資江廣
江廣重船入水較深舊例湖口非江廣船至不開河防守舊聞沿襲知誰助
吳越舟或膠接濟無可仗使者親閱視一望殊浩漭

週遭約邊幅中央度尺丈給贍可月餘挹注當無爽
決計啟湖口先通江浙榜司空開余言立諾如應響
總河高公接余札 廬座嚴守司申達戒誑罔宿關與
立傍啟廡放水 古城河流立增長通漕銜尾竟湖波仍滉漾乃知憂
不繼動輒拘昔曩徒留有用水淫溢勞膏壤海沐之
夏秋苦駱 馬湖水患何如稍變通一舉而利兩

獨山湖

獨山九十里魚滕歷汎長大者收泗水泗水由魯橋
於魯橋築壩 小者白馬襄白馬河從鄒縣 鄒滕諸山
收水入湖 泉一一漶濫觴渺然成巨浸運漉浮修航湖屬運河
廳汎迦居

四知堂文集

卷三十四詩

二

下厥口一十八啟閉策誠良湖有十八口門重運至
河水低則開口門放湖

水昨歲茲湖水未至涸鯉魴深冬更籌蓄一望頗注
洋濟運苦無功端由海底昂河高於湖則口門 如
不敢啟非湖乏水河如
病噎者珍味空在旁湖如寒泉冽不汲我心傷計惟
濬河底俾湖居上方庶幾有用水不置無用鄉

行經兗濟密邇泰山望雨不得情見乎詞

吾聞泰山雲膚寸起岩壑甘霖天下遍崇朝以為約
行行充濟間伊邇匪遑邈亢旱彌月旬舟膠如束縛
區區一念誠敢冀通冥漠輓輪繫
天儲瞻望油然作樞神五嶽長秩視三公若効靈當

盛世卽事宜有恪未應謬陰陽坐視水泉涸

小雨後作

水渴滯行舟寸進如緣蟻借箸到窮時
願天情曷已 瞻雲乍變合勢作心先喜况復從風來
點滴響階肥 從來江河流必自涓涓始廉纖未
余慳滂沛行當爾 貪夫戒狗財志士重知止
獨有早餘霖隴蜀望非鄙

喜雨

東省三春頗少雨澤入夏彌苦旱南北運河
處處淺阻余自渡黃後沿途查勘疏濬往返
濟汝滕嶧間幾至困憊五月初旬甘霖大沛

四知堂文集

卷三十四詩

三

河水長發舟可通行卽事書懷并以誌喜

春光一代謝風日漸炎蒸祝融實司令鬱燠如結瘕
乘時恣宣發安得禁憑陵伊余職轉輸利在水波騰
銅鉦掛樹杪早魃那可懲蒿目耗川澤舟膠如凍蠅
百計事爬梳奔走逾傳乘補苴竟何益揮汗徒盈升
我我魯岱宗膚寸夙所徵作詩頗規切敢自附良朋
聖世懷柔久喬嶽應効能孰謂神聽杳方呼輒已磨
淒淒與祁祁稽古詠頌仍一朝實見之有真得未曾
入夜更滂沛簷流困接承欹枕一傾聽聲勢何泝湖
巨川納歛滄豈惟溢溝塍平湖濶浩蕩誌岸駭痕增

起視萬艘集競進捷先登在昔泛舟役恤隣著美稱
况茲

天庾重軍儲歲所憑司農有專任輸入看繩繩職守
藉無隕遼廓亦清澄神惠與

國福叨荷彌惕兢

雨後待月

好雨如貫珠淡旬慶優渥潤澤美川原秀茁滋草木
旅人事舟居初亦苦炎酷得茲頓掃除涼色手可掬
起坐適篷牕四面圍寒綠茉莉正繁花入夜彌芳馥
捲簾待一鈞相看吾事足

四知堂文集

卷三十四 詩

四

萬年牖三公祠作

余前與河督儀封張公建祠數楹祀明舒公
應龍劉公東星李公化龍於萬年牖上本年
鑾輅南巡由水路回京據情面奏仰荷

聖恩賜三臣祠額午口催漕至牖適河督李公委
員齋匾亦至稽首敬懸恭紀一絕

祠堂小構牖河東力主開迦奏績同異代酬庸真
異數高懸

宸翰正天中

合歡花

茲花號知時寓目傍清沚斯夕異卷舒晷刻自踐履
萬葉同一心非關互比擬乃知天地大動植無岐旨
厥蘊契乾坤闔闢環終始區區感合離結念終褻鄙
惟有忿懣衷對此良用耻

三公祠植桂

結祠拊迦背庭院豁延做閒花雜紛數僅娛朝夕賞
森森月窟枝小山日培養竭來上舟航日吹風五兩
移置向塔除頗虞垂土壤惟神實呵護歲月千雲上
辣性老彌貞松柏茲佛仿豈惟八月華馨香盈祀饗
聞戴村壩過水二尺欣然有作

四知堂文集

卷三十四 詩

五

汝水大清河故道實承流築壩始戴村遇汝通漕舟
四六分南北萬艘資泳游奇績紀前哲廟貌奕千秋
昨者春澍少元旱切隱憂泉源不會合汝水那可求
遂令千帆檣蝟集苦滯留使者職轉輸河防兼借籌
星馳赴南旺蒿目涸渚洲僉議開蜀山湖名敢同築舍
謀如彼一杯水車薪患曷瘳時窮事呼籲所冀降澤
優逢生真絕處勢若轉輕旂浹旬沛陰雨勃發遍溝
坵諸泉更交注迅疾無逗遛湯湯濁汝水頓若江漢
浮餘波溢戴村那復稽糧餼高舸及大編銜接捷赴
鏃臨風每瞻望快意豁雙眸回首河干困溯厥致此

由撫膺長太息吏事多謬悠天功難屢貪未雨慎防修

曉起二首

衰齡厭長臥無事起常早况正急輓輪寸進縈懷抱
煌煌啟明星職司東方昊問夜未向晨頗怪稽行道
河漢星稀微露浥荷珠小好風從南來習習先林杪
獨立俯澄波忘機狎鷗鳥遠岫出沐新彌望何縹緲
涼碧滿襟懷境適塵櫻少誰能戀枕衾佳趣失清曉

日晷

日晷永夏至如抵一歲長我來駐萬年計日督舟航

四知堂文集

卷三十四詩

六

舟繫程限促曉夜趣連檣牽輓有常分所得必過望
汗揮不暇恤眠食或暫忘遂若歷歲暮短景催陰陽
從旁多駭詫天紀匪失常卽境易遲速因心辨短長
揮戈迴落照三舍留餘光

早起

欲雨雨還歇深夜風颼颼拄笏看朝霽浮雲濕未流
曜靈隱扶桑日觀空疑眸衣冷欲衰絛氣候疑清秋
回首宵來夢微吟非應酬芙蓉楊柳句約略記上頭
夜夢成七律醒止
記芙蓉楊柳一句旦晝偶拈髭餘思或滯留呼童具
紙筆妙緒難推求盥櫛一以畢仍復理糧舟

夜雨

夜雨不辨色但聞馳驟聲天地一以合江河諒可盈
通津揚高帆風正無欹傾餘波及枕席旅夢若爲清

憶昨

憶昨來夏初良苗未懷新歲月曾幾何禾黍長過人
時雨滋百物芟茂理所馴淹留感人事欲速還遽速
目極得風帆版牘限比鱗勢難從天下終合守逡巡
誰歟高尚者倚杖沿河津黍稻餘秀色對之豁襟塵
惜哉遲暮齒無由訪隱淪

簪溜

四知堂文集

卷三十四詩

七

簪溜苦不斷濕雲陰未開狂風度廣漠力撓車輪回
轉若助飄灑覆壓危樓臺河干牽輓地蹴踏生塵埃
彌旬苦流潦踵蹀沒泥苔豈不事鞭扑人力實虺虺
吾聞天地心轉變如環迴色笑但少霽倏忽消雲雷

午晴

淋漓亘長夜向曉勢未已餘氣所噴洒仿佛烟霧起
浮動遍野那能辨村里意擬永茲日無復廓清理
好風從南來吹襟涼於水仰視浮雲散迅疾爭刻晷
半壁熨藍天從頭類磨洗陽鳥正高懸輪廓倍光美
乃知冥晦時二曜自循紀爲語舟中人帆檣急駕駛

聞衛河水發札致巡漕總河二公

版牘尾閭處衛水實承流迢迢赴津門到海不復收
三灣當一牘軍儲資載浮每歲春夏交患常在膠舟
今歲聞更甚爬梳夜未休及茲時雨降水發盈滄溝
河流一瀾漫倒灌汝上游版牘當其口積淤成陵邱
頓使咽喉阻飛渡從何由下策決淤墊得尺旋停留
計惟築月壩兼堵魏灣頭魏家灣在臨清南五里汝水分洩處束汝
以全力刷沙如赴警庶幾壅塞患旦夕可全瘳此事
經親歷非同遙度謀滯留尙韓莊一身難分抽作書
與寅好共濟賴良籌何日諸水平方寸錫繁憂

四知堂文集 卷三十四 詩

八

聞雙牘水長溜急阻滯糧舟總河高公立開右壩以殺水勢

雙牘非險惡水發乃怒吼河從宿遷來勢若建瓴走
至此一縛束溜急瞿塘口重舟爭懸流十常退八九
挽拽集千夫巨纜雙跨紐寸進如緣壁喘喘恐失手
已上慰更生獲誇未曾有艱阻往歲經境過宴安狂
及茲聞狂瀾瞿然心悸久如彼談虎者搏噬曾身受
司空信解人立開月壩右右壩開水勢稍殺舟乃可行

臺莊夜雨

夜雨不記巡約略數八九茲來泊臺莊淋漓自申酉

心煩夢易醒滴瀝仍戶牖僮僕多貪眠無由問斷石
惟聞邪許聲僕僕牛馬走

夜起

南陸分昕夕貪眠常苦短坐起每宵分事到五更滿
陰陽司大造呼吸變寒暖偏勝互羸縮補救資良算
赴機或後時一失難再續以此方寸縈如絲不可斷
誰歟沸管絃觥飛方宴衍

五月廿六日送德給諫北還

重運糧艘全過臺莊余既借給諫具摺上

聞給諫擬次日做裝適接都察院來咨以他事解

四知堂文集 卷三十四 詩

九

任入京呈夜扁舟北上書此送別

臺莊徐充界巡視別南東南漕御史例由臺莊入京幫尾溯迦流
入境達

宸聰往者天中節萬艘無留篷淹遲緣水弱澤沛賴
天工共竭同舟力庶裕軍儲供歲事望京華詠吉擬
乘聰抵暮忽告別握手何匆匆丈夫志報

國職業勵靖共思慮有遺忽胥吏多混濛後時或舉
發回首如夢中臺檄促對簿扁舟捷飛鴻豈乏一尊
酒送別重微躬人生小懲誠如玉加磨礪失意寧非
福斯言誌塞翁努力崇明德毋為心忡忡相思復相

見屈指以秋風

白髭

人生鬚髮無長黑大抵霜侵年半百亦知世事重老
成枯髭却嘆成衰白小牕對鏡自剪除向人深諱經
曾摘不然以藥傅夜深曉示妻孥誇色澤受之父母
固毀傷甘心塗飾豈長策此事賢者或不免况爾紛
紛仕宦客

蘭

蘭香擬王者百卉皆臣僕當其未開時即已尊幽谷
尼山一再彈微情托草木正則九畹傳芳潔媚幽獨
四知堂文集 卷三十四 詩 十

六月二日萬年牖解纜

計日數糧艘盈縮互嗔喜及茲彌三旬乃得竟銜尾
解維理風帆遞進仍迤邐回首三公祠日夕履階祀
花草亦依依轉若去故里物情懷所安歲月成轉徙
歲事竟何時紀地空盈紙

六里石夜泊

盡日理楫櫂薄暮乃六里風帆尾糧艘寸進本如此
維舟入月河聊得事棲止仰視天宇澄疎星帶流水
露氣滋草木灑灑清夜始細葛含風輕涼生洽坐起

亭臺雜筍清適或難擬盛暑戒乘船斯言或未爾

六月四日尾幫盡入韓莊

微湖南運源籌蓄在先事尺寸一以減灌輸那可冀
百計事補苴終類黔驢技時雨從天來珠玉相貺遺
旬日更屢沾屬厭非乍被萬年張莊間扼要事啟閉
南船三千五一一如郵遞銜尾入韓莊艱難歷已備
使節異皇華驅馳總一致屈指計往還半歲凡五至
正月以迎 鑾二月以辨水
四月十一以後往返凡三

再宿韓莊

山色謝銜暉湖波平對面一鈎出流雲疎星互隱見
四知堂文集 卷三十四 詩 十一

蘋末乍飭然倏忽垂楊遍輕裾度微風適體過執扇
所得乃如此再宿寧非便塵慮息清幽一展涼宵卷

微山諸湖

舟行入韓莊平湖如遞嬗山色從東來蒼然過水面
一葦自延緣蒲帆為惹蒨好風牕戶來接納不知倦
炎威淡若無即境生留戀功成憶陶朱遁跡波光遍

邳山

邳山如渴驥奔泉向平湖軒然大波起吞納同灌渠
歲月恣饜餐無復西江餘遂令百頃碧塵土揚菰蒲
蛟龍擬別徙何况鼉與魚誓將剗山根借力五丁徒

本計急軍國非侈通巴渝天澤忽飛洒山靈亦走趨
滂沱更且晝淫溢開平蕪百谷爭輸委受納歸冲窟
四望何空澗萬艘從所回首辱顏色縹緲若有無
彭口

彭口沙河尾水發勢洶涌所過挾泥沙舟行苦滯蹇
挑淤歲爲常通塞或相踵往昔曾相度疏蓄宜並重
建插當下流尺水可立漚司空採末議戊寅余督運
過此議宜建
是歲插成重運少起剝之累矣告任事何躍踴數載資
啟閉空重恃無恐河防與漕政豈必分蜀隴事苟利
國家越俎患不勇

四知堂文集

卷三十四 詩

十二

蚊宿南陽作

于棠觀魚魯史文卽今南陽誌有云瀕湖四面饒水
草昔也多魚今多蚊長喙利嘴擅絕技假以雙翼來
湖濱招引族類潛入夜先聲後實誇能軍袒裼裸程
易與耳輕紗細縠徒紛紜腹枵已急寧暇擇受者倦
矣施何勤衆中豹腳尤臬黠天然結束五花紋穿帷
徑入無却顧中堅直透魁其羣人生肌膚傷毀此
輩玉石全無分君不見甓社湖旁白鳥聞飽汝毒手
成露筋

金溝泉

泉出滕縣流入獨山濟運本年湖水低
河水高泉入湖徒爲無用因另築小堰

渠令獨入運
河以助加流

有泉名金溝發源自滕縣沿流入獨山澄瑩如淨練
使者春街

命瀕湖躬歷遍得泉勝得珠束以小土堰渠之入運
河加流資後殿從來成法忌更張拘拘墨守亦非善
事窮則變變則通大抵形勢須目見爲語河上諸宜
防慎勿安居日閒宴

六月六日彭口發舟暮抵南陽

嶺峻憶平地流懸思恬波舟行出八插飄爾放長河
譬彼脫桎梏伸縮快撫摩好風從南來吹暑散隈沱
四知堂文集

卷三十四 詩

十三

由南陽乘風至濟寧

檣帆與之俱陣馬未足多沿湖二百里芳香延芟荷
煦軒敞四面采采意云何薄暮烟水合南陽紀四過
春夏三過皆爲籌水蓄洩兩無事一編手吟哦

輕舟艤南陽臨發意遲遲薰風如素識依舊五兩吹
豈無版插限所過皆疾馳巍巍太白樓冉冉工部池
瞬息欣在眼登臨可預期正利不得泊斯言豈誑欺
任城覽李杜遺跡

名賢愛登眺展齒留亦偶李杜實詩豪任城駐先後
觴詠會留連卽境成不朽考厥兩賢交惻懇道義友

生常恨離羣死乃神相守酒樓南池間咫尺為左右
應知風月夕唱酬常八九惜哉人鬼隔細論無由叩
何人不自量到此談詩酒

濟寧曉發

竟夕天宇澄曉日在陽谷暑氣綠露滋暫得免嚴酷
牽帷離淺莎大小牖相續任城為小牖此大牖此地南北樞
佳境下水速北行九十里即南旺舟子如望梅煩渴心先沃小
扇颺微颺僮僕笑堪掬送者自崖返禮數謝拘束計
日指清源甘瓜厭當屬臨清瓜最美

馬場湖

四知堂文集

卷三十四 詩

十四

馬場四櫃一蓄水濟南運昨歲一告竭籌辦泗為近
截水入府河金口築嚴峻泗河本出魯橋前人於宛城東門築金口壩水小之年則截水由黑風口入府河西繞濟寧城北灌馬場湖兼濟濟寧以南七十里運道昨歲即用其法馬場始得水泉流本涓涓委輸難疾迅冬春時遞歷終焉歎
常分重運始經臨深通竟少靳迄至清和初舟膠丁
力困倉皇事畚鍤時安居十里二斗門隄廢事亦債不能出水因而快隄
好雨忽淋漓崇朝漲清汶南北既流通草木分餘潤
舟行免艱阻缺失當自問覆轍苟相循前車空明訓

蜀山湖

蜀山一卷石週遭百頃湖地居汶水脊灌注南北俱

重運最江廣恃此以無虞每歲江廣船至則開金線利運二牖以資浮送餘不輕開譬彼事軍旅蜀山其中樞諸湖如偏裨聊得備

先驅昨歲夏秋旱蜀山止半儲及冬謀收蓄尺寸少

加餘其如諸湖竭指臂無可呼主將一再出勢亦困

分趨以此首進艘半月阻城隅本年與武六等幫至四月俱阻滯濟寧

急謀罄蜀山孤注足恃無時汶水止一綫細流底水告竭始議開蜀山以鋪底

水而水已小向非天澤速飢粟將安輸四月廿五日

不能暢出一日即得透雨

國家置漕河表裏豈判途颺帆看直進要在水盈渠

曲突昧先識焦爛寧良圖曷哉東隅及勿冀收桑榆

四知堂文集

卷三十四 詩

十五

馬踏湖

馬踏在諸湖邊幅較為小週圍三十里瑩然一池沼
二澤同灌輸壩築三冬杪每歲十一月築汶河大壩挑濬長河即藉汶水灌蜀
山馬踏北運何迢迢首利資深窵告竭亦倉皇勢將
蜀山擾如彼唇齒邦唇亡齒孤藐治疾昧本根鍼灸
誰了了未雨先綢繆胡不相彼鳥

南旺湖

南旺蜀山對運河當其衝計里凡八十巨浸渺無壅
積歲生淤墊高者利耕農餘亦芟蕩藪汎吏藉私供
櫃貯不復講幾與贅疣同稍稍事修治實惟張儀封

湖久棄不用總河張公乃開守前鋪下 聊得資南運
二斗門并葺南隄收餘水以濟南運
尙未收全功使者竊心計運河南北通此湖與蜀山
周召陝西東舉一而廢一夾輔勳奚隆盡反耘鋤地
益施濬淪工版牖與斗門次第籌橫縱無事碧波澄
臨發給無窮當令東南艘早歲分長洪從來前哲軌
慮常周始終良法墮因循坐視出局中斯言或有取
繼起諒予從

泊舟南旺熱甚忽來微風如醒頓解喜賦

酷暑如虎視耽耽欲中人舟泊兩岸間遮過廩困
紈扇號解事至此亦逡巡几榻廢坐臥况復加冠紳
四知堂文集 卷三十四 詩 六
情知非沉湎恍惚醒心神層冰無可踏直欲投碧潏
微風忽宵至潛若躡後塵廓清雖未盡妙意來青萍
汗出無返理聊得停拭巾清簟應可期謀先出浴新
境界殊剎那情懷異喜噴驅暑以少女如抽釜底薪

湘竹帳

蒼梧南巡九疑曲英皇遺恨留湘竹攀髯血淚漬成
痕聲價從茲重巖谷湘簾斐几淨無塵一鈎初捲縈
芳馥何年奇技更踵增小帳玲瓏懸八幅屏去流蕪
絕綺羅滿堂蕭疎浸寒綠八尺風漪午枕涼一牕明
月黃梁熟洞庭水濶衡雲深地凡三至忝牙蠹夢醒

依稀九轉帆十萬琅玕森在目道人清絕對梅花持
較銷金差免俗消寒消暑漫比量一洗煩襟吾意足
挂劍臺

徐君骨已朽掛劍留空臺我來弔遺跡荒墳雜蒿萊
當年心許固賢哲座間愛玩非凡材此物由來贈烈
士回車一挂餘傷哀何年風雨雙龍化土花繡澀埋
蒼苔茂先已去雷煥死誰能矯首矚星台吁嗟乎不
負死友古難得張陳凶終蕭隙末延陵季子讓吳國
次兒有涵書來以余漕事勞心過甚懇請節勞
書此示之

四知堂文集 卷三十四 詩 七

職任維翰輓

天儲資正供事勢有難易臣心惟靖共昨歲諸湖涸
隱憂已忡忡豈不議收蓄水泉縮深冬譬之臨渴掘
豈得飢腸充今春復亢旱未夏先蟲蟲湯湯清汶水
一線非龐洪南北缺分注底水日耗空帆檣到處阻
運道梗不通如焚盼立拯厥勢難從容星馳先宿邛
充濟次第中河湖諸水泉原委曾究窮艱難恃調劑
一得由專攻尺寸獲所進猶勝聽塞壅由來河防吏
積習語言工時窮困籌畫坐視秦越同倘非親策勵
安冀起疲瘵惟天實降澤惟臣知匪躬冒雨兼觸熱

卽事多彌縫自維遭

聖主逾格叨

恩隆捐糜及頂踵未盡圖報衷敢惜區區力耽逸養
尊崇作詩示兒曹庶共勗蓋忠

月夜放舟

纜解安山後清光昨夜同船真貪下水月亦愛輕風
遠岸荒烟外孤村冷露中澄波與碧漢相對意何窮

光岳樓

光岳之樓聊城中插天矗立青芙蓉距城四面三十
里望中隱隱何崇隆文棟畫棟相委壓雕甍繡檻圍

四知堂文集

卷三十四 詩

六

玲瓏碧樹一聲天下曉扶桑日瞰海雲東齊郊魯甸
青未了蒼然萬疊橫岱宗

聖主南巡事觀省

鑾迴聊攝來薰風

玉趾親臨眺空濶年豐人瑞歌時雍淋漓

寶翰顏光岳

琅瑤篇詠鳴鐘鏞壤衢觀者胥忭舞盛蹟傳示垂無
窮九載輸輓歲拾級呼吸疑與帝座通此來氣象更

千萬仰瞻百倍開心胸宇內齊雲知不乏斯樓千載

真遭逢

油坊夜泊

今夜油坊宿垂楊眼共清河聲流衛水野色霽秋星
倚櫂風微度沾衣露欲零三灣從此數衛河有三灣當一橋之說

發鄭家口

盛暑事舟楫高樹盼扶疎匪真庇廣厦聊得蔭斯須
我行發鄭口三望何縈紆鄭口以下三十里河流甚灣是也古稱會面難似此寧艱虞禾黍被原野地
僻少村墟雞犬不可聞誰植櫟與樗朱鳥如酷吏炭
炙方睢盱高舸成甕牖歎息真窮途

四知堂文集

卷三十四 詩

九

暑風

驅暑恃涼風披襟有餘爽當其酷烈時勢亦從火長
相吹以毒醱金石為蕩漾薰灼及肌膚寧能關痛癢
古人戒水山消融危反掌吾謂風亦然臨熱無可仗
慎爾七尺軀靜默以自養

停舟朱家園作

河曲溜雙迴舟膠臥篙橋停橈事催促日夕依水滸
村莊八九家錯落望衡宇倚岸柳成行陰垂日過午
細草偃微風平坡漫延佇部曲半褰韃規長作射圃
我亦見獵者心喜四鍤樹豈謂解穿楊聊以消煩暑

金家墳

積靄隱河星微風動林樹輕舟淺瀨依高岸流雲度
白楊何蕭蕭中有古人墓石馬無全蹄翁仲半傾仆
當年金張籍要津實高據佳城封馬鬣石柳埋深固
豈知骨未朽河流嘴禁步尋丈日浸淫逝將委沮洳
吁嗟陳死人誰能坵壠護

舟行吳橋東光之間竟日酷暑幾至困憊

秋熱亦時令古人誌暴陽豈意乘餘烈勢較伏暑張
天地何遼廓川原繚以長薪積盈空濶火燎具舉揚
嚮邇怖薰炙况實親試嘗扁舟浮沸流所憂在糜傷

四知堂文集

卷三十四詩

三

寧能安坐臥呼吸守其常生成荷覆載轉移在昊蒼
抽薪有明訓斯意誰能忘

極熱次日繼以陰雨喜賦

苦熱竟長夜未曉盼牕紙扶柔翳朝暎黯淡先戶祀
人心固有然物極則反矣油油山川雲競出瀾遠邇
豐隆類相從飛廉偕戾止譬之和氣盈致祥立可俟
觸目遍清涼疎爽入肌裏始覺煩惱心尙昧倚伏理

青縣夜泊

近縣餘村舍隨灣繫暮舟露涼禾黍色帆靜海天秋
小試憐螢火前知憶筮絲

本年元日設著得喪馬勿逐自復之占漕艘四月以

前甚稽阻今卒如津門堪計日程限未稽留期抵津筮詞驗矣

流河遇雨

十載青滄路今來涼雨多好秋無毒暑上瑞是嘉禾
漕轉聯飛棹神清走睡魔瀕行須記取高閣峙流河
楊柳青阻風

狂風吹水如擁山浪花倒射蒼厓間龍驤萬斛不敢
下小舟一葉窮灣環青青楊柳來時樹秋色蒼然滿
前渡人生有福始能閒誰遣艱難閱行路

四知堂文集

卷三十四詩

三

四知堂文集卷三十四終

四知堂文集卷三十五

清江楊錫絨方來著

詩

運餘草

漂母祠 丁丑

楚人悲哭漢人歌中有國士持太阿夜追亡者丞相
何王孫乞食何坎軻千金一飯寧云過惜哉沐猴冠
我我眼不及婦人多

釣臺

祖龍鹿失羣雄趨重瞳叱咤先電馳沛公長者起亭
四知堂文集 卷三十五 詩 一

長將將獨收勝下奇登壇一對如指掌漢業四百此
其基我來展拜淮水上釣臺一望烟迷離生漂母死
牝雞羞噲等伍乃謀陳豨當年投足分安危烏盡弓
藏復奚疑

露筋祠

白雲在天水滿湖村荒日暮迷前途名節至重身區
區葦蘆深處予所居耕夫之舍何為乎蚊蟲之噉首
陽膚天荒地老血模糊歲月愈遠名愈姝摩挲古碣
披榛蕪金支翠旌光有無神絃一曲靈旗趨

舟行見兩岸柳

長淮一葉泛輕舟堤柳青青翠欲流徑度好風差燕
羽斜飛細雨滑鶯喉風流想像誰應似歲月驚心我
亦愁記得南湖春婉婉一竿坐對水西頭

菜花

平蕪一望色芊絲花發新黃滿菜田陌上鶯聲朝雨
後湖邊蝶夢曉風前嘗來滋味香猶在看到繁華此
亦妍底事名園矜十友不將聲價重題詮

瓜洲吳氏園

綺結香薰習尚餘臨流數畝即園居周遭水石花迷
眼縹緲亭臺勢瞰虛雨霽夜迎江月小徑斜人度柳
四知堂文集 卷三十五 詩 二

風疎低伺勝跡籌消受好借虞卿一著書

三月六日渡揚子江

岸花汀草共清幽徑渡金焦一葉舟樹色南徐春帶
雨風聲海國浪驚秋空傳壯士盟江水誰向中泠續
勝游廿載重來風景別還從木末認高樓

三月八日舟過常州上東坡先生艤舟亭兼看

墨池有賦

晉陵河水如帶圍輕帆細雨曉風吹望中樓閣疑梵
宇到眼名跡溯峩眉峩眉山人東坡老蘭橈偶繫屬
詩草當時筆墨走蛟龍餘藩猶為後人寶池邊古石

何崔巍欲落不落纏莓苔微風蕩漾水波黑千年呵
護煩雲雷匪人磨墨磨人此語先生詎浪云何當
吸盡墨池水頃刻變化乘烟雲

惠山泉

南條水脈維地極惠山山下誰卓錫淋漓元氣吐蛟
螭竹院身經疑雨濕天下名泉有數耳大書特書煩
老筆天下第二泉五
字爲王篤林書石甃沙澄貯空碧不鑿岷峨當
第一

盤糧行 戊寅

國家一統車書全萬年之鼎定幽燕根本重地先儲
四知堂文集 卷三十五 詩 三

峙歲支不下百萬千輓運東南資軍力分設衛屯相
轄聯樞密重臣出專閫控制七省淮最便慎重
天庾防漏卮高張大纛列河壘風帆銜尾兩岸集丁
旗悚息聽簽盤軍門動輒守成例百弊卽起相拘牽
不然耳目成偏寄威福往往移中權牙爪狎悍胥吏
蠹兼以鬼蜮相因緣吹癩索瑕各有托大抵蹊壑須
塞填衆中簽役尤辛螯盈縮在手無繁言傾囊稱貸
免鞭朴膏血已盡猶垂涎百萬軍旗成坐困有口未
敢鳴煩冤年深歲久相沿習弱肉恣啖誰其憐使者
銜

命任轉輸

九重德意先傳宣才拙敢云事釐剔庶幾一切繁苛
捐嗚呼庶幾一切繁苛捐元氣培養何時還

正月廿日盤糧廳樓放船作

北風吹日日光寒飛塵漠漠迷河干柳芽瑟縮未敢
吐梅花如雪方漫漫登樓一望淮如線齒齒三城當
東面帆檣十里泝中流力與風爭同轉戰此役世守
無更番風餐露宿年復年程嚴限急窮宵夜意外動
輒遭笞鞭爲語沿河諸汎守昔也澤肥今也瘦好留
皮骨軛

四知堂文集 卷三十五 詩 四

天儲惻惻者人耽耽獸

回署後桂花盛開

叢生自昔紀山阿招隱何人更作歌一夜秋風迎遠
客崇朝金粟放高柯氤氳氣較春前勝爽朗香來月
下多欲語膽瓶休浪插好留枝榦報魏科

九日萬松山登高

危亭笑傲共飛觴矯首高空色正蒼老樹拿雲過檻
迴寒花依砌受風涼誰緣髮短愁吹帽自爲詩窮漸
減狂莫向淮南反招隱幾聲雞犬白雲長

重九次日再上萬松山

茱萸醉後尙餘觴直上松林一徑蒼四野風來黃葉
亂高空雲淨碧天涼人如元亮方堪隱詩遜青蓮未
可狂惆悵故交天末去倚樓誰放笛聲長

重九後二日作

數拳依舊認孱顏點筆重尋石薜斑高處不妨烏帽
側忙時偏愛白雲閒人家院落籬邊菊眼底烟波海
上山看到斜陽飛鳥疾也應倦後暫知還

萬松亭翫月

碧天無際片雲收高檻同憑豁遠睥千樹松濤三徑
菊一輪明月九分秋嚴城盡處烟俱遠鈴閣閒時吏
四知堂文集卷三十五詩

亦幽好句自慚攜未得一樽聊復紀清遊

鴈字六首

已卯

萍蓬踪跡自年年賓主聊分到後先午夜風寒誰畫
荻清秋雲淡竟傳箋鸞鳳泊形容古倒薤拳蛭墨
氣鮮大好揮毫君識否一碑無字泰山巔
聊識之無是此生隨陽到處寄離情揮毫敢說雲烟
似落紙猶能篆隸精波冷洞庭天正遠風寒彭蠡水
初平興亡莫更傷千古眼底江山寫不清
荻蘆深處繞平沙幾次高飛趁落霞書契以前誰畫
一結繩而後此專家偶施筆札光青史世掌絲綸重

白麻底事年年謀一飽空將歲月付塗鴉

嘹唳長空日數過飛飛豈盡避張羅生來羽翼惟懷
槩老去心情尙孽窠奇字草成誰載酒丹經寫就漫
籠鴛從知妙蹟憑天趣刻畫空勞類鴛多

生涯湖畔與江臯日日傭書敢憚勞絕叫縱橫驚滿
壁寸心滂沛吐纖毫臨池慢說能扛鼎塞白常羞倩
捉刀欲語蘭臺諸令史象形終合讓鴻毛

水雲深處足相羊九轉年年歷楚湘絕壁千尋摹禹
跡奇蹤五岳寫金箱筆堪屈鐵心先正書到通神興
欲狂欲笑荒臺名石鼓會無一字紀宣王

四知堂文集卷三十五詩

六

立春前一日得雪喜賦

取次春從柳上回六花正鬪素梅開迴翔院落風初
定皎潔湖山月未來羣玉嗟峨思闋苑萬家熙洽躋
春臺連城聲價珍今夕手額欣然發舊醅

雪牕鈔書

六籍如淵海失學悔從少老至道未聞借古聊自照
案牘稍餘暇敢曰恣閒眺矻矻手一編庶藉窺眾妙
過眼懼遺忘記錄斯其要寸進苟可期書胥敢辭誚
日落小山陰牕罅寒光耀呵凍復丹黃拈髭轉微笑
人間未見書補讀功難紹恨不早十年斯語良堪詔

次周牖如除夕感賦原韻二首

淮南旌節歲三除，隕越時懷類櫟樗。十萬軍旗憐困後，千秋節孝紀公餘。諸生幸載元亭酒，稚子誰探鄴架書。雪後巡檐時一笑，春風正報早梅舒。

閒來雪案擁青箱，豈為吟花得句香。冰鶴性情原皎潔，陽和歲月漸舒長。時聞擗管當深夜，愛聽扶鳩出草堂。咫尺長安如日近，看君

皇路首重曠。曠如以來春入京循例引見

次周牖如習射西園韻

案牘全清候斜陽，欲下時亭臺殘雪在衣袂。晚風吹四知堂文集卷三十五詩 七

決拾寧微技雍容，見古儀樹鏃賓可序。命中巧難知稚子誰穿葉，良朋正頌詩宮牆。欣密邇願學是吾師

射圃西卽山陽縣學

課讀書感

聖代簪纓半草廬，家傳六籍是苗裔。功名幸際明良會，仕宦全疎燕翼餘。雙鬢漸添霜後髮，一編猶課舊時書。謝家玉樹休輕議，慚愧庭階百不如。

正月三日諸同人小酌庚辰

細雨輕風料峭寒，梅花春色正闌干。良朋簪盍東西院，野斂厨供大小盤。千里漫懷鄉國異，一樽聊勸酒

杯乾休孤雅集當深夜文字分題氣勝蘭

新春四日出城，歷板橋清江浦，薄暮返棹淮城。

沿途卽景得絕句四首

雨後樓臺氣更新，遙聽歌管出城闌。前驅不遣輕呵殿，喜見村村有醉人。

平蕪漠漠水溶溶，十里菰蒲一望同。惟底小舟來往數，輕冰都解早春中。

輕烟散後遠村明，流水柴門屈曲行。輸與梅花耐孤冷，一枝牆外正縱橫。

歸帆葉葉駛波心，兩岸人家暮靄沉。風物熙恬民氣四知堂文集卷三十五詩 八

樂火城一道入淮陰

正月十三日萬松亭眺望四首

天外何須詫舉頭，登臨恰值曉烟收。地當吳楚東南勝，水合黃淮日夜流。和氣漸從佳節入，晴光早向碧空浮。公餘一徑春風便，物換年新紀勝遊。

平地功成自昔賢，小亭重構碧雲連。山學於前漕使顧公久圮，余重

新行穿瘦石，仍封蘚坐看虬。枝半鏤煙蹀躞，馬蹄芳徑外。署東北，余新構箭亭，直通山趾，題廳聯呢喃燕語曉風前，題詞有客杼清藻，屈指韶華又一年。昨歲李孝廉孝樹有登

隨詩四律

邱壑當前眼倍明况逢東面日初生名花自媚惟幽
獨好烏猶求是友聲黛色千尋吹欲滴春光一幅畫
難成買山那用謀招隱如此松篁可訂盟

鈴簷四面綠周遭片石眠雲紀寸豪此日風流慚謝
傅當年手筆認枚臯亭記今兩江制軍尹公作碑山
久萎榛芥片為嵌之亭壁

淮南飭詠屬吾曹
齒落

墮齒如墮甌一去不須顧念我方六十兩齒去如鷺
其三亦動搖幾等疣贅附從此並效尤諒難守故步

四知堂文集 卷三十五 詩 九
憶昔初豁時壯心驚遲暮及乎一而再轉若安其素

豈不愛堅好盛衰理所互譬彼灼灼花朱顏寧久駐
又如青青葉終當辭佳樹人生天地間智愚各有鶯

貪暴昧全歸毀傷非所懼智士求神仙多為金石誤
古來不朽人寧藉齒髮固至道苟未聞百年亦朝露

除夕書懷二首

水仙冷淡早梅舒老至心驚歲月除豈有謀猷資
國計頻聞

膏澤下窮閭黃淮屈指干帆渡邳宿關心一水疏邳
河臣奏請挑濬後又中止十萬軍旗年遠役須知竭

蹶為儲胥

扁舟南北笑浮家故國長安兩地賒六十頭顱虛廩
祿五年坵壠望天涯貧原可樂身宜儉壯不如人老
更嗟飲到屠酥聊自慰不將清節負冰衙

元日試筆 辛巳

氤氳佳氣繞樓臺元日千門泰象開瑞雪喜留鴛瓦
在條風先過竹枝來人慙甲子從頭數酒滴珍珠隔
歲酷看取揮毫紀雲物眼前誰是子雲才

正月二日邀沈確士范約軒齊次風三侍郎巖

桐峯給諫周鴻儒學博共飲叢桂軒

四知堂文集 卷三十五 詩 十

風和日旭傲雲屏二葉堯階恰換萸客自香山來九

老沈范二公赴京祝釐皆與賜遊香山人從淮浦聚文星盤餐

淡泊供蔬筍氣象淳龐見典型記取新年佳會最和
平一座洽神聽

正月三日集諸同人共飲叢桂軒

鄉音聽處忘天涯梓里衣冠共一家人入座人傾新歲
酒橫臚梅綻去年花上雲樂奏紅牙細翻水詩成白

雪誇瞥眼秋風香更滿一枝誰獨折天葩

制府尹公奉

命入京舟過淮浦以留別詩見示次韻奉酬四首

春風料峭尙餘寒舟泝淮流一葉安

帝眷早將霖雨待輿情真作斗山看嘉謨入

告知前席好句臨行出簡端坐挹移時矜躁釋須知

千頃本來寬

甫申事業契

深宮水有滄溟嶽有嵩已見大名傾海宇還將餘事

作詩翁花開驛路春風暖柳拂行旌麗日融揆席

朝端正虛左卽看談笑到三公

和風吹暖雨零甘召伯棠陰豈但三兼領宣防河以

北公歷任皆兼總河務獨持風紀斗之南渡江先望遙臨榮入

四知堂文集

卷三十五 詩

十一

運還停載驟驟春酒一樽容小饒談深肺腑興彌酣

東南杭稻膺輪輓淮海迨趨歷五年豈有寸長資藥

籠時欣尺素賁魚牋人如龍馬方稱健語到箴規始

是憐學問根源歸謹慎同寮亦望再來宜

東風五絕句

莫向青蘋認舊蹤恰從簷馬聽丁冬年年解送春消

息綻到花房第幾重

閒從空際認游絲欲斷真愁力不支多謝東風能宛

轉一時吹上最高枝

到眼亭臺碧四圍青青小草亦春暉東來應許同披

拂不信偏從柳上歸

吹來欵欵挹來温噓植都歸造物恩元氣試看調燮

後花開花落總無言

碧波翠巘轉移間河外河流山外山自是陽春真有

脚一時生意滿人寰

嚴寒二十韻

節屆隆冬候爾歌栗烈時河水昏夜合朔雪曉風吹

林下驚枝折簷端訝筆垂剝膚階石裂露脊瓦溝欹

歛翮安巢鳥呼朋渡水狸草根枯歷亂薙葉萎紛披

朝旭升如怯同雲駐不移四維看靄積彌望覺天卑

四知堂文集

卷三十五 詩

十一

凍雪填空濶寒威恣驟馳中人僵百體撲面感雙眉

龜手艱求藥埋頭愜下帷重簾疑紙薄複閣訝霜欺

被覆寒猶逼爐薰暖尙遲居人愁凜冽客子嘆淒其

有背誰堪暴無衣實可悲江河頻失險筋力頓教衰

禦敵惟需酒觀灰只候縱三陽成泰象萬物觀新儀

地

和風遍千家淑景宜嬉娛遊化日蕭瑟亦何爲

雨後西齋桂花盛開

老樹臨西院繁花壓短牆蘚深埋石色雨過裊天香

得月邀梧共名齋歷歲長齋舊額小轉輸勞四載此

夕醉芬芳余督酒四載皆以秋末冬初返

署今以八月歸故及見花發

聞香

花發彌旬日天香倍爛然度寧風解送聞與靜為緣
露冷庭餘月人閒手一編亭臺知遠近心折小山前

瓶桂

蕊綻從深院香移到膽瓶一枝秋自媚滿座意為馨
展卷宜圖史開襟付醪醕從來花事好不必在園亭

對菊

籬落秋風滿條然菊徑存象中銜隱逸門外月黃昏
淡意誰相似孤情欲共論惟他閒草木一味聽寒暄

九日偕諸同人登萬松亭六首

四知堂文集卷三十五詩

七

澤國無緣飽看山危亭聊此共舒顏陶家三徑猶存

菊越水千帆正渡關時回空浙船野闊可憐秋欲暮

風高時見鳥飛還座中有客耽吟最饒字題當積翠

問

沈寥天氣皎晴空一徑穿雲小院東語到平生嗤蠟
屐聽來逸韻賞焦桐采英人在疎籬外辟惡莫分短

袖中坐我松陰資片石濤聲謾謾響天風

四年輪輓小臣心此日衙齋一眺臨破格

聖恩憐飲水六月抵京蒙恩寬免賂項蓋異數也傳家清節重辭金

官閒差可讐青史意適何妨坐碧岑鈴閣清嚴風日

美恰逢勝序盍朋簪

憂樂深情兩未忘公餘每憶內醫瘡黃淮地易喧夫
柳鴻鴈哀猶急稻梁蠲賑萬家沾

雨露撫綏一路特循良黍禾膏雨平生意幾度逡巡
罷舉觴

立應高處坐應端肯為重陽漫側冠石髮雨侵闌共
碧虬枝風動影俱寒留題片碣傳先達選勝三秋列

從官繞徑名花都位置君看晚節未彫殘

桂花開後菊花黃東嶺西軒次第香學士有詞嘲髮
短先生無語笑人忙一層更上松千尺七字成吟酒

四知堂文集卷三十五詩

十四

數行知是今宵有明月老夫清興覺頽唐

圍爐二首

火活能醫冷寒爐且共於椅桐留爨下楸枿慎燒餘
一氣看融液千間想室廬從來天下士不在數行書

禦寒衣並薄斗室靜相於石火生敲後勞薪識爨餘
暖猶謀一宿凍豈獨吾廬夜雪差堪喜年豐仗爾書

雪夜小酌得酒為談詩過量多之句足成一律

屬諸同人並作

政事文章豈共科偶緣休暇得吟哦天因作雪增寒
甚酒為談詩過量多一室共圍山芋火五年遙聽鳳

池珂承明他日齊簪筆應記西齋此夜過

掃雪

掃雪幾時盡漫空下正多尙留三日臥看爾到陽和

小年二首

歲月堂堂委逝川名香手藝向高天平生矢願惟安

拙何處逢人肯乞憐萬里尙縈鄉夢遠卅年真荷

主恩偏墓田丙舍應無恙書罷官奴意惘然

樓雪初融碧瓦勻萬松東閣露嶙峋曾依北斗星辰

近敢失廬山面目真竹葉且憑消永夜梅花又見報

新春摩挲老眼還如故看爾乘風破浪人

四知堂文集

卷三十五 詩

五

雪後小集分韻得佳字

梅花兩樹記高齋序齒雍容列坐皆歲爲將除寒愈

盛人緣數會興彌佳煎來殘雪憑新火啜盡深杯見

雅懷試聽陽春歌一曲條風取次徧天涯

次彭愛園江字韻

龍文自識力難扛且付閒情向酒缸臘雪未殘猶照

眼梅花欲發已橫窻望如韓愈方稱斗才到安仁始

是江五字長城知獨擅當筵敢漫樹牙幢

夜坐贈邊孝廉

渭樹江雲正惘然天風吹到孝廉船商量舊業銅爐

火刻劃新詩午夜箋幾次春官憐罷後一生壯志見樽前終看健翻騰霄漢藻鑑還從啟事傳

示門人聶景思

師弟情親孰與先公餘欣對篆烟前髻齡已見森頭

角景思八九歲即從予受業中歲真憐守硯田莫漫壯心灰伏櫪

且將彩筆試當筵秋風萬里鵬程近衣鉢他時倘許

傳

示承寧壽楠

天涯聚首卽爲家兩度淮陰共歲華事業每從經史

出頭顱易遣雪霜加關心宅相吾宗彥着眼春風上

四知堂文集

卷三十五 詩

六

苑花今日元亭殊有意可能奇字問侯芭

示兒姪諸孫

錦堂西畔畫廊東綠酒紅爐夜夜同識路未能辭老

馬援弓應共戒飛鴻千秋事業三更內百歲光陰一

隙中清白由來傳世德莫忘詩禮繼家風

次彥從元旦試筆韻 壬午

一番氣象正春明帶水迢迢近繞城有歲自來人盡

壽無愁那用酒爲兵雲因復旦添佳氣花到新年倍

艷情慚愧頭銜忝師保可知逾分是吾生

元旦次日登萬松亭二首

高處憑闌又一年春來海國自無邊柳芽未吐條先
碧梅蕊全開色倍妍五色尚舒雲似錦百壺寧惜酒
如泉良辰樂事還相並飽聽松濤試擘牋

老眼新年看較明端知心跡此雙清染人蒼翠松千
顆入聽和平鳥數聲彌望帆檣銜鵲尾手栽桃李發
春榮也知日近長安遠北望蓬萊倍有情

水仙

歲暮雪霜零草木多折凍磬口稍措撐蠟梅有寒香
或偷美庭院兩俱無寂寞幽人夢百枚致水仙盞盆
與栽種澆以清淮水佐以恠石供曬趁紙窻明晚恐

四知堂文集 卷三十五 詩

七

朔風中日夕晚花開瑟縮如昏膏乃知氣嚴凝趣促
無所用一朝陽春脚潛從土膏動微苞忽細坼水萼
吐么鳳竟日發垂垂逾時雲縱縱儵然塵外姿姑射
差伯仲相對晚晴天淡泊此心共奚必事觥籌紛紛
啟瓶甕

人日看梅用彥從韻

七葉階萸紀孤芳嶺信探花枝開到北香意尙餘南
水曲流從九杯銜數過三誰能耽素業終日讀書龕
人日再疊前韻二首

新年才七日風信幾回探但見蒲帆北渾忘宦跡南

梅花枝亞一甲子數逾三案喜無留牘依然理蠹龕
今日是人日風光好細探瞻雲齊向北歸鴈正從南
岫倚虬松萬園開草徑三從來詩句好多半出書龕

人日示諸孫

改歲茲人日稱名義合探過庭詩與禮肄業雅兼南
荀氏龍稱八河東鳳號三從來家濟美一辨在書龕
瓊孫十一齡和余人日詩亦能成句書此誌喜

老愛孫枝秀詩書勗討探六齡萱菱北瓊幼五載硯
隨南瓊從余淮上已五載請業人師一從家彥遺經口誦三欣

然人日句屬和出書龕

四知堂文集 卷三十五 詩

八

首

正月八日清江高宮保招飲往返水陸得詩八
人日才過彩勝鮮春風又報穀宜田試看河畔青青
麥已識秋來大有年

傳呼一路出城闌坊市家家氣象新聞道三餐胥果
腹端知

帝德總如春

梅花如雪柳毵毵春色三城細細探默數六年佳境
漸始知啖蔗是淮南淮苦水患比歲不登自廿三年
漂母祠前欵欵春韓侯釣處水漪淪憑君莫笑重瞳

子識得英雄有幾人

前臨淮水後濱湖近岸居民半葦蒲不是舟車勞權

使天然一幅欄川圖

淮流一氣到江清百里新移北岸城清河縣先在黃河北岸今移於

清江誰識當時公路浦人家十萬盡春聲

網繆未雨總良圖淮北宣防扼要區事業使君看濟

美韋平家世本來殊

波平風定夜分明初月當牕照水清一葉中流歸棹

穩載將詩思到三城

西齋曉起

四知堂文集卷三十五詩

九

蕭疎竹樹半遮門小徑週遭儼一村簷雀聲繁牕欲

白海門日上氣先溫新逋案未償詩債宿醉花猶剩

酒痕頗愛盆梅開正好不須短策逐香魂

西齋卽事用前韻

休論衙齋與葦門春風到處卽爲村才書玉案毫猶

濕試蒸名香手亦溫草徑自迷新履跡花枝誰記舊

開痕只應月上黃昏候惆悵孤山處士魂

上元次日小雨

漠漠春雲天與低雨絲如屑四山迷萌芽小草當階

濕刷羽微禽過樹啼坐擁貂裘增薄冷誰留燈燼掛

新題滋榮却是田家好色喜來牟秀滿畦

正月十七日普誠齋關部招陪總河鹽政二使

君春讌時微風乍起梅花數點飄入茵席總

河高公曰絕好詩題酒闌援筆成五絕句

偶然高會擬蜚英笑語諱時片片輕自是好花貪得

地不關長笛動江城

細細風來滿院香新翻一曲試霓裳粧成半是梅花

樣點額無勞數壽陽

橫斜疎影一枝枝開到春酣落亦宜更擬傳神煩妙

手生絹一幅付徐熙

四知堂文集卷三十五詩

十

廣陵淮浦近相望對擁牙幢羨雁行恰似上元誇勝

景一時燈月看交光

眼看燈事逐番新玉樹臨風更出塵驗取春魁還獨

占鳳雛原是探花人誠齋三嗣君正赴春闈

正月十八日從淮署啟行恭迎

鑾輅晚渡河至王家營

曉發淮陰路臨流正晚晴雪消穿澗水冰裂渡河聲

一葦春風捷千家草屋明

時巡瞻日馭述職寸心傾

旅館寄署中諸同人

三城回望遠旅館意何如夜色炊烟合人聲小市虛
一庭殘雪後五字上燈初爲問西齋客清吟孰和予

衆興集夜酌

更初月未上歷歷衆星明隔岸漕河水過門驛馬聲
村膠宜客倦旅夢畏宵清明發還驤首春風認古城

曉發衆興集

載驟駸駸日春陰漠漠時雲如將作雪雨欲不成絲
遠岸高帆隱前村草徑岐隨風飄歷亂應是酒家旗

仰化集旅館次壁間韻

依疇背岸一家家有客停驂日已斜簷雪尙融將盡
四知堂文集 卷三十五 詩 三

水春風擬放欲開花沽來茆店誇冬釀翦到春畦試

韭芽旅食誰云佳趣少再來還駐使君車

桃源道

土銓茆簷有幾家居然雞犬與桑麻此間不是神仙
境也放東風一樹花

從桃源境至宿遷作

破曉無從問早曦陰雲漠漠雨絲絲鳥綠巢濕栖無
定花爲風寒放較遲直路偶然看小曲同行多半笑

先馳總河高公關部普公同差強人意春山近翠黛

橫陳駐馬時宿遷有馬陵山

衝寒

春山一徑擁裘過節候虛傳是始和欲散曉雲猶帶
雨方添雪水已成河途間飛鳥依人少馬上寒風入
袖多拈斷水髭成五字須知性癖是吟哦

蘭山道中

疎籬小圃野人家到眼春光不在花馳道遠瞻雲際
路溪流新漾雨餘沙風前待轉林鶯舌雪後微青隴
麥芽直到橋頭還眺望是日宿橋頭遠山重疊夕陽斜

雷石午飯次屏間韻

長空依舊放新晴一騎春風又穩行亂石平坡山下
四知堂文集 卷三十五 詩 三

路疎林殘雪畫中情泥融已見村耕動地僻無勞驛

吏迎暫駐輪蹄燒麥飯茅檐小坐愛聰明

宿朱堡莊書室

東風吹入馬蹄輕行到書莊眼倍明淨綠一灣穿石
細遙青幾點帶烟橫不妨曲折開花徑正愛蕭疎聽
竹聲大隱市朝真詎語買山終合向茆衡

萬松山恭瞻

座落

勝跡當年擬萬松廿一年冬余著篆山左卽與今來
下馬看虬龍濤聲天半初過處鬢春明破曉鐘

綺檻雕闌曲曲通瓊樓高處白雲封人間草木真多
幸恰到春來駐
六龍

夜宿蔣家莊

春日東蒙道殘陽下馬時人家山向背牆角石參差
樹色低圍野溪聲細隔籬村膠猶可酌月上不妨遲

小年日盤糧廳作

年年南北歷風濤轉漕由來戎驛騷誰遣閻羅關上
水紛紛法令等牛毛廳舊有閻王關之號

丁艱恤處

四知堂文集卷三十五 詩

王恩深

天語煌煌寶式臨盡滌煩苛歸簡易六年兢業小臣
心本年翠華南幸恩賜臣錫欵詩云董媪兼欲恤丁艱聖明體恤直無微不至也

雪後作

簷溜初融避曉曦竹枝低處鳥爭飛已看臘向年前
盡漸覺春從柳上歸檢點詩篇秋興足秋間得詩百餘首回署後遂廢筆墨商量酒棧故人稀愛問詩于旋乘開更閱諸孫課筆底誰能玉屑霏

晨起

喜聞乾鵲報新晴曉起才看日上城石罅疎枝煙淡

漢瓦溝餘雪凍分明幸無殘夢驅馳續薄有新詩次
第成短髮不妨頻澣櫛果然新沐覺頭輕

夜酌

律暖星回逼歲除西齋小酌正更餘二梅老後空留
賦齋前有梅二株余曾為賦今以老朽去矣六載閒來敢廢書默記杯巡
憑稚子余飲以七杯為度令侍者記之過則不飲頻添肴饌止山薯須知
清白平生志題額新懸淡泊居余齋先名梅花書屋今以梅去易曰明志軒

示門人聶與恭

八載鄉園守敝廬淮南今得重相於年華坐廢寧堪

四知堂文集卷三十五 詩

五

駐學問商量祇在餘識道自來慚老馬搏風終看化
溟魚曾聞教學能相長應有新詩足啟予

除日

寒暖區分北與南淮陰兩地界相參週遭水滙湖河
海迤邐城連一二三太乙釀成青類竹蠟梅開出色
逾柑擬將詩句酬殘臘韻墨何人戰最酣淮安酒有太乙雙占名等

四知堂文集卷三十五 終

四知堂文集卷三十六

清江楊錫絨方來著

詩

運餘草

正月二十日晴 癸未

宿雲吹盡見天開
晴日依然海上來
一抹淡烟楊柳岸
千家霽色水雲隈
已生春水穿冰澗
漸落庭花點砌苔
應是芳華教縱目
萬松深處擬銜杯

二十七日庭梅始放

素質原甘冷淮南
氣稍遲春風四十日
庭院兩三枝

四知堂文集

卷三十六 詩

一

浮動寧須月橫斜
豈在池從來幽絕意
轉是畏人知

洪賜仲余老友也以今癸未二月二日六十因

製小屏為詩以祝之

論交自昔匪斯今雅奏
千秋託素琴道合不妨長倚
玉情投豈必剩分金
聯床風雨三冬夜揮手雲烟一
片心歷歷韶光三十載
肯將車笠負前吟
梭化龍吟百丈潭
合流袁贛水如藍
茶烟晝裊江樓碧
玉笛宵吹竹院酣
愛俠有時頻看劍
探奇到處輒停驂
酒邊每見詞源倒
壁紙分題疊再三
一抹山光破霧青
良辰勝引遍郊垌
棋聲夜月長生

院履跡春風綠蔭亭紅過
小闌移躑躅綠依淺水漾
蜻蜓朋簪盍處從頭憶
幾度花前倒酒瓶

雲山三面水為鄉
偶向南湖結草堂
隔院風來楊柳細
連畦雨足稻花香
每因覓句留佳客
常共參禪過上方
形跡兩忘君更甚
蘼蘼清夢一繩床

灌嬰城外蓼花洲
閒訪幽人泛小舟
爛漫黃花三日酒
蕭疎細雨一亭秋
揮殘塵尾情如揭
寫到蠶眠興未休
記否登臨從傑閣
西山爽氣上簾鉤

柏臺晉秋荷

龍光雪後章門記
傲裝寂寞江天梅
影瘦迢迢驛路

四知堂文集

卷三十六 詩

二

馬蹄忙臨風屢握尊
前手落月頻窺夢
後梁惆悵素心成
間阻江雲渭樹兩蒼茫

六年持節古淮陰
君亦維揚寄眺吟
兩地通流衣帶水
扁舟洄溯故人心
牙旗月落宵移座
燕寢香凝晝理琴
一度過從一珍重
鬢絲同惜雪霜侵

六龍行處遍春光
扈

蹕從容畫艦翔帆影
掠波江水碧乳花
浮瓊井泉香懸流
千尺傳飛雪響屨
三吳認廢廊江左
風流恰三月與君
到眼細評量

二分明月古揚州
白塔紅橋侈勝遊
亭榭果然移閩

苑鶯花真合傲丹邱平山欄檻風前倚瓜步烟波望
裏收竟日招邀歸較晚畫船簫鼓沸中流

風和氣淑日遲遲甲子從頭正數時

盛世江湖多壽考錦堂花木盡春熙人逢公瑾寧須

酒跡阻淮南合有詩一幅畫屏言五百好憑赤鯉寄

安期

夜意

睡力衰年減宵分夢輒醒一燈猶耿壁斜漢正疎星

籟寂綠蠶息涼生覺露零回頭思往事孤負故山青

曉起

四知堂文集

卷三十六 詩

三

溟濛曙色噪飛鴉鼓角風寒報曉衙殘雪夜來消未

盡依然牆角凍梅花

西軒夜飲

梅花新月草堂西簪屨雍容列坐齊字癖正閒新載

酒詩逋重續舊分題千秋蠹化傳仙食一夕鴻飛憶

雪泥峻坂霜蹄童稚事醉顏還與耳頻提

小年前一日淮陰書院卽事三絕句

蜿蜒一徑溯平湖雪後亭臺儼畫圖最好歌聲出金

石此間何異坐冰壺

萬柳池邊鶴夢寒轆轤依舊響欄干千秋活水源斯

在莫作尋常派別看

碧波橫臥彩虹長梅塢風過雪亦香聞說蓬山原有

路幾人真到白雲鄉

從澄心亭乘舟至三仙閣

葦蘆深處喚漁舟細碎冰花水面浮直到上方憑眺

望烟波無際見書樓

幽通曲徑轉西廊夢裏匡牀水一方慚愧輒紅拋未

得道人休更煮黃梁

書韻事雙紀冊後贈丁人可四首

等閒花事與評論姚姒家風衆所尊開向名園春晚

晚貯來金屋影翩反酒闌詞賦紛枚馬月旦標題最

李温落落嶺南樵悴客江城黃鶴並高鶩

名流盛事憶歡場好句曾經目未忘檢點陳編留蠹

子矜嚴高格麗花王雙觥擎出黃流滿五字鐫成翰

墨香落紙雲烟燈燼後淋漓一片濕山房

天涯流落老詩人雪片霜花日夜親雲夢氣吞胸浩

澗函關險據敵邊巡毫揮珠玉驚盤落筆走龍蛇看

繭申重與名花開面目一時瑜亮陣雲屯

天孫雲錦織爲裳兩兩才名總頡頏國色有緣馨齒

頰詩篇無價重琳瑯寫來絹素蠅頭小傳出騷壇鳳

四知堂文集

卷三十六 詩

四

尾長屈指春城花事近風流往蹟悵維揚

探梅次彥從韻二首

香凝燕寢訝旃檀破臘寒芳信許探風細一枝斜竹
外月明殘雪憶江南調和事業應無兩淡泊情懷賴
有三驢背歸來消息近尊開良夜與先酣

夢繞羅浮臘後天名花多半幻神仙山空雪滿情無
盡竹亞烟低意惘然和月久鋤孤影瘦臨風應報一
枝妍小樓十二闌干倚約略離魂淺水邊

雪後登萬松亭

如螺小髻矗蒼烟點綴鈴轅屐齒便一徑松篁殘雪
四知堂文集卷三十六詩 五

後萬家烟火早春前過城帆影緣風駛逼歲花枝爲
客妍海國七年都轉運檢囊惟有畫叉錢

歲暮書懷六首

臘破風迴欲近年傳來芳信嶺雲邊商量舊業閒薰
蠹檢點新詞偶擘箋雪後亭臺看玉潔歲闌叢薄待
春妍垂垂一夜燈花發綽有閒情取次詮

牙幢玉節海東隅軍國儲精寄轉輸豈有謀猷行半
壁頻叨品秩晉三孤飲冰敢忘忘臣心潔束濕嘗愁物
力逋部勒舳舻春水綠長河一望總于于

鯨波不動海風恬舊壘新營水陸兼霜草正肥嘶白

鼻雪花初湧颺青帘鼉鼉陣合風雲變鳥隼旗舉步
伐嚴從古邊防資上策書生敢便詡韜鈴

登壇豈獨一軍驚儒雅風流代有名賦就梁園垂柳
色吹殘玉笛倚樓聲卽今里巷絃歌溢未少文章館
閣鳴重與淮陰開講席辨香濂洛具微情

酒殘西堂入夜溫堆盤果栗雜雞豚坐來玉潤蒹葭
倚談到風生蠶亦捫夢破花疎梅嶺月寒深雪記洛
川門暮年心跡歸庭砌頭角崢嶸慰抱孫

衙叅初放趁身閒簾幙重重儼閉關裘帶久慚羊叔
子箏絃素薄謝東山搜腸對酒詩千首洗墨臨池水
四知堂文集卷三十六詩 六

一灣無欲自餘筋力健丹砂幾見駐顏

元旦次日喜晴次彥從韻 甲申

幕府兼圍絳帳紗晴光一樣報南衙樓蒸暖氣融殘
雪人醉東風暈淺霞臥月已醒高士夢迎春正看使
君車園林底事增顏色碧砌紅闌待吐花

霧

瀰漫寒霧滿蒼穹曉色都迷旭日紅着樹枝枝冰皎
潔黏梅片片月朦朧肯將積素融高堞直得雙眸睜
遠空一色水天增混濛滿城樓閣失玲瓏遊鷺七聖
迷荒野隱憶南山護豹叢紫陌燕歸遲幕上仙家犬

吹認雲中撲來滾滾塵封畫蔚起浮浮氣出籠繼雪
翻騰新柳絮和烟齊繞舊簾櫳澗邊蜥蜴千條怒塞
外黃沙四望通酷暑著時珍薄殼好花看去笑哀翁
山巔徧羃嵐相似海若全涵象正同景較陽春還漠
漠勢如野馬不忽忽問途轉訝添茫昧執熱應歎過
蘊隆丈計郵亭均障日鞭催驥足別隨風禮行想像
忘綿蕞樂奏依稀坐賸矇窳窳總爲憐鑿破從頭新
與溯鴻濛

走馬燈次和肅韻

珠簾畫閣夜燈紅開道驂驪一望中鬣擬傾瓶行暮

四知堂文集

卷三十六 詩

七

雨蹄如得意向春風隔紗髣髴飛黃迅傍慢依稀逐
電雄百兩門迎光的燦五花裝映玉玲瓏真龍入陣
形相似小駟乘驂迹許同金勒詎嘶芳草地房星正
耀杏花叢霎時雲路胥昂首何處霜威不避聰辟易
千軍看蹀躞縱橫萬里任西東騰驤竟夕雙連轡噴
薄清宵競吐虹帝豈燕臺能骨駿顧逢伯樂已羣空
邊烽乍起疑郊壘列炬爭馳類火攻走疾共驚塵沒
滅戰酣轉覺氣和融燒殘銀燭祥烟羃翦出奇葩錦
繡籠九折漫勞親叱咤重圍喜見立開通騎來垌野
驍無敵數到天閑隊未窮火樹銀花都一笑翻從驥

足訝神工

春城夜月 用走馬燈韻

新年燈火滿城紅明月晶晶夜漏中看到郊原餘臘
雪吹來簫管識春風分曹射覆杯觴錯倒影層臺氣
象雄寶馬隊嘶蹄蹀躞鈿車轂轉玉玲瓏闌千十二
鈞簾遍粉黛三千捲幔同細葉商量新柳塢暗香浮
動舊花叢九枝的燦騫威鳳百盞驍騰試鐵驄繡爨
斜開金鎖鎖銅壺細滴響東東輝煌釐背全翻海焜
耀河橋隱臥虹入座千門銀燭麗當頭萬里宿雲空
火珠迸落疑星質赤幟高懸想趙攻照向鮫宮真練
四知堂文集 卷三十六 詩 八

賦孰爭工

九日登萬松山用懋學韻四首

不嫌風雨作重陽八載淮陰等故鄉夢境難憑蕉覆
鹿年華易逝鬢餘霜經過小院衣衫潤直上危亭眼
界涼喜是平安先報竹未須隨衆佩萸囊
石徑松篁翠黛賒賓朋雜坐半葶藶攜來斗酒丁坊
美烹到河魚丙穴嘉生面倩誰開北苑閒情只自付

南華兒孫也解憐秋色，奏技先吟處士家。

奇峰百尺類層臺，勢壓三城亦壯哉。天外舉頭雲乍
歛，眼前冒雨菊初開。佳吟千載傳，啣突小術當年笑。
避灾案牘餘閒聊攬勝，不妨屐齒印蒼苔。

非分常慚擁戟牙，風前短髮漸鬢髻。紅飛野岸霜痕
濕，白浸蘆汀鴈影斜。抵次尙遲江國棹，浮家近返海
門槎。殷勤記取叢生樹，馥郁三秋已再花。

正月廿日庭梅初放 乙酉

遲爾垂垂發春風，半月餘一枝烟漠漠滿院雨。疎疎
幻是羅浮夢，清爲處士居。和羹他日事，索笑向前除。

四知堂文集

卷三十六 詩

九

絳桃

手植纔逾歲，春深已放花。豔如升曉日，綺類散餘霞。
照水盈盈近，當牕故故斜。蟠根從古貴，天上儘容誇。

菜花二首

百卉芳菲日，原田競作花。好風吹未已，春色浩無涯。
葉憶酣霜雪，根看耐齒牙。轉嗤桃李艷，只是鬧蜂衙。
一片黃明色，千畦野菜花。看時春欲徧，盡處水爲涯。
酒合醒坡老，羹寧待易牙。膏來滋味數，此事讓水衙。

秋風

一葉驚心後，蕭蕭搖落風。樹間聲自異，月下爽難同。

隼擊愁凡鳥，蓬飛到碧空。飄零憐杜老，滿地一漁翁。

老少年

雲錦千重幕，清霜九月天。誰云年已暮，我正見猶憐。
亭畔秋宜晚，風前態欲仙。只應籬下客，長共弄雲烟。

燈花示兒輩

豈是優曇現，居然頃刻花。潤寧資雨露，色已爛雲霞。
熄靜人無語，秋深月正華。三更休浪擲，黃卷汝生涯。

送兩江尹制府入閣還朝四首

還朝旌旆正秋風，元老登庸衆望同。四野黃雲圍黍稷，
一輪明月照梧桐。懸知父老情難別，矧看鹽梅業

四知堂文集

卷三十六 詩

十

更隆十載淮陰親履，烏瀕行真合詠飛鴻。

采薇外治重蕃宣，敷歷如公四十年。江國幾回停使節，
秦關萬里靖烽烟。沖和德性真儒者，瀟灑情懷卽地仙。
最是公餘饒逸興，含毫佳句滿瑤箋。

品流人物待陶甄，文武兼資屬重臣。蓮幕賓僚開府數，
汾陽部曲擁麾頻。勳華蓋代心彌下，淡泊論交意轉真。
應識元公歸變理，還從吐握見精神。

清江碧嶂白雲邊，幸託帡幪歷歲年。久已兒童識司馬，
從來家世重章賢。科名早占鵷鸞首，事業應居范富前。
此去甘霖寰宇遍，不須惆悵向離筵。

除夕

樹頭依約見東風，隔歲春回大地同。
烟火三城殘雪後，亭臺一徑暗香中。
懸知棗栗遺編戶，漸覺鬚眉類老翁。
喜是九年都轉運，河流無恙粟穰豐。

聽蛙

丙戌

清和猶令序，閑閣已蛙鳴。
一徑池邊草，千村雨後聲。
閒階時却立，曲塢每微行。
入夜如相訴，乘風倍有情。
官私憑叫噪，蝌蚪並縱橫。
口衆金寧燦，心閒夜更清。
坐窺天一線，獨聽月三更。
稼穡明時實，中田正力耕。

荷錢

四知堂文集 卷三十六 詩

十一

迎薰當首夏，貼水見新荷。
擬菱形無異，如錢數正多。
鑄寧勞九府，選合向層波。
莫漫分輪廓，差容傲薜蘿。
水衡供本易，阿堵意誰訶。
飛訝蚨全集，纏看鶴共過。
戲魚旋破碎，衰露更婀娜。
日擊田田日，臨流聽權歌。

噴壺

小圃資餘潤，分泉向轆轤。
器從陶所範，形本瓠爲模。
豕腹微張口，蓮房細洒珠。
絲絲同露泔，點點類膏濡。
枝葉全經洗，根荄頓獲蘊。
分疑隨鬣下，落不待風俱。
覆手霖無異，傾盆澤豈殊。
試看優渥後，百卉盡榮敷。

瓶菊

一片深秋色，移來向膽瓶。
東籬誰更采，三徑不須經。
挹翠宜圖史，通幽視几屏。
霜華寒五夜，露氣隔重局。
靜對人俱逸，微聞氣已馨。
有懷休徑醉，淡處在能醒。

秋草

亦有綿芊態，其如秋氣侵。
萎看從曲逕，黃欲問疎林。
化腐光仍在，棲塵弱不禁。
蕭條涼露泔，悵望夕陽沈。
眼疾鷹爭下，風高塞愈深。
止應春色轉，和夢入清吟。

鴈聲

宇碧秋無際，宵寒鴈有聲。
來經沙塞遠，去逐曉風清。
旅食資梁稻，深情託弟兄。
波澄霜共冷，蘆白月俱明。

四知堂文集 卷三十六 詩

十一

霄漢千尋近，鄉園萬里情。
音書誰更寄，翹首望雲程。

冬夜書聲

學積三餘貴，宵長好檢書。
藝林憑討論，冊府任爬梳。
繼晷當深夜，歌風出做廬。
顏瓢樂不改，點瑟韻方餘。
意直窺姚姒，形寧昧魯魚。
更長時竊聽，雅奏或相如。

落葉二十首

林苑丹黃野色連，亂翻殘葉下晴烟。
撫絃響咽蟬聲急，倚樹毫揮鳥篆便。
想到吳江風瑟瑟，流來宮澗水涓涓。
驚心應有湖邊客，寫盡蕭騷向楚天。

變衰風色起江干，翹首疎林葉葉寒。
幾日枝頭猶蔽

第一番霜信竟摧殘無邊合聽蕭蕭響滿地真添槭
槭看只有輪囷松柏在高柯無改翠雲團

記得千章綠暗時修條密葉護黃鸝平林雨急容新
悴曉苑風多力倦支自執柯盟從月老誰繙釋典誦
牟尼憑開合就鴛溪絹且學迂倪寫瘦枝

樓臺十二間桐孫簾捲黃昏月在門失勢眼看飛造
次當頭手接下偏反全抽蛛腹驚新網半蝕蟲牙悵
舊痕紈扇可憐同棄置猶懷雨露是深恩

玉露金風併作涼微行那復是柔桑尋思上苑三春
碧瞥眼前村一色黃軟襯馬蹄迷曉徑輕翻鴉背下
四知堂文集 卷三十六詩 七

斜陽平泉綠野多珍重留得蒼蒼樹幾行

秋肅春溫事兩岐到來一樣氣先知梧桐小院新黃
後楊柳長堤半碧時直下軟塵驚委墮斜黏荒草恨
離披無端更有龍山帽併入涼颺信所之

霜前日日作新秋落到長林可自由決計辭巢同去
燕分飛過水卽扁舟頻年坐見青山瘦一夕平添白
髮愁最是掃除還葉葉時將魚魯誤分籌

樹頭樹底覓原因薄薄霜花正及辰野徑蕭條悲木
客寒山岑寂老楓人無端問渡沖波急偶爾登樓過
檻頻記否聽鶉攜酒日花茵滿地綠鋪勻

任是高柯萬綠叢飄來葉葉各西東卽沾上壤寧妨
潔縱綴蠶叢亦是空逝者如斯流水似後來居上積
薪同離懷唱入陽關曲三疊猶愁意未終

清新誰意出無窮過眼須知色是空滄露可能滋晚
翠經霜聊得號殘紅高巢鷺見綢繆牖古社真吹凜
烈風只有菩提本非樹不須榮悴聽蒼穹

未肯飄零強自持侵尋憔悴到高枝隨流髣髴同蓬
梗入爨依稀似豆其畢竟委身應擇地居然撒手不
須時微情賴有文通識沁入心脾寫別離

漫憶春風似剪刀裁紅綴碧總徒勞波間跡逐萍漂
四知堂文集 卷三十六詩 十四

泊嶺上聲隨駭怒號舊句尙留紅藥省當年會染綠
羅袍情懷未是超榮辱應向青旻首一搔

榮落當前卽徑庭休矜植立素亭亭生從下上非蟾
桂吹向堯階豈莢莢一夜涼颺門樸簸千山寒雨澗
零星憑闌試向長亭望回首風烟各杳冥

長年長養出深叢過眼丹黃盡化工午夜中寒纔薄
薄枝頭作計已匆匆綠穿蕭肅矢痕猶在會錫侯封剪
正同試看丁丁秋伐木可聞鶯語過牆東

長林下下與高高四野風來半怒號輕薄未甘同柳
絮飛揚遮莫似鴻毛捲成威栗會吹拍集作裳衣欲

賦騷嘆息甘棠遺愛少幾枝留得舊恩膏

托根未是植蓬萊搖落終爲節候催正憶商量開細細忽驚狼籍下堆堆拖長明月隄千里打迸迴風水一隈高下可憐同棄擲莫嗔樛櫟是凡材

井闌干畔石橋東消息微聞藉影空未免有情今夜

月不堪回首五更風尋來踪跡多凌亂望去關河豈

異同一幅三秋圖畫是憑添人坐小崆峒

林壑風來氣索蕭漫將惹翠認長條紛紛蒲柳知先

隕鬱鬱楸梧孰後凋百尺可堪棲彩鳳一枝何處庇

鷓鴣尋思解壯乾坤色丞相祠前倚沈寥

四知堂文集

卷三十六詩

五

破帽短驢蕭散踪秋來到處有迎逢依依古道斜陽

影寂寂寒山午夜鐘落草虛疑驚狡兔封潭真欲墊

癡龍於今識得生生意枉笏閒看遠近峰

幾番搖落不禁風在勝桃花二月紅望到寒林驚木

脫飄來五夜覺塔空低徊歲月遷流易約略人情冷

淡同面目試看春晚晚依然沃若徧深叢

小年共酌成長句二首

崢嶸節序逼殘年簾幕低垂裊篆烟報

國情懷身漸老承家清白志彌堅孫枝敢詡蘭同茁

客座常欣壁共連案牘暫拋尊酒合一枝竹外正媽

然

曉日初明雪霽餘夢回時憶故山居八年兄弟形骸隔千里松楸拜掃疎鏡裏霜花欺鬢髮天邊鴻跡滯音書一杯滿酌屠蕪酒可奈團圓願易虛

元旦試筆四首 丁亥

斗杓回處泰階平雲物新年望裏生復旦久聞歌八伯宜春又見遍三城心驚馬齒加逾老計過羊牢補未成莫對辛盤思少日上林重聽鸞春鶯

散材何幸遇

清時也附圭璋特達知

四知堂文集

卷三十六詩

六

恩寵兩朝優眷注旬宣廿載愧旌麾城頭日上千門

曉河畔水開萬舸移歲實

天儲資玉粒恪恭先事戒稽遲

人文淮海舊彬彬培養端資學術真識道敢言如老

馬歌風竊喜溯先民應軒特地開明淨磨琢經年見

茂醇

聖代旁招惟俊又行看三策對天人

沿海邊防寄閱巡十年車騎往來頻雍容禮讓風存

古樸素衣冠俗近淳豈有恩施同續挾常因道擁見

情親一元初復融羲照愛聯人間萬象春

立春三首

生生不息是乾坤真下相隨便起元令節

一人居左个先期萬國擁青旛吹來楊柳風初細看
到湖山氣已温任是轉移窮橐籥化工默運總無言
初迴斗柄歲斯今晷刻分明律候尋漫詫到時真有
脚須知着處本無心從頭廿四開花信入夜千金比
寸陰歌管三城繁院落酒闌添得漏沉沉

調和元氣泰鈞移管領祥風到匪遲玉管飛時灰便
覺東郊迎後物胥知和顏入座欣光霽鼓腹登臺慶
醇熙花草從今庭院滿一般意思總相宜

四知堂文集

卷三十六 詩

七

立春前一日邀院長金紫峰太史周蓼圃中翰

阮吾山小飲紫峰索梅一本席散遣送並佐
以酒紫峰投詩二首走筆奉酬

渡江消息柳梅同佳客欣聯一座中館閣文章高格

調均輸事業愧悒悒丁坊正酌三年酒

丁坊余西江佳釀藏之三

年寅月先吹廿四風草草花花看競發一團生意話

無窮

未須索笑向簷牙即席春枝瘦影斜瀟岸幸逢驢背
客羅浮敢惜夢中花遙知月落情無限想到瓶開興
更賒一幅瑤箋走珠玉淋漓筆墨倍鮮華

殘雪二首

幾度庭階快掃除退藏陰翳尚存餘凝成片段風難
起琢剩瓊瑤質自如敢望同雲還接踵聊因短晷暫
停居相思只有寒牕容借映會臨一卷書

六出霏霏久奏功餘膏猶被隴西東如堆柳絮微風
後似莽瓊花淡月中馬向踏時餘脚躡城於濕處見
消融驚心却是潘郎鬢色相長留未即空

元夕和姜占魁韻二首

風是新春月似秋晚來纖翳喜全收做開一統羲皇
世放與中原麟鳳遊湧到蓬壺真近海懸來星極轉

四知堂文集

卷三十六 詩

十六

低樓光陰一刻長添得敢惜千金買滯留

百變魚龍趁此宵爭春草木倍鮮饒裝成柳葉眉初
展看到桃花面即嬌焜耀光真分玉兔繁華風漫數
虹橋芳情更入羅浮夢翠羽飛來第幾條

春雪

鬢鬣雲霞謝太空蕭蕭一夜北風同翻飛絮遍長條
起細數花原六出工爲逐春寒添料峭才臨曉旭便
消融可憐一樣瓊瑤質不向三冬預兆豐

春草三十首 戊子

淑氣新回大地融青青一色媚東風誰家庭院簾初

捲是處園林徑曲通多識葩經先若菜平分爾雅對
魚蟲閒來偶試晴牕筆贏得芳香滿幅中

小徑微行碧遍封知君到處有彌縫根荻雪後曾先
著雨露春來自較濃首烈澤山惟伯益親嘗甘苦是
神農凡材自昔無兼美記取詩人詠采葑

解趁春晴上綺牕女郎閨闈孰先降黃鸝柳暗青生
澗鸚鵡洲橫碧滿江有客拾時情脉脉無人綠處意
慳慳南方會入稻含狀載筆伊誰鼎可扛

何必山經誌惟奇眼前莖葉盡芳姿紛敷一夜芽新
茁牽引移時蔓欲滋二月長隄烟漠漠三春小院雨
四知堂文集 卷三十六 詩 九

絲絲誰甘風景成拋擲不向郊原醉綠倚
漫向窮山賦蕨薇瀕湖瀕海總芳菲微微勢偃風初
度歷歷珠垂露欲晞青木出時誰覺勝紅當瘦日始
驚肥小菴坐臥渾無事贏得深春碧四圍

青葱匝地正敷餘花事平分一畝居獨聽池塘蛙鼓
後偏承雨露燕泥初無根漫憶芝房瑞結體全抽薤
葉書願得長依惟茂叔一般意思不教除

勾萌甲拆漸榮敷名字箋疏百種殊野外烟霏迷蝮
蝶池頭水活漾鷺鳧芟夷自合同蕘稗恐懼常懷集
蓼茶能否疾風資動力由來滋蔓總難圖

休將甘苦判茶薺眼底絲芋一望齊有脚陽春原脉
脉無私雨露共萋萋平蕪綠盡行人遠古道紅分夕
照低怕是馬蹄新雨後和花蹀躞踏成泥

老眼臨春手自措十年芳草寄清淮青滋南陌知時
雨綠沸西堂坐部蛙小有亭臺供攬擷可堪杯勺獨
安排夢回鄉國泉臺香馬鬣新封倍愴懷

習習風和氣暗催青葱禹甸又重回唯懸遠列屏千
尺澗過斜拖碧一隈細雨可全侵薜荔好花多半落
莓苔兼葭漫道慙依玉秋水懷人更溯洄

平疇面面綠鋪勻秀絕人間百草春飛絮乍縈絲是
四知堂文集 卷三十六 詩 十

蕞落紅初襯錦爲茵采從蓬島勞方士寫入離騷並
美人芳意自來花不讓誰云弱質但棲塵
寧須日出事畊耘青向人前已十分簾外春寒承曉
露山頭雨過臥斜曛種因非類常愁去劫到秋原未
免焚只有琵琶會出塞至今青塚怨昭君

幾日衰黃悵綺園春風吹起又平原一番嫩綠添裙
色無數重茵薦枕痕庭際行人來人共翠湖邊望去雨
初昏鴻鈞氣轉均亭毒芟蕪無勞及抵根

春晴料峭尚餘寒秀色天然十畝寬長向畫欄風正
細封來斷碣雨初乾連畦淺嚙肥春犢小苑頻嘶簇

繡鞍烟景眼前殊不惡圖成草閣又揮翰

柔姿一樣植人寰肯為絲麻棄蒯菅得地便抽莖乙

乙臨流長共碧灣灣芳叢日麗青袍似別館春酣翠

帶閒况有微情知報德結當馬足並銜環

暖拂輕風細抹烟連天貼地總芊綿宜男愛佩誠多

有妨步從芟亦偶然到底與花同繡錯自來偕木共

春妍解人更有時珍在綱目梭羅手自編

懷新誰道最良苗憑藉春融草亦驕明庶風來原必

偃鴻濛判後即惟天滋培依樣宜膏雨漫衍何曾異

遠條在昔先民衷若谷時詢一得向芻蕘

四知堂文集

卷三十六 詩

三

數椽誰便計誅苻淑氣舍和正拆苞一夜廉纖新雨

後千畦淡蕩遠風交肥來任擇充牛口折斷憑銜上

鵲巢話到河防還適用橫流多半仗芻芟

萬條寧羨綠絲條處處春風試剪刀葵藿長齊新院

落藤蘿青遍舊林臯平畦但覺天無盡澤國誰云地

不毛持節年年淮水上葦蒲風味幸頻叨

池邊陌上意如何攬擷微情寄嘯歌長易自緣朝雨

足搖頻端為晚風多常生泮壁惟芹藻幸附喬松是

葛蘿物到芳香原類聚一編楚些備包羅

十分春色五分花細草平分遍吐芽幾日長堤青履

跡一簾微雨綠牕紗蘭芳自愛常當砌蓬直須知幸

倚麻望到山前人影亂橫吹短笛夕陽斜

漫將草昧溯元黃遲日分明滿地芳一種有情邀坐

臥數莖無語透馨香采當奉祀宜南澗樹為忘憂號

北堂太息毒流惟嶺表叢生葉葉斷人腸粵東西多斷腸草輕

生男婦採服即死

河邊淑氣久相迎驀地新英掩舊莖載酒馬蹄微蹀

躑養花天氣半陰晴登臨自昔懷如揭采摘何人掬

未盈應為王孫添悵惘萋萋一片楚江城

會人湘簾映畫屏春來眼底又重經斜穿石罅針同

四知堂文集

卷三十六 詩

三

密暗長籬根竹共青莫訝薰蕕岐臭味須知蘭蕙總

香馨請看一種留芳意腐後猶能化作螢

到眼葳蕤得未曾為懽多半葦良朋水田斜界青如

許花塢深藏綠幾層醉後火圍會斃犬原頭春獵正

騰鷹開樽便藉長堤坐酒數程詩尙可能

淡蕩風光草際浮豁開眼界試登樓當屯應有雲雷

象在水還看左右流簑笠荷時牛歷歷蒿萃深處鹿

呦呦圖來便是行春樂不在提壺侈勝遊

體質生來弱不禁沿堤繞砌勢駸駸曾經細雨朝添

色得被和風夜展心別意自縈南浦綠詩思誰動惠

連吟一般長養承恩重欲報春暉悵影沉
歷歷風和雨亦甘渡江草色不須探青來謝傅墩惟
一綠到陶家逕已三繞砌正紫花片片沿堤常共柳
稊稊等閒送得春歸去依舊葱蘢向熨藍
遠宜平楚近宜簾葉接枝交總不嫌翡翠集來風欵
欵鷓鴣啼後雨纖纖茅葍遠貢同璣組蓬華兼賚有
戶簷記得年年勞五馬碧雲深處度帷檐
世到中天若始咸洪荒曾仗作衣衫深叢再茂由根
委活意先欣自實函植向庭階名較重生從海國性
應誠須知得地無傾軋莫向中田權載芟

四知堂文集

卷三十六 詩

三

四知堂文集卷三十六 終



〔清〕項樟撰

玉山詩鈔四卷文
鈔四卷附刻一卷

清乾隆二十六年項成龍等刻本

序

政事與詩文兼長自古難之賈敦頤為洛州刺史百姓立碑頌德表滋為華州刺史迨去耆老逸道不得進政事卓卓而詩文不傳韋應物為蘇州刺史白居易為杭州刺史皆有治行詩亦著名一代而其文不傳甚矣其難也鳳陽太守項君芝庭有兼長焉君博雅好學進士起家出為縣令初任大竹再任黃州蒲州政和民洽權守鳳陽興學校振寬滯寬征惠民救銅山水

沈序

決捕靈璧蝗灾濬三河以洩泛濫創書院以勗子矜八邑之民無不感勸庶而樂愷悌有賈敦頤表滋遺愛政事之暇研窮風雅由蜀之楚由楚之晉經過劔山五丁峽太華潼關竹樓赤壁中條雷首到靈雷題又來臨濠登八公山尋淮南仙蹟遊濠梁聽莊惠觀魚處招携賓從讌集賦詩神閒韵遠不減左司之兵衛森畫戟燕寢凝清香白傳之濤聲夜入伍負廟柳色春歲蘇小家也遠近稱君為循吏為詩人無異辭而抑

知君之文章更有超出流輩者觀其序周易詳說閑邪錄補諸行略傳記質實似南豐跌宕似廬陵至濬渠積貯議毛城鋪原委督尤本學問經濟出之此賢所不能兼者而君兼之不其難與

天子省方南國君兩次奏對詳晰深契宸衷將膺不次之遷建牙開府當以勲業著聞而詩文又其餘事也已乾隆壬午春仲長洲沈德潛題於歸愚齋

沈序

二

序

昔元裕之之序楊叔能小亭集也曰詩貴有本
蓋主於言志與道性情之旨而極其弊於心口
別為二物物我邈其千里持論特深切焉今於
吾友芝庭先生之詩而益信其言之不可易也
先生耽吟詠交遊贈答弔古感懷以及官齋之
委蛇行役之鞅掌一一於詩發之騁詞隸事點
翰如飛而要其萌於神明傳於唇吻皆有自然
流露之趣而等於雕搜章句之為今夫土木

阮序

之偶非不偉且麗也枯絃濕鼓叩之非盡無聲
也而元音生氣之存焉者尠矣人苟檢期淺陋
陶寫不靈抑或沉溺於名場宦海躁進熱中皇
皇焉如有求而弗得而徒欲妃青儷白竊附於
風人大雅之林谿刻者貌忠厚紛營者誇恬退
人與詩若相鑿枘吾不知其位置果何居也先
生則不然性情淳茂志潔而氣和與人交不為
世俗毀譽動余心服之至於居官蒞事又復練
習明敏於蜀於楚於晉於淮南大都悃悞無華

惟利澤及物之是務有稽古愛民遺意焉宜其
形諸篇什溫柔敦厚不必規撫彷彿而仁心義
質具見於鏗鏘節奏之間可不謂脩辭立誠卓
然有本之詩也歟憶戊午己未間先生與余同
居京師晨夕唱和無虛時別去垂二十年名蹟
彰彰既徹聞於

當宁而餘事乃愈工於詩余學殖荒落謁告以
還第與田野老負曝食芹以游泳太平歲月
而衰頹且日甚矣是則余之重有愧於先生而

阮序

先生不余愧者也因讀玉山詩鈔而並及之乾
隆庚辰秋日年眷同學弟阮學浩撰

序

詩之道通於政古稱登高能賦可以為大夫而大雅云吉甫作誦穆如清風又曰其詩孔碩其風肆好吉甫以文武才為周名臣而能詩如此狀則優於政者必深於詩故誦詩而弗達於政聖人以為猶弗誦耳玉山詩鈔芝庭年文宦遊稿也公以名進士筮仕蜀中繼補黃岡遷蒲州司馬擢今鳳陽太守所至治行稱最膺卓薦者屢矣性喜吟詠自流連光景往還贈畬外身所

許序

閱歷重淵修坂名山大川古來名人學士之遺蹟以及天時水旱年穀豐歉之不齊民生休戚之所維繫可喜可愕可悲可涕之狀一發於詩或道途得句或衙齋清吟豐而不靡約而不促淋漓盡態直抒胸臆而不為鈎章棘句之習時出清麗雄邁警絕之辭駸駸乎入唐宋大家之室而非由規撫尺寸而得者嘗思詩本性情以和平真摯為歸公之居官不事苛刻煩擾人受和平之福視民間疾苦拊循拯救則如痛癢之

許序

切於身不忍以斯須緩而惟恐一毫不得其當又真摯若此本此性情作為詩歌所謂自在流出不必焦唇燥吻組織以為工獮祭以為富而自有合於風雅之旨者也稿有蜀中楚中河中濠上諸吟手自刪訂彙為一編余得受而讀焉亟請付梓知公之詩與政將並傳於世無疑昔唐韋左司元漫叟白香山及宋歐蘇諸公為刺史郡守政績既卓有可稱而風流文采照耀當時至今引重增光其地如公者真可繼美古人為良二千石楷法從此大用於時詩日益富孔碩肆好之音且將上希吉甫崧高蒸民諸什豈比夫尋摘章句爭奇角勝於詞壇旗幟間而已哉乾隆辛巳秋月年眷愚弟許集拜手書於淮南書院

序

同年項芝庭先生年三十成進士遂謁吏部除
縣令卓薦遷郡丞旋擢太守循聲卓然所至稱
上考少好詩古文詞及作吏未嘗一日廢積帙
盈尺其子成龍兄弟請於芝庭蒼萃成書付諸
梓人而乞序於余余听然曰有是哉父之作也
子之迷也不亦休乎余嘗謂文章吏治相表裏
未有舉此而廢彼者舉此而廢彼不為迂生必
為俗吏迂生守其拘墟無益當世俗吏務為馳

邵序

逐緣飾耳目將奚取焉自林孫氏創為三不朽
之論岐言與功德而三之而聖門以文學政事
今四科後之作史者宗之遂以循吏藝苑各列
為傳論者不察謂工吏治者不必工文章甚且
謂文章無當於吏治自束髮從師矻矻五經四
子之書敝精勞神自謂有得及一旦通籍服官
悵惘失據輒謂所養非所用絕口不言文字事
而別求所為應世之具其或不忘夙好陳書史
弄柔翰則疑為不急之務或且從而非之以為

結習未除不可以談吏治嗟乎若芝庭者其於
吏治何如哉芝庭為文不襲古人面目而舉止
中法度其為詩清脫瀏澆無咕嗶噏美之習蓋
芝庭為人冲和恬靜剛不激而柔不隨故其為
文與詩若此也芝庭有佳嗣三其長已作令滇
南類皆善詞翰通世故務為有用之學而大異
乎迂生俗吏之所為然則芝庭之澤遠矣是集
之成不脛而走千里豈獨傳為家乘云爾哉年
眷弟邵大業拜手

邵序

二

序

吾友芝庭先生裛其詩文各四卷寄余問序余發而讀之始則忻然喜既又慨然悲而不覺終之以愧且勵也蓋嘗送人作郡矣擁麾所至幾夫故吾君於綰符結綬之餘而文辭日進如水涌山出是為宦海中所希觀矧其籌國計卹民隱仁心仁政俱於楮墨間見之可不謂之良二千石乎此余之所以忻然喜也及閱卷中姓氏多疇昔交遊因憶余授經湖上時適君從蜀中

劉序

旋里同人唱和極一時之盛未幾而峻莽淳齋星源圖南輩暨君家惕菴皆相繼下世幾經宿草使此數子者迄今無恙定當微吟朗誦賞奇析疑一如向者文字之飲徃復推敲故事乃至今作者唯君讀者唯余僅從五百里外遙相印証而屈指老輩無復愁遺又不禁感慨係之矣且夫人各有能有不能太史公之作史記也分儒林循吏而二之蓋誠有未易兼者昔余兩人訂交淮陰市上君方弱冠余甫壯齡意氣偉然

互相策勵顧忽忽已四十餘年余以樗櫟散材踈伏草間碌碌無所樹立即此雕蟲薄技皓首鑽研究未能窺古作者之意以眎君於薄書鞅掌中吮墨揮毫不煩繩削而自合者相去奚止逕庭噫嘻政事文學君也兩得之余也兩失之此豈盡由人事之不齊哉他日者追憶訪舊重到含桃閣下觀君德化之成兼以比年所得就正有道或可藉君之精勤以鼓余之頽惰年雖髦猶將跂足望之壬午花朝日同學弟劉需頓

劉序

首拜題

序

余與芝庭項太守交十有餘年矣往時讀其出宰蜀楚及司馬蒲州諸作早歎為風格雋上動關國計民生非僅以刻瑣藻繪爭雄壇坫已也癸酉出守鳳陽越六七年水旱蝗蝻幾無虛歲河道鉅工躬親督理卹灾捍患不辭勞勩所至饑民感泣僉謂數十年未嘗見此賢太守也已卯夏四月計典卓薦入

觀昕夕過後復出濠上吟示余并屬余序古來

周序

文人一麾出守往往怡情山水日事吟嘯而於早濠河渠隔膜以視方自詡為香山玉局一流而有識者僅以詩人目之古稱龔黃召杜應不若是先生念念切於民瘼舟車所至聽呼庚癸潛然淚下作為詩歌一一寫其顛連之狀即古監門繪圖春陵紀事有其過之無不及也戊寅鳳郡屬邑歲果大熟而先生亦由此報最讀其詩可以知感格之不與矣同學弟周長發

序

自來詩家艷稱李杜及大蘇謂其神力奇崛能驅宇宙譎詭秘奧之境蹀躞走腕底而成鉅觀竊怪三公者蘇則蜀產李則有下巴江入蜀道諸作杜則誅茆浣花溪白帝錦江時形歌詠昔人謂張說得江山之助意者蜀之山水特奇三公資其奇故其才之奇益更著耶芝庭先生以名進士起家為蜀令被上考入都道出南北棧所至竹兜蓮葉間時拈韻以發揮其所見大都得之曉星夜月晴雲晦雨居多而道如杜逸如李怪奇惶惑如蘇令讀者於橫墨一尺中不啻親攬蠶叢魚鳧天棧石梯之勝然則是編直與三公後先倡和共揖作者之堂豈同範水模山不使風景笑人已也乾隆辛未秋日白下午姪秦大士拜題於長安旅舍

秦序

序

乾隆己卯春杪鳳陽太守芝庭內兄以計薦入
都過余澄懷園寓款語之餘出其開濬濼河事
宜一冊乃悉其建業之卓犖固非僅良二千石
一語之所能包舉者是以六年之中禦災捍患
為民勤苦而民不知且相與安之此真可以為
二千石圭臬矣繼又以蜀中吟見示余受而誦
之其老橫則如千村依舊唐風儉半壁虛函晉
水清太華西蟠邊塞險黃河北鎖夾城雄風雅

倪序

則如鞭入千重翠香生何處花多情豈謂青山
冷一水翻留大地春奇崛則如林破霜風開遠
岫潭澄寒日耀新鱗離合勢隨風入塞縱橫影
落月浸蘆寫景之妙則如四合林巒銜暮景一
灣城郭鎖秋濤帶水煙村淡嵌岩石室牢古木
合嵯迷旦晝飛泉吼澗起魚龍沙堤遲玉勒徒
衆擁清暉寺古藏松塢亭虛漏石屏溪頭雲斷
千重嶺谷口光留一線天灘急橫搖全力櫓峰
高倒落數聲猿綠合交嵯樹聲喧百道流濃陰

倪序

真入畫虛籟陡生寒樵歸烟樹暝僧報晚鐘涼
元解之微則如楓葉脫山依雁影猿聲入夜碎
江流盤渦迴曉騎語鳥散塵襟仙夢依稀新月
上松吟淡宕白雲還信是行間披月露果然字
裏挾風霜無端山棘攢眉刺隨意秋雲撲面飛
村醪醺舊侶野味媚新盤嵯懸深壑臨飛騎眼
放高峰俯八荒此皆吐納元氣指揮精神昔賢
千錘百鍊而後到者而芝庭蒼萃如是吾更不
測其所造矣於其別書以贈之此紙乃舊軸尾
也竟堪與長吉古錦囊同矣四月六日夜漏下
三鼓裏湖弟倪承寬拜志夫芝庭豈獨賢刺史
哉蓋與香山東坡比隆矣

書蜀中濠上二吟後

余年甫冠時居萬山中見聞寡陋間讀史輒慨然慕羊祜子范希文之為人比壯飢驅寒迫奔走四方前後遇兩賢太守又退而歎曰嗟乎孰謂今人中無古人哉兩太守為誰天津王介山先生阜寧項芝庭先生也王太守與前輩朱高安相國為道義交乾隆歲丁卯以詞臣署守新安一日設酒食檄諸生親課之謬以余為可教因得讀其所著周易翼大學古本史記論文詩

方序

禮堂詩古文諸編其文如廣餓鄉說上鄂相國論治書並與日月爭光可也其詩如關柝呻吟擊壤諸集摠寫性情之際尤惻然於國計民生適新安迭遭水旱用春秋繁露法以祈晴雨或中夜不能寐作詩有云其如凋瘵者真是弟兄羣今讀鳳陽項太守踏板行替賑宿靈虹靈壁禱雨諸詩抑何其笙磬同音也讀項太守留別竹陽父老廬州包孝肅祠諸詩又想見王太守池陽道中郇瑕舊治及荅朱高安以揚容城見

許諸詩又不啻白雪陽春前者歌而後者和也余在鳳屬五年如賑飢捕蝗諸役嘗以教職參與其事因備悉項太守當官不阿為民請命每因公行部甫下車淄塵未拂即與僚屬論救荒一切利病綱舉目張條條秩秩一本於中心之誠猶憶乾隆丙子在虹城蕭寺中亟論煮賑一事嘗拊髀呼僚屬曰飢民得粥數盃半以野蔬和煮食之一家活在須臾爾又常密語僚屬曰汝看宿靈虹災地啓戶視之傷哉尚有何物嗟

方序

乎如使口惠而實不至即低眉作一二煦嫗語其能痛切一至此乎嗟乎此二吟之見於蜀中濠上者言之不足長言之長言之不足又詠歌而嗟歎之所謂言為心聲天不容偽也曩者余訪王太守於白下後數年又訪於維揚每晤時語移日影且以謂余老矣恐無由數數相見爰作序以贈余行已見詩禮堂全集中今讀項太守靈壁岳家河贈和詩亦已入集惜乎兩太守未嘗合并爾若謂余小子後生亦兩辱知於羊

辨子范希文其然乎其不然乎書罷為之發愧
霖
乾隆二十四年十二月初九日新安後學方沛

方序

三

玉山詩鈔目錄

射陽 項樟 芝庭

卷一

古今詩九十首

卷二

古今詩一百二十六首

卷三

古今詩一百十五首

卷四

古今詩一百三十六首

玉山詩鈔目錄

男兆龍成龍騰龍校字

孫男大齡椿齡安齡保齡長齡壽齡全校

玉山詩鈔卷一

射陽 項樟 芝庭

古今詩九十首

起乾隆己未春至乙丑夏官蜀並入 觀京師時作

春日江行即事時赴任大竹

短棹春江破曉煙探竒此日似登仙溪頭雲斷
千重嶺谷口光留一線天趙子圖書行處有米
家煙雨望中傳從今攬勝三巴去細酌松醪展
杜編

扁舟昨夜發荆門纔過彝陵峽水奔灘急橫搖

玉山詩鈔卷一

一

全力櫓峰高倒落數聲猿泉烹出澗凝茶碧露
下垂藤泛酒渾停棹風微江上好漁歌幾處起
黃昏

一過灘上一驚心水溢巴江楚蜀分帆去輕沾
巫峽雨風來忽破瀼西雲閒鷗逐浪橫舟見野
鳥鳴春隔岬聞西閣於今留客否江花江柳尚
殷殷

蕉窗夜雨次友人韻

愛聽蕉葉雨好友對方牀塵洗一庭綠聲敲半

夜涼挑燈翻舊帙淪茗味新塘官况饒清况空
塔滴漏長

遊南峰寺

清晨出郭霧霏霏隱見嵐光點翠微劈面懸崖
疑路斷鑿蹄驕馬破雲飛風迴玉宇雙林細水
落山泉萬井肥尤喜鳳凰山色近一樽青對共
忘機

彭簿曹招飲鳳凰山納涼

勞勞簿書吏終日籌民艱况當朱夏候何以就

玉山詩鈔卷一

二

清閒鳳山峙城東層崖疊翠髮矯首根青冥翔
飛萬仞間彭君邀我往凌晨相追攀石磴歷紆
折竹兜引回環俄馬達其趾藉地荆可班稍憩
復登陟輕策披榛管松濤雜雲瀑砰訇驚心顏
峻閣凌絕頂一覽俯層山老僧獻茶瓜蹒跚禮
數刪鶴觴開過午縱飲話元關涼風起天末意
境非人寰須臾陰霽合雨漲前溪灣林巒漏村
舍晚霽山斑斕新綠濕歸路陶然相與還回看
觴詠霽澗落猶潺湲

立秋後一日次馬錫庶韻

梧葉飄搖暑氣收
葛衫蕭爽是初秋
人逢西蜀聯新句
酒市東城滌舊愁
砌竹敲風侵座右
山泉帶雨湧溪流
明朝江上開帆去
一夜離情話未休

秋日成都旋竹陽道中三首

一鞭歸路桂花香
每日郵亭醉夕陽
疊疊雲霞生綺麗
蕭蕭林木剪丹黃
騎穿飛瀑懸千尺
眼放高峰俯八荒
道上詩篇渾漫興
山農應笑吏

多狂

玉山詩鈔卷一

三

濛濛不散野雲凝
草樹迷離異去時
衣破西風鈎石角
馬行曉露滑溪湄
村因宿客炊煙早
農為秋陰打稻遲
履險還思探景色
笑呼僕從緊扶持

匝月奔馳去復回
蕭疎林葉幾山推
摩霄峭壁當頭起
夾道藤枝刺眼來
楠木嶺前香漱澗
九盤塘上路紆迴
長途誰念風塵吏
留醉河陽報

菊開

時留宿渠邑
李同門署中

西禪寺小集

西禪半山落幽意
耐清歡翠竹圍雲榻
秋花點石欄
及時魚膾細暇日
酒杯寬興與前溪
滿破頭憶釣竿

果州道中

北川無處不蠶叢
又入陰晴變態中
古木合崖迷旦晝
飛泉吼澗起魚龍
九盤折磴攀藤險
杜嶺層雲踏足空
望隔果州停舍晚
紛紛寒葉下西風

玉山詩鈔卷一

四

道上懷署中諸子

巉巖聳霧路欹斜
冉冉重陰暗客車
四面雲山渾是畫
一官巴蜀即為家
蓉飄井畔憐殘粉
梅發庭餘詠早花
安得雙鳧飛入座
韻分杯底共流霞

留別竹陽父老二首

竹陽城畔柳絲絲
淚洒春風吏去時
三載未能勤上理
六鄉漫謂失新慈
愛將水鏡顏堂額
喜有衣裳載衆思
壤達萬州原不遠
關情偏重忽

分離

吏民臨別見真誠戀戀東橋未忍情隸籍莫令
新與舊誠和端在讀兼耕慙無惠政留坊立剝
有冰心伴鶴行收淚一鞭辭故老今來賢令已
知名

萬邑署中七夕分韻

車馬巴渝匝月馳歸來巧夕鬪新詩

時自渝西
城返署

山鶴駕秋雲上南浦星留夜渡遲錦句偏從今
夜織歌筵頻向月中移愛乘政簡從賓賞漫說

玉山詩鈔卷一

五

風流屬項斯

過鐵鳳山雨阻

莫謂百牢險城東鐵鳳齊劈開千磴滑雄峙一

天低危閣經秋冷飛泉帶雨淒山僧窺遠吏贈

澄酒樽携

秋日山行

古木蒼藤覓徑微行行曉露未全晞無端山棘

攢眉刺不斷秋雲撲面飛旅雁一聲驚遠宦浴

鷗何處避征衣莫嫌蜀道難如此愛看西成秬

稻肥

九日北山觀登高分韻

風生別院絕塵鷺足躡層坡結屋高四合林齋
啣暮景一灣城郭鎖秋濤新萸入佩尊初滿舊
侶相逢興倍豪吏隱難兼堪自笑歌巾此日未
翰陶

題周蓮艇同年春雪探梅圖

時蓮艇宰蜀
之內江至聞

中分校
始遇

當時鶯谷喜同遷西蜀分符又幾年共校棘闈

玉山詩鈔卷一

六

蹤乍合因過花縣句重聯賦雄華嶽推能手化

洽文翁婉昔賢君子蓮開餘韻在孤山梅香藉

圖傳漫空飛絮粧瓊蕊幾處寒枝點玉田探去

清縈詩客夢折來香壓小僮肩浮雲富貴心如

水澡雪精神吏即仙肯許塵七漆畫裏春風款

段共垂鞭

癸亥春楚省飢民過萬捐粟賑粥因感吾

淮連歲奇荒凄然有作

荆楚偶灾傷飢民爭入川萬州水陸衝道路紛

喧闐啼兒婦繫背炊釜夫橫肩鳩鵲實堪憫彈
丸愁力絲沿門呼庚癸設廠施糜餽爭哺急吁
喘乍飽疲欲眠一針色詎起繼粟生乃全捐賑
忍言倦竭蹶躑躅遭楚蜀雖異地吟域何分焉
偏歎尚如此竒灾况遙傳吾鄉黃淮滙水浸高
下田如珠米騰貴枕藉人棄捐流離百萬戶重
困三兩年麥秋更無望春雪壓陌阡吁嗟桑梓
地多少溝渠填微官慙祿薄遠道心空懸覩茲
就食衆振觸涕泗漣峽猿啼日暮極目徒憂煎

玉山詩鈔卷一

七

過竹陽舊治

雨中一日過三山城郭依然民物閒最愛俗淳
還戀舊漫勞道謁為開顏情牽煙柳罪微外馬
駐雲臺鬣鬣間為迫征塵難信宿輿前父老莫
追攀

中灘渡

橋沒傾盆雨中灘勢建瓴覓舟真似葉浮浪已
如萍險阻愁征吏黃昏冷驛亭因思江漲白杜
老昔曾經

曉行

枕喧簷溜宵難寐陰重行程曉尚昏馬踏雲山
知去路鷄鳴煙樹識前村倒垂岬柳橫塘綠新
濕征衣舊雨痕十日蓉城猶未到滿裝風景共
誰論

詠雁字和屈翁詩四首

秋來何物寫秋容歷歷邊城雁度空淡抹數行
風作勢濃凝幾點霧初蒙朝穿雲陣曾飛白夕
帶林暉更染紅千古右軍稱絕筆臨池猶恐遜

玉山詩鈔卷一

八

天工

題名曾自學鴉塗說到天南筆陣輸離合勢隨
風入塞縱橫影落月侵蘆賦成淚洒長門暗書
到人傳絕域孤目送秋鴻頻倚杖暮煙擁樹水
平湖

驚秋陣陣過衡陽衝破寒光素錦張信是行間
披月露果然字裏挾風霜故園書斷愁經眼思
婦砧停淚滿裳正欲濡毫摹鳥篆紛紛散入白
雲鄉

結體孤高不入時來賓端是待秋遲書空豈借
凌雲筆寫影難留洗研池道悟妙機隨指點象
成一畫最神奇紛紛何處尋痕跡野鷺家鷄詎
等夷

夏日自成都旋署道中成五十韻

六月暑方剽無那行役苦計發芙蓉城一月始
南浦龍泉驛最初飛臺號播鼓從此歷巴渝缺
山插天宇突兀白兔亭怪石蹲如虎迢迢二千
里崎嶇不可數嗟哉我行人歛歛日當午滿山

玉山詩鈔卷一

九

熏炎威陌上盡赤土葛輕成緼袍扇敝同苦窳
氣鬱那復舒奮飛無雙羽亦有松篁陰迂折道
脩阻渴思吸山泉汲澗如出釜胡乃熱太甚安
得傾盆雨雨來涼氣生須臾沁心腑雨住滑行
程懸崖一杖拄登高愁顛危躡險局步武晚來
暑轉溽火雲向空吐旅店復湫溢轉側困尻股
永夜不成眠啓行迫僮豎勞勞日兼夕頓踣憑
誰語憶昔在家園結舍湖之澣長夏窗牖開重
陰林木俯客來共茗清言揮玉塵有時枕清

玉山詩鈔卷一

十

生志澤普譚笑總不羈倒樽嚼大脯三宿猶禁
留愛我情縷縷長途既不寐清陰載車輔入境
報新秋涼風出林隴回首暑頓消秀色千山剖
玉露沾人衣草木增明嫵膏鎌競村墟乘晴刈
稌黍年豐室盈寧吏民悉安堵政簡閒訟庭勞
人息腰膂悠然散清衿行看菊綻圃

書中乾蝴蝶次劉九畹原韻八首

羽化還愁泥露微芸編暫宿小罾圍初來似欲
探奇字此去空教損舊衣入夜懸藜驚落魄何

年鼓翅解高飛玉奴莫向花間覩脈望成仙得
共依

芳心倦採落紅稀迷入行間識昨非圖取丹黃
猶著色玳藏金石自流輝春風浪度休回首雪
夜同窺靜息機悟徹更須忘象外廬山好事任
相違

怕說輕狂不識書潛身文囿意舒徐已無舊夢
愁蛛網剩有殘香傲蠹魚唐苑繁花成往昔南
園綠草自堦除可憐脫謝鉛華後似欲凌風賦

玉山詩鈔卷一

十一

子虛

錯愛書生眼亦青忽辭繁艷抱殘經似仙好句
堪持贈嗜古深心肯暫停剪紙吹噓原幻相遺
衣脫化未潛形爭春隊隊猶狂態獨傍芸窗睡
未醒

紆青拖紫絢春明忽解藏身亦忌盈繫縷人歸
秋水淡賣花情逐曉雲輕閒餘鉛粉標三篋靜
擁琳瑯陋百城莫笑下帷多落拓班香宋艷欠
齊名

驚心花妥體清癯脈脈誰憐倩宿儒儘有青箱
藏素粉可無繁露飲香鬢寶厨枉自羅金玉膝
峽何曾鬪紫朱堪笑流鶯空作崇書城先已避
輕軀

離園鎖閣歎伶仃栩栩猶然見性靈記否越奩
從解脫懶因莊夢覓居停絳紗綽約羅袞艷縞
質浸淫竹簡青卻恨香銷成薄倖夜來羞照讀
書螢

玉山詩鈔卷一

十二

玆惜終思護錦篇挑燈夜展一蘧然穠華多少
隨春老風韻而今觸手憐箋愛浣花調粉澤詞
成錯采列丹鉛標題不薄乾蝴蝶午夜依稀到
枕邊

乙丑元旦雪

頌獻椒花萬戶同恰逢瑞雪報年豐光添粉荔
供元日色借銀幡颺曉風嶺樹霏微迷玉照農
田高下沃春融灞橋詩思屠蘇酒領取衙齋十
笏中

荅家惕菴寄懷元韻

十二峰高雁到稀春傳佳句織芳菲
橋邊風月豪情舊江上尊鱸薄宦違
豈為探竒輕蜀道
鬪因捧檄隔親闈
聲聲杜宇催歸急
好向湖干理釣磯

荅胡星源寄懷詩

千里槭開碧樹秋雙魚迢遞寄綢繆
歌翻白紵推新調和寡烏蠻憶舊遊
楓葉脫山依雁影
聲入夜碎江流
故人若問僕官况
六載風霜欲上頭

玉山詩鈔卷一

三

和鮑刺史禹門郊行原韻

自公探野趣輕騎出郊坰雲帶橫山白
秧針刺水青鷗閒人自狎樹古寺常扃
博得永嘉興爭傳驄馬停

彭簿曹邀往觀獵晚飲寶藏寺

秋原萬頃黃雲收深山野燒狐兔愁
彭君昨夜戒士馬清晨出獵乘高秋
統統纔罷早衙鼓邀我乘興同郊遊
廣場草短接林薄勇夫氣銳排
公矛一聲合圍巖谷應四面蹴踏麇
霞投鳴弓

倏忽雉帶箭側目迅疾鷹離韉馬前
負載已狼籍山中窟穴無窮搜主人
顧盼氣英偉招提置酒飛觥籌燎毛
燔肉恣大嚼猶聞耳後風颼颼使君
自笑是文吏長揚羽獵空雕鏐今朝
見獵忽心喜歸途還敢騎驂騮

讀劉九畹明府于邁草用王楚江太守元

韻四首

隨地舒高眼揚鞭動遠情錦江千騎發
松嶺百花明景入奚囊富詩成險道平
春風開幕府座

玉山詩鈔卷一

古

上有書生

揖客將軍貴邊城一拓胸彎弓駟虎
豹落筆走蛟龍遠戍皆銷燧羣蠻盡
納寶運籌知有策倚馬奏殊庸

碑兀蠻荒路吟來景逼真江山原有助
筆墨更通神草檄推名手安邊仗此身
只今題詠靈萬彙已生春

籍甚膺臺選霜飛凜繡衣偶參戎幕裏
載詠碧

山圍肝膽澄秋月勲名達

帝畿古來誰比似枚馬並揚徽

和阮太史裴園落葉元韻六首

秋隕楓林葉漸稀蕭蕭寒色舞參差飄回繡閣
拈鍼候亂逐征途落日時金鐵夜鳴聲入賦丹
黃風剪景催詩經霜消息渾如此愛爾青松力
獸支

幾日園林撼未休穠陰莫禁去悠悠千山歷亂
翻斜照萬木蕭疎淡晚秋空谷無人風自掃御
溝有意水同流寥天極目都淒切楓冷吳江罷

玉山詩鈔卷一

五

釣舟

瑟瑟涼颺散楚郊曲中哀怨上弦乾風催一夜
填花徑霜削深秋瘦月梢若逐波紋魚錯餌忽
疎穠蔭鶻驚巢不堪客枕聽搖落暗助寒更夢
裏敲

感人詩興是秋情百物蕭森入眼清楓老江干
和露墜梧凋金井御風行關門曉角寒初逼閨
閣清砧怨未平剩有空林涼月墮栖鳥不定咽
餘聲

檻外濃陰次第刪一年景象訝循環飈風時逐
蕭蕭雨辭樹初開淡淡山客冷洞庭秋水上蟬
唳漢苑夕陽間蓬門聲響疑人至黃葉成堆靜
掩關

雁帶孤雲薄暮天亂風攪樹葉紛然學書堪代
堆床紙煮酒能消繫杖錢鋪向寒山迷鹿跡驚
飛沙浦起鷗眠分唼不落炎涼態幾日春融又
結緣

題畫

玉山詩鈔卷一

六

紫莖細葉幾盈筐勝似黃磁綺石裝共說貴侯
亭下種金錢拋擲幾羅裳筐中蘭花
應釀新醅貯碧筒香芬先愛束秋風錯疑鸚鵡
窺餘粒銜向環邱皎玉同荷葉束香稻有鸚銜之

籠中畫眉次李簿曹鳴佩元韻

誰憐弱質鎖籠中粉黛渾疑貯六宮新月一灣
稜掃白春山雙點暈消紅綉簾畫永人相對鈴
閣聲清舌乍融最愛天然餘本色淡粧統國未
為工

久辭儔侶故山中肯伴書生一畝宮
毛羽豈爭鸚鵡綠啼痕不染杜鵑紅
臨印舊樣蛾偏雅京兆新描黛遜融
鎮日雕籠誰見妬還邀絲筆入詩工

乾隆乙丑夏五余以計薦自蜀赴都道經

南北棧山水奇絕林木蒼靄陰晴朝夕

變態萬千觸景紀程得詩二十首

武連驛

柝聲催驛夢雲棧暎初尋道夾柏林古山棲宿

玉山詩鈔卷一

七

靄陰盤渦迴曉騎語鳥散塵襟日落逢賢主開

軒轅醉吟時劍州般使君款留

發劍州

客夜愁聽雨征鞍怯曉乘山雲排面面石磴滑

層層險阻酬詩句鄉思慰旅朋晚來高放眼劍

閣喜初登

劍山

地拔千秋險雄開兩翼齊連山梯石峻斷岬入

雲迷至德輕關隘清時絕鼓鼙高僧愛風雅岩

室徧新題

桔柏渡

兩江滙桔柏風雨渡朝昏水漲橋中斷舟輕浪
直吞宿雲埋劍閣晚霽透龍門暎地多憑險巖
鼓闢厚坤

廣元舟中

利州風峻厲貪路復舟航魚載嘉陵美樽開仙

令香時廣元王明府見惠魚酒穴崖知古棧東峽擬瞿塘攬

暎心神豁江間浪自狂

玉山詩鈔卷一

六

七盤嶺

折磴盤高頂天然鑲一闕地分秦蜀險山帶水

雲閒石壁詩斑駁茶亭客往還時平風俗美饒

餉在田間

寧寃道中遇雨

峭壁杳無極連朝雨未休溪深愁沒馬山冷欲

披裘綠合千崖樹聲喧百道流暮林抗高館繞

榻白雲浮

五丁峽

開鑿真竒崛金牛路欲迷石翻摩頂過雲重沒
晉齊挂嶺猿相狎敬巢鳥亂啼豁然通洞口風
日滿前谿

大安驛

山嵐濃早棧遠近掌中看澗底蛙爭鼓蘭蕙露
尚溥已忘梅雨過不覺麥秋寒塵鞅經年慣郵

亭喜大安

南棧至大安驛始平

沔縣曉行

夜殘山吐月光與沔流清宿燴燴猶半棲林鳥

玉山詩鈔卷一

九

乍驚明朝關又險此地土微平何日長安近脩

途耐性情

雞頭關

雞頭初址棧突上碧雲端側徑臨千丈懸崖折
萬壑濃陰真入畫虛籟陡生寒滕境由來僻行
行著意看

青橋驛

山泉飛澗冷閣道半崖懸激石流還咽棲雲斷
復連徑危周短砌梯滑試輕鞭側轉蒼煙夕桃

源別洞天

武關至留堪驛

馬鞍橋廿四高下任傾欹石聳鈎衣角藤穿刺
眼枝山深人自懶午過鉢初炊一笑停留堪真
成辟穀時

南星

村落峰巒外蕭疎漏夕陽樵歸燴樹暝僧報晚
鐘涼古畫濤生壁清陰月滿梁
店壁有画南星
松並題句
夜寐靜露重滴滄浪

玉山詩鈔卷一

三

曉發

客倦更偏短宵征路復賒幽岩遲曉日宿霧豁
明霞鞭入千重翠香生何處花白鷗閒顧我浴
罷立晴沙

褒風道中

林邱藏曲折民物儘熙恬土阜穿為屋松皮剝
作檐樹多盤石罅鳥疾下峰尖倏忽風雲合千
山注水簾

暴雨

不是軍山鼓初聞吼瀑泉人披雲似墨馬滑石
如拳拄杖過危棧攀藤下絕巔脩嘗今日險征
吏有誰憐

晴過心紅峽

林花含宿雨野店裊晴煙夾水屏新翠開雲棧
近天虹挈長澗底鳳矯列峰巔第一心紅峽行
空勢欲仙

峽壁刻雲棧第一
佳處六字

寶雞道中

輿折黃牛鎮玲瓏大士巖浮梁凭柱柱斗壁下

玉山詩鈔卷一

三

輕颿出沒陽回影清冷露浸衫雞聲還一唱聲
振入峭函

出棧

險自褒斜谷平來大散關淮陰餘斷碣紫柏亦
空山遙集千秋思頻開到處顏歌鞍尚回首遠
岫疊雲鬢

溫泉

傳道華清賜浴新三千寵愛有誰鄰多情豈謂
青山冷一水翻流大地春繡嶺香銷烟欲暝霓

裳舞散月空輪披襟猶憶逍遙賦客裏初湯一
浣塵

渭南道中

浴罷驪山未息肩靈臺路近午風暄雲生遠失
千山樹麥熟爭喧五月村白傅清詩尋渭水寇
公亮節弔豐原獨憐林苑繁華盡青草年年送
過轅

太華

兩間神秀特鍾西華嶽峰高碧宇低呼吸可通

玉山詩鈔卷一

三

捫太白鈞梯欲下怯昌黎穿雲瀑布胸中曠礙
日蓮花望裏迷翠巘削成難狀似詩吟不敢到

山題

潼關渡河

西來千里踏青驄勢到潼關又不同太華西蟠
邊塞險黃河北鎖夾城雄陰晴態變輕舟外秦
晉疆分一渡中行歷舜都蒲坂地征塵直欲滌
薰風

九日都門同諸同年集賀容川寓齋分賦

紅綾餅會得隨肩契濶於今歷幾年重向長安
聯舊譜恰因九日集新筵風生玉麈人如菊舞
獻歌樓貌似蓮是日並於齊旁觀劇興至頻斟桑落酒斜
暉欲盡尚流連

再次邱省齋同年韻

西來爽氣入深秋載酒題襟繼夜遊檻外有花
皆逸品座中無客不南州關山乍歷千重險雲
物憑高一望收竟夕留連歸未肯主人又命漉
新篘

玉山詩鈔卷一

重

階前秋色一簾分幸與良宵共樂羣捉筆詞章
飛白雪論交意氣轟青雲明燈座向花前促橫
笛聲從月下聞好會京華知不易預愁離別酒
難醺

秋日送總憲楊懷寧夫子致仕旋里

盛朝鍾柱石碩望領臺端風采傳驄馬霜威凜
鐵冠陳謨襄黼座補袞直金鑾已樹千秋業全
杼一寸丹玉衡司品藻珊網遍孤寒桃李公門
植鸞凰日下看文章知已重駕鈍報恩難方幸

披闈近旋聞解組安老臣情眷戀

聖主澤瀾漫紫綬辭形闕黃花拂繡鞍冰清無
長物根茂有叢蘭從此敢頤養朝霞儘可餐

秋夜

霜染楓林幾度寒清宵何事倚闌看風和隣笛
秋聲切月漾籬花夜色攢好句不隨更漏促閒
愁都付酒杯寬悠悠孰是知音者重理絲桐靜
裏彈

寓齋即事二首

玉山詩鈔卷一

重

門稀過客靜無譁徒倚齋頭趣自賒古帖有香
臨北海舊鈔無蠹讀南華縱橫雁影來重塞斷
續砧聲搗萬家迢遞鄉關休極目霜天獨酌對
黃花

蒼茫雲樹亂鴉啼啼破秋風日易西鴻鵠自懷
千里志上林先借一枝棲長街車馬由人逐短
榻圖書任我携况是金臺多勝蹟登臨到露有
新題

題酉陽耿刺史小照二幅

仙吏無拘束高懷似葛天
渾忘衣佩紫愛共客
談元塵尾流清韻松陰
冒晚煙小僮真解事芝
草獻長年

疎雲薄日淡霜花興逐輕
寒踏軟沙鳴劔無心
平似水聯鑣有女豔如花
東山雅趣侔江左紫
馬風流嗣永嘉肯念雞壇
共于野塵容添我傍
朱霞

男兆龍成龍騰龍校字

玉山詩鈔卷一

重

孫男大齡椿齡安齡保齡長齡喬齡全校

玉山詩鈔卷一

玉山詩鈔卷二

射陽 項樟 芝庭

古今詩一百二十六首
起乙丑至壬申里居
並任湖北山西時作

射湖八景

海市晴雲

登城得巨觀萬壑趨溟漲
雲氣蕩晴空倏忽千萬
狀

沙隄煙雨

蜿蜒一帶長濛濛鎖煙霧
不見煙中人雨過沙

玉山詩鈔卷二

隄露

湖天帆影

蒲帆天際浮點點似鷗鷺
影落明鏡中風馳不知
處

關月濤聲

含影徹澄波潮來橫權吼
猶有夜行人名利徒
奔走

南浦秋葭

南湖一片明蒹葭餘白露
伊人在何許便欲溯

泗去

西營霽雪

霜風徹夜鳴
霧處散瑤玉
披裘踏西營
照眼射朝旭

烽墩夕照

岩岩古斥堠
盛世烽煙息
日暮散歸農
一片斜陽色

曲港迴瀾

淵渚通碧津
風瀾繞河曲
拂鏡引流觴
淡然如

玉山詩鈔卷二

漱玉

對雪

寒風一夜雪
霏霏門巷蕭
閒啓素幃
薄宦十年冰
獨履征途萬
里鶴同歸
竹爐沸後茶
煙細凍筆
吟餘酒力微
遙憶峨眉
山頂上
接天惟見
白雲飛

登前韻酬胡星源兼將近意

同雲釀雪夜
霏霏想見
寒光照客
幃江上無
人猶獨釣
山陰有興
莫輕歸
琅函舊寄
三巴遠余

蜀時疊承寄懷佳句
霜色新添兩鬢微
今日逢君敦夙好
玉冰柱興遄飛

丙寅仲春劉存齋招同劉東溟鄒峻莽王

雪峰喬梓胡東園昆季集飲西軒兼訂

牡丹之約次雪峰韻

招邀仍是舊
兩儔鵲尾山
螺疊醉酬愛
語阿戎非薄
渾聯吟白傅
卻推劉春歸
隄柳遙分色
月到風簾自
上鈎良會任
催樓畔鼓清
和還約看花
遊

玉山詩鈔卷二

李和陽招賞白牡丹

幾番花事雨中違
醉客青蓮啓北扉
金谷正堪追雅集
玉樓初放待春歸
雲浮夜月迴清影
風送濃香染素衣
休擬淡妝如魏國
依然豐艷太真肥

題陸念菴遺照

冰雪精瑩迴出塵
虎頭妙筆早傳神
謝鯤位置宜邱壑
猶有風流照後人

讀陳明府五十初度詩次韻奉贈

年華半百敞襟期謝却風塵守素緣旅寄誰高
徐孺子心交雅憶鄭當時嘗來官味知同淡歸
去書城羨獨怡恬退不煩司馬勅新傳常侍更
工詩

託跡雲門且避名詩成為展夜窗蔡冰心不肯
工時態霜鬢何曾謁上卿風動湖灣花萼滿月
臨春望蚌珠明來詩有淚洒西河之句因
及此為來春育子之兆於今
正好開新醞傾倒無如阮步兵

立秋前一日集袁生左泉齋中兼送劉聲

玉山詩鈔卷二

四

夫之鹽城分得同字

晚步鄰軒近樽開舊侶同座中來素月檻外欲
秋風氣誼憑文合詩歌入醉雄一帆侵曉發獨
看蓼花紅

中秋風雨和王武先韻

瀟瀟雨暗水雲洲風送新涼入夜秋皓魄正圓
翻掩鏡逸情不減尚登樓芳鄰早度坡仙調文
宴能銷楚國愁三載故鄉逢好節人情漸識莫
相尤

集吳嶽峰齋中分韻

步屨幽尋思舊朋情深縞紵是延陵解衣就座
風迴席琢句移時夜剪燈幾度悶懷開酒鑰數
行醉墨走吳綾漏聲已下難為別月上城樓第
幾層

招同東溟淳齋諸子集袁生齋中得六魚
歌巾散步晚風初良會何妨飲合釀未肯一身
愁裏縛且容雙眼醉時舒涼生竹韻敲寒玉清
入詩腸摘野蔬明日勝傳湖上集酒痕墨瀟滿

玉山詩鈔卷二

五

衣裾

輓家易簡伯三首

雅富詩囊隱射湖久隨杖履將吟鬚一官巴蜀
歸來晚冷落詞壇小阮孤
傷心先子彌留際情重令原涕泗零今日秋風
憔悴裏道南重過又空庭
夢返岑山謝客愁故園華表任重遊獨傷海畔
遺賢盡嗚咽寒鴉對水流

祝胡東園五十

今年戊辰七月閏與君誕生巧相印牛女明河
 一再過彩雲恰送懸弧信懸弧適當五十春天
 然丰骨標嶙峋傳家經術高三傳理學宗工有
 後人宗工合繼蘇湖美堂開首善延多士諸兒
 次第列門墻春風化雨敷閭里憶從髫歲訂金
 蘭頡頏菽苑推二難中間契濶隔楚蜀光陰冉
 再如奔瀾顧余馬齒比君少一官鬢叢顏易老
 羨君高蹈寄家園十載重逢愈矯矯如鵑鵲
 凌雲中扶搖久應乘秋風公孫對策猶未晚伯

三山詩鈔卷二

六

玉行年今正同桂香新甕堪醉客客唾珠璣滿
 瑤席余歌一闕鶴南飛笑附諸君浮大白

戊辰六月招陳明府省吾廖明府子升並

同學劉東溟鄒峻莽謝溥齋輩紫陽禪

院納涼分得雲字

天葩幾度吐奇芬盡日招提又舉群引我涼颺
 臨水得醒人清磬隔花聞雨餘生意看庭草市
 遠行廚煮澗芹寂是夕陽殘醉後相看意氣摠
 凌雲

再和陳明府韻

居鄰初地境清幽破暑相邀得共遊望裏綠楊
 濃似畫門前流水曲如鈎惟君不肯因人熱一
 雨旋生滿院秋探得驪珠唵未已青燈歸去寫
 蠅頭

陳明府招飲鄒峻莽以足疾未至有詩來

辭次韻和之

大令秋開讌遲君夜欲闌非關泥滑滑聞說步
 跚跚蓮社分筒飲銀河挂席看孝廉船未至芳

玉山詩鈔卷二

七

句臭如蘭

閏七夕招同人集紫陽禪院

碌碌復碌碌終朝不得息得暇謀清歡况逢閏
 七夕步屨出西門同人肯我即古寺遠塵喧來
 往少遊屐昔曾載酒過荷花滿陂澤倏忽夏徂
 秋頻來愛幽僻秋雲淡遠天秋花沾露白碁局
 方罷彈詩韻拈頃刻體禁女牛詞詩家老風格
 顧余襪線才白戰愁偏仄一舉連大觥韻成已
 歌側欲歸復躊躇撫景心轉惻良會不可常重

逢仍離席天上人間相對情脈脈

和張場宰愚菴致仕原韻兼送別二首

瀾翻世事孰堪論落落惟君古意存名帖雙鉤

藏石穴時以藏帖見惠冰心午夜寫桐孫微官束縛銷

筋骨歸杖紆貼夢蒐惠政即今碑載口攀轅

萬竈尚銜恩

回首風塵意不迷清餘詩草一囊携故園歸去

猶松菊官味嘗來可藿藜幾度巴山思舊雨却

從射水得新題他時欲訪陶彭澤容否紫桑繫

馬蹄

八

馬蹄

祝謝淳齋五十壽

謝氏風雅宗祖德力能負含毫吐清辭風雨蛟

龍走尤工篆隸書古意追科斗生平砥躬修光

潔等瓊玖所至歷艱辛一編不去手兀岸寡交

遊陶情寄詩酒世慮了無營精神愈固守秋光

淡雲物正值先生壽盤無棗如瓜池鮮船如藕

清風拂四筵曷以頌岡阜世人競浮夸錦屏爵

書某何如晉高歌金石能不朽先生顧而樂為

我延紅友

家暢菴招同人小飲次劉東溟韻

秋偏逢月閨天肯放身閒舊友常携手高人不

掩關寫懷詩一卷寄傲屋三間莫謂編籬短新

看菽菊斑白侵霜後髮紅借酒中顏自笑風餘

袖誰傳俸買山裴王酬最樂嵇阮禮從刪歸帶

河橋月聲聲款乃還

中秋家庭玩月聯句

最是家庭樂忻逢月正圓心耕桂花芬座上秋

玉山詩鈔卷二

九

舟點闌前

楊莽

簾捲延清影樽開劈綵牋芝亭

放歌坡調古逸興庾樓傳弟謙弄笛歡今夕操

觚憶去年男兆梯雲先玉宇胎蚌尚晴川成龍

隔巷香煙繞深宵珠露妍騰龍吟成還問字正

樂父兄賢八龍

題鄒峻菴孝廉小照

科名君崛起吾阜邑初闢人傑地斯靈奕奕標

丰格衡宇近相望樂與數晨夕一別走魚鳧荏

苒十年隔昨歲賦歸來重聯風雨席示我北窗

園茵苜蓿盈陂澤書卷堆案香松陰落衣碧對此
清涼生洗我風塵色悠然義皇意三公不可易
顧君濟時才安得耽泉石會當入承明不爾飛
仙舄

輓天都金岷山

纔見霜花兩鬢新少微星隕暗傷神十年肝膽
交如昨一別河橋跡已陳午夜鳥聲白岳頂高
天鶴唳射湖濱瓣香遙奠清秋夕嗚咽山陽淚
滿巾

玉山詩鈔卷二

十

十月雪劉東溟進士率兒輩賦詩余亦即

和原韻

夜半寒氣生衾薄凍肘腋浙瀝窗紙鳴照耀窗
隙白起視雪漫漫積瓦未盈尺墻角竹低枝巷
淨人無跡聚星堂近東不得分半席兒輩薄暮
歸為道座中客分吟仍禁體慣自尋逼窄主壇
信蘇公從游慙在昔得句亦堪喜見獵興轉劇
物生本天然人工愛塗澤面目失其真筆墨徒
可惜對茲潔清姿何用煩刻畫前人用白戰所

以高風格欣然續前吟傾樽盡餘液簾幙更生
光滿堦浸素魄

戲成豆腐詩

盡捐渣滓一泓清乍點微鹹潔白成帝子有方
初乳菽人間無處不和羹堆盤色比無瑕玉飽
食心含太古情最與齏鹽諧臭味不妨儒者亦
同名

張冠村孝廉齋中觀梅喜晤郭時若同年

及冠村諸同年秦西巘程冠章畢花江

玉山詩鈔卷二

二

諸子

經年離緒首重回頃得春帆挂雨來河畔已看
新御柳閣中猶見古官梅日移疎影侵碁局風
送微香到酒杯何幸英賢皆接席光芒今已入
三台

對月書懷二首

時客揚州

客散空庭月偷狀伴故吾行藏頻自計肝膽向
誰輸烏翻知時斂桐陰轉徑紆隣家還弄笛不
覺旅情孤

夜靜光逾皎涼披曲檻清問心惟坦適入世少
逢迎風物繁華舊遊人去住輕揚州居不得歸
棹趁潮生

已巳九月北上舟中口占

此身已許國駢行矣何須戀敝廬千里葵心
依

北闕一帆秋月載南湖囊羞猶喜書盈篋客送
應傾酒百壺最是晚涼分手處煙波無際蹴踟
踟

玉山詩集卷二

三

晚泊射湖

秋清一棹望長淮三宿猶停射水隈霜雁影斜
新月上蘆花風起晚潮來此行敢屬蒼生望自
問猶慙百里才明日重陽天氣好故人幾醉菊
花杯

書中乾蝴蝶八首

閒窗風亂白雲編蝶醉春情誤入眠不畏書淫
拋粉面豈憐字瘦貼金鈿藝林忽見探花使學
海疑來蛻骨仙刻翠剪紅憑點綴移人丰致尚

嫣然

溫柔性畏逐紛拏玉簡琅函認作家圖覓滕王
酣百幅夢尋莊子臥南華全歸此日留青史遺
恨前因戀落花從古書生多薄倖肯憐香冷護
輕紗

錦繡春光一夢牽荒緘老去奈何天嬌容冷逼
風霜字真艷塵埋月露篇歸自花陰誰是伴見
從雪夜我猶憐香魂應悔詩書誤願託浮生續
好緣

玉山詩鈔卷二

三

春來幾度避蜂狂無限風情鎖墨莊詞艷何如
唐粉艷書香恰似楚蓮香隔年魚蠹窺新樣向
夕螢囊照舊妝豈愛薛濤牋上好後教身後結
鴛鴦

膩粉輕盈綠鬢梳慣穿花徑襲香裾何時誤入
樵源記鎮日癡迷柳毅書映月乍繙驚栩栩臨
風小展欲噓噓而今輕薄多從魏拚捨閒身任
卷舒

怕傳消息到王孫歸去書城醉夢昏莫令璧光

偷小照應逢梅詠弔離魂丹鉛冷面傷無淚蠹
蝕侵膚痛不言為問元經生慧後破從萬卷舞
南園

柳骨顏筋本自輸偏將柔媚強支吾誰知脂氣
侵書味莫把詩牋認畫圖褊腹可能容典籍綵
衣曾否識之無風流貌取渾如是何必當階折
簡呼

也知清福探書囊鬪笑紛紛逐隊忙擺脫繁華
容自瘦浸滛卷軸色添黃羽衣未化神仙字粉

玉山詩鈔卷二

古

儼猶逢翰墨場我欲詩中擬生活謝家寫得最
輕狂

黃州九日用孫孝廉兩峰韻

村村黃菊艷籬東九日輕車度晚風征吏也思
題寺壁山僧未必護紗籠時因公宿柳林寺閒偷雲榻
秋光裏興寫烟蘿月照中遙憶衙齋佳客醉續
紛彩句落燈紅

再疊前韻

不嫌轍跡日西東爽度涼秋落木風江上蘆花

霜信早村邊樹色晚烟籠渾忘斃繫雲山外省
識年豐笑語中擬續登高惟赤壁携用共醉夕
陽紅

竹樓

黃岡號多竹用以代陶瓦竹樓月波通遺構傳
風雅我來尹茲土訪古一駐馬胡乃屋三楹湫
隘鄰村社陶瓦仍鱗鱗反笑稱名假變易不可
知衿懷足傾瀉風前賈舶飛鳥背夕陽下睜懷
王元之千秋自瀟洒

玉山詩鈔卷二

五

署中晚集用范孝廉泉如韻二首

日落疎林宿鳥還隔城山色鎖寒煙籬間秀挹
凌霜菊江上香銷墜粉蓮遠遞漁歌樊口夜涼
生蟾影竹樓前醉餘正有騷人興好句傳來酷
似仙
也曾遶郭泛舟還正喜秋高萬井煙訟簡應深
官舍草客多爭羨幕中蓮月移雁影窺簾外風
剪霜紅點席前評論江山舊盟主千秋只合讓
坡仙

龍口晚泊

楚天雁影度江空景物淒清一棹中
夾岫漁家秋集網亂山紅葉晚隨風
擁旌猝挂帆檣下候吏常輕波浪雄
龍口小休聊對酒故園今日菊成鼓

寄祝沈圖南五十壽

青燈曾記話雞窗瞬息同逢五十霜
春暖先看桃子熟秋高應擷桂花香
文章君合中幢貴政事吾慙召杜良
待到嶺梅初放後肯將佳句寄

玉山詩鈔卷二

六

江黃余初度在十月故云

雨後同官登赤壁二首

同放黃泥坂下舟登臨茲日興悠悠
夕陽紅襯千山暝江雨晴添萬壑秋
石刻重摹苔蘚蹟風帆歸遠荻蘆洲
清歌何必吹簫客載酒城西繼昔遊

泠泠蟬韻弄晴初路轉迴廊屐齒徐
猶憶舊題亭上雨可能暮致網中魚
山餘翠色依江靜月破輕雲到閣虛
二賦風流人在否欲從鶴夢覓

真如

別黃州二首

絲絲楊柳帶行旌曉霧濛濛暗去程
一歲豈能留惠政雙鳧從此別江城
恐羞滕地題詩少剩有扁舟載鶴輕
最是瘡痍春未起相關不獨別離情

春光九十逝難留杜宇聲聲送客愁
但願此邦循禮讓還從異地想風流
一帆離緒飛江雨千里相思繫竹樓
莫為囊空憐去吏飽裝風月自

玉山詩鈔卷二

七

黃州

留別陳松屏即用松屏贈濮鐵岩元韻

我來宰齊安計年未週一民安把犁
畊士羞入宰室臨去逢松屏飄飄同
六逸君故世胄家不為榮名汨廿載
湖海遊胸襟彌蕩滴吟詩歲月久閱
茲清廟瑟傲岬性不羈罔顧時人嫉
談數多奇中精心探理窟赤壁別經
旬漢南重接膝脈脈契元關更擅長
生術何處覓仙蹤相對移白日顧余
走風塵駢馳不得供願結異時盟庶

同膠與漆分手愁江干如聞楓瑟瑟

荅伍冀山贈別元韻

照眼榴花五月中相逢鄂渚喜心同與君曾醉
雙柑酒留我遲吹五兩風樹擁晴川江岫靜雲
浮黃鶴楚天雄流連睽境難為別莫唱離歌促
去聽

望廬山

一颿風雨泊江關五老煙巒變隸間羨殺東坡
老居士當年真個到廬山

玉山詩鈔卷二

六

江行即目

茅屋無人住春風獨掩扉亂山蒼翠裏一老荷
鋤歸

琵琶亭

離亭渺渺傍江濱倚棹來遊近莫春狼籍桃花
人老大飄零柳色客風塵潯波廬岳凭欄遠楚
尾吳頭縱目頻向晚祠堂瞻白傅青衫猶覺淚
痕新

辛未都門七夕同人讌集得笙字

積雨初消客舍清秋風爽度葛衫輕天垂北斗
雲偏麗坐對西山月易生何幸德星千里聚翻
憐漢渚隔年情漏移良夜唵微醉飄渺疑聞緱
嶺笙

疊韻酬鄒峻菴孝廉

丰神仍是一泓清小院經過步屨輕舊識文壇
推祭酒早期霖雨澤蒼生廿年重快京華聚
丑儲公車距
今已廿年矣客序偏濃梓里情無那河橋容易
別秋風一夜冷莖笙

玉山詩鈔卷二

九

疊韻酬黃望濱孝廉

車馬無喧永夜清客窗梧葉舞風輕長安幸接
汪洋度經月何曾鄙吝生筆蘸銀河題彩句座
揮玉塵稱高情惟君肯恕疎狂性欲喚雙成吹
鳳笙

雨後與鄒峻菴孝廉夜坐

雨洗新秋絕點塵良宵晏坐爽精神蕭疎寫影
花承月斷續因風笛自鄰舊說聞闌人乞巧莫
疑荆楚事非真相忘羈旅頻斟酒千里長安有

故人

次家得川孝廉韻

金風浙瀝送新涼
遠泛江流自楚黃
記別和溝分雁影
思君幾度九迴腸

疊和黃孝廉韻兼以誌別

何幸春明地相陪
七夕筵詩尋煙樹
晚醉入燭花偏名
宿分符近蒼生望
眼懸何須更乞巧
裁錦尺盈千

聞說江南早鄉思
動客筵如何時雨
降只向

玉山詩鈔卷二

三

帝城偏雲障今宵
破星光萬里懸欲
通河漢去淮楚路
三千

難逢賢者聚易散
客中筵筆落波濤
湧談深星斗偏行
將蒲坂去心向薊
門懸何以消離緒
長安酒十千

次秦澗泉孝廉即席元韻二首

詩名耳熟播旗亭
客舍頻煩屐齒經
正愛佳賓尋早菊
又逢宿雨點疎檣
觴飛清夜羸風月
筆挾文河浸斗星
乍拂征塵吟七夕
連篇應共笑

伶俜是日將七夕諸詠呈教

客裏盤餐簇藕菱
清冷端可逼痴蠅
典衣到露能沽酒
歷宦年來只飲冰
邦彥翻教燕市合
離情早為晉陽增
時余將之蒲州來秋遙看凌雲筆
雁塢高題桂露凝
謂壬申恩科

次鄒孝廉贈別元韻二首

兩載睽違思笑語
都門重得奉清塵
雙星會候纔聯句
旅雁來時欲送人

北闕雲深瞻曉日
南枝花放佇新綸
君需次十月應選

玉山詩鈔卷二

三

君今贈我珠璣去
誰說囊空畏路貧
早歲巍科奪錦標
已過強仕未登朝
曾經酒向梁園賦
從此春從黍谷調
才拙我宜投散地
情深折最長條
天能作合同三晉
酬唱公餘醉綺寮

次黃望濱孝廉贈別元韻二首

太液秋風動追陪
日夕佳淡餘人似
菊清對酒如淮夜
話難連唱時吟韻
必偕一官還自問
未足辱青綬

太華高無極，黃河大且深。傳聞臨郡署，此去拓
塵心。好景探囊澁，雄才擊鉢吟。君元韻如中條
高揖華濁浪遠
健之句。明朝策馬處，曉霧黯分襟。

將出都門留別諸同好

十年遊宦倚雲天，每遇名區弔昔賢。溪步浣花
波潑艷，夢尋赤璧鶴，蹠躑於今又折金臺柳。此
去遙分玉井蓮。傳丞署正
對華岳 珍重良朋將別緒，載
賡佳韻入冰絃。

秋曉由永樂署赴蒲郡道中四首

玉山詩鈔卷二

三

清夢驚回永樂鐘，朦朧殘月帶烟濃。莫愁曉騎
霜華重，試看田間課早農。
路折幽岩日尚遲，痴雲猶戀老松枝。停輿最愛
丹楓豔，寄語秋風莫浪吹。
條山華岳氣渾淪，中斷黃河判晉秦。關隘至今
傳地險，戍樓閒寂過征輪。
驅馬來分晉郡符，官閒得傍古虞都。臨風愛上
南樓立，翠疊羣峰是畫圖。
九日自郡旋署偶成

昨宵婉謝使君留，歸路名山滿目收。蒲坂早犁
秋月白，風陵古渡曉煙浮。霜摧林葉侵衣冷，馬
逐寒雲入澗流。此地神仙多窟宅，閒來便欲訪
丹邱。

對雪偶成

曾記峨眉詠雪回，峨眉雪復逐人來。余昔仕蜀
今官此俱
有我眉山一官自，喜清閒住六出花。能頃刻開初試
小窗呵凍筆，細傾深夜碎寒杯。江南何處遙相
憶，春動園林早折梅。

玉山詩鈔卷二

三

雪霽偶成

雪霽霜宵酒力微，雞鳴曉閣啟雙扉。玉溪詞客
回殘夢，姑射仙人攬素衣。仕路久愁冰上立，故
鄉遠隔雁南飛。試聽社鼓喧闐處，多少村民報
賽歸。是日村中
社會過署

疊前韻

風飄殘雪尚霏微，落落村居晝掩扉。凍合萬山
光照檻，花開一樹冷侵衣。疎鐘徹耳朝還暮，寒
鳥依人歇又飛。但得一官同隱逸，翫疑陶令是

輕歸

壬申二月晉闡對雪和定襄鍾明府大治

韻二首

鎖院深深靜語詳
紛霏頃刻散天葩
一簾清白涵水檻
滿目珠璣闢筆花
高捲絳帷人倚玉
忽開雲嶂月增華
劇憐寸晷風簷裏
壓屋寒威透莫遮

摒擋茶鐺試露芽
清言玉屑趣尤奢
持衡信有空羣目
得句先芬唾慧牙
光射斗牛通劍氣
膏

玉山詩鈔卷二

五

沾桃李及春花
回思三五曾塗抹
入座偏教隔

絳紗時為內簾監
試例不校文

揭曉前一日次鍾大治韻

數載頻拋翰墨場
鎖闈猶得傍餘光
三千士奮雲為路
七藝文成筆有銚
墨浪已同春浪濶
桂花翻作杏花香
來朝榜發承宣地
多少青衫喜欲狂

匝月追陪飲未曾
清詩一幀寫吳綾
信知洞識同冰鏡
恐有遺珠續夜燈
雪霽虛堂人玉朗
劍

呈寶匣氣雲蒸
春風擊水鯤魚躍
此日摩霄已

化鵬

題方伯多笠洲先生喜雨圖

係按察任內
祈雨作圖

霜節臨三晉
棠陰布七秋
偶緣雲漢詠
獨切黍苗憂
不藉封龍穴
何曾泥石牛
一誠通碧落
應念潤青疇
刑允祥為澍
禾興賜滿篝
初膏澤沛漠漠
水田稠
路滑縱橫轍
聲傳遠近謳
倉箱期百室
蓂筮溢雙眸
簾捲虛亭淨
煙霏一卷收
仁心涵筆妙
霖雨應形求
北斗司喉舌
南薰溥

玉山詩鈔卷二

五

輯柔披圖藹德意
下吏愧承流

題鄭西亭雪山望雲圖二首

一片寒光疊遠山
松風輕遞水雲閒
使君不為探竒出
陟屺情深極望間

滇南兩度又河東
愛日心傳一幅中
幸接同官方恨晚
羨君萱草正春風

送永濟王懈谷明府致仕旋澧州二首

力辭簪組遂初衣
廿載賢勞此息機
南國甘棠千室蔭
洞庭明月一帆歸
堦前近植新蘭砌
溪

上時尋舊釣磯珍重綠莎留愛處澄源兩字墨

光霏君以澄源二字額堂

清澈寒冰映玉壺分符千里信相於方看異政

馴青鹿翻為遐心賦白駒春滿君還尋芍藥山藥

在澧秋高我亦念萸鱸渭城一曲難為別烟柳

迷離古帝都

冬日旋署即事四首

依然清暑對溪山松柏青青不改顏霜葉儘刪

風未靜晚煙乍起鳥知還窗含太華峰千仞門

玉山詩鈔卷二

三

鍊崑崙水一灣筆硯久荒重拂拭新吟日夕茲

官閒

車馬紛馳夏及秋歸來山閣興偏幽今宵始得

尋莊蝶前日無端對楚囚奉檄錄囚晉味耐咀

含仍舊帙雲封咫尺有丹邱署旁即永樂宮為純陽子修真之地

舊跡尚存鐘聲忽報我眉晚遙看霜天月一鉤

脩竹成圍護短垣塵氛不到讀書軒寒花猶向

閒人笑野鳥爭為冷暑喧愧比香山常得句卻

如彭澤日開樽玉溪草木今仍在好傍詩家闢

小園李義山言永樂一草一木皆其手植今溪上猶有讀書遺址

與客圍碁到晚春爐香茗枕鬪煙濃冰霜三晉

寒偏早風日中條暖自重多謝名區供嘯傲卻

慙厚祿養疎慵太平最喜官無事惟待春耕出

勸農

贈劉太原九畹兼將別意

蜀都宦轍悵星離晉地重逢話舊時清獻十年

官未調賈生半夜召偏遲研經白首書能就歷

試鴻文數每奇君著有周易詳說歷膺鴻博經學諸荐皆不遇今日相

玉山詩鈔卷二

三

看仍別席霏霏雨雪正臨岐

河東勘災紀事十首

火雲燒卻萬禾枯失望窮簷庚癸呼飢溺早關

臺省慮檄書初下即馳驅

千里河東倍道行萎黃滿目最傷情紛紛父老

攀轅訴為指中田淚已傾

井灌區區有限田夏枯百尺綆難牽縱然仗得

人工力費卻農家鬻子錢

閭左年來少蓋蔽一逢歲歉更倉皇三秋米已

如珠貴况值初冬早雪霜

市價平時特轉輸眼穿商販日爭趨泛舟何異

秦時役不向隣封濟有無時秦省過糧隣州縣亦以米貴禁商販

未見流離鄭俠圖仁人先事已躊躇賑蠲急請

恩雙沛冰雪經春草木蘇

暫借城工救歲荒還聞勸粟貯千倉有人果效

青州助續命應歌遠近鄉時上憲議脩蒲州城以工代賑並勸商運

羅以濟民食

西成今已望全虛時麥惟期待澤鋤郇伯陰膏

玉山詩鈔卷二

天

真可頌非關末吏雨隨車至荷氏真鄉會俱大雨始得種麥

播種翻犁十畝間農人且暫破愁顏三冬更歷

三春久籌畫民岩食尚難

極次分明吏莫侵均調糶借及春深拯民端羨

賢司牧仰稱如傷一片心

題河東喬觀察潤齋小照

紅滿池塘綠滿除北窗涼露課兒書知公早試

調梅手舉事家庭政有餘

燕坐雍容養太和碧筩消暑帶微醅綠陰晝永

南薰起如聽虞絃解阜歌

長康一幅畫難該多少哀鴻待解推生意都從

眉宇見河東萬姓樂春臺時河東被災公率先請賑

留別永樂吉坦如

永樂隸條陽仙真古窟宅峨眉柏蒼蒼玉簪武

陵敵一草兼一木相傳義山植汨汨玉溪流曲

折帶幽窳中有吉隱居鴻飛高遯跡老益肆長

嗟芒屨徧游歷我來佐是邦一見稱莫逆改簡

相過從山川指數得太華自西來河曲繞咫尺

玉山詩鈔卷二

天

挺特五老峰遙對函關直紅葉滿商山二陵風

雨夕遠邇爭獻狀煙雲杳無極翳余本散吏錄

囚非其職夫何走晉陽數月不得息名山笑歸

遲好景駒過隙惶悚荷

殊思量移二千石治裝赴淮南仙居從此隔顧

君意纏綿怪我去何迫衰柳繫斜陽寒月侵離

席對君一浩歌相望情脈脈

男兆龍成龍騰龍校字

孫男大齡椿齡安齡保齡長齡香齡今校

玉山詩鈔卷二

玉山詩鈔卷二

三

玉山詩鈔卷三

射陽 項樟 芝庭

古今詩一百十五首 起癸酉至戊寅 守鳳陽時作

登郡城鼓樓

百尺凭臨最上頭
峒峩形勢俯江州
長淮一碧凌空瀉
三楚遙青極望浮
月牖洞虛高摘斗
風簷蕭爽氣如秋
巍然坐鎮東南勝
不斷煙雲鎖舊樓

玉池觀荷

玉山詩鈔卷三

公餘也愛赴花期
望裏垂楊夾玉池
遶郭香宜穿牖入
時鳳陽秋明府新闢西窓
含波清亦畏人知
試於初日窺文藻
便欲臨風讀謝詩
此際簿塵飛不到
宛然蓮社與棲遲

遙天雨散芰荷秋
勝擬濠梁得暫遊
清挹露珠煎活火
醉將碧盃注新筍
山林憩我情如昨
豐樂同民願欲酬
一笑拈花占歲事
水肥萬井稻初稠

舟中望八公山

噴岬拔地起四頂山環繞俯鑑潦水清雲散秋
巖峭相傳淮南王賓客高同調仙踪指點疑靈
境詎能到遠望豁雙眸林麓融初照我欲一繫
舟登山覓丹竈

癸酉秋九月銅山河決衝漫靈壁余往救

恤駱西村以詩見懷次韻奉荅

無端風雨黯蒼葭奔救黃流道路賒驚散流民
同鳥獸等閒比屋化泥沙橫空濁浪凌殘堞十
日靈山放霽霞河決十日始晴念我籌饑眠不得夜來

玉山詩鈔卷三

二

寒氣重霜花

包孝肅祠

浮槎山畔水迴環孝肅祠堂跬步間仁廟諫非
求後福黃河清比一開顏神明到處稱童叟風
概千秋起懦頑薄宦廿年慚補救對公遺像凜
追攀

赴皖道中

詩興消塵簿清吟趁遠行陰晴無定態道路有
將迎戶足千畦秀人含太古情初衣何日遂敷

畝學雲耕

到皖城寓一指巖用西村韻

皖城精舍傍山居碧樹蟬鳴夜雨餘一榻江風
簾晝捲半巖花徑草新除共添詩思吟秋早偶
話禪機到閣初回憶薄塵薰日夕忙閒頓判意
遽遽

遊大觀亭次學使雙有亭同年壁間韻四

首

名亭傳皖口突兀倚山城緩步舒高眼當秋豁

玉山詩鈔卷三

三

遠情風疎羣木秀雲捲一江晴雅愛僧禪定蹠
跚懶送迎

折磴苔猶綠依人鳥自喧縱橫暮舊刻屏息禮
忠魂時事誰同憤千秋獨尚論濤聲振樓閣護

岬有長垣亭旁即余忠宣公祠墓

大地連吳楚橫江鎖久沉帆飛秋水濶雁度嶺
雲深經歲勞塵鞅來遊浣俗心須更山勢合日
暮欲龍吟

凭欄煙樹晚城市上燈初漁唱江天裏年豐笑

語餘歸田偏勝地薄宦尚征車試看東升月清
虛恰自如勞君湘南昔同仕蜀今已解組
宅亭邊時得借遊故篇中及之

中秋與西村對月有懷郡齋諸子

中秋皓月滿江城禪院同看永夜清興似庾公
應不減南樓新句報先成

莫將心鏡皺波瀾偶趁公餘便靜觀淡白蘆花
江上月幾人間把釣魚竿

濠梁吟客近如何念否秋情皖口多萬頃波橫
千里隔欲將消息問姮娥

玉山詩鈔卷三

四

發皖城次西村韻

狂吟皖口登臨日歸路籃輿自在身葉脫丹楓
迷晚照葭蒼秋水念伊人嘗來官味惟餘淡行
處風光始逼真振觸秋情渾漫興從教細雨濕
輕塵

舒桐道中即事和辟間錢司農韻

舒南三十里梅心古斥堠山勢隆然起行行開
異觀林壑側徑通左右觀覽富須臾風滿山四
顧陰雲覆雨來百谷鳴肩輿滑懸溜蒼茫避松

舍涼氣爽襟袖起視忽開朗浮雲散遠岫返照
入林穉濃綠畫新就晦明不可測乃爾異狀候
北峽界舒桐高館凌清漚小憩謝塵鞅溶溶月
經宿挂壁司農詩篇勢善馳驟西村見獵喜韻
成筆力副長途頗不寐宵征月如畫松杉彌望
間白沙擁前後指點相國塋天然斯結構一帶
勢蜿蜒坡盡晨光透浮山來自東潛岳出其右
新曦照嗟峨兩兩競吐秀高下土田美屋宇農
家舊早獲已崇墉晚禾復如繡觀茲阜成象余

玉山詩鈔卷三

五

心轉恂愁濠郡地沮洳昨秋疑天漏霖雨漲淮
流河決銅山又衝突怒陰風波濶蛟龍鬪蕩析
吾民居紛紛散鳥獸或巢木而顛或奔山而仆
或食咽糝糠或衣結鶉鷄或輟轉溝壑或阨然
病癯撫集迫且艱狂奔忍勞疲賑恤月有加稍
稍得補救還疑造物意獨令斯民瘦抑官多失
職不足感精佑吁嗟夏徂秋瘡痍猶未復相去
幾百里熙熙異世宙如逢桃花源桑麻嬉老幼
如入天台路島嶼奇花茂隔岬松澗鳴宛聽笙

簧奏景物爛熳收龍眠又起伏悠然動長吟塵
懷豁邈迤

秦太史西巖過署以詩見贈次韻荅之

脩然淮海抱深情萬卷書攤勝百城官閣梅花

詩漱灑金臺柳色鳥嚶鳴初取邗上再列
都門歷幾歲矣久知

南國高羣輩今見西清擅令名幾度相思雲樹

隔高秋軒過一時傾

舊陵

舊陵南郭外一徑短垣中雷雨天成幻風沙夜

玉山詩鈔卷三

六

聚空薜碑歌蔓草石馬臥幽宮極目平原上殘

陽幾樹紅

乙亥上元前一日王孟亭太守招飲金陵

溪上草堂限能字

詩汨風塵愧未能圖書近接五雲蒸三山韻事

仍烏巷一夕清談勝百朋歌石尚餘經歲雪隔

宵先試上元燈殷勤好我難為別月到樓頭第

幾層

疊前韻荅孟亭兼訂後約

詞壇舊識擅全能握筆掀髯氣已蒸久欲扶輪
依大雅敢言入座列高朋紅梅香遞環溪閣皓
月光添午夜燈愁別於今期後會桃花日暖浪
千層

贈朱草衣山人名卉居
金陵

山人久杜門邈焉不可攀胡乃辱新知訪我秦

淮間惠然示一編高古拔塵寰才名炙人口所

歷遇偏慳詩人古多窮處之意獨聞吁嗟自好

者豈不耻叩關衣食於奔走往往不自閑山人

玉山詩鈔卷三

七

忻然異一瓢守舊山寧為布衣老松柏不改顏

以此徵風骨足以起懦頑

夏初重訪王孟亭拈時字

重來亭畔踐花期正是開樽覓詠時拂翠半岩

新雨過臨流一曲晚風宜香山愛領閒中趣摩

詰元傳畫裏詩自歎簿書塵十斛拈毫應愧句

偏遲

孟亭見訪秦淮客館

積陰乍散拂晴絲名士軒過薄暮時坐對山城

閒話舊好凭水閣醉吟詩同舟士女喧桃葉隔
舛箏琶譜竹枝良會客中尤不易光生檻外月
初移

題勸農圖

花鳥喧妍柳弄絲長鏡白柄話移時戴星出入
尋常事不羨垂簾顧愷之

昨歲西偏衆阻饑轉移端合在春時勞去民心
向圖中見如對幽風七月詩

將抵皖城值端陽有作

玉山詩鈔卷三

八

分秧雨足過熏風佳節驚逢客路中但許沿村
看艾綠可能駐馬醉榴紅照人潭水明如練到
眼龍山翠倚空千里息肩還束帶塵容江上愧
漁翁

過滁州喜晤林衡公刺史時林遷楚雄太

守

依然林壑美諸峰指點名亭香靄中慣染塵氛
憐過客幾虛登眺愧歐公十年舊緒三巴兩萬
里輕裝兩袖風斑鬢相看愁更別滿傾泉釀醉

顏紅

題伯兄書田遺照

同到濠梁已判年話深燈火對床眠誰知一夕
西亭冷雁影驚分月半懸

宛然丰度養天和那復含桃開名疊放歌濡筆欲

酬前日約滿天風雨釀愁多

乙亥夏濠州大水宿靈虹民爭赴汴堤避
水目擊流離之狀感而賦之

噫唏噓濠州東北地沮洳黃淮夾入水奔注入

玉山詩鈔卷三

九

夏翻盆雨決旬白浪飛騰沒煙樹禾苗沉水底
廬舍盡傾圮片席全家蹲雷雨方不止可憐我
民十歲九不登戶無儲蓄飢其恒爭撈菰米雜
藜藿連陰草濕炊不着飢腸雷動相呼號日夕
無煙淚空落挈妻兒肩釜甑濡首狂奔出泥濘
舉頭四顧盡蒼茫何處投生堪續命但見東西
汴堤數百里遍地流移半垂死敲門乞食應者
誰居者行者疾苦都如此急為請賑起瘡痍開
倉發帑寧須時嗚呼目擊汹汹心傷悲

次荅六安刺史邵思餘同年原韻四首

昨宵細雨一帆飛停棹相逢及曉暉携手共尋

濠水樂經年悵別白沙歸記去秋皖歸逢君白沙嶺上不堪

落日鴻鳴澤愁聽秋風巷擣衣蟹正肥時留我

飲知憐勞吏損腰圍

同經宦况近如何但羨豪情到處多淮水風來

騰白浪秋山霽後點青螺偶因行部遲投刺早

念勞人疊放歌自笑中都官獨冷高軒還許詰

朝過

玉山詩鈔卷三

十

何期候館慰相思促膝深談白日移鼓蒯細斑

秋石畔漁罾斜挂暮煙時簿塵不到詩同就行

旅餘閒鶴共知為問昔年吳下事當官儘強見

鬚眉

暮靄天空雁度秋蘆花淡照水悠悠籬邊欲覓

陶彭澤客裏重逢郭細侯谷口候迎猶驛館謂鄭

南溪同年南華咫尺有高樓登臨此際同疎放何處

漁歌夜未休

九日駱西村齋中忽放紅梅喜成二律

其道繁花墮早霜隔牆冉冉漏春光忽催靈士

孤山興來伴陶家晚節香按笛竟成秋日曲凌

風欲點舊時妝即今老圃容俱淡一抹胭脂襯

夕陽

疎疎應放百花頭鬪共籬英殿九秋瓊玉曉隨

晴閣暖霜天月引暗香浮西岡小吏還輕折南

嶺新枝及早抽肯與駱丞同索笑不須冒雨出

郊遊

過廬陽喜趙虛齋同年重來守郡

玉山詩鈔卷三

十

岡巒疊疊擁晴沙雄峙專城十萬家許借寇君

還舊政重迎郭汲煥新麻薰風一曲流清署香

稻千塍刺晚霞暇日四峰應暫駐伯陽曾愛煉

丹砂

暮春行部喜雨

陰雲障日晚風餘夜半簷聲密更疎自是天心

憐葑屋紛紛湯說雨隨車

膏流萬頃鬱青葱卜熟村農笑語同今日行春

徐按轡不辭沾濕柳陰風

浦口渡江

浦口雞頻唱驚心著曉衫宿煙猶半塔初日已
開函江面平如鏡風樯疾似颿須臾達白下束
帶凜冰銜

登關山僧室小憩

關山枕清流屢過未遑陟苦茲日午行汗浹暫
停策初疑路欲窮仰面阻絕壁一徑忽開朗萬
山俯窮劣暉鳳就擒處英風想在昔時平烽煙
靜戰壘土田闕苑屋樹參差秋禾方翼翼偶話
老僧房焚香坐瑤席山鳥時一鳴綠蘿陰羃歷
翛然悟禪心勞勞歎行役

過滁州不得登醉翁亭

風日清和麥秀隴迴環山色淡煙籠柳絲肯繫
斜陽住一騎西南訪醉翁

贈瞿廣文

名滄松
江人

熱不因人冷自嘗筆床墨格喜相羊拈毫頓入
蘧蘧境一片文心在惠莊

消受琅函百慮輕槐陰深處榻橫陳間中得味

清如許首着依然江上蓴

閏重九郡齋讌集分韻二首

廿載重陽閏再逢記丁巳閏九月
至今廿載矣龍山高會不
嫌重好憑秋色凌霜晚更泛芟觴作客供耐冷
燈前花越瘦分題籬下興還濃筵開已是西成
後唵罷微聞午夜春

輕霞晚抹碧天空九十秋過氣不同應報嶺南
梅有信依然籬畔菊成叢別來舊雨渾如昨相
對蒼顏半是翁謂方選耕漢鐵岩二君
別經十年今俱頭白今夜話

玉山詩鈔卷三

三

傾桑落酒蕭疎寒葉下西風

隨高大中丞勘災靈壁讀甘廣文寶摩辦

災詞三十首感作二律

纔隨旌節渡符籬策馬靈山又卹飢一望平疇
沉釜底千尋白浪失河湄危居欲墮巢支木枵
腹難炊沙作糜多少哀鴻愁更聽廣文鄭重寫

新詞

慘怛真如鄭俠圖救荒今日費支吾經冬連畝
波猶濶失種明年麥更無待報未遑膏已下籌

民先事粟飛輪欲除積滂紆河策莫放黃流漲
五湖

余誕日署中賓戚八君子以紅梅適放聯
句為祝次韻答謝二首

一點嫣紅報小陽競傳今為豔霞觴承筐雅藉
花為幣尺幅聯吟句亦香作郡幾年慚齒長逢
秋四野慶民康八公肯授長生訣冉冉仙音下
北廊

皎皎寒冰浸玉壺依稀官味是真吾還看到郡

玉山詩鈔卷三

四

親朋舊莫遣當筵禮貌拘南嶺花開含月白漢
宮敕就點脣朱愛隨今夜酬佳句好作香山九
老圖

丙子冬杪督賑宿靈虹各州縣兼勘水勢
慨然有作

自余守中都四年三被水最憐宿靈虹地窪如
釜底左淮右逼黃豫流勢直抵去秋值滌潦滙
歸沒田里賑飢動百萬

恩加春未已無如瘡痍民溝壑猶填委設廠煮

粥糜稍稍安遷徙飢寒疾疫生一病多不起可
憐麥萎黃不及食新死六月更苦旱七月霖不
止補種原後時未秋先已靡黃流溢毛城奔注
直如矢驛路盡衝決百室又傾圯急上流民圖
大吏親按視再請賑有加急為起瘡痍蒿目今
隆冬田廬水中汙播種杳無期來春將何恃斯
時水應涸浩瀚尚如此一遇桃花汎洶湧更何
似在野無蓋藏在官鮮儲庖為語我同官殷憂
從茲始

玉山詩鈔卷三

五

踏板行

宿州郭外白瀾瀾遠近人家都在水一婦牽繩
踏板過傾欹欲墮泥滓裏訊之入市糴升米急
救衰姑與幼子有夫至今逃未歸傷心莫卜生
與死我聞婦言淚交流何時始免其魚愁決口
不塞水不止安能隻手麾陽侯試望靈虹數百
里中間多少炊煙午未起

除夕用蔡秀才蓮仙韻

街衢擊鼓歲將初宴寢塵凝得埽除春滿一尊

香泛蠟雪融萬井史占魚心勞敢說能為政郡
剝深慚未讀書四季駢馳歸暫息羨他蕭寄馬
相如

清明即事四首

征轡經旬暫息程暖烘宿麥雨初晴清明節到
行春好堤柳新鶯最有情

含桃閣畔步從容遠近山光亦盪胸聞說聯吟

爭樹幟幽燕老將善摧鋒謂駱西村詩先就

年來民事最關情冷落詩壇句不成昨夜一犁

玉山詩鈔卷三

六

膏雨足農田高下響春耕

二月江南到霽春觀光有願隔淮濱

鑿輿此日靈巖畔榆火分暉賜近臣

張烈婦詩烈婦為風廬道實公女夫亡自
繼事聞 旌表實公有哭女詩

因次
其韻

芳年裁大義一死誓從夫破涕辭姻戚偕亡見

舅姑驚颺摧白日寒露冷秋茶太息皮金字遙

遙若合符

承家無子息矢志愈堅貞忍死親舍飯全歸謝

所生闡揚彤管節涕淚掌珠情千載揚芳烈聞
幃意共傾

南巡召對恭紀十二首

乾隆二十二年春
皇上再幸江南夏四月乙丑

駐蹕徐州閱視河工臣樟率所部士民迎
駕恭謝

天恩丙寅荷蒙
召見恭紀一章

翠華重幸大江南雨露恩深萬象涵咫尺

天顏欣就日小臣沐浴

聖恩覃

玉山詩鈔卷三

七

初蒙
上問出身臣樟謹奏履歷畢叩謝

特授知府恩
上諭知府已做三四年了麼恭紀一章

自銜

綸命守巖疆五載心依日月光此際對揚重拜

手恭聞

天語下琳瑯

又蒙
上問怎樣遠來呢臣樟謹奏鳳陽府境離徐州

纔七十里士民感戴
皇恩心懷瞻仰臣樟稟明巡撫就近帶領接

駕謝
恩再鳳陽府境新設臺站四百三十里臣樟現

上諭這是在承委查察
臣禕代士民叩頭領
旨恭紀一章

符離地接古彭城臺站軍書肅曉征近率士民
申謝悃

玉音慰勞詰朝行

上諭江淮徐海上江宿靈虹常是有災的臣
禕謹奏任鳳陽府纔四年有餘宿靈虹
已被災三次

上問連年被災之故臣禕謹奏宿靈虹地勢低
窪上游豫省之水由睢河而下加以黃河
開壩減流亦會歸於此宣洩不及是以屢
年被勞

玉山詩鈔卷三

六

上為惻然恭
紀二章

聖皇勤問首斯民軫念濠州久瘠貧仰體如傷

心孔切頓忘疎賤直敷陳

地勢東南本下游淮清河濁漲千疇西來豫水

常如注十稔時虞滂九秋

臣禕又奏鳳陽府各屬乾隆十八年被災

皇上發賑銀八十餘萬兩二十年一百三十餘
萬兩去年宿靈虹偏次撫賑畢又蒙

天恩加賑已用銀三十餘萬兩
上問可賑至五月廢臣禕謹奏定例賑到四月

止五月麥熟便可
接濟恭紀一章

承恩救患已三年百萬災黎百萬錢更沛春膏
猶注問可能賑至麥秋天

皇上五分地例借一月口糧今歲
加恩著再借一個月因蒙

垂問口糧每人多少臣禕謹奏大口每月折給
銀一錢五分小口減半

上問民間如何足呢臣禕謹奏小民得此便有
生計且去歲蒙

皇上天恩准撫臣之請發銀七萬兩豫備糶糧
以平時價民間買食便易若不知荒恭紀
一章

格外

恩加折口糧疇咨生計值難償糶糧七萬官儲

玉山詩鈔卷三

九

早平價三春歲不荒

上問田有積水已誤種麥還可種秋麼臣禕
奏水若早退尚可避種又蒙

上諭如不能退豈不又是災麼到彼時當告知
巡撫越日即奉

命截留漕米五萬石分貯鳳陽府
屬以備賑糶之用恭紀一章

積水難消夏失收種秋能否厘

宸憂備荒積貯宜先事五萬

天儲更截留

又蒙
上諭災賑應禁胥吏侵蝕教民沾實惠臣禕
奏各州縣委員查驗飢口俱經撫臣親
臨督察務求無遺無濫的恭紀一章

賑務紛紜吏易姦務教實惠萬民沾恭傳

聖訓人知警荒政從今更肅嚴

又蒙

上諭朕自邳州一路來見飢民多染疫症恐風

頌內府崇金丹一千錠恭紀一章

憂不免紫金丹

賜上方來

又蒙

上諭朕河淤墊急宜挑濬臣禱謹奏撫臣已奉命勘估秋後水退請挑恭紀一章

玉山詩鈔卷三

三

水潦多因雖半淤親蒙

恩諭及時疏工程估計須秋後從此農田歲有

餘

臣禱奏對良久再聞自鳴鐘聲

上諭明日送駕爾即回任臣禱敬謹叩頭趨退

恭紀一章

奏對移時鐘再鳴微臣踧踖倍寅清明朝送

駕之官去又荷

溫綸分外榮

過全株喜晤朱朗圃同年讀述懷詩六首

次韻寄意

美錦初裁乍引身一鞭遙指舊松筠芟裳有意

還初服紫陌無心踏軟塵日麗板輿春正好風

來花鳴鳥相親閒居養志真無負回首紛馳是

畏津

百里絲牽舊有聲崎嶇嶺外暮雲橫向平久抱

登臨興宗炳何心仕宦名早非晚菘和露種春

鷓秋蟀按時鳴欣然吾愛吾廬好誰道懸車不

近情

玉山詩鈔卷三

三

戀戀萱闈忽永離晨昏孺慕有誰知餘生苦塊

悲何極寸草春暉念在茲服闋素琴應入奏哀

深白石已無詩固知賢者真難測不似當年捧

檄時

僕指京華廿載餘幾番雲樹憶霞裾一官猶滯

淮南道五嶺先歸譙北廬咫尺高蹤遲鯉素懼

逢此夕紀星虛班荆細數霓裳會猶記橋門釋

菜初

脩然岍嶺儼山翁窗岫嶙峋納遠空片席怡人

開小築寸心愧我逐飛蓬除蝗救澇無長策範
水模山有素風何幸續紛傳好句歸途唵徧夕
陽紅

不須生計歎蕭騷古道如君久寂寥座上尊彝
無俗好門前車馬謝朋招破除塵網心常泰培
植書田稼自饒膝下養成脩月斧秋來叢桂倚
雲樵

題畫

野曠風微起白蘋村居三里若比鄰江干楓冷

玉山詩鈔卷三

三

秋山暮立盡斜陽無渡人

長林深處獸盤桓松露浸衣夜未殘三十六峰

明月晚碧雲吹破洞簫寒

隔浦漁家傍酒家漁罾掩映酒帘斜探囊恰好

供歸興買得鱸魚醉晚霞

題駱西村伏櫪圖

上駟渥注產骨相何秀削或騰九達衢或為鹽
車縛時遇任適然神駿固自若君本馳騁材胡
為困蓮幕世路多嶮巖風塵受羈絡出處良熟

籌是用藏鋒鏑我來守中都諮謀急付託殷勤
數致書欣然不我卻清暑水共飲暮夜金不攖
潔已事易立同心堅一諾簿書偶餘閒花前肆
唵酌遺蹤緬昔賢新復含桃閣倚欄品新泉較
射爵深爵懽然兩相與彈指更歲籥示我伏櫪
圖毋乃傷拓落鼓刀與食牛功名赫如昨長才
不虛生早暮難臆度往往老其材一出恣揮霍
騏驎忽千里庸目始駭愕披圖發長歌看君正
嬰鏢

玉山詩鈔卷三

三

道中端陽

道旁野老獻香蒲應節蒲觴村酒沽試寫烏絲

懸驛壁小詩端勝碎兵符

半酣騎馬踏平沙披拂薰風帶柳斜村婦也知

時節好鬚鬆兩鬢插榴花

題吳太史牧園夫子遺照

廿年瞻拜記儀型白下談經午夜清祗為牽絲
遲再謁側聞介石晚彌貞沾來化雨春如昨望
裏和風座尚生一別硯南音寐若披圖回首不

勝情

虞姬墓

虞兮一劍霸成空原草千年見血紅帳下八千
都泯滅獸留孤塚泣西風

贈貢明府文閣

舊政告新尹去位不忘民仁人以言贈至今傳
不泯貢君宰靈璧一心勞撫循中間墨吏議暫
息簿領塵顧念歲薦饑不忍等越秦啼號數十
萬慨然肩一身溝瘠賴以起咸頌舊尹仁秋水

玉山詩鈔卷三

五

上游發田里復沉淪經冬猶不涸殷憂及來春
時余方扼腕宣洩愁無因君謂必窮源相度當
躬親往來數百里指畫詳斷作書上大府次
第如所陳去官留實政惠愛乃益真他年傳循
吏君當繼古人

廬州道中曉行

初秋暑氣未全降客次丁寧早東裝山月半斜
千樹影荷風暗送一池香炊煙處籠籠初日打
稻聲聲滿四鄉民物熙然覘雅化故人應許憩

甘棠 謂太守趙
虛齋同年

贈江寧朱太守南湖二十韻

清風淮海森畫戟時余一第方通籍鶯花三月
射湖濱神君行部初相識中間南北宦分馳燕
山楚水遙相思同官何幸隔江水一棹金陵手
重持於時君方監棘闈余因水漲歸淮湄相逢
匆匆別草草白門煙樹寒暄移今朝再接紫芝
宇印牀一夜作深語雄才本似雲垂天老識還
如日卓午好我晨夕數招邀長筵肆設延賓僚

玉山詩鈔卷三

五

南樓座上皆風雅幕府山前盛管簫繁絃急響
凍雲遏空中密雪飄迴颺惟君憂樂關民事翹
首六花天所賜銜杯數問雪如何豐年有兆宜
酣醉白銀鑿落金巨羅玉盃香螺紛古器興酣
擊節拍春光紅萼繽紛羅席次憶別於今二十
年眼中豪邁還如前故人幾輩半雲散福星長
耀江淮天高談傾倒佩韋絃不須投轄欣流連
明朝催我峭帆去江天一色波迴旋

冬日過上窰宿凌秀才書室見案頭幅紙

因走筆贈之

嵯岬山色路盤紆偶憩征車晚照餘翼展畫屏
移席近珠垂霜菓映窗虛長綫潤帶桃花禿
筆斜揮柿葉書數刻清談饒雅韻一樽林月影
蕭疎

四月望後集合桃閣待月聯句

月經風雨妬芝亭特放此宵明邀客登西閣劉東

開樽殿北楹蟾光遮遠岫村西蛙鼓亂疎更

露氣侵衣濕男兆花香拂座清金波流不定男成

玉山詩鈔卷三

三

水苻影交橫友自東南合男騰歌應解阜賡

渾如桃李宴芝亭底用管絃聲雞黍當年約東

涇壺觴此日情醉猶傾白墮西村渴欲摘朱櫻

起視銀河上兆龍頻聽銅漏輕呂梅留故蹟成

亭榭擅佳名仍擬來宵集騰龍姮娥亦喜晴

芝亭

次韻贈冒善源

將摩健翮展清時暫息淮南借一枝卷裏詩篇
皆峻整客中襟袍自瑰奇重尋舊雨連深夜共

坐疎花酌淺卮底事寒燈蕭寺裏相邀下榻故
遲遲

題朱逸上課孫圖

昨歲同觀濠上魚筆牀茶竈喜相於別從秋水
開烏榜來向春城歇筍輿樂圃清芬傳舊緒考
亭家世有藏書森森翠竹高如許會看龍孫挺
碧虛

將抵郡二首

飽裝風月皖江回到霽秋光筆底催郡圃東偏

玉山詩鈔卷三

三

舊時菊數枝應待遠人開

濠水橋橫一徑斜夕陽疎樹萬人家歸來正是

登高會落帽應傳又九華

雲母山

一徑沿城上猶傳雲母山昔人此仙去野寺至

今閒石穴穿如竇青蛭去復還徘徊靈異境流

水但潺潺

開元寺

舊寺臨淮最行行出郭門暗塵侵古佛遺號

開元漶漫殘碑字微茫夕照村不堪久竚立荆
棘滿頽垣

南華樓

小構層樓睇檠偏遠山殘堞滿樓前一泓水繞
觀魚處千古臺空化蝶年野馬塵埃無滯境鷓
鴒腐鼠總真詮凭欄徙倚情何極恍讀南華內
外篇

過龍興寺贈徽州李別駕

朝散輕陰午放晴綠楊深處幾蟬鳴同舟遠道

玉山詩鈔卷三

天

忻逢李傾蓋今朝得遇程涼夜欲追河朔飲禪
房共聽法鐘聲中都不競龍舟渡五日村農急
水耕

寄懷朱象山同學即用見贈元韻

十載天涯臭味親重經相見古淮濱三城曲水
移春棹一篋新詩蘊席珍倜儻衿情真大雅嘯
歌湖海幾多人思君望斷王孫草何處羊羊望
拂塵
幾番消息夢魂親積思盈盈一水濱樓指已成

經歲別開函遙錫百朋珍風迴枚里留佳客魚
戲濠梁索解人盼盼行旌頻不至忍教梁月憶
清塵

菊影四首

凌虛何處染元霜籬外絲披點墨妝瘦怯西風
翻小照淡從秋水泝流光南陽仙去身俱隱孺
子歸來夢未央寄語飛飛金鳳子休隨枝節覓
餘香

玉山詩鈔卷三

完

披卷冷愛隨明月倚欄斜前身空結餐英恨良
會虛傳插帽譁寂是雲深何處覓賓王冒雨意
徒奢

三徑蕭然隱逸身丰姿黯澹認難真疎簾斜透
雲英膩明鏡初懸玉蕊新素穎踟躕左令女秋
風想像李夫人青霜不到神逾遠漫擬樊川笑
口親

不妨踪跡且浮沉幻出籬東別賞心勁節自堪
圖白日繁英何必豔黃金疎疎倒浸樽中酒寐

寐微參壁上琴極目四山寒葉舞可能歷亂晚
相侵

題職貢圖

文治原無外梯航遍八區但須聲教訖自覺雨
風趨粵在正觀代曾傳職貢圖島中初効順嶠
外已潛孚瑰產紛紜至竒琛絡繹輸帶刀參宿
衛卻蓋供馳駟面目倉儻別衣裝犀屬殊螭頭
隨鷺序鳳宸切嵩呼王會追周室垂衣紹有虞
千秋留異蹟

玉山詩鈔卷三

三

聖世卻同符冠帶通殊域共球集海隅應徵閣
立本縑素命重摹

廨左墻內外杏樹各一株花時殊麗奪目

即席分韻

雙雙海燕競花時花亦爭春並異姿隔院樹真
成合璧當筵人欲擷連枝微雲細雨煙光潤曲
徑虛廊晝漏遲幾欲揮毫還斂手難追紅杏尚
書詞

擬飲馬長城窟行

寶鞍誰家子結束事戎行黃金為絡頭紫絲為
花韁慷慨提玉鞭那畏道路長長城沙浩浩飲
馬水湯湯水寒傷馬齒回首生悲涼不見長城
下積骨白如霜

初夏送冒甚原旋里三首

相見如相忘相別即相憶新綠滿天涯匆匆話
行色

幾次春風過我千章夏木思君遠道長歌平子
元亭莫滯揚雲

玉山詩鈔卷三

三

滿貯囊中幼婦詞言歸隄畔柳絲絲扁舟淮海
逢人覈恰好鱒魚上箸時

露坐偶成

竟日炎歊裏乘閒愛晚涼惟天星斗濶衣露芰
荷香唧唧蟲吟壁纖纖月梁廊點塵飛不到清
思滿筠廊

風竹

長夏苦炎蒸鬱鬱令人俗清風颯然來洒此林
間竹个个弄新影坐久忘三伏因思蓬山筠風

吹鳴琴筑枝條拂塵沙雪霧細如縠羣真欣然
來游戲相徵逐或閒乘青鸞或紛馳白鹿往來
蒼翠中愛茲清謏謏我非列仙儒懷此仙山麓

簞

風漪八尺翠生光清簞儵狀引夢長夜半月明
殘暑退一天涼雁起瀟湘

過壽陽和原開泰令方君時寶見贈原韵

重鎮雄城四塞開淮淝襟帶水澶洄紫金山近
凝冬靄白塔峰高繞翠煤花下幽人離宦海庭

三山詩鈔卷三

三

前霜色傍詩臺塵纓客歲曾經此又見陽潛覆

地雷

西風呵馬破寒來關吏欣逢水石隈萬里口碑
輿有頌一鄉祭酒衆交推葦羹鱸膾真堪味鄴
架曹倉已盡該索句隔年猶慰我欲憑吟興訪
官梅

男兆龍成龍騰龍校字

孫男大齡椿齡安齡保齡長齡壽齡全校

玉山詩鈔卷三

三山詩鈔卷三

三

玉山詩鈔卷四

射陽 項樟 芝庭

古今詩一百三十六首起巳卯至辛巳冬守鳳陽時作

濬河頌

癸酉承

命守鳳陽是秋銀山報決黃侵我宿靈及虹鄉

接歲疊罹水滂傷發賑蠲賦

恩莫量截漕轉穀開倉如止兒啼哺餒餒丙

子冬水更汪洋二麥失種民流凶亟探上派流

玉山詩鈔卷四

何長毛城猶未堅隄防河身側注勢奔羊驟加

苑汎春兩滂豫水畢集尤猖狂東西奔避民弗

遑飛書上請如呼搶般般待報羣引頑恭逢

聖主巡南方駐蹕彭城鄰鳳疆

召問觀察鳳廬道寶善屢歲荒首奏黃水時為殃翼

日臣得親拜颺垂詢原委加周詳

特命大臣星束裝牲築缺口如堵墻水來無源

涸可望猶念下游多砂礮大開河道

命煌煌高大中丞裴侍郎躬親相度勞備嘗土

游三河兩運糧沱潼荀岳工並倡支河閘填及

槁梁機宜蓄洩籌畫良守丞牧令集鄰邦廿萬

人夫畚鍤張工舉秋暮竣春陽帑費七十三萬

強河流順軌原田臧還憐民力無儲藏普借牛

種乘雨暘及時播穀農夫慶麥禾連報歲豐穰

相山冥佑神功揚

天章巍煥龍鳳翔欽賜慈我南黎匾額兩陪旌節升馨

香元旦陪高大中丞恭懸御匾士民迎謝歌

吾

玉山詩鈔卷四

皇熙熙仰戴雲日光回憶大工初趨蹌百務蠲

集愁動勳只今河治歲降康吏民休息安耕桑

以澆以澹

惠澤滂詩紀

帝力永不忘

和少宰裴牀度先生戊寅元旦立春韻二

首

柏葉琳花慶萬家條風應律日光華連朝瑞雪

膏農畝一片恩波載使槎為國勤民勞五至酬

勲錫命看三加趣陪竊誌豐年喜側聽村村笑
語詳

風度凝然據繡鞍新年春色入毫端郊迎正獻
三朝酒旂賜應先第一官西塞烽銷傳定徽南
河拍畫慶安瀾調元亟待歸綸閣民吏同遊化
宇寬

春仲發宿州口占

依舊城東路風光勝去年閒鷗臨水浴好鳥貼
枝眠駘蕩春生轡普葱麥滿阡應知勞太守今

五山詩鈔卷四

三

亦樂陶然

春暮即事

人先征雁到河干轉眼忙中春又闌回憶持籌
夫十萬何曾高臥日三竿輸人意趣同流水笑
我心情若止瀾到霞鏡將風物美櫻桃此日釘
新盤

和寶觀察續春行

春滿南田肯逸居農人競出蓆為廬一犁糾笠
和煙雨小李將軍畫不如

梅子青青異舊年野炊脫粟水烹鮮關心好景
皆民事遍陟春臺一快然

宿州道中值先恭人忌辰感作

行行符離道驚心及此辰憶自失慈怙彈指四
十春撫躬切半職敢忘鞠育仁記昔鮮僮婢中
饋僅一身兩手勤補綴徃徃暮及晨而今子婦
行操作皆有人豐豫習固然寧知昔苦辛痛母
辭世早

五山詩鈔卷四

四

脩潔不及蒜水真啼噓情無極風雨隨征塵

靈邑旱蝗率衆禱城隍廟是晚即雨連夜

不止禾苗勃發蝻子亦滅喜而有作

去秋缺雨及今夏湖欲生塵山欲赭旱甚魚蝦
子變蝻親馳督捕手敢假其時炎炎日方烈日
擊禾苗半枯滅遮道飛蝗更北來萬衆毆撲汗
流血計殄斯孽湏水攻安得盆飜瀉遠空矢誠
率屬熏壇坵其雨其雨祈蒼穹湏更叱咤風雲
變怒走蛟龍掣飛電溪聲得雨響浪浪一望青

葱滿芳甸吁嗟乎造物於人誠至仁應時甘澍
回灾屯蝗蟲入水化魚鱗秋成鼓腹垂絲緜

舟中夜坐

一帆挂晚風輕下長淮濶湏臾月上光碎波
紋活露坐涼氣生夜網魚發發適我胸中機物
象俱超脫

舟行

兩岬山蜿蜒清淮貫其中前臨新城口豁達來
長風

玉山詩鈔卷四

五

六月行部

溽暑苦行役長淮正瀾瀾一渡三十里風帆走
歌危舍楫復跨馬路滑行遲遲細雨忽飄洒積
水生涼颼終年事灾邑習慣忘飢疲

秋夜自懷遠歸郡

乘月渡淮歸涼光已透帷林間村犬吠露下豆
苗肥歲熟占同稟宵行適靜機湏臾城郭近落
落曙星稀

贈懷遠余尹歸養

壽母曾聞燕喜篇堦前鵲起報聯翩板輿日暖
尋花出紗幔風清講學懸麈脯屢銜青鳥至
鸞章早煥紫泥鮮歸與伯也承歡養輕謝簪裾
志耿堅

志耿堅

重違定省一官羈幾次長吟陟岵詩縱使召棠
歌蔽芾肯因毛檄遠庭闈清淮放棹烟波濶綵
服還家笑語宜想到寢門勤問視春風吹綠滿
瑤卮

初秋正陽即事

玉山詩鈔卷四

六

壽陽關扼郡西南行部清秋一駐驂煙火萬家
樓閣曉宿雲初斂日開函

淮南稻子半抽黃絕好風光勝北鄉吟興乍添
徐按轡道旁猶送晚荷香

再至疊前韻

嘹唳關山雁度南清秋匝月再停驂此間民樂
官無事小酌郵亭月半函
岸蓼初紅菊綻黃居人多半水雲鄉塵勞暫息
容高枕一夜清凝燕寢香

駐宿州候星使不至靈邑飛報河險即日

往護

偶乘候館閒洒埽淨庭几松翠點屏間蓮花插
新水星槎未即來幸得親文史胡乃報河漲奔
護疾如駛去來五晝夜水陸炎蒸裏我生本勞
人休暇原非理

奉陪叔度先生有事睢溪

旌節指睢溪追隨放秋舫緣流屈曲行前山無
定嚮涼風度林末塵襟忽開爽束帶事來朝茲

玉山詩鈔卷四

七

焉暫偃仰落日下西山雲樹半蒼莽

贈同年夏醴谷太史即次元韻

猶記春明集鳳池君家兄弟占高枝登瀛路轉

終能達君以鴻博入詞館隔院花深未許窺一自雲泥

成兩地偶通鴻雁越多時今朝白下成歡聚把

酒相看鬢欲絲

五湖舟中

鎮日車馬勞幸此舟行逸波澄翠帶長村遠人
語寂薄塵飛不到宛似波間客展卷風露清不

復知炎劇飯罷偶圍碁丁丁日將夕

宿州九日張刺史携菊與酒邀同沈司馬

平午村過客館籌濬河善後事宜沈詩

先成次韻和之

濃雲釀雨九秋天別館垂簾裊篆煙酒送白衣
偕客至菊移花署點筵前何曾絲竹誇高會祇
為河渠計萬全最愛東陽詩句早清餘涼月映
前川

宿古城

玉山詩鈔卷四

八

雨中投宿暮蒼茫村舍茅檐燈火張充腹不嫌
炊脫粟熟眠何礙矮繩牀

贈潘兵部方霖

何時投綬一身輕小駟奚囊別寄情奉杖相逢
淮北道授經欲拜濟南生名留畫省心偏淡觴
藉榴花眼共明莫笑風塵甘戀戀年來宦况亦
能平

戊寅小除日從高大中丞寶觀察赴睢溪

查勘河堰途中得雪誌喜二首

經冬猶早軫民依應念同雲釀雪飛望滿千村

農色喜膏沾萬井麥苗肥隨車雨露歌連歲矣

道歡呼擁繡衣山畔忽看鷹攫兔將軍馬上愛

行圍時未副戎
隨行圍獵

密密飄雲大地同行行驄馬駐溪東恰逢除歲

歌盈尺猶畫全河善後工水涸平看皆沃土犁

新暖帶入春風連年勞瘁今初慰後樂親承笑

語中

已卯元旦從高大中丞恭懸

玉山詩鈔卷四 九

御書相山廟額禮畢勸諭民耕紀事二首

雪報豐年燭報花元朝曉起侍星車南黎子惠

承

天眷賜額惠我
南黎

御墨淋漓煥日華禮唱班聯瞻整肅歡騰士女

靜喧譁山靈有感應崇祀呵護林林百萬家

上應房心氣淋漓清遠連徐豫象崢嶸共姬貞白

今留墓相土迴環舊有城雪霽岡巒人倚玉歲

迎簫鼓戶飛觥勤民到處蒙新澤猶荷丁寧及

早耕時蒙
借牛種 恩

春初計薦入都家庭錢別偶成

瑞雪霽新年和風稊宿柳時余方上計家人錢

春酒嬉嬉顧而樂受之良非偶憶來守濠州於

今六年久首尾兩旱蝗水災五援手丙歲奉

行在河工復丁丑于役不遑寧膺之懼多負何

幸事都集計薦仍叩首及春甫得代駢駢駕四

壯士民方饑郊門內先大斗連飲已半酣欲起

還被肘

玉山詩鈔卷四 十

計薦北上士民饑送百餘里詩以荅之

計到濠州已六霜五逢水滂兩逢蝗河渠百萬

工尤鉅多少持籌力未遑

重蒙指畫

上思多飢溺旋聞大有歌敢詡寸勞差足錄循

聲漫許達

鑿坡

登程日暖歲初華三素雲中北望賒豈謂士民

還眷戀出門簇擁使君車

祖道喧闐百里餘臨岐五馬轉踟躕短長亭子
人如織撫字心慙報宸書

爭獻清醪一再停東風吹面醉還醒
醒懽然笑與都人別雪霽淮南麥遍青

秋日奉陪裘少司農閱視河工便詒相山
展紀仍用元旦紀事韻二首

風送牙樯簇浪花行行灘口復登車

宸章翔舞卿雲爛玉殿晶瑩曉日華千里明神
誠自格一時典禮肅無譁惟公宣德民難忘矣

玉山詩鈔卷四

士

道香迎幾萬家

黃流歛濁白波清此日登高萬象嶭拔地穹窿
通列宿含煙綿邈俯層城倚蒙心畫全河策還
為民稱

萬壽觥守吏趨陪尤誌喜聖看秋歛復春耕

中秋後一日邀懷寧王大令昆玉暨石韜

山諸君鎮皖樓小酌四首

飛甍月挂幾千尋浩浩長江一鑑臨水調蘇公
歌自昔南樓庾老興留今梯雲未赴前宵約前

大令相邀以事未往控鶴還同此夜心待客遲遲光越皎
不須絃管散層陰

良宵登眺偶乘閒身置雲煙杳靄間香稻孫生
顏米芾石樓勢迴構香山中燈火猶明徹檻
外帆檣數往還大小龍蟠江勢鎖千秋吳楚鎮
雄關

名題陸海與潘江逸興遄飛洞八窗花萼爭誇
才第一金蘭初訂號無雙謂大令及令弟孝廉滄鮮盤絕
少銀絲膾佳醞新傾白玉缸安慶温太守贈酒寂是義

玉山詩鈔卷四

士

烏詩思捷續紛麗句入新腔駱西村和王君詩先成

漁舟向晚泊沙汀猶見垂綸愜性靈明月未輸
前夜白遠山微露隔江青香烟縹緲籠文塢潮
信汪洋激石屏好會流連歸未肯幾回金鑰座
中聽

是夕滄鳧王孝廉成詩二首次韻答之

好客君家不厭頻春花秋月酒杯新昨宵未赴
登樓約此夕何妨主作賓
猶聞簫管奏清宵如望瓊樓逼絳霄千里長江

明月夜孝廉船肯更相邀

題石韜山垂釣圖

竹樹陰森風日清
美偶坐垂竿豈在魴
鯉餌固欣然脫亦可
喜物我無與流行坎
止

題丁且耘照

人資百物養需則取
之市春秧幾時花秋
禾幾時穰不緣躬親
得飽食殊少味我羨
且耘翁深能識此意

大兒選雲南保山縣詩以示之

玉山詩鈔卷四

三

滇南遠萬里保山萬
里外大兒初銓除家
人多所畏豈知路極
邊都在

皇輿內為國理斯民
敢辭車馬瘁余昔初
仕蜀量移晉楚地歷
宦廿餘年莫近淮南
治蝗澇為相尋奔走
日勞動坐中滿親朋
何曾同一醉酬應偶
濶疎往往遭咎戾爾
今官獨遠反似識趨
避我逢王廬州盛道
永昌麗視學曾兩臨
文風亦稱最阜安在
蠻荒惟勵清勤志雖
無治縣譴庭訓諒能
記三年報改成余將
拭目視

金陵曉發

衣冠酬應幾朝昏
秣馬初辭白下門
煙月半籠前寺墻
霜春遠度隔山村
緣慙小徑行人少
覆屋新茆古意存
曉日漸融裘覺重
江南臘月似春溫

題合肥廖尹行樂圖次邵厚菴同年韻

皖城往返瀟瀟頃
境靈異爭傳五色
芝入眼桑麻徵意
政披圖邱壑寄遐
思松風響叶鳴琴
治墨潘香浮洗硯
詩愧我塵容無著
處可能薜蘿近

玉山詩鈔卷四

古

江籬

奉檄清理積欠壽
臺二蒙民甚急公
風氣漸馴喜而成
句

星回歲晚未停鞭
屬邑西南景勝前
新舊糧看輸比戶
翼陵風已靜連年
春融臘雪膏隴畝
農鑿新渠引水泉
時正開濬溝渠康
阜漸登官政簡好
幾雅化譜歌絃

壽州逢湯觀察

結交在京華銓選
同垂組信美君浙
西余時出

南楚中間各量移山川仍脩阻相思音問疎忽
忽十寒暑何幸壽春館握手深夕語豪邁今不
減氣象越軒舉吳興山水秀奇氣君盡取盛言
迎

鑿事恩遇邀澤溥假歸許期年取道經淮浦顧
忘觀察尊猶念舊時侶知我守濠勞殷勤慰風
雨明日壽陽關別情悵逆旅秋水映蒼葭秋雲
淡碧宇驅車欲分途既去猶延佇

壽春早發

玉山詩鈔卷四

五

雞聲催曉報啾啾出郭瞳矓山色佳欲向八公
探素笈笑羈五馬缺青鞵共籌河濬中心渡便
可帆通十里淮時同牧令王鄭兩君議濬此
河便可引淮達城商販更利民
事相關拋未得肯容拾級造丹厓

朱女為四兒守志入門生慟作此詩

嗟兒沒八載貞女為汝守今日誓來歸觸目傷
父母憶兒殿雁行年少性溫厚文章厭浮靡光
瑩等瓊玖余移河中丞兒歸試淮右早受宗匠
知遠大期不負自奉守濠

命便道得歸阜滿意汝來前乍驚兒不壽我心
已傷兒况聞有貞婦年來漸淡忘婦志矢既久
凄然遠道迎冰雪擁前後入門共酸辛含悲拜
姑舅此情何以堪老淚頻揮手

盛世旌典重兒名藉不朽泉下應有知含笑慰
老叟

贈吳山夫同學時官鳳
郡廣文

山夫余同學今又仕同方濠上一握手欣然愜
中藏憶昔同小試君家擅清望門內如陳荀兄

玉山詩鈔卷四

六

弟相頡頏夫君尤秀出品望逾珪璋邈焉寄遐
躅不為時世妝研經融漢宋博古卑隋唐四部
恣漁獵六書窮微芒中年動遊興隻身過漁陽
有時出邊塞忽復登虞庠余亦宦楚蜀魚雁徒
蒞茲昨來執手板頭銜書瘦羊遺我別雅集更
示十憶章其餘金石書種種垂琳琅問字士日
進冷畧爭趨踰把臂高陽翁謂陶村太史時來
掌教淮南書院
從事來一堂得暇即倡和鳴聲鏘鏘顧余勞
職事才退如江郎重君不遐棄為我傾詩囊檢

點付剗劇討論煩精詳勸君出枕秘一鸞亦可
嘗半生耗精力肯使終遺亡少景不可駐少遊
不可常相期各努力霞綺生餘光回思角試日
歷歷誰能忘

首春在濬河工次喜方雨三廣文來用除

夕韵成二首

茹簷一夕使安眠曉起風生雪皎然忽報論心
來素友重翻舊韻紀新年

十萬民夫跛脚眠暫拋畚鍤各欣然河渠竣事

玉山詩鈔卷四

七

春膏動好藉魚占慶有年

遊豐樂亭

凌晨百步訪城南山色空濛水蔚藍松幹輪囷
留異本石泉清冽有餘甘承平野戍間鳴柝豐
樂人烟駐客驂卻愧遊踪難久滯瑯琊咫尺未
能探

寄懷張冠村孝廉

竹西歌吹日喧喧獨掩松關遥滿苔司馬但留
老僕侍士龍長見笑顏開禪心靜遠邗江月陰

興清超蜀嶺梅何日塞驢重過我一樽相對拂
塵埃

題天津太守程南村小照

一別淮干歲幾周今從圖畫接風流纖塵不到
神清澈合是珊珊李鄴侯

涼露無聲桂魄圓猶餘閱道舊胎仙一聞清喚
知機早歸向芝田檢玉編

長嘯秋風賦遂初青細事業近誰如盈階簇簇
蘭芽秀香在黃磁綺石餘

玉山詩鈔卷四

六

王貞女詩

貞女方六歲許字某家預知其婿亡期矢志守貞

絲蘿相失在童年慧性能將大義全千里姻盟
緣素定一朝凶耗識幾先樹從方長凌霜雪水
本無波捲井泉我欲長歌紀貞女忽愴往事淚
潛然亡兒所聘朱氏女今貞守十餘年矣

九月開梅花

菊正艷寒葩忽驚梅作花春從何處至疑是碧
天霞

送鳳陽廣文王湄白致仕歸如臯

嬰鑠精神地望清典型正合式諸生忽從秋水
觀魚處苦憶春風射雉城濟濟孫曾行統膝依
依弟子重含情郊門祖帳堪圖畫不數當年少
尹名

庚辰元旦

一抹胭脂報曉春贈來官舍恰元辰香生座上

屠蘇酒人醉東風樂事新

客送紅梅

連逢首祚未停驂今獻林盤慶闔潭猶憶阿男

官萬里計程此日漸滇南

玉山詩鈔卷四

九

臘雪新飄萬井融占年祈穀報連豐從今官閣

添詩興飲水吳江亦可風

和邵思餘同年歲初到鳳即事元韻三首

憶自符離別於今歷幾春檐前羣鵲噪座上一

枝新握手丰神舊連篇格律勻快心談劇處捫

蝨若無人

按劍能存趙升階可却萊人生重氣節吾輩耻

輿臺往事雲千疊豐年酒百杯連宵踏濟會髯

戟冠崔嵬

楊柳披風綠鶯花入歲濃渴懷連日慰雄論降
心從喜告年頻熟相看戶可封應憐凋瘵地今
亦樂從容

燈節即事戲作

放夜燈光照九華雲為走馬電為車團團還唱

農家曲惹得哄堂笑語譁

村歌聞者笑不絕口

魚龍百戲豁雙瞳忽見斑文七尺雄一嘯風生

頭逼檻果然不懼有王戎

時有檻虎者以頭納虎口不懼

同年西江方行川六十雙壽詩

玉山詩鈔卷四

三

導江自岷山潯陽派分九贛江尤清竒鍾毓良

非偶方君余同年結廬贛之右早年宴杏林京

華欣聚首一別三十春宦轍分張走酉歲來濠

州方擬親瓊玖乃余牽郡絲值君解印紐棠陰

猶在民梁月徒懷友幸得接阿戎治行述樽酒

閩南與浙西所至稱眾母片言折危疑直聲驚

牧守以此留去思以此雁眾口飄然賦歸來怡

情惟二酉室有老萊妻孝思尤不朽割股奉君

姑沉疴釋重負內治肅且和黽勉操井臼挽車

桓鮑儔舉茶梁孟耦俯視軟塵中泰山凌培塿
行年俱六十今秋值雙壽攬揆際西成豐穰百
物有綺席剖甘瓜瑤觴陳碧藕祝嘏辭續紛獨
余慚敝帚遠望頌如川西江作大斗

茶

皖城重晤同年温太守魯存見惠雪梨及

常愧朱轡輟後塵別來破臘又經春片帆纔得
橫江渡畫閣重聯舊雨新大谷寒漿清沁腑尚
山紫筍淡怡神已教客裏消煩渴耽飲東風忘

玉山詩鈔卷四

主

主賓

江寧謝太守見招諸客未至對榻傾談口

占三截句

春滿秦淮百萬家名賢典治鹿隨車經年契濶
重携手風度依然是永嘉

萬井膏濡兆歲豐大江南北慶應同因思先後
官西蜀七百連雲白獨雄

雨歇猶餘劈柳風賓僚燕集夕陽紅何當入座
虛前席自笑皤然漸近翁

荅駱西村重來鳳署見贈元韻

濠州初作守佳客遠來遊雅藉同心侶真如共
濟舟我馳雲闕迥君返鏡湖幽偶濶思紅雨如
新永白頭尺書啣雁去一棹向淮浮重快金蘭
契清詩真意流贈詩有獨淡情似海
不畏雪盈頭之句

春齋集飲分韻二首

衙齋新雨後春意散幽襟細水十分碧垂楊半
畝陰便宜謀小飲相對發長吟莊惠如堪即濠
梁欲共尋

玉山詩鈔卷四

主

一夕婪春酒高朋正盃簪風光流上下才藻盡
東南嘉膾邊淮得含桃帶雨探更宜結幽約百
轉聽雙柑

午日東同年許太史陶村時掌教淮
南書院

名賢別為開橫舍咫尺無煩千里駕胡為契濶
動經旬炎炎風日移初夏昨宵時雨送清涼想
見披吟連日夜曉來新翠浮庭几一枝况有榴
花亞正逢競渡浴蘭時射矜酣蒲莫相下惠然
肯啓絳紗來為君掃榻開風榭

壽得尊和尚五寸

紫衣聞賜尚方米十載京華響法雷
餅鉢又尋邗上鶴魚龍驚避水中杯
平山落木秋容老古寺新題玉篆迴
遙憶金蓮成五色光芒此日澈星台

白下喜晤廬州太守王輯青同年時余有皖城之行見邀過郡

練潭秋水話寒暄別後風塵難具言
驛路曉隨鴻雁陣征衣夜冷雪霜痕
那知鞅掌春深日恰好追隨白下門
水閣談心成快聚及時雷電雨翻盆

玉山詩鈔卷四

三

一棹煙江渡獨先多君東道好周旋
迎人秀色山環列坐我春風榻共聯
話舊滿傾賢聖酒心平渾忘後先鞭
驪駒已駕難為別欲捲淮淝上薛棧

初秋謁撫軍晚宿徐州郭外登堤眺望兼柬劉太守二首

遠參大府策青驄小駐彭城百步洪
山勢蜿蜒

銜落日河流奔放響秋風一官自笑駘馳慣
三伏君多保護功聞太守伏汛率先搶護堤工幾度相思不相見
暮雲靉黳月朦朧

羽扇輕揮上石梯人家煙火岫東西半城低
逼全河水萬姓生懸一線堤好繼蘇公樓捍患愧無淮海賦留題
詰朝還着雲龍屐不待居停酒自攜

生日自壽詩四首

郡事紛拏歲月遷小陽驚度杖鄉年
蹉然履滿含桃閣盡道淮南客是仙

玉山詩鈔卷四

三

十樣棧分嶺上花連宵同醉碧流霞
殷勤厚意難為報笑拍壺中小九華
比戶恬熙歲漸康長官贏得鬢蒼蒼
臺萊杞李休聯祝五夜猶慚十有章
翩然風舞彩衣輝雜還兒孫拜一圍
卻憶滇南人萬里未能王令鳥雙飛

題祚三姪小照

吾宗阿咸殊恢奇意氣磊落軒鬚眉
數椽茅屋

傍東菑編籬蒔菊滿畦有時高臥追皇羲有
時雄辨驚齊夷自余宦走東西馳迨迨別緒星
幾移今年壽我來濠涓縱飲話舊傾深卮手出
一圖索新詩謂余菟裘將在茲髯乎髯乎本不
羈豪邁可卻千熊巖胸有卓識無危疑葛藟本
根須護持即今六十髯未絲精神謾謾青松枝
較余矍鑠尤倍之况能恬養無勞思他年為爾
歌期頤昧來相與餐紫芝

題濮鐵巖小照

玉山詩鈔卷四

五

幽境得竒趣秋色輝斜曛曠然萬籟寂素月流
夜今此中誰解領夫君迥不羣結交廿載前樽
酒時論文一別馳蜀道魚雁久不聞重晤髯各
蒼披圖意尤親心平劔塵匣興至酒自醺人生
貴適意身外如浮雲

庚辰季冬二十一日自壽春旋署值歲暮

祀神一堂歡聚樂甫闕而五弟謙圃疾
作醫治無及溘然長逝哭成四章不知
是淚是血矣

歲晚歸來卷凍雲團圍兄弟酒微醺那知倏忽
颼風發衝破寒天雁影分

悲歡頃刻正觀場撒手時還坐一牀含淚頻呼
渾不應仰天何處問巫陽

自從南北宦分馳吾弟曾無一日離今夕頓教
成永訣不留半語屬孤兒

蕭蕭素旆冷西齋忍聽雙維日夕衰老淚頻揮
無住著歲除風雪送愁來

贈敬敷書院掌教喻太史澂湖同年二首

玉山詩鈔卷四

五

途中花鳥笑人忙百子山前又謝裝春色江城
渾似畫蘭言風雨極難忘昨宵幸接將軍幕今
日重登大雅堂握手更諄文字約啼鴛求友在
垂楊

悠然風度擅西清多士祁祁絳帳盈玉尺量才

標四術槐陰成市駐雙旌時常大中丞披雲自

愧風塵色入座還叨翰墨榮春雨皖公山色裏

公門桃李更崢嶸

贈同年溫太守

君守皖江余濠右同年况復同官厚郵程相見
動經年風雨離情一樽酒來時春色滿江城山
爛紅桃隄綠柳快登畫閣方談心忽接官書事
掣肘自知才拙動招尤猶賴從容為分割役役
忽過三兩旬客中慰我情何親筍如玉筋茶碧
乳連分風味消煩塵煩塵頓滌得恬適還傍清
幽話永日相看鬢鬢各已蒼初衣欲遂心如一
顧君神采比余強余將却步尋滄浪他日垂綸
坐釣艇看君事業輝岩廊

玉山詩鈔卷四

圭

題家振宜昆弟泛海圖

振宜兩兄早歿思
不得見繪圖誌感

生人繪行樂樂事在閒造惟君念天倫披圖為
心惻兄弟數十年聚散各南北相望天一隅伯
仲忽分翼姜被不得共花萼傷狼藉含淒寄生
綃同懷共一船蒼茫波濤間生死不離側猶似
對牀眠孤盞風雨夕

春初試院次堂前法中丞舊韻

風吹鎖院意蘧蘧春色文章繪太虛竟日賓僚
襄試事盤鮮細膾試濠魚

郡試日和吳山夫廣文韻

雲蒸多士早春來曉日東風絳帳開過眼恐教
迷五色持衡端欲藉長材閒從蝴蝶尋莊夢聲
報魚龍起蟄雷一顧當年煩伯樂偶瞻舊詠首
重回

法中丞視學江南余方入洋今見鳳郡
試院中丞題句既步原韻復感及之

贈同年彭侍御

征鞍萬里自峨岷小住濠梁警欵親柏府霜威
傳往日東山霖雨繫斯人輕裘遠共連床話
時
署中渥澤行沾上苑春况有小坡能繼美南宮

玉山詩鈔卷四

天

又見鳳毛新

登第一山

偶闢榛蕪絕頂攀穹碑百尺立孱顏空明濠濮
無窮碧平遠西南不斷山隔院風來魚梵細半
岩籀隕豹文斑摩挲亭畔縱橫字紫蘚蒼苔落
照間

奉和學使劉圃三先生見贈元韻二首

鳳凰鳴高岡天下爭仰之騏驥躡長風千里夫
何疑先生本偉人德藝勤奮蓄韞玉照岩穴懷

珠麗川湄又如躍龍泉斗際光離離置身承明
內出入隨所施炎洲敷化澤邗水垂學規著作
抉精奧了了見匡廬余也忝乘梓夙昔景懿資
相憶不相見宦轍負人師

天子重儒術欲使風俗一簡公來皖江視學端
士習兩度莅濠梁春風徧杞棘而我遇偏慳幾
同南北轍顧蒙不遐棄琳瑯揚鉅筆過後接殷
勤杯酒生光澤鑒我撫字勞心知增感激談言
及河渠訂謨仰經國意氣千人驚扶搖九萬擊

玉山詩鈔卷四

完

詰旦別淮干臨風懷玉尺

學使按臨鳳郡書院中多補博士弟子諸

生列前茅者亦盛喜賦一篇呈掌教陶

村太史並示院中諸子

學問無究竟講貫有其端安能離師資而得盡
研鑽譬工無利器欲斲愁梓楠譬舟無長年欲
渡愁波瀾我少苦僻處同心少臭蘭中年入仕
途牒訴勞寢餐書史雖夙契欲涉頗艱難以知
貴劇切所至重師壇鳳陽古濠州英異如星攢

郡城設講席歷久資費殫加以歲灾侵學業荒
飢寒培養實余責分俸擴舊觀折簡招故人多
士仰虬鸞薰蒸一載餘拂拭成鏤干今年學使
來一一據敦盤童試四十人過半隸學官小試
未足道所幸敷教寬暇日論風雅鏗然響琅玕
分題騁妍詞高會弄柔翰揚扨日以盛尋源及
黃安程工得利器攻錯無瑕癖操舟得長年利
涉無崩湍教學漸相成聞之增清歡勗哉諸俊
髦更進百尺竿得師良不易母或阻躋攀

玉山詩鈔卷四

三

自皖歸署即事偶成四首

共笑濠州太守忙何曾畫戟燕凝香而今暫得

停征轡猶見榴花爛滿廊

未共端陽繞膝娛盃餘角黍剩蒲菹欲歸滇使

停車待為報平安萬里書

時作書付
深山來使

豐登二麥喜歌衢農向秋畝又荷鋤剛道淮南

禾待澤夜來零雨說隨車

文衡兩度溥春風多士羣沾化雨濃勞吏未遑

躬職事歸來猶喜一登龍

學使劉公兩蒞鳳
郡余皆未得承乏

在皖三月甫旋積案紛紜畧無暇晷喜新
闢後軒花木陰翳不覺動幽人想率成

二律

飽歷風塵月幾更歸來案牘尚縱橫日思却事
真無策說到歸田又不情且喜民肥連歲稔從
教官瘦一身輕山房為我新開闢梧竹陰陰鳥
弄聲

養身須自有安排莫任公私髻髮摧常日文書
觀大畧熟來賓客恕相陪七絃且向薰風聽一

玉山詩鈔卷四

三

榻初安午夢回從此逍遙兼吏隱肯容丹竈覓
靈胎

六月廿四日賞荷用吳廣文山夫韻

忽報庭荷一朵新團團珠露淨無塵別逢此日
花偏豔雅合開筵集上賓

幾月勞勞方駐馬歡同今日一樽開風流媿我
非王儉人道蓮花幕裏回

暑氣權降昨夜風田田綠葉漾花紅年來蓄得
餘杭釀儘足諸君醉碧筒

玉池競秀曾留詠官閣凝香亦取憐况是一番
新雨後花容宕漾水滄滄

秋海棠和韻

餘春嬌八月妙品綴寒芳泣露開檀口披風曳
錦裳含顰思婦面薄醉小紅妝幽意籠蛩語低
枝謝蝶忙依牆遲夜月伴菊傲繁霜點綴疎簾
外婀娜古砌傍允宜邀蕙友便擬酌采郎杜老
曾無句清詩字字香

勸水靈璧喜晤寧國宰同年莊井五

時委辦特

玉山詩鈔卷四

三

磬

河畔纓紆極溺心相逢同上磬山岑琴堂暫徹
絃歌韻泗上來調玉振音岩穴飛鳧涼月皎禪
林下榻夜談深歸帆獸對秋波濶枕上遙題舊
雨吟

秋九月自懷遠旋郡途中即目偶成

荆塗夾峙淮中通一帆曉渡煙露濃須臾日上
秋天空丹黃著色明雙瞳捨舟輕策馬首東村
村穰稬早稻紅香芬行館炊新春喜看民社歌

年豐九華山色連城墉麗譙突起高諸峰民樂
政簡殊從容疎來籬菊將成鼓節近題饒落帽
風賓僚同醉桑郎鍾濡毫火急紀遊蹤好乘削
剛增詩筒時錫詩稿將竣

由臨淮至盱眙道中口占

南華樓畔接鍾離拍板藍衫顯跡奇千載睡翁
猶在否探仙一路到盱眙

秋月冰壺到眼初高連星斗閣凌虛多情為設
煙霞塌主信陳蕃客愧徐盱眙陳大令廬

玉山詩鈔卷四

感沸龍噴第一泉即玻璃泉烹茶愛看壁詩鏤未遑

更放峰頭眼公事催人著早鞭

歷落丹黃繪晚秋長堤一帶砥洪流謂洪澤湖大堤更

番蓄洩神機運恭頌碑題仰

聖籌恭讀御製十六年閱高堰渠示河臣碑詩

仲夏迎撫軍託公入境得甘雨誌喜

手板忙持束帶趨前旌飄拂午風餘停輿首問
今年熟到霞還歌化日舒最是秋禾方待澤果
然甘雨及隨車那知入境山靈禱早荷誠通一

紙書公入境憂早即委宿州判崔爾堂持檄禱相山翼日大雨如注

袂插紛紛遍笠蓑濃陰釀雨越滂沱浮梁動盪

東風緊滑騎欹斜薄暮過但為三農霑足壘不

辭中道滄泥多慣勞飢溺濠州守何幸連聞大

有歌

招同人集華山房看菊食蟹

山房偶離未能忘都為籬邊菊綻黃頃得車塵

勞暫謝囊餘新句自都梁

相邀言雨後新開何事延陵斯不采時吳山夫後至我

玉山詩鈔卷四

有監外情最好更逢有蟹作佳陪

雙插金精分外妍故鄉風景在樽前笑看搏豚

縱橫態觴政無煩糾不虔

蒼飛細雨漸侵衣蠟炬高烧掩北扉樂意花間

開笑口共傾吟篋莫輕歸

送陶村年丈返吳門

匆匆又賦送行詩霜雁晴飛太路遲猶記看初

迎杖履桃花紅亂柳含絲

吳山分秀到鍾離清露無聲日夕滋試向含桃

閣上望春華秋實摠累累

絃誦聲聲教澤延誦堂近在署東偏採風寄語

停車者莫道文翁化蜀賢

名輩紛紛唱折枝江山千里入新詩旗亭莫唱

陽關調一曲驪歌侑一卮

時學社同人分賦
沿途名勝贈行

長記吳門挂席時十年鄧尉繫相思君歸應有

山花放寄我衝寒玉一枝

男兆龍 龍騰龍校字

玉山詩鈔卷四

三

孫男大 孫女 孫長齡 孫全夜

玉山詩鈔卷四

吳郡顧蘭輝手錄

序

杜子美云文章一小技于道未為尊胡安定云
士先器識而後文章二公之言其抑文章也過
甚及柳子厚云思報國恩惟有文章則文章之
所係又重觀古人軒輊之詞不同如此予心竊
疑之夫駢枝儷葉錯采鏤金以為文者非不足
以震懼乎一時狀即其遺詞命意之間不過竊
取古人以投合時好其為器識原無足觀又何
道之足云夷之小技其論未苛子厚之誠可

吳序

貴矣顧考其所為報國者在平洎夷雅一篇鋪
張揚厲可配弭匏狀性情心術之隱微國計民
生所關係文中無有也子厚特自負為可貴重
報恩之說尚難言之我太守芝亭先生自通籍
以來歷宦數十年制藝之流行仕績之卓越人
無不仰為景星慶雲矣搢以老博士獲隸宇下
即其言論丰裁肅然起敬讀蜀中濠上諸噓温
柔敦厚清麗芊眠所謂仁人之言藹如者狀未
嘗盡窺全豹也今年秋公兩嗣君出公全集付

梓屬搢以校讐之役詩集外復得讀其文集四
 卷狀後驚歎服膺知公一生得力畢現于此公
 之為文空所依傍不屑屑規撫一家之言而其
 中寔無所不有此猶就義泐言之耳其卓狀可
 傳者尚不盡在此嘗綜而論之其大者在庭幃
 骨月友朋交際之間其遠而及於民者在析疑
 獄拏災荒濬河發振為民請命諸大節有時直
 撼胸臆紆徐澹宕感人最深甚者明目張膽涕
 泗交頤畧無隱諱故久與處者莫不察其悃忱
 即未相洽者亦無所置其詰駁凡見諸行事者
 無一不發為文章嗚呼此其為天下之至文所
 為歷劫不壞者歟即文章即器識固不可岐而
 為二而有所後先而持此報國信乎為靖獻之
 先資天下之道之尊孰有過于文章者烏得以
 小技目之工將竣公命予附名于校槧之列遂
 書此以識予宿疑之煩釋也乾隆辛巳十二月
 望同郡吳玉搢琴手

吳序

二

玉山文鈔目錄

射陽 項樟 芝庭

卷一

周易詳說序

竹陽八景詩序

陳松屏詩序

吳山夫十憶詩序

朱氏族譜序

濠上贈言序

玉山文鈔目錄

一

閑邪錄補序

楊平台時文序

題青來弟印譜小序

義贈會序

書題贈問漁公詩卷後

先王父 贈奉政大夫美章公行略

先母周宜人行略

伯兄眷來先生傳

卷二

大竹縣文昌閣記

東流橋碑記

槐蔭堂記

始至永樂署記

古柏記

新遷鳳陽府學碑記

鳳陽府學泮池靈泉記

重修鳳陽府城隍廟碑記

鳳臺縣挑濬黑濠濕泥裔溝三河碑記

玉山文鈔目錄

二

重修淮南書院記

重建含桃閣記

萃華山房記

重脩濬溪文會館小記

遊蟬窟寺記

書張烈婦誌後

紀陳孝婦事

張仁莽壽言

祭伯原弟文

卷三

上高大中丞鳳郡被水情形稟啓

上各憲府宿靈虹水勢請亟閉毛城鋪稟啓

啓

覆兩憲府毛城鋪原委

上各憲府宿靈虹冬水情形稟啓

上裘高兩憲府濬河議

上藩憲積貯議

上大中丞帶征積欠議

玉山文鈔目錄

三

宿靈虹濬河紀略

卷四

請通革老役帮役稟啓

委審黃安縣王大堯被勒身死稟啓

覆發訊趙德化供詞議

萬州會館判

鹽井判

靈璧捕蝗紀事

查飢規條四則

紀鳳臺尚超誣認謀死秦成案略

委審蒙城侯五案上臬憲啓

紀臨淮郭烈女事

上李臬臺辨冤獄啓

禳役禱城隍文

附刻

堂事隨判十八則

男兆龍成龍騰龍校字

玉山文鈔目錄

四

孫男大齡椿齡安齡保齡長齡喬齡全校

玉山文鈔目錄

玉山文鈔卷一

射陽 項樟 芝庭

周易詳說序

余友三原劉君九畹以所著周易詳說一編問序於余余展閱再四喟然歎曰博而精詳而核總括百氏辨析微芒此四聖之功臣而易學之全書也惟余學識淺薄不足以貫串註疏家言奚克攬易道之全以推明九畹著述之意顧即其自言者而論之其一以為易之難明以漢宋

玉山文鈔卷一

一

之異說漢儒主數宋儒主理宗漢則孔子作翼多闡性命精微程朱之說實有以探聖道之大原而不可易宗宋則伏羲畫卦專陳天道汰象孔子亦曰易者象也繫辭說卦曲暢著筮象數之義而焦京管郭往往神驗二者惑焉其一以為學易在先明卜筮易言陰陽卜言五行而先天之傳則為參同悟真之秘自漢人混卜於筮朱子又以康節諸圖為出於伏羲而儒者失之啓蒙之作求爻斷占諸法又未能盡合於左氏

之卦案學者滋疑夫理外無數數外無理離理而言數者非數也離數而言理者非理也知理數之合一而不能析理數中支絡者亦非理數也辨別卜筮合符左氏本程朱之精蘊集諸儒之大成合漢宋理數於一家統象辭占變於一貫而易盡之矣故其為書首論歷代註疏之得失及象辭占變本義九圖之旨趣以邇其源次彙全易中各家句讀解釋之同異而折衷已意以析其疑然後致力於上下兩經十翼之文象

玉山文鈔卷一

二

採衆說而別其支理宗閩洛而闡其蘊旁搜曲引融會貫通以暢其義繼乃編纂左氏及歷代筮法詳註極論以致其用而後附以納甲納音五行飛伏易林卦氣龜卜錢卜之法使人瞭然於諸術之無關於易以清其緒而後終焉十八卷中天地名物之象昭身心性命之理著存誠主敬之體立知來藏往之用行辨而不支括而不遺其識精其學粹太史公曰易以道陰陽經解曰潔淨精微易教也九晷之言其契於太史

之言而潔淨精微者乎以之脩身則寡過以之行政則化成以之應事接物彰往察來則靡所投而不中豈特為經生咕嗶之具云爾哉憶昔與君同官西蜀雅慕清才博學於書靡所不究既從讀其詩古文辭相別僅數稔而聞發精粹復得窺其經術如此雖君屢膺鴻博陽馬薦未之得當而羽翼經傳厥功甚鉅海內人士莫不交相推尊方今天下治平

玉山文鈔卷一

三

聖天子敦崇文學知君必有所遇以應側席之求當不僅以循吏著聲已也

曲邕著書者之意而於易理四通八達洞悉言之惜不與王輔嗣諸人上下其議論也許陶村

歐陽公云易理無盡以象談易占筮者之事以數談易推算者之事以理談易學士大夫之事皆不可不兼也劉君之書實本此立論序文詳盡能推明作者之意以合古人作易之旨直使虞翻崔憬伯陽郎顛諸家無靈置

家吳山夫

玉山文鈔卷一

四

竹陽八景詩序

竹陽為古寶地南引巴渝北連通達其間山水
各勝如黃城之蒼壁四圍龍潭之變化雲雨金
盤之峰巒高聳突起奇絕下臨禹穴直通仙門
諸水飛泉百丈馳波跳珠為相搏離奇之狀歲
已未余蒞茲土嘗偶一過之勢疎而遠未能數
至又其地多蠶叢險阻不足供朝夕遊覽之助
後逾年簿書暇時出郭問民事間或披榛芟莽
搜覽奇異又或四時之交與夫花晨月夕偕賓
戚選勝而遊欣於所往因得縱觀環城風景舉
其近而窳著者有八焉其一為城南文峰閣飛
檜峙下臨山郭千家每當曉旭初升朝煙乍散
雲霞蒸蒸高下映徹其一邑文明之象乎由文
峰而東高峰窳著焉壁斗而峻梵宇插其巔環
以松竹古木望之蒼然深邃時或夕陽西墜山
色欲暝忽來噌吰鏗鏘之聲與萬山響應者寺
鐘鳴也時和景明天光四碧晴嵐競吐蒼翠欲
流翔飛萬仞之間與兩峰對峙者鳳凰山也自

玉山文鈔卷一

五

鳳凰而北綿亘六七里衆壑奔注長橋卧波曰東流其源出獅子山而下洩渠江水清湍急岍蔽垂楊初夏濃陰每一披拂涼風浙浙動人竹溪承東流支派紆餘蕩漾上浮石梁如偃月焉秋夜登臨銀蟾弄影水荇交橫興致益復不淺矣至若層煙密霧或細雨霏微乍合乍離隱狀獻狀若可望而不可及者邑人為余言曰此城北雲臺菴也菴之南崇山峻嶺一帶蜿蜒冬雨雪望如積玉當晴光四照遠近晶瑩徃徃積春不散梅村面南山而出文峰之背古碣猶存百株蒼老嚼蕊含香爭搜竹堂晴雪之向其樂何極噫竹城圍山帶水景物之佳隨在可得有如此者夫蘭亭清湍脩竹得右軍而傳西山鈞錡潭諸勝得柳州而顯信乎美不自美因人以彰也友人壽掄軒朱楓屏閣揆叙與子弟輩斐然有作而邑孝廉桐存王子屬序於余余幸際太平與民休息而得景物之不傳者以供朝夕近遊抑又不敢自私曩道其由来以貽諸同好雖

玉山文鈔卷一

六

未知於古人何如而山水之奇秀若有待而宣與黃城龍潭諸勝永垂志乘此固宰茲邑者之一快也作竹陽八景詩序乾隆五年秋九月圖經中即景小序并詩或強綴名目頗不耐觀似此紆徐卓犖霧縠摹繪柳州別具畦畛一邱一壑皆可作十日遊周蘭坡叙次八景歷落蟬聯步步引人入勝能令山水增價秦澗泉

玉山文鈔卷一

七

陳松屏詩序

黃州為名賢寄迹之區代產聞人素多韻事博雅之風由來舊矣歲庚午余奉

命宰是邦蒞任伊始政事旁午自夏徂秋始得與孫兩峰范泉如王懷念諸孝廉尋覽赤髻竹樓往蹟載酒登臨詩歌間作諸生王又遠等八人各和余九日諸詠競秀爭奇極一時能事益歎惟楚有材於斯為盛明年春余遷官山右束裝將行會陳君松屏持所著詩帙質於余詢其家世則兩山太史之從弟也太史詩古文辭贈炙海內者數十年君負雋逸之才根柢家學故其發言為詩獨出懷抱榮名心澹泉石意濃以視孟山人之間遠儲太祝之真樸推今訪古無不及焉君年已七十猶且執禮甚恭飲狀若不自足者谷受淵涵莫或能限其所至駁駁乎度越輩流而追古人而從之也有日矣余與君恨相知晚而遽爾乖分楊柳依依我懷如結爰題數語於簡端以致贈言之意云爾

玉山文鈔卷一

八

扶質立幹傾液漱芳如鈴羊掛角無跡可尋
得太史公一潔字而文章家之能事畢矣
徐平一

玉山文鈔卷一

九

吳山夫十憶詩序

昔人謂詩緣情而綺靡非綺靡之詞即可謂之詩也必視乎情之所屬何如耳蓋雖地隔千里時歷數十年而纏綿悱惻之情有動於中則詠歌以傳之反復以伸之比類相感若不自知其所以然者豈徒月露風雲偶爾寄興哉余自服官來由蜀而楚而晉雖雪泥鴻水向之所欣已為陳跡而燕居之暇偶一憶之如白帝夔州之滕黃河太華之雄巨廬彭蠡之奇玉簪峩眉之秀凡風土人物以及一名一器前所繫情而瀏覽者時星羅碁布於心目間而惜乎不能緣情而達一一見諸詩也山夫吳君博學有年多著作余童試時即相與訂交嗣以宦途睽違而公餘檢篋猶時讀其篇什未能忘今余守鳳陽山夫亦以司訓同城此殆天假之緣乎因得公餘話舊出歷宦舊作商訂而山夫亦出京師時所作十憶詩一冊示余余讀而愛之又從而繹之露濡霜淒則梧捲之情也暮雲春樹則縞紵

玉山文鈔卷一

十

之情也如蘭斯抽如蕉斯剝則擇精語詳好古

越俗之情也嗟乎長安都會之地作者如林或

同官倡和觸景謳吟往往不必情之所鍾而欣

於所遇侈為靡麗之詞以標時艷而故園風景

轉有忽不及道者君獨舉先世手澤之遺與夫

平生師友金石圖籍所嘗精心搜討者低徊追

憶而唱歎揚於風雅豈非深得詩人緣情之

旨者與余荒於筆墨久矣簿塵鹿鹿懶事推敲

追溯舊遊尚多怦然於中而欲見諸詩句者倘

玉山文鈔卷一

十

得寬我以歲月假我以林泉異日與山夫歸老

故鄉從容吟嘯則余之所憶又將藉山夫以傳

矣其即茲編為約可乎

昔先君子為桐川博士以文字獲交於刺史

周西田先生先生刻近思堂詩集屬先君子

為之校訂而先君子所撰桐川樂府三十二

章先生為之序而刻之閱四十年摺司訓鳳

陽亦以筆墨因緣受知太守公公近刻詩文

全集摺亦得與校讐之役而摺所作十憶詩

太守公亦序而刻之兩世所遇何先後如一
轍耶摺於詩歌本無所解不過於羈旅中一
發其候蟲時鳥之鳴而公之序言敦桑梓之
誼追布衣之歡勤懇懇若以摺為可與言
詩者則其今日之所遇視先君子為尤幸矣
敬跋數語以識不忘

朱氏族譜序

老泉有言親盡而至於塗人其初兄弟也其初
一人之身也嗚呼原塗人於一人之身譜之所
由作也余嘗原先王太宗小宗之洽聯姓合族
昭穆有序冠婚喪祭則赴告燕饗伏臘相率登
宗子之堂而升降揖讓尊祖敬宗睦族之良意
行乎其間自宗法亡而世譜之輯亦虧雖大家
巨族往往不詳其所自出加以遷徙之不一貧
富窮達之靡常求其尋流溯源信今傳後者寡

矣篁墩朱氏吾徽著姓簪纓理學見於書史所
載班班可考顧由蘇而歛而葵而旌統譜紀之
嗣遷淮揚則尚未之及吾友象山慮其久而益
疎宗族之中且將視為行路也因述伊古以來
得姓之由今遷立業之序與夫淮揚三派之源
由旌以前概從略淮揚以下則務詳凡三派之
後婚娶卒葬必書有子無子必書傳讚事實必
書而又附以紫陽之家法尊甫先生之遺訓俾
淮揚近族較如指掌以待他日歛葵譜系之修

而後之人舉不迷於所自嗚呼讀是譜者孝弟之心可以油然而生矣嘗考余之先與文公同時者安世公則號推理學伯謙公則同舉進士余里中三面濼溪之堂公與伯謙公講學時所題額也今君嗜學好古著述不輟能承其先業如此而余則僕僕宦途少嘗輒廢讀君之譜能無慙乎抑有進者世譜之修凡以為合族計也今一脈相承既詳且悉而徽旌支派尚未暇續以君之考證謹嚴不忘世澤令與宗族有力者舉行而彙次之統譜之輯其必有成則合一姓而不至等於塗人先王尊祖敬宗睦族之意於是為脩淮揚近譜之修猶其一隅者爾

大意本蘇氏族譜序記篇末更進一層尤歎仁人之言善成人美

黃望濱

玉山文鈔卷一

古

濠上贈言序

詩也者起於人心之思也往往身所未至而心已至之詩曰出宿于干飲錢于言我思肥泉茲之永歎思須與漕我心悠悠作詩者未嘗至於街也而衛地山川井邑已歷歷形諸詠歌以寄其意薰葭之懷人也既曰在水一方又曰在水之涓在水之涘蓋伊人不即見則隱度其所在一再詠之凡以思結於中心其地固不啻身其地者之唱歎無已也况師友贈答之間乎同年

玉山文鈔卷一

十五

陶村太史掌教淮南屆三冬返棹吳門同社暨及門諸子舉大江南北山川名勝太史經行之處分賦長短歌行以當折柳夫鳳與蘇相去不過數百里太史撤講席明春旋至別又不及三月久豈若半面十年一別千里有河梁灞岸之感哉而諸子顧模山範水預揣其道路所經一一見諸贈言如此其情摯也噫嘻可不謂厚歟詩既具太史亦揮翰酬之鳳靈貢邵兩宰復各出新裁余與兒子輩亦勉繼其聲邵仍代謀諸

梓裝池成冊余見太史挾冊而往也船唇鞍背之間每過名勝則展讀其詩固不啻某人之介乎其側抑作詩者各抱是冊朝夕吟誦以綷拍其行踪亦何殊從遊太史左右晤對無虛時也然則觀於濠上今日之贈荅於淇泉蕪葭之遺意又何殊焉余守是土幸濠人士之競以詩鳴而太史之果能相與以有成也爰濡筆而為之序

俯仰揖讓歐陽子之文也 方雨三

玉山文鈔卷一

六

閑邪錄補序

人非中智以上而能辨邪正止義理毅狀不動其心者蓋憂憂乎難之儒者屏言果報謂近浮屠氏試思今日之人心淫蕩愈染愈深驟語以誠意正心慎獨脩身之道冀其一悟是猶救焚者之仍必菘步拯溺者之還欲肅冠也亦迂濶而無及矣夫邪念一生如火之熾如瀾之狂斯時名節所不惜清議所不畏然不惜名節未有不惜身命與其子孫者不畏清議未有不畏鬼神及死亡之禍者試哀集福善禍淫之說而徵諸古驗諸今皆歷歷不爽宛有神鬼入人之胸而伺其邪孽凡削祿減美冥誅殄祀極未有之奇禍皆各稱其惡之大小而旋至立應莫能遁逃則是蛾眉粉黛刀山劍林也白選朱提蛇宮蝮室也雖至愚亦知觸之立死怵然而不敢犯以此為起死回生之妙藥其機甚捷且夫醫者用劑急則治其標蓋必外邪去而後進以溫補則元氣可復人能懼邪之為害當下絕去即此

玉山文鈔卷一

七

一念清明便可入道詩曰思無邪易曰閑邪存
其誠又未嘗不與吾儒之旨終合噫嘻此閑邪
錄補之大有造於世也其書始於姚端恪公而
補於炎塘黃君君為三吳博雅士先余仕黃以
正已率物為務尤慨人心日流於邪慝急補是
錄商付剞劂以作度世金針頃者余量移山右
偶謝簿書與君縱覽黃州名勝憑弔昔賢如王
翰林之讜論有聲蘇文忠之剛正不阿韓魏公
之威望素著是皆不以聲色貨利動於中故文
章事業並垂不朽君今正直端化俾黃之人有
所勸而樂為善有所畏而不敢為非雖中人以
下之資亦必束諸繩墨而人心丕變漸返樸淳
其功德亦將有不朽於黃者抑余載是書以往
為君廣濟世之心而蒙福者又不獨黃也是為
序

淋漓痛快如聆晨鐘是書雖未寓目讀此序
知其警人深矣 呂炳星

楊平台時文序

蒲城楊君平台少負雋才博涉經史尤工舉子
業癸丑捷南宮一時傳誦其文咸謂關中名宿
不能過也余與君同年得親其言論丰采爽爽
英邁之氣令人心折既而筮仕睽離河山間阻
不相見者二十年歲辛未余任河東郡丞距君
籍僅二百里明年夏君惠然來訪連牀共話一
摠勞積始知君宰博興甫旬月以上官齟齬棄
職而歸復理舊業日杜門取前後所為文重加
持擇務底大醇初集既刊贈炙人口茲更出篋
中文若干首屬余評選將續梓以問世其意殷
殷然若惟恐余以不文辭者余因之有感矣士
子束髮受書攻制藝以獵取科名往往不惜殫
竭精神以求合乎有司之尺度一得第輒棄去
不顧又况仕不得志將老其材於山之顛水之
濱必且感慨徒勞欲焚筆硯否則放浪形骸與
二三友朋縱情詩酒酣嬉淋漓以發洩其胸中
之塊礪不平而銷磨歲月誰復肯息心研慮於

斯文也者乃今讀君文決擇惟精而神明於法
析理則抽繭剝蕉揆辭則湧泉垂露或藹若春
和或朗如秋月根柢彌厚矜矜俱消是殆不以
通塞累其心而有得於古人立言之旨者與爰
論次而品藻之得百有三首君語余曰前過伊
洛間彼都人士甚善余文欲得續集而究觀焉
夫洛邑居天下之中風流篤厚由此而厥聞四
馳其足以信今而傳後可卜也詩不云乎無金
玉爾音而有遐心梓成之後尚緘寄以來雲樹

玉山文鈔卷一

干

江天展書如面以慰我離索之憂可也

中間一宕氣勢開展感慨既深鍼砭不淺此

龍門扶風擅長處不謂於時文序中得之讀

楊君文者當先讀此序

馬斐亭

題青來弟印譜小序

粵自鳥跡象形肇興文字蝌蚪之書其最始也
至秦漢則為篆隸私印多用之或金或玉水土
剝蝕之餘間有存者率皆古意磅礴盡六文八
體之變而不失乎其初迨世遠趨靡古篆寢失
而當世之存焉者蓋少辨之者亦少嗜之者抑
又少矣家弟青來淹博古今寄情山水善詩畫
尤工篆刻於楊志王厚之顏叔夏姜夔吾衍趙
孟頫諸君子之書研究精詳而且旁搜兼蓄凡

玉山文鈔卷一

壬

秦章漢印以及宋元以來玉石瓷窑塚磚宮瓦
竹根匏蒂之屬有一字一筆可考証者靡不重
趼購求期於必得而後已乙卯夏晤余於邗上
出銅章印譜示余其體度渾噩章法古勁無一
畫為近今所有余不勝驚歎謂此為未絕之廣
陵散也夫滄桑易變物理大抵如斯况篆書更
歷數千年以迄於今而能辨其真偽得心應手
如有鐵兵拂拂出十指間俾嗜古之士尋其篆
文布置之精妙與刀法運用之神奇以仰見前

人之氣象非偶然也其殆精光不可掩而偏與嗜古者遇以成其志與余歆於所見而更服青來之能與古為徒爰書數言於是編云

明六書源流詳印章譜系故言之親切有味

非同泛作諛語 倪近顏

義贈會序

先儒有言士苟存心利物於人必有所濟余嘗三復斯語自居鄉之官罔不奉為著蔡惟時愧力之有弗逮也歲乙丑余居憂歸里見同人有義贈會者各捐金錢少許於歲之除夕散給貧戶不令知覺噫嘻此盛德事也余祖先大夫常行之今復見此義舉吾鄉風俗人心之厚可知矣夫部屋霜風逼臨歲底無門可貸相對淒然忽來意外之投宛似雪中之炭急備米薪聊以卒歲贈雖不多感實匪淺昔班彪之言曰餓饉流隸飢寒道路思有短褐之襲擔石之蓄所願不過一金終於轉死溝壑嗟乎誠使富者曉此何難少解囊餘以活其困特以心未存耳心一存而所濟者衆矣遽大夫恥獨為君子爰弁言以為諸君勸

歸重到存心二字鞭辟著裏方不是浮慕為善之意文最簡潔謹嚴 夏醴谷

書題贈問漁公詩卷後

右詩一卷海內名流贈先高祖問漁公之作先曾王父酒聖公收輯所僅存以示子孫者也伯兄眷來先生錄自大父所余童時猶見曾祖手鈔原本後不知遺失何處三十年来宦遊四方家中藏書未及檢閱而先世手澤時耿耿於心癸酉春余由蒲丞奉

命守鳳陽過家檢舊篋伯兄所錄者幸存因捧至署時一展讀仰見高寄滄浪非魚非我深得

玉山文鈔卷一

書

南華妙諦余今雖官濠濮間而風塵鹿鹿曾不得少游息以領其趣雅俗殊途對茲編也益滋愧赧且懼一綫僅存脫復殘缺實余小子之責爰更沐手敬錄計序一首詩歌三十二首跋一首並詳始末以志無忘先澤云乾隆二十四年仲春望後四日元孫樟謹識於袁浦舟次時以計薦北上也

不忘先澤是本原文字借濠濮映拂短篇具

有波瀾 周夢園

先王父 贈奉政大夫美章公行略 許集填諱

先王父姓項氏諱端彥字美章少負氣節喜施濟博文史兼工書法年二十餘值流寇之亂自歛遷淮卜築廟子灣之三灶里與同鄉黃公比隣而居後塤其所撫戴氏女即先王母太宜人也先是黃公家頗裕見王父初創業德器非凡一切樂培植之後十餘年黃公夫婦相繼歿家亦中落遺兩孤皆弱齡煢煢不能自存王父為之經紀其喪携孤歸扶持成立擇婚配與先夫

玉山文鈔卷一

書

人昆弟無以異戴太宜人女弟適項氏蚤逝遺一女亦為之撫養及笄具鏡奩適士族鄉人見先王父之古誼遂相語黃公知人能庇其後云康熙三十五年淮陰大水廟灣逼近海口灶地尤窪下一時穀麥踊貴閭黨中惶駭不得食王父傾家貲盡糴富家之穀分設粥廠於道凡五六十日水退始止全活甚眾鄉族婚喪大事有力不能舉者必助成之每歲終密訪不能具炊者以錢百十許裹以絮於小除夜暗投之不令

其知即今兒輩偕俞聖儀顧觀旂諸文學所設
義贈會猶先王父志也與人處言笑不苟無長
幼胥教以禮偶遇意氣爭競者出一語無不立
解同時有某氏者聞人告以不平每激成訟端
時里中有某家擾項家了之謠治家尤謹嚴先
伯父與先大人循循詩禮出入必告雖垂白如
童穉時年六十後置家事不問惟願養天和日
與鄉老講孝弟敦本之務暇則詩酒消遣或作
草行書歲時伏臘必具酒食延徽族之遷於廟

玉山文鈔卷一

主

灣者懸始祖像堂上宣示家訓委曲告誡期於
敦善而去不善蓋數十年如一日後宗老及見
吾王父者猶口述梗概不倦也太宜人性慈和
年十五即長齋戒殺生助王父行善事黽勉不
遺餘力常語先大人曰恣口腹而戕物命則與
天地生生之機隔矣汝輩豈必持齋但見殺勿
食是即好生之心耳又曰敦善行者其後必昌
兒曹謹記之先大人晚受命爰製聯於堂云遵
祖訓戒烹生物貽孫謀多積陰功以誌無忘大

宜人與王父皆年歷八旬以考終先卜地於城
北山羊庄屆期發剝為地主所阻星者言後時
不可葬乃改遷湖南之沙岡得吉壤而他姓之
葬於山羊者多不祥嗚乎豈人之所能為與生
子二長伯父瑞九公次鳴虞即先大人女一適
黃湖南沙岡地本黃氏舊業戴太宜人曾謂姑
母曰吾見汝家某地甚洽吾意死則我欲葬焉
事果驗乾隆十六年

覃恩以樟秩

玉山文鈔卷一

主

馳贈先王父奉政大夫
贈先王母宜人次年樟奉
特旨補授鳳陽府知府道經淮右得以焚黃墓
所嗚呼先王父母嘉言善行與夫周恤鄉黨親
串事跡甚夥樟生也晚不及備悉謹就平日之
得聞於先大夫者敬述一二不敢畧亦不敢誣
也乾隆癸酉仲春孫男樟謹述
是歐陽氏學太史公文字序述家常不加塗
飾其一段本色霞遠過他人鏤金錯采之作

多矣
唐春山

玉山文鈔卷一

天

先母周宜人行畧

吾母周宜人先世居歛外王父五飛公遷射陽
與先王父友善遂締姻好吾母性貞靜終身無
疾言遽色佐先大夫事王父母先意承志事事
得歡心王父嗜食蟹而晚年戒殺生殆如東坡
所云不能不食自死之物者吾母體其意每歲
八月後則蓄蟹於鄰家俾鄰翁熟而饋之或延
王父往食平時委曲養志類如此先大夫中年
治生於外吾母理家政不孝兄弟衣履皆出自

玉山文鈔卷一

无

吾母手中母自奉儉素接娣如謙以和御下則
嚴而有恩親舊至無長幼疏戚供饌豐腆皆如
宿具故内外罔不稱賢生不孝兄弟四人長承
祐次承禧三承祺即不孝樟四承祐女一人祐
生而穎異讀書能文不幸早夭吾母痛之嘗中
宵哭泣自後勗樟兄弟期望雖殷而勤恤倍摯
卒以傷於哀病失血呻吟牀席猶好聞嘉言懿
行樟每侍湯藥時命誦古人格言於榻前以為
聞此則體若稍安者既彌留執樟手謂先大夫

曰此子孝他年福必厚其善教之樟今日得由進士歷官郡守皆先大夫之教亦皆吾母之教也往年樟備官蜀中先大夫尚康強得安享一日之養而吾母已不及見矣回思少時隨諸兄弟承顏視膳洩融融雖藜藿蕭然此境邈不可得每一念至輒不禁拊心而泣血也母生於康熙十年二月二日卒於康熙五十八年六月十五日享年四十有九乾隆十七年以

覃恩誥贈宜人先大夫生平行誼劉東溟進士

玉山文鈔卷一

三

既論次為家傳而吾母闕焉故追思懿範泣陳大略謹附先大夫傳後以垂不朽

教孝之文故言皆質實堪與隴崗阡表並傳

吳山夫

所誌不過一二事而太夫人之懿行已足千

古矣方雨三

伯兄眷來先生傳

伯兄諱承祐字眷來別字水湄先世歙人大父美章公遷淮之廟灣即今新設阜寧縣治也兄秉姿穎異童年就外傳數月塾師驚謂先大夫曰此子非某所能教請易師既讀書於家之東樓顏曰醉書以時就正吳適駿陳英山諸先輩期年下筆為文如宿學好整潔所誦經史子集及諸名家制藝皆繕寫裝訂成帙雖披吟達晝夜如未觸手尤篤於孝友視寢膳婉容愉色流

玉山文鈔卷一

三

露不自知先大夫或他事遇拂逆顧兄無不開解者余性魯六歲就蒙師尚未知學兄舉古今績學士勗之期望甚切與人交熙熙樂易族叔慎亭旋廣陵兄作贈行詩十首士林傳誦之族中有構訟經年者兄致書鄉賢耐菴公以一紙釋之藹如之言多感人如此初就試淮陰驟得咯血證未及試而返先大夫戒以節勞兄惟燈夜誦如常病滋劇遂以不起疾草時先大夫先恭人環向而泣兄瞿然曰兒不孝不能終事兩

大人願勿悲重兒罪與兄弟親串訣曰修短數也何為作兒女態嗚呼非篤於大義深知死生之故能若是與兄生於康熙甲戌年五月十三日歿於康熙甲午年十月初二日年僅二十一所著有醉書樓稿及湖上贈荅詩歿後五六年余始能發篋讀兄所貯書倖叨一第嗚呼向使伯兄及今尚存其文章事業卓卓可紀當必百倍於余余且得伯兄提携教育益必勉強學問以希有成今雖稍稍樹立不負兄童年期望之心而已不及見矣悲夫兄未娶以余季子八龍嗣八龍亦弱冠能文章其勤學善病與兄同甫補博士弟子第一即歿於旅次聘朱氏過門守貞以余長子兆龍子彭齡嗣

叙事簡而直運筆悽而惋友愛之誠藹然如

見 胡星源

揭其一二遺行笑貌如親固是寫生妙手然字裏行間隱隱具有血痕在 朱象山

玉山文鈔卷一

三

玉山文鈔卷一

玉山文鈔卷一

三

男兆龍成龍騰龍校字

孫男大齡椿齡安齡保齡長齡壽齡全校

玉山文鈔卷二

射陽 項樟 芝庭

大竹縣文昌閣記

竹陽多名山古蹟然皆深谷危巖往往窮日力而不能至即偶一至而亦不可以久留夫古人之遊必有以寓吾意焉固非徒攬山水之勝而已文昌閣聳峙山巔環俯諸峰得於城南百步之近位則離也文明之象於是乎在余忝宰茲邑乃與紳士亟新之而廣其址舊翳既芟杞梓

玉山文鈔卷二

一

斯兌構奎星樓於閣之後而建亭於前三閱月而落成層閣達窗軒然高敞前玉頂而後雲霧左鳳皇而右高峰仰眺穹霄晴光一碧俯瞰城郭煙火千家遠邇回環如翕如抱吾聞之也仁者見仁智者見智非有期於山水而所樂存焉抑又何也余自惟薄植不足以標舉風聲諸生時時執經請業余滋愧愧而不敢自謝也公事之暇輒登是閣與諸生講學其間瞻峻嶺之蒼翠臨清澗之淵渟風動春朝月明秋夜其所以

濬性靈而增文藻者豈有既乎比逾年余調萬州惜未能竟吾志然力學者士之事育材者宰之任後之君子補吾之不逮益脩文教而躬行以先之庶斯閣之新為不徒爾也

入手高潔中間借景攄寫逼近士衡文賦結

霧復與首段相應極見紀律 周蓼圃

此種題易腐易膚文之幽潔峭倩直逼柳州

丁密洲

玉山文鈔卷二

二

東流橋碑記

去竹陽城北十里許有橋馬上通省會下達兩湖凡冠蓋往來及較擊肩摩之衆胥於是賴其曰東流者蓋源出獅子山奔騰澎湃怒走石峽之間直洩渠江流迅而駛不可以舟竹人因建橋其上而遂以名之也橋之築不知何年歷久漸圯石址缺齧輓動搖行者病之余治竹之明年廢者興墜者舉將漸次就理顧橋梁不治濡軌徒涉責何以道爰率先倡捐邑之士民咸

玉山文鈔卷二

三

翕然響應洽材鑿石具畚鍤集徒役逾月而成計寬若干丈長若干丈費金若干兩嶄然在望橋用堅實是橋居邑之上游兩山環抱千澗奔流雉堞列於前岡巒繞其後當夫日出烟霏遊人學士停驂顧盼其足以壯形勝而資遊覽者又不第便行旅之往來而已也春秋傳曰九月除道十月成梁戒及時也是橋也成於秋冬之間力齊而事易舉不以惠民者擾民余深有幸焉明年調萬邑竹人建碑於橋側請余記之時

行李在塗適經橋上濡筆以記初不計辭之工拙也

不事鋪張就景著筆可與蔡忠襄萬安橋記

媲美 貢文閣

玉山文鈔卷二

四

槐蔭堂記

成都為蜀中首邑楊子雲故居也舊有子雲亭亭之北古槐一株大八圍枝葉蓊茂每當夏日陰陰如覆蓋鮑君禹門令成都之五年就新其堂顏曰槐蔭蓋將為退公休暇之地與余悉君生平而知君意之不盡於此也君敏於吏治事至輒迎刃而解精能廉幹之才為監司所委重以宦遊至蜀者知與不知咸慕訪焉君必為道其風土人情與時政之損益緩急較若視掌而列眉性坦直不設城府質以所疑片言即決以故賓僚之往來咨訪無虛日余固知是堂之不得為君獨也古之君子推己之有餘以濟人之不足惟遇合不可期故所施有遠近而其足以庇蔭乎斯人則一也詩不云乎君子所依小人所腓若念不及民而僅作身家之計則是曾槐蔭之不若也南屏吳子以博雅知名久參君幕余之來也故舊傾懷論議往往移晷未嘗不得意以去用是知吳子與君果能相與以有成而

益歎是堂之不得為君獨也吾聞之文學止於

潤身政事可以及物躋斯堂也左圖右書一簾

一詠以視夫談經問字者倘有同心乎則又斯

堂之餘事爾矣乾隆七年夏六月

文筆於斐媿曲折中饒有廉悍之氣合六一

半山而果入其阻者黃為鏞

始至永樂署記

辛未之春余由黃岡遷官蒲州歷豫冀四千里而至太原又千里至蒲州丞署在州之東南永樂鎮土壁峭立取徑幽邃往往晝晦偃仄窳不能旋馬又輿折百二十里而始至其地多山民俗樸儉無所仰於四方市鮮百貨田不宜稻無魚蝦蟹蛤之利署據平岡僅二十楹土垣瓦覆不施丹雘丞貳於守職易稱而常閒吏役稀少偶至輒散去時屆涼秋風高木脫雖居公廨如

玉山文鈔卷二

七

在蕭疎村落之間噫嘻余嘗兩仕蜀一仕楚矣均當水陸之衝冠蓋絡繹民好鬪健訟日望廳事夜省文書竭蹶心力常若不及一遇大府經臨飭供億肅奉迎陸走蠶叢水泛江漢徵逐於鞍馬波濤之中徃徃觸急風暴雨傾危百出以驚心而動魄其勞且險也如此今則忝危就安但望鎮無餘事因得縱其耳目以窮異觀東望中條西窺太華南俯黃河千里一曲北枕玉簪城嶺迤邐而西為歷山首陽山其高風勁節曠

狀動懷古之思若夫煙歛晴暉羣峯競秀暮林秋月倒影波光莫不爭效左右出奇無窮追思曩時風塵奔走雖有瞿塘三峽之奇亦僻竹樓之勝而心為事役視若無覩豈能如今日之閒適也哉夫綰組綬者乏登臨之趣樂林泉者謝仕宦之榮是二者不得兼也而今則兼之况乎茶筍蔬果之屬時給於供釀柿為酒絕佳取值廉傾壺偶酌心適味甜萬象洞如樂不可極昔歐陽公在夷陵謂凡為吏者莫不始至而不樂

玉山文鈔卷二

八

既至而後喜也余於斯地亦云或曰河東俗強勁往年以抗官釀大獄泣斯土者未易蔑視也余曰不狀事變之起拋激有由况百里風氣不同安可概吾民方今時和年豐盜賊屏息余惟奉

朝廷德意與父老子弟講讓型仁以激發其天良而秀者萃之於學澤以詩書數年之間優游涵煦庶幾風希讓畔治歧文明余於斯時其樂益進因志之用告後之君子按山川而考風俗

以共樂其休美焉

層瀾往復卓犖紆餘未更顯出實在經濟山

川景物特寄情耳 黃望濱

天昇滕境供高賢唳嘯豐樂醉翁不得專美

於前矣 馬力本

格律似永琳制草序至滌紆澹爽灑氣盪旋

則眉山真面目也 吳稻孫

古柏記

永樂宮在蒲州之東南百餘里古柏數十株有大谷華林之勝考宮建於元明初張襄憲詩有老柏知何代之句或曰唐純陽子學道於此後仙去古柏及連理銀杏皆其手植雖不可得詳大要近千年物也余於辛未官茲土則古柏之遭殘伐者已閱幾歲矣其僅存者中殿左右凡五株前殿四株大者可三十圍小亦不減三四圍夾道十餘株又次之拂天流雲鬱然蒼翠

因思前日斧斤未加脩榦森立倚條山之嵯峨臨玉溪之清流來擷實之仙踪引迴翔之鸞鶴其勝槩當更何如也夫物久則人利之為其材堅而可用也斯柏之老其材也久矣綿綿延延以迄於今利之者數年以前翦伐逾半其僅存者余得保護而愛惜之豈柏之遭逢亦有幸有不幸如芸生庶類之苑枯榮悴固有不可得而齊者與詩有之如松柏之茂無不爾或承吾夫子所以歎其後彫也曲阜之柏二十四株千有

餘年而見戕於宋曾不得比於召伯之棠而何必惓惓於此獨是數年前恣爾斧斤不難俾無遺蘖而此數株者巋然如碩果之僅存不可謂非不幸中之幸也余與居民約毋許翦刈併刻石以記之尚冀後之君子與我同志也乾隆十六年冬十月

神味蒼涼可以追踪六一 周蘭坡

低徊百折情事無窮非此健筆不足以達其

幽思宇宙間有教文字 馬力本

玉山文鈔卷二

十一

武侯廟柏以杜詩傳永樂宮柏亦得此文而

傳非特免戕賊也吾為古柏厚幸 黃望濱

一柏而多今昔之感重柏也重古也常惜虎

阜之柏不存桐山之柏折薪皆上無敵古愛

物之心而下失於不知耳吾願世之守令即

是作而充之則一郡一邑為古為今為物為

人賴以免於戕賊者多矣 朱象山

新遷鳳陽府學碑記

鳳陽府治向未有城

今上御極之十八年襄勤伯鄂公總制兩江始請於朝議建城於第一山之陽環官宇市廛於內獨學宮越在西關外體制弗稱二十年大中丞鄂公巡撫安徽以事至郡閱新城乃命移建學宮余與廬鳳道尤公周遭相度得爽塏於東門之內廣若干丈袤若干丈計地十畝有奇可建學謀之紳士僉曰善卜之吉乃白鄂公公奏

玉山文鈔卷二

十二

請奉

俞旨明年大中丞高公為請帑銀尅期興工先建大成殿兩廡戟門次及崇聖名宦鄉賢孝義土地諸祠次及明倫堂師生廨舍鑿泮池甃以甃建橋其上樹櫺星門於外繚以周垣凡制所應有罔不畢具經始於二十一年八月以明年四月竣材之取於舊學者十之七而增易其三費之出於公帑者一千六百而佐以城工節省銀一千七百有奇尤公後繼以寶公董其成鳳

陽縣知縣鄭時慶典史繆大顯監工作而余與
教授馬雲左右其間宏敞之規與新城相稱矣
鳳郡古用武地雖以

本朝教澤涵濡百有餘年而文風尚未振壽臺
之屬多悍懷定之屬多詐宿靈虹之屬積歎而
疲鳳陽首邑民風較淳而詩書之氣亦鮮今學
宮煥然一新遊其中者庶幾爭自濯磨丕變舊
習以承

聖天子之教蔚然增一郡之光將見霽則績學

玉山文鈔卷二

三

躬行出則分猷宣力而不徒以文藝名此官斯
土者之所為惓惓相待也并書之以為記

叙事簡而該立論愷以切突過慈谿諸學記

周蘭坡

鳳陽府學泮池靈泉記

二十二年春移建郡學於城東門度地至泮池
面勢方廣既定計無所引水與南溪鄭君躊躇
奮揭之間咸謂非深濬不可乃工甫興有泉涌
出流迅而清湏臾滿地無冬無夏不盈不竭若
天造地設此數弓地之合為泮池者噫異矣聖
人之道大而有本子與氏繹孔子稱水之旨至
不舍晝夜漸進至海而推本於原泉又曰觀水
有術必觀其瀾蓋非淵泉無以裕時出之機而

玉山文鈔卷二

十四

立天下之大本者微聖賢其誰歸故凡府州縣
衛學宮設立泮池渟泓演迤皆所以示學者讀
書力學之道而非徒盛芹藻美觀遊已也顧聖
賢靈秀所感天必應以醴泉如鄒魯孔孟諸廟
俱有泉列殿宇前汨汨滴瀝歷千百年不涸余
嘗謁廟徘徊其下者久之今學宮去淮濠二十
里許而郡城又無他渠可借引及泮池之濬自
然得泉人事興於上地脉通於下謂非詩書靈
異之源於斯大啓而此都人士將有資深逢原

漸進於大成者乎故余喜而為文以記其事

鏡花水月愈顯愈微含毫邈然令人尋玩靡

盡 泰序堂

重脩鳳陽府城隍廟碑記

鳳陽於前明雖稱中都而城郭未備

今上御極之二十年始築郡城於第一山之陽

城隍廟在西關外一里許宜與城俱新余捐俸

為士民先飭材鳩工四閱月落成規制崇闕巖

巖奕奕凡費朱提一千五百餘兩記曰合鬼與

神教之至也此郡田多瘠土戶鮮蓋藏余來守

六年矣水旱蟲蝗殆無曠歲重之以河決因之

以災沴殫心撫字如疾痛在躬幸吾民不致流

離害氣漸平獄盜衰息是豈人力所能為蓋仰

荷明神之惠愛斯民驅厲禦災而錫之福也爰

於工竣之日紀其緣起垂示方來庶幾吏法民

淳以荅神庥於勿替云

道勁堅老絕肖曾南豐骨力 周蘭坡

子惠之心溢於言外 許陶村

先成民而致力於神立言得體老潔無雙 黃

望瀆

鳳臺縣挑濬黑濠濕泥齋溝三河碑記

今上十有八年余奉

命守鳳是秋黃水為災接年水滂宿靈虹為宸鳳臺等屬次之歲費賑帑五六十萬及百萬不止而流離之狀依狀不免余因尋源竟委急探被滂之由上白大府待報未遑恭逢

翠華南幸駐蹕彭城謹率士民迎謝荷蒙

召見垂詢災賑及被水源流一一奏對

霽容聽納翼日

玉山文鈔卷二

七

命大臣往堵毛城俾黃水之來源頓絕又

厯念下游河道全淤亟

命戶部侍郎裘公曰脩安徽巡撫高公晉躬親

相度宿靈虹境內應濬諸河剋日興工因並通

行他邑苟利於民皆可乘時興役以推廣

皇仁而鳳臺令鄭君基即以縣治黑濠濕泥齋

溝三河請查三河來源西由穎之蒙城迤運而

東入淮環繞縣境王家廟等二十餘保年久淤

塞一經水發泛濫四溢田廬多沉釜底歷歲被

災職此之故爰令測量原委繪圖貼說亟請附章上達遂得與淮北諸工同蒙

俞允及時估挑黑濠計長一萬三千八百五十七丈濕泥三萬一千四百三十二丈齋溝五千三百二十七丈以乾隆二十二年冬十一月起工至次年春二月告竣用帑一萬二千五百有奇又鼓舞民力開陳橋等溝渠五十餘道引水盡入三河復慮淮水倒漾築魯村大山二堤於北岸以遏之於是遠近田功犁然並舉而水滂

玉山文鈔卷二

六

之患可除矣余維興利除弊全在賢有司留心講求於平日而一旦舉行又須得其要領則事易成而民不擾如從前濬濬濬濬暨三河疏鑿情形卷案如疊或以道迂而難行或以費煩而中止上下文移遷延歲月幾視民生利賴之原如道謀築室終無成時今余也傳檄詢之鄭君據袂陳之諸大吏飛章疏之帑僅踰萬而動合機宜功成不日嗚呼非講求有素而又握要以赴功與興工之始余以睢河大役兼替民夫二

十餘萬皇皇日昃未及一至其地親與商確其同襄斯役調度濬築者則六安州刺史邵君大業試用令鍾君旭也越明年鄭君調曲陽鍾君補臺邑同以三河碑記來請余樂記其始終以告後之君子使知苟心乎民而利乃一方事固有旋至立效如此者爰亟書予之俾鐫諸石興利除害揔在能斷然必須學識明練方可適用讀公此作可以識為政之體

邱天峰

敘事得體文更古茂醇樸

楊五峯

玉山文鈔卷二

九

重興淮南書院碑記

國家重熙累洽詩書禮樂之化蒸蒸然薄海內外罔不率俾既萃博士弟子於庠序學校又特命直省設立書院如大江南北鍾山紫陽故敷安定諸處皆蒙

御書扁額厚其餼糧竒材異等往往連踵接跡廣儲棟梁之用為邦家光良以朝斯夕斯師友之摩切而薰陶者其地為尤近而其成為尤速也鳳陽志載闔屬之書院十在郡城者三一府

玉山文鈔卷二

十

治東南隅一大察院東一獨山側然皆荒廢不可考惟府署東南舊屋一所係前觀察尤公借壽春方明經登瀛之寓房聚生徒其中名之曰淮南書院僅樓屋數楹無旁室無齋舍無泡湍之所且所置學田數十畝歲收籽粒不及百金不足以供山長之脩脯而諸生之膏火無論已余來守是邦一見即欲興之會水旱蟲蝗加以河工大役僕僕連年頽莫之遂丁丑春水利既興年穀順成乃諏日廣廨舍三十餘間後樓廡

其簷講堂洞其戶大門易其向丹之獲之閱月
乃成計捐捧二百四十兩有奇又念師生費用
無所出憶宰黃時曾請於太守合同官公捐郡
城書院膏火歲以為常遂援例書致各牧令僉
曰可余與壽宿鳳定四州縣各捐五十兩懷靈
二縣各四十兩虹臺二縣各三十二兩泗鳳長
三衛各三十兩並陸生載華文餘地畝及舊存
學田歲收籽粒約二百餘兩額定內課生童四
十人膏火月一兩山長歲脩二百餘兩監院三
十餘兩已郊之冬延許太史陶村同年為山長
於是諸生濟濟請業請益而規模粗就矣先是
定遠有冶溪書院壽州有正陽書院皆歲久廢
弛余問俗所至鼓舞其鄉人聿興之而延江都
秦君覺懷遠方君簡兩太史為之長鳳邑不及
二地之饒富不得不捐自官橐諸生入是院者
其各體守令樂育人材之意爭自濯磨儲為大
器以仰副

聖天子側席之求則淮南之名將與鍾山紫陽

玉山文鈔卷二

三

諸書院輝映江左而永垂不朽豈不休與後二
年監院山夫吳君謂余曰淮南書院自公興之
益勦數言以謀諸石庶後之守是邦者繼公志
於無窮也余曰諾因記之

鳳郡雖舊有書院之名而體制未備輿輟無
常士之實受其益者亦渺公始規畫盡善雖
因舊實創為之也其慤慤樂育之意感人尤
深始年餘而童子入泮者至廿八人之多亦
盛矣措固身與其事者不能殫述也讀此文

玉山文鈔卷二

三

但序事而不自矜功尤見立言有體

吳山夫

重建含桃閣記

含桃閣者宋大中祥符間梅公詢守濠時與州
倅呂公夷簡讀書觴詠之所也史載梅公欲乞
郡王文正公謂之曰吾揀一好伴讀與汝因以
呂公偕至至之日署西偏含桃造放遂建閣於
其旁而因以名之今相去六七百年矣余來守
是邦閱舊志得詳二公政事文章竊景仰之求
閣址不可得兒子兆龍兄弟度西偏地隆其基
厥其閣樹以含桃揭舊名其上落成時繁英既
放朱實離離與劉東溟進士張恒齋駱西村諸
文學觴詠彌日儼若揖讓梅呂之間而接流風
於勿替者時客有言鳳於宋為臨濠郡閣當在
今臨淮余曰不然地以人傳人不以地傳苟非
其人臺榭陂池古今來窮極侈麗而名湮沒者
何可勝道若夫右軍之蘭亭柳州之愚溪范文
正之岳陽王元之之竹樓英華蘊藉彪炳炳炳
懸人心目初何嘗拘其地而尺寸計之且不觀
東坡之赤壁乎壁本在外江公守黃時適有壁

玉山文鈔卷二

三

同名因借客憑弔三國感成二賦迄今遂專以
黃州赤壁傳蓋東夏口西武昌其勢可以約畧
得其地亦不必尺寸拘也况閣原在署中今郡
署在茲則閣亦豈待他求哉客笑曰是即君之
含桃閣也與坡公黃州之赤壁將毋同余愧未
敢當而竊幸可藉是以尚友也於是乎記
推波助瀾恰在箇中其唱歎處神似歐陽而
剪裁簡潔實從介甫得手

許陶邨

玉山文鈔卷二

四

萃華山房記

舍桃閣落成之二年度西北亢爽地畝許復治山房于茅以為簷不必瓦也編籬以為門不必木也因土垣以為壁不必磚與石而改作之營營也其制約小廣二丈深七八尺而蔣花竹東有老榆數株蒼翠蔭人旁治菊圃向北闢窗牖晴日捲簾九華之秀暉而就馬謝詩云窗中列遠岫不親歷之不知斯言之妙也曩余宰萬州補齊安治解俱臨江踞高阜望隔岬諸山嵐光翠影排列左右及守河東廳事後有樓焉公暇登臨所謂天外三峰者亦日接于目至來守鳳陽官舍平衍無樓臺之可登眺又迫于簿領不暇尋攬忽忽于今七八年而適朕得是山房不出戶庭山光交現使疇昔邱壑之胸依依如接何其快與今夫士大夫一行作吏上以宣德意下以達輿情牒訴倥偬身常勞動勞則思有以逸之偶藉山水游泳休養其精神志力益將有補于吏事匪徒娛耳目樂遊觀已也然遠水

玉山文鈔卷二

三

乾隆辛巳暮春之初記

玉山文鈔卷二

三

遙岑必待選日偕賓從蠟屐往遊不免曠廢而勢將自阻若欲于公廨內特闢亭榭輦致名材與夫禽魚花樹之類壘土為山穿穴為池則又費財擾事窮終歲之力而不能竟是二者皆無取焉今山房之費僅數十金工不浹旬而成公餘睇觀凡樹林之陰翳梵宇之熒煌罔不交集吾前不特攬九華之勝而勞吏之神志亦因是一萃焉名之曰萃華誌山也又誌余能不勞而萃山川之助也視舍桃觴詠之樂殆又過之

治事適情兩不相妨而更交相為助於此見公之政事文章所以兼造其極也至於懷古情深煙波無際筆墨之外別有會心

鄭南溪

重修滌溪文會館小記

余癸丑成進士明年旋里門展祠墓與伯姊兄弟歡聚一堂既而會文於滌溪會館館對文筆峰高明亢爽曠如翠如蓋即昔之繼園諸同志雅集靈鄉賢耐菴公葺而新之以供吟誦者也又二十餘年館漸傾圮百原昆季倡率宗人輸金重修經始丙子仲春落成於是年季秋將勒碑紀事郵書於余余惟滌溪之名題自徽國文公公本心得為文章源遠流長體醇而肆吾宗

玉山文鈔卷二

五

有志之士苟朝肄夕貫務積原本之學而不以斷港絕潢破碎文體則左右之逢於滌溪亦何異焉獨余荒於簿書久矣他時歸未識復能與吾宗角藝斯館上溯先人堂構之志否也乾隆己卯孟冬記

將勉學意與滌溪夾寫深得朱子月到天心
風來水面之趣 許陶村

遊禪窟寺記

余過曲陽邑人盛稱城西北禪窟寺山水幽邃林木蒼鬱余心艷之然勞於公事雖屢經其旁不暇遊也後七年己卯之冬自皖江回紅葉滿山三峰秀削望之神王因取徑行三十里至寺門左峙一峰如獅子狀猗猗赫赫逼人其右怪石嶙峋烟雲萬縷崔嵬雄踞其上者象王嶺也由象王嶺南望則白蟒山下黃牛谷在焉谷深邃衆流交匯翠嶂彎環如房中有石佛像依稀

玉山文鈔卷二

天

高枕而臥作禪寂之狀又南列桶極山大憩嶺小憩嶺重重盪互若重關之備暴客者然山中
有古洞二一在殿之後陰崖峭厲乳竇下垂即神僧義空伏虎處一在寺之左一碧澄泓涵空
美影泉眼迸出產石鱗光潔如玉蘇長公所謂
玉鱗泉是也公碑刻尚存字跡湯沸不可識前
中牟徐令建亭於此名曰貯嵐今圯又有仙人
橋駕衆峰之間怪石綿亘如梁俯視沉潭邃壑
不知幾千萬丈過者烟雲裊裊直似神仙中人

攷寺昉於漢宣帝時名桃花寺今西峰頂上遺址尚存後更為虎窟又更為蟬窟至宋始名禪窟寺迄今歷千七百年奇景怪狀指不勝屈余迫薄塵留信宿而返不暇徧歷向山僧索歷來題詠詩記則唐宋元明縑素之流不下數百家凡足力所未至者因得臥遊焉爰摺撫其大略而筆之以志余之遭云

酷似郢道元水經注筆意柳子厚諸小記不能專美於前

方兩三

五山文鈔卷二

三九

書張烈婦誌後

風廬道寶公女

自古節烈之行揚徽彤管史冊多有然當慷慨自裁類激切不暇他顧若親視含殮謝別所生而為之父母者亦能割愛以成其志於是從容畢命如張烈婦者則史冊所罕聞而人情之所難能也余讀觀察公所書後誌烈婦在閨中能嘿識庭訓通曉大義嫁未久夫病卒無子烈婦將殉節以告觀察公公不止之遽忍淚回夫人往視亦不深阻且語公成之而烈婦二三日間

五山文鈔卷二

三

從容視殮於所天身後事毫髮無憾然後引義自裁嗚呼臨大節決大疑朋友師生或能引義激發贊成完節獨至骨肉死生悲愴決絕有義不昧恩依依難割者而觀察公夫婦能捐骨肉之愛俾從容就義以全大節益深知其節烈本於天性平日又嫻於父母之教勢必出於死故抑情就義以遂其志也余既為詩以歌烈婦更有感觀察與夫人之識能人之所不能故復書此語曰稱人之善者必原其父兄師友不忘本

也嗚呼其亦烈婦之志與

原烈婦之心並原烈婦父母之心奇事快文
讀之令人起舞鄭南溪

慷慨激昂氣薄雲霄如讀張中丞傳後叙戴經在

紀陳孝婦事

孝婦姓林氏吾里之北鄉人歸陳爾球三年陳
患病醫治不效謂婦曰吾旦暮不起若老母何
婦曰若不能終養天也有妾在請忍死以代子
職君無恨焉陳歿時母已六十餘家素貧遺薄
田又歲祲不收饗殮無所出婦負薪城市易米
以進日為常乾隆七八等年阜邑大水城北最
窪下積深丈餘往來無人跡婦紆道東門由水
中行十餘里與波上下瀕死者數卒市餅餌而

回姑病親背負至城中就醫藥調治盡力及歿
殯葬如禮蓋姑之待養者凡十六年而婦未嘗
一日缺於供也性廉毅不妄取余四兒婦朱氏
女貞守至鳳強婦同來居二年禮佛茹素泊如
也旋里之日遣微貲供饘粥故故不受且曰吾
素貧困自食其力久矣受若金懼無以報嗚呼
敦孝養慎取與此烈丈夫之所難而今顧得之
巾幗與同里有錢氏妯娌者俱無子息孀居緝
麻以養老姑與林之孝行絕相似他時廉得其

詳當為合傳以俟採風者錄焉

顯微闡幽此有關風化之文非特為一老女子寫生也 張冠村

張仁菴壽序

丙子冬姊丈張君仁菴訪余於濠梁官舍至之日適值余誕辰追叙生平陶朕共醉留月餘歲暮將歸謂余曰明年二月三十日余六十矣承諸賓戚各惠詩歌君知我悉更乞一言序之余憶曩者君五十壽時余適自蜀入

覲請假南旋與同學胡星源劉東溟胡東園沈圖南輩預期分牋裝潢成軸又誕日而余適以事往廣陵不得與稱觴今君週花甲諸子歌詩晉祝與曩者略同而余方有襄事南巡舟楫之役淮揚一帶皆

御舸所經歷又適際二月之時或能乘便詣君介壽與諸同學接席歡呼樂且奚似乃又以災地籌餼制撫交留竟不獲往則明年壽觴之不能與又可知也回思二三十年前余為諸生館君家朝斯夕斯不特歲時伏臘燕會必偕而尋常花前月下飯一盂蔬一盤情話消憂招之立至今年各老大稱觴祝嘏之期反有不能必至

者能無今昔之感與顧君性坦率無城府諸甥
松友輩蒸蒸力學進而不已飛黃騰踏宅相之
言拭目俟之君之食福將無涯而壽亦且無窮
期也莊生日緣督以為經可以全身可以長生
又曰寓物而不凝滯於物君之渾樸庶幾近之
今歸道經臨淮上莊生之臺登南華之樓觀魚
濠上得其自然之趣則養生之道當必益進而
余之壽君者正不第花甲一週也於其行遂預
書以為之壽

玉山文鈔卷二

三

低回徃復感舊懷人不知文生於情抑情生
於文豈有一壽序套語

唐春山

祭伯原弟文

乾隆二十年仲冬十有三日夜余與伯兄書田
先生杯酒話舊於郡署西齋語方竟而伯兄疾
作未明而逝詩有之樂酒今夕無幾相見不身
歷之不知斯語之悲也乃含歛之明日又接吾
弟柏園之訃時新喪不暇分哀迫歲暮又卒卒
無須臾間越明年丙子春乃得伸紙為文遙奠
而哭之曰吾宗多碩德隱君子聚於徽客於揚
邀遊於荆鄂余獨僻處淮東往往以不能相與

三山文鈔卷二

三

居遊為悵歲癸丑幸通籍成進士隨先大夫歸
展祠墓過揚主茂南先生因得晤在揚諸伯舛
昆弟至徽則主君家時君兄弟俱翩翩年少也
風神綽約氣體溫文事北堂以孝御家人以慈
交朋儕以信舉凡尊祖敬宗敦倫睦族之誼無
不以身仔其事性喜屬文詩畫尤擅美里中如
蓮巖叢林文筆壺山諸勝與余觴詠其間興到
成篇翛然自遠暨余歸君又聯舟南下泛三浙
過錢塘仰釣臺之清風溯姑蘇之明月酒酣嘯

詠邈與世殊及握別臨歧則又慷慨期許吾人
建立事業使有成緒大約二十年後便當謀山
水之樂與箕頴為徒當是時磊磊軒天地落落
超古今言畢揮手飄然竟去嗟乎吾弟固謂吾
輩俱少年相見有日無俟依依一別也嗣余作
宰西川過漢上與孟博先生遇因問起居及補
齊安擢蒲坂紅魚碧雁之通亦歲無虛時壬申
余奉

命守中都甫四月而君弟靜弓以韶州別駕因

三山文鈔卷二

三

公過郡追叙疇昔意境宛然因歎君兄弟一侍
萱庭一勞

王事孝養祿養之義均為無忝是年秋又晤東
穎姪於金陵翠竹碧梧亭亭淨植益徵君之庭
訓而厚德食報將未有艾嗚呼孰謂吾弟而竟
與世長辭耶先是甲戌冬茂南先生歿於揚去
年重午節孟博先生歿於里兩兄皆吾宗碩德
君子一旦相繼而去余悄然悲之然猶恃吾弟
在宗族敦睦之事尚有主者去秋接來書捐脩

祠堂鳩工庀材囑余共成之時余隨撫軍奔走
災區匆匆裁荅亦謂可次第徐商而乃溘然長
逝以上從諸兄嗚呼豈歲在辰巳適當君子之
厄與抑所謂賢而蓄道德能文章者不獨人間
難得即天上亦不多有如玉樓賦蓉城主信有
之乎顧可為君幸者君之弟遠宦嶺南八千里
外於半載前請急歸里侍太夫人左右並得視
吾弟彌留使俯仰無遺恨嗚呼亦君孝弟之所
致也獨余上下數十年來宗族老成心焉數之

三山文鈔卷二

三

一年未竟雲散風馳而吾弟之喪尤與伯兄書
田先生之喪相先後回憶半年江浙之遊一夕
杯酒之話所謂樂酒今夕無幾相見者讀頴弁
之詩感深而繼之以泣矣奈之何哉奈之何哉
昔人評祭十二郎文云有泣有踊有絮語有
放聲長號此文之真摯亦兼此數者邵厚菴
叙其生平叙其行事意長語重反覆無窮一
時情至之作倪近頴

男兆龍成龍騰龍校字

孫男大齡椿齡安齡保齡長齡壽齡全枝

玉山文鈔卷二

玉山文鈔卷二

三

玉山文鈔卷三

射陽 項樟 芝庭

上高大中丞鳳郡被水情形稟啟

鳳郡所屬壽宿鳳定懷臺虹靈并新歸鳳邑之
 臨淮共九州縣又鳳陽長淮泗州三衛幅頓遠
 濶土多瘠薄惟定遠壽州地勢稍高尚稱產稻
 沃壤懷遠次之鳳臺割壽州之北鄉為縣地即
 低薄鳳陽臨淮西南一帶田尚產稻東北即多
 低窪湖地宿靈虹地勢本低田土瘠薄產稻者
 十無一二僅堪種植麥豆且居河南永城之下
 游加以下江蕭銅衆水所歸若黃河盛漲則又
 有天然閘毛城鋪黃水漫溢而至俱藉一線睢
 河由宿而靈而虹以達泗州入洪澤湖近因黃
 水淤澱河身而靈邑之孟山陵子等五湖向名
 水櫃尚可容注近亦淤平故一遇久雨或上游
 水發或洪澤水漲宣洩不及宿靈虹東北諸鄉
 盡成巨浸又自壽臺懷鳳臨及靈璧之南境濱
 臨淮河其傍河灣地有上中下之分每年淮水

必發按其大小則被淹之地亦分多寡幸遇水小之年如此等灣地與宿靈虹極窪之區全有收穫則各屬受旱者多而蝗蝻又起矣三衛屯地即分隸各州縣境內情形相同此鳳郡所以蝗湧相尋災傷叠見者地勢使然也人情安則戀土窮則思逃鳳郡屢被灾侵之地戶無蓄儲耕鮮牛犂農以稀穫而不肯盡力地以寡耨而越見拋荒即使薄有所收亦必雜食藜藿庶幾幸度朝夕一遇水患則毫無所戀而輕去其鄉

玉山文鈔卷三

二

即蒙賑恤下逮或聞而始歸或每戶留一人口領賑而逃散相繼者仍復絡繹於道此亦在上所不能禁者竊計欲免逃亡先杜水患上下清濁各流如何分別壅塞疏洩之費另容續議

前叙被水之由簡淨詳明後叙被水之民流離困苦讀之惻惻動人哀深於鴻雁之詩矣

許陶村

鳳郡情形瞭如拍掌叙及水患處言言深痛

可與元道州春陵行並讀 熊虞調

上各憲府宿靈虹水勢請亟閉毛城鋪稟
啟

查宿靈虹三屬灾賑臘月已竣隨訪水勢及種麥情形俱稱冬水方消旋復陡長間種之麥仍復被淹因從宿州徐溪口上游勘至靈璧之霸王城所有睢河原寬三四十丈者今僅存二三丈原深二三丈者今僅存一二尺河旁壅沙高於平地無埂不平無溝不塞上流豫水與毛城鋪減洩黃水仍狀下注東西三百餘里陂水散

玉山文鈔卷三

三

漫寬數里及數十里不等深數寸及二三尺不等村庄田畝半在水中睢陽夾溝兩驛之間大路冲斷水勢洶湧不可堵塞冬底水泉涸竭之時情形如此桃汛瞬屆將若之何春麥既難補栽秋稼更在莫必 某身任地方不勝杞人之憂也查毛城鋪減洩黃流啟閉原有舊制河憲靳公始建減填原以宣洩黃河異漲保固徐城迨後舊制漸隳減水過多下流受害經河憲高公先堵填外支河次鑲填內碎石奏明以徐城水

誌長至七尺毛城鋪口門始准啟放至九月朔
即便堵閉著為定例歷年遵守無異乃為時未
久填外引河崩壞填內碎石無存以致衝深數
丈黃水建瓴而下直將洪溝睢河淤填平滿下
游受害無窮則今日之毛城鋪口門急宜堵閉
以拯沉溺即為保固徐城有萬不能堵之勢亦
必修理如舊按時啟放方合機宜若不問內地
之能容與否而惟以一洩為快又不依時啟閉
五月即開三冬不塞與靳高兩憲立法之初心

玉山文鈔卷三

四

相左不幾以河道而病我宿靈虹億萬生民乎
雖河淤澱已極且值春水方生猝難議濬不得
不以為後圖惟望遵循往例急堵毛城鋪俟伏
秋黃水盛漲狀後減放則三州縣被水之民或
者猶有播種之望而黃水驟洶衝刷淤沙使河
底漸深毛城鋪口門亦不致有奪河之患此事
若不仰懇主持咨商速定則宿靈虹三州縣之
民常為魚鱉矣為民請命事勢緊急伏望即賜
俯允仰禱無極

子惠之心至誠迫切展讀之下不覺欲涕
近頰

玉山文鈔卷三

五

覆兩憲府毛城鋪原委

謹查得毛城鋪在碭山縣地方東南至宿州徐
溪口一百三十里直北至黃河邊約二十餘里
其填三層中一層為石填砌成口門寬約百丈
其深不測口門內不及半里有土填一道前河
憲高公所謂築碎石以防衝深者也今碎石已
為黃水盪盡口門之寬從前原與石填相等因
衝去碎石門漸開展較石填加寬約十餘丈石
填外不及半里復有土填一道又高公所謂填

玉山文鈔卷三

六

外築填依時啟閉使黃水不致減洩過多者也
今鑲以草如清江浦草填之制其口門之寬窄
隨時可以收放現在口門尚開寬五六丈較
石填之中少窄填之兩旁為黃河大隄一則迤
邐東北一則迤邐西北如八字形黃水入填之
路現有三口其一在填之北地名富家窪即從
前原有之倒勾引河也其寬三四十丈自黃河
迤至毛城鋪長二十餘里其一在填之西北地
名蔣家營從前原係黃河衝刷成溝高公經理

毛城鋪時曾經築填堵閉所謂填外迎溜支河
七道此其一也溝長二十七八里寬六十餘丈
其一又在蔣家營之西土名榮家水口又傳為
背山店黃水冲刷成口沿隄迤邐東南會於蔣
家營之大溝寬四五丈自河邊至毛城鋪長三
十餘里水小則三溝之水各分黃流而會於毛
城鋪口門水大則一漫而入東西皆頂隄根溝
形全沒直趨毛城鋪口門譬如高屋之上而建
甕水此毛城鋪口門以外之情形也其口門以

玉山文鈔卷三

七

內亦有三溝正中者曰洪溝東南行一百三四
十里而至徐溪口入睢河其東有蔣溝今流於
洪溝而下流仍會為一其西又有溝一道不知
其名西南入永城界其下仍東轉而至徐溪口
入睢東西兩溝間時掛口積有清水洪溝獨受
毛城鋪口門之水洶湧南奔北段近口處河寬
六七十丈深亦能容水尚歸槽迤邐南則漸為沙
淤河形淺窄黃水散漫至徐溪口而水無出路
遂成巨浸此毛城鋪口門以內之情形也由毛

城鋪外東隄行百里至王家山天然開閘口現在已閉又沿隄東行三十餘里至徐州城城外黃河底日漸高而北岸石林口孫家集無隄之處原以減洩黃水盛漲聽其出岸往年築斷石林口去年又築孫家集北岸既處處堵塞僅留南岸各閘填而毛城鋪最在上流下游安得不先受其弊且填外支河三道共寬一百餘丈口門約有百丈填內亦須有百丈寬河方能容洩從前睢河之寬僅存一二十丈毛城鋪口門一

玉山文鈔卷三

八

啓內地尚俱被淹今且并此一二十丈之睢河而無之則宿靈虹北鄉安得不常為沼乎且極其流弊又不特淹地之害而人民廬舍勢將莫保即速遵照高公原辦口門內外碎石草填及奏定水誌啓閉章程一一如制而河北岍之孫家集近又堵閉已不能如往年之猶得宣洩隨宜又况開放逾時引河並注即睢河大加挑濬亦恐無濟以上係查勘實在情形謹臚列上陳如右

靳文襄治河書所載毛城鋪開閉情形已極詳晰然是七八十年以前之情形而河道變遷水陸互異至今已非舊迹閱此文如數指上螺文纖毫畢現所以能動諸上憲之聽而

仰合

睿裁自此宿靈虹民慶更生矣

吳山夫

玉山文鈔卷三

九

上各憲府宿靈虹冬水情形稟啟

查上年雨暘時若安省處處豐收惟鳳之宿靈虹三州縣仍不免灾固云地勢窪下實因黃水淤滿睢河底岸日高以致上游清濁各水漫衍平地數百里間經冬不退種麥無期有不得不急為民呼籲者查古睢河之源自宿州徐溪口而上久經湮沒今睢河之在宿州者南岸有巴溝沙溝則歸德府永夏諸邑之清水入焉北岸有洪溝則毛城鋪減洩之黃水入焉有彭家溝

玉山文鈔卷三

十

則天然開減洩之黃水入焉有激河則銅蕭諸縣之清水入焉在靈璧者南岸有斗溝則宿州平地之清水入焉北岸有柏山河拖尾河黃泥溝則銅蕭諸縣之清水入焉又有峯山開引河受峯山減洩之黃水其他支河汊港宣洩本境山原湖陂之水者不計其數其流畢歸靈璧之五湖下入虹境虹縣北鄉地勢既卑下流烏鴉嶺一帶為睢河之尾閘又不通暢來源甚大去路甚小年年被灾職此之故但歷查前案被灾

在秋者十九在夏者十一緣發水多在夏秋冬春之間早晚二麥猶可播種至發水而麥已登場蓋因黃河開渠啓放俱在伏秋兩汛一文霜降即行堵閉堵閉之後啓放之前上流清水源源不竭河底即有沙淤尚可藉清汕刷是以黃河設閘七十餘年不聞睢被湮塞至今日之甚也聞自張家馬路漫黃以後黃河南岸開渠伏秋遂多啓放峯山開水不五十里而至靈璧之五湖湖先漲滿毛城鋪天然開水行三百餘

玉山文鈔卷三

十

里而後至路遠力綿又與五湖之水相抵其流漸緩其沙漸停以致兩岸淤高河底亦滿清黃之水無路可歸遂散漫於平地然彼時開渠至冬猶閉故三州縣被水之地尚得於春間補種晚麥以冀薄收自上年秋冬間峯山王家山天然開雖經陸續堵塞而毛城鋪口門因孫家集大工緊急不遑封閉遂至黃流至今南注漫衍於宿州徐溪口睢河不能容洩四散奔流民間種麥之地盡為巨浸冬底猶報濁流陡長間種

之麥旋復被淹因思毛城鋪減洩黃流固有不
得不然之勢而宿靈虹三州縣之民田廬被淹
耕種失業尤不得不早為之所復同宿牧張開
士州佐戴泰暉上下查勘自宿州苻離集上至
睢溪口皆係積水新淤無路可行循山根屈曲
而西憑高遠眺睢河底岸俱高於內地數尺所
有沿河子堰溝渠皆淤墊平滿上流來水散漫
於徐溪口上下分為三股中一股為睢河正身
涓涓細流不絕如縷南一股東趨靈璧之土山

玉山文鈔卷三

十一

湖北一股東趨靈璧之陵子湖東西三百里間
陂水散漫寬或數里或數十里深或數寸及三
四五尺不等在徐溪口則分一為三在靈璧五
湖則合三為一由是入虹縣北鄉一望無際東
南至宿遷歸仁集以達洪澤現在徐溪口一帶
河南永夏諸邑之清水來者絕少而毛城鋪口
門黃水猶然直下其口門以外至黃河二十餘
里水已踈槽不似夏秋浩瀚但從前倒勾引河
今已挂口而蔣家營衝成一溝正當迎溜之地

寬五六十丈勢若建瓴冬底春初平地泛溢若
此柅汎瞬息加以豫水春發深為可虞即今三
州縣北鄉之民專望水退補種春麥目下幾於
絕望二三月間勢必紛紛呈報夏災而秋糧倘
又悞種則此三州縣數十萬窮黎何所底止且
更有隱憂者目今睢陽夾溝兩驛之間大路冲
斷者雖已趕修六七而其間大水所過之處修
而復冲難以堵禦去冬多催船隻往來差使紆
回擺渡近又恭值

玉山文鈔卷三

十三

聖駕南巡奉文西路軍營一應緊急文報俱從
宿靈一帶飛遞現在設立腰站雖設法用船架
槁暫渡目前縱可無虞倘遇桃汎水大苻離集
南北數十里已修之路仍復冲斷已架之槁仍
復漂散一有羈遲有司以此獲罪固不足惜而
軍文貽悞將如之何目今毛城來黃不能遽絕
而淤澱之睢河又猝難議濬驛務農功皆急不
能待冬盡交春情形若此柅汎瞬息加豫水併
發三州縣億萬生民勢必田廬為沼合亟仰請

俯賜公商速將毛城鋪暫時堵閉稍容宣洩以冀水消急修驛路以便軍報俾同各牧令周遭相度權宜籌辦倖濟一時至毛城鋪將來作何啓閉及睢河各支河淤澱如何委貞速勘籌濬統候裁奪以拯億萬生民無任激切待命之至
滙三郡受弊之由條今縷細陳之宣公奏議
中有此詳明文字 夏禮谷
元元本本如讀鄴道元水經注 呂炳星

上裘高兩憲府濬河議

恭逢

欽憲會同大人查勘宿靈虹河道籌度疏挑所以登民衽席而謀樂利者誠屬千載一時某守土之官追隨左右應候相度示遵何敢妄參末議茲蒙虛衷垂詢謹就見聞所及敬獻芻蕘以備採擇焉伏查宿靈虹地勢低窪本處下游一受豫省虞夏商永四邑之水一受下江銅蕭及本境諸山之水一受毛城天然等閘渠減洩黃河之水所恃宣洩下注以歸洪澤湖者全憑睢河一道查睢河自宿州徐溪口以上久經淤塞今豫省歸德府屬之水由永城縣之巴溝至宿州梁家橋入境歷黃疇橋徐溪口入睢河正身東至苻離集又東至霸王城入靈蜚社鄉之楊疇土山孟山崔家等五湖而至板橋入虹縣社鄉之小河東南一路趨謝家溝入洪澤湖東北一路由宿遷之歸仁閘出安河而入洪澤湖此睢河來源去路之大概也舊時河身寬三十餘

文至六十餘丈不等深二三丈至四五丈不等積年淤墊至乾隆十年安徽撫憲準條陳濬睢之時河身止寬一二十丈深五六尺至丈餘而止經大學士納會同河院議覆俟將來下游深通再行議挑嗣於十六年河院高

題請估挑翟家橋砂礮河道上自梁家橋黃疇橋下達睢河又於十七年因河南上游各河已經開濬三院彙勘

題請將宿靈睢河邢家灘范家灘三义口胡家

玉山文鈔卷三

六

宅等處淤淺間段開挑工程於十八年告竣即於是年九月張家馬路漫口黃流全注於靈璧之北鄉而睢河正身更多淤淺至二十一年因徐州之孫家集漫口堵築緊急以致毛城鋪口門減洩黃流經冬不閉自宿州徐溪口下至符離集七十餘里睢河正身沙淤平岸清黃之水多散溢於內地南岸由張家溝沙溝冲斷州北驛路下至靈璧五湖北岸則由高皇埧孟積口等處亦歸靈璧之五湖而下注虹縣北鄉東西

三百餘里南北六七十里至一百餘里積水不退此睢河近年挑濬及淤澱之原委也竊念宿靈虹被水之患既由地勢又值天時本年三四五月以來雨水復多遂致積水之區汪洋更甚麥既候種秋又可虞茲逢憲臺奉

旨查勘之日正宿靈虹百姓更生之時也某竊謂睢河承洩上游清黃之水即施工挑濬難保一勞永逸惟是現在淤澱關係民生工程自不容緩則來源當講去路宜通中間淺阻亦應疏

玉山文鈔卷三

七

濬如宿州之徐溪口以上為睢河入境之源業蒙相度砂礮河形另請挑濬自徐溪口至符離集七十餘里睢河正身淤澱幾無河形似應全請挑濬由符離至時村迤下交靈璧之霸王城以達五湖一百五十餘里間段淤澱深淺寬窄不一似應逐段估挑使積水暢流匯歸洪澤此目前應挑睢河之次第也惟是徐溪下至符離七十餘里河身全淤兩岸仍復沙高數尺即使挑成河形一經雨水冲刷仍然淤澱若將兩岸

之淤全挑則工費越大可否就現在冲出之路俟其涸出因勢利導入睢而一路民田及開生費用亦未能少減孰為便捷應候會同親臨相度示遵此睢河疏濬之難應兩請以供採擇者也至於睢河請挑之後兩岸支河如宿州之彭家溝澗河柏山河靈璧之斗溝拖尾河其口門淤塞應飭各屬一律疏通以消積水至虹縣支河荀家溝現在詳請挑濬再查毛城鋪天然開減黃俱入宿靈境內非遇異漲例不輕開即遇

玉山文鈔卷三

六

伏秋異漲啓放減黃保固徐城至霜降後即行封閉是以睢河兩岸之民猶得於冬春種麥以其有收應請仍照原定啓閉時候永無改易黃水經過即有沙淤冬春間清水下洩尚可望其刷洗此睢河善後事宜亦應預為稟請者也至于宿州以上有渦河經過永城之南澮河發源永城之界是否應須疏濬以減睢河來水虹縣以下宿遷有烏鴉嶺之砂礮柘源有安河之淺阻是否應須開挑以暢睢河去路某實未曾親

歷不敢妄議再睢河大通則歸德府虞永夏之水徐州府碭蕭銅山之水與本屬宿靈虹三州縣之水俱由此歸洪澤出清口其洪澤是否能容清口是否洩於高堰有無妨礙某緣不諳河務亦未敢置喙唯祈兩大人會同相度通盤籌畫斟酌一勞永逸之法以奠安萬姓幸甚

支分派別條理仍是一貫其原委詳盡露直似太史公河渠書倪敬堂

全局在胸借籌於紙無一不中機宜經濟之

玉山文鈔卷三

九

才即此可見諸葛靜山

上藩憲積貯議

鳳屬宿靈虹三州縣十年九澇賑糶動需米石
一二十萬現查常平糧額在在空虛又因本地
素不產米必須越境買補每石定價一兩二錢
寔屬不敷官既畏累且連年被災亦無從買補
足額一遇大災遠撥當蕪潛太等處米石浮江
而下歷淮揚過洪澤道遠而險風濤一阻動輒
連旬過關則有提溜之費過湖則有提湖之費
鯤仁集上下淺阻數十處又須多僱小船有陸
續駁運之費每年報銷水脚盈千累萬而且紆
回盤駁時日稽遲四五月間方得抵境窮民嗷
嗷待哺不能依時救濟且在船日久水熱交蒸
易至霉變饑民陰受其累間有餘剩存貯亦官
之憂也伏思宿靈虹災地糧食既在必需與其
遠撥多費而不能救急不若於採買常平額價
之外稍議加增責官買足再如上游之壽鳳懷
定並府倉於額貯外稍廣儲蓄一遇動撥由淮
澮等河直達甚近既免江湖風濤之險而賑施

五山文鈔卷三

三

立濟節屋回春且省減盤脚國用之節省又且
盈千累萬矣現值查饑來春本色一賑所需甚
迫速請通融酌籌以免遠撥災地急務無有逾
於此者謹議

積貯之法自有定例為急甦民困不得不別
增一格 章容谷

五山文鈔卷三

三

上大中丞帶征積欠議

竊按定例凡地方成災之年蠲賑而外即將正項停緩並分別借給口糧籽種等項均於豐歲一概徵還查鳳屬疊年被災一切正項積欠並口糧籽種牛草牛價多者二十餘欸少亦不下十餘欸以積欠瘡痍之民間或歲登而各欸並徵完公而數亦不給樂歲而不異凶年窮黎徒受追呼催科仍罹參罰此愚民所以反倖成災一被水旱則羣起呼籲而有司目擊萬不能支之狀亦不得不勘報成災以恤積疲之民以免急徵之咎查每逢報災緩征借給即增欠二三欸年復一年勢無底止去歲鳳屬二麥有收例應新舊並徵比曾稟請止帶徵一二年正項餘緩次年麥後開徵然亦出於一時權宜之見而究未通盤計議也計各災屬積欠四十三萬有奇多者十餘萬少亦不下六七萬較本年正額幾逾五六倍之多甫甦羣黎宜加憂恤急之則勢窘而人傷緩之則力寬而事集請每年帶徵

玉山文鈔卷三

五

一二欸限以五年公私均濟官民俱益謹申末議以聽採擇

恤吏之心惠養之義兩者並見
邵厚菴
仁人之言食福無疆
方茹山

玉山文鈔卷三

五

宿靈虹濬河紀略

宿靈虹三州縣地勢卑下衆水所匯舊時河渠被黃水淤澱無從宣洩以致地方頻年受災丙子仲冬余躬查積潦之由上自濰溪下至靈璧之霸王城閱月於外始略得原委明年正月彙叙應掩應濬支幹各河道繪圖飛白大府未及待報恭值

聖主駕幸彭城蒙

恩召見詢問地方疾苦一一陳奏是年夏五月

玉山文鈔卷三

三

欽差侍郎裘公學士夢公會同本省撫憲高公親臨相度余追隨籌議仰蒙採擇會

奏報可即於九月開工至次年三月告竣是役也揔理則有

欽差嵇公璜裘公曰脩夢公麟制憲尹公繼善

撫憲高公晉提調則有江寧道蔡公長濤鳳廬

道寶公善并余及安慶同知富琦鳳陽同知梅

長遇府州丞倅之承辦者則有王尚湄嵇璉朱

擊基僧額多爾濟張浩張克睿邱鑑李宗典屠

祖庚史知義張開士王如玖及余凡十三人知

縣之承辦者則有胡則安施希泰桂耳順劉瓚

王恒李峯孟承詩范汝載高時驥兆寧張洞李

天植蔣綬王廷棟甯鰲李文勳廖景文岑莪鄭

時慶彭居仁鄭基邵謙吉李允升黃道恩徐紹

堂宋樹毅孫賢相鍾旭戴廷掄凡二十九人守

備之承辦者則有金鑿胡啓雲孟宣凡三人佐

雜之分辦者則有倪大培虞士煌戴泰輝徐景

琛楊豐貽姜宏道喬登楊廷俊沈英胡佑申胡

玉山文鈔卷三

三

恒業凡十一人余既為頌一篇上揚

聖德下慶民生然括而未詳暇日臚舉襄事諸

姓氏並附河道壩閘深寬丈尺及動帑若干於

後凡以大役之興原委必悉且余承乏是邦德

薄能鮮仰邀

天恩不惜帑金數十萬興工疏濬俾三州縣永

免積潦之苦聿觀民事之成詎非厚幸與爰敬

錄之以誌無忘

濬宿州濰河西北接洪河承受毛城鋪黃水西

南接砂礪河承受永夏諸邑清水至徐溪口會合東注由靈虹北境歸洪澤湖入淮積被黃水淤成平陸來水無從宣洩地方頻年被灾今開自徐溪口過符離集至柘溝工長二萬五十二丈寬十丈至十七丈深三尺至一丈不等攔河土堤二道共動帑銀二十一萬三千六百四十七兩有奇桃河下至靈境之霸王城兩岸俱有灘嘴阻礙水勢悉行柘切工長三百二十六丈寬五丈至十二丈深四尺至六尺不等動帑銀一千九百四十六兩有奇再濰河北有高皇山支河濰河二道南有沙溝一道分洩山水入濰亦經黃水淤墊一并開柘計高皇山支河長四百六十五丈濰河長六百九十六丈沙溝長五百三丈五尺各寬六丈至十丈深五尺至八尺不等動帑銀五千八百一十一兩有奇濬宿州洪河上自蕭宿交界下達徐溪口入濰緊接毛城鋪下游每歲黃水盛漲漫濰而下河形淤墊茲柘濬一律深通工長三千一百四丈

玉山文鈔卷三

三

寬十丈至十七丈深四尺至八尺不等動帑銀一萬五千九百九十一兩有奇濬宿州砂礪河上接永城巴河之水水下注濰河淺狹不能容納漫溢為患今開寬深工長三千七百二十一丈寬十五丈深六尺椿土各填五道共動帑銀二萬八千一百二十九兩有奇濬宿州南股河在濰河南宣洩豫省歸屬之水自翟家橋起東至陡溝穿靈境韋疇湖入濰又於陡溝挑岔河一道北至霸王城對岸入濰工長二萬六千六百九十六丈寬五丈至十一丈深五尺至七尺不等動帑銀一十萬五千一十六兩有奇濬宿州北股河在濰河北承受下江銅蕭碭三縣山水河形淺窄水流不暢今自大山頭分濬西至徐溪口入濰東至拖尾河入濰計工長一萬七千五百四十七丈九尺寬七丈至九丈深六尺至八尺不等動帑銀五萬四千六百一十九兩有奇

玉山文鈔卷三

三

濬宿州南北運糧溝南溝自州南門外起至舊
蕪縣入澮通淮藉洩州南積水北溝自州北十
五里鋪起接南運溝頭分洩城北積水久經淤
淺今開挑寬深共工長一萬七百五十一丈五
尺寬三尺至六尺深二尺至六尺不等并建磚
埽木橋動帑銀二萬一千四百五十八兩有奇
濬宿州泡澮二河上承豫省來水因橋梁卑矮
且有河灘頂阻難以暢洩勘明應添橋孔并切
灘嘴以順水勢計切灘七段長二百八十丈牽

玉山文鈔卷三

天

寬四丈至八丈牽深四尺至八尺不等增添橋
孔六座動帑銀二千九百七十六兩有奇
濬築宿州洪河兩岸子堰洪河為減洩黃水要
路地勢平坡遇水漲湧兩岸子堰空缺處一律
脩補以束水勢并將渠溝迤北舊有山河一并
開浚以資宣洩共計工長一萬二千三百一十
三丈寬一丈至五丈高五尺至七尺不等動帑
銀三萬二百八十八兩有奇
修築宿州濉河北岸挑溝等閘挑溝為北股河

濉河兩水匯歸濉河要道舊有石閘久已坍塌
閘板無存其沙溝塘溝三岔河三閘板亦朽壞
一遇黃水經臨無以啓閉遂致漫溢今俱修整
以禦黃流并将砂礮河北股河高皇山支河挑
溝塘溝沙溝三岔河陡門並築鉗口草埧於臨
河水口與子堰相接攔禦黃水各單長一百三
十五丈至一百五十丈不等寬四丈高一丈五
尺不等共動帑銀二千六百三十八兩有奇
建築宿州各河石閘濉河衝出之南北兩股河

玉山文鈔卷三

天

俱已挑治三河並行以中央濉河正身接洪河
減洩黃流以南股河接豫省永夏諸水以北股
河接下江蕭碭諸水順其自然今途下暢並於
三河相連之處南北兩河頭各建石閘一座如
遇黃水下注之時盡閉二閘使黃水專走中央
黃水既過之後使清水洩入以刷黃淤於濉河
更為有益又宿州舊有南北運糧溝亦已挑通
今洩南股河之水并於護城堤添設石閘一座
以時啓閉再南北股河當驛路之衝於十五里

堡添建石橋一座舊有七孔石橋年久脹裂亦皆修整以利馳駟共計動帑銀二萬八千一百六十八兩有奇

濬宿州南沱河宣洩州境紫蘆湖老龍潭以及西南一帶民田積水東注靈虹兩境并受汴堤以南雨水至五河縣入淮此河曲折綿長年久淺窄間段淤成平陸雨水稍多湧溢田疇歲以為患今一律開挑寬深再將灣兜取直挑切灘嘴使永無頂阻以資暢流計工長三萬四百五

玉山文鈔卷三

三

十八丈寬三丈至七丈六尺深三尺至八尺不等動帑銀六萬五百九十二兩有奇
修築宿州城北驛路係九省通衢從前水勢散漫路與水平間段衝缺今均加築高寬夯礮堅實以利馳駟又於兩面加鑲防風橋洞各鑲裏頭以資鞏固再符離集原係抽分關口向設橋舡十二因河淤日久船已朽壞今濰河挑通仍設浮橋以復舊制計脩驛路長五千五百八十四丈寬一丈八尺至四五尺高二尺至五六

尺不等並橋船十二隻共動帑銀九千五百三十六兩有奇

濬靈虹二縣岳家河此河受靈境五河之水并洩二境坡水河甚淺窄形勢盤曲宣洩不暢滄浸田疇今由靈邑三柱山東起過岳家莊至虹縣七孔橋會北沱河又至樊家莊會南沱河合流至五河縣入淮一律挑通以資暢洩計工長一萬三千五百七十八丈寬六丈至七丈深五尺至七尺不等動帑銀三萬四千一百六十四兩有奇

玉山文鈔卷三

三

濬靈虹二縣北沱河宣洩汴堤以南溝渠坡水自靈璧城南高橋起至虹縣草溝集北入岳家河一律挑深暢流歸淮計工長七千八百三丈寬五丈至六丈深五尺至七尺不等動帑銀一萬五千五百八十二兩有奇
濬虹縣荀家溝係濰河南分支會長直溝水繞城南由石梁子一路入淮計工長一萬七千九百三十四丈寬五丈至八丈不等又展寬西南

二門橋孔築城西北隅博岸以衛城垣共動帑銀四萬三千七百二十三兩有奇

公歷仕於鳳為最久治鳳於宿靈虹為最勞迨至毛城閉水道開而公之績始大著三復紀略一編條分縷析罔非精神心血所流貫雖一時大費帑金重煩民力而三屬數百里之地可耕每歲十百萬之賑可省其得失為何如後之守土者可以鑒矣 張冠村

玉山文鈔卷三

三

男兆龍成龍騰龍校字

孫男大齡燕齡女齡保齡長齡香齡全校

玉山文鈔卷四

射陽 項樟 芝庭

請通革老役帮役稟啓

萬縣當水陸之衝差使紛繁需役夥甚其初至即聞有所謂老役帮役者老役世執縣役雖貧疲不許代替其黠者或因以為利帮役歲一更換報更之時胥吏乘勢作奸分差四出串同該黨鄉保及游手無賴之徒借帮差為名遇富戶攫取金錢飽恣囊橐有田連阡陌而不貼一差

玉山文鈔卷四

一

者而貧疲無力之戶則加意恐嚇愚民不習差務畏見官府不得不眾共釀金重利借貸百計懇求貼費以免差役究之帮役不過百餘人而闔縣之數十萬戶無不騷擾殆遍傷心慘目有不忍言者某身膺民社既洞見疾苦如救焚拯溺安敢稍緩湏臾比即出示永禁并捐輸廉俸二百金另募差役承應往來公事俾無遺悞但蜀省積習大約相同老役帮役之弊萬邑如是安保鄰府州縣之無類是者其一抵任即蒙執

事以興禁事宜殷殷下詢既有所見用敢愷切直陳伏冀檄移通省俾各牧令悉除此弊以甦民困以廣憲慈至於所捐廉俸某少習清苦衣食儉素養廉中自有餘饒並不敢侵挪庫帑邀譽沽名恐厘憲念合并聲明

如醫家治病能洞見五臟癥結故言之則剴切詳明及露方下劑亦一藥而愈聞蜀中此弊稟後通省皆除仁人之言其利普哉

周蘭坡

委審黃安縣王大堯被勒身死稟啟

王大堯縊死伊子佑喜告檢作秦竒驗報眼開睛出手握喉右有指甲痕顯屬被勒形狀而原其初屍妻既未報官保正反倩僧人永岩代買棺木姦謀已露憲駁綦嚴良有以也

某遵即細繹案情集証確訊王大堯素因貧病交侵時出怨言蔡氏曾囑伊子王佑喜伊婿鄧良貴勸慰大堯訊之佑喜良貴供不殊也本年四月十二日大堯備工趨家即告蔡氏以兒子不顧適過女兒家飯不一飽深自嘆息迨十四日飯米不足豆腐缺油與妻詬詈傍晚命蔡氏前夫之子秦有兒買烟來遲輒毆其頂出血蔡氏護兒爭嚷復批蔡氏之頰蔡氏哭泣即同有兒及幼子就寢大堯忿猶未息其時夫妻口角之聲則左右隣人蔡白元等所共聞也蔡氏醒時夫未就寢驚起尋覓詎大堯已自縊房內急割弔繩呼隣同救則有共院居住之周在朝父子也救不能活隨時報明保正余集成甲長熊作賓並

通知伊子王佑喜及塔鄧良貴則有送信之蔡白元吳君召現証也佑喜良貴來看大堯屍身兩眼閉兩手直垂喉右有紫赤痕比時同來看視則保甲街隣人等甚衆供俱符合至屍子商同蔡氏不願報官隨出甘結情保正等代募棺木則有代筆之吳國佐可詢也僧人永岩係大堯地主先往天字崗摘茶保正欲伊幫賒棺木佑喜及良貴並聞此言始寄信永岩於十六日早回菴則同住廟中之侯有容送信甲長之子

五山文鈔卷四

四

可証也永岩以歷年地租未清不肯幫賒棺木強之同行則同往賒棺之郭昆吉蔡宗維等衆供鑿鑿也研訊大堯弔頸係藍布帛接以草繩原有繩頭貼近右邊故弔後即有紫赤色衆目共見至布帛痕則散漫故衆人不能確指作作開棺但驗有布帛弔痕微青色心疑不應復有紫赤之色故混報指甲痕而以發變翻脹之眼報為眼開睛出至原驗合面耳根髮際至項下腐爛原因開棺時屍已發變胖脹不能昇出棺

外止令屍子捧起大堯之頭而腐肉已粘兩手屍子不肯再捧作遂以無憑相驗喝報夫果頸有指痕兩眼睛出如被勒形狀屍子及保隣人等當時何以不見此日何以不証反覆窮究件作惟以屍實潰爛原未驗明為詞則大堯之死於自縊自以屍未發變之前衆目衆口為定而保正勒和僧買棺木均屬烏有止因王佑喜聽劉于天唆告而件作不諳朦混率報署縣葛令又未將落弔時喊來同救之周在朝及同賒

五山文鈔卷四

五

棺木之郭昆吉蔡宗維與眼同收殮之甲隣人等訊取確供叙入初報遂致案盡疑團叠煩憲駁某伏思致死親夫何等大逆蔡氏現有同室之二子現有同院居住之周在朝父子夫妻且黃陂站係居民稠密之地豈得顯肆姦謀瞞人知覺且果有致死形狀屍子豈不當時鳴冤保甲隣佑避之不暇何敢為之送信買棺眼同收殮逐訊吐實並無疑竇除將屍棺飭埋取結保釋按擬會詳外合先稟聞

批卻導窾若然駭然 頁文閣

一經勘斷如撥雲霧固由才敏亦緣心細
鐵岩

覆發訊趙德化供詞議

趙德化籍隸高平以抄存偽奏案犯蜀省究其
來歷則稱在蒲州東門外十里之京貨舖內抄
寫咨解晉省跟究檄飭蒲郡縣押犯照所供地
方指出詎蒲東十里各村鎮直交虞鄉縣界均
無京貨舖可指承審者覆加嚴訊無得請仍將
犯解川案莫能定因蒙發訊 某訊德化堅執川
省供詞月日分明向至確鑿若令解回徒滋拖
累而現查又實無京貨舖案關隔省亦難據渺
茫無著之詞率請完結細維犯供是日該處情
形頗似集場某分守蒲州知有會集逢時則商
運貨至或支布帳或搭席棚攤擺貨物均有櫃
檯儼然舖面及會期一過又復移往別處地仍
空空該犯在川初供原有蒲州東門集上字樣
應請行查該屬乾隆十六年六月廿四日東門
外十里地方是否會場并飭查前抄會稿案內
有無與該犯所供年貌相似密喚識認果得傳
抄有人即請照擬發落以免該犯拖累并隔省

之案亦易完結謹議

趙姓疊受刑敲體無完膚讞者又以解川卸
責再拖縲綫數千里勢必身命莫保余攝太
原郡時奉發查議以此登覆既而照飭完結
立斬葛藤上游是之自記

萬州會館判

為聖賢祀位而結訟楚人可矜也湖南北人設
會館於萬州南人祠周子北人祠禹王以聖位
爭舊判分祀前後廳仍不解余惟聖賢之靈在
天彬彬雅雅應同堂奉祀而時代之先後爵秩
之崇卑有一定之序焉因題一聯於楹柱以代
判語曰本一中以大王謨上紹堯舜下啓湯文
危微精一已開千百年之道學而統之有宗會
之有源誦聖功者不獨慶平成永賴作太極以
闡精理前承孔孟後啓程朱動靜陰陽仍本十
六字之心傳而約之愈密推之愈廣仰賢範者
猶同懷風月以歸聯成而神位安兩情服矣
以堂聯息訟真千古奇聞其闡發一聖一賢
靈尤點水不漏徐蘋洲

鹽井判

鹽產於井萬之長灘是也續鑿者以同源控阻甚則聚衆打降讞者藉候勘延之積案夥余往勘語案千人等用繩垂新舊井平水各若干丈尺面汲新井如舊井水耗則為同源即封閉否則不相禁是日連汲十三井均不耗案俱銷

其解紛靈妙有巧思是明也而實本於誠故能息爭 甘寶摩

靈璧捕蝗紀事

乾隆十八年春二月余奉

命守鳳陽甫下車境內大旱夏四月蝗靈璧楊疇章疇兩湖尤甚湖久涸蒿葦茂密魚蝦之子悉化為蝗延袤數十里幾無隙地是時州縣捕蝗不力者方奉

嚴旨法甚峻邑令貢君震集二千人捕之乃如杯水救車薪之火也余以宿州蝗盛督捕至時村聞之馳往謂貢令曰不興大衆此蝗將不可

滅貢令曰不興大衆而不滅罪也興大衆而不滅亦罪也此蝗有不可滅之勢與其勞民而不免於罪何如先以罪去而民得免於勞余謂不然爾即以罪去後來者將不捕乎民之勞猶是也且時愈久則蝗愈熾而民愈勞於是貢令具以狀聞大中丞張公奏其事率監司錢公尤公來駐楊疇集益募鄉夫六千飛調牧令丞倅等三十員壽春左營遊擊亦率所部弁兵至協力督捕以五月二十一日乙亥始事夫役器具米

疏供億責之令畫地分廠調度負弁察勤情明
賞罰責之余而大府揔其成焉余既受任夙夜
奔馳鼓舞羣力日以各廠形勢白大府贊謀畫
破浮議時睢靈兩境之民以捕蝗爭界相持不
下釁且移於官余聞之留貢令往來各廠致慰
勞而自率巡檢張鼎疾馳至孟山解其紛督令
併力合捕兩日而返蝗勢方盛撲捕收買日以
千斛計焚瘞徧野炎風烈日毒穢熏蒸人幾不
能堪數日余察蝗勢漸衰益鼓衆力銳於始作
不知者譁然以為蝗勢果不可滅鄰省以捕蝗
不力被論者相繼或謂余曰君宜自謀無為人
受過余唯唯疾入白大府蝗勢將滅今猖獗者
餘孽耳且民苦已極天必憐之不久當大雨湖
地窪一夕可成渠蝗不足憂也退趣貢令報蝗
滅以堅大府意讒間遂息越再日果大雨湖地
汪洋蝗孽抱葦而斃間有活者乘舟穢焉六月
初六日庚寅大中丞奏竣事罷役而蝗竟不為
灾先是制府鄂公日遣文武官屬數輩往來督

玉山文鈔卷四

十一

察事竣未已搜捕之夫駕小舟出入蒿葦間又
十數日及制府親臨而後撤焉是役也人或歸
功於雨謂余偶邀萬一之幸而不知天即不雨
此蝗必滅大勢既殄餘孽何能為人定勝天况
此昆蟲乎大凡事勢難為當一斷之於理不可
以利害動當其撲之未滅人言淆惑即貢令亦
早以一官置之度外朕去一令而可以謝責君
子尚不肯為况一令去一令來其事愈不可集
而余之責終不可謝也方余之以將雨白大府
也亦權其詞以安上下耳不謂應時而雨雨即
成渠果如余言此亦人定勝天之明驗竭萬夫
之力而又動以大府之誠何事不濟雨者天為
之天者人為之故蝗之生也天也蝗之滅也人
也非天也雨何與焉初余以捕蝗公費舊例不
敷官民俱病白大府請增雇夫收買之直委賢
員經理俾得據實報銷以故衆皆踴躍蝗卒以
滅貢令亦得保其官而免於賠累雖朕官與民
之於此役也亦既勞矣其事不可以不紀二十

玉山文鈔卷四

十一

二年春三月余行部勘水值雨留宿州驛館偶閱貢令河防錄內載是年捕蝗事甚略因追憶書之

確見乎人定勝天之理故不搖於浮議且能破上下之疑所謂惟斷乃成也請增雇買各值據實報銷切中機宜胥克用勸可為捕蝗永法

黃望濱

史稱唐太宗吞蝗蝗不為害此非可倖致蓋誠足以感之也後來捕蝗之法既多不實意

玉山文鈔卷四

十四

奉行徒與蝗爭功無益也惟確見得人定可以勝天至誠以動之實力以行之自能轉灾為福此固不易之理要非淺識者能見到。辨折峭厲似柳州深沉雄駿似子固

秦澗泉

查飢規條四則

一曰審保向來查灾之始印官多不留心委負到境即分以里集派一二書役跟隨承應在委員精明者到鄉查飢尚能彈壓察核若怯懦之員希圖省事或望公館傳喚鄉保開冊畧加點查即交印官以為了事印官憑冊造報給賑其鄉保書役勾通捏冒等弊比時毫無覺察迨放賑時或遺或濫每致紛爭此皆不預為審慎故也今立審保之法如某里集被灾應查飢口該

玉山文鈔卷四

十五

印官會同委員先傳鄉保問明四至一鄉之中共小地名若干再查烟戶冊問其有無漏戶如有漏者即令各保長將姓名添出其有雖在烟戶而別搬者亦即除去定一草冊即用硃筆大書冊面云按冊挨查如果並無冒濫亦無遺漏即係實心辦事之鄉保候加獎賞倘所開有遺有濫或故錯雜姓名希圖朦混是有意作弊大負父母官之委任即行革究枷示如得錢冒戶或實係灾民因不得錢而故為遺漏查出嚴加

治罪書畢即交委員按查查過考核并將上年飢口冊帶去印証至所派承應書役止許寫冊傳人毋得絲毫干預違者枷責

二曰察戶從前委員查飢多令鄉保領路其奸頑者故迂遠其途或混稱隔水或詭辭前無歇宿使委員飢疲難進則拍東畫西不得不遷就了事夫戶不親到何能懸擬其當賑不當賑及極次貧之令則察戶宜急也凡委員按查鄉集應問鄉保此一鄉應由某一村查起至某村止

玉山文鈔卷四

六

務別東西南北以防朦混套冒點查飢口分別極次大小自填草冊勿假人手其家有蓋葺牛隻面無飢寒之色者不許冒賑如敢捏冒查出併鄉保重處仍加倍罰銀以濟窮人至於串保令戶借口點驗稍不審查即被混冒總在委員時時照察如鄉保敢於欺朦察出當下重責或送印官枷示仍押帶別里以示儆戒則人知畏矣

三曰互照凡州縣查飢地大者派十數員小亦

須五六員雖各分里集而彼此並無關照往往此員查過彼員復查攬保互冒受鄉保之欺朦而不覺迨冒濫過多上憲嚴責則混刑口數以搪塞一時蓋刑戶則恐遺漏真正飢民而不知一概刑口則真正飢民越被剝削而冒戶仍在冊中放賑期迫亦遂草率從事今互照之法凡委員分查印官先須繪一摠圖註明里集或由東而西或由西而東彼此會照庶不為其套冒從前查過災戶門用白灰圈記恐易擦去竟

玉山文鈔卷四

七

各自用官銜小照貼門更便查察如鄉保膽敢違混委員即鎖交印官枷責示衆
四曰紀逃從前辦聞賑歸來之戶漫無稽查每多冒濫或真係逃荒回家呈請補賑必須鄉保出結而灾民守候需索之害又不能免莫若委員查上飢口時預將逃戶查清姓名口數另記一冊毋得遺漏日後凡聞賑歸來者呈請印官與例相符即行補賑如逃冊無名者一槩不准委員凡查完一處即取該鄉保實查得身管某

處灾民某某戶計飢口若干逃戶某某戶計飢口若干並無冒濫遺漏如有冒濫愿甘望罪倘有遺戶自行賄出的結存案但既准其紀逃仍當防鄉保預先捏飾之弊委員於逃戶之烟爨兩鄰妻室子女一一考核真確方准記冊慎毋草率致蹈不實之過該鄉保亦當凜遵法度毋身試也

委曲周至俱從一片仁心貫漑故極釐剔覈胥極慈祥洵屬查飢良法

畢花江

紀鳳臺尚超誣認謀死秦成案略

讞獄而以刑求則近似可以為真而鍛鍊將無不至余守鳳之三年臺邑解命犯尚超謀財勒死秦成一案贓物有據指証有人且勒死移屍月日情節即出該犯妻室并其子若女之口夫罪莫大於謀殺情莫親於妻子以妻室子女証其夫若父謀殺大故甘置之重辟而不能諱雖極明慎用刑者亦無從過費矜疑以此定獄夫復何辭而孰知皆周內文致之所為乎審錄時該犯子女供証如縣招其妻微有游移而該犯極力稱寃及引其妻若子女環証亦俯首不能辯余執筆躊躇見其二女俱垂髻距犯案時長者纔十齡次七八齡耳當尚超半夜謀勒秦成圖財棄屍機事惟恐不密焉肯令其二女知覺即據原招以二女夜起小解撞見亦應恐懼驚走安敢立視其父謀勒人命剝取財物并燒衣滅跡背屍出門若無所事耶且縱當時實見其父殺人而謂黃口孺子能記憶於一二年後歷

歷証諸公堂之上吾亦難信細訊屍親秦李氏則尚超謀殺係得之替目算命之程均詢之程均則因前曾與秦成同行聽成云晚宿尚超家成死後數日均亦至超家夜歇後屋聞屋內響動驚移前屋次日超次女向云先生夜來怕麼俺家後屋死一小孩子又云前日官府相驗查歇家來俺屋哩俺爹娘俱驚避等語於是均遂心疑秦成之死蓋在超家因算命偶為李金如言之李係秦親爰指以出控該縣據程均揣度

玉山文鈔卷四

平

之詞先提幼女哄誘使言童稚無知信口妄認隨據為鐵案其妻及子未供則百般刑求俾與二幼女之供牽合如一於是尚超遂百喙難解矣及余再四詰問幼女防改品改則謀勒秦成之事倏云俺媽告咱倏云俺爹告咱至告程均後屋曾死小孩係伊母所產週歲之女並非投宿之客因其連及官府相驗查及歇家之語遂滋疑實詢之鄰舍族人超家數日前果死一女孩又程均云前秦成同行有三四人詢秦成屍

所距尚店三里許成之當晚投宿超家固未可知即使移屍出門不過揀無人空地便可棄置亦何必負屍三里之遙且安知非前同行者謀害而必指為超耶况贓物僅指籠布四塊係秦成口袋改製夫布本人家公同常有之物據布之絲縷為憑即屍母秦李氏亦多恍惚而所得衣服據稱或燒或當燒則矮屋數椽豈無氣息達於鄰舍當則所指龍岡等典亦歷查不得原物嗚乎謀殺重情贓無確據証無確供如何定

玉山文鈔卷四

三

獄當即飛稟上憲飭該縣將尚超立地開釋另緝心克然而超之室家被累已年餘矣臯陶曰與其殺不辜寧失不經路溫舒曰三木之下何求而不得夫一任刑求遂使妻誣其夫子誣其父舉大辟重罪不難加之無辜之夫與父豈不重可哀哉豈不大可懼哉余歷仕小心聽獄從不敢以刑鞠及邁是案尤悚然惕息暇日因略書其概以為司民命者戒焉

委曲詳求遂令鐵案冰釋不獨酷吏無此矜

慎之心即粗心人能反覆推勘至此耶許陶村

委審蒙城侯五案上臬憲啓

某月日蒙發蒙城縣侯五王小同謀勒死王天福圖財分贓一案案據蒙亳阜三州縣會審侯五與王小同謀致死分贓各情供認確鑿經穎府錄解憲案該犯亦無異辭惟所供分贓日期微有參差委某覆訊查案閱重辟稍有疑竇即當悉心推鞠隨分別提訊據王小極口呼冤並未同謀及以伊寔係得贓并歷審供詞詰問又猝不能對再四虛衷細詢始據王小供明是年

三月曾代侯五賒取賈自強白布懸價一千九百餘文九月初七日賈客令王小代促欠賬侯五無錢償還沽飲寬期比飲畢散歸途值懷民王天福載錢文牛皮柳斗等物向王小問店王小隨指投侯五店中並幫撞車輛推過門檻而太是夜侯五見孤客有財貨起意謀勒致死假作鎰傷棄屍河內蒙令相驗時地保向王小借桌王小乘便至河干認似初七日問宿車客頗懷疑慮又初十日王小復至侯五家索討前欠

侯五閒問昨日相屍究竟如何王小無心云像
是前次投宿之客侯五雖強詞支吾憲恐聲張
隨留王小付錢四千以一千九百餘還賈客餘
付王小為販賣之資因云河內之屍寔係車客
不想縊死店中因而畏累棄擲囑勿告人并懇
日後查出証為進店者二人希圖掩飾王小隨
即收受事竟寢後經許令復檢多傷並據差役
訪係侯五謀勒侯五引王小証為二人進店一
人被勒一人逃走後王小被鞠供出一人進店
已帮攪車等語侯五遂挾嫌供王小同謀今賍
矢口不移王小既寔見車客投宿親與攪車又
寔介受賍錢於是百喙難辭而承讞者亦遂據
情立案及其細鞠前由并委貧前赴蒙邑面詢
王小之妻趙氏供稱伊夫於初十日携錢歸家
與王小所供索賍賄囑之期歷歷不爽質之侯
五亦無能狡飾矣查此案歷經該府州縣屢次
會鞠並蒙憲臺審錄祇以不賍未符委令覆訊
其何敢另生枝節第情有真偽案關出入仰惟

玉山文鈔卷四

舌

大人明慎用刑亦何敢以已定之案朦朧了局
致滋冤抑所有王小一犯審與原招迥不相同
之案合先摘錄案由飛稟憲裁某不勝急切待
命之至

昔人云求其生而不得則死者於我無憾也
求而有得則知不求而死者有憾也公於已
定之案尋間求生推情得實誠哀矜折獄本
領

陳秋門

玉山文鈔卷四

圭

紀臨淮郭烈女事

烈女郭氏臨淮東鄉城人也父夢龍世為農家烈女年十歲而孤幼有志操許配同縣桂氏乾隆十五年七月十九日鄰人周天玉瞰女兄守文他出夜潛入女室欲污之女驚呼母救且以死力拒母祝氏聞亦驚呼奔撲天玉踰垣走女不勝忿拒戶自經母救之得不死母隨召女姊歸相與守視既逾日防者稍懈女乘隙袖利刃走天玉家後門自刎死死之日二十一日也烈

玉山文鈔卷四

天

女名榴姐死時年十七又五年撫軍鄂公以事

聞於

朝奉

旨旌表方烈女之死也守文以強姦控天玉以和姦抵展轉五年訊獄者謂強姦無據竟模糊以和姦結案矣會余來守鳳陽閱其獄而疑之果如天玉言既成姦於一載之前則不應復相距於逾年之後且人之恒情莫難於死而莫辱於失身辱身賤行之人必不能死能死節者必

能守身者也爰細加研訊具得情實乃呼語天玉汝罪固無倖免之理此女以汝故捐軀而更加污鱗此心亦復奚忍天玉俛首自承而女冤始白夫表章節義者太守之事也故紀之如此無事鈞致而服臯暴冤滯獄立解讀罷能令人沉疴頓愈 鄭定堂

玉山文鈔卷四

三

上李臬臺辨冤獄啟

宿州謝氏與梁福祿通姦謀殺本夫梁好珏犯時訊詳並無同謀之人嗣經祝署州覆詳檢出木石多傷追究加功福祿因扳出梁四寅代買砒霜協謀致死帮同擡屍並執四寅回字內有

玉山文鈔卷四

无

無論四寅係福祿佃戶未肯容其與謝氏通姦即使有之好珏並未撞破不應即隨福祿同起謀害之心且福祿給買砒錢五十文四寅同謀果真即應將錢盡買俾毒重易死何止買砒一粒餘錢仍買柿子等物以致好珏毒輕不死仍加毆方斃耶閱四寅寄福祿信云你若要錢用等麥後叫你娘送來等語此時四寅果係同謀漏網必且情急買囑何能作此暇豫之言而祝署州轉即以此入其重罪殊未平允隨將案情

疑實平向各犯推求始據梁福祿供煩四寅買

砒時原係託辭治疥四寅止買如荳一粒本不知其毒人訊之四寅供合至同行飲酒食魚皆好珏拉伊同往亦非福祿邀約及福祿同謝氏將好珏在路毆死適四寅撞遇嚇帮擡屍情實有之後福祿事發並擡屍事亦未扳及止因寄信四寅借錢未遂頓生不良供出擡屍並先買砒為同謀男婦質証四寅百喙難分矣今查四寅覆書內有

玉山文鈔卷四

无

梁福祿勿供其帮同擡屍之事並非別有謀情署牧錯認書詞逼人罪實不意今日彰彰吐露也案拖四載幸賜速轉俾姦夫姦婦速正典刑四寅昭雪免死庶足快人心而彰刑憲

勤情偽於供所不及之露故能使覆盆者立明含沙者立吐何必鈞致何必嚴刑

邵厚菴

禳疫牒城隍文

鳳郡自去年秋水為災田禾淹沒民無所食流離困苦賴

皇上撫賑兼施百計安全至於今而尚存者皆飢寒轉徙之餘也幸際麥熟得就口糧而瘟疫遽起流行傳染或一室數人或舉家盡病死喪相藉慘怛號呼不絕於耳守土者於此卹乎有深痛焉夫民不得責之守守不得則籲之神維神與守共此民者也守之德薄能解又多罪戾

三 玉山文鈔卷四

三

不能至誠動天以弭災患維神下通民隱上達天心其為民請命蕩之清風震之雷霆俾疫厲之氣消歸無有民用以寧不然大災之後甚以大疫天厲不收邪氣四布日見寡人之妻孤人之子鰥人之夫慘目傷心漠然不動豈惟守之戾神亦與有責焉今以仲夏某日率所部文武吏士齊沐恭禱神前維神其哀矜而速救之以甦民困以道守愆情迫辭激無任干冒悚惶之至謹牒

灾疫相仍民不堪命不得已而籲之於神亦是救世苦心。情詞迫切俱從惻隱中流出章容谷

先自責而後責之神詞嚴義正異於媚禱之文 秦西岩

男兆龍成龍騰龍校字

孫男大齡椿齡安齡保齡長齡喬齡全校

三 玉山文鈔卷四

三

玉山文鈔卷四

吳郡顧蘭輝手錄

玉山文鈔附刻

射陽 項樟 芝庭

堂事隨判十八則

令四川大竹萬縣及湖址黃岡麻城時作

游何氏與夫角口逃匿比隣周貴臣家三日其夫華先廉得之以拐姦控何氏供係自逃因被姦宿貴臣不認夫李下瓜田嫌疑當避婦未可刻留也胡為一再信宿而不返璧且既金屋藏嬌而謂醉翁之意不在酒其誰信之拐逃屬假藏姦是真貴臣重杖何氏拶指懲逃且戒淫也

玉山文鈔附刻

純是書卷氣 鄭石幢

不可同室而居者僧道也黃世琳招梁道於僧澄亮之菴是欲步虛聲者更梵唱魚山矣第恐面壁痴僧不敵飛仙妙訣速駈梁道杖懲世琳明快 劉九晚

李氏一老嫗耳其夫甫歿尚有二子一媳雖不能松柏其操何至狗彘其行方為何宅安姦通旋被鍾明臣誘嫁詩傳衛有七子之母猶不能安於其室李氏亦行古之道與何朝秦暮楚尤

甘淫賤也夫雞皮鶴髮難入花叢乃猶膏夜私奔故張情實竊恐相如之琴欲碎而東施無鹽輩且羣起而爭媚取憐也豈不令人絕倒李氏既願醮何子安侯明玉不能以子而回母歌聖善焉爾他何說焉所得財禮留為撫子宅安責逐明臣不堪杖杖其子以代餘都省釋是案也婦係衰老媒則蘧除豈姻緣簿中醜婦臨妝應用是牛鬼蛇神作月老與不然何其巧相合也

蘊藉風華涉筆成趣 夏禮谷

玉山文鈔附刻

事絕醜乃得此風雅判 許陶村

麥用照鰥夫也半生未娶版築為營本無掌上之珠欲贅東牀之婿指游女為愛女偷許絲蘿擇李郎作玉郎自居泰岳傳紅通簡誰識就裏機關埋土團沙竟造空中樓閣迨盈門輒至真父母驚起夢中一紙星追假婿翁思逃局外弱河已難渡矣泰山其無頽乎鞠訊既明麥與捏媒分別杖懲游女依然完璧也夫川俗孀婦行徑往往不可測今而後鰥夫亦足慮矣吁巨測

哉

駢體以輕圓出之如讀香山甲乙判馬斐亭

事則蚤樓海市文真石破天驚吳山夫

陳氏為西門堡兵妻與剃頭之李公選通豈愛其修容妙手善畫雙蛾耶何狂童計狡猶約偕逃竊彼美於西方竟闢門於半夜可謂色膽如天矣陳氏之姑袁氏驚問何人婦輒詭以間壁張三應之隨從公選逃匿老媪憤憤不知其指鹿為馬也遂扭張出控余竊疑之私約必密也

玉山文鈔附刻

三

淫奔必偕也未有身願相從而肯先以其人告者亦未有文君在塗而相如猶在室者固知竊婦而逃必非西廂君瑞矣然非梁邑獲解而李冠張戴幾幾不免雖然張三亦風流浪子也據供向曾因姦角口而陳氏則指為是夜亦來或者偷香竊玉爾我不約而同公選特為捷足者先得耳合依刁姦杖枷張三亦懲不應陳氏應聽夫領去第而今而後羽檄星飛不可弛也香閨鎖艷亦毋或疎慎勿公爾忘私使梁山小李

復來窺伺也公選梁山人

一面照膽鏡夏醴谷

巧不傷雅可云為政風流濮鐵岩

毒矣哉陳啓仁之報竊也獲袁見賢等四人出首指為黑夜偷竊鳴之四鄰驗有辟孔皆鑿鑿有據四人其何從置辨然竊有疑焉伊等果屬跖徒當事主驚覺有鳥獸散耳否則用強生事將有不甘於啟仁者豈反不能自脫而雙雙待縛天下必無此駭賊且啟仁止父子兩人即有

玉山文鈔附刻

四

兼人之勇而明非離婁亦難逞技於暗室倉卒中顧使四人無一漏網且各受榜掠不堪此豈理勢之可信研訊見賢等為尋李三兒事三兒即與啟仁是日角口驚逃者至夜未歸賢等執火徧覓現過羅登三譚大家問訊不意前行火滅四人以為昏夜叩門戶求水火無弗與者詎意即逢孽冤反蹈飛蛾投火之禍乎語言雀角啟仁父子即高門縛之拳棍交加呼鄰捉賊裝點具報鏡審之下究難逃遁而啟仁猶咄咄伸

辨因呼四人當堂急走而令啟仁父子追之啟仁不能及其子及一隨被脫去噫嘻捉賊何事晝且不能何況於夜一且不獲何況於四反覆窮詰啟仁始俯首認罪矣夫啟仁父子與伊等非有深仇大恨也胡既恐嚇其小兒復漁網其主伯狠已同於青面心更毒於綠林杖枷坐誣有餘恨焉李某扶同並管

晝且不能十六字一字一珠 劉東溟

層層駁詰直使無躲閃處 戴經在

三口文鈔附刻

五

髮間白矣難言綠鬢青絲掌且汚乎不是柔荑纖手欲標貞白伸素紙以無言 川北一帶婦人往往以白紙手

印鳴故矢堅操寄傷心於一縷豈知中塗變卦

莫逃秦鏡懸空該婦已甑破前朝本縣難瓦全

今日速歸理髮母自厚顏

鏤刻精工 張冠村

人即強暴斷無道路而膽行強姦者况在白日哉則包氏之報張五固不足信矣且強姦必問裂衣毀裳或孤其肌膚有強之可驗而包氏一

一無恙從何推究據供所執疋布被伊搶奪夫張五欲漁其色胡利其物狀漁色不得而假物以解嘲亦情之所或有不然而胡包氏咬定不移而張五亦無能解免於一布也獨惜地非漆洧女異懷春而張五謬希芍蘭之贈焉強姦雖假調戲屬真急予杖枷以懲狂豎

明眼觀定斷制截然若遇操切輩未免鍛鍊

成獄矣壞名節入重辟此中關係匪輕 李良齋

傅鄧氏尤物也夫久不歸姦情敗露歸傅不得

三口文鈔附刻

六

歸鄧亦難合依夫逃改嫁之例庶可過淫氏父孚五因擇李生其妹傅文茂又擇葉生互爭不決夫李與葉皆翩翩少年也欲訂良姻豈無佳偶顧向殘花敗柳中而爭為奇貨亦惑矣且安知不風情如舊而前渡劉郎今又來耶葉既訂聘在先准其配合禮金給氏小妹僕古領太李生挾貲別娶或可更獲良緣塞翁得失之間亦正難分禍福矣

李生大幸 鄒峻菴

產私孩者呂氏三秀姦三秀者師巫陳漢英也
三秀新孀與大伯許獻達折爨而居不相往來
漢英以師巫之技為鑽穴之媒兄妹相稱幽期
密訂不知幾何日矣去歲九月漢英之妻尚來
三秀屋內喊鬧近隣許開成親見勸回至臘月
復請漢英為夫除靈獻達尚在不知三秀因產
私孽為父所逼遂舍漢英而賴獻達不知是誠
何心據供新著花鞋而大伯斥之因此成姦夫
以孀婦而著花鞋先已自賣風情獻達調姦有

玉山文鈔附刻

七

心正可以戲語成之豈肯轉作莊語以塞情竇
乎即此可定獻達必無姦婦之事陳漢英以異
姓結契時來夜宿激其妻生妬衆隣共知姦情
已顯合依和姦律男女各杖三秀之去留聽伊
父呂子大伯許獻達主持但不許坐產招夫起
後日爭端也

可令頑石點頭 阮薑村

先斷後叙局更變換 貢文閣

徐氏屢逃屢獲而故智不悛身似落花情同流

水翼上明其奈此憊妻何本年六月初一日婦
又携子不見矣上明踪跡據馬文貴稱十一日
於李滿門首見之因控到案李滿矢口不承夫
李翼住址相距止二十里許婦逃經旬何仍逗
留近地且李果知情藏之惟恐不深豈肯漏洩
春光來東隣之窺伺耶又况牧牛短豎詎知竊
玉香閨蔽雨數椽不是藏嬌金屋事屬疑竇木
難刺舟查詞連之何大乃素來往翼家最密者
反覆鈎致而情不吐詎意人雖逞巧天忽敗謀

玉山文鈔附刻

八

練正祥有誤娶生妻之控矣娶者何即上明之
妻徐氏也誤其娶者何即詭名某氏之何大也
天生橋畔人約黄昏一碗水邊媒傳紅葉朱絲
白鐵假婦翁獨快腰纏繡幙鴛幃活人妻重欣
帶結迨情酣枕席氏吐蘭真識破機關郎驚蝶
夢寧割愛河於此日母催情網於他時練因訴
紙鳴公婦遂和盤托出何大尚何說之有獨恠
馬文貴非繪水繪聲之手忽作無形無影之供
脫非鞫訊虛裏真人出現竟捨傳粉之何郎而

桃將李代也豈不冤哉何大等應坐和誘新例姑念身已染病上明亦急欲得其婦他去後寬免詳何大與知情之廖德先等分別枷責追銀給主并笞徐氏以懲淫行杖文貴以戒口過

如織天孫之錦 鄭南溪

練正祥未首之先此案甚難剖決李滿既疑非其人何大亦無從指寔故不難後此水落石出時之判斷而難於藏踪潛影時之虛公司民社者誠三復於此則思過半矣 馬斐亭

三山文鈔附刻

九

謝聖章之娶管氏咄咄異事哉婦既聾啞且缺陰陽當訂婚之初聖章憤然不知迨入門之後方快鵲橋雙渡誰知鸞鏡空懸即欲惹情牽其奈此鐵石人何尤可怪者婚書載有女變男身不得返悔之語噫此特筆也婚書中不少概見尤屬明知夥騙法所難寬主婚孫吳雲與媒人蔣玉先等分別波杖追還財禮管氏完璧歸趙聖章居然魯男子也

事堪夫笑判更絕倒 甘寶摩

敖應昌之妻唐氏淫婦也與徐以珍通姦於母家半載身懷私孕應昌屢接不歸曾控到案將以珍杖懲斥唐氏歸夫家約束甫經兩月唐氏以臨盆在即敗露醜情復商同以珍藏古廟中欲為金蟬脫壳之計一洗前污而以珍鰥夫亦樂得借種藍田居為奇貨固不徒幽期密約倩佛囉之成就也詎知瓜熟未落於園中春色先拋於墻外旋被蔣斌等查覆與敖應昌前後控報到縣研訊男婦委因私孕起見並無誘拐等

玉山文鈔附刻

十

情合依刁姦律滿杖照例枷號一個月唐氏暫令伊夫領回俟產後百日發落聽其去留唐宗高知姦不告合杖

隱微之事一筆鉤出是識力過人處 冒甚原

顏美玉之女果顏如美玉哉宜其韞匱而蔽無為銜玉求售胡既幼許劉石兒今又浼媒議禮許曾貴為婚石兒急控隨訊媒中皆有確據噫曾貴其何以為情哉涉漢相邀方快藍橋已近乘槎將至俄驚弱水難通幸值崇朝無嗟玉碎

倘永今夕豈能瓦全亟杖反婚追禮銀給主女
歸前夫

飄洒欲仙 王涓白

斷制典雅 鈕梅亭

邱瑞榮之娶孀婦余氏據供貌醜非當日親擇
者及觀余氏又儼然少婦也色非衰而愛遽弛
幾令人不可解叩婦言俛而不荅時復喃喃然
豈鶯聲燕語固羞溢於琴堂鶴署間耶噫嘻雖
非以鹿為馬要豈作啞粧聾細詰主婚真情出

三山文鈔附刻

十一

矣伍瑞彩等依律婚姻妄冒者杖離異追還財
禮第怪瑞榮不能辨其啞而轉言其貌之陋我
恐別有藏嬌亦難與余伯仲矣若邱生者固可
謂聾於耳而又瞶於目者也

不明言婦啞而假云換嫁幾令堂上茫然再

叩無聲 黃望濱

高世泰一羈旅耳劉國英認為同鄉以其妻周
氏結拜義妹留之同居而身往塾邑貿易是開
門揖盜國英先不得辭其責矣迨逾月回家不

見其妻孥以誘拐控差緝半載獲世泰周氏於
渠邑地方堅供因債逼挪移並未遠去夫欠債
者劉於高何與而偕其妻子別逃哉且逃以避
債胡乃乘機苟合并其子若女亦撫為已有脫
偵緝不至彼將永諧伉儷而置國英於不問也
謂非姦拐其誰信之第查搬移之地去原宅僅
三十里許拐果情真則此半年中挈婦他往不
知幾歷山川都邑以匿其踪顧肯逗遛咫尺以
待束縛雖至愚不出此總之世泰與周氏明結

三山文鈔附刻

十一

兄弟隱圖夫婦假避債之名遂私別室國英未
原璧可返未來則瞬息歡娛皆拜劉郎之賜巧
計深謀固在姦而不在拐也合依刁姦律男女
各杖庶無枉縱國英顏面已破亦足贖其約束
不嚴之罪矣免杖

真是洞見癥結 夏禮谷

情事乃爾非故為姦人出脫尤難其筆曲而
達 鄭石幢

照膽照心之鏡繪聲繪影之筆 徐蘋洲

楚俗聯婚無庚聘但憑媒作揖為定余宰黃岡
有陸生粲控張奇遇賴婚原媒既故歷官不能
決奇遇女雖他許亦不敢嫁時余往邑之團風
鎮徵漕兩造即鎮人就近傳審觀者千人余心
擬眾必確知隨諭觀者盡趨右余移案稍左因
宣言於眾曰陸張婚姻難瞞眾論婚果真汝等
趨左否則立不動言甫畢哄然咸趨左因呼眾
詳問婚事得實謂奇遇曰此團風千人斷也奇
遇窘目女觸階流血左右趨救余止之謂女背

玉山文鈔附刻

三

夫盟觸死無害女頃止奇遇亦無辭即命鼓樂
花紅送往成親是判也亦取為劉左袒之意與

歷官不決之獄非得千人証佐亦難間執張

奇遇之口左袒事善用古法 許陶村

麻城岳氏女為程家郎酒醉姦污其母以強姦
控經三四任不決余令黃岡時兼攝縣事提訊
女供徃程家摘花被伊執手灌醉強污其母怪
是夜不歸詰故出控余曰女及笄而採花鄰舍
先已自賣風情況程郎以一手按納一手灌醉

女即柔弱難支而口吐不茹亦不至於醉不醉
即不至於姦且強姦何事不急訴其母而待盤
問始告以此窮詰女曰怕羞噫嘻含羞忍耻尚
得謂之強哉因判曰岳氏女酒不醉人人自醉
程家郎色不迷人自迷以和姦發落

駁詰處一棒一痕一噴一醒 阮薑村

男兆龍成龍騰龍校字

孫男大齡椿齡安齡保齡長齡壽齡全姦

玉山文鈔附刻

古



ZW 21101000822954

先君子博學善詩文年十三四即下筆如宿構
癸丑成進士已未入仕籍宦遊梁益秦晉吳楚
間垂三十年凡地方利病政治舉廢與夫平日
孝友睦姻任卹之心無不徵諸實事而達之文
章嘗自言學問不本經濟於世何裨又云作文
要有骨子詩宗杜陵蜀道雲棧諸篇雄奇激宕
真得山川之助而濠上救災督賑摹寫懇至處
亦不減垂老無家石濠諸什顧性矜慎不欲以
文見有所作輒隨手散佚成等雖屢請收輯付

跋

梓故故不許守鳳之九年河渠既導年豐政暇
會陶村許年伯來掌淮南書院教與廣文同里
吳山夫先生先後憇憇始允編輯斷自入官以
後開雕於辛巳七月既望甫三月成以貢試赴
澄江刻工亦迫歲暮散去明年春將續前事而
先君倏朕下世成等肝腸崩裂不特散失他所
者一時不能收輯即橐中稿件亦無從詮次謹
就已刻者分為詩鈔四卷文鈔四卷附刻一卷
其他成等所得知者詩如山東道上擬樂府三

十二章家居詠史古風十六首煮鹽八韻黃州
唱和集蒲東退食吟文如遊岑公洞記赤壁紀
遊蜀道紀程鳳陽登荅興禁事宜請借牛犂籽
種議濬河善後事宜喜宿靈虹開河後連稔記
蠲積欠紀恩以及黃州蒲州鳳陽諸日記姑俟
伯兄滇南歸再謀續刻嗚呼先君子性無他嗜
公事之暇輒執一編如老諸生凡詩古文欣於
所遇觸手而成均能信今傳後成等方擬次第
編輯即文章即經濟先君子聿觀剞劂之成或

跋

自愛其精神所積為之撫摩展玩以娛晚境而
草創未終遽不及見杜子美云千秋萬歲名寤
寤身後事豈不痛哉裝池畢敬綴數語誌成等
抱恨終天並詩文鈔未克備鑄寔成等之責無
可逭云乾隆壬午四月下浣男成龍騰龍苦次
謹跋